

FIRPO

2079

BIBLIOTECA NAZIONALE  
TORINO





*chi l'a pi 'd fil farà pi 'd tella*

*Ex libris*

LUIGI FIRPO

11.4.33.







**ADNOTATIONES  
BIBLIORVM SACRORVM  
INTERPRETATIONI**

**A**

**SEBASTIANO CASTELLIONE**

**SPARSIM SVBIVNCTAE**

**HIC VERO COLLECTIM EXSCRIPTAE**

**CVM**

**CONTINVATIONE HISTORIAE**

**AB ESDRA AD MACHABAEOS ET**

**INDE VSQVE AD CHRISTVM**

**NEC NON**

**EIVSDEM DELINEATIONE REIPVBLICAE**

**IVDAICAE EX IOSEPHO**

**ACCESSIT IN NOVA HAC EDITIONE**

**SVPPLEMENTVM HISTORIAE**

**A CHRISTO AD VLTIMVM EXCIDIVM**

**HIEROSOLYMITANVM**

**EX LVDOVICI CAPELLI**

**HISTORIA APOSTOLICA**

**QVI BREVE HISTORIAE IVDAICAE COMPENDIVM EX IOSEPHO**

**ADIECIT EXCERPTVM**

**IAM EX PRIMIS EDD DENVO EMENDAUIT**

**IO. LVDOLPH. BÜNEMANN**

**REG. BIBLIOTH. ET GYMN. MIND. RECTOR.**

---

**LIPSIAE**

**SVMTIBVS SAMVELIS BENIAM. WALTHERI**

**CIO 13CC XXXVIII.**





# QVAE VIA SIT RECTA AD INTELLIGENDAS SACRAS SCRIPTURAS.



*Quemadmodum homo constat ex corpore et anima, ita ut sit corpus animæ domicilium: ita constant sacrae litteræ ex littera et spiritu, ita ut sit littera quoddam quasi spiritus domicilium. Et quemadmodum hominis corpus videre, et vocem audire possunt bestiae; sed eius animum aut orationem per-*

*spicere nequeunt, quippe quæ non sint eadem anima prædita, cuius oculis ita cernere valeant: sic sacrorum scriptorum, (quæ ad verum hominem instituendum atque condendum prodita sunt,) litteram videre et verba audire possunt impii: sed quis sit litteræ spiritus, et quo spectet divina mens, ii soli intelligunt, qui eo spiritu præditi sunt. Impii quidem non magis eum vident, quam bestie sermonem hominum, quorum tantum voces paucas, et eas vix intelligunt, exclamationes, increpationes, adhortationes, minas. Sic impii vident in sacris litteris quid narretur, quid iubeatur aut vetetur: sed spiritum et quasi medullam litteræ non habent. Ut enim hominis negotia solus hominis spiritus novit: sic Dei negotia nullus scit, nisi Dei spiritus, et quem spiritus docuerit. 2. Cor. 2. Docet au-*

*tem is spiritus neminem, nisi docilem : hoc est eos, qui per fidem ad Christum, iustitiam nostram accedunt, humiles, demissi, et parati, relicto iudicio carnis et sua voluntate, Dei voluntati obtemperare. Hæc demonstrari possunt multis oraculis et exemplis, ex quibus nonnulla adducam, ut ostendam peccatum, humanamque sapientiam et amorem sui, in causa esse, ut homines res diuinas non intelligant: et quo quisque longius ab iis recedit, eo magis rerum diuinarum esse peritum.*

*Primum et maximum oraculum est, quod Adam, antequam peccauit, habebat Dei diuinarumque rerum cognitionem, adeo ut bestiis nomina secundum suam cuique naturam indiderit, et ortum feminae ex sua dormientis costa creatæ statim cognouerit, ac de ea vaticinatus fuerit. Idem postquam peccauit, carnisque iudicium et sensum secutus est, incidit in tantam ignorantiam, ut sese a Dei conspectu absconderet inter arbores : quæ certe magna cæcitas erat, velle Dei, omnia videntis, oculos latere. Ac quod in Adamo, idem in eius quoque posteritate deinceps factum est, ut si qui fuerunt Deo credentes et obediētes, hos Deus adsciuerit et suam voluntatem eis patefecerit : aliis non item. Exemplo sunt Henochus, qui quum secundum Dei voluntatem viueret, raptus est ad Deum : et Noa, qui quum esset sui sæculi iustissimus, ostendit ei Deus suum de diluuiō institutum, rem sane maximi momenti : quod idem fecit postea in Abrahamo, ut ei suam circa Sodomam et Gomorram voluntatem patefaceret, cuius rei causam ipse Deus tradit hanc : (Genes. 18.) Egone ut Abrahamum celem de eo, quod sum factururus ? quum sit Abrahamus gentis maximæ et potentissimæ futurus auctor, quumque in eo omnes orbis nationes sint felicitandæ ; nam certo scio, suis eum liberis, et porro suæ in posterum stirpi præcepturum esse, ut, ad Iouæ normam vitam dirigentes, iustitiam colant atque ius, ut Ioua Abrahamo promissa præstet. Idem scripsit Dauid : (Psal. 25.) Si quis homo est, inquit, qui Iouam metuat, huic ille viam demonstrabis, quam eligat*

et ipse in bonis versabitur, et eius posteritas terram possidebit. Iouæ metuētibz patefiet eius arcanum atque sēdus. Item illud (Psal. 119.) Sapientiore me, quam sunt hostes mei, reddidit tua disciplina, quam perpetuo habeo: plus sapio, quam mei doctores vniuersi, quod oracula tua mea sunt meditatio. Senes intelligentia supero, quod tua mandata teneo: ab omni via mala contineo meos pedes, vt tuis dictis paream, cet. Item Solomo (Prou. 1.) Iouæ metus, inquit, caput est scientiæ: sapientiam disciplinamque stulti contemnunt. Et idem Sap. 1. In malitiosum animum non intrat sapientia, nec habitat in corpore peccatis obnoxio. Sanctus enim disciplinæ spiritus fugit dolum, et ab imperiis cogitationibus abigitur, et iniustitiæ aduentu confutatur. Et Siracides Eccl. 1. Sapientiæ plenitudo est metuere Dominum, eaque homines fructibus suis exsaturat: suam domum omnem suis deliciis, et cellas prouentibus replet, quod virumque Dei muneris est ad felicitatem pertinens. Sapientiæ corona est Domini metus, pacem germinans et salutarem incolumitatem: cuius amatores gloria abunde exbilarat. Sapientiæ radix est, metuere Dominum: rami autem grandæuitas. Item Eccl. 3. Multi quidem præstantes sunt, sed modestis patefiunt arcana. Item Eccl. 43. Fecit omnia Dominus, deditque piis sapientiam. Et Esaias cap. 8. Prome oraculum: obfigna disciplinam apud discipulos meos. Et idem cap. 29. Postquam in Israelitarum flagitia inuectus est, quæ in causa erant, vt diuinam doctrinam intelligere non possent, sic loquitur: nam vos Ioua ea veterni aura obruit. Item in Ezechiele cap. 43. post descriptionem templi, (in quo Christianæ religionis arcana adumbrantur) sic vatem adloquitur Deus: Tu homo expone Israelitarum generi templum, cet. Et Danielis cap. 12. Expurgabuntur, dealbabuntur, et explorabuntur multi, et impie agent impii, nec intelligent vlli impii: at periti intelligent. Et Oseæ 13. Qui sapiens et prudens eris, cet. Item in Novo Testamento eadem traduntur. Christus externos non nisi per parabolas, hoc est, figurate et tectis verbis adloquebatur: suis autem discipulis, hoc est, credentibus, caritate præditis, obedi-

dientibus et eum sequentibus omnia postea seorsum exponebat Matth. 11, 7. Ioan. 5. Paulus ipse rem totam paucis verbis absoluit 1 Cor. 2. Nam quis hominum scit hominis negotia, cet. usque ad finem. Ex his aliisque multis locis adparet, Dei mentem et arcana consilia, in sacris litteris latentia, solis fidelibus, piis et religiosis Deique spiritu præditis esse nota. Est enim Deus Rex, qui sua consilia non nisi fidelibus amicis suis patefaciat, quemadmodum reges ipsos mundanos facere videmus. Itaque licet obseruare ab orbe condito, non nisi pios admissos esse in Dei consilium. Supra commemorari Henochum, Noam, Abrahamum: idem licet dicere de Isaaco, Iacobo, Iosepho, Mose, Iosua, Samuele, Dauide, ceterisque varibus et apostolis, Dei seruis, quibus, siue illitterati, siue litterati fuerunt, voluntatem suam patefecit Deus, et mentem ad intelligendas scripturas aperuit. Luca 24. Impii vero et suo iudicio nitentes, etiam si omnes litteras tenuerint, litterarum spiritum numquam intellexerunt, sed potius persecuti sunt, quemadmodum eis exprobrat Stephanus Actorum 7. O duricervi, cet.

Quod si quando impii vaticinati sunt, aut de rebus diuinis et spiritualibus locuti sunt, quales commemorari possunt Balaamus, Saulus, Caiaphas, scribæ et pharisæi, tamen ii Dei mentem et spiritum non vere intellexerunt, sed sic de rebus sibi ignotis locuti sunt, ut si quis Gallus, Germano verba præeunte, germanice dicat ea, quæ ipsemet non intelligat. Videtur hoc indicare Christus, dum dicit: in cathedra Moysis sedent scribæ et pharisæi: quæ dicunt, facite: dicunt enim, et non faciunt. Atque idem de iisdem alibi: Sinite eos: cæci sunt, cæcorum duces: iubetque eorum fermentum cauere. Quasi hoc dicat: Quod Moysis præcepta docent, eis obediendum est: sed quod eorum præceptorum mentem et spiritum, qui a me profertur, non vident, sed repudiant, cæci sunt. Exempli gratia: Scripsit Moyses: honora tuum patrem atque matrem: hoc dum docent, obediri debet. Sed dum hoc idem præceptum suis sophismatis adulterant, et natos a vera parentum honoratione sua falsa et auara interpretatione abstrabunt,

caci sunt, Deique praeceptum violant. Matth. 15. lidem dum docent ritus et sacrificia, ex praescripto Moysis obeunda, sequendi sunt: sed dum me, qui illorum rituum et sacrificiorum mentem et spiritum aperio, reiiciunt, et littera inani scientia inflati eam tenacius retinent, littera veritatem atque sensum, et Dei voluntatem repudiant, neque legem vere intelligunt: si enim intelligerent, certe Christum, qui finis legis est, non respuerent. Neque vero solum impii non intelligunt Dei spiritum, sed et si quis est, cui sit aliqua data eius cognitio, is nisi in ea dat operam ut crescat, amittit eam ipsam, quam habuit cognitionem: id quod indicat Dominus, dum iubet ei, qui non feneravit, eripi minam, et ei dari, qui habet decem: nam habenti dabitur, et ab eo, qui non habet, etiam hoc ipsum, quod habet, auferetur. Id videmus accidisse Saulo, qui quum Dei spiritum haberet, eo propter suam inobedientiam priuatus est, euasitque propterea septies deterior, quam fuerat umquam.

Quae quum ita sint, ego omnes, qui animum ad sacrarum litterarum studium, cognoscendamque Dei voluntatem adplicare volunt, exhortor, ut id faciant, qua via quoque modo fieri debet. Primum ut vera esse credant, quae ibi scripta sunt: nam nisi credent, non intelligent, sed sacras litteras profanas ducent. Deinde, (qui fidei fructus est,) ut voluntatem suam voluntati Dei subiiciant, parati facere, quidquid iusserit Deus, siue id sit dulce siue amarum: siue leue siue graue, siue facile siue difficile. Est enim ea natura fidei, (per quam seruari nos oportet, et sine qua Deo placere non possis,) ut hominem non solum iustificet, et ei peccatorum remissionem per Christum conciliet, sed etiam, nouum ei conciliando spiritum, eum potestati diaboli eripiat, et Dei seruicio emancipet. Fides, inquam, corda purificat, hominemque ex iniusto reddit iustum, ex inobediente obedientem, ex carnali spiritualem, ex terrestri caelestem, ex impio pium: breuiter ex vetere homine et filio tenebrarum facit nouam creaturam et lucis filium, qui, abiectis operibus tenebrarum, induat arma lucis, et iustitiae fructificet, sicut antea fructificauit iniustitia. Hae igitur fido.

*fide et mente et voluntate si quis præditus ad sacrarum litterarum studium accedet, is siue eruditus erit siue ineruditus, siue pauper siue diues, siue mas siue femina, (personarum enim rationem non habet Deus,) eas vere intelliget, et cum fructu leget, fietque inde indies melior, et ibi eos celestis sapientiæ thesauros latere mirabitur, quos numquam suspicatus erat. Sin aliquis voluntati suæ obedire, et humanam, hoc est, stultam sapientiam retinere, neque suis vitiis et peccatis renuntiare velit, sed tantum vel credere vel exsequi, quantum eius libidini et carni libebit, is sua praua voluntate cæcatus, sacrarum litterarum spiritum non videbit: sed eas non sequens, verum ad suam libidinem trahens atque torquens, et inde suis peccatis præsidia et tegumenta et patrocinia undique conquirens, nihil aliud consequetur, quam inanem litteræ cognitionem, qua inflatus, reddetur indies quo peritior eo perditior, ut habet germanicum prouerbium. Hoc accidisse videmus scribis et phariseis, qui quum sacras litteras profiterentur, et in earum lectione et studio essent adfidei, tamen quia vitiis et voluntati et iudicio suo renuntiare noluerunt, ab earum mente et spiritu usque adeo aberrarunt, ut Christum, earum verum diuinumque interpretem crucifixerint: atque hoc idem accidet omnibus sic animatis et sic compositis, ut illi fuerunt. Quare agite, o vos omnes, qui sacros hos libros in manus sumitis, abiicite profanos animos: credite Deo: renuntiate voluntati vestræ, et vos submisso, sequaci, obsequenti et plane puerili, hoc est, docili animo sic informandos Deo tradite, ut puer ludimagistro facit: atque eodem animo Deum assidue orate: nec prius desistite, quam optata fueritis consecuti: nam quisquis quarit, inuenit, et qui petit, obtinet, et pulsanti aperitur. Hac una via Dei voluntatem percipietis, et secundum eam viuentes, vestramque repudiantes, et contra vos ipsos pugnantes, per fidem, in Iesu Christo seruatore mundi collocatam, peruenietis ad vitam æternam.*





ADNOTATIONES  
**BIBLIORVM SACRORVM**  
INTERPRETATIONI

A  
**SEBASTIANO CASTELLIONE**

SPARSIM SVBIVNCTAE  
HIC VERO COLLECTIM EXSCRIPTAE

CVM  
**ARGVMENTO**  
IN SINGVLOS LIBROS.

---

**GENESIS.**  
**IN TOTVM GENESEOS LIBRVM**  
**ARGVMENTVM.**

*Vniuersi creatio. Diei septimi religio. Homo in pomario, rerum dominus.  
Arbor negata. Formata mulier. Ambrum lapsus. Anguis miser a Seruatore.  
Adamus exsul. Abeli cades. Enos pius. Adami mors. Translatus Enochus.  
Arca. Diluuium. Noe vinea, ebrietas, irrisio, mors. Babeli turris, lingua  
multa. Abrahami error, ara, fames, discrimina cum Lotho disidia, cum Abi-  
melecho gratia, fides. Ex Agara spuria proles: ea in heram insolens, fugiens.  
Cum circumcissione sœdus. Absoluta Abrahami et Sara nomina: horum conui-  
ua angeli: promissa proles. Anus risus. Mine in Sodomaos, horum furor, sum-  
tum exemplum, incendium caeleste. Lothi fuga: coniugis calamitas: illius in-  
cestus. Isaacus natus, circumcissus, victima, sponsus. Secunde Abrahami  
nuptia, mors. Ismaelis gens, mors. Iacobus et Esau gemelli: vis huius vena-  
lis, subrepta felicitas. Iacobi scala, votum. Iacobi seruitus, merces, fuga.  
Rachelis rapta idola. Iacobi ad fratrem dona, lucta: unde Israel: vitiata Di-  
na. Sichemita circumcissi, mox casti. Rubeni incestus. Isaaci finis. Iosephi infornia,  
seruitus. Iude cum Tamare incestus. Fames in terris. Iosephi fauor, castitas,  
calumniæ, carcer, visorum peritiam, in fratres benignitas, ars, clementia, im-  
patrem pietas. Regis in senem merita. Aerarii per Iosephum locupletatio. Ia-  
cobi vaticinium de Christo moribundi, mors, funus in Aegypto. Iosephi mors.*

A

ADNO.

## ADNOTATA.

CAP. I. v. 5. *Exstitit ex vespere et mane dies primus.*) Id est, exstitit dies primus, qui constat ex nocte et die. Hic enim pars pro toto ponitur, vt apud Danieleni vespersomatutina, pro diebus: et apud poetas quatuor autumnus pro quatuor annis dicuntur. Incipit autem dies a vespere, quod tenebræ ante creatam lucem fuerunt, eumque ita Hebræi auspicantur: quod idem olium facere Gallos tradit Cæsar, et Germanos Cornelius Tacitus.

6. *Liquidum inter aquas*) קִיִּי a diducendo dictum: significat liquidum, quod tantum ab aere siue cælo differt, quantum lux a die, aqua a mari, siccum a terra. Nam quum hoc aquam superiorem ab inferiore diuidat, et constet, aquam inferiorem esse mare, necesse est, vt hoc liquidum sit aer, qui etiam a poetis latinis liquidum vocatur, hebraico more, quod elementum mari coniunctum est. Quod enim duo extrema vel disiungit, vel coniungit, id vtrumque tangit. Aqua autem superior est pluuia, quæ quamquam supra totum liquidum, id est, supra totum cælum non est, tamen vt supra liquidum dicatur, satis est, si habet infra se liquidum. Nec vero consentaneum est, Mosem, quum hic de aquis nominatim loqueretur, nullam fecisse pluuiæ mentionem, quæ res est non parui momenti, et cuius mentionem Sibylla de mundi creatione loquens fecit; nec non Iosephus Mosem interpretans, dicit cælum factum esse pluuium. Nec aliud est, pluuiam supra liquidum dici, quam latine aquam cælestem. Itaque Plinius principio libri 31. de aquis ita loquitur: scandunt in sublimem, et cælum quoque sibi vindicant, ac nubium obtentu vitalem spiritum strangulant, quæ caussa fulmina elicit, ipso discordante mundo. Quid esse mirabilius potest aquis in cælo stantibus? Hæc Plinius. Eodem modo in 2 Reg. 21. dicitur aqua de cælo destillare, hoc est pluuiæ. Est autem animaduertendum, quod græce aer et æther et ἄραρος dicitur, id ab Hebræis vno liquidi, siue cæli nomine comprehendit. Latini quoque totum hoc cæli nomine comprehendunt. Quod si quis periuicacius negat, hoc, de quo hic Moses loquitur, id esse, quod græce aer, latine cælum dicitur, ostendat, quidnam sit id, quod mare a superiore aqua diuidit, et quomodo vocent Hebræi aereni. Aliud, quod aquas diuidat, nihil est. Aerem Hebræi nomine græco hodie vocant. Quid, antequam esset lingua græca? id est, ante turrem Babel, quum sola esset hebræa? nullumne rei tam vulgaris habebant nomen? aut si habebant, cur non exstat in sacris litteris? At exstat profecto: estque tam idem קִיִּי et שָׁמַיִם, id est liquidum, aut aer, aut cælum, quam siccurreret terra; nec alia de caussa שָׁמַיִם, id est, cælum ab aquis deductum nomen habet, quam quod pluuiæ sedes est. Itaque scribit Moses, in diluio apertos fuisse cæli meatus. Hinc volucres cæli, id est aeris. Cælum autem secundo die fuisse creatum, ostendit Moses, qui dicit, Deum iussisse secundo die, vt existeret liquidum, atque idem docetur 4. Esdr. 6. his verbis: secundo die aeris auram creasti. Nam quod in propositione Moses cælum terræ præponit, dignitatis, non creationis habet rationem. Idem enim cap. 2. dicit: Quum terram cælumque fecisset Deus; vbi terram cælo anteponit. Ex quo patet, verborum ordinem non semper eundem esse, quem temporis. Et vero consentaneum est, terram tamquam fundamentum, prius esse factam. Nec necesse est, cælum, quia sit præstantius, propterea prius esse creatum; nam et bestię et stirpes, quæ sunt homine viliora, tamen ante hominem sunt creata.

9. *Adpareret siccum*) Quod Latini per neutrum, id Hebræi, qui neutrum genus non habent, aliquando per femineum dicunt. Hanc ob causam vetus interpres vertit arida, et græcus ξηρά.

11. *Pareret terra stirpes*) In hebræo est נָשָׂא, quod, si licet verbum fingere, significat stirpare, id est, stirpes creare: vt si dicas: stirpet terra stirpes; quomodo dixit Aristoteles in tertio de generat. animal. ὡς τὰ ἄνθρα τῆς γῆς, quomodo et viuere vitam dicimus; qualia sunt hæc gallica, enfanter, veler, cochonner: quæ latine sic redderentur, puerum, vitulum, porcellum parere. Multa sunt in sacris litteris talia, vt iurare iusiurandum, peccare peccatum, quæ sunt latino more dicenda: id quod semel adnotasse, sit satis. Sunt autem stirpium tria genera, arbores, frutices et herbe: sed frutices in arboribus comprehendit Moses. Vocat autem arbores fructiferas, et herbas frugiferas, non quod sint omnes fructuose, (quamuis omnes semen habeant,) sed quia earum proprium est fructus ferre: vt quum pisces dicunt squamigeros poetæ, quod piscium proprium sunt squamæ, non tamen omnium. Præterea his verbis fetifica vis datur stirpibus, eodem momento, quo creantur, quæ vis animalibus separatim data est.

20. *Natatiles animantes*) Græci ὄφεις, Latini reptilia verterunt. Sed eodem verbo vtuntur etiam in eis, quæ ex terra quarto dio orta sunt, vt, reptilia et ex aqua et ex terra orta esse videantur, id quod absurdum est. Hebræum est נָשָׂא quod Leuitic. 11. dicitur de piscibus, & de volucribus multipedibus, doque serpentibus. Nos tam late patens verbum non habemus. Sunt tamen hæc, vt rei natura, ita verbis quoque apud Latinos etiam confinia. Nam et nare per aera aues poetice dicuntur, et Dædalus remigio alarum Insuetum per iter gelidas enauit ad arctos. Igitur ex aqua orti sunt pisces, et volucres tum bipedes tum multipedes: ex terra autem pecora, bestię terrestres, et serpentes, quæ serpentes, verbo נָשָׂא significatur, quod tamen alibi moueri significat, et Psal. 104. natare.

26. *Faciamus hominem*) Videtur cum filio suo loqui, de quo sic Sibylla l. 8.

Huius consilio namque oliui primitus vsus,  
Sic ait omnipotens: Faciamus inagine, fili,  
Ambo de propria mortalia semina ducta.  
Nunc ego curabo manibus, tu denique nostram  
Effigiem verbis, vt opus commune struamus.

26. *Qui dominetur*) In hebræo est in plurali, Dominentur. Sed quum de toto genere loquatur, nihil refert, vtro numero vtare, dum loquendi consuetudinis rationem habeas.

CAP. II. Quæ in hoc toto capite traduntur, ea ante Sabbatum suis quæque diebus facta sunt. Sed Moses volens operi sexti diei perpetuam historiam attexere, quum in Sabbati commemoratione interpellaretur, sexto die creationem hominis breuiter perstrinxit; quam eandem iterum post commemorationem sabbatum adgreditur maiore exordio. Non enim, quod post sabbatum commemoratur, idem post sabbatum factum est, quum omnia sex diebus facta sint.

3. *Creauerat feceratque*) Ad verbum, creauerat faciendo (nam lamed sepe gerundium facit, vt 2 Reg. 19, 7. לְאֹהֲבָה amando) vbi duo verba eiusdem notiois ponuntur, vt in 1. Corinth. 12. ἡγεῖσθαι ἀπαγόμενοι, pro ἡγεῖσθαι καὶ ἀπαγεῖσθαι. Quale est Ciceronis illud: De manibus audacissimorum ciuium delapsa arma ceciderunt; hoc est, delapsa sunt, et ceciderunt.

4. *Ioua Deus*) Ioua sacrosanctum Dei nomen est, a verbo, quod esse significat, deductum, (vt ipse Mosi in rubo declarat,) nouen tantæ maiestatis, vt Iudæi, si quando id legendum occurrat, Adonai legant, quod Dominum significat. Hinc factum puto, vt Septuaginta κύριον sint interpretati, quorum interpretationem secuti sunt Apostoli. Docebant enim religionem, non linguam. Nos autem, qui, (quoniam vita breuis est,) linguam cum religione coniungere conamur, nobis interdictum non putamus, ne cum illis in vita consentientes, in sermone disertos sequamur, et Dei nomen proprium hebræum, (ne quid de eius maiestate decedat,) adhibeamus: quod quum in aliis propriis nominibus quauis in lingua fieri soleat, id nobis in hoc denegari iniquum videtur. Nam quod negant quidam, hoc sacrum nomen fas esse legi, hoc superstitioni iudaicæ relinquamus. Si enim Mosi scribere fas fuit, et nobis legere fas est. Neque enim scripsit non legenda. Qui autem dicunt, hæc puncta vocalia, quibus notatur, non esse eius propria, facile refelluntur verbis inde deductis, Iosaphat, Ioram, Halleluia, Esaïas etc. Quamquam nihil hoc refert. Neque enim verbi vis in latino sermone sita est, quomodocumque efferas, neque in hebræi sermonis punctis vocalibus, sed in etymologia, quæ manet eadem, utcumque pronunties. Ceterum si quis hoc nomen reformidat, per me licet Iudæos imitetur, et vbi Iouam inueniet, legat Dominum, sicut illi Adonai. Hoc quidem commoditatis habebit in translatione nostra, quod non dubitabit, vbi Ioua, vbi Adonai scriptum sit in hebræo, quod faceret, si Iouam interpretati essemus Dominum.

6. *Exhalauit ex terra vapor*) videlicet die tertio, quum iussit Deus stirpes nasci.

16. *Eique ita præcepit.*) Vtrumque alloquitur. Nam et cap. 1. vbi res eadem breuiter attingitur, dicitur Deus eis, non ei, esum permisisse stirpium; et cap. 3. Eua plurali numero dicit, Deus vos gustare vetuit; quemadmodum Lotus respicere prohibetur, quum tamen id ad vxorem quoque pertinere, pateat ex pœna. Est autem hic narrationis ordo. Adamum Deus fluxit: deinde adductis ad eum bestiis, Eua formauit: postea eos in pomarium intro misit, vbi fructuum esum permisit, quæ omnia die sexto facta sunt.

17. *Nam si ea vesceretur.*) כֹּרֶךְ pro si ponitur et alias sæpe, et 4. Ruth. et 2. Reg. 2.

23. *Os de ossibus, et caro de carne.*) Poteram vertere, (vt et primum feceram,) membrum de membris, et corpus de corpore. Nam כֶּסֶף et כָּשׂוּךְ non semper os et carnem, sed sæpe membrum et corpus significant, vt Psalm. 6. et 38. vbi dicit vates, se ossibus et animo ægrem esse. Neque enim ægrota sunt ossa, quæ quum nervos non habeant, non sentiunt. Et in Levitico sæpe iubet Deus homini lauare carnem suam, id est corpus. Quid illud quod verterunt, Ossâ mea sicut cremum auerunt? Nam membra morbo, non ossa, arescere dicuntur. Item, Et exultabunt ossa humiliata: id est, membris et corpore exultabo. Iam mulier viri membrum, et corpus de viro sumtum recte dicitur, quæ et integrum corpus est, et caput habet virum. Itaque Paulus. 1. Cor. 6. sic interpretatur, nam et μέλη, hoc est membra vocat, quæ hic verbo כֶּסֶף declarantur, et σῶμα et σὰρκα idem vocat: ὁ κολλώμενος τῇ πόρῃ, ἐν σῶμά ἐστιν ἵσονται γάρ, φησιν, εἰ δύο εἰς σὰρκα μίαν. Quod ad verbum hic sonat: Qui copulatur cum scorto, unum corpus est. Erunt enim, inquit, duo in carnem vnâ. Sed quia ex ossē, id est ex costâ, facta est Eua, malui sic transferre.

23. *Hæc vocabitur mulier.*) Hebraici verbi ea ratio est, quali tu a viro dicas viraginem. Et paullo post quod uxorem vertimus, idem verbum est. Sed quia mulier pro vxore latine dici non solet, cum hebræum verbum utriusque sit commune, alio nobis utendum fuit.

Cap. III. v. 8. *Ad Zephyrum.*) In Hebræo est צפון ad ventum diei. LXX videntur legisse: צפון ad ventum maris, id est, occidentalem, qui Zephyrus est: verterunt enim τὸ δαλινόν, id est, vespere, ut sit vespertinum pro occiduo.

16. *Aerumnis.*) צר est pariendi dolor, qui græce ὄδιν vocatur: nos eius proprium nomen non habemus.

20. *Viventium omnium mater*) Hebræis homines a vita aliquando denominantur, Latini mortales adpellant. Sed hic propter nominis rationem mortales dicere non licuit. Adde quod in nomine Viuers, siue de homine, siue de Deo dicatur, multa possunt intelligi, quæ in nomine mortalis non possunt.

22. *Periculum est ne*) Ad verbum, Etiam ne: quæ reticentia est. Hoc modo loquuntur aliquando Galli. Tale est illud Matth. 25. μήποτε ἕκαστος ἡμῶν καὶ ὁ ἀδελφὸς ἡμῶν καὶ ὁ υἱὸς τῆς μητρὸς αὐτοῦ, ne forte non satis sit nobis et vobis. Et illud Roman. 12. μήπως ὁδὸς σὲ φερίσῃ, et Aristot. ἡθικ. νικο. ἐν τῷ κ. cap. 1. μήποτε δὲ τὸτο ὁ καλῶς λέγεται. et c. 3. μήποτε ὁ λέγεται τὸ αἴτιον.

CAP. III. v. 7. *Certe si recte facies, litabis*) Hebraice: si recte facies, elatio: scilicet erit, id est impetratio; quem hebraismus Galli exprimit, quum dicunt exaltari pro litare, id est, sacrificando aut supplicando impetrare, être exaucé. Est autem hæc sententia: certe (hoc enim significat נלה, nec semper est interrogantis) si recte facies, sicuti frater tuus, ego te, sicut eum, respiciam. Sin minus, noxa, et peccati poena, et ipsi adeo peccatum tibi, tanquam soribus accubans, imminet, quod peccatum a tuo pendebit imperio. Nam recte faciendo id superabis, ut tuus frater, qui ab eo non ladtur: prave autem faciendo, superaberis. Quare si vis fraternæ socius esse felicitatis, esto et virtutis. Ut enim qui peccat, seruus est peccati: ita qui recte vivit, peccati dominus est. Huiusmodi locutio est Num. 32. Nisi ita feceritis, scitote vos in Iouam peccare, futurumque, ut vestrum peccatum vos inueniat: id est, ut penas detis. Esse autem masculini generis נלה, patet ex adiectiuo צר, ne quis forte neget cum relativo posse conuenire.

19. *Qui primus tabernacula habitauit*) Principio pastores tabernacula habitabant, et subinde locum mutabant, ex quo Scenitz dicebantur, ut est apud Plinium. Huius ergo rei auctorem hunc tradit Moses.

22. *Si quem ego hominem plagis*) Moses in recensendis Caini posteris, insignia eorum facta aut dicta obiter adnotat. Igitur Lamechi nobile documentum narrat hoc. Homicidium ita nefarium habetur Deo, ut statuerit, si quis etiam Cainum hominem fratricidam, occiderit, eum tanto esse supplicio dignum, ut si septies mori posset, septies sit interficiendus. Quid ergo æquum est fieri in cæde hominis non homicidæ? Si ego hominem plagis, si quem mortalem vulneribus interficerem, (geminata sententia est, ut in sententiosis dictis fieri solet,) id est, si quis hominem aliquem interficeret, (vitur enim prima persona pro quauis, ut Paulus, ubi ait: si linguis hominum loquerer, et angelorum, etc.) cum Cainum, hominem nefarium, occidere tam detestabile sit, ut septuplione fandiatur, (sic enim litteram Vau interpretor, quæ sepe est concludentis, ut Ezech. 33.) in Lamecho, id est in

eo, qui hominem quempiam non homicidam occideret, pœna esset multo grauior. Quod autem verto, Si interficerem, cum sit in hebræo præteritum: sciendum est, Hebræos præterito vti pro coniunctiuo, vt et alibi fit, et Iob. 3. et Psal. 44. et Iud. 8. et Ierem. 37. Item quod verto mortalem, in hebræo est מֵת, a nascendo denominatum: quod quamquam fere iuuenem significat, tamen hic non ætatis habetur ratio, sed nascendi conditionis, quemadmodum cap. 16. dicuntur omnes יֵלְדֵי domus Abrahami circumcisi, id est omnes vernaculi, cuiuscumque essent ætatis, et Num. 13. הַנֶּקֶן, id est, Enaquiri; vt sit idem quod בְּנֵי הָעֵנָק, vt paullo post dicuntur. Et Esa. 2. נִכְרִי, id est extranei. Nec absurdum est, omnes natos dicere, pro omnes mortales, præsertim hic, vbi cum eadem sententia diuersis verbis iteraretur, quum verbum significantius in priore parte esset occupatum, in posteriore satis fuit aliquod poni, quod esset cognatum: id quod fit in Psalmis frequenter. Apud Esdram quoque lib. 4. cap. 4. sic legitur: quis natorum poterit facere, vt me interroges de his? id est, quis mortalium? id quod ex hebræo videtur esse translatum.

CAP. VI. v. 2. *Hominum potentissimi*) In hebræo est, Deorum filii. Sed vtuntur substantiuus sæpe pro adiectiuus, quæ rariora habent: vt sint Deorum filii, pro diuinis, id est, præstantibus, vt etiam in Psalm. 82. dii siue diui vocantur iudices, et aliorum gubernatores, et Iob. 41. potentes: sicut Galli a Deo ea denominant, quæ in suo genere excellunt: vt ignem Dei pro lueulo: hominem Dei, pro diuino et religioso: quemadmodum et Latini diuinum Platonem dicunt. Filii autem vocabulum sæpe idem est quod homo: vt filii Israel, id est homines, aut viri Israelitæ: filii hominis, id est homines, vt Galli dicunt, enfant de Lyon, pro Lugdunensi: enfant de ville, pro ciue: enfant perdu, pro homine profligato; et Græci, υἱὲς Ἀχαιῶν, pro Achæis: et ἰατροὺς πᾶσιδες, pro medicis. Sic hoc loco deorum filios putauit adpellatos. Si quis tamen veriorem aliquam interpretationem habet, nolo vt meæ hæreat: nam verba sunt ambigua, et ego dubito.

3. *Non perpetuo contendam.*) Indignum existimauit se, qui esset animus et Deus, cum hominibus, qui essent corporei et mortales, tamdiu rixari. Propterea statuit hominum vitam decurtare. Dicitur autem cum hominibus contendere et pugnare Deus, cum eorum sceleribus, (quibus nihil est diuinitati repugnantius,) irritatur. Quum igitur homines essent, qui et vitam, quam ducebant longissimam: et vires, quas immensas habebant: et multitudinem, qua plurimum poterant, ad omne flagitiorum genus conferrent, et in dies deteriores fierent: statuit Deus huic malo occurrere, præfinito breuiore viuendi spatio, vt minus diu viuendo, minus multa flagitia possent committere sicuti solent quædam ciuitates suorum magistratum tyrannidem breuitate aut infirmitate potestatis impedire. Sed primum diluuii remedium tentauit, vita statim ad semissem fere accisa, nam post diluuium nati, ante quingentesimum annum moriebantur, quum ante superarent nongentesimum. Deinde linguarum fecit diuortia. Postremo, quum illa non satis essent, fecit quod erat minatus. Itaque Abrahamum sexagenarius senex est, quum eius tritauius Heber 464. annos vixerit. Habes vitæ breuitatem. Nec impedit, quod nonnulli etiam post Abrahamum centum viginti annos exceßerunt. Nam et multi Moysi tempore octoginta annos superabant, quem tamen vitæ humanæ modum statuit ille Psalm. 90. Satis est enim, hunc esse iustum et vulgarem viuendi modum: nec ita exiliter

liter ad calculum reuocandi sunt anni, non magis quam litora. Hunc locum eodem modo interpretatur Iosephus. Adde quod hæc vnius hominis ætas occulte indicare videtur totius humani generis ætatem, si fiant anni Iubilari.

14. *Ex terebinthina materia.*) Terebinthum tradunt materie esse leuta, et fideli ad vetustatem, in Syria proceram, apud Damascum insignem: quæ materies sola vngi velit, meliorque oleo fiat, eiusque baccas esse sulphureas, id quod ad nominis rationem pertinet, nam hæc arbor Gopher, sulphur autem Gophrit dicitur. His rebus adductus, terebinthum verti. Nam pinus, (hanc enim putant esse quidam,) aliud nomen habet, neque tamen de terebintho prorsus assero, sed certius nihil habeo.

15. *Longitudo trecentos cubitos pateat, etc.*) Huius arcæ dimensionis eadem proportio est, quæ hominis supini iacentis, vt me quidam Italus docuit. Erat enim ea arca imago quædam hominis mortui iacentis, et tamen reuicturi, ac resurrecturi, qua de re vide 1. Pet. 3. ad finem, item quæ a Paulo scripta sunt de baptismo.

16. *Ipsam arcam superne in cubitum absoluto.*) Hunc locum antea non intelligebam, idque in tribus primis editionibus in margine adnotatum est. At nunc in libellum incidi Ioannis Butheonis Delphinatis, impressum Lugduni 1559. cuius libri titulus est de arca Noe, in quo libello totam arcæ rationem, bene vereque, meo iudicio, explicat, vt hunc quoque locum declarat; itaque secundum eius sententiam locum hunc sic explano: Facito vt tecti, (quo arcam absolues,) culmen adsurgat in vnum cubitum.

CAP. VIII. v. 4. *Super montes Ararat*) Sibylla montem hunc tradit in Phrygia esse, his verbis:

Hinc vbi fatalis trabs huc illucque natauit,  
Murmure cum rauco ponti iactata fluentis,  
Adpulit exiguæ terræ, tandemque quieuit.  
Adsurgit Phrygiæ mons quidam in finibus atræ,  
Arduus alta petens, Ararat quem nomine dicunt,  
Quod fatale fuit illic euadere cunctis.

7. *Emisit coruum, qui egressus reuertit.*) In græco et latino negatur reuertisse. Inde natum gallicum prouerbum: Corui nuntium: quo notatur is, qui missus non redit. Vera sit lectio verior, non assero. Sibylla quidem rediisse negat.

CAP. IX. v. 5. *Vestri quidem sanguinis, etc.*) Sensus est: Hominis necem et in ipsos homines, et in bruta vindicabo, (id quod facit per magistratum, quum iubet etiam bestiam, si hominem occiderit, necari,) brutorum autem necem in homines non item.

CAP. XVII. v. 18. *Vtinam modo facias, vt propagetur Ismael.*) Ad verbum sic: Vtinam coram te viuat Ismael. Coram autem, aut in conspectu esse dicitur, quod est in potestate, et ab aliquo efficitur, efficiue potest, vt supra cap. 13. dicebat Abrahamus Loto: Tota terra est in tuo conspectu: hoc est, tibi exposita est, tibi patet, vt ere ea tuo arbitratu. Item 2. Paral. 6. Non deerit tibi homo de meo conspectu, qui sedeat in folio Israelitarum: hoc est, efficiam, vt nunquam desit de tuis posteris, etc. Viuendi autem verbum hoc loco de generis propagatione dici, perspicuum fit ex iis, quæ mox ad hæc Abrahami verba Deus respondet.

CAP. XVIII. v. 3. *Noli me præterire.*) In hebræo est: noli tuum seruum præterire; sed hunc hebraismum lingua latina respuit: gallica retinet, vt-  
tre seruiteur. Quod autem vnum salutat, id facit, quoniam dominum salutare

lutare singulari numero solet hebræa lingua, etiam si plures sint: quod idem postea facit Lotus.

7. *Qui cum facere properet.*) *Facere vitulum*, pro *mastrare* positum est: quod loquendi genus frequens est apud Catonem et Varronem.

10. *Anno vertente.*) In hebræo est, Tempore vitæ suæ vitali, quod, (vt arbitror,) significat anno proximo: quoniam vita, id est, ætas, annis, non diebus aut mensibus numeratur: Nam et superiore capite dixerat: hoc proximi anni tempore.

13. *Tum Ioua Abrahamo.*) Animaduertendum est, hic tres esse genios siue angelos: quorum duo Sodomam mittantur, vnus cum Abrahamo loquatur, & Ioua adpelletur, neque Sodomam eat: qui quisnam sit, in Exodi cap. 3. Deo volente dicemus: Homines autem vocantur, quod humanas inducantur figuras. Quod autem hic comedunt & bibunt, quum spiritus carni et ossa non habeant, quæ corporeis pascantur alimentis, hoc quale sit, patebit ex Tob. 12. vbi sic loquitur Raphael: Nam quod me, quamdiu vobiscum versatus sum, comessē et bibere vidistis, species fuit, quæ vestris oculis obseruabatur, quum reipsa neque comessē, neque biberem.

30. *Quæso te, Domine, ne ægre feras.*) In hebræo est: Ne ægre ferat dominus meus. Sed hoc in vocatiuum conuerit, vt latino more loquerer: quod idem sæpe facio.

CAP. XX. v. 4. *Etiāne insontes interficies.*) In hebræo est: Etiāne gentem iustam? Eodem modo locutus est Virg. Vigilas ne deum gens Aenea? quum de vno loqueretur. Et gallice sic, Dois tu faire mourir les gens de bien? etiam si quis de vno loquatur.

12. *Mea (soror ex patre est.)* Hoc est, consanguinea, (sic enim loquuntur Hebræi,) Thara meo patre prognata: sed non matre mea, nam non eadem matre nati sunt Abrahamus et Saræ pater Haran. Verum ambiguitas in hebræo sermone est, quæ in latino non esset, si consanguinea diceretur.

13. *Sed quum me Deus a domo paterna abstraheret.*) In hebræo est: Quum medii abstraherent. Nam quia Dei vocabulum **אלהים** pluralis est numeri, positum est etiam verbum in eodem numero, vt et infra cap. 35. et 1. Reg. 28. vbi sic ad verbum loquitur saga: Video diuos adscendentes de terra. Nam eam de vno loqui, patet ex ipsa narratione, quod dicitur Samuelem conspicata, et Saulus querit, quæ sit eius species. Sic loquuntur et Latini in nominibus singulari carentibus, quæ in alienam linguam per singularem numerum interdum transferenda sunt: vt si nuptias veritas **γάμον** aut **ἡθοῦς** est.

14. *Pecora et boues.*) **אִנְי** ouium et caprarum generale est, vt græcum **μῆλον** et latinum balantes, a voce denominatum. Sed quia durius esset, malo aut pecora dicere, vt Plinius: aut vtrumque ponere. Quamquam alibi balantes adpellabo, vt significantius interprete.

16. *Qua tu tui pudoris defensione.*) In hebræo est: Quod quidem tibi erit tegumento oculorum apud omnes, qui tecum sunt, & apud omnes, et purgationi, siue defensionī. Tegumentum autem oculorum dictum est, pro defensione pudoris: quoniam pudicæ solent velari, propter virorum verecundiam: vt Rebecca, quum Isaac occurrit: quum impudicæ virorum adspectum nihil vereantur. Est igitur hic sensus: Nummos dedi, non tibi, ne videar pretium dedisse pudoris: sed tuo viro, homini honesto: qui eos profecto non accepisset, si te a me corruptam putaret, ne suæ coniugis pudorem



rem vendidisse putaretur. His nummis volo testatum, te a me esse integram : atque hoc tibi defensionis erit, si quis forte te vituperet. Quod autem verto, Apud alienos: in hebræo est, Apud omnes. Sed quoniam iam dixerat Tuos, hic intelligendum est, Alienos: id quod sæpe fit, ut quum dicit Balaamus, Israeliticum populum non habitum iri inter gentes: hoc intelligendum est, inter ceteras gentes, et quum iubet Christus, ea nos hominibus facere, quæ nobis fieri velimus: intelligitur, aliis hominibus.

CAP. XXIII. v. 14. *Ea sit, quam tu Isacco tuo destinasti.*) Meus, tuus, suus, noster, vester, hebraice dici non possunt, nisi vocibus, quæ hæc significant, coniunctis cum nominibus substantiuis iisque appellatiuis. Hinc fit, ut si coniungenda sint cum propriis nominibus, addatur aliquod substantiuum nomen appellatiuum, quod sit capax pronominis. Itaque si dicendum est: Isaacus tuus, (ut hoc in loco,) quoniam id hebraice dici non potest, additur seruus, aut cultor: neque enim dici potest יצחק, Isaacus tuus. Idem fit et in populus. Nam quum dicendum est, Israelitæ tui, quoniam dici non potest ישראל, dicitur populus tuus. Neque tamen nego, et Isaacum Dei seruum et Israelitas populum et esse et recte dici. Sed hoc conor ostendere, posse hæc interdum ad latinam consuetudinem accommodari. Quemadmodum enim, si, quod latine dictum esset Isaacus tuus, in hebræum verteretur, ita vertendum esset, Isaacus tuus seruus, aut amicus: ita, quod hoc modo hebraice dictum est, id si latine vertatur, debet Latinorum more dici. Atque ut ille, qui ita latina hebraice redderet, non esset reprehendus: sic ego, dum et hunc et ceteros hebraismos transfero; veniam mihi dari æquum censeo. Huiusmodi loquendi rationes videre licet et in nostris linguis, nam quod latine dicitur, Saluta Petrum nostrum: hoc gallice sic redditur: Reconnaître moy à notre amy Pierre. Item, Visite suos. Il est allé voir ses gens: et Germanice Er ist zu seinem Völklein ggangen. Nec dissimile est quod dicimus, Sanguinem pauperum bibere, Boire le sang de pauvres gens; neque enim latine recte diceretur, Bibere sanguineum pauperum gentium.

49. *Si in animo habetis hoc beneficio atque officio dominum meum demereri.)* Quod verti Officio, in hebræo est אֲדֹנָי, quod proprie fidei, aut verum significat. Iam ut latine, verum est, pro æquum est, dicitur: sic etiam hebraice: אֲדֹנָי. Atqui æquitas iustitia est, quæ in suum cuique tribuendo consistit: in quo inest officium, a quo officiosi dicuntur benefici, et qui, quod facere debent, faciunt. Eodem modo loquitur infra capite tricesimo secundo.

CAP. XXV. v. 18. *Quum ad obitum vsque suis omnibus fratribus inuitis consistisset.)* Ad verbum, Contra suos fratres omnes cecidit: hoc est: vsque ad casum et mortem perseuerauit atque stetit, ut si dicas: In hac sententia moriar: id est, ad mortem vsque perseuerabo. Adludit enim ad id, quod capite 26. dixerat Hagari angelus, Ismaelem in fraterna similitudine perduraturum.

CAP. XXVII. v. 19. *Ut mihi bene preceris.)* In hebræo est, Ut mihi bene precetur anima tua. Iam anima pro persona sæpe ponitur: ut quum dicuntur in Aegyptum descendisse animæ 70. id quod Latini dicunt, Capita. Galli hebraismum hunc retinent: dicunt enim, Il n'y a ame, pro, nemo adest: et, ma personne, pro, ego ipse.

29. *Et ex eadem tecum matre nati.)* Id est, fratres, qui hic a matre dominantur, alibi a patre. Est autem sublimius dicendi genus, quam est vulgaris oratio. Itaque geminantur sententiæ, et is adhibetur sermo, qui apud nos vel poeticus, vel certe non vulgaris est.

39. *A terra pinguitudine aberit.*) Alii vertunt : In pinguitudine erit. Sed quum non possit pater Esau dare, quod Iacobo dedit, idque ipsum Esau ploret, et postea fratri propterea mortem minetur, necesse est, ut hunc locum aliter intelligamus. Iam pater Iacobum frumento munierat, et musto : quod si Esau soli vberitate, et cæli rore munit, eadem confert. Si autem eadem conferre potest, quid est, quod ille dolet? Quid idem alterum sole frui, quum mihi nihil detrahat? Nam quod in epistola ad Hebræos scriptum est, Isaacum utrique bene precatum esse : fateor, faustæ precationis esse, quod dicitur Esau aliquando vicissim Iacobi iugum excusurus. Id quod factum legitur 4. Reg. 8. vbi Idmæi, qui antea Iudæis seruierant, defecerunt ab eis. Iam, ut verba ostendamus a nobis esse, legitur מַשְׁמַנִּי, id est, ab pinguitudine siue sine pinguitudine : quo modo Psal. 109. legitur ad verbum : Mihi genua labant præ inedia, meumque corpus tabescit מַשְׁמַנִּי, a pinguitudine : hoc est, defectu pinguitudinis, et præ macie : et Ier. 48. מַכַּח sine viribus ; et eiusdem 10. מוֹרַעַת, sine cognitione : hoc est, per incitiam ; et Lamen. 4. 9. מַתְנוּכוֹת שֶׁדִּי, frugum penuria. Latine quoque a aut ab significat absque et abesse : ut quum dicimus, Ab re, et græce, ἀπὸ τῆς ῥῆς, ἀπὸ πατρὶδος, et μελετών ἀπὸ τῆς ῥῆς : et compositæ amens, abesse : ἀπὸ γίνεσθαι.

45. *Ne forte utroque vestrum orber aliquando.*) Id est : Ne ille te interficiat, deinde vel aufugiat, vel capite det pœnas ; quo facto, utroque priuarer. Quod autem verto לַמָּוֶה, ne, id sæpe faciendum est : neque enim semper est interrogantis, non magis quam הֲלֹא, ut et multis aliis in locis patet, et 1. Reg. 20. Item quod verto Aliquando, id in hebræo est Vno die : quem hebraismiun habent Galli.

CAP. XXIX. v. 20. *Quod spatium ei breuissimum visum est, etc.)*

Atqui nox longa, quibus mentitur amica, diesque  
Longa videtur opus debentibus : et piger annus  
Pupillis, quos longa premit custodia matrum.

Sed hic sensus est : Iacobus Rachelem præ amore tanti faciebat, ut septennii seruitutem breuem esse putaret, qua tantum præmium consequeretur. Nihil enim durum est, quod fit libenter.

CAP. XXX. v. 37. *At Iacobus ex populeis, cet.)* Totius huius loci sensus est : Virgas ex parte decorticatas, et ideo versicolores, in alueis ponebat, in quarum contemplatione pecudes salirentur, itaque versicolores fetus ederent. Deinde fetus illos ante salientas pecudes eadem de causa collocabat. Sed ne nihil Labani reliquum fieret, si omnis fetura versicolor esset, laciniæ, id est, greges sibi separatim ex enato versicolore pecore faciebat, easque ab unicoloribus pecoribus segregabat, quæ unicoloria pecora erant Labanis : eaque propterea minus generosa, quod Iacobus ad minus generosorum admitturam virgas non deponebat, et ideo illa fetus sui et colore et genere similes edebant.

CAP. XXXI. v. 5. *Qui erat antehac.)* In hebræo est : Ut heri nudius tertius : cuiusmodi hebraismo etiam Græci vtuntur : χθὲς καὶ πρῶην ; et Cato de re rustica eo sensu dixit, pridie.

50. *Nemo apud nos adest.)* Confirmantur pacta hominum testimonio : eadem, si nemo testis adfuit, negari possunt. Paciscitur ergo Laban cum conditione, in hanc sententiam : Si tu filias meas durius habebis, Deum confessor,

testor, hæc pacta tam perinde fore, ac si nemo hic adesset: id est, fore irrita. Non ab simile est illud: Quod scis, nescis: id est, perinde age, ac si nescias.

CAP. XXXII. v. 25. *Eius canum femoris perstrinxit.*) Putavi aliquando esse poplitem. Sed mihi dixit Iudæus quidam, esse canum femoris ad inguen, quum eum interrogassem, quonam neruo abstinerent.

32. *Neruo contrahente.*) Quidam nerui membra adducunt atque contrahunt, ut qui sunt in posteriore femoris parte, qui per poplitem tibiam contrahunt. Hi si quo adfectu contrahuntur, ut extendi non possunt, membra porrigi prohibent. Hinc est Iacobi claudicatio, ut propter neruum brevior rem sacrum femur extendere non posset.

CAP. XXXIII. v. 19. *Centum quæstus emit.*) Quæstitam fuisse nummum puto non vileni: id quod tum ex hoc loco conicio, tum ex Iobi capite ultimo: ubi scriptum est, Iobo amicos singulas dedisse quæstus.

CAP. XXXVII. v. 29. *Postea Ruben ad puteum reuersus.*) Ruben (ut narrat Iosephus historicus) Iosepho in puteum demisso discesserat, neque venditioni adfuerat. Deinde noctu reuersus, ut fratrem subduceret, eo non inuento, conquestus est apud fratres, a quibus rem didicit.

36. *Pharaonis eunucho, magistro equitum.*) Eunuchos reginis præficiabant reges, homines castratos, ne illas stuprarent. Sed paullatim obtinuit usus, (sicut ego suspicor,) ut eunuchi dicerentur præfecti, quamuis non euirati; sicut Latini senatores, quamuis non senes. Nam si castratus erat Potiphar, quorsum ei vxorem? aut quid Pharaoni opus erat eo castrato, qui reginæ non famularetur? Quod autem magistrum equitum verto, non magistrum laniorum, aut coquorum, ut alii et Iosephus, qui ἀρχιμαγειρον: in causa est, quod 4. Reg. 25, 8. hoc eodem nomine vocatur Nabuzardan, cui incendenda Hierosolyma mandata est: quod munus profecto non est magistrum laniorum, aut coquorum. Itaque illic idem Iosephus rectius vertit *שרטן*. Nominatur autem Hebræis a mactando *רַב טַבָּחִים*, et שר טבחים, fortasse, quod supplicia fontibus irrogabat, sicut hodie qui gallice dicitur le prevoist du mareschal.

CAP. XLI. v. 16. *Sine me, Deus tibi, Pharaeo, salutaria respondebit.*) Ad verbum legitur: Sine me, Deus respondebit pacem Pharaonis. Sed nomen *שלום* non solum pacem declarat, sed etiam salutem: ut est in Daniele, in Epistola Nabuchodonosoris: Nabuchodonosor gentibus, pax vobis multiplicetur: (sic enim vertunt) id est, salutem plurimam dicit. Sed de hoc alias. Est autem hæc sententia: Ego tibi salutaria respondebo, sed huius responsionis auctor erit Deus.

44. *Digitum contra tuam voluntatem proferet.*) Id est, quidquam audebit. In hebræo est, manum pedennue mouebit. Sed eiusmodi hebraismi sunt in nostram loquendi consuetudinem mutandi: qualis est ille cap. 14, 23. Neque pilum, neque calcei corrigiam a te capiam: quod latine dicitur, Ne pilum quidein; item: Neque bonum, neque malum: pro, Ne verbum quidein, aut nihil omnino: et illud, Nec ad dextram, nec ad sinistram: id est, nullam in partem: et multa huiusmodi; quod ideo hic conimemoro, ne deinceps eadem mihi sint subinde dicenda.

CAP. XLII. 30. *Et eos numero exploratorum habuisset.*) Ad verbum legitur. Et posuit nos pro exploratoribus. Sic 1. Reg. 1. Noli me ponere apud improbos, hoc est, improbam putare. Latini quoque ponere pro existimare dicunt, ut voluptatem in bonis rebus ponere; et pone, ita esse.

CAP. XLIII. v. 1. *Liberaliter cum eo potauerunt.*) In hebræo est: Inebria-

ti sunt: sed id verbum non semper inebriari significat, sed ea notione dicitur in bibendo, qua satiari in comedendo. Et in Ec. 49. ad finem dicuntur sanguine inebriari, qui sanguinem bibunt.

CAP. XLVIII. v. 20. *Per vos bene precantur Israelita.*) In hebr. est: Per te. Sed quum vtrique dicatur bene ominari, et græce dicatur ἐν ὕμνῳ, malui per pluralem vertere. Est autem hic sensus: Opto vobis tantam felicitatem, vt deinceps, qui volet alicui bene precari, vestra in precando nomina adhibeat.

CAP. XLIX. v. 4. *Non excelles.*) Rubenis erat, fratres, vt ætate, sic etiam ceteris rebus antecellere. Sed quia patris concubinam stuprauit, ius illud amisit. Neque hoc solum de ætatis prærogativa intelligo, sed etiam de hominum numero, quo ab aliis superata est tribus Rubenia, quod idem Moses Deuter. 33, 6. prædicit his verbis: Viuet Ruben, non morietur, sed erit numero paucus.

6. *Eorum nolim aut in fidem vita mea veniat, aut in societatem bonos committatur.*) Quod verto Fidem, in hebræo est arcanum. Est autem hæc sententia: Nolim vitam meam eorum arcana (id est, fidei: nam quibus fidimus, eorum in arcana et penetralia intrare non dubitamus) committere. Nam mihi facerent, vt fecerunt Sichemitis, quos contra datam fidem peremerunt. Nolim item honorem meum eorum societati concedere; sunt enim perfidi, qui illis promissa non præstiterint: id quod dedecori esset etiam mihi, si esset eorum socius. Loquitur autem per primam personam pro quaui, vt sit hæc sententia: Non est tutum, eis fidem habere vel vitæ vel honoris. Quomodo loquitur Virgilius:

Ne mihi tum molles sub dio carpere sonuos, Neut dorso libeat nemoris iacuisse per herbam: id est, Periculosum est eo tempore sub dio dormire aut iacere. Quod autem dicit, Murum subruerint: significat eorum nefariam in Sichemam irruptionem. Deinde quod sequitur, Eos inter Iacobcos distribuam: hoc significat: Sunt inter alios dispergendi, vt minus possint ad nocendum coire. Modus est loquendi, quum quis dicitur aliquid fecisse, aut facturus esse, quod factum aut futurum dicit. Vt Virg. de Sileno.

Tum Phaetontidas musco circumdat amara

Corticis, atque solo proceras erigit alnos.

Neque etiam id faciebat Silenus, sed factum cauebat. Talem figuram inuenies et apud Ezechielem, initio cap. 43.

De Iuda, quod cum catulo leonis ac leoni comparat, vaticinatur de virtute bellica eius tribus. Quod autem dicit, non defuturum de eius inter feminio rectorem: circumlocutio est feminis, quod inter femina, id est, senora emittitur. Sed hebræa verba sunt significantia, מִבְּנֵי רַגְלֵי, de inter pedes eius (vt ita loquar, docendi gratia) nam pes significat totum erus: quo fit, vt non niale vertisse videar, Interfeminium. Eadem loquendi ratio est Deuteronom. 28. vbi de mentstruis loquitur, inter pedes fluentibus. Est igitur sensus, non defuturum de eius semine, qui regat, ac imperium teneat. Hoc enim significat מִחַקֵּי אֶרֶץ ab אֶרֶץ decernere. Quod deinde sequitur, Donec veniat sospitator: in hebræo est שִׁלְיָהוּ quod ab שִׁלְיָהוּ deductum significat sospitalem et felicitatis auctorem: id est Christum Iesum Dominum nostrum, de Iudæa semine creatum: cuius in aduentu regnum ad Herodem, hominem alienigenam, id est idumæum transierat, quum seu per antea Iudæa tribus aut imperium, aut certe ius imperii habuisset: id quod intelligeus Herodes, conatus est Dauidicam stirpem funditus euertere.

Quod

Quod de vite dicit, siue palina (quæ eadem est: est enim gemina sententia) significat immensam vini copiam, quo Iudæis oculi rubeant (id quod fieri solet ex vini potione) nec non lactis, quo bibendo dentes albeant; non quia lacte bibendo reddantur albi dentes in perpetuum, ut vino oculi: sed quia tum, quum lac bibitur, dentes eo albescent.

14. *Issachar asinus offensus.*) Quemadmodum tardus et durus asinus pastum nactus, manulæ sarcinis premi, et succumbere, dum pascit, quam cedere: ita Issachariani malent tributarii esse, quam bonam terram nacti deserere.

16. *Dan populum suum oleiscetur.*) Hoc volunt de Samsone dici, qui in eo similis fuit serpentis, quod Palæstinos ex improviso magnis cladibus affecit. Additur autem, Salutem a te exspecto Iova: ubi Iacobus omnium Israelitarum nomine dicit, se a Samsone illo auxilium exspectare; nam hoc significat plerumque salus. Et de Samsone ita legitur Iudic. 13, 5. Incipiet Israelitas a Palæstinis servare: id est, defendere, aut vindicare. Sicut Matth. 1, 21. dicitur, Christus populum suum a peccatis servaturus, id est, defensorus et vindicatorus.

19. *Gadus a cuneo dissocietur.*) Gadus cuneum significat, quæ acies est in cunei formam instructa. Significat, Gadinus primum victum iri, sed tandem superaturos.

22. *Fecundus Iosephus.*) In hebræo est, Filius secundus. Sed filius sæpe dicitur pro eo, quod Latini adiectivo declarant: ut filius iræ pro punitendo: filius interitus, pro perdito. Atque id nomen etiam in stirpibus dicitur, ut hic. Adludit enim ad arborem, ad fontem satam; ut sit hæc sententia: Iosephus similis est arbori ad fontem satæ, et ideo fecundæ: adeo formosus, ut eius videndi studio puellæ in muros ascendunt, ut fieri solet, quum plenæ spectatorum viæ sunt. Nec solum formosus, sed etiam fortis est, et continens: qui et fratrum et vxoris Potipharis telis, quasi quodam robustissimo arcu et brachiis restiterit, non sua vi ille quidem (neque enim potuisset evadere) sed a lacertis, id est, præsidio numinis (sic enim verto

נָחִי quod fortem et inuictum declarat) Iacobi; unde, id est, a quo numine, est pastor lapis Israelis, videlicet IESVS CHRISTVS, Israelitarum et pastor et fundamentum firmissimum. Deinde apertius declarat, quod sit illud numen. Tui, inquit, lacertorum tori, Iosephe, corroborati sunt a Deo patris tui, id est meo, qui tibi auxiliatus est in tuis rebus aduersis: ab omnipotente, qui idem te locupletabit omnibus, quæ et cæli temperie, et terræ bonitate (quorum neutrum sine altero satis est) procreantur: nec non tum mulierum, tum pecorum fetura atque lacte: quæ tui patris vbertates, quæ quidem montes vbertatis superant (quomodo latine dicimus, montes auri) et voluptatem collium sempiternorum, id est, diutissimorum: id est, quæ sunt quam abundantissime, exundabunt in caput tuum: id est, tibi cumulate contingent, qui es fratrum excellentissimus: (eius enim fuit ætatis prærogatiua, ut est 1. Paralip. 5.) Aequum est enim, ut, qui alios virtute superas, eosdem etiam felicitate antecedas. וְיָרֵךְ enim ab amputando et eximendo ductum, significat eximium, et ex aliis propter excellentiam segregatum: ut positum est Nah. 3, 17. quales erant Nazaræi (quod verbum hinc ductum est) homines Deo deuoti, et ex alio numero tanquam singulares quidam sepositi.

27. *Beniamin celsus lupus prædabitur.*) Significat, fore illam tribum venandi studiosam atque bellicosam.

EXO.

# EXODVS.

## ARGVMENTVM IN TOTAM EXODVM.

*Iacobus in Aegyptum. In eodem tyrannus. Obstetricum pietas. Infantis Mo-  
sis protectio, in aula fors, idem percussor, fugitiuus, in Madianitis maritus.  
Ad istum ex rubo Ioua, ad regem mandata. Ostentorum virga. Deus in Mo-  
sen. Regis diritas. Mosi & Magorum miracula. Rana, pedes, insecta, peco-  
ris cades, pustula, locusta, caligo. Innumera prada. Pascha. Populi euasio post  
eandem Aegypti. Dei columna. Diuisum aquor. Regiarum copiarum submersio.  
Mosi canticum. Aqua ex amaris dulces, coturnices, manna, e petra fons.  
Amalechitarum cades. Iudices a Mose. Deus in monte formidabilis. Lex de sa-  
cris, de forensibus. Terra quies. FERIA ANNUA. Fœdus cum sanguine. Taber-  
naculi forma, membra. Sacerdotium, sacra. Artificum industria. Tabulabina.  
Vitulus aureus. Mosi indignatio. Tabula noua. Mosi ieiunium. Pro taber-  
naculo munera. Tabernaculi explicatio.*

## ADNOTATA

### IN

CAP. III. Qui hic Mosi adparet, idem angelus, aut nuntius, & Ioua et  
Deus vocatur in hoc capite, et Iudic. 2, 1. Idem Gen. 18, 1. 2. ubi Abraha-  
mo adparet, Ioua dicitur. Idem Hagarem, in deserto errantem, et vt an-  
gelus, et vt Deus adloquitur, cap. 21, 17. Idem, quum Balaamo in asina  
equitanti occurrit, angelus vocatur: et tamen dicit, Balaami iter esse con-  
tra se institutum: id quod Dei, non angeli loquentis est. Eundem Iacobus  
Gen. 32, 24, 29. et Deum vocat, et angelum. Ac ne singula prolixius persequar,  
plene sunt exemplorum litteræ: quare hæc res nobis paullo altius repetenda  
est. Principio, qui hic Mosem adloquitur, non videtur esse princeps ille, et  
Christi pater Deus: neque enim nuntius dici posset, quum neminem habeat,  
a quo mittatur, neque item angelus: nam Ioua non diceretur, quum hoc sit  
proprium Dei nomen, quumque is maiore auctoritate imperet, quam ange-  
lum conueniat. Quis ergo est? Is profecto, quem Paulus 1. Corinth. 10, 9.  
dicit a Iudeis fuisse tentatum, ideoque eos a serpentibus extinctos: videfi-  
cet Christus, per quem Deus mundum et fecit et regit: quem Sibylla ver-  
sibus illis, quos in primum caput Genes. posui, Filium Dei vocat, is est, qui  
Israelitas ex Aegypto eduxit, cum quo Moses et Elias in monte Taburo lo-  
quebantur, qui hoc loco Dei nuntius vocatur, quod a patre missus est: quo-  
niam patris ipsius præsentiam mortales non ferunt. Idem Ioua dicitur ab  
177, quod esse significat, quoniam semper fuit, semper est, semper  
erit; sicut in Apocalypsi cap. 1, 8. dicitur: *ὁ ὢν, ὁ ἦν, ὁ ἐρχόμενος*:  
est enim vnum cum patre, eique coæuus; a quo omnium natura pendet. Eum-  
dem Iouam vocat et Esaias 40, 3. quum de Ioanne baptista loquitur his ver-  
bis: Vox clamantis in desertis, parate viam Iouæ; et paullo post vers. 10. Ecce  
Dominum Iouam fortiter venientem, etc. Et Dauid Psal. 68. si quis eum di-  
ligenter legat, idem Deus dicitur, vt est; et vt Thomas Ioh. 20, 28. reipsa  
victus fatetur, Dominus meus, et Deus meus; et Paulus ad Rom. 9, 5. pro-  
fitetur: A quibus (inquit) ortus est Christus, quod ad corpus attinet, qui est su-  
per omnia Deus laudandus in sempiternum. Et angelus Luc. 1, 16. Israelita-  
rum Deum adpellat. Et Esaias cap. 9, 6. Deum fortem; et Sibylla quoque eum  
vocat Deum, his verbis lib. 8. pag. 240. in Acrostichis de Christo.

Rex

Rex tibi nunc nostris descriptus in ordine summo.  
Versibus, hic noster Deus est, nostræque salutis  
Conditor æternus, perpeßus nomine nostro.

Et in eodem libro Gabriel Mariam adloquens, pag. 256.

Accipe virgo Deum gremio intemerata pudico.

Sic ait: E cælo veniens mortales induit artus.

CAP. III. v. 24. *Iona cum petebat ad necem.*) Moses vxori, vt videtur, morem gereus, (nam ea, quum Iudæa non esset, a circumfione abhorrebat,) filium non circumciderat. Eam ob rem Deus eum, tamquam vxoræ magis quam Deo obedientem, petebat ad necem. Sed Sephora causam intelligens, filium circumcidit, eiusque præputium ad mariti pedes abiecit, maritum sanguinarium vocans, quod eius vitam filii sanguine redemisset.

CAP. VIII. v. 19. *Digitum esse Dei.*) id est, manum: pars pro toto, id est opus. Sic in octauo Psalmo, dicuntur cæli opera digitorum Dei: id est, manuum.

CAP. IX. v. 6. *Mortuo omnis generis pecore.*) Ad verbum legitur, Mortuum esse omne pecus: hoc est, pecora omnis generis; non tamen omnia, vt postea adparet in grandine et quadrigariis. Hoc pacto Gen. 24, 10. dicitur Abrahami dispensator in Mesopotamiani ferre omnia bona domini sui; et Act. 10, 12. dicuntur in illo vtili, quod visus est sibi videre Petrus esse, omnia terrestria quadrupeda.

CAP. XII. v. 13. *Agnos aut hados mansomatim sumant.*) Hebræum verbum vnum est, agnorum et hædorum commune: sed hic verbi laboramus penuria.

8. *Cum cichoreis.*) Herba est Hebræis ab amaritudine dicta, vt et Græcis, quæ *ἄνθραξ* verterunt. Latini intubum aut cichoreum vocant.

12. *Deque omnibus Aegyptiorum diis pœnas sumam.* In hebræo est, Iudicia faciam. Sed hominum iudicia sæpe ab effectu sunt separata: Dei iudicio et decreto coniunctus est euentus rei, quo fit, vt sæpe iudicium pro vltione, quæ iudicium consequitur, ponatur: quemadmodum כָּרַם quum de hominibus dicitur, significat bene velle, aut precari: at quum de Deo, significat fortunare et secundare, quoniam cum Dei voluntate res ipsa coniuncta est. Sumisit autem pœnas Deus de Aegyptiorum diis, quum Aegyptios, qui in eorum tutela erant, ipsis inuitis occidit. Neque tamen dii erant, quum sit vnus: sed deos humano more vocat, quidquid illud erat, quod pro Deo habebatur.

29. *Ab ipsius Pharaonis, qui in folio sederet, ad seruorum primogenitos.*) In hebræo sermone dubium est, vtrum Pharaon, an filius in folio sedere, hoc est regnare, aut (si de filio) regnaturus esse dicatur. Sed quum auctor Pharaonem ancillis, summum infimis opponat, non dubium est, quin et Pharaonis opus (quod est, in folio sedere) ancillarum operi (quod est, molam trudere) opponat. Adde, quod præfens participium, quod sedentem sonat, pro sessuro non satis apte poneretur: Quod autem verti, in folio, in hebræo est folio suo, addito pronomine, quod apud nos est sæpe superfluum; sicuti quod paullo ante dictum est, Bacillos manibus tenentes, in hebræo est, Bacillos vestros; et cap. 21, 19. Foras baculo innixus iuerit, in hebræo est, Baculo suo, et 1. Reg. 18, 7. Saulus mille, decem superauit milia Dauid, in hebræo est, Suum mille, et sua decem milia.

CAP. XV. v. 1. *Iouam canto.*) Hoc est, cantamus: singularis pro plurali, quod sæpe fit etiam in prima persona, non solum apud Hebræos, sed etiam apud Græcos, præsertim in tragædiarum choris: et apud Latinos, vt apud Liuium initio lib. 9. Decadis primæ.

3. *Iona vir bellicosus.*) In hebræo est מִלְחָמָה, id est, vir bellicus.

belli. Sed intelligendum est, Hebræos adiectiua a substantiuis non habere, qualia habent Latini. Itaque vestem ferreum dicunt vestem ferri, et domum ligneam domum ligni: vt et Galli, Maison de bois. Sic igitur pro viro bellicoso, dicunt virum belli. Quod autem virum vocat, ostendit Iouam esse Iesum Christum, qui et Deus sit et homo: qui etiam Deut. 33, 8. vir adpellatur, de quo Matth. 1. Deo volente plura scribemus.

CAP. XVI. v. 15. *Man hu? quid hoc?* Man hu interpretantur Hebræi, donum est: sed non bene, mea quidem sententia. Primum hoc verbum pro dono nusquam alibi ponitur, nisi quod volunt mutilatum a מתנה, aut מן. Sed hoc ludere est, vel potius alucinari. Nam hac ratione licebit quoduis verbum de quouis deducere, modo vel vnā litteram habeat cum illo communem. Præterea non dicerent Hebræi, donum est, sed cibus est, et quidem cum articulo; non enim donum eis, sed cibum promiserat Deus. Ad hæc, quum dicat Moses, nesciebant enim quid esset: oportet in eo esse dubitationem et ignorantiam; quæ nulla esset, si dicerent, donum est. Sed bene verterunt Græci, et Hieronymus, *Quid est hoc?* cuius interrogationis ratio subiungitur, Nesciebant enim quid esset. Nec obest, quod man, non mah, legitur: Posuit enim Moses ipsam vulgi vocem, qui perperam sæpe pronuntiat. adde quod Man chaldaice significat quid. est enim idem, vt in Ps. 61. legitur. Eodem modo interpretatur Iosephus, τί τὰτ' ἐστίν. Illud obiter dicam, manum veteres Latinos appellasse bonum, teste Varrone: quod verbum videtur a manna deductum.

CAP. XVII. v. 16. *Quia Ioua manus signo admota est.* Ad verbum sic legitur, Quia manus ad signum Iouæ: bellum est Iouæ cum Amalechitis in sempiternum. Reddit autem rationem nominis aræ, quam ידוה נס vocauit, a נס, quod est signum, id est vexillum. Nam quod in hebræo legitur נס, mendum est; tum quia nominis ratio non redderetur, quia nomen Iouanissi non a נס deductum est, sed a נס: tum quia נס nihil significat, quamquam volunt positum pro נסא, id est folio: sed et puncta mutant, et vocem mutilant, et etymologiam atque sensum peruertunt: neque vllum locum habent, vbi ita sit positum, nisi hunc: qui quum sit controuersus, testimonio esse non potest. Iam quam facile נ in ד degeneraverit, ex figuræ similitudine intelligi potest. Iosephus quidem mecum facit, qui dicit, Deum a Mose νικαιον nominatum, nimirum a victoria, quæ signa comitatur: nisi forte a נס νικαιον dixit, נ in κ mutato: sicut a נסא νικα, eadem litteræ mutatione, sed adspiratæ: quæ ratio meæ lectioni consentit. Est autem hic sensus: Ioua manu signo admouit, ad Amalechitas delendos in sempiternum.

CAP. XIX. v. 23. *Certos ei terminos statuimus.* Ad verbum sic legitur: Tu nos admonuisti his verbis: Desini montem, cumque lustra. Atqui non montem Deus definiri et lustrari iusserat paullo ante, sed populum; itaque non יהרר, sed העם legendum videtur.

CAP. XX. v. 4. *Simulacrum vllius rei qua exstet.* Ad verbum in hebræo ita legitur: Ne facito tibi simulacrum, et vllam figuram, quæ sit in celo. Sed hoc sensu caret: non enim sit figura, quæ est in celo, sed sit simulacrum figuræ, id est rei adspectabilis, quæ est in celo. Itaque emendatius legitur Deut. 5, 8. vbi sine coniunctione נ legitur, לא תעשה לך פסל כל תמונה. Ne



Ne facito tibi simulacrum vllius figuræ, siue rei adspēctabilis: cuius verbi vim expressimus verbo Exstet. Eodem modo ter loquitur Deut. 4. Nec dissimile est illud Plin. l. c. 3. Quoniam inde, (scilicet ex cælo,) deciduis rerum omnium seminibus innumeræ in mari præcipuæ, ac plerumque confusus monstrificæ gignantur effigies. Hæc Plinius, effigies vocans animalia ipsa, effigies habentia. Quod autem in hebræo est Tibi, superuacaneum est, vt fere fit: vt quum sæpe dicitur **לך לך**, I tibi, id est i: id quod Galli bene dicunt, Va't'en. Huius autem hebraismi simile habent Latini, sed in prima persona: vt apud Horat. Quid mihi Celsus agit? Nonnumquam et in secunda, vt apud Ciceronem pro Sexto Roscio: alter tibi descendit de palatio et ædibus suis. Igitur, Ne mihi feceris simulacrum: dici posset gallice: Ne me say point d'image.

CAP. XXI. v. 13. *In eum fortē fortuna incurrerit.*) In hebræo est, Deus eius manus iniecerit. Sed Deus pro fortuna hebraice ideo dicitur, quod, quæ putant homines casu fieri, vtpote quæ non præuiderint, ea Dei prouidentia fiunt, cui nihil fortuitum esse potest. Græci quoque **δαιμονα** pro fortuna dicunt: inde **εὐδαιμών**, felix: et **κακοδαιμών**, infelix: et Cicero testatur, Deum fortunam vocari.

CAP. XXII. v. 29. *Fruges et liquorem tuum ne auertito.*) In hebræo est, Plenitudinem et lacrimam tuam: id est, fructus siccos et humidos, vt oleum & vinum, quorum prohibet decumas retineri.

CAP. XXIII. v. 12. *Natus ancilla tua*) id est, seruus tuus. Sicut columba natus, id est columbus: filii hominum, id est, homines.

15. *Azymalia seruato*) Sicut Latini veteres agonalia, floralia, liberalia, et cetera dixerunt: ego mihi fas putavi, azymorum festum azymalia dicere, messis messalia, conditionis conditalia.

CAP. XXV. v. 5. *Ligna cedrina.*) **לְעֵץ שִׁטִּים** tradunt nonnulli ligna esse cedrina: et recte, sicut ego iudico. Quum sit enim cedrus et odore suauis et tempore æterna, et cariem numquam sentiat, non video, quo ligno melius hæc fieri potuerint. Græci quoque verterunt **ξύλα ἀσπῆς**, ligna imputrefacta: quod idem secutus est Iosephus, quæ natura nulli magis conuenit, quam cedro. Sed quum sint eius duo genera, puto hic de cedro magna dici, quæ cedrelate dicitur. Nam altera **לֵבָנוֹן** vocatur.

16. *In ea arca oraculum, quod tibi tradam, ponito.*) **וְ** non solum testari aut testificare significat, sed etiam mōnere, vt est positum, supra cap. 19. Hinc **διαμαρτύρεσθαι** pro admonere dicitur, vt 2. Tim. 2, 14. Quum autem Deo dicitur, significat oraculum reddere, quod est Dei mōnium et responsum, quomodo et hic, et cap. 29. et 30. ponitur: hinc **וְנָתַתְּ**, quod nos oraculum vertimus, id est Dei præcepta, quæ in arca reposita fuerunt: hinc tabernaculum oraculi siue oraculare.

17. Propitiatorium est aræ operculum, ex quo Deus responsa dabat, et se propitiū præbebat, vnde et propitiatorium est adpellatum: quod verbum Iosephus quidem **ἐκπαύμα** interpretatus est, et nos eum secuti primo transtuleramus operculum: sed postea ab amico quodam docto viro mōniti, et simul intelligentes ipsi in hoc verbo inesse vim, repositum propitiatio. iūm, quod verbum tametsi minus apud latinos auctiores vsitatum est, sen i tamen debet, quum et necessarium sit, et ea forma dicatur, qua

apud Latinos repositorium, et alia multa dicuntur. Erant autem in vitroque huius operculi extremo singuli Cherubi, ex ipso facti: atque ipsum operculum circumdabat corona, quam intelligendum est in limbo factam, qui extra arcæ amplitudinem procurreret, ut posset operculum cingere corona, quod erat parī cum arcæ longitudine ac latitudine.

30. *Panem adposititium.*) פַּנֵּי presentiam aliquando significat, vt 2. Reg. 17, 11. et Exod. 32, 1. Deum hortatur Moses, ut eius facies, id est, ut præsens ipse cum Israelitis eat. Hinc panis adposititius, qui præsens semper et præsens erat, et Iouæ adpositus: nam, eo propter vetustatem sublato, continuo supponebatur alius.

31. *Item candelabrum.*) Existat adhuc Romæ in arcu Titi Vespasiani sculptum tale candelabrum et quædam alia, quæ ille Hierosolyma Romani deportauerat.

38. *Earumque forcipes.*) Forcipes voco, quibus epunguntur lucernæ: foculos, in quos conicitur, quod emunctum est.

Quæ sequuntur de tabernaculo, sunt obscuriora. Ea nos sic docebimus, ut primum de asseribus, deinde de linteis, et ceteris alio ordine, quam scripsit Moses, doceamus: quoniam alioquin res esset obscurior. Igitur מִסְכָּה ab habitando deductum, aliquando significat totum, quod hic describitur, tabernaculum, vna cum suo atrio: aliquando eam partem, quæ cellam et penetrale continet: sicut apud Ezechielem הֵיכָל modo totum templum cum atriiis, modo solam ædem notat. Nos tabernaculum vertimus. Id asseribus circumdabatur octo et quadraginta ad latus dextrum viginti, ad sinistrum totidem: ad occidentem, octo. Ad orientem pro asseribus erant quinque columnæ. Hi asseres quum essent latitudine singulorum cubitorum semis, efficiebatur, ut esset tabernaculi longitudine cubitorum triginta: latitudinem tradit Iosephus duodecim. Sed hoc quale sit, videamus: nam si octo latitudinis asseres ita collocentur, ut sint intra tabernaculi longitudinem, tantum de eius longitudine detrahent, quam erunt ipsi lati: ita fiet, ut non sit tabernaculi longitudo, præter crassitudinem asserum latitudinem efficientium, cubitorum triginta, et tamen latitudo erit duodecim. Quod si deinde tabernaculum partitus, decem eius cubita penetrali tribuas, neque ipsum penetrale erit quadratum, neque linteorum, quæ postea traditur ratio, quadrabit, neque reliquæ partis, (quam hic cellam vocamus,) longitudo erit latitudinis dupla: quod tamen vtrumque sit et in Solomonis templo, 3. Reg. 6. et in Ezech. 41. quod vtrumque templum ad huius tabernaculi proportionem est constructum. Quamobrem ita collocandi sunt asseres, qui longitudinem efficiunt, ut distent septemtrionales a meridianis decem cubitos: occidentales autem ab orientalibus columnis triginta cubitos: ita ut eorum duo extrema cubita consumentur in illorum crassitudine, extra illorum longitudinem collocata: cuius longitudinis, si decem cubitos tribuas penetrali ad occidentem, erit et ipsum penetrale pariter quadratum, et cellæ latitudo dimidia longitudinis, quæ proportio est et Solomonis et Ezechielis templi. Cur autem asseribus cubitalem spissitatem tribuam, quum Iosephus tantum quatuor digitos tribuat, in causa est illa, quam dixi, latitudinis ad longitudinem ratio, quam Iosephus quoque sed obscure indicat, de angularibus asseribus loquens his verbis: Duas alias columnas faciant ex vno cubito diuisas, quas angulares posuerunt. Quibus verbis videtur significare, duarum illarum columnarum angularium (co-

(columnas enim vocat, quos nos asseres) singulos cubitos ad longitudinis asseres adplicari: dimidios autem cubitos residuos accedere ad nouem cubitos sex asserum, et efficere, vt sit latitudo intus cubitorum decem. Quod autem scribit Moses, angulares asseres in imo et in summo sinul vno annulo coaptari, significat extremos latitudinis asseres cum extremis longitudinis asseribus coniungi, idque fieri et in infima et in suprema parte, vt ita inter se firmiter haberent.

CAP. XXVI. Quoniam inest in Mosis oratione multa obscuritas, proponamus in plano lintea, deinde Mosis verba declaremus.


### LINTEA IN PLANO EXPLICATA.

A lintea quinque inter se consuta: Baltera. CD longitudi duodetriginta


C	M•A	D
E	A	
	A	
	A	
	K A G	
	I B F	
	B	
	B	
	B	
	LHB	

cubitorum. CE latitudo quaternum cubitorum FG ligulae, per quas fibulae coniungebant lintea. Quod autem dicit Moses, *Ligulas hyacinthinas facito per oram lintei, quod erit vltimum in vna parte commissura*: significat eas ligulas, quae signantur littera F. similiterque in ora vltimi lintei G, quod vltimum ex quinque est, si numerare incipias ab M alterius commissurae, hoc est, alterius partis linteorum committendorum: qualem loquendi modum declarabimus in 2. Reg. 12. nam vna est commissura. Si enim essent duae, aut non essent quina lintea, (nam in duabus commissuris es-

sunt tres partes linteorum, videlicet media, et duæ ultimæ: ita fierent quindecim lintea, siquidem essent quina) aut copularentur vtrunque, vt efficerent saccum, coniunctis I cum K, et L cum M: id quod neque tegendi tabernaculi ratio patitur, neque verba Moſis. Tradit enim bis quinquaginta ligulas, quam fibulas siue vncos tradat tantum quinquaginta: ex quo perspicuum fit, singulas fibulas binis adaptari ligulis, atque ita fieri vnâ linteorum coniunctionem. Ceteræ autem quinquaginta inter se linteorum coniunctiones quatuor, non fiebant fibulis, sed sutura. Imponebantur autem ita tabernaculo, vt linteorum longitudines essent secundum tabernaculi latitudinem: ex quibus quod redundaret, id in latera deslueret, videlicet in vtrumque octoni cubiti. Quum enim essent lintea longa vncenos octonos cubitos; tabernaculum autem latum duodecim cubitos, numerata in latitudine etiam asserum crassitudine, quæ et ipsa a linteis tegebatur, redundabant in latera sexdecim cubiti, qui ex duodecim supererant hoc pacto:



Esto tabernaculi latitudo a b, altitudo c b; si latitudini imponas lintheum longum duodeciginta cubitos, supererunt ab a ad d octo cubiti in latera septemtrionale dependentes: itemque a b ad e totidem in meridianum; vt sit linteæ longitudo d a b e. His linteis imponebantur stragula linteorum longitudinem vtrunque vno cubito excedentia, quippe longa tricenos cubitos, f a b g. Et hæc de tabernaculi latitudine. Longitudinem autem occupabant linteorum latitudines, quæ quum essent decem, lata quaternos cubitos, efficiebat vniuersorum latitudo longitudinem cubitorum quadraginta, quorum triginta duobus in longitudine tabernaculi occupatis, superabant ab oriente quatuor, ab occidente totidem: hoc est, singula lintea, quæ penderent. Sitenim a b



tabernaculi latitudo: huic si imponas lintea longa quadraginta cubitos, erit linteorum longitudo c a b d. vt sint a e quatuor cubiti, b d totidem, a b triginta duo. His linteis (vt ante

dictum est) imponebantur stragula eadem singulorum latitudine, sed vniuersorum longitudine (nam de singulorum longitudine iam dictum est) maiore: erant enim vnum et triginta; itaque superabant de eis ad orientem sex cubiti, ad occidentem totidem, vt esset eorum longitudo e a b f, superarentque linteorum longitudinem binis vtrunque cubitis, hoc est, dimidiis linteis, c e, et d f; sed ab oriente, qua frons erat tabernaculi, d f replicabatur ad g, vt pateret aditus; a tergo autem c e pendeat. Et hæc quidem de tabernaculo, ex quibus Moſis verba possunt intelligi.

CAP. XXVII. v. 4. *Finit autem factum est.*) Quod hic de arz foco dicitur,

tur, (sic enim vertit Iosephus et Septuaginta מַכְבֵּר) cratis erat area, reticulata: quæ intus in altari, quod erat cauum, collocata, exciperet ligna sacrificia: et, iis exustis, transmitteret carbones ad terram, (vt docet Iosephus,) et subter aræ contracturam collocata, ad medium aræ pertingeret: hoc est, altitudinem haberet dimidiam altitudinis aræ: hoc est, esset alta vnum cubitum, et dimidium. Vnde et aræ contracturam, (quæ, qualis esset, ex descripta apud Ezech. ara cap. 43. intelligis) in medio altitudinis eius spatium collocamus, quod nimirum focus, qui huic subest, eo vsque attollitur, sed quantum recederet, ex Mose sciri non potest. Est autem כַּרְכַּב a כָּרַב deductum, hoc est ab insidendo aut incumbendo, quod retractio sit eiusmodi, vt in eo quasi fideri possit.

CAP. XXVIII. v. 28. *Hyacinthina vitta*) quæ adnectebantur annulis in monilis inferiore parte adfixis, et anteriori parte, a pectore super ephodi textum ductæ subter axillas, ibi adligabantur annulis, qui sub axillis erant in coniunctione humeralium, id est, vbi coniungebatur dorsi ephodi pars, cum parte pectoris, qui annuli prodibant sub posteriore parte ephodi: qui quidem vittarum nexus efficiebat, vt hæceret monile ephodo: quod aliqui remoueretur, et laxum propenderet, si quando Pontifex esset prono corpore: quippe tantum superius adligatum, et recta ad terram pendens.

CAP. XXIX. v. 41. *Vt eo rei diuina odore Ioua deleniatur.*) Quod rem diuinam interpreto, in hebræo est אֶשֶׁר, quod verbum ab igne deductum significat rem diuinam, siue sacrificium, ad quod adhibetur ignis. Sed nos, quod idem plane valeat, verbum non habemus: nec necesse est ignis nominatiu facere mentionem, quum in sacrificii descriptione comprehenderetur. Alicubi verto flagrantiam.

CAP. XXX. v. 9. *Neue solido sacrificio, aut ferto fieri: neue vinum prolibari.*)

עֹלָה holocaustum est, græce ita dictum, quod tota victima vreretur. Itaque nos fere solidum sacrificium interpretamur: sed ponitur sæpe pro hostia, seu victima. Itaque pro ratione sententiæ sumus interpretati. זֶבַח autem sacrificium significat, in quo victima pollucebatur, id est, comedeatur.

מִנְחָה munus erat dapale, a ducendo siue ferendo denominatum, sicut latine a ferendo fertum, quo Persius vtitur, et Cato de re rustica: vnde ferta facere, aut dapem facere, fertum obmonere. Aliquando significat munus, siue id Deo fiat, vt Genes. 4. siue homini, vt Genes. 33. Nos, vt postulat sententia, ita vertimus.

13. *Ioua honorarium.*) רוּם proprie attollere est, sed aliquando excipere et seponere, vt etiam gallice leuer: vt positum est Ezech. 45. et 48. vbi terræ pars Deo excepta, vocatur Iouæ תְּרוּמָה, hoc est honorarium, vt nos hic vertimus. Neque enim regio attollebatur, ne quis forte contendat verbum hoc vendendum esse superflitiosius per attollo, aut esero. Atque eodem modo positum est et Prouerb. 29. Hinc pectusculum exceptitum: hinc Exceptitia dicta sunt, quæ Deo destinabantur, atque excipiebantur.

24. *Iris quingentos.*) קָרִי casiam interpretatur. Sed casiam Hebræi eodem nomine, quo Latini adpellant, vt est in Psalmo 45. Itaque malui hic Iosephum imitari.

CAP. XXXIII. v. 14. *Ego me praesens ibo.*) פָּנַי significare praesentiam, iam supra notatum est: hinc dicit Deus, faciem suam ituram vna, id est

semetipsum : hinc Mosem adloquitur פָּנִים אֶל פָּנִים, id est, coram, et præsens præsentem.

CAP. XXXIII. v. 6. *Ad auxilium propensus.*) מִנְחָה fidem significat. Iam fides etiam latine pro auxilio et tuitione dicitur : quum dicimus implorare fidem alicuius, et fidem tuam obsecro : et in fide alicuius esse, id est, in tutela.

\*\*\*\*\*

## LEVITICVS.

### ARGVMENTVM IN TOTVM LEVITICVM.

*Ad Iouam varia munera. Sacri ritus, libamina, in iis damnata. Primitia. Sacra pro noxis personis. Sanguis abominandus. Consecratio sacerdotum. Aharonis interempti filii. Concessa ad escam animalia. Puerpera, Circumcisio. Corporis vitia. Preces, Ieiunia, Morticinium. Damnati concubitus. Leges et sacra et ciuiles. Annua festa, spicilegia, umbracula, Lubileus annus. Soli requies, Seruitus, Manumissio. Idola, vota, decumæ.*

## A D N O T A T A

### IN

CAP. III. v. 3. *Si sacerdos inunctus deliquerit in noxiam populi.*) Id est, cuius delicto etiam populus teneatur : sicut capitis aut cuiusvis membri morbus ad totum corpus pertinet : et sicut Achanis aut Davidis peccatum toti populo nocuit.

13. *Sin autem cuncta Israelitarum respublica.*) קָהָל et עֵדוּת, quæ multitudinem et concionem interpretantur, fere eandem notionem habent, significantque rempublicam et ciuitatem, quam Græci πόλις vocant, quæ est (definiente Cicerone) hominum cætus iure sociatus ; atque ita interpretatur Iosephus Antiq. 3. vbi tradit, Mosem leprosos exegisse τῆς πόλεως, id est, ex aliorum cætu et ciuitate.

CAP. V. v. 7. *Duos columba natos*) id est, columbos : vt בְּנֵי הַיֹּנָבִית pro struthione. Sic Varro lib. 1. de re rust. Colonus in agro furculario, ne capra natum pascat : hoc est, caprum. Id autem citat ex lege colonica, vt intelligas priscum latinorum sermonem propius ad hebræum accessisse.

CAP. XI. v. 3. *Quacumque diuisas ungulas habent, et bifulca sunt.*) מִפְּרִסָּה id est, quod diuisis est pedibus in duas fissuras, siue in plures. שֶׁסַּע שֶׁסַּע autem, quod bifulcum est. Igitur quæ bifulca sunt et ruminant, ea ad esum permittuntur. Quod autem hoc in loco lepus et cuniculus negatur esse מִפְּרִסָּה, hoc ita intelligendum est, si coniungas, quod in propositione positum est. שֶׁסַּע שֶׁסַּע ; vt sit hic sensus : Lepus non diuisas habet ungulas, id est, non habet id, quod ego posui in propositione, vt fissis pedibus sit, idque in duo. Hæc causa fuit, vt ego sic vertcrem. Atque ita esse facile intelliget, qui totum hoc caput, et Deuter. decimumquartum diligenter excutiet. Tale quid inuenies Esa. 58. et Ezech. 21.

CAP. XIII. v. 12. *Sin autem lepra effluerit.*) Lepram vocat, id quod le-

præ

præ suspicionem facit, quamdiu de eo dubitatur: quamvis lepra non sit, vt paulo post adparet: atque hoc modo sæpe loquitur.

48. *Sive in exteriore parte, sive in interiore*) שֵׁת et עֵר verterunt stramen et subtegmen. Ego non possum intelligere, quomodo possit macula in alterutro tantum inesse, quum ea duo ita inter se mixta sint, vt alterum sine altero lepra infici non posse videatur. Arbitror hic significari faciem panni exteriorem, quæ oculis subiecta est: et interiorem, quæ villosior, et minus elegans esse solet, vt vulgo in laucis pannis et mappis videmus.

CAP. XVI. v. 7. *Capros caprinos.*) Solent in hebræa lingua voces quædam poni, superuacane: illæ quidem, sed non sine antiquitatis venustate: vt volucres aeris, et pisces aquatiles, pro volucres et pisces: vt poëtæ niuem albam, et glaciem frigidam vocant. Sic hoc in loco capri caprini dicuntur, pro capris. Nec dissimile est illud, Populi Romani Quiritium. Ego ab antiquitatis maiestate abhorreere nolui: neque tamen semper ita verti.

CAP. XX. v. 17. *Et alter alterius verendis fuerit potitus*) id est, rem habuerint inter sese. Est autem in hebræo: verenda viderint. Sed videre ponitur sæpe pro consequi, aut sentire: vt, Videre corruptionem, videre terram a Deo promissam.

CAP. XXI. v. 4. *Ne in principis, quidem*) Videtur in hebræo vna littera transposita, legendumque כָּבַעַל עֵמִי non autem כָּעַל פְּעֵמִי. Nam et Hieronymus ita vertit, et hoc sententia postulat, quum hic non principi, sed sacerdotibus præcepta dentur.

CAP. XXIII. v. 24. *Sabbatum monetur*) Hoc adiectiuum a monendo deduxi, quomodo latini Iunonem moneta dixerunt.

40. *Persea fructum, palmarum spadices, cet.*) Hoc in loco secutus sum Iosephum, qui hæc etiam oculis sæpe vspiciuerat. Is igitur Antiqu. 3. cap. decimo de his ita scribit: *Φέροντας ἐν ταῖς χερσὶν εἰρεσιώνην μυρσίης καὶ ἰτέας σὺν κράτῃ φοινίκος πεποιημένη, τὰ μῆλα τὰ τῆς περιστάς προσόντας*: Manibus ferentes (inquit) myrti, salicisque rami, cum spadice palme adparato, adhærente Perseæ pino. Persea in hebræo vocatur arbor generosa, myrtus autem foliosa: quod hæc æternis est foliis, illa præterea fructibus semper subnascens aliis. Quamquam idem Iosephus et citri vsos tradit, Antiq. 13. cap. 21. quod fortasse sumit ex 2. Esd. 8. vbi citatur hic locus: in quo Esdræ loco, Hadas videtur esse citrus; sit et ibidem mentio oleæ et eupressi, quæ hic non commemorantur.

\*\*\*\*\*

## N V M E R I:

### ARGVMENTVM IN TOTVM LIBRVM NVMERORVM.

*Israelitarum census. Tribuum duces. Hebraorum agmina. Levitarum officia. Nazarei. Pascha in deserto. Tuba bina. Copiarum ordines. Populi tumultus. Moysi infirmitas. Coturnices. In Mosem Aharon et soror. Exploratores. Murmuratorum pavor, mors. Populi cades. Libamina. Rebelles interemti. Virga Aharonis germinans. Levitarum decima. De petra aqua. Mors Aharonis. Balaam Tribuum sedes. Levitarum vrbes, et profugii. Homicidii, iubilati ac nuptiarum leges.*

## ADNOTATA.

CAP. XIII. v. 24. *Ad fluvium Escole*) מִן הַנָּחַל non semper torrentem fluvium, sed sæpe perennem significat. Itaque hoc nomine vitur alibi Moses, quum de Arnone loquitur, quem Iosephus ποταμὸν id est fluvium vocat. Antiquit. 4. cap. 4. et 1. Machab. 5. idem χαμαῖος et ποταμὸς vocatur.

CAP. XXI. v. 15. *Ad flumina Arnonis*) id est, ad Arnonem flumen : vt apud Virgilium, Ad flumina Thermodontis, Aeneid. 11. vt Psal. 74, 15. Iordanis vocatur flumina : quomodo poetæ sæpe ora et colla dicunt, pro ore et collo.

24. *Nam Ar terminus est Ammonitarum*) In hebræo אֶרֶץ legitur, sed mendose, vt ego coniicio, tum quia hic legitur in græco ἀῖψος, quod exit in r : tum quia Deut. 2, 18. idem locus Ar vocatur, inter Moabitas et Ammonitas positus, his verbis : Transiturus es hodie Moabitarum terminum, videlicet Ar.

29. *Periisti Chamosi gens, cuius et mares fusi*) In hebræo est ad verbum : Periisti Chamosi gens, dedit filios eius, cet. Sed est mutatio personarum, qualis est Genes. 49, 22. seqq. vbi Iacobus Iosephum modo per secundam, modo per tertiam personam alloquitur. Præterea quod est, Dedit filios eius : singularis numerus est pro plurali, dederunt : quod est per passivum interpretandum, dati sunt ; id quod faciunt Latini per pluralem tantum, perhibent, aiunt, ferunt : pro perhibetur, fertur. Eodem modo locutus est Moses et sæpe alias, et infra cap. 23. et Num. 35. quod idem fit 2. Reg. 11. Quod autem sequitur, Atqui lux eorum Hesebon : poetice dictum est, pro capite regni, et urbe fortissima.

CAP. XXII. v. 22. *Quo eius itinere irato Deo*) Dei mens erat, vt Balaaus Hebræis bene ominaretur : itaque hoc animo eum ire iusserat. At Balaaus sperabat se illis imprecaturum esse, quemadmodum postea satis ostendit. Hoc animo susceptum iter Deo displicebat.

30. *Numquid tale sum tibi facere solita?*) Quum hoc præter consuetudinem faciam, debes existimare grauiorem aliquam subesse causam : eamque potius vestigare, quam me iniuria verberare.

32. *Istud iter susceptum est contra meam sententiam*) Ita interpretatur Iosephus, τὴν ὁδὸν παρὰ γνώμην τῆς θεῆς γενομένην.

CAP. XXIII. v. 10. *En populum seorsum habitaturum*) id est, omnium excellentissimum, itaque ab omnibus aliis secernendum et singulare.

11. *Quis Iacobeorum pulueris?*) id est, innumerabilis multitudinis.

CAP. XXIII. v. 4. et 16. *Qui ab omnipotente præsignificata vidit*) מִן הַמָּוֶד quum de homine dicitur, significat visum, et rei præfensionem atque prænotionem : quum autem de Deo, significat prædictionem et præsignificationem, (vt ita loquar) atque hoc modo sæpe in vatibus pro vaticinatione ponitur, eadem ratione מִן הַמָּוֶד qua in homine bene precari est, in Deo secundare et fortunare.

7. *Cuius de stirula*) id est, a quibus proles orietur, quæ vehementer crescet, vt arbores in humida terra : quorumque rex superabit Agagum, id est Amalechitarum reges : sic enim adpellatos aiunt, vt Aegypti Pharaones.

24. *Quam classem ex Cittimorum finibus*) Qui sint Cittimi, declarat Iosephus Antiquit. 1. cap. 7. his verbis : Chethimus Chethimam insulam tenuit : ea nunc Cyprus vocatur, ex qua et omnes insulæ, et bona pars maritimarum Chethim ab Hebræis nominantur. Adstipulatur orationi mea, vna de Cy-



pri vrbibus, quæ adpellationem retinere potuit. Cetios enim vocatur ab eis, qui eius nomen Græcum fecerunt, ne sic quidem Chethimi nomine vitato. Hæc Iosephus. In Esaia quoque capite 23, 1. a Cittiinis venturus dicitur Alexander, Tyri expugnator; et idem Alexander 1. Mach. 1, 1. dicitur ortus ex terra Chethim, quum fuerit Macedo; et eiusdem libri cap. 8, 5. legitur, τὸν πρῶτον βασιλεῖα, id est, Persem Citiorgum regem: quod de Perse Macedonum rege scribitur. Ex quibus patet, Cittiinos Græcos aut Macedonas adpellari: quamquam et Italia videtur in hoc nomine comprehendi, quandoquidem eam hoc nomine nuncupavit Iosephus hebraice scribens, Antiquit. lib. 4. cap. 22. Recordor etiam, alicubi legisse me, a Cetim Macedonum esse nomen deductum, præposita syllaba, et t littera in d propter adfinitatem commutata.

CAP. XXVII. v. 19. *Eisque in eorum oculis præcipito.*) id est, præcepta dato, cumque doceto. Hoc modo locutus est Cicero Officiorum 1. his verbis: Vt nemini parere animus bene a natura informatus velit, nisi præcipienti, aut docenti, aut utilitatis causa iuste et legitime imperanti.

Cap. XXX. v. 6. *Omnia eius vota irrita sunt.*) Si Deo factum a filia votum pater dissolvere potest: profectio non bene sentiunt hodie, qui negant facta parentibus inficiis sponsalia posse a parentibus irrita fieri: nisi forte homini facta promissio ætius obligat, quam Deo.

CAP. XXXIII. v. 6. *Ad occidentalem terminum habebitis mare.*) In hebræo est, mare magnum, quoniam Hebræi eodem nomine mare et lacum adpellant, ne de lacu intelligeretur. Nobis, qui lacum proprio nomine vocamus, non est necesse mare magnum dicere, sed satis est mare. Idem fit et alibi, et Iosue 1, 4.

\*\*\*\*\*

## D E V T E R O N O M I V M.

### A R G V M E N T V M I N T O T V M D E V T E R O N O M I V M.

*Ad exercitum conciones Ducis Moysi. Præterita in deserto iura, delicta, arumna, victoria. Iosue dignitas. Leges multa. Familiarum institutio. Idololatria desertatio. Præcepta præcipua. Dei attributa. Cordis circumcisio. Dei natura. Chanaanæ copia, situs. Piorum beatitas. Dininarum rerum æternitas, et cultus. Carnis et sanguinis decreta. Filii deastris immolati. Vatum probatio. Pseudonatum supplicia. Deastricolarum internecio. Funus. Morticinum. Debita. Manumissio. Primogenita. Festi dies. Indices. Rex. Artes vetita. Apsyla. Homicidia. Militia. Crux execranda. Gentes inuisa, amanda. Divortia. Men/sura. Fœdus cum Ioua. In Dei verba populi sacramentum. Moysi carmen, sepultura per Iouam, ignota mortali.*

## A D N O T A T A.

CAP. II. v. 7. *Qui vestrum iter curauisset*) In hebræo est, Qui vestrum iter nouisset; sed ego sensum, non verba, reddidi. Dicitur enim Deus eos nouisse, quos vt suos conseruat: quemadmodum ignorare eos, quos perire sinit tanquam alienos. Sic Psalmo primo dicitur viam, id est mores factaque bonorum nosse, cui contrarium est, quod de impiis dicitur, eorum viam perituram esse. Itemque 1. Reg. 2, 12. dicuntur, Elis filii non nosse Iouam, pro continere ac non curare.



CAP. III. v. 8. *Aduobus Amorraeorum regibus terram abstulimus cisiordaninam.*) כעבר significat trans. Sed quum sit Moses in ea terra, de qua loquitur, non dubium est, quin eam vocet cisiordaninam: quemadmodum si nos de ea Gallia loquamur, quæ a Romanis transalpina vocatur, haud dubie eam cisalpinam ex nostra consuetudine vocemus, non transalpinam ex consuetudine Romanorum, nisi si ex illorum libris loquamur. Sic Moses Bafanam transiordaninam vocare non potest, nisi sic loquatur, quasi sit in Chanaan: quod absurdum est, quum hic ex sua persona vocatur; alioquin vocaret Libanum cisiordaninum, quem tamen paulo post hunc locum dicit esse trans Iordanem, eodem verbo utens, quo hic. Quare necesse est, aut vt idem verbum vtrumque significet: aut כעבר, mendum sit, pro כעבר, quod citra significat, nisi quum additur והלאה, tunc enim significat trans. Idem verbum sæpe ambiguum est in Iosua, et Deuter. 5. Ego sensum sequor.

CAP. VI. v. 13. *Perque eius nomen iuratos.*) Iurare est, testem veritatis religiose adducere. Qui per alium iurat quam per Deum, alium sibi Deum fingit, qui sit veritas, quique norit omnia; quod nefarium est, quum solus Deus ea norit, quæ iureiurando affirmamus. Per solum igitur Deum iurandum est: neque iureiurando sancto magis offenditur Deus, quam vir bonus, quum testis citatur: potiusque delectatur. Sed hoc fieri non debet inaniter, id est, neque in re falsa, nam hoc esset Deum mendacem facere: neque in re leui, nam hoc esset Deum contemnere: neque si tibi citra iurandum credatur, aut si res non postulet, nam hoc esset superuacaneum: neque si res per homines probari possit, nam hoc esset datam a Deo testimoni rationem repudiare.

CAP. VII. v. 10. *Eisque sine dubio coram digna factis premia rependentem*) Ab alijs ita veritrit hic locus, vt dicatur Deus improbos statim vlcisci, sine cunctatione. Sed id a Dei natura est alienum, qui est ad iram tardus: et res ipsa clamat, improbos non statim puniri, id quod quum alij multi, tum Ieremias conqueritur. Præterea verbum נאחז non proprie cunctari significat, sed id quod וְשָׁמַר dici potest. Latine exprimitur duabus negationibus, hoc modo: Si votum feceris, noli non reddere: id est, redde sine dubio; vt est Deut. 23, 21. Et Habac. 2, 3. ita legitur: Si cunctabitur, exspecta eum, veniet enim לֹא יֵאָחֵז: id est, sine dubio. Sed gallice bene exprimitur: Et n'y faudra point. Quod si ita redderetur, Veniet enim, non cunctabitur: contrarium esset ei, quod ante positum est. Si cunctabitur, exspecta eum: nisi forte cunctabitur, pro cunctari videbitur, dictum est.

CAP. VIII. v. 7. *Terram aquarum fluminibus, fontibus, lacubus scatentem.*) Quod verto Lacubus, in hebræo est profundis. Vocat autem profunda, quiescentes aquas, vt sunt stagna et lacus, quos videmus in Euangelio maria hebraico more dici.

CAP. X. v. 8. *Et eius nomen celebrandum*) כבוד et bene precari, et celebrare significat. Sed si hic bene precari significaret, primum curta esset oratio. Deinde quum Leuitici muneris pars sit vel precipua, Deum laudare, vt est in 1. Paral. 19, 2. non est consentaneum, hoc in loco (in quo nominatim de Leuitarum munere tractatur) nullam huius rei factam esse mentionem. Hæc causa fuit, vt ita transtulerim. Atque in eandem sententiam transferunt etiam alij, 1. Paral. 23, 13.

CAP.

CAP. XIX. v. 8. *Præter si quid ille.*) Si Leuita ille, venditis bonis paternis, pecuniam inde contraxerit, fruatur ea pecunia proprie: et insuper fruatur communiter portionibus, quæ ei ex ministerio debentur. Non enim æquum est, quatenus ministrat, eum viuere bonis paternis. Nam qui sacris ministrat, is debet ex sacris viuere: מַמְכָּר autem significat etiam rem venditam, vt Ezech. 7, 13. et ponitur pro rei venditæ pretio, sicut מְכַנְּנָה pro rei emtæ pretio, Leuit. 25, 16.

CAP. XX. v. 19. *Quasi homines sint rursus arbores.*) Belli lex est, parcere subiectis, et debellare superbos. Arbores subiectæ sunt: neque vobis, vt homines, in obsidione repugnant. Debetis igitur eis parcere.

CAP. XXI. v. 20. *In eius loci curiam.*) In hebræo est, Ad portam. Sed quia in urbium portis erant curiæ, dicitur porta pro curia: sicut hodie Turcarum regis aulam, Portam adpellant.

CAP. XXII. v. 8. *Eius tellus lorica munita.*) In Palestina plana testæ sunt: ea iubet ambitu quodam et septo circumdari (quam ego loricaui verto) ne quis inde cadat. Nam in eis sæpe versantur homines, quod vel ex Christi dicto intelligitur, qui iubet Apostolis, vt quæ in tenebris docentur, ea ex testis prædicent: vt patet et in Iosua, apud Rachabam. cap. 2, 6. 8.

9. *Ne et frugum, quas seueris, redditum et vineæ prouentum consecres.*) Consecrabantur fruges, libando primitias Deo. Quod si idem fundus et vitibus esset et fegetibus confitus, eius redditus neque messis esset, neque vindemia: itaque neutrius nomine posset Deo consecrari, sed mixto: qualis est in animalibus mula, quæ confusio Deo simplicitatis amanti displicet.

CAP. XXIII. v. 18. *Aut admissura canis pretium.*) Iosephi interpretatiorem secutus sum, qui vertit, ἐν ἡμετέροις κυνός. alioquin ad verbum legitur, canis pretium.

CAP. XXIX. v. 29. *Occulta Iona Dei nostri sunt.*) Quæ nobis declarauit Deus, his debemus sine cunctatione parere: eorum si causæ sunt obscuræ, aut si quid in eis altius latet, aut nobis, (vt sumus tardi,) absurdum videtur, debemus tamen tantum Deo tribuere, vt quia iussit, faciamus: neue aliunde eius voluntatem sciscitemur, quam ex eius lege. Nam si quæ sunt occultiora, (arbitror, hic Mosem euangelii arcana et alia innuere, quæ etiam in lege latent, et quæ Mosi declarauit quidem Deus, sed celare iussit, vt est in 4. Esdr. 8, 62.) ea Deus penes se habet, promittitur, quum libebit.

CAP. XXXII. v. 26. *Et quidem statueram eos ita profigare.*) Israelitarum genus propter eius scelera funditus abolerem, nisi metuerem, ne eorum hostes, per quos eos delerem, huius rei gloriam non mihi, sed sibi vindicarent. Neque enim tantum rationis et prudentiæ habent hostes, vt cogitent fieri non posse, vt tot Israelitæ a tam paucis hostibus superentur, (id quod tamen tum fiet, quum in Israelitas animaduertam,) nisi essent a me Deo suo non solum destituti, sed etiam subacti, atque fracti: præsertim quum ne ipsi quidem hostes dicere possint, Deum nostrum, id est me, (est enim personæ mutatio, quasi ipse populus, non Deus loquatur,) ita debilem esse, vt videri possit, inuito me, Israelitas ab hostium diis esse delectos: quum sciant, me, inuitis Aegyptiorum diis, (si tamen diis,) populum meum abduxisse, et inaudita illa, omnibus inuitis, fecisse. Sunt enim illorum dii, quales ex ipsorum hominum fructibus, hoc est, moribus et institutis adparet, qui quidem mores sunt non minus scelerati, quam olim Sodomitarum. Dicit quis: Qui sit ergo, vt, tuo populo ita adlucto, hostes impunitos pati-  
tiare?

tiare? Ego vero scio, quid, et cur, et quousque faciam: quod mihi nunc soli notum, tunc ab aliis quoque intelligetur, quum et Israelitis penitentiam agentibus iterum fauebo, et hostes successu insolentes vlciscar. Hæc Moses: quæ facilius intelligentur, si cum superiore capite conferentur, in quo eadem futura, eodem ordine minatur.

CAP. XXXIII. Si hic meminerimus, qui hic Ioua dicitur, cum esse Christum Dei filium, quemadmodum in 3. Exod. ostendimus; hunc locum facilius intelligemus. Est igitur hæc sententia: *Ioua*, id est, missus a Deo Dei filius, qui vnum cum patre Deo est, *venit de Sina*: nam illic adparuit, et legem dedit. *Ex Seire ortus est*, vbi etiam Mosem adlocutus est, iussitque serpentem æneum fieri. *Patuit ex monte Pharane*, vbi Mosi coturnices promisit: *venitque ob sacras legiones*, id est, ob Israelitarum populum sacrum: *habens eis legionibus ignem disciplina*, hoc est, igneam disciplinam: *ad dexteram suam*, id est, eis adferens legem suam cum multo igne: *hominum sane amator*: oportet enim mirum esse illius amorem, qui Deus inter homines versari non sit dedignatus. *Cuius sancti omnes*, scilicet Israelitæ, qui sunt in eius fide et tutela, *sunt in manu tua*, o Deus eius pater: *et quidem ad pedes tuos prosternuntur*, tibi supplices sunt, et a te pendent, *eo*, tuo filio, *de tuis dictis sumente*: quam enim legem Mosi tradidit, eam a te accepit. Moses porro legis non auctor fuit, sed præceptor et magister, qui legem a Ioua acceptam, tradidit Iacobeorum reipublicæ tenendam: qui Moses fuit rex inter probos, id est inter Israelitas Deo probatos, dum eorum capita collegit, reipublicam ordinauit, fontes puniuit, quæ sunt regis opera. Quod autem verto, *ob legiones*, in hebr. est מרבה, quod verbum proprie significat myriadas, id est, dena millia: sed ponitur pro numero et multitudine: sicut latine millies dicimus, pro sæpissime; מן autem interpretor Ob, vt significet causam et vtilitatem: quomodo latine dicitur: Ex, quum dicimus, Ex re tua est: et, Ex reipublica facere, id est, in reipublicæ vtilitatem.

Hoc modo locutus est Ezech. cap. 45, 20. his verbis: וכן תעשה, בשבעה בחדש מאש שנה ומפתי וכפרתם את הבירה, id est: Atque ita facies septimo die mensis, ob hominem, qui per imprudentiam peccauerit, aut per errorem, proque domo supplicabitis, id est, hoc facies, quum hominis imprudentia lapsi causa sacrificium facies. Et Deut. 7, 8.

משמרו את השבעה, id est, ob seruandum iusiurandum. Itemque Esaïæ 7. et Psal. 59. et latine apud Ciceronem, Flere de filii morte; et apud Varronem de re rust. 3. Eunti de controuersis: id est, ob controuersias. Quod autem verto, *eo de tuis dictis sumente*, quum sit in hebræo futurum verbi, non participium, sciendum est, hebræa verba sæpe pro participiis poni, præsertim futura, quum sine coniunctione ponuntur, quod ea lingua participio futuro caret: id quod et alias sæpe fit, et Genes. 49. vbi Iacobus bene precatur Iosepho. Et Num. vicefimo tertio, quod imitatus in Apocalypsi Iohannes dixit וְהָיָה עִירָא, vbi עִיר cum articulo, pro participio positum est. Quod verto *Probos*, in hebr. est ישרון, singularis pro plurali, qui hebraismus est, et significat rectos, æquos, et (vt dixi) probos: id est, Israelitas; vt etiam Es. 44. adpellantur. De Rubene quod hic dicitur, declaratum est in Iacobi testamento. De Iuda hæc est sententia: Iudæa tribus erit bellicosa, solaque bellum hostibus inferre audebit, si speret sese Dei præsidio incolumem ad suos redituram; vt sit Deduc, pro reduc: sicut

sicut ire in hebræo pro redire non raro ponitur. De Leui sic loquitur: *Tua integritas et claritas*, (adludit ad hæc verba, quæ erant in Pontificis monili inscripta) id est, tuorum morum probitas, et doctrinæ præstantia, quibus ambobus debes hominibus præluere, est viri elementis tui, id est, Iouæ: qui tibi, qua est clementia, præcipue fauet sacerdotium indulgendo: *quem tu laesisti apud Massam*, cum quo iurgasti ad aquam iurgii, (nam Moses et Aharon, qui erant Leuitæ, Deo fidem non habuerunt, quum aquam ex petra elicuerunt; quum enim deberent eius rei gloriam Deo tribuere, in eo peccarunt, quod dixerunt: Attendite rebelles, an vobis aquam ex hac petra eliciamus. Debebat enim loqui vt Paulus, qui dicit: Non ego, sed in me Christus) *Qui vir clemens tuus*, id est, Ioua Christus, pluris facit obedientiam, quam cognitionem: eosque pro cognatis habet, *qui tuis dictis*, o Deus, (est enim personæ mutatio,) *obtemperans*; quemadmodum docet ipse Christus, Matth. 12. Qui fecerit voluntatem patris mei, is meus frater et soror et mater est. Sed de sacerdotum claritate et integritate in Christo sita, operæ pretium est quiddam considerare, quod a Iosepho Antiquitat. 4. positum est in hanc sententiam: Gemmarum, quas in humeris ferre pontificem, supra dixi, (erant autem sardoniches,) altera, quandocumque rei diuinæ Deus aderat, lucere solebat, scilicet ea, quæ dextrum humerum insigniebat, absiliente splendore, et longissime adparente: quum tamen is antea non esset in gemma. Mirum sane hoc est, eis qui non sapientiam ad contentum rerum diuinarum exercuerunt: sed dicam, quod mirabilius est. Nam per duodecim gemmas, quas ad pectus Pontifex insutas esseni fert, victoriam prælio dimicatoris præsignificabat Deus. Tantus enim splendor ab eis rutilabat, nondum moto exercitu, vt toti multitudini notum esset, Deum adesse in auxilium. Vnde Græci, qui nostros in pretio mores habent, quoniam nihil habent, quod his contradicant, essentem rationale vocant. Quamquam desit et essent et sardonix lucere annis ducentis, antequam ego hoc opus composui, Deo ob leges violatas indignato. Hæc Iosephus. Ex quibus intelligi potest, splendorem illum sub Christi tempus (qui vera Leuitarum lux est) desisse. Scriptum enim Iosephus anno decimo tertio imperii Domitiani Cæsaris. Quod sequitur, clarum est; docet enim, Levitarum munus esse, docere, et sacra facere. De Beniamine quod dicit, Iouam inter eius humeros habitaturum, significat, Iouæ domicilium et templum fore in Beniamitarum finibus: id quod euenit. Iosepho sic ominatur: *Felix Ioua dono terra eius*. In hebræo est, Fortunata Iouæ terra eius: id est, Iouam habet secundum; quomodo latine dicimus, Felix prole puerpera: id est, quæ talem habeat prolem: Felicem te tali patrono. Deinde ostendit, vbi sita sit illa terræ felicitas: nimirum in cæli temperie, et rore, atque pluuiæ: in bonitate soli: in sole, in quo est fetifica vis: in luna, quæ frugum maturitatem inuat, dum molliore et imperfecta vi (vt Plinii verbis utar) soluit tantum humorem, atque etiam auget, quem solis radii absorbant: quæque a sole illuminata (vt ait Cicero) grauiditates et partus adfert, maturitatesque gignendi: *In capite montium perennium*; id est, immobilium, (poetico more dictum,) in promontu collium, id est, in eis quæ in montibus et collibus gignuntur: *in fauore habitatoris rubi*, id est, Iouæ, quem moriens Iacobus pastorem lapidem Israelis vocauit *Fauorem* interpretor פֶּזֶז, qui in nouo Testamento dici solet *εὐδokia*. Quod autem eius primogenitum decorum bonum vocat, significat, Ephraimitas fore bellicosos: ducta similitudine a boue et monocerote. Deinde quod Ephraimi legiones, et Manassis cohortes dicit, significanter dicit, Manassis

nassi Ephraïnum numero anteponebat : quod idem Iacobus fecerat. Ego rem latino more expressi, quæ Græcis verbis poterat per myriadas et chiliadas, et quidem ad verbum exprimi. Nec refert, quod legionis vocabulum non significat præcise decem millia, aut cohortis vnum mille. Non enim hic certus ponitur numerus: sed verba ponuntur, quorum aliud plures, aliud pauciores significet. Zabulonii foris clarebunt, utpote maris accolæ, et nauiculariam facientes, Issacharianis domi manentibus. *Populos in montem inuitabunt*: erunt enim maritimi, et diuitiis maritimis abundabunt, (hoc enim est, quod vocat maritimam abundantiam, et obrutos arenæ thesauros, id est litoreos) quibus inuitati exterarum gentium homines, cum eis commercia habebunt, et ea consuetudine adicientur *in montem*, id est Hierosolymam, ubi Sion Dei mons est, ut ibi *iustitia sacra* faciant, utpote diuinitus tradita: quum cetera sint impia atque polluta, itaque iniusta. *Grates Gadum explicanti*: id est, Deo sunt agendæ gratiæ, cuius præsidio Gadinii bellica vi finitimos propulsant, et suos fines amplificant. Quod autem verto Grates, in Hebræo est **יְרַב**, quod vertunt benedictus, Græcos imitati, apud quos est *εὐλογητός*. Sed hoc verbum sæpe gratias agere significat: quod fit quum ob aliquod benefactum laudatur, et ei benedicatur; ut patet ex Luca, qui quod a Marco de Christo in cæna dictum est *εὐλογήσας*, dicit *εὐχαρισήσας*. Hi ubi primum animaduertunt, Ogi et Sehonis terras esse sibi accommodas, in otio futuris et imperaturis, Mosem et populi principes adiuerunt, ut terras illas obtinerent: et promissum præstiterunt, Israelitis in suas possessiones intromissis. Dan (id est, Dania tribus) erit leone generosior. Nephthalis Iouæ carus. Aser progenie diues, fratribus carus, oleo, ferro, ære abundans: *Vires pro ætatis ratione*, ut, quem locum ætatis Aser inter fratres habuit, eundem eius posterii fortitudinis obtineant in tribubus. Quæ sequuntur, ad vniuersas tribus pertinent. Nullus est cum Deo Israelitarum conferendus: qui quamuis in cælis habitat, non tamen ita terrena despicit, ut non in terram suam semper brachia demittat: id est, ut non Israelitis adlit, eorumque hostibus exactis, eos in tuto collocet, efficiatque, ut Iacobus oculum adiciat ad terram feracem, id est, terram feracem videat, et ea potiatur (nam Videre pro potiri, etiam antea notauimus) Felix Israelitarum populus, et plane incomparabilis, qui talem habeas defensorem Iouam, *qui est tui fastigii gladius*: id est, qui te suo præsidio in istud fastigium et dignitatem euexit, ut tibi subiciantur hostes tui. Verbum hebræum est **יְשַׁמְד**, quod græce bene exponi potest, *σφαλίσσονται*, succumbent inuiti.

\*\*\*\*\*

## I O S V A.

### ARGVMENTVM IN IOSVAM.

*Ad Iosuum Ioua. Dux ad populum, is ad Imperatorem. Rachaba in exploratores benignitas. Copiarum per Iordanem transitus. Lapides ad rei monumentum. Secunda circumcisio. Pascha, Manna finis. Hierichuntis excidium. Sacrilegus Achan. Hais capta. Rex in crucem sublati. Gabaonitarum fraus. Regulorum in Iosuanos fœdus. Solis et lune quies. Hostium clades et Enaquinorum. Terra diuisio, fines, asyla. Leuitarum oppida. Trans Iordanem ara, de hac legatio. Morituri Ducis verba.*

Huic

Hunc librum a Iosua non esse scriptum, vno argumento conuinci potest, quod in decimo capite citatur liber Recti, ad probandam historiam, de sole consistere iusso: qui liber profecto a Iosua citari non potest, quum sit post tempora Davidis scriptus. Nam 1. Reg. cap. 1. citatur ex libro Recti historia de Dauide. Alterum argumentum est, quod capite 15. scribuntur ea de Axa Caleb filia, quæ post Iosue mortem gesta sunt, vt habetur in Iudic. cap. 1. Ex quibus perspicuum sit, nec hunc librum a Iosua, nec librum Recti a Mose fuisse scriptum, sed post, aut certe non ante tempora Davidis.

## A D N O T A T A.

CAP. VI. v. 4. *Septem tubas buccinas.*) יובל adiectiuum est, quo tubæ sonus notatur. Inde Iubile dictum est, quod eo anno tubæ clangore libertas promulgabatur. Indidem Iubilare verbum latinum videtur deductum. Ego, quum melius non haberem, buccinas adiectiue dixi. Nam si clagentes pro clanculo (vt ita loquar) dixissem; ambiguitate non caruisset oratio.

CAP. XX. v. 6. *Donec causam in concilio dixerit*) Postquam primum in porta senatoribus causam suam solus exposuerit, recipietur ille quidem, sed ea conditione, vt si sanguinis vindex veniat, ille se iudicio sistat, et ante id iudicium sit in vrbe tutus. Quod si vel non veniat accusator, vel causam non obtinuerit, viuat illic percussor vsque ad decessum pontificis.

\*\*\*\*\*

## I V D I C E S.

ARGVMENTVM IN TOTVM IVDI-  
CVM LIBRVM.

*Iudai in Chananaeos. Hierosolyma expugnatio, et Bethel. Israelita idololatra. Debora vates. Sisara nex. Madianita in Israelitas. Ad Gedeonem Angelus. Idem Gedeon in Madianitas casus. Fratricida filius Gedeonis. Sichemitarum erumna. Israelitarum calamitates. Immolata Iephtha filia. Samsonis vita, gesta, enervatio, mors. Beniamita in Ierusalem. Iabesensium excidium.*

## A D N O T A T A

CAP. V. v. 14. *In valle posterior fuisti, o Beniamita*) בעמלק legitur, hoc est, in Amalechitis: sed sententia constare non potest. Videtur בעמק legisse græcus interpres, qui vertit εν κοιλάδι: quæ lectio sententiæ conuenit; nam paullo post dicitur, in vallem missus esse Baracus, in qua pugnatum est. Est igitur hæc huius loci sententia: In hoc proelio non adfuerunt Beniamitæ, sed eorum populares Ephraimitæ et Manassenses, ex Machire Manassis filio orti, digni qui deinceps imperent: item Zabulonii literarum proceres, et Issachariani duce Baraco.

CAP. VIII. v. 16. *Senatores eis contriuit*) In hebræo legitur וירע, nullo sensu aut certe coactio. Paulo ante v. 7. positum erat ורשת, et comminuam. Itaque quum hic repetantur cetera eadem verba, puto legendum esse ורש.

CAP.

CAP. XI. v. 35. *Es es, qua me perturbes*) In hebræo est, Es in meis perturbatoribus: id est, me perturbas. De quo loquendi modo vide adnotata in Psalmum quinquagesimum quartum.

CAP. XII. v. 7. *Septuaginta in oppidis Galaaditicis*) Quoniam oppidum nominatim non declarat, loquitur per numerum pluralem. Sic Gen. 19, 12. dicitur Lotus urbium incola, quum vnius esset. Et Cicero dixit: Ego eram in his locis.

CAP. XIII. v. 5. *Occurrit leoni*) כפיר אריור leonem interpretor, sicut שניר העציר caprum, cuiusmodi multa sunt in hebraica lingua, nam paullo post leo vocatur, vno nomine.

20. *Illius ipsius adfinitatis conciliator fuerat*) Secutus sum Iosephum, qui vertit συμφύλον: et veterem, qui pronubum: et Græcum, qui συμφύγων.

CAP. XV. v. 8. *Gravi ingentique clade in quodam tractu*) Ad verbum sic legitur, Percussit eos coxam supra femur. Ego quum hinc nullam aptam possem elicere sententiam, Iosephum secutus sum, qui vertit, πολλὰς ἐν τῷ πεδίῳ τῶν παλαιστίνων ἀπυκτάνας, Quum multos in campo Palaestinarum occidisset. Nam יר non solum femur, sed etiam regionem declarat.

16. *Maxilla asini, asini asinari*) חמר חמתי asinus asinarius eo modo dicitur, quo caprum caprinum, et bouem bouinum dici adnotauimus: et quomodo Iudic. 5, 30. רחם וחמתי puella puellaris, id est puella dicitur, estque elegans repetitio: præsertim in sententiis. Neque hic magistros Iudæos sequi placet, qui חמיר acervum interpretantur. Nam ita et imperfecta foret, et minus elegans sententia; neque iisdem vocalibus scribitur id verbum, quum acervum significat, nisi hoc in loco, si illis credimus. Sed ambiguus quum sit, in testimonium adduci non potest: nec propria interpretatio coactæ locum relinquit.

CAP. XVII. v. 1. *Fuit vir quidam*) Hæc et quæ sequuntur deinceps ad finem totius libri, gesta sunt, antequam essent in Israelitis gubernatores, quos vocant Iudices: quod ex ipsa historia patet, in qua cap. 18. quærent Dani hereditatem: et in eodem est sacerdos Jonathan, Moïsis nepos, qui non potuit vixisse tamdiu: et cap. 20. Phinees, Eleazar filius. Præterea cap. 19. negantur Israelitæ habitare Hierosolymæ, quum tamen eam occupasse, et incoluisse dicantur in cap. 1. Adde quod Iosephus, quæ scribuntur in cap. 19. ante narrat, quam quæ superius scripta sunt.

CAP. XVIII. v. 2. *Suorum militum abiectissimos*) בני היל non fortes semper, sed milites dicuntur, vt patet ex multis locis in Numeris et secundo Reg. 17. Abiectissimi autem mittebantur, vt facilius fallerent.

7. *Quod procul a Sidoniis aberant*) Hinc adparet, eos aut clientes aut certe socios Sidoniorum fuisse, a quibus defendi propter distantiam locorum non potuerint.



R V T H A.  
ARGVMENTVM IN TOTVM LIBRVM  
RVTHAE.

*Caritas annona. Elimelech peregrinus. Rutha suauis ingenium, eadem ad spicas, cum Boozo. Ritus ex calcei detractione. Booz coniuux Rutha.*

A D N O T A T I O.

CAP. III. v. 16. *Ille in oppidum ad focrum venit*) Venit, in hebræo masculinum est: sed mendum esse conicio, tum ex sensu, tum ex vetere versione.

\*\*\*\*\*

R E G V M L I B. I.  
ARGVMENTVM IN PRIMVM LIBRVM  
REGVM.

*Ex Anna Samuel. Ad istum in fano Deus. Israelis clades. Ab hoste arca ablata. Calamitas Azotiorum. Arca restituta. Populus regem petens. Vnctio Sauli. Bellorum varietas. In hostes Jonathan. In regem Samuel. Victor Saulus, contra filium. Samuel regem confodiens. David vnctus. Regis vexatio. De Goliath Davidis victoria. In Dauidem Saulus. Regii nati cum Dauide societas. Sacri panes profugo dati. Simulatus Davidis furor. Cæsi sacerdotes. Contra profugum Ziphai. Rex et David in specu. Samuelis obitus. Abigail munifica. David ad exterum regulum. Ad Pythiam Saulus. David in hostes.*

Regum libri duo priores apud Hebræos Samuelis dicuntur: posteriores Regum. Ego Latinorum titulum retinendum putavi: nam librum de rebus post Samuelem gestis, Samueli adscribere, absurdum est.

A D N O T A T A.

CAP. I. v. 3. *Ad Iouam bellipotentem*) In hebræo est, Iouam exercituum. Vocantur autem exercitus, non solum milites, sed quidquid eiusmodi est, quo Deus utatur, ut militibus utuntur imperatores. Utitur autem Deus rebus omnibus suo arbitratu. Itaque Ioua bellipotens, sive armipotens est, qui rebus omnibus imperat: quod quale sit, patebit ex illo centurione, qui Christo demonstrabat, sese in suos milites auctoritatem obtinere: et quidquid illis imperaret, eos exsequi.

CAP. VI. v. 8. *Aureaque simulacra, qua illi, cet.)* In hebræo est כלי, quod vasa significat: sed latius patet, ut σκευς. Itaque quum hic loquatur de simulacris, non ausus sum vasa aut utensilia vertere, quod his vocabulis simulacra significari posse non videntur.

17. *Et ad ingens illud saxum*) כבן legitur: sed quum ante saxi mentio facta fuerit, neque quomodo super luctu posita arca sit, intelligam, et septuaginta אלפון verterint: puto legendum כבן.

CAP. VIII. v. 12. *Hos tribunos, hos centuriones*) In hebræo est, Duces milenarios, et quinquagenarios: sed hic non præscribitur certus numerus: et

Latinorum more, Latinis loquendum est. Sicubi certus numerus definiendus est, licet semicenturiones appellare. Audendum est enim, quum iubet necessitas.

CAP. XII. v. 17. *Tritici messis est, Ionam inuocabo, et tonabit*) Tonitrus ille tempore messis præter naturam fuit, ideoque mirabilis: propterea quod vere tantum et autumnus sunt tonitrua. Cuius rei causa est, quod coruscantur ex conflictu calidi et frigidi, qui confictus neque hyeme, (superante frigore,) neque æstate, (superante æstu,) fieri potest, præsertim in æstuosis terris, qualis Syria est: nam apud nos non rara sunt æstate tonitrua.

CAP. XIII. v. 1. *Iniit autem Saulus regnum, cet.*) Apud Hebræos sic ad verbum legitur: Natus annum Saulus, quum regnum iniuit, et duos annos regnauit; quod quidem sic interpretantur: Saulus vnum annum rex fuerat, et quum duos annos regnauisset, cet. vt hic primus numerus ad spatium regnandi, non ad Sauli ætatem referendus sit. Sed hoc pacto hebræa verba torquentur, neque sententia satis constat. Non enim diceret, annum agens, siue natus annum in regnando, pro eo quod est, quum iam annum regnauisset: quum hæc loquendi ratio, Natus tot annos, numquam apud Hebræos, sicut nec apud Latinos, dicatur, nisi de hominis ætate, a natiuitate numerando. Deinde non diceret, Natus annum: sed, Natus vnum annum. Solent enim Hebræi numerum exprimere, etiam quum de vno loquuntur. Præterea supplenda essent nonnulla, id quod locum reddit suspectum. Solet autem in his libris, regum ætas et regnandi tempus initio narrationis rerum ab eis gestarum poni; vt libri secundi capite secundo, vbi sic scriptum exstat: Natus erat annos quadraginta Isobethus Sauli filius, quum regnum in Israelitis iniit: duos annos regnauit. Quod idem fit in aliis regibus. Itaque arbitror hoc in loco scriptum fuisse, quot annos natus Saulus regnum iniuerit, quotque annos regnauerit: sed locum esse mutilatum. Neque enim duos tantum annos regnauit, sed quadraginta, vt habetur Act. 13, 21. et apud Iosephum in fine libri sexti, vbi dicitur Saulus regnasse, viuente Samuele, annos octo: mortuo autem, duos et viginti.

36. *Eosque vsque ad lucem matutinam perimerent*) In hebræo est, diriperent: sed ponitur pro eo, quod est interficere, sicut sæpe apud Homerum ἐν ἀπείρῳ.

CAP. XVII. v. 4. *Vir quidam immanis*) כְּנִי a בֵּן deductum est, vt sit vir filiorum, id est hominum (nam filius pro homine dicitur) id est excellens: sicut Latini dicunt hominem paucorum; et Galli, enfant de maison, filius domus, pro filius locupletis aut nobilis domus, hoc est, magno loco natus.

12. *Iam senex et ætate prouecta*) In hebræo legitur כָּאֵשׁ בְּאֵשׁ, Prouectus viris, si legeretur כָּאֵשׁ בְּשָׁנָיִם, pulchre constaret sensus; prouectus annis. Atque hoc pacto solent loqui auctores sacri.

CAP. XX. v. 18. *Descendes autem ad summum ter*) Meminisse conuenit, quod paullo ante dictum est, cras, aut perendie. Est igitur hæc sententia: Si potero, cras ad eum locum adero. Sed si cras scire non potero, quomodo sit meus pater animatus, operam dabo, vt id saltem perendie sciam. Descendes ergo cras. Quod si non veniam cras, putato, me nondum potuisse scire: itaque descendito etiam perendino, aut etiam tertio abhinc die, si forte perendie non venero: vt quocumque horum trium dierum ego venero, tu adis. Quod autem verito, Descendes ter, in hebræo est, tertiabis descen-

descendere, (si licet ita loqui,) sicut alibi legitur, Reclabis facere, (vt verbum docendi causa fingam) pro, recte facies. Et Ierem. 49. Profundate manere: pro Profunde manete: hoc est, abstrudite vos penitus. Gallice, Triumphant facere: pro, triumphalia, aut triumpho digna facit: id est, magnifica. Huiusmodi est illud Horatii: cuius octauum trepidauit ætas Claudere lustrum: hoc est, trepide clausit. Et illud eiusdem: Negligis immeritis nocituram Postmodo te natis fraudem committere: hoc est, negligenter committis.

CAP. XXV. v. 20. *Cum suis aduersus eam descendenti*) Quum hic tam Dauid, quam Abigail dicatur descendere, quum inter se occurrant, intelligendum est, vallem interiectam esse.

27. *Qui te comitantur*) Ad verbum, Qui eunt in pedibus Domini mei. In pedibus autem, aut ad pedes esse, aut ire, est in potestate alicuius esse, eique seruire; quale est illud Homeri, θεῶν ἐπὶ γένεσιν κἄται, ad deorum genua situm est: hoc est, in potestate et arbitrio.

CAP. XXVIII. v. 17. *Faciet Ioua tibi*) Ἧ malui legere, quod est in margine, quomodo Hieronymus et Græcus verterunt, quam Ἧ.

CAP. XXX. v. 2. *Omnes omnium aetatum tum viros tum mulieres*) In hebræo ad verbum legitur: omnes feminas a paruo ad magnum. Sed quum sit solæcisinus, dixisset enim, a parua ad magnam: quumque non mulieres solum, sed etiam viros abegerint, secutus sum Græcum, apud quem legitur, τὰς γυναῖκας, καὶ πάντας τὰς ἐν αὐτῇ, ἀπὸ μικροῦ ἕως μεγάλου.

\*\*\*\*\*

## R E G V M L I B. II. ARGVMENTVM IN SECVNDVM LIBRVM REGVM.

*Dauidis mira benignitas in Sauli corpus, regnum in Iudais. Israelitarum rex aduersarius. Bella inter eos. Abneris defecio, mors. Isbosethi nex. Israelitarum rex Dauid. Arca Hierosolymam importata. Congiarium ad populum. Dauidis cogitatio de sano. Ioabus in Ammonitis victor. Regis adulterium, homicidium, a vate incusatio. Salomo. Ammonis amor et stuprum de sorore. Absalomus fraticida, seditiosus. Regis fuga. Achitophelin Dauidem. Absalomis mors. Regis carmen ad Ionam. Populi census, cades ab angelo, pestis finis.*

## A D N O T A T A.

CAP. V. v. 8. *Claudosque et cecos Dauidi inuisos*) Hunc locum mutilum esse patet, tum quod sententia curta est, tum quod in Paralipomenis lib. I. cap. II. adiectum est, quod hic desideratur. Qui sint autem hi cæci et claudi, magna controuersia est, ego puto significari eos, quos atlantas Græci, telamones Latini adpellant: quæ signa sunt virili figura, mutulos aut coronas in ædificiis sustinentia. Atque hanc esse huius loci sententiam arbitror: Tanta erat arcis altitudo, vt eam superari posse Iebusei negarent: itaque Dauidi oppugnanti dicerent, tum denum irrupturum esse in arcem, quum telamones illos, qui cæcorum claudorumque figuram referentes, in summa arce erant, abstulisset: quod periude erat, ac si dicerent,

cerent, fieri non posse, ut eo irrumperet. Tum Dauid intelligens, præmiis et honoribus homines ad virtutem excitari, imperatorem fore pronuntiavit eum, qui primus Iebuseos superauisset, et ad tecti arcis canales, (ubi erant claudi illi et cæci telamones) adscendisset, illosque telamones abstulisset. Atque eos Dauid propterea oderat, quod ei ab hostibus probrose opponerentur, quasi claudos et cæcos superare non posset: a simulacris ad homines per iocum transeunte dicterio, vnde et natum prouerbum.

CAP. VII. v. 7. *Eaquod vlli præsidum Israelitarum*) In hebræo est, שָׁנַי hoc est, tribuum: sed in Paralip. legitur שֹׁפֵט, hoc est iudicum, siue præsidum, quæ lectio mihi visa est verior.

23. *Quam tu in terris fecisti in tuorum gratiam*) לָאֶרֶץ et לָהֶם recte legit vetus interpretes latinus.

CAP. XII. v. 26. *Quum regiam vrbis partem cepisset*) In hebræo est, quum urbem regni. Et paullo post, quod verto, Urbis partem, in qua erat aquatio: in hebræo est, urbem aquationis; sicut maior et minor Basilea dicitur, pro maiori et minori parte Basileæ: et reliquum corpus, pro reliqua parte corporis.

CAP. XIII. v. 13. *Cur igitur istam contra diuinum populum*) Cur cupienti populo non condonas Absalomum, qui mihi filium propterea condonas, quod nullum alium habeo, qui posteritati consulat? Quis enim tibi succedet, nisi Absalomus? Dices, te habiturum alios. Sed quid si prius moriarer? mortales enim sumus: quo magis curandum est, ut genus nostrum propagemus. Dices, Absalomum homicidam esse, homicidas autem occidi debere, ex Dei præcepto. Quid tu Dauid? non venit tibi in mentem Urias? quo tu occiso, non minus Deum offenderas, quam te Absalomus, occiso fratre. Quod si tam seuerus in te Deus fuisset, quam tu es in filium, perisisses. Sed Deus tibi veniam dedit: mauult enim parcere supplicibus, quam fontes plectere: idque quomodo fieri possit, etiam atque etiam cogitat. Atque ut meam rationem intelligas, quum vellem te de reuocando filio tuo orare, et metuerem, ne, quod populus non obtinebat, id ego multo minus consequerer: statui simulare meam rem agi, ut quum tu mihi de filio meo concessisses, de tuo in re simili negare non posses. Hæc mulier, sed breuiter et obscure: quippe perita cum perito, præterea regi ad Uriæ recordationem non nisi timide et tectè reuocans.

CAP. XV. v. 7. *Præteritis quatuor annis*) In hebræo legitur, quadraginta: sed facilis fuit lapsus ab אַרְבָּא ad אַרְבָּאִים; et Iosephus quatuor interpretatur.

CAP. XVIII. v. 3. *Nam tu pro decem millibus*) אֶתֶּר, non עֶתֶר legendum, adparet ex sententia, et græco et latino interprete. Eundem errorem inuenies libro tertio cap. 1. in oratione Bethsabe ad regem.

17. *Fuga domum dilapsis*) In hebræo est, Fugerunt in suum quisque tabernaculum. Ponitur autem tabernaculum pro domo: cuius rei causa est, quod prior fuit vsus tabernaculorum, quam domorum. Deinde quum casæ et tuguria, et porro domus ædificarentur, manebat tamen idem vocabulum; quemadmodum latine libros dicimus, qui tamen libri non sunt, manente hoc vocabulo: quoniam principio in libro, hoc est, in arborum cortice scribi solebat.

CAP. XXI. v. 6. *In Iona monte*) בְּהָרִי non בְּחִירִי legendum videtur, ut paullo post (v. 9.) idem verbum repetit: alioquin inepta est sententia.

CAP.

CAP. XXIII. v. 3. *Rektor religiosus*) In hebræo est, Rektor metus Dei: id est, metu Dei præditus; neque enim vno verbo religionem significant: sicut neque Galli, qui dicunt, Crainte de Dieu. Nec alienum est, quod Dei metum attribuit Deo: nam de Christo loquitur, qui genus humanum a patre regendum accepit, vt est in Psal. 2. Quod sequitur, comparatio est, qualis exstat in Psal. 1. Quemadmodum sol et pluuia stirpes alunt, efficiuntque, vt eorum genus numquam intercidat, sic Dei fauor et studium meam posteritatem fouebit: quum contra improbi (vt Saulus) a stirpe eruantur, tamquam spinæ. Quod enim **נל** **י** sic interpretor, vt aiat, non neget: eodem modo ponitur **י** **נל**, Genes. 18. vbi idem est quod immo. Nam **נל** non semper negantis est, vt Ezech. 3. vbi **נל** **ע** positum est pro, quod si: quod etiam adhiberi solet in iurando et adfirmando, pro eo quod Græci dicunt, *ἢ μὴν*, aut *ἢ μάλα*. Item 2. Reg. 13. et 4. Reg. 5. et Ezech. 15. **נל** confirmantis est, et alibi sæpe, sicut et Ecclesiastici 29. *עִי דִּי מִי*, significat quin etiam: et Matth. 6. et Marc. 2. alioquin: et 2. Timoth. 2. *μήποτε*, si forte: sicut Græcis *οὐκοῦν* vna voce adfirmantis est. Quod si hic **נל** **י** negantis esset, dissimilitudo foret absurda, et naturæ similitudinique ab eodem Dauide in 1. Psal. positæ, contraria.

8. *Iosephus Hachmoni filius*) Hunc locum partim ex Paralipomenis trans tuli. Nam hic ita corruptus est, vt nulla possit deprehendi sententia. Illic trecentos, hic octingentos superasse scribitur. Illic triginta, hic trium princeps dicitur; quamquam potest vtrumque recte dici, vt sit trium inter triginta præcipuorum princeps. Apud græcum et latinum folia sunt Sibyllæ. Iosephus Issæmum Achæmæi filium vocat, ab eoque octingentos deicctos fuisse scribit: quod probabilius est, quam trecentos, quum hic fortissimus omnium dicatur: quum tamen totidem strauisse, paullo post hunc locum scribatur Abisæus.

\*\*\*\*\*

## R E G V M L I B. III. ARGVMENTVM IN LIB. III. REGVM.

*Davidis fortix. Solomonis regnum. Adonias fugiens. Moribundus rex ad Solomonem. Davidis mors. Semeis nex. Solomonis pietas et sapientia, imperium, aula, templi adparatus, constructio, membra, instrumenta. In templum arca. Templi dedicatio. Regis oratio. Ad hunc Ioua. Huius potentia. Regina Saba. Solomonis effeminatio. Bella in istum, eius mors. Roboamus rex crudelis. Vatis nex a leone. Aegyptii in Hierosolymam expeditio. Abiamus rex. Israelita in Iudæum. In Basam Ioua. Samaria adificatio. Hierichuntis reparatio. Elias. Farina et oleum. Elias et Baalis vates. Iezabel. Elisæus. Obsidio Samaria per Syros. Horum clades. Pseudonates Sedecias. Achabi nex. Iosaphatus Iudæorum, Israelitarum Ochozias rex.*

## A D N O T A T A.

CAP. V. v. 9. *Cedrinam pineamque materiam*) **כרש** pinum potius quam abietem interpretor: quoniam in 2. Reg. 6. scriptum est, ex ea arbore musica fieri instrumenta.

CAP. VI. v. 2. *Cuius templi longitudo fuit sexaginta cubitorum, latitudo viginti, altitudo triginta*) Quod de longitudine et latitudine dicit, intelligendum est non de toto templo, sed de cella et penetrali. Nam cella fuit longa quadraginta cubitos, penetrale autem viginti, utrumque latum viginti, ut postea patebit. De altitudine controuersia est. Nam hic traditur triginta cubitorum, in græco viginti quinque, in Iosepho centum viginti, quæ eadem et in Paralipomenis vestibulo tribuitur, videlicet inferioris ædificii sexaginta, et superioris totidem. Ex his omnibus conicio, altitudinem hic dici non totius templi, sed cellæ et penetralis (quemadmodum de longitudine et latitudine dictum est) quæ esset triginta cubitorum, videlicet quanta erat ædicularum altitudo, quæ essent singulæ decem cubitorum. Supra hanc altitudinem patebat templi murus triginta cubitos, infra superius ædificium, quo in spatio erant fenestræ. Huic toto ædificio impositum erat superius alterum ædificium, in altitudinem non quinque, (ut hic scriptum est, in quod mendum videtur esse,) sed sexaginta, (ut tradit Iosephus,) cubitorum. Sed hæc ita dico, ut adfirmare non aulam. Nam tanta ædicularum altitudo cellam et penetrale redderet obscurum. Itaque mihi suspectus est locus. Vestibulum erat eiusdem magnitudinis, cuius est Ezech. 40. sed quum sit illud a septemtrione positum, ut illic ostendimus, hoc ab oriente est, ut ex eo patet, quod dicit id esse in fronte latitudinis templi: nam latitudo est a septemtrione ad meridiem. Igitur in orientali parte erat vestibulum et templi aditus, ut adparet ex Mosis tabernaculo, ad cuius imitationem factum est hoc templum: itemque ex Ezechielis cap. 8. Adde quod Iosephus idem tradit: quod ideo dico, ne quem fallat hodiernorum templorum consuetudo, quæ omnia ab occidente habent aditum, ut etiam faciendum esse tradit Vitruuius: videlicet ex Romanorum consuetudine, quam imitati sunt nostri.

4. *Templi fenestris, quæ apertiles et clusiles essent, illustrabat*) Hoc est, quæ aperiri claudique possent: hoc est, quæ fores haberent, ad earum differentiam, quæ habent tantum lumina, id est, foramina, quæ lumen admittant, nec habent fores; nam ex clusiles non sunt, quoniam nunquam clauduntur.

5. *Templi parieti adiculas, cet.*) Obscurus locus, et qui vix intelligi potest, sine descriptione templi, quod est apud Ezechielem, ubi hæc ædicularum, cellam et penetrale cingentes, vocantur tabulata, ut etiam hic. Hoc tantum interest, quod illa a fundamentis quaternos, hæc quinos in latitudinem cubitos patent; nam quod apud Iosephum horum latitudo scribitur esse cubitorum *εἰκοσι πέντε*, hoc est viginti quinque, manifestum mendum est. Essent enim cellæ latiores, quum vocet breues domus: delendum itaque est *εἰκοσι*. Quemadmodum quod ibidem de ædicularum altitudine tradit, videlicet fuisse singulas viginti cubitorum, videtur esse falsum; explerent enim sexaginta cubitorum altitudinem: ita nullus superesset locus, per quem in cellam et penetrale lumen admitteretur. Vtrobique autem binorum cubitorum appendicibus crescunt, et sunt utrobique triginta, eaque trinum contignationum; nam tot illic tradit Ezechiel, hic Iosephus. Sed quum apud Ezechielem eorum longitudo tantum cellæ et adyti longitudinem expleat, ut ibi docebimus, horum longitudo extenditur etiam post penetrale: quippe quum hæc sint illis longiora tot cubitis, quot ipsa sunt, videlicet triginta. Si quidem tricesies quinque cubiti efficiunt centum quinquaginta: quorum quum sexaginta ad meridiem, et totidem ad septemtrionem in cellæ et adyti longitudine occupaueris, super sunt triginta cubiti, hoc est


est sex ædiculæ: quarum quatuor post penetrale positæ, occupabunt ipsius penetralis latitudinem: duæ autem in angulis erunt contra duos sexagenarios ordines. Harum ædicularum media tabulata, hoc est mediæ ædiculæ infiniis impositæ (est enim idem hoc loco ædicula et tabulatum) ianuas habebant a templi dextro latere, scilicet dextra tabulata: sinistra autem a sinistro videlicet in vacante loco, qui eas ambibat: quem porro vacantem locum circumdabat templi paries, tantum contractionibus recedens, quantum tabulata appendicibus procedebant.

23. *Cupressina materia*) In hebræo est, Ex arbore olei, quam quidam volunt esse oliuam; sed 2. Esd. 8. olea (quæ מִי sine controuersia est) ab arbore olei manifestè distinguitur. Hanc ob causam ego hic cupressum verti, secutus græcum. Nam et ex cupresso oleum fieri, docet Plinius. Adde quod Iosephus in aduecta templi materia cupressum nominat: cuius in his libris nulla fieret mentio, si hæc non esset.

30. *Proiectura erat quinaria*) Hunc locum non intelligo, quemadmodum neque eum, qui mox sequitur, *Proiecturam habentes ex quarta*; quod ideo moneo, ne quem hoc loco fallat mea translatio. Quod autem de interiore atrio tradit, id ita intelligendum est: atrii murum constare tribus lapideis ordinibus, et vno cedrinarum trabium, scilicet interiore, qui lapides obduceret, qui quatuor ordines crassitudinem efficerent muri, cui tribus sex cubitos, videlicet singulis ordinibus vnum et dimidium, quoniam ea est in Ezechiele atriorum crassitudo. Sed cur interius dicatur, et quomodo essent atria collocata, patebit in Ezechiele, non quia tot hic sint, quot illic: sunt enim illic octo, quum hic duo esse videantur, vt adparet in 4. Reg. 2. sed quia hæc ipsa duo collocari videntur, quomodo duo illorum.

CAP. VII. v. 2. *Nemorensem Libani domum*) Hæc domus erat Hierosolymis: sic dicta, quod erat in nemore, quod Libani nomine vocabatur. Hanc vocat Iosephus *δρυμῶνα λιβάνε*, id est, quercetum, aut nemus Libani: cuius nec non eius porticus hanc subiiciemus aream.

AREA NEMORENSIS LIBANI DOMVS,  
EIVSQVE PORTICVS.



ABCD quatuor columnarum ordines. AE longitudo cubitorum centum. AD latitudo quinquaginta. His columnis imponebantur transtra, videlicet transuersa ab A ad B, et a B ad C, et a C ad D, et ita in reliquis. His transstris imponebantur tabulata, hoc est ædificium ipsum: cuius ea pars, quæ quadraginta quinque columnis innitebatur, hoc est tribus ordinibus A B C,

C 4

erat

erat obducta cedro: reliqua non item, videlicet secundum porticum collocata, ordinibus columnarum C D innixa. Nam mediani columnarum ordines, binis seruiebant tabulatis, vt essent tres ordines tabulatorum F G H, quorum H non esset obductum cedro. I porticus columnata, ante illas domus columnas posita, longa quinquaginta cubitos K L, lata triginta K M. De fenestris quod tradit, ex sunt quadrata, triplici ordine inter sese respondentes: ita vt si lineam de media qualibet summi ordinis fenestra demittas, ea duas duorum inferiorum ordinum fenestras secet per medium. Quod ad columnarum capitula attinet, (nam cetera sunt perspicua,) ea erant rotunda, floribus ornata, septenis circumdata plagis perplexis, non a summo decorum tendentibus, sed a dextra ad sinistram cingentibus capitula, quomodo solent tendi retia. Plagarum stamina et fila, hoc est, funes, ex quibus erant confectæ plagæ, erant concatenati, hoc est, multiplicibus toris contorti, vt fieri solet. Ac per sex quidem plagarum maculas adparebant capitulorum flores. Sed capitulorum ventres, hoc est, qua parte maxime tument capitula, quæ pars eorum media est, habebant per circuitum binos ordines maiorum punicorum, quorum ordinum vterque centum habebat punicea, ita vt singula capitula haberent ducenta punicea, per medianas plagas oppositas ventri eminentia.

15. *Circuitus erat duodecim cubitorum*) Circuitus græce *πρίμετρος* dicitur, cuius *διάμετρος* est tertie partis, hoc est, cubitorum quatuor: id quod significauit auctor, dicens columnas quaternos occupare cubitos.

21. *Lacum fusilem faciebat*) Mare est in hebræo: sed mare pro lacu dicitur, vt in euangelis videre licet, et huiusmodi vasa Latini vocant lacus.

28. *Areolas habebant clausulis interiectas*) Quamquam quod vertimus Areolas, id in Exodo in mensæ descriptione significat marginem. Sed illic a claudendo dicitur, quoniam claudit: hic, quoniam clauditur; quod inde fit perspicuum, quod dicuntur areolæ clausulis interiectæ. Clausulæ sunt ipse tenex, quæ circumdant areolas quadratas leonibus, bubus, Cherubis et palmis depictas, humana specie: hoc enim addit ad extremum, id quod est de Cherubis intelligendum, quorum figura erat qualis hominis. Atque hæc quidem depicta pars erat, qualis est, qui ab architectis in summa trabeculatione vocatur Zoophorus, vt areolæ locum obtineant oparum, clausulæ autem triglyphorum.

29. *Clausulis superadditi tori*) *תור* torosne, an cymatia, an scotias, an simas significet, nondum mihi constat: ne quis erret. Interea toros adpellabo. Quod si tori sunt, simos adpellat, qui non perfectam habeant rotundationem, sed ad circinum delumbatam.

30. *Aeneosque asseres*) Asseres vocat ipsam æris materiam, ex qua confectæ sunt bases: tamen hic asserum vocabulo abutimur, quum asseres proprie sint lignei.

*Et in quatuor angulis humeros*) Bases quatuor angulos habebant, non reliquo plano pares, sed in humerorum modum protuentes, qui lauacrorum ventres exciperent, collocati contra et supra toros, quibus ambiebantur bases.

31. *Lauacri os intus cet.*) In medio basis capite adsurgebat in dimidium cubitum capitulum rotundum, quod inferebatur in sinum, quem lauacrum habebat in fundo intro protuberantem. Ita fiebat, vt quum lauacri os ab imo fundo ad summam crepidinem in altum pateret vnum cubitum et dimidium, a capituli summo ad crepidinem pateret tantum vnum cubitum, quoniam capitulum detrahebat dimidium cubitum. CAP.



CAP. X. v. 11. *Picea lignorum*) Secutus sum Græcum, qui ξύλα πύκιναι : et Iosephum, qui πύκην vertit, traditque veram esse, non vulgari similem, sed siculnæ, quamquam albiorem et splendidiorem. Eadem 2. Paralip. 2. vocatur Albugim, nonnihil immutato vocabulo: nam hic Albugim dicitur.

CAP. XV. v. 13. *Pana fecerat in luo*) Quo minus Priapum vertendum putem, in causa est, quod vix credibile est, a femina Priapum esse factum: deinde quod hic in luo positus est, quod est Pani conuenientius: quum Priapus soleret in hortis collocari. Præterea quod פלצא a terrore incutiendo nomen habet, id quod Pani congruit: vnde panicus timor dicitur.

CAP. XIX. v. 3. *Quibus ille minis territus*) Ita malui vertere, græcum et latinum et Iosephum sequens, quam vt est in hebræo, Et vidit: quæ sententia est imperfecta. Quod si mutantur puncta, constabit.

CAP. XXI. v. 23. *In agro Iezraelensi comesum iri*) חל male puto legi, pro חלל: nam et vetus agrum reddidit: et 4. Regum 9. vbi idem repetitur oraculum, est חלל.

CAP. XXII. v. 30. *Ipsiusque Achabi vestitum indueret*) Vt in hebræo est, iubetur Iosaphatus habitum mutare, et suo vestitu vti. Sed hæc pugnantia sunt. Præterea ea res nulla egeret admonitione, vt suo vestitu vteretur, quem alioqui non erat mutaturus. Adde quod nullus esset quadrigariorum errori locus, qui Achabum se petere putantes, numquam Iosaphatum peterent, nisi veste decepti. Has ob causas hoc in loco secutus sum græcum exemplar, vbi ita legitur: καὶ οὐ ἐνδύσαι τὸν ἱματισμόν μου.

\*\*\*\*\*

## REGVM LIB. III.

### ARGVMENTVM IN LIB. III. REGVM.

*Ad Eliam angelus. Cælestis ignis. Elisæus cum Elia. Huius raptus. Elisæi vaticinia. Immolatus natus regius. Oleum, puer excitatus ex mortuis. Naama lepra. Sanus ex flumio. Samaria famas. Filii manducati. Iezabel pessima. Per lebum facta cades. Athalia rex. Elisæi mors. Acadauere miraculum. Rogum Iudæ, et Israelitarum successio. Achazi prauitas. Israelitarum in Media captiuitas. Ezechia pura pietas. Esaias vates. Senacheribæorum profligatio per angelum. Legis liber inuentus, Iosia regnante. Huius pietas. Pascha sub isto. Successoris impietas. Nabuchodonosor Hierosolymam depopulatus.*

## ADNOTATA.

CAP. III. v. 6. *Misitque ad Iosaphatum*) In hebræo est: Iuitque et misit: aut iuitque mittere: quod gallice bene exprimitur: Ilalla mander.

CAP. III. v. 37. *Ille ad pedes ei accidit*) In hebræo est, Venit et accidit: quem hebraismum Galli sic expriment, Elle se vint ietter a ses pieds. Atque hic loquendi modus frequenter occurrit.

CAP. VI. v. 25. *Cabi stercoreis columbini*) Quis possit esse fini columbini vsus in cibis, non video: nisi quod hic tradit Iosephus, vfos esse pro sale.

34. *Quem subsecutus rex*) Hunc locum ex Iosepho compleui, additis his

verbis: Quem subsecutus rex. Nam Iosephus ita scribit: Sed vos, (inquit Elifaeus,) quum venerit is, cui hoc mandatum est, obseruate, vt ingressurum in ianua prematis, atque retineatis: etenim sequetur cum ad me veniens rex, mutato consilio. Atque illi quidem, vbi venit, qui a rege ad perimendum Elifaeum missus erat, iussa fecerunt. Ioramus autem suae contra vatem iracundiae porrens, veritusque, ne eum iam occidisset, qui ad hoc missus erat, properauit eadem fieri prohibere, vatemque conseruare. Atque vbi ad eum venit, conqueri de eo coepit, qui eis praesentium malorum remedium a Deo non postularet, sed eos malis, illis confici spectaret.

CAP. XX. v. 13. *Quibus delectatus Ezechias*) מְשִׁי male legitur pro מְשִׁי, vt historia et translatio vetus et liber Paralipom. ostendit.

\*\*\*\*\*

## PARALIPOMENON, QVI HEBRAEIS ANNALES DICVNTVR, LIBER PRIMVS.

### ARGVMENTVM IN PRIMVM PARA- LIPOMENON.

*Adami, Israelis, Davidis, Iude, Rubenis, Lenis, Issacharis proles. Beniaminis, Nephthalis, Ephraimi, Aseris progenies. Hierosolyma populus. Lenite. Saulus. Davidis regnum, gesta, congiarium. Nathan. Templi apparatus. Aarons proles. Regis ministri. Solomo.*

## A D N O T A T A.

CAP. II. v. 19. *Vxorem duxit Azubam et Ieriotham*) Ad verbum legitur, Genuit Azubam vxorem et Ieriotham. Sed ineptum est, vxorem a marito genitam dici. Azubam autem eius vxorem fuisse, mox patet: vbi mortua Azuba, dicitur Ephratam duxisse. Accedit et graeca et vetus latina translatio, quae conuenit cum nostra. Mendi causa fuisse videtur, quod toties in hoc capite gignendi verbum repetitur.

24. *Caleb cum Ephrata congressus est*) Et hic eosdem secutus sum interpretes.

54. *Salma filii Bethlebens et Nesophatis*) Hic locus eiusmodi est, vt nihil adnotare possim, nisi, me nihil in eo intelligere.

CAP. III. v. 5. *Ex Bethsaba*) In hebraeo est, Ex Bathsua. Sed Bethsaba et Graeci et Hieronymus vertit: et in libris Regum Bethsaba dicitur, nusquam Bathsua.

22. *Sex, Hatus, Iegaal*) Et hic locus mutilus est. Quum enim dicantur esse sex, nominantur tantum quinque.

CAP. III. v. 21. *Familias officina linaria*) Hic totus locus ita deprauatus est, vt neque ex graeco, neque ex latino possit corrigi.

CAP. XI. v. 12. *Eleazarus*) Quod hic Eleazaro tribuitur, nec id soli, id Reg. 23, 11. Sammae ascribitur, cuius hic nulla fit mentio; quum tamen tres esse praecipui dicantur. Videtur hic locus esse mutilatus, vt et alii in his duobus libris multi.

CAP. XXIII. v. 6. *Ita vt Eleazaro bina, Ithamari singula adscriberentur*  
fami-

*familia*) Et hunc locum in hebræo puto deprauatum. Nam quum paullo ante duplo plures Eleazaro familiæ attributæ sint, quam Ithamari, hic contra fit. Itaque suspicor in priore membro esse legendum, Ithamari: in posteriore autem, in quo bis ponitur **יְהוֹאָז** Eleazaro. Significat enim hoc verbum non semper possessionem, sed numerum, aut (vt Latini loquuntur) caput, præsertim quum de animalibus dicitur: in quo sensu positum est, Num. 31. vbi dicitur pro eo, quod paullo ante dictum erat **שָׁמַר**. Est igitur hæc sententia: Quum Ithamari euenirent familiæ **אֶחָד אֶחָד**, id est, singulæ: Eleazaro eueniebant **יְהוֹאָז יְהוֹאָז**, id est binæ: hoc enim significat geminata vox.

CAP. XXV. v. 1. *Vaticinantium in citharis*) Vaticinari vocat, diuinas res aut vatum scripta tractare, Deique laudes dicere: sicut a Paulo ponitur **προφητεύειν**; quoniam vatum interpretes, proxime ad eorum, quos interpretantur, diuinationem videntur accedere. Athenienses quoque diuinos quosdam sacerdotes, (vt scribit Cicero,) Mantes adpellabant, hoc est, vates.

CAP. XXVI. v. 21. *Natus est auctor familia Iehielis*) In hebræo ponitur hoc nomen in plurali numero, quum de vno dictum sit: id quod et sepe fit, vt supra cap. 23, 17. vbi dicuntur Eliezeri filii, quorum sit Bahabiah primus, quum ibidem alios habuisse negetur Eliezer. Hoc modo loquuntur et Latini, quum Liberos vocant plurali numero, etiam de vno loquentes.

\*\*\*\*\*

## PARALIPOMENON LIBER SECVNDVS.

### ARGVMENTVM IN SECVNDVM PARALIPOMENON.

*Ad tabernaculum Iouanum Solomo. Sacrificia. Postulata sapientia. Solomonis opes, ad Hyramum petitio. Fani fabricatio, partes eiusdem, et ornamenta, dedicatio. Solomonis Psalmus. De calo ignis. Ad regem Ioua. Per Solomonem oppida restituta. Regina Sabæ. Mors Regis. Roboamus heres. Aegypti rex in Iudæam. Israelitarum cædes. Aethiops in Asiam. Aethiopum cædes a Iudæis. Israelita in Iudæam. Iosaphatus pius, Elias. Athalia crudelitas. Templi instauratio. Zachariæ nex. Amasæ impietas. Hierosolymæ excidium. Fani lustratio. Ezechiae pascha, pietas. Libri legis inuentio. Holda vates femina. Iosia nex in prælio. Hierosolymæ direptio.*

## A D N O T A T A.

CAP. III. v. 10. *Ad dextrum latus orientale secundum meridiem*) Dextrum latus vocat habita ratione mundi. Nam templi quidem sinistrum latus est meridies, si ab oriente ingrediaris.

CAP. IX. v. 15. *Scuta ex auro ductilis sexcentenaria*) Ad verbum sic, Insumtis auri ductilis sexcentis in vnum scutum: id quod de siclis intelligendum est, quoniam siclis ponderant Hebræi; vt si latine saxum dicas centenarium,

narium, intelligitur centum librarum, quia libris vtuntur Latini. Item si hominem dicas sexagenarium, de annis dicas, quoniam ab annis numeratur ætas. Atque eodem modo in reliquis. Iam quod hic clipei trecentenarii dicuntur, quum in tertio libro Regum cap. 10, 16. scriptum sit, in singulis infumas esse trinas minas, adparet minam centum valere siclos.

18. *A tergo*) מִחֲדָרָא legendum videtur, vt in 3. Reg. 10, 19. Alioqui si מִחֲדָרָא legas, non constabit sententia.

- CAP. XIII. v. 3. *Quadragesima militum item egreriorum millia*) In hebræo est, Quadragesima, itemque mox octingenta, et in victoria quingenta millia. Sed quum sit hic numerus incredibilis, sequi malui græcum et latinum interpretem, et Iosephum, qui omnes in hoc conueniunt.

CAP. XX. v. 1. *Ammonita et Idumaorum pars*) In hebræo est, Et Ammonitarum pars. Sed absurdum esset, dicere Ammonitas, et Ammonitarum partem: et historia ostendit, adfuisse Idumæos Sciris montis incolas: quorum hic mentionem omissam esse, non est verisimile.

CAP. XXI. v. 2. *Filii fuerunt Iosaphati Iudææ regis*) In hebræo est, Israelitarum regis. Sed Iudææ legitur vetus et græci interpretes, et ita postulat historia.

CAP. XXII. v. 6. *Descendit ad eum visendum Iezraele agrotantem Ochozias*) In hebræo est Azarias: sed in vetere et latina et græca interpretatione legitur Ochozias, et in 4. Reg. 9. et ita habet historia.

CAP. XXVIII. v. 18. *Ad regem Assyriae petitum auxilium*) In hebræo est, Ad reges Assyriae: sed vetus et græca et latina versio habet Regem: et ita fert historia: quemadmodum et paullo post Achazus Israelitarum rex non recte dicitur, repugnante historia, et iis duabus, quas dixi, versionibus.

CAP. XXIX. v. 19. *Suo crimine incestauerat*) מִיָּדָא legendum est, vt vltima sit littera He: nam ita postulat sententia, et græcus vertit ἐπιπάειν, et latinis polluerat.

CAP. XXXVI. v. 8. *Quibus fuerit moribus pradiis*) Ad verbum, Quid inuentum fuerit in eo. Iam inueniri, pro esse, aut existere, aut exstare dicitur: quoniam nihil inueniri potest, quod non sit; vt ad Philip. 2, 7. Figura inuentus est vt homo: id est, Existitit homo. Et latine, Hic vnus inuentus est, qui id posset: hoc est, vnus existitit. Et 2. Paralip. 19, 3. Res bonæ inuentæ sunt in te: hoc est, insunt in te quædam laudabilia.

\*\*\*\*\*

## ESDRAE LIB. I. ARGVMENTVM IN PRIMVM LIBRVM ESDRAE.

*Iudæorum liberatio per Cyrum. Reduces cum Ierobabele. Sacrificia in ara noua. Aduersarii prauis contra instauratores. Artaxerxes imperat abstinendum a templi instauracione. Darius contra iubet. Pascha. Reduces cum Esdra. Vxorcs extraneæ. Esdra pia lacrima.*

## ADNOTATA.

CAP. VI. v. 2. *Inuentusque est Ecbatani*) In chaldæo est, Amathæ: sed et vetus et Iosephus verterunt Ecbatana, quo fit, vt locus ille aliter chaldaice, quam aliis linguis, vocatus esse videatur, vt fit et in multis alijs.

CAP.

CAP. VII. v. 2. *Acute eruditus*) In hebræo est, litteratus celer: sed celeritas pro acumine ponitur: vt etiam latine dicitur ingenii celeritas. Est autem **כספ** (qui græce *γραμματεὺς* a litteris adpellatur) aliquando doctus et eruditus: idque vel coniuncte, vt paullo post hunc locum **כספ כספ** idem est quod *νομοδιδάσκαλος*, legisperitus, aut professor, quem Plato lib. de legib. 6. vocat *ἑξηγητὴν*, hoc est, interpretem, vel absolute, vt Es. 33. tum nos litteratum aut eruditum adpellamus. Numquam est scriba regis. Item Iudaica secta scribarum: tum nos scribam interpretamur.

\*\*\*\*\*

## ESDRAE LIB. II.

### ARGVMENTVM IN SECVNDVM LIBRVN ESDRAE.

*NEHEMIAE studium erga Artaxerxem. Idem Hierosolymam explorans. Adversarii derisores. Feneratorum cupiditas. In Nehemiam insidia. Hierosolymæ murus instauratus. Reduces Iudæi. Esdræ concio ad populum. Signatores fœderis. Muri Hierosolymitani dedicatio. Repudia vxorum exterarum.*

### A D N O T A T I O.

CAP. III. v. 12. *In quibus nobis accolebant*) In hebræo secunda persona est: sed et sententia et vetus translatio cogit fateri, tertiam personam esse debere. Est autem alioqui multis in locis deprauatus hic liber: vt in cap. 3. vbi sæpe pro Post eum, aut secundum eum legitur Post eos: et contra, vt item Esdr. 10. vbi in eo loco, quem nos ita vertimus, Omnes feminas, et ex eis natos: pronomen Eis in hebræo est masculini generis, quum debeat esse feminini. Itemque Nehem. 7. vbi idem repetitur, quod erat Esdræ 2. scriptum, numerus et hominum nomina sæpe dissentiunt. Quod ideo dico, ne quis me putet, quum in eiusmodi locos inciderit, hæc non vidisse. Neque enim necessarium puto, omnia minima scribere: quum ea possint, si quis conferre velit, facile intelligi.

\*\*\*\*\*

## ESDRAE LIB. III.

### ARGVMENTVM IN TERTIVM LIBRVN ESDRAE.

*Sub Iosia pascha celeberrimum. Aegypti rex in Charcamim In eum Iosias. Huius mors. Ioachazus Iosia successor, huius captiuitas. Ioacimi regnum, impietas. In istum Babylonis rex. Cyrus de instauranda Hierosolyma. Contra Artaxerxes. Trium rerum virtus. Zorobabel Darium exorat. Templum reficitur. Cyri decretum de fano instaurando. Darius instauracionem imperat. Ad Esdræ Artaxerxes. Esdræ pro populi culpa. Vxores extraneæ.*

ADNO-

## ADNOTATIO.

CAP. III. v. 7. *Darii familiaris dicere:ur*) συγγενής est in græco, quod cognatum quidem significat, sed videtur ex תנ"ך translatum (nam hunc librum ex hebræo græcum factum iudico, tametsi hebræus interciderit) quod verbum etiam familiarem notat, et amicum. Iam regis familiaris rectius dicitur hic, quam cognatus: nam cognatum efficere sapientia non potest, et cognatus esse quivis potest. At familiares non sunt, nisi qui habentur in pretio.

\*\*\*\*\*

## TOBIAS.

## IN TOBIAM ARGVMENTVM.

*Tobæus Iona suam commemorat pietatem. Talenta decem a Tobæo deposita pro captivis. Sciens in Iudæos Senacheribus. Istius nex a filiis Tobæi arumna. Sara discrimen. Tobæus ad filium. Angelus cum Tobia. Piscis. Tobia coniux Sara. Senis cecitas. Raphael angelus. Amanis impietas.*

## IN TOBIAM PRAEFATIO INTERPRETIS.

Hic liber hebraice, græce, et latine exstat. Hebraice nuper editus est: Latinum ex chaldæo sermone transtulisse se testatur Hieronymus. Historiz summa in his tribus linguis consentit, sed multis in locis varietas est. Nos ex hebræo sermone, qui nobis visus est verior, sumus interpretati. Quas autem sententias in græco aut latino inuenimus ad rem pertinentes, quæ in hebræo non exstarent, græcas littera eius nominis prima, videlicet, G. latinas littera L. significavimus. Quod sicubi propter personarum mutationem, aut aliquam aliam causam, minus cohærebant, eas his notis (.) clausimus.

## ADNOTATA.

CAP. II. v. 11. *Vbi discessi cubitum apud parietem*) In hebræo est, apud trabem. Sed malui græcum et latinum sequi, qui non כור, sed כ"פ legerunt.

CAP. III. v. 19. *Atque ita in istorum sepulcra pane vinoque tuo perfundito*) Quum iam iusserit, quidquid supererit, id in beneficentiam conferre, quo pacto iubet deinde sepulcra perfundi? nam beneficentia in viuos exercetur, non in mortuos. Est igitur huiusmodi sententia: Vera sepulcra perfusio est liberalitas in viuos, quæ mortuis gravior est, quam si ipsorum sepulcra vino perfunderes. Hoc pacto dicuntur in Ruthæ cap. 1. puellæ illæ pietate vte esse erga mortuos: id est in viuos fuisse piæ, recordatione mortuorum. Hoc pacto loquitur David Psalmo 51, 19. quum dicit, verum sacrificium esse animum addictum, et sibi displicentem. Et Sibylla libro octavo, eadem cum Tobia docet his verbis:

Effigies

Effigies mea homo est, rectæ rationis alumna:  
Huic tu pone volens puram sine sanguine mensam,  
Repletamque bonis: panem, potumque famenti,  
Et sitienti da: nudum tege corpus amictu.  
De proprio castis manibus largire, labore:  
Oppressum recrea: fessi solare labores.  
Hæc a te detur viuenti victima viuens:  
Sparge pie semen, Dominus tibi donet vt ista.

\*\*\*\*\*

## IVDITHA.

### ARGVMENTVM IN IVDITHAM.

*Nabuchodonosor, eius in Arphaxadum victoria. Olofernes a rege missus. Ad Olofernem legati de pace. In Olofernem Israelita, Ioachimus Israelitas confirmans. Iudeorum brevis historia ad Olofernem. Achioris consilium. Betulienfes ad Iouam confugiunt, ad Betuliam Olofernes. Iudithæ virtus, et concio, ad Olofernem. Imperator obruncatus a Iuditha. Assiriorum clades ab Israelitis. Iudithæ laudes publicæ.*

\*\*\*\*\*

## ESTERA.

### ARGVMENTVM IN ESTERAM.

*Asucri conuiuium. Regina contumax. Conquisitæ virgines pro rege. Mardocheus et Estera. Nuptiæ Estera cum Asuero. Aman in Iudæos, Horum lacrimæ. Ad regem Estera. Huius conuiuium. Aman in crucem tollitur. Iudæi in aduersarios. Mardochai somnium.*

\*\*\*\*\*

## IOBVS.

### ARGVMENTVM IN TOTVM IOBVM.

*Iobi sanctitas, opes, damna. Mala Iobi coniux. Amici tres. Iobi maledicta. Amici incusatio in Iobum. Iobi angor, questus, vitæ vanitas. Nulla humana probitas. In Iouam Iobus lamentans. Mortis natura. Principum conditiones. In amicos tres Iobus. Ad afflictorum solamen. Simulacrorum exitium. Resurrectio. Mortis æternæ cruciatus. Iobus in amicos tres. Mortis cogitatio. Impiorum ærumna. Spes resurrectionis. Lenia malorum gaudia. Se purgans Iobus. Iobus insolens in Deum. Iniustus a Ioua magistratus. Ad Iobum Ioua. Dei potentia, prouidentia, maiestas. Iobus ad bonam rediens frugem, tandem felicitatus.*

### IN IOBVM PRAEFATIO.

Qui hanc Iobi narrationem et disputationem fictam esse putant, id mihi nulla ratione facere videntur. Nihil enim potest esse in vera historia, quod non sit in hac: vt qui hanc neget, omnes negare possit. Quod si putant

putant hoc absurdum esse, quod in hoc libro Deus cum homine colloquitur: cogitent, et cum multis aliis olim collocutum, cum Noa, Abrahamo, et ceteris. Nisi forte hoc obiciant, illos ex delecto diuinitus hominum genere fuisse, Iobum vero Idumæum, quasi vero vllum sit hominum genus, quod Deus reiecerit: aut quasi non omnes recte viuentes amet, sicuti contra omnes iniuste viuentes odit, cuiuscumque sint nationis. Atque hæc sunt rationes, quibus refellantur illi, si forte parum mouentur Ezechielis et Iacobi auctoritate: qui profecto numquam de Iobo tam honorificam mentionem fecissent, si res fabulosa foret. Sed quo tempore vixerit Iobus, incertum est. Vixisse quidem multo tempore post Mosem, videtur ex capite 17, 19. vbi tamquam de re iam olim facta, mentio fieri videtur Israelitarum adductorum in Chanaanem. Item ex capite duodetricesimo (28.) vbi dicitur, Deus homini olim declarasse, sapientiam esse metum Domini, quæ profecto sententia ex Deuter. 4. aut ex Psalm. 111. sumpta est, sicut et in cap. 12. est hæc sententia, Adspersit contemptu primates, ex Psalm. 107. pene tota ad verbum translata. Nisi si forte dicent, non eam ex Psalmo translata, sed contra: quæ de re ego nolo contendere. Disputationis autem argumentum est hoc: Amici adfirmant Iobum improbum fuisse, qui in eam inciderit calamitatem: Deum enim nullos, nisi malos, malo adficere. Iobus contra pugnat, etiam bonos a Deo malis adfici: vt se, qui fuerit innocens. Quumque dicant amici, visum quidem esse innocentem, sed innocentiam illam non fuisse veram: idque ex euentu iudicari, quippe quum peccati det poenas, miseriam enim esse peccati supplicium: ostendit Iobus, etiam improbis bene esse, idque reipsa adparere. Quod quum sit, non esse absurdum, dicere aliquem bonum esse in malis, quam aliquem malum esse in bonis. Ad Deum, controuersæ iudex, primum Iobum reprehendit, qui sibi a Deo iniuriam fieri queratur, quod causam non videat, cur tanto malo adficiatur: ostenditque Deus, sua opera esse tam ardua, vt homines, quidquid a Deo fiat, debeant fateri non sine causa aut sine ratione fieri: quod si causam ignorent, debeant id ignorantie sue tribuere, non Deum iniustitiæ accusare. Quasi hoc dicat: Quamuis infanti tibi calamitatem infixierim, debes tamen de me, qui tantus sum, tam præclare sentire, vt aliquam iustam, sed tibi ignotam causam esse putes, cur ego mundi arbiter et conditor ita tecum agam. Causam autem non addit, cur id fecerit, vult enim voluntatem suam pro ratione haberi, quod in homine iniquum, (quippe qui et errare, et iniuste agere possit,) in Deo est æquissimum. Atque illa causa nobis patet ex initio libri: id enim fecit, vt Iobi probitatem experiretur, idque instigante Satane. Neque vero in hac contentione victus est a Satane Ioua: nam Ioua contendebat, Iobum in integritate sua mansurum: Satan autem adfirmabat, Iobum ideo probum esse, quod eius res essent prosperæ: quod si in calamitatem incideret, fore, vt probitas illa adeo nulla foret, vt etiam Deum, impiorum ritu, detestaretur: id quod factum non est: nam Iobus integer permanfit, nec ita rebus aduersis mutatus est, vt improbos imitari vellet. Et tamen in eo reprehendendus erat, quod sibi a Deo iniuria fieri dicebat: Verum id vitium non improbitatis est, sed ignorantie. Quum enim pugnarent eius amici, omnem calamitatem esse peccatorum poenas, et Iobus sibi sceleris conficius non esset, putabat se a Deo iniuria adfici. Ergo Deus illum Iobi errorem verbis castigat, vt dictum est, non punit. Amicos autem Iobi grauius arguit, qui de Deo non tam recte locuti essent,



sent, quam Iobus. Nam in eo quod affirmabat Iobus etiam infantibus mala a Deo importari, recte dicebat, quod quum negarent illi, non vere de Deo loquebantur. Adde quod Iobus videbat, de Dei iustitia non esse ex hac vita iudicandum, sed ex futura, in qua bonis bene, et malis erit male: id quod ex cap. 19. intelligi potest, in quo de resurrectione loquitur. Itaque Iobum recte locutum esse, docet Ioua: nec illas, vitiosas quidem, sed doloris magnitudine expressas impatientie voces, puniendas putat.

## ADNOTATA.

CAP. III. v. 8. *Eam exsecrentur, qui detestantur dies, Leviathanem excire conantes*) Leviathan balæna est. Iob. 40. et Pl. 104. Quoniam autem balæna est omnium animalium maximum, poni videtur pro furiarum et dæmonum maximo, Esa. 27. et 4. Esd. 6. quemadmodum dracones et cete pro Aegyptiis, et Leviathan siue balæna pro Pharaone dicitur, Psal. 74. Est igitur hæc Iobi sententia: Eam noctem exsecrentur, qui dies aliqua calamitate infames detestantur, atrosque et nefastos statuunt, vt Romani Aliensem et Cannensem, qui quidem conantur excitare Leviathanem: hoc est, diras cient, diris vtentes deprecationibus: quod sit in rebus tristibus et atrocibus.

CAP. V. v. 1. *Vociferare, si quis, cet.)* Inuoca Deum, et siquidem sanctus es, exaudiet te, et isto malo liberabit: nam si sanctos viros consideres, eorum conditio talis est, vt eos semper defendat Deus. Quod si non exaudit te Deus, sed perimit, adparet te improbum esse: nam non nisi improbos perdit Deus. Atque hoc est totius huius capitis argumentum, quod duobus primis versibus breuiter comprehensum, deinceps tractatur explicatius. Potest autem hoc pacto informari: Qui pii et sancti sunt, eos contra mala defendit Deus: te autem non defendit, ergo pius non es. Item, Qui Dei seueritate necantur, stulti sunt: atqui tu Dei seueritate necaris, ergo stultus es.

CAP. VI. v. 2. *Vtinam mea impatientia, cet.)* Videor vobis immoderatus dolorem ferre: sed si doloris magnitudo, quo premor, cum meis querelis conferatur, inuenietur dolor tanto grauior mea querimonia, vt id verbis exprimere nequeam. Nam Deus me premit acerrime, id quod hinc intelligere sic licet. Quum rudit onager, profecto intelligitur eum pabulo carere: quod idem de boue dico, nec enim sunt eiusmodi animalia, vt sine causa conquerantur. Itidem quum ego nunc conquerar, ne putate, id facere me sine magno malo. Præterea quum videatis me optare mortem, debetis existimare, magnam aliquam esse causam, quæ efficiat, vt tam acerba res, (qualis est mors,) mihi placeat. Nam si insubidi cibi, quale est album oui, quamuis cibi sint, tamen sine sale non placent: quanto minus palato sapiunt, qui natura sunt amari? Quod si videatis aliquem amari cibi cupidum esse, profecto iudicetis aliquid esse causæ, quæ cibi acerbiteratem quodam quasi sale leniat atque condiat. Atqui ego mortem expeto, qua tristius nil videtur esse, et quam antea reformidabam: et ita expeto, vt solent cibos expetere, qui esuriunt. Quod quum ita sit, non dubium est; quin tantus sit dolor meus, vt eo mortis acerbitas superetur, et, quasi quodam sale condita, dulcis esse videatur. Quod si sciret in me interficiendo Deus, hoc mihi esset gratissimum: tantumque abest, vt Augusti, hoc est Dei, verba respuam ac reformidem, vt cupiam eum in me non verbis, sed verberibus et leto de-

seuire. Quod autem interpretatus sum, mihi pro victu satis esset: legitur יָדָד pro יָדָד: alioquin insipida esset sententia. Neque vero est, (inquit Iobus) quod me putetis, quum mortem oro, nimis esse mollem et imbecillum: non hoc iubeccillitati meæ, sed grauitati doloris est adscribendum: quo premor ita, vt, quamuis quod in me est, faciam, tamen cogar succumbere. Itaque non mirum esset, si in tanto malo parum religiosus essem: quum idem facere soleant, qui magno aliquo malo torquentur: quamuis eis adsint et subueniant amici, vincente videlicet dolore patientiam. At mihi ne hoc quidem adest, vt me amici consolentur: nam vos, qui mihi fratres estis, et amici, non me leuatis, sed fallitis: perinde ac si quis torrens glacie infusceretur ac tegatur, deinde operiatur niue, quæ nix efficiat, vt minus densa glacie incrustetur, ita vt vel leui calore dissolui possit, et pristinum tenere cursum. Nam ad eum torrentem si veniant viatores, et glaciem tangant, (vt fieri solet) ac baculis aut pedibus tentent, inuenient fragiliorem, quam vt eos ferre possit. Itaque frustra venerint, id quod eos pestime habebit, (id est enim quod dicit, Pereunt) nec poterunt transire quo tendebant, videlicet ad Themam, aut quouis alio. Vt igitur illos torrens, sic me vos fallitis: nec estis veri amici, qui, viso meo malo, metuitis, et estis inconstantes. Atqui non est quod metuatis: nihil enim a vobis postulo.

CAP. VI. v. 25. *Vosne arguendi causa?*) Quod me excogitatis verbis reprehenditis, id plus est quam reprehensio: nec ista nefaria et iniusta verba abeunt in ventum: hoc est, non sunt inania, aut innoxia: sed me pupillum, hoc est hominem destitutum ac miserum, premunt atque labefaciunt. Quasi hoc dicat: Quod contra me disputatis, id non arguendi, sed lædendi mei gratia facitis, aut certe in eo faciendo me læditis.

CAP. XIII. v. 18. *Quumque labefacti cadant montes, cet.*) Nihil est, quod temporis spatio fieri nequeat, cadere montes, transmoueri rupes, cet. at homo nihil melius vltro post hanc vitam sperare potest, siquidem numquam reuicturus est. Neque vero hoc dicit, quasi nullam speret resurrectionem Iobus: nam cap. 19. aperte demonstrat, se eam sperare. Sed hic ex aduersariorum sententia disputat, et eos ita refellit; si hæc dumtaxat vita spectatur, (vt eam vestra spectant disputationes, in quibus nulla habetur futuræ vitæ ratio) profecto nihil est homine miserius, qui non solum sit in hac vita calamitosus, verum etiam omni spe in posterum careat.

CAP. XVII. v. 3. *Depone sane, fac mecum sponsonem, cet.*) Deum adloquitur. Si sponsonem certandum sit, vtrum tu mihi facias iniuriam, nec ne: ego vincam, si modo habeam idoneos sponsores, qui mihi manum dent, hoc est, pro te absente spondeant. Sed vbi tales sponsores inueniam? hosne meos amicos tu sponsores dabis? Non opinor: nam tu eorum mentibus ingenium detraxisti: hoc est, nihil habent ingenii, stupidi sunt, et ignari rerum: ideoque ad hanc sponsonem parum idonei, si mihi licet libere et citra adsentationem loqui. Dicit autem, Deum eis ingenium detraxisse, pro non dedisse: sicut cap. 39. dicitur Deus struthiocamelum priuauisse sapientia, hoc est, sapientiam ei non impertiuisse: vt ibidem geminata sententia patet.

CAP. XXI. v. 4. *An mihi cum hominibus disputatio esset?*) Vos, cum quibus ego disputo, indigni estis, qui homines appelleremini. Nam si vere homines, hoc est, si cordati et prudentes essetis, esset oratio mea breuior: hoc est, adsentiremini meæ orationi, quæ vera sit. Ita fieret, vt vobis nihil contra-

tradicientibus, ego iamdudum tacerem, neque tam multa verba in vobis refellendis facerem. Homines autem dicit, pro vere hominibus (sunt enī quidam vocabulo tantum homines) sicut Solomo Prou. 28. et idem Prou. 16. reges vocat, bonos reges: et Eccles. 7. virum et feminam eodem modo. Tale est, quod dicimus latinam orationem, pro eleganti.

16. *Si non habent in manu suum bonum, me præterit impiorum consiliū*) Omnia bonum adpetunt, et ad id suas actiones dirigunt. Quod si est, impii quæ faciunt, boni consequendi causa faciunt. Atqui si viderent se nihil boni consequi, nihil posset esse stupidius eis, qui scientes frustra agerent, quæ agunt. Itaque ego non video, quo consilio ita viuunt, nisi quod vident, se ita viuendo potiri bonis: neque enim sine causa faciunt, quæ faciunt. Proinde necesse est, vt fateamini, improbos esse in hac vita felices.

CAP. XXIII. v. 1. *Cur ab Omnipotente non sunt, cet.*) Dei tempora et dies vocat ea, quæ quoque tempore et die facit Deus: et loquitur in hanc sententiam: Impii et in vita fortunati sunt, et in morte non diu torquentur: quod dum vident pii, (est enim manifestius, quam vt negari possit) torquentur, vt habetur Psalm. 73, 3. Itaque præstitisset, (vt videtur) hæc latere pios.

18. *Celeres sunt in humore*) Similes sunt stirpibus in humore et vligine crescentibus, quæ cito pereunt, vt iuncus: neque spectant vinearum naturam, hoc est, non sunt vitis similes, quæ etiam sine vligine viuunt in arido loco. Atque hoc dico, felicitatis esse, cito mori, non diu languere, vt solent boni. Impii cito pereunt, vt niualis aqua æstu absumitur: et ita pereunt, vt eos obliuiscatur vterus: hoc est, vt fiant perinde ac si nunquam ex vtero prodiiissent, et nati fuissent: id quod eis suaue est, exstingui postquam feliciter vixerunt, et se maleficiis oblectarunt, corrumpendo fetus in vtero stupratarum a se mulierum, ne flagitium pateret, et viduis malefaciendo (adulteros notat, et violentos) et in homines quamuis generosos grassando, cadendo, prodendo, insidiando. Postquam aliquamdiu ita vigerunt, non dant poenas: sed moriuntur, vt omnes, et cito pereunt. Atque hæc sunt apertiora, quam vt possint refelli.

CAP. XXVII. v. 8. *Quid enim sperandum erit simulatori, cet.*) Si simulator et impurus essem, periisset mihi spes vna cum re: nec enim exaudiret me Deus inuocantem. Nunc religiosus sum, et ideo meliora spero. Hoc enim differt inter probos et improbos, quod improbi tandem funditus intereunt, nec eis spes vlla superest, at probis superest. Hanc spem vos non spectatis, in quo estis sane futiles, qui tamen vultis oscula dicere videri. Hoc enim etiam atque etiam vrgetis, me, nisi improbus fuisset, non fuisse futurum in malis: ego dico etiam probos affligi, et quidem sæpe grauius quam impios, sed spe non destitui.

CAP. XXVIII. Est autem ea spes in ea religione (vt dixi) posita, quæ religio est vera sapientia, omnium quæ expetuntur rerum pretiosissima, et maxime expetenda. Sed ea querenda non est, vbi queruntur, quæ solent a mortalibus expeti, qui summo labore et diligentia gemmas et aurum rimantur penitus in visceribus terræ. Sapientia in suo cuique animo querenda est. Hoc est totius capitis argumentum: quod si clare vis intelligere, lege Plin. lib. 33. cap. 4. nihil erit, quod ad huius Iobi loci declarationem requiratur. Nos tamen paucis exponemus. Inveniunt (inquit) homines metalla, argentum, aurum, ferrum ex humo erutum, et ex lapide æs. Hoc Plinius docet lib. 34. cap. 1. *Tenebris imponitur finis*, penetrant sub terras, vbi tenebræ sunt, eoque lumen inferunt, et ad lucernarum lumina abditas in tenebris

bris perferuntur gemmas. *Deriuantur ex peregrino solo flumina*, scilicet ad irrigandam egestam terram, in qua aurum quæritur: quæ flumina vocant corrugos, a corriuando. *Et ignorata pedibus, et quæ carnerant hominibus vagantur*, scilicet flumina: hoc est, aqua, quæ sub terris fluebat, quam nulli accolebant homines, elicitur hominum labore, et docetur alium tenere cursum: vt est in Plin. 33. cap. 6. *Tellus quasi igne euertitur*. Agunt per magna spatia cuniculos, et terram subeunt, non secus ac ignis facit, vt in Aetna et Vesuuio. Quin etiam occurrentes sub terra filices, igni rumpunt et aceto, dum illic gemmas et aurum quærunť homines, quo numquam vllz, quantumuis agrestes, aut feræ penetrauerant bestię: sed ne adspexerant quidem perspicacissimę.

CAP. XXVIII. v. 11. *Ex lacrima perscrutantur fluuios*) Vbi rupes lacrimare vident, eas excauant, ad corrugos eliciendos.

CAP. XXIX. v. 4. *Qualis eram mei veris tempore*) Hiemis, in hebręo legitur. Sed quum diuidant Hebręi annum in hiemem et æstatem, sit vt veris pars prior hiemi tribuatur, sicut posterior æstati, vt est Matth. 24. Est enim veris initium, finis hiemis. Eum autem de vere suo, hoc est, de adolescentia loqui, patet ex tota sententia.

CAP. XXX. v. 12. *Cui nullus subueniat*) לֹא sicut Gen. 9. positum est pro לֹא, interposita littera מ: sicut Ose. 12. in עֲמֹנִי litteram נ interiectam docuimus: alioquin frigeret sententia.

CAP. XXXI. v. 35. *Mea quidem cupiditas est*) תַּחֲתִי pro תַּחְתֵּי contra-cto vocabulo positum est, sicut Esa. 43. בִּי pro בְּיָם. Hoc enim cogit fateri sententia, quæ alioqui inepta est. Adde quod vertit vetus interpres, Desiderium.

CAP. XXXIII. v. 12. *Si maior est homine Deus*) Inepte facis, qui velis disputare cum Deo, tamquam sis ei par. Est enim hoc eorum, qui inter se æquales sunt, inter sese disputare, et inuicem rationes audire. Sed Deus tanto est homine maior, vt indignum sit, eum homini reddere omnium rationem, quæ faciat. Nam rationem reddere, eius est, de cuius facto rectum necne sit, dubitari potest. Deus is est, de quo dicendum sit, Ipse dixit: estque eius auctoritas pro ratione habenda. Itaque semel quod pronuntiauit, non iterat. Interim homines per somnia monet, et eorum penam concludit: hoc est, ostendit, non esse disputandum, cur ita malis adficiantur: sed penam esse certam atque fixam, et eius auctoris, a quo non sit exigenda ratio. Quod dum facit, detrahit homini facta: hoc est, ostendit, eum nocentem esse, et ea fecisse ac peccasse, propter quæ non sit superbiendum, sed oranda venia. Ita fit, vt homo Dei magnitudinem animaduertens, sese submittat, atque ita veniam salutemque obtineat. Vide eadem pæne cap. 36.

CAP. XXXIII. v. 17. *Fierine potest, vt qui, cet.*) Quod interpretor, *Recte curat, qua agit*: id verbum in hebręo significat vulnus fasciis inuolueret, et mederi. Et quia medici est, morbos non solum abigere, sed etiam arcere, sit vt id verbum ad alia translatum, significet non solum mederi præsentī malo, sed etiam ita aliquid agere, vt malum absit, bonumque adsit: quod græce vno verbo dici potest, κατὰ φύσιν. Est autem hic sensus: Si iniustus esset Deus, non posset, quæ curat et facit, recte facere. Nec enim dici hoc potest, eum peccare metu. Sit hoc hominum proprium, vt potentiorum

tiorum metui delinquant : Deo adeo nullus est potentior, ut etiam reges pro nihilo ducat. Atqui mundum recte administrat: est ergo iustus.

CAP. XXXVI. v. 29. *In quas quidem suum lumen explicans, maris radices tegit*) Quin nubilum est celum, lux excepta late nubibus, et impedita, non potest in inferiora penetrare. Ita maris radices teguntur: hoc est, lux impeditur nubium tegumento, quo minus in maris fundum penetret: sic enim appellat radices, imam partem. Per nubes autem Deus et populos ulciscitur: dum lata nimio aut intempestiuo imbre corruptit: et victum copiose largitur: dum modice et tempestiue pluendo fruges alit. *Luce palmis tegit*: hoc est nubibus, quæ sunt quasi Dei palmæ sedentis in æthere, Curatque, ut luci occurratur: hoc est, ut eam impediunt nubes: quas dum luci nuntiat Deus, hoc est, excitat aduersus lucem, irascitur lux aduersus ascendentes nubes, quæ sibi obstant. Vide cap. 38. de mari.

CAP. XXXVIII. v. 13. *Et ab ea disciuntur impii, cet.)* Adulteri, fures, latrones, proditores, et ceteri, quos hic vocat impios, noctu suis flagitiis inuigilant: iidem, adueniente die, lucifugi diffugiunt: et mutato toquam rubrica sigillo, hoc est, discussa nocte, quæ eos tegit ac concludit, sicut rubricæ aut cuiusvis rei sigillum, operit ea, quæ eo signata sunt: sunt vestis similes, sese contrahunt, et quasi vestes complicant ac in latebras coniiciunt: et sua luce priuantur impii: quemadmodum cap. 24. dixit Iobus, impiis matutinum esse pro tertia nocte: quod ut ceteri homines mane ad opus prodeunt, sic illi tum sese recipiunt: ita hic Deus impiorum lucem appellat noctem, quod noctu agant, et nocturnarum ritu diem pro nocte, et noctem pro die habeant. Sublimesque lacerti franguntur: impii orta luce vires anittunt, et audaciam, et sese pauidi recipiunt, qui alioquin noctu sunt feroces.

CAP. XL. v. 12. *Ramosis summa cauda neruis*) Caudam hic appellat promuscidem. פֶּרֶךְ autem est summa caudæ pars, adhærens spinæ dorfi, quæ a pauore ideo vocatur, quod bestię dum metuunt, solent eam contrahere. Atque eodem modo græce vocatur ὀφρὴς vnde sit ὀφρὸδεῖν, reformidare. Deum autem de cauda hic loqui, patet ex eo, quod ante comparauit caudam cedro: quàm sententiam quin, ut solet, iterare vellet, iam non cedrum vocat, sed (quod proximum est) ramosos nervos.

28. *Adeoque spes tua sit fallax*) In hebræo est, Spes eius. Sed quum prius vsus esset secunda persona pro quauis, nempe, Confere cum ea mimum, pro, Si quis cum ea congregiatur: volui obscuritatem cuius, quæ fuisset in tertia persona. Est autem hic sensus: frustra speres, eam posse vinci: ne adspectum quidem ferre possis.

CAP. XLII. v. 13. *Habuit et septem filios, et tres filias*) Atqui paullo ante dicitur Deus ei omnia conduplicasse: quod quum fiat in pecore, in liberis non sit: habuerat enim totidem. Sed hic intelligendum est, latere mysterium resurrectionis. Nam quum pecora Iobo periissent, liberi hac vita defuncti non perierant: viuunt enim omnes Deo. Quod si ei duplex liberum numerus redditus fuisset, habuisset triplicem numerum. Hanc rem me docuit Italus quidam.

# LIBER PSALMORVM.

## PRAEFATIO IN PSALMOS.

Antequam ad singulorum locorum explicationem veniamus, pauca in uniuersum praefanda sunt. Hic liber apud Hebraeos vocatur Liber laudationum, quod in eo Dei laudes continentur. Graece poterat Hymnorum liber dici: sed quia psalluntur, hoc est, fidibus canuntur haec carmina, et pleraque Mizmor, hoc est, *ψαλμοὺς* inscribuntur, vocauere Psalmos, aut Psalterium: quod nomen Latinis vsitatum nos retinuimus. Titulos alii habent, alii non habent. Qui non habent, hos Davidis esse puto. Qui habent, aut habent in graeco tantum, aut etiam in hebraeo: et in graeco quidem bisariam: nam aut totus titulus graecus est aut tituli pars: atque illud aliquando in graeco indicatur his verbis ἀνετίθηκα τὸν τίτλον Ἐβραϊστί, hoc est, titulo carens apud Hebraeos: aliquando non indicatur. Igitur si totus graecus est titulus id significanti positis in tituli capite his duabus litteris: Gr. id quod tamen amplius in primo Psalmo declaravi. Sin pars tituli Graeca est, easdem litteras ante eam partem posui. Quod autem de graeco dico, idem de latina dictum volo: nam vulgari latina psalmoreum translatio, meo quidem iudicio, ex graeco ducta est, non ex hebraeo. Significanti autem tituli aut rem gestam, quae carmini dederit occasionem: aut auctorem, aut argumentum, aut genus carminis: aut musicum instrumentum, quo canendum carmen sit: aut cantorem, a quo canendum sit: aut horum modo plura, modo pauciora. Quod ad res gestas attinet, ea patent ex sacris historiis. Auctorum praecipuus est David: sed sunt et alii, ut Moses. Quod ad eos attinet, qui inscribuntur לכנִיקָרָה, hoc est, filiorum Cora, siue filiis Cora (est enim apud Hebraeos ambiguum) eos Davidis esse puto, sed scriptos, ut a Coranidis (sic enim nos Cora prognatos nomine patronymico adpellamus) canerentur, ideoque Coranidarum adpellari: ut si puellarum cantionem dicas, non significes puellas auctores esse carminis, sed cantatrices. Sed an idem de Asapho et Hemane et Ieduthune dicendum sit, an vero ipsi auctores fuerint eorum, quae ipsis adscribuntur, ego nescio. In 2. Paral. 29, 30. laudari dicitur Deus verbis Davidis, et vatis Asaphi: ubi videtur Asaphi auctor esse: sicut et Ieduthum adpellatur vates regius, 2. Paral. 35, 15. Quod ad carminum genera, musicaque instrumenta attinet, ea hodie adeo ignota sunt, ut nihil facile affirmari possit: quod eo minus in hebraeo mirum est, quum etiam in gallica lingua exsint quaedam carminum genera, quorum neminis ratio reddi vix, aut ne vix quidem possit: quale illud est, quod vocatur Balade. Igitur quae potui, ea sum interpretatus: alia hebraea reliqui, ut Githith, ut Almuth Labben: quod idem feci et in voce Sela, quae in Psalmis saepe occurrit: quae quidem videtur musica rationis esse, sed hodie ignota.

ADNO-

## ADNOTATA.

PSAL. VII. v. 13. *Nefas pariet*) In hebræo est, Falsum pariet. Vt autem verum pro æquo iustoque tum apud Hebræos, tum apud Latinos dicitur: ita falsum apud Hebræos pro iniusto, vt et in Psalmis frequenter, et Esā. 44. quod et apud Latinos fit in adverbio falso, pro immerito et iniuste.

PSAL. XI. v. 7. *Quæ fors est eis exantlanda*) Ad verbum legitur, Portio calicis eorum. Sed id verbum pro sorte et conditione ponitur, vt Psal. 63, 11. Portio vulpium erunt: hoc est, eandem cum vulpibus conditionem subibunt. Quod verbum in nouo Testamento modo *μερίς*, modo *μέρος* dicitur, vt Lucæ 10, 42. *Μαρία τὴν ἀγαθὴν μερίδα ἐξελέξατο*, Maria bonam conditionem elegit. Et Matth. 24, 51. *καὶ τὸ μέρος αὐτῶν μετὰ τῶν ὑπκρίτων ᾄσει*, Faciet eandem eius sortem, quam fictorum: hoc est, habebit eum eodem numero aut loco, quo fictos et impuros homines. Gallice quoque party vocatur conditio, deducto a parte vocabulo. Calix autem dicitur pro re, qua fungendum est, siue læta, vt Psal. 16. siue tristi, vt hic: quæ posterior translatio latine exprimitur per verbum Exantlare, quod exhaustire significans, et a calicis potione non abhorrens, ponitur pro perfungi atque pati.

PSAL. XV. v. 4. *Quodque iurauit alteri, non reuocat*) In hebræo est, Quodque iurauit ad malum: sed sententia non satis apta est: nam iurare ad malum, si hebræum sermonem spectes, esset iurare se male facturum, aut alicui nociturum, vt licet videre in Psal. 37. Apud Hebræos idem verbum, et malum, et proximum significat, mutatis punctis vocalibus, in quibus facilis est lapsus. Itaque Græcus vertit, *τὼ πλῆσιον αὐτῶν*: et Latinus, proximo suo: quæ sententia mihi videtur aptior. Proximus autem pro alio non solum hebraice dicitur, sed etiam græce, *ὁ πῆλιν*.

PSAL. XVIII. v. 35. *Ferreo ut arcus*) In hebræo est, æneus, sed ære non sunt arcus: et ponitur pro metallo, et porro pro ferro, si de re ferrea agatur, vt apud Homerum *χαλκός*.

PSAL. XXII. v. 1. *Super aurora cerua*) Ceruam Christum vocat, quem Iudæi, tamquam ceruam canes, infestabant. Auroræ autem vocat, propter resurrectionem mox secuturam, quæ etiam Psal. 49, 20. vocatur matutinum; quod ea est lucis, hoc est, beatæ vitæ initium.

24. *A te mea laudatio*) Hoc est, Tu eris meæ laudationis auctor, teque laudabo. Quomodo dixit Virgilius:

Ab Ioue principium Musæ.

Et illud: A te principium, tibi desinet.

PSAL. XXIII. v. 4. *Qui non animo suo ad nequitiam utitur*) Hoc est: Qui non falso et malitiose iurat, vt continuo sequitur: nam iurantes id testamur, quod habemus in animo, vt videre licet in Ierem. 38, 16. vbi iurat Sedecias. Quod si falsum iuramus, abutimur animo nostro.

PSAL. XXXVII. v. 3. *Benefac, incoles terram*) In hebræo verbum Incoles est imperatiui modi: sed hic ponitur pro futuro, vt in hoc eodem Psalmo: Recede a malo, et benefac, et dura in perpetuum, (sic enim legitur ad verbum) pro durabis; neque enim iubet durare in perpetuum,

quum id penes hominem, cui iubet, positum non sit. Sic loquitur et Esaias capite quinto. Latini quoque, vt Virgilius:

Nunc te marmoreum pro tempore fecimus: at tu,  
Si fetura gregem suppleuerit, aureus esto.

16. *Multo præstat tenuis res bonorum, quam impiorum opulentia*) In hebræo est, Præstat tenuis res bonorum quam impiorum multorum opulentia. Quælis hebraïsinus est in illis Christi verbis: Nonne vos pluris estis quam multi passeret? pro hoc, Nonne vos multo pluris estis quam passeret?

29. *Improbi vero dabunt pœnas*) Hic dimidiis versus in hebræo desideratur: sed est addendus: nam huius carminis alii versus omnes constant binis membris, quod in hoc non fieri, esset absurdum. Præterea quum sit hoc carmen ordine litterarum scriptum, hic desideratur littera Ain: ex quo patet, mutilum esse locum: qui mutilus non erat, quum est in græcum translatus, vbi ita legitur: ἀνομοὶ ἐκδιωχθήσονται, et in latino, Ininiusti punientur: ex quo eos coniectura est legisse עוֹלִים.

PSAL. XLIIII. v. 3. *Ceterisque nationibus malo adfectis immiseris*) Immittere sine submitti dicuntur refeces, hoc est, sarmenta, quæ ceteris amputatis, relinquuntur, vt sint fructuaria. Sic hoc loco Deus, excisis Chananæis, dicitur Hebræos immisisse ac propagasse. Hoc eodem verbo שלח vsus est et Ezechiel, pro comam diffundere, et materia luxuriare, cap. 31, 4.

PSAL. XLV. v. 17. *Parentibus tuis succedent tui liberi*) In hebræo relatiua sunt masculini generis, sed referenda sunt ad reginam; cuiusmodi relatiuorum transitus sæpe accidit, vt in Ier. 11. declaramus. Talia inuenies etiam Num. 27. et 36. nam si hæc ad regem referas, erit frigida sententia: ad reginam vero aptissima, et ad id conueniens, quod dixerat, patriam domum ei esse obliuiscendam.

PSAL. XLVI. v. 6. *Deo ei mature succurrente*) In hebræo est, Sub ortu matutini: hoc est, mane, quod sæpe ponitur pro mature: sicut gallice matin, Tu n'es pas venu prou matin: et germanice, frühe, et latine sero, pro tarde.

PSAL. XLIX. v. 6. *Circumstante me meorum pœna calcaneorum*) Hoc est, imminente mihi morte: cuius causa est hominis peccatum: quæ propterea minus metuetunda est, quod calcem dumtaxat lædit, nec hominem prorsus exstinguit, quum sit in vitam a Christo reuocandus. Adludit autem ad illud Gen. 3, 15. Vt illud tibi caput, tu illi calcem illidas. Diabolus enim, qui serpens erat, hominem non letaliter vulnerauit, medente Christo. Nec videri debet hæc interpretatio longius petita: nam sic solent ænigmata: et hoc carmen ænigma vocat auctor. נֶפֶשׁ autem pro pœna (vt vertimus) ponitur quum alibi, tum 1. Reg. 28, 10.

PSAL. LIIII. v. 4. *Nam hostes conjungunt in me*) In hebræo est, Peregrini: sed peregrinus ponitur pro hoste, vt Esa. 1, 7. vt latine hostis pro perduelle: quum tamen hostis olim esset idem, qui peregrinus.

5. *Dominus is est, qui hanc animam sustentet*) In hebræo est, Dominus est in sustentantibus animam meam: quum de vno loquatur: est enim iterata sententia, idem significans quod prior, Deus mihi succurrit. Huius loquendi rationis non dissimile est, quod Græci dicunt, οὐ περὶ τὴν πλάτωνα, hoc est, Plato: vt et Ioan. 11, 19. τὰς περὶ μαρθὰν καὶ μαρίαν;



μαρίαν; itemque quod in margine Psal. 55. enotatum inuenies; et Psal. 69, 27. Quem tu vulnerasti, insectantur, sauciorum tuorum dolorem adaugentes. Itemque Iudic. 11, 35. Tu es in perturbantibus me: hoc est, tu me perturbas: et Es. 41, 4. Cum postremis ego sum: hoc est, postremus: et Ose. 11, 4. Eisque fui quasi adleuantes: hoc est, quasi qui adleuaret. Gallice quoque dicimus, Je ne suis pas des plus riches, Non sum ditissimorum: hoc est, non sum admodum diues, quomodo Græci dicunt, εἶνα τῶν πλεσίων, pro εἶνα πλεσιον.

PSAL. LIX. v. 11. *Tibi vires meas acceptas fero*) Vires eius, legitur in hebræo: sed et sententia repugnat, et græca latinaque vetus interpretatio: ex quibus adparet, non ויב, sed ויב legendum: vt etiam legitur in ultimo versu.

PSAL. LX. v. 5. *Ad arcus effugiendos*) Male ושר legitur, quum debeat שר per Tau ultimam legi: vt et sententia, et veteres græci et latini interpretes ostendunt.

PSAL. LXII. v. 4. *Quousque in me iniurijs eritis?*) Latine, Noui hominem, pro noui eum dicitur. Hebraice fit hoc etiam in prima persona: quo modo dicit sæpe Christus, filium hominis, pro homine, de seipso loquens. Igitur quod hic vertimus, In me: in hebræo est, in hominem: quia hebraismus, quia hoc loco obscuritatem adferret, locum ad latinam consuetudinem traduximus. Eum autem de se loqui, adparet ex eo, quod et ante et post dicit, se in Deo adquiescere, eoque niti, sic vt eorum conatibus labefactari nequeat. Quod interpretor, Perimere conantes, in hebræo vnum est verbum, quod significat perimere: quamquam passiuum esse, notæ vocales indicant: sed actiuum esse, et vetus interpres, et sententia ostendit:

quomodo et verbum שחן positum est Prouerb. 11, 9. Est autem animaduertendum hebræorum verborum notiones late patere, vt idem verbum et primarium sit, et frequentatiuum, et desideratiuum, quando his figuris carent Hebræi. Itaque hic Perimere ponitur pro Peremturire (vt ita loquar) hoc est, velle perimere: qualis hebraismus est etiam Act. 7, 26. his verbis: ἔσυνήλασεν αὐτὰς εἰς εἰρήνην. non enim reduxit rixantes in gratiam Moses, sed id facere conatus est: et Matth. 23, 13. εἰσέρχεσθαι Ἰερουσαλὴν. Atque eodem modo obiter dico de verbis apud Latinos compositis, quibus carentes Hebræi, vno verbo multa significant, vt שחן sit pugnare, propugnare, oppugnare, repugnare, et expugnare: et ita in multis alijs.

PSAL. LXIII. v. 5. *Nihil tale metuentes*) In hebræo vocabulum antecedens est singularis numeri, sed pro plurali positum: itaque verbum sequitur plurale, id quod sæpe fit: et contra, vt Psal. 62. et 63. et 68.

PSAL. LXVIII. Quoniam carmen hoc obscurum est, id pluribus explicabimus: sic tamen, vt nihil adfirmantes, iudicium alijs relinquamus. Moses proficiscente arca oraculi, solebat ita præfari: Exsurge Ioua, et disspendantur hostes tui, cet. a quibus verbis quum David carmen hoc exordiat, intelligendum est, in hoc illius declarationem contineri. Sed hoc intelligi non potest, nisi sciamus, eum, qui et illic, et hic Ioua, et Angelus, et Deus, et Dominus adpellatur, esse Christum, vt in 2. Exod. cap. declarauimus. Certe hoc ignorato, necesse est in præcipuis Christianæ disciplinæ locis alucinari.

Igitur carmen hoc ita declarabimus: *Exsurgat Deus, Christus*, idem qui Moſis tempore ducebat Iſraelitas, quum veniet in terras, et victis ſua vita et diſciplina audeat reſurrexione hoſtibus, diabolo, cuiusque ſeruis improbis, bonos perducet ad felicitatem. Hoc eſt totius carminis argumentum. Deinde iubet huius rei gloriam ad Deum Chriſti patrem referri, cuius mandato filius ea facturus ſit, qui pater filio ſuo nomen ſuum Iouam, et porro poteſtatem accominodauerit. Hoc enim eſt, quod dicit, *cuius nomen eſt in Ioua*: hoc eſt, cuius Dei nomine præditus eſt Chriſtus: vt eſt Exod. 23, 20. vbi Deus ſic populum adloquitur: *Ego ſum tibi promiſſurus Angelum, qui te tuteſur in itinere, et perducet in locum a me præparatum. Ab hoc tibi caueto: huic pareto: hunc ne irritato, neque enim ignoſcet criminibus veſtris, quoniam meo nomine præditus eris.* Vides, cum angelum Chriſtum eſſe, qui idem cum Ioua nomen habeat: cui Deus nomen dedit, quod eſt ſupra omne nomen: vt bene dixiſſe videatur, qui oſtendit, Ieſu nomen a Ioua eſſe deductum. Ergo huius ſalutis nobis per Chriſtum partæ laudem Deo tribuit, qui cæleſtem ſacramque domum incolens, humiles euehit, et ſuperbos deprimit. Mox totum argumentum ſuſius repetit, hunc in modum: Quemadmodum tu Deus Iſraelitas ex Aegypto eductos, collocaſti in promiſſa terra, ſuperatis eorum hoſtibus: ſic Chriſtus eſt veros Iſraelitas in regnum cæleſte intromiſſurus, cuius regni terra illa chanaanæ vmbra quædam fuit? Chriſtus inquam Dominus, *ſuppeditabit argumentum feminis magni exercitus nuntiis*: hoc eſt, morte deuicta reuiuifcet, et ſeſe mulieribus oſtendet, quæ eius reſurrexionem diſcipulis (qui magnus vocatur exercitus) nuntiabunt, qui nuntius erit lætiſſimus: quippe victis morte, diabolo, mundo, et hominibus praua natura, tamquam quibusdam militiæ ducibus: et ita victis, vt domi reſides et imbelles Chriſti diſcipuli de eis per Chriſtum triumphent. Itaque etiamſi iacueritis inter atra athena: o diſcipuli Chriſti, quamvis mortuo Chriſto, ſqualore et mæore deformati fueritis, deinceps iam eo viuentis nitebitis: et ea, ſcilicet terra, hoc eſt Eccleſia, deinceps erit *nine candidior*. Vocat autem Eccleſiam montem Dei, in quo Ioua Chriſtus ſit ſemper habitaturus, multas habens copias, (hoc eſt enim quod dicit. *Non ſemel decem millia*: hoc eſt, multa decem millia: vt latine, Non ſemel, pro ſæpe dicimus: et vt Pſal. 62. *Ris*, pro non ſemel, hoc eſt, pro ſæpe poſitum eſt) inter quas copias eſt ipſe in ſacro ſuo loco, qui idem in monte Sinai legem dederat. Deinde ſermonem ad Chriſtum conuertit: Tu, inquit, deuicta morte adſcendis in cælum, tuos abducens, qui fuerant captiui (nam multi cum Chriſto reuixerunt) et inde donis ſungeris, mittens ſcilicet Apoſtolos, et ceteros Eccleſiæ magiſtros: idque inter homines ei rei repugnantes, quorum magiſtrorum opera fiat, vt Chriſtus agnoſcatur, Deusque colatur. Laudetur igitur Dominus Chriſti pater, noſtræ ſalutis auctor, dum Iouæ Domino Deus eſt ad mortis exitum: hoc eſt, dum Chriſtum, Iouam et Dominum, in vitam reuocat. Legitur autem hic, **לְמוֹת תּוֹצֵאוֹת מוֹת**, pro **לְתוֹצֵאוֹת מוֹת** ſicut Eſaiæ 58, 13. **מִשְׁכַּת** **וּמִסְפַּד אֶל יָדַי נָה**, pro **מִסְפַּד יָדַי נָה**. Sane Deus caput truncabit hoſtium eius, ſcilicet Chriſti: hoc eſt, ſubiget improbos: nam ita promittit: *Retrahā et liberabō Dominum*, ſcilicet Chriſtum, ex morte et capitali periculo: quale poſſet eſſe ab Ogo Baſanæ rege, aut in mari rubro: ita vt ſuos pedes (perſonæ mutatio eſt) in hoſtium ſanguine laues Chriſte; et tui caues eum

lin-

lingant, hoc est, vt plenam adsequare victoriam, atque ita triumphes, magno cum carminum et laudum adparatu. Collaudate Deum ex fonte Israelis: hoc est, Israelitæ: quod græce significantius dici potest, *οὐ ἐκ τῆς πηγῆς*: et gallice, Ceux de la fontaine: (vt Psalm. 148, 1. Laudate Iouam de cælis: hoc est, cælestia) præcipue Beniamitæ, et Zabulonii, atque Nephthalenses, apud quos scientia præstantes, Christus in primis innotuit: de qua re plura in Es. 9.

*Deus constituit tuam*, Christe, *potentiam*: quam opto, vt nobis confirmet, vt ceteræ gentes ad Christum accedant: hoc est enim, munera adferre Hierosolymam. Perde rempublicam eorum, qui ceteras nationes turbant, vt tauri vitulos, *demersam in argenti segmentis*: hoc est, auaram, et habendi cupiditate bella gerentem: hoc est, Dele, Christe, regnum Romanorum: vt quum a ceteris gentibus, tum ab Aegyptiis et Aethiopibus agnoscaris. Nam romano imperio succedit Christi regnum, vt videre licet in statua illa, a Nabuchodonosore in somnis visa apud Daniele, quam delapsus lapis perfringit. Quod hic dicitur *Aethiopia Deo manus suas curret*: hoc est, cursum præbebit: vt illud Virgilii: Talia secla suis dixerunt currite fufis. Hoc est, talia secla properate, aut propere adferte. Igitur cantate Deum, qui quamuis in cælo sit, habet tamen terrarum tantam curam, vt efficacissimam Euangelii vocem sit. ad homines missurus, quo ad salutem vocentur quum ceteri, tum vel in primis Iudæi.

PSAL. LXIX. v. 28. *Eorum vitia vitiis accumula*) Non hæc Christus (de quo scriptum est carmen hoc) omnibus imprecatur, a quibus adscitur iniuria: nam moriens eis veniam orauit, a quibus actus erat in crucem: sed addita eausa, Quia nesciunt (inquit) quid faciant: ex quo intelligi conuenit, eum in hoc carmine peruersis, et ob ingenii prauitatem peccantibus imprecari, quales erant scribæ et pharisæi. Pergant sane peccare, postquam sunt adeo scelerati, ne tua vtantur æquitate: hoc est, ne te eorum miserefeat: de qua re plura in Es. 6, 9. et Matth. 12.

PSAL. LXXII. v. 20. *Hactenus preces Davidis*) Sunt quidem in his duobus primis libris carmina etiam aliorum quam Davidis. Sed quia David eorum præcipuus auctor est, adscribuntur ei: quemadmodum Cicerois epistolas vocamus, cum quibus tamen sunt et aliorum. Quamquam autem etiam in tribus sequentibus libris sunt et Davidis, tamen hic dicuntur initæ preces Davidis: vel quod sequentia plurimum sunt auctorum, vel quod, prioribus iam conclusis libris, reliqua postea condidit.

PSAL. LXXVIII. v. 26. *Tam nobilem panem comederunt homines*) Ad verum est, Panem nobilium: vt Iud. 8. phiala nobilium, pro nobili phiala dicitur, et Zachar. 9, 9. asinus vocatur filius asinarum: hoc est, asinarius, et asina natus.

PSAL. LXXXI. v. 7. *Subdixi vestros humeros oneri*) In hebræo multa est et rsonæ et numeri mutatio. Nos perspicuitati seruiuimus, ut et in multis aliis.

PSAL. LXXXIII. v. 7. *Qui si per flebilem transeant vallem, eam reddet natalem.*) Hoc est, vbicumque versantur, Deus eis necessaria suppedit: adeo, vt si natura ea neget, potius contra naturam faciat: vt olim in tuosa illa solitudine, vbi fontem suis ex rupe eliciuit. Quod autem dicit *Illem flebilem*, significat sticulosam. Nam si in valibus, quæ natura fontibus abundare solent, aquam non inuenias: quid superest, nisi vt fleas? *et piscinis* quod dicit, hæc est sententia: Si piscinas aut cisternas habeant,

vt

ut fieri solet in locis montanis, eas ita replebit Deus pluuia, ut pratexantur et conuestiantur herbis, ne quid eis vel in valle desit, vel in monte. Nec obest, quod non ipsi boni fontes excitant, ut hic dicuntur: hoc est, non ipsi sibi, sed Deus necessaria suppeditat. Dicuntur enim poetico more id facere, quod ipsorum causa fit.

PSAL. LXXXVII. v. 3. *Ille ibi natus est*) Hoc est, pauci, et quod sequitur, Alium atque alium: hoc est multos, qui repetitione significantur, ut etiam apud Latinos. Non absimile est, quod Eccl. 61, 7. dicitur duplex pudor, pro magno: et Psal. 8. lacrimæ שליש tergeminae, ut ita loquar, pro grandibus: et Prouerb. 21. שליש tripliciter, pro magnopere, aut etiam atque etiam. Sic et latinus Poeta terque quaterque beatos dixit, pro beatissimos: et gallice linguae superlatiui tales sunt, tresgrand, quasi tri-grandis, id est grandissimus.

PSAL. XC. v. 11. *Quod si quis ira tua vim norit*, cet.) Si quis intelligat, quæ sit istius iræ causa atque vis, qua vitam nostram tam breuem facis, intelliget, te scire prout metueris: tantoque breuiorem vitam efficere, quanto minus te reuerentur homines. Quod si rite perpenderemus, quam sit vita nostra breuis, et huius breuitatis causam intelligeremus esse peccata nostra, atque tui contemptum, mentem adhiberemus sapientem, hoc est, te reuereremur (nam sapientiae caput est, tui metus) atque ita vitam et longam et felicem obedientia consequeremur, quam peccatum et contumacia breuem reddidit, et miseram. Sed ad hoc consequendum, vires nobis adimit noxa nostra: superest, ut tu hoc in nobis efficias, nosque hanc recte viuendi rationem doceas: id quod non nisi placatus facturus es: neque porro placandus, nisi per Messiam, vitæ nostræ restitutorem. Mitte igitur cito Messiam, cuius opera nobis pro tua clementia plenam perpetuamque felicitatem conseras: idque facias mane, hoc est, quum reuiuiscemus. Nam hæc vita nox est, tot malorum tenebris inuoluta. Illa vita dies erit, plena lucis et gaudiorum. Ut igitur in hac vita perpetuis malis adscimur, adser nobis alteram vitam, in qua bonis fruamur sempiternis: et istud tuum tam præclarum opus nobis nostrisque natis exhibe, ut diuinam istam felicitatem adipiscamur: et opus nostrarum manuum nobis perage: hoc est, id perfice, quod nos frustra conamur. Conamur ad vitam peruenire (id enim est omnibus ingeneratum, ut bonum cupiant: est autem bonum Deus, vitam agens beatam, cuius nos adipiscendæ causâ laboramus, et ad cuius similitudinem sumus creati) sed quia nihil efficimus, hoc a te expectamus. Confer hunc locum cum Eccl. 26.

PSAL. CVII. v. 22. *Qui nauibus in mare descendunt*) Latini dicunt conscendere, scilicet in nauem. Vergilius ita: Bis denis Phrygium conscendit nauibus æquor. Sed hic noster auctor dicit, in mare descendere: hoc est, nauigare in mari, quo ex terra descenditur, sicut et Ionas scribitur in nauem descendisse: sic enim ad verbum legitur Ionæ 1, 3. Nam mare inferius esse hac nostra terra, quæ colitur, inde patet, quod vndique per terras in mare decurrunt flumina, neque possis ex terra in mare venire, quin descendas. Hinc est quod Psal. 24, 22. dicitur Deus super mari fundasse terram. Nam quod mare Latini vocant altum, intellige altum dici profundum. Quod autem ex litore spectantibus adparet altum mare, id fit propter rotunditatem aquæ, quum oculorum adspectus non ad globi rationem incuruetur, sed recta tendens, offendant in globi tumorem. Si enim mare esset altum,

altum, naues in tranquillo mari penderent, vtpote in aeliui loco, in quem ex litore adscenderetur: et ex mari ad litus sine vento sua sponte (vt ad inferiorem locum) tamquam secundo flumine descenderent: et ex litore in altum ægrius ferrentur, quam ex alto ad litus. Denique maris aqua, si esset altior quam terra est, in terram deflueret. Nisi forte placet aquæ inuertere naturam, vt ea non sua sponte defluat.

PSAL. CX. v. 4. *Ex utero aurora habebis rorem tuæ iuuentutis*) Rorem iuuentutis vocat innumerabilitatem iuuenum: sicut Numer. 23, 10. Balaamus puluerem Iacobeorum dicit, pro infinito numero. Vterum auroræ vocat matutinum: quoniam ros mane cadit, et ab aurora paritur.

PSAL. CXI. v. 10. *Sapientia caput*) Hoc est, summa primaque sapientia. Atque hoc græcis quoque declarat ἀρχή, quo verbo interpretari solent ἡγεμονία: vt Isocrates in Nicocle vocat τὰς ἀρχὰς τῶν τιμῶν, summos honores. Et Latini prima vocant, quæ summa sunt, et excellentissima.

PSAL. CXV. v. 4-5. *Qui alta incolens, humilia videt: calos incolens, videt terras*) Sic ad verbum legitur: Qui habitat alte, videt depresso, in cælo et in terra: vt in cælo referatur ad verbum Habitat, et in terra ad verbum Videt. Huiusmodi loquendi ratio est in Leuit. 15. ad finem: itemque Deut. 32. vbi sic ad verbum legitur: Inebriabo tela mea sanguine, et gladius meus comedet carnem: sanguine cæcorum, captiuorumque, capitali supplicio hostis: vt Sanguine cæcorum referatur ad Inebriabo tela: et Capitali supplicio, ad gladium. Item Matth. 7. sic legitur: Ne date sacrum canibus, neue obiciite margaritas vestros porcis, ne forte conculcent eos pedibus, et conuersi lacerent vos. Quæ oratio, mutato ordine, clara fiet sic: Ne date sacrum canibus, ne conuersi lacerent vos: neue obiciite margaritas porcis, ne eos conculcent. Aut repetitione, qua vtuntur Latini, sic: Ne date sacrum canibus, neue porcis obiciite margaritas: porcis, ne conculcent eos: canibus, ne lacerent vos. Talem figuram inuenies et Mich. 1. Tale est illud de Virgilio: Pastor, orator, eques, paui, colui, superau: Capras, rus, hostes: fronde, ligone, manu. Huiusmodi repetitione in hoc Psalmi loco perspicuitatis causâ vsus sum.

PSAL. CXXXVII. v. 6. *Quando te sumus obliti*) Causam reddunt, cur canere nesciant: postquam Hierosolymam amisimus, omnem et fides pulsandi, et ore canendi scientiam amisimus, hæretque nobis lingua palato: hoc est, muti sumus (nam hic loquendi modus est, Iob. 29, 10.) neque magis cantare possumus, quam si nobis lingua palato adhæreret: propterea quod Hierosolyma nostræ lætitiæ caput est: qua priuati, caremus lætitiâ: vt aues libertate priuatæ, canere nesciunt. Quod autem est, Sumus obliti, verbum hoc significat hoc loco amittere: vt Gen. 41, 30. vbi sic ad verbum legitur: Existente septem anni famis post illos, et obliuioni dabitur omnis vbertas. Non enim vbertatis obliuio est, vigente fame, sed potius memoria et desiderium. Ex quo adparet, id verbum hic significare perdi, et obliterrari: vt et Deut. 31. ponitur, et Iob. 9. et 28. et Lam. 3. vbi alio, sed eiusdem notionis verbo Hierosolymitana respublica dicit se oblitam esse: hoc est, iam nescire bonum, et id amisisse: non enim oblita erat eam rem, quam desiderabat. Atque eodem modo locutus est et Virgilius: Pomaque degenerant, succos oblita priores: hoc est, amisso priore sapore. Et Lucretius, Vinum toto nescire Decembri: hoc est, non vti. Hæc causâ fuit,

ut in hoc Psalmi verbum quod *meninisse* significat, verteremus Compositum esse, contrarii secuti rationem.

PSAL. CXXXVIII. v. 2. *Qui promissa tua facias maiora, quam est tui tantum nomen*) Hoc est, qui maiora præstes, quam de te fama est, quæ tamen est magna. Est autem intelligendum, quemadmodum Dei iudicium pro actione sepe ponitur: quoniam quidquid agendum iudicat, id agit, quippe qui nulla re possit impediri: ita etiam verbum, siue promissum, in hoc Psalmi poni pro promissi præstatione: quoniam nihil promittit, quod non præstet: quemadmodum in Psalm. 56, 5. ubi dicit, se in Deo promissa laudare: nam ita demum laudantur promissa, si præstantur. Eiusdem generis est et illud Esaiæ 44. Qui Hierosolymam incolit, vrbesque Iudææ re-fici impero, cet. nam ibi imperare, pro eo, quod est faciendum curare, atque adeo facere, ponitur: ut et illud Christi: Vtrum facilius est dicere, Remittuntur tibi peccata: an dicere, Tolle grabbatum tuum, et ambula? Nam ibi Dicere, pro iubendo efficere ponitur: alioquin iubere vel quivis possit: sed confidenter, et ideo efficaciter iubere non possit. Eodem modo locutus est Iuvenalis Satyra 6. Minus ergo nocens erit Agrippinæ boletus: siquidem vnius præcordia presit Ille senis, tremulumque caput descendere iussit in cælum: hoc est, Coegit Claudium mori. Et Virgilius:

Hectoris ad tumulum Troie sub mœnibus altis  
Iussa mori; - - hoc est, iussu occisa.

\*\*\*\*\*

## SOLOMONIS PROVERBIA.

### A D N O T A T I O.

CAP. XXIII. v. 16. *Nam licet septies*) Ita alicubi interpretes hunc locum explicuit. Etiam si in plurima pericula cadant iusti (qualia eis impii creare solent) tamen evadunt. Itaque frustra eis insidiare. In qua notione casus nomen in sequenti versu ponitur, id est, non pro peccato accipitur: sed malum aliquod Dei ira illatum significat: ita quoque Latini res aduersus Casus adpellant.

\*\*\*\*\*

## E C C L E S I A S T E S,

### HOC EST, CONCIONATOR.

## IN ECCLESIASTEM TOTVM ARGVMENTVM.

*Rerum omnium vanitas, in copia, in structuris. Rerum omnium sua tempora. Insontes. Obedientia. Vota. Iouana providentia. Avaritia. Opulentia molestia. Ira discrimen. Vxor pertinax. Regis maiestas. Arcana Iona facta. Sapientia quantal. Stultitia. Detractores. Rex puer. Maledicentia. Benignitas in egenos. Vita integritas. Dicta sapientum. Qui tandem omnium finis.*

### IN ECCLESIASTEM.

Hic liber est de finibus bonorum, siue de vite vanitate scriptus: in quo docetur, hanc vitam esse totam vanam ac miseram, nec ullam eius partem beatam. Atque hoc in totius libri propositione, et idem in conclusione ponitur.

nitur. Quod si quis interroget, quid in hac vita sit bonum? respondet Solomo, nihil: sed omnia esse vana ac misera. Sed tamen si in hac ipsa miseria quæras, quid sit bonum, hoc est, minime malum: respondet, esse voluptatem. Cetera omnia molesta et inala esse: in voluptate saltem aliquod esse quasi vitæ condimentum, diuinitus concessum hominibus. Dicit aliquis: Ergone indulgebo voluptati? Profecto (inquit Solomo) si quidem huius vitæ friuolo bono frui velis. Sed videndum est, ne inani bono sectando, verum bonum amittas. Nam quamuis in hac vita omnia temere agi videantur, scio tamen, et religiosi bene, et impiis non bene fore, omniumque opera quamlibet occulta iudicatum iri. Quod quum in hac vita non fiat, quippe in qua et bonis male, et malis bene sit, vt adparet: expectanda altera vita est, in qua et bonis bene, et malis erit male. Quamobrem si alterius vitæ nullam rationem habes, epulare, pota, dum vita est, post mortem nulla voluptas. Sin alterius vitæ felicitatem sectaris, ita te gere, vt illo bono sis dignus: hoc est, Deum metue, qui suis cuique digna factis præmia rependet. Hoc est huius argumentum libri: quod ideo attingere volui, ne quis hic fallatur. Sunt enim, vtinam pauci, qui non librorum finem et scopum spectant: sed vnum aliquem locum nacti, qui cum ipsorum libidine facere videatur, cum arripiunt, et eo suæ patrocinantur licentiæ: perinde ac si talem habituri sint iudicem Deum, quales sunt ipsi de se iudices.

## A D N O T A T A.

CAP. III. v. 1. *Sua cuique rei tempestiuitas*) Quum omnia suo tempore fiant, et hic quærat, quid sit bonum, videndum est, ne id alieno tempore quærat. Vt enim aliud ferendi, aliud metendi, cet. sic aliud infelicitatis, aliud felicitatis tempus est. In hac vita tempus est miseriæ: quod si quis in ea bonum quærit, perinde facit, ac si velit sementis tempore metere. Expectanda mensis est: hoc est, futura vita, in qua non, vt in hac, pro iure regnabit iniuria, sed sola dominabitur iustitia et veritas, sublati erroribus. Quod si vitam illam non curas, indulge voluptati.

11. *In eorum corda ita vitam indiderit*) Nam cor vitæ fons est. Quod autem verto Vitam, in hebræo est Sæculum, siue æuum, quod pro vita ponitur. Nam cap. 7, 12. de eadem re ponitur nomen, quod vitam significat.

CAP. VIII. v. 10. *Commendari in vrbe*) וְיִשְׁתַּכְּרוּ lege cum græco et latino interprete: non וְיִשְׁתַּכְּרוּ, hoc est, obliuioni tradi.

\*\*\*\*\*

## CANTICVM CANTICORVM.

## IN CANTICVM VNIVERSVM ARGVMENTVM.

*Colloquium Seruatoris et Ecclesiæ. Domestici in Ecclesiâ hostes Seruatoris lilium, columba. Solomo Christi imago. Ad puellas vir, et ad virum puella. Ecclesiæ pulchritudo. Seruatoris in Ecclesiâ studium. Ecclesiæ vinea copiosa.*

SOLO-

## SOLOMONIS SAPIENTIA. IN SOLOMONIS SAPIENTIAM ARGV- MENTVM.

*Ad Iouam et aquitatem inuitatio. De leto scelestorum verba. Vera senectus. Impiorum iudicium. Piorum aquanimitas, ac merces. Deus personarum discrimen adspernatur. Communis omnium fors. Laus, gubernatio, fructus sapientia. Solomon sapientiam petens a Deo. Gesta in Israele per sapientiam. Iouana clementia, longanimitas. Noscendi Iouam ratio. Idololatria. Iouana providentia. Idololatria initia, damna. Idololatriarum calamitates. Ioua maiestas in puniendis improbitatibus. Aegyptiorum damna a Ioua. Hebraeorumque salus ex Aegypto.*

\*\*\*\*\*

## ECCLESIASTICVS, SIVE SAPIENTIA IOSVAE SIRACHI FILII IN ECCLESIASTICVM ARGUMENTVM.

*SAPIENTIA unde. In parentes pietas, benignitas, lenitas, improborum consuetudo. Femina vitia, amicitia. Gubernator. Rex, opulencia vera. Natorum amor. Hominis creatio. Vinum. Largitiones. Multiloquus. Iuramenta. Adulterium. Ictus tres pessimi. Iouana lex, et fœdus. Mutuum. Continentia. Mensa, fides, irrisor. Diuinationes. Vera sacrificia. Mulieris pulchritudo. Sepultura. Nomen honestum. Paterna virginis cura. Patrum priscorum amplitudo.*

*Quæ sunt inclusa his duabus notis (\*) non in omnibus exstant græcis exemplaribus. Neque tamen id vbique notauimus; præsertim vbi eadem latine exstant.*

## ADNOTATA.

CAP. XV. v. 8. *At veraces per eam tantum consequuntur, cet.)* Hæc sententia in latina translatione (nam græce versus hic non exstat) ita legitur: Et viri veraces inuenientur in illa, et successum habebunt usque ad inspectionem Dei: quam sententiam ita fuisse scriptam puto, *ἐν εὐερίῳ αὐτῇ* : quod verbum etiam græce adipisci et consequi significat, sicut hebraice *נצח*: atque ita positum est Philip. 3.

CAP. XLIII. v. 26. *Denique per eum succedit eius opificium)* *εὐδοκίᾳ ὁ ἄγγελος αὐτῷ*. Videtur in hebræo fuisse *מלאכתו*, id est, opus eius: quod vertit interpres, quasi legeretur *מלאכו*, hoc est, genius eius, una detracta littera.



## VATES.

## E S A I A S.

## IN TOTVM ESAIAM ARGVMENTVM.

*Esaia vatis sacubum. De Iudaorum calamitatibus vaticinium. Spes in hominibus vana. In feminas, in magistratus comminationes. Hierosolyma excidium. Venturus Christus. Vineæ Iudaorum imago. Vrbs obsidenda. Ad regem Achas vates. Assyriorum futura victoria. Gentium religio futura. Christi imperium. Tribuum ærumma. Iurisperitorum iniustitia. Iudaorum adflictiones, consolatio. Christi origo, et genus. Babilonis per Medos ruina. Captitorum ex Babylone liberatio. Ezechia in Philistheos victoria. Moabitærum damna. Damasci excisio. Assyriorum elades, in Aegyptum victoria. In magos Aegyptios. Inter infideles electi. Aethiopum captiuitas. Destruicta Babylon, et Hierosolyma. Tyrus, et Sidon. In Israelitas, in sacerdotes, in pseudonates. Iudaorum calamitates. Gentium salus. Contra Assyrios vates. Hostis Dei nutu casus. Christi Regnum. In Senacheribum vates. Gentium adflictiones. In Iouanæ Senacheribus impius. Ezechias ad Esaiam. Angelus in copias hostium. Ezechia canticum. In idololatrias vates. Benignitas, lenitas, et suauitas Christi. Iouana et potentia et in mortales beneficia. In simulatores, et pertinaces. Ecclesia querimonia, consolatio. Hierosolyma calamitas, gaudia post. Christi cruciatus, et maiestas. Fidelium Iona doctor. Praefectorum iniustitia. Piorum ad tempus cura, ac planctus. Ieiunia vera. Sabbatum Iona. Fidelium cœtus ex omnibus orbis partibus. Verbi ministri. Christi aduentus. Esaia preces, lacrima, ad præcationes cohortatio. Qua vera Iona fana.*

## A D N O T A T A.

CAP. I. v. 1. *Oraculum Esaia* וַיֵּרָא non solum videre, sed etiam præuidere, et ad animum translatum, præsentire est: sicut et alia hebræa verba sæpe simplicia ponuntur pro compositis, vt alibi declarauimus. Hinc וַיֵּרָא non modo visum, quod oculis cernatur, sed etiam quod animo percipiat, denotat: quod latine dici potest præsentio. Sed quia hoc verbo viuunt vates, quo declarent, se, quæ diuinitus præsentiant, ea hominibus prædicere: propterea ego aliquando oraculum aut prædictionem interpretor, nonnumquam etiam fatum: vt Danielis 8, 13. vbi sic ad verbum legitur: Quousque visio perenne inextinguibile in calamitate? hoc est, Quousque significaretur illa prædictione et oraculo id quod in fati esset, videlicet perenne fatum iacere. Fatum autem voco, certam fixamque Dei voluntatem atque decretum: quod ideo dico, ne quis forte fati nomine fallatur, vt dicat (quod solent multi) si fatale est damnari me, non possum seruari. Ego non ita fatum in hac parte intelligo, sed ita: Si fatale est (vt est) damnari contumaces, et seruari obediētes, non potest nec obediēti damnari, nec contumaci seruari: proinde obediendum Deo est, si saluus esse velis. Aliud ego fatum in vniuersis sacris litteris non inuenio, quod ad hominum salutem attinet.

16. *Lauamini*) In hebræo est, Lauate: sed verbum actiuum ponitur sepe pro passiuo, aut neutro: vt latine sit in mouere, lauare, præcipitare, vertere, et aliis multis.

18. *Agite corrigamini nos*) Id est, corrigite vos : nam ita ponitur eleganter prima pluralis persona, pro secunda utriusvis numeri : id quod fit etiam in capite secundo his verbis : Iacobeæ stirps agite, gradiamur in luce Iouæ. Et hoc modo sæpe gallice loquimur. Latine quoque Cicero ita dixit in Verrem, actione tertia : Verum si causam cognosci opus est, parumne cognita est ? Disimulatus, Hortensi, quod sæpe in dicendo experti sumus ? id est, Disimulasne Hortensi ?

CAP. III. v. 2. *Videlicet elapsi Israelita*) In hebræo littera lamed articulus est casus nominatiui : vt in 1. Paral. 22. et 2. Paral. 1.

CAP. VI. v. 9. *Audite et ne intelligite*) Imperatius pro indicatiuo : quod fieri solet, vbi est oratio vehemens et concitata : vt illud, Implete mensuram patrum vestrorum : id est, implebitis, aut oportet vt impleatis. Et in Ezechielis 20, 39. Ite, seruite suis quisque stercoreis diuis. Ita quod hic dicitur, Stupefac istorum animos : perinde est ac si dicat, Stupent et torpent eorum animi. Itaque Græci hanc Esaiæ orationem verterunt per indicatiuum. Atque hoc pacto loquuntur etiam Latini : vt apud Liuium quartæ Decadis 10. sic filios suos adloquitur rex Philippus : Agite, confæderate aures paternas, decernite criminibus, mox ferro decreturi : dicite palama quidquid aut veri potestis, aut commissi libet.

CAP. VII. v. 10. *Quod si non creditis, vt estis increduli, pete tibi signum, inquit, cet.*) Ad verbum sic legitur : Quod si non creditis, vt estis increduli, pergit Ioua sic adloqui Achazum : Pete, cet. quæ oratio latine per parenthesim clarius fit, cuiusmodi est illa Marc. 2, 10. Vt autem sciat, hominem habere potestatem remittendi in terris peccata, dicit fiderato, Tibi dico surge. Quæ sic fiet illustrior : lubeo te surgere, inquit fiderato.

13. *Parum ne vobis est, hominibus exhibere negotium*) Non solum mihi : qui homo sum, facessitis negotium, dum propter improbitatem vestram vos cogor admonere : sed etiam Deo, quem vestra dissidentia impellit ad edendum vobis signum aliquod, quo faciat vobis huiusce promissi fidem. Hoc ergo signum accipite. Est puella quædam iam prægnans, quæ filium pariet, eumque vocabit Enmanuel, a Dei auxilio, qui nobis sub eius pueri ortum aderit. Is puer butyro melleque vestetur, discendo, (sic enim verto infinitiuium subiunctum litteræ lamed, per gerundium, vt fit sæpe, vt 4. Reg. 19. et Dan. 9.) hoc est, ea ætate, qua discitur, quid inter bonum malumque intersit, videlicet infantia : hoc est, antequam possit is puer bonum a malo per ætatem discernere, erit hæc vrbs obsidione liberata, Samariaque et Syria, (quarum vos reges obsident,) in tantam per Assyrios redigentur solitudinem, vt etiam culta loca vepribus et virgultis præ vastitate replentur, ita vt pecora vbique libere pascantur, et ideo pinguescant : tantumque lactis reddant, vt si quis buculam vnâ, aut duas oves habeat, is lacte abundet ; ita fiet, vt butyrum eo lacte confectum, et eadem ratione mel, (nam et mellis copia est, quum est pabulum, quippe abundantibus floribus,) in hanc urbem importentur, (id quod nunc prohibet obsidio,) iisque nutrirî possit is puer, qui est adhuc in utero : vt intelligatis, quam breui sit vobis adfutura salus. Quod autem interpretor, Puella prægnans, per præsens tempus, est et alibi et Gen. 16. eiusmodi loquendi modus, vbi grauidam Hagarem adloquitur angelus. Sed cur hunc locum de Christo citauerit Matthæus, dicemus in cap. 9.

CAP. VIII. v. 2. *Adhibitis fidei testibus*) Qui scilicet adessent in partu : ne quis calumniari posset, editam esse feminam in eiusque locum clam suppositum marem.

11. *Sic enim me Ioua quasi manu prehensum*) Ioua me, inquit, quasi manu prehensum, hoc est, seorsum et de re arcana adlocutus est: quasi ita dice et: Quod vobis contra Assyrios salutem nato Emmanuele promitto, intelligite, non me de isto Emmanuele tantum, aut de Senacheribo loqui: nam futurus est alius verus Emmanuel, hoc est, Messias seruator et Deus inter vos habitaturus, qui vos a longe grauioribus defendat periculis. Quod si queritis, quo pacto possit is, quum venerit, agnosci, dicam, sed obscure. Erit eiusmodi, vt cum populus iste seditiosum dicat, fugiendumque putet. Sed vos mei nolite cum populo sentire, aut vobis ab isto Messia metuere: potiusque metuite, ne Messiam repudiantes, offendatis Iouam, qui Messiam miserit. Is autem Messias erit sanctus quidem, et salutaris eis, a quibus agnosceretur: sed multi eum non agnoscetes, offendentes, et per eum sua culpa peribunt. Quod dico, oraculum est, obscurum sane, et clausum, quippe a meis solis intelligendum. Ergo ego, (inquit Esaias, et quibus priorum,) Iouam Messiam expectabo, qui ita venturus est, vt Israelitas lateat. Sed quo pacto eum agnoscent sui discipuli? Hoc pacto, inquit, *Ecce me et iuuenes*, cet. Hoc est, quidam erit, qui iuuenes discipulos habebit, sibi attributos a Ioua; cum quibus ostenta miraculaque edet apud Israelitas. Hunc agnoscite seruatorem, et ei paretote. Quod si qui vobis suaserint Magos, aut Apollinem consulendos: respondetote, debere suum cuique deum consuli: Iouam vestrum esse Deum, itaque ab eo consilium peturos. Nam absurdum esse, pro viuis consulere mortuos: id quod faciant Magi. Eundem ad legem, hoc est, ad Mosis libros, in quibus sint de Christo oracula, cuius aduentu silebit Apollo, obmutescet Pan, facessent errores. Itaque Magi illi et harioli deos eiusmodi consulere soliti, quum videbunt oraculorum esse famem, Delphos, Dodonam, omnia silere, nihil usquam certi quod respondeant esse, incerta dicent: et ea difficultate irati, et deos et reges detestabuntur suos, in quibus nihil sit eis præsidi. Vide Mich. 3, 6. Erit igitur a Christo petenda doctrina, postquam ea alibi nusquam inuenietur.

CAP. IX. Quamquam quod dico angustiam fore, expugnatis videlicet a Christo Magis, falsisque diis, ea angustia erit deastrictis quidem et impiis perniciofa, ad Christi lucem cæcutientibus: sed erit electis, Christumque admittentibus, salutaris: erit enim doctrina clarior in iis terris, in quibus docebit Christus, quam fuerit ante eius aduentum apud Zabulonios et Nephthalenses: quæ duæ tribus doctrina claruerunt, quemadmodum adparet ex Iacobi et Mosis notissimis verbis, Gen. 49, 13, 21. et Deuter. 33, 18, 23. et ex Deborah carmine, Iud. 5, 18. Sed illorum doctrina leuis obscuraque fuit, præut futura est Christi lux illa, qua aliquando Galileam, ceterasque gentes in doctas ita illustrabit, ut magnus eorum numerus Christianus fiat: quæ res lætitiæ, tamquam præda parta, pariet: quippe Christo de suis hostibus triumphante, suosque in libertatem adferente, vt olim a Gedeone contra Madianitas factum est. Sed et Gedeonis, et aliorum certamina ferro geruntur: at Christi certamen igni geretur euangelico, quo totus incenderetur orbis terrarum. Nam *puer nobis nascitur*, Christus Dei filius, nostra causa mittendus in terras, qui humero suo, hoc est, sua potentia et auctoritate, principatum gerit: qui vocatur, hoc est qui est, *admirabilis consiliarius*; ideoque consulendus: non magi, aut harioli, aut Zabulonii, et reliqui, si qui docti habentur. *Deus*, vt sit verus Emmanuel, id est, nobiscum Deus. Nam puer iste, qui in obsidione Hierosolymæ nascitur, non

est Deus, sed huius Christi Dei significatio. *Potens*, ut intelligatur, ab eo facile superatum iri hostes, ut fuerunt a Gedeone Madianitæ. *Pater æternitatis*, ut speretur eius regnum perpetuum. *Princeps pacis*, ne eo regnante bella metuantur: *qui in Davidis solio regnet æternus*, sed regno diuino, ut erit ipse Deus. Vides, lector, Esaiam ita super Emmanuele vaticinari, ut nos sensim ad verum adducat Emmanuelem Christum: quod idem postea a cap. 45. facit in Cyro: ut Ezech. cap. 16. fit transitus a Sodomitanis ad gentes Sodomitanorum similes: et in 20. a simulacricolis Israelitis ad veros Israelitas, et Ezech. 31. et Dan. 4. ab arbore ad hominem. Cuiusmodi transitus nisi intelligemus, necesse erit nos in magnis erroribus versari. Sed hoc magnopere animaduertendum est, quod dicit Esaias: *Puer nobis nascitur*. Nam si puer est, homo est; si nascitur, ex muliere nascitur, quum non nisi ex muliere nasci possit homo. Rursum quod dicit, *Deus potens, pater æternitatis*: ostendit, non esse a viro procreatum. Nam vir mortalis Deum immortalem procreare nequit, ut docet his verbis Sibylla:

Quod si progenitum est, prorsum interit, exque virili

Femineoque nequit membro Deus esse creatus.

Atqui si a viro procreatus non est, et tamen natus est, necesse est virginæ natum esse, quemadmodum Sibylla dicit:

Accipe virgo Deum gremio intemerata pudico.

Quod si ita est, adparet, hic Esaiam de Christo ex virgine gignendo vaticinari. Itaque Matthæus, quum Christi describeret originem, rite adduxit huius de Christo vaticinationis initium, *Ecce puella pragnans*. Nam dum initium vaticinationis adducit, remittit nos ad ipsum vatem, ut totam hanc vaticinationem consideremus. Non enim hoc sic intelligi debet, Esaiam verbis illis, *Puella pragnans*, virginis prædixisse partum: sed hac tota vaticinatione, cuius initium est, *Ecce puella pragnans*. Nec refert, quod apud Matthæum virgo dicitur, non puella. Nam siue scripsit hebraice (ut tradit in eius vita Sophronius) adduxit ipsa Esaiæ verba: siue græce (neutrum enim adfirmare possum) secutus est in hoc verbo græcum interpretem, apud quem virgo est: et hoc non inepte fecit, quum de vero Emmanuele verba faceret, quem ex virgine gignendum Esaias non verbo, sed re ipsa et sententia prædixisset. Quod autem supra transtuli, *Tantaque adficiente letitia*, intellige  $\aleph$  pro  $\iota$  positum, ut et alibi factum deprehenditur: ut infra cap. 49.

CAP. XV. v. 3. *Per eius compita saxis induti sunt*) In hebræo relatiuum Eius masculini generis est: refert enim Moab, hoc est Moabitam; sed alia sequuntur relatiua feminina: refert enim Moab, hoc est, Moabitis terram. Hæc mutatio animaduertenda est: nam et alibi fit idem, ut Ierem. 11. et Ezech. 32. et supra initio cap. 9.

CAP. XVI. v. 10. *Cecidit æstatis messisque tua celeusma*) In hebræo est ad verbum, In æstatem messemque tuam cecidit celeusma: hoc est, iubilum et lætus cantus, quo solent vii, qui metunt aut vindemiant, periit tibi, vastatis agris; ut sit celeusma in æstatem, pro adiectiuo æstium, iungaturque nomen celeusma cum æstatem: id quod græce melius per articulum exprimi possit,  $\tau\acute{o}\ \epsilon\pi\iota\ \tau\acute{o}\nu\ \pi\epsilon\pi\iota\sigma\mu\acute{o}\nu\ \kappa\acute{\epsilon}\lambda\epsilon\upsilon\sigma\mu\alpha$ . et verbum Cecidit positum sit (ut sæpe fit) pro periit, ut declarant sequentia. Confer cum Ier. 48.

CAP. XVII. v. 4. *Illo tempore autem attenuabitur*) Ut hoc et sequens caput intelligas, lege diligenter Ezech. 36. 37. 38. 39. et inuenies eundem sententiae

sentiz tenorem, qui hic sic habet: Ego Damascenos et Syros (inquit Ioua) sic imminuam, vt Iacobeorum nobilitatem, hoc est, vt Iacobeos nobiles; quos quidem Iacobeos ita diminuam, vt pauci restent, sicut facta messe pauca spica supersunt ad spicilegium, cet. Sed ne putent Syri, aut alii, id fore perpetuum; nam Israelitas reuocabo, futuros postea in sua patria, et ibi me vere adoratorios. Sed antequam id fiat, diruentur eorum vrbes, ita vt in eorum aduentu vix tenues earum reliquie supersint: sicut excisa silua supersunt virgulta quaedam, quae ibi fuisse siluam testentur. Atque haec calamitas tibi, gens Israelitica, accidet, quod tuum Deum non colueris. Propterea quum tibi videberis instaurata, quum a Cyro reuocata confederis in tua patria, et te ibi perpetuo futuram sperabis: quoniam tamen ne tum quidem me coles, aliz super alias calamitates te prement: neque quidquam proficies, quin postremo, (qui dolor erit grauissimus,) a Romanis delebere, atque ita diu manebis deserta. Deinde post illam calamitatem reuocaberis, et me tum demum vere coles. Hunc locum confer cum iis, quae scripsimus in capite 31. Quod sequitur, *Onationum multarum turbam*; oraculum videtur esse de Gog et Magog, de quibus quinque videor animaduertisse oracula, praeter Sibyllina: quorum primum est hoc, alterum est Efaiz 56. tertium Ezechiel. 38. quartum Mich. 5. quintum Apocal. 20. Atque horum postremum quodque apertissimum est, vt et in aliis oraculis fieri solet. Sed declaremus, quae de eodem Gogo sequuntur.

CAP. XVIII. v. 1. *O alis umbrosa tellus*) Telluris alae dicuntur extrema et orae; estque alis umbrosa tellus, spatiosa, vt si alis vmbrosam auem dicas, significes grandem atque amplam. Adloquitur gentem positam trans Aethiopiz fluuios, videlicet trans Nilum, qui antequam deliuat in Aegyptum, spatia immensa terrarum peragrat: cuius accolae, vt docet Plinius, videntur scirpeis et arundineis nauigiis. Ad hanc gentem postquam exclamauit, adloquitur eius gentis nuntios: Ite, inquit, vos eius gentis nuntii, qui res novas nuntiare soletis, ferte hunc nuntium ad gentem vestram, *ad populum omnium qui vltierus habitant formidabilissimum, ad gentem distractam direptamque*: hoc est magnis fluminibus accolentem, quae flumina eius terram atterunt, et depopulantur, et adluuionibus, circumluuionibus, declinationibusque distrahunt et dirimunt, atque ita saepe limites mutant, et alios atque alios reddunt. Deinde declarat, cur gentem illam adpellet: quasi hoc dicat: Quod remotissimam gentium adpello, hoc significare volo, facturum esse me rem, quae sit remotissimae genti, hoc est, toti orbi nuntianda: hoc est, rem maximam. Nam quae remotis nuntiantur, ea et magna sunt, et propinquis multo etiam magis nuntiantur. Adspicite igitur omnes mortales elatum montanum signum, et audite tubam: hoc est, nuntio vobis bellum, quod fiet in montibus Israelitarum, in quo bello ego quietus spectabo, et meos Israelitas aduersus hostes mollissime fouebo ac tuebor, *tamquam affus post pluuiam, et tamquam rosida nubes in calore*: hoc est, eos recreabo suauiter, et contra vim omnem protegam. Hostes autem, quum se putabunt prope iam adeptos victoriam, peribunt, elsq; perinde accidet, ac si segetes ante messem, aut vineae ante vindemiam vastentur, spemque agricolarum frustrantur. Atque ita interfecti iacebunt humi, a bestiis deuorandi. Cuius victoriae adeo clara erit fama, adeoque Iouis nomen formidabile, vt vltimi gentium adferant in Sionem munera supplices.

CAP. XXIX. v. 19. *Adquirentque inopes in Ioua letitiam, et pauperes in Augusto exultabunt*) In Ioua, hoc est in Iouanitate, vt ita dicam, quod erunt Iouani. Hic loquendi modus est in sacris litteris frequentissimus; vt apud

Paulum, In Christo gloriari, in Christo mori: hoc est, Christianum gloriari, Christianum mori. Neque non Latini sic loquuntur: vt Horatius, Disces laborantes in vno Penelopen, vitreamque Circen. In vno, scilicet Vlyffe: hoc est, in Vlyssitate. Et Terentius: In isthac finem faciat. Apud Plinium quoque lib. 2. in fine cap. 25. Augustus se in eo fidere (quod mortuo Iulio Cæsare visum est) nasci interpretatus est; quæ verba non ita sunt intelligenda, quasi in ipso sideris corpore nasci se putet: sed in ipsa sideritate, vt ita dicam.

CAP. XXXI. v. 8. *Fuga se mandabis non ob gladium*) אֶל non לִי lego, cum vetere latino et græco interprete.

CAP. XXXII. v. 15. *Donet spiritu perfundemur*) Loquitur de vastitate Iudzæ gentis, a Senacheribo incipienda, et sub Christi tempus absolucunda. Quamquam Senacheribus urbem non cepit, sed Iudzæm peruestauit, et eam calamitatem inchoauit, quam alix super alias secutæ sunt calamitates, donec tandem per Christi tempora deletum est genus Iudzorum. Nam Senacheribum secuta est babylonica captiuitas, ex qua reuersos continua infestauere mala, ita vt vrbs a Ptolemæo Lagi filio, deinde ab Antiocho capta, vastataque, deinde a Pompeio, deinde ab Herode et Sosio, et postremo a Tito funditus euersa sit, et æquata solo. Atque interea venit Christus, qui suos sacro spiritu desuper adhaui, incultumque locum redegit in Carmelum, et contra: hoc est, extraneos, qui inculti, et a vera religione erant alieni, coluit Euangelio: Iudæos autem, qui erant Carmelus, hoc est, legis oraculorumque disciplina culti, (nam Carmelus locus erat cultus,) redegit in siluam, dum ab eis regnum transtulit ad gentem, quæ fructum ederet. Atque ita manet tum incultum tum culto loco iustitia: hoc est, siue quis barbarus, siue Iudæus sit, huic ad Christum patet aditus, vt per fidem iustus innocensque, et porro felix fiat. Huic autem Carmelo, hoc est, Christianorum ciuitati, non erit metuenda malorum grando: iacebit enim vrbs in humilissimoque loco: erunt Christiani humiles, modesti, Christique præsidio tuti. Quæ autem mala accident, ea accident in deiectione siluæ: hoc est alienis, et Euangelii cultura non æquatis.

20. *Felices vos, qui in omnem seminatis humorem*) Sic enim interpretor מֵד, quod hic eam aquam significat, qua madens terra stirpes alit: vt positum est Num. 24. et Jerem. 51. Hoc est, Felices qui Euangelium toto publicatis orbe, vbicumque est humor: id est, vbi spes est fore, vt crescat et alatur, tamquam humore stirpes, idque facitis immittentes bouis asinique pedem: id est, nullo Iudzorum aut exterorum discrimine. Adhuc enim ad Mosi præceptum, quo vetat arari boue et asino, hoc est, si præcepti vim penitus consideres, vetat Iudæis commercium esse cum reliquis nationibus, tamquam cum dispari genere: quemadmodum Paulus præceptum illud de non obturando bouis ore triturantis, refert ad rem diuiniorum, videlicet ad eorum alimoniam, qui docent Euangelium. Igitur illud discrimen Euangelio sublatum est: felicesque sunt Euangelii magistri, qui omnes, nullo neque docentium, neque docendorum gentis discrimine docent.

CAP. XXXIII. v. 2. *Quorum tu brachium esto mature*) Relatiuum quorum, in hebræo tertiz personæ pronomen est, eorum, quod sæpe quamlibet personam refert, vt apud Latinos Qui; vt paullo post, quod interpretamur, Tu cuius thesaurus, cet. in hebræo est Eius, quod pro relativo frequenter ponitur, vt Psalmo 115, 9. vbi sic verbum legitur. Israel confide

koar,

Iouez, adiutor et defensor eorum est: hoc est, Israelite confidite Ioua, quorum, scilicet vestri, adiutor est. Talia inuenies et initio capitis quinquagesimi quarti, et alibi sæpe.

CAP. XXXVIII. v. 18. *Non tuam fidem predicabunt humati*) שִׁבְרִי' pro כִּשְׁרִי' transposita littera scriptum videtur: ut sint hic tria verba eiusdem notionis, gratias agere, laudare, et fidem prædicare, quæ respondeant tribus nominibus eadem item de re positis, quæ sunt, Orcus, mortui, et humati.

CAP. XLI. v. 1. *Conticescite mihi insule*) Superiore capite promissit aduentum Christi, in falsos inuectus deos: nunc Israelitas ad Christum expectandum confirmat his rationibus. Quod de Messia promitto, nolite dubitare, quin id præstiturus sim, quippe qui primus postremusque Deus sim: hoc est, solus; sicut caput et caudam, proram et puppim, et similia dicimus, pro toto, aut omnibus: et Liuius Dec. 1. lib. 1. Vt illa palam prima postrema ex illis tabulis, ceraue recitata sunt: hoc est, omnia. Quid ergo (dicit quis) nulli sunt alii dii? Videamus quales sint. Dei est magna facere, nedum prædicare. At isti non solum non faciunt, sed ne prædicant quidem. Prædicant enim aduentum Cyri Persarum regis. Non possunt. At ego non modo eum prædico, sed etiam adduco: eique gentes ita subiticio, ut eum etiam insule et Græcia formidet. Ite nunc, et interrogate istos manu et arte factos gentium deos, de hac futura re. Quod si neque prædicare, neque nocere lædereque possunt, nolite eos colere, sed me: et sperate seruatores Christum, quem promitto. Quinque hic aduenerit, quem dico, Cyrus Persarum rex, qui vos in patriam reuocet, sperate eum quoque venturum, qui deserta colat: hoc est alienigenas doceat, videlicet Christum. Vocat autem Cyrum, iustitiam: hoc est, iustum (ut latine scelus pro scelero dicimus) quoniam erit Iudæos liberaturus: et Christum seruatores non solum re, sed etiam nomine significabat. Nam Cyrus solum significat Persica lingua, ut docet in Anaxerxe Plutarchus: et Christus est lux mundi. Hactenus argumentum. Illud autem, *Et cum postremis ego idem*, perinde est, ac si diceret, Ego sum postremus: de qua loquendi ratione vide adnotat. in Psal. 58.

27. *Primus ego Sioni ea*) Adludit ad id, quod supra dixerat, *Ego Ioua, et primus, et cum postremis ego idem*: quasi hoc dicat: Ego Ioua, qui me supra primum postremumque, hoc est, solum dixi, hæc præsignifico.

CAP. XLIII. v. 14. *Mittam Babylonem derelictum claustra*) In hebræo est, *Mittam et demoliar*. Cuiusmodi est illud Matth. 14. *πέμψας ἀπὸ κεφαλῆς*: hoc est, misti decollatum. Est autem hæc sententia: Mittam Cyrum et Persas Babylonem, qui eius repagula et claustra demoliantur: hoc est, qui eam expugnent, captiuosque vendant Chaldæos, qui nauibus in diuersas terras portentur, atque ita in nauibus eiulent.

22. *Nec id vero, quia me inuocauis*) Coniunctio Quia in hebræo est in posteriore membro, quæ tamen intelligenda est in priorē. Argumentatur autem, ut Paulus, qui ostendit, Abrahamum non esse iustitiam consecutum propter circumcisionem, aut legem, quippe quæ nondum esset lata, quum iustus est habitus. Itidem hic Deus ita docet; Eduxi vos ex Aegypto, Israelite, (nam paulo ante hæc de re locutus est,) et per desertum tuto perduxī tamquam meos. Cur tandem hoc feci? An propter vestras supplicationes et sacrificia? At nondum sacrificaueratis: nondum enim ego sacro-

rum leges tradideram. An propter virtutem vestram? At eratis contumaces et improbi. Cur igitur vobis benefeci? propter incipium, gratis. Quod si tum ita feci, idem exspectate futurum in salute, quam sum vobis per Christum adlaturus, ut eam non vestro merito, sed meo beneficio adscribatis, meque ideo collaudetis.

CAP. XLIII. v. 7. *Futura venturaque indices*) In hebræo est, Sibi indigent, numero plurali, quæ numeri mutatio in hebræa lingua frequenter occurrit. Quod autem additur vox Sibi, ea superuacua est etiam in plurali, ut in singulari fieri docuimus in Mose. Atque ita ponitur PL 80. vbi sic legitur ad verbum: Tu nos finitimus certamen exposuisti, et hostes nostri derident tibi: hoc est, derident: quod gallice sic exprimitur: Sen moquent.

20. *Se falso agere*) In hebræo est, Se habere falsum in dextra. Quoniam autem manu agunt homines, præsertim dextra, sit ut manus, aut dextra, pro actione dicatur. Falsum autem apud hebræos pro iniusto ponitur, sicut verum pro iusto: de quo vide in Psal. 7.

CAP. XLVI. v. 2. *Nec onus perferre valeant*) Quod perferre interpretor, hebræum verbum significat liberare; et efficere ut euadat. Sed aliquando significat ad exitum perducere, ut Eccl. 34, 15. vbi sic ad verbum legitur: ibi nidificabit bubo, et liberabit, hoc est, impune nidificabit, et pullos ad exitum perducet, prorsumque nutriet. Eodem modo locutus est et Mich. 6. Atque hoc loquendi modo gallice dicimus, euasisse pullos, nihilque iam metuere, quum eo vsque nutriti sunt, ut iam iniuriam, (cui obnoxia est tenera ætas,) non metuant. Idemque dicimus, et in viuis, reliquisque terræ frugibus. Igitur hic tueri, aut liberare onus, est eo perferre, quo destinaueris. Quod idem intelligendum est in verbis, quæ paullo post sequuntur: Idem et feram, et perferam.

CAP. XLVII. v. 3. *Nec mihi quisquam hominum occurret*) Hebraice est, Nec cuiquam hominum occurret: quod idem est, sed obscurius. Tale est illud Marc. 14. ἀπαρτήσῃ ὑμῶν ἀνθρώπου κεράμιον ἰδοὺ βασιλεῖ, Occurret vobis homo, cet. hoc est, Occurretis homini, aut incurretis siue incidetis in hominem.

CAP. XLVIII. v. 6. *Quod si audieras, vaticinare*) Si, in hebræo non est, sed sæpe subicitur, sicut apud Plinium Iuniorum: Dedisisses huic animo par corpus, fecisisset quod optabat: id est, si dedisisses. Item מן, pro eo, quod est prædicere et vaticinari, non raro ponitur. Vtriusque exemplum et alibi sæpe, et Eccl. 1. inuenies. Ceterum hæc sententia est obscurissima, propter orationis breuitatem, et videtur prima fronte parum apta et coniuncta: quam tamen, si diligenter attendas, inuenies conuenientissimam. Sunt autem consideranda, quæ ante dicta sunt, in hunc modum: Prædico vobis, (inquit Deus Israelitis,) aduentum Cyri: et ideo prædico, ut quum euenerit, eius rei laudem mihi tribuatis, non vestris statuis, falsisque diis: qui tantum abest, ut tale aliquid facere valeant, ut ne prædicant quidem. Nam si prædicunt, vobis prædicunt, qui eos colitis, et si vobis prædicunt, eaque vos ex eis audiistis, prædicite eorum instinctu, hæc quæ vobis de Cyro a me significantur. At non potestis: sunt enim ignota vobis. Ex quo perspicuum est, eorum gloriam non diis esse vestris tribuendam, qui vobis, quamuis suis cultoribus, ne prædicant quidem: sed mihi, qui etiam contumacibus, tamen hæc præsignificem: ut quum euenerint, ei tribuatis qui prædixerit, hoc est mihi. Cur autem hæc significem, causa est hæc, quod



quod scio vos, quæ vestra est perpetua improbitas, huius rei laudem tribu-  
turos esse diis istis, nisi fueritis a me pramoniti. Quod si faceretis, ego ob-  
tam ingratum animum et perfidiam in vos scirem ad internecionem. No-  
lo autem vos funditus exstirpare, sed genus seruire vestrum, mei nominis  
causa: hoc est, ut ea res mihi sit laudi, promissumque seruem. Hanc ob  
causam, præcludam vobis meam laudem: hoc est, hæc vobis præsignifi-  
co, ut quum acciderint, non vos inde, vestrosque deos laudetis, quum per  
eos ne præsciueritis quidem; nedum ut horum auctores esse videantur: sed  
intelligentes eam laudem in vos non cadere, eam mihi adscribatis: atque  
ita fiat, ut ego, a vobis laudatus, iram meam cohibeam, neque vos euer-  
tam. Atque hoc videmus accidisse. Nam post Babylonicam captiuitatem,  
a simulacris abstinere Iudæi, sicut et nos, (siquidem vere Iudæi sumus,) <sup>1</sup>  
postquam ex vā Babylone nostri veteris hominis prauæque naturæ emi-  
grauerimus, nulla deinceps habebimus simulacra nostrarum effrenatarum  
libidinum, quibus seruiimus tamquam diis alienis, nostra manu factis, ut  
prædictum est in Ezech. 36. Igitur non excidam vos, inquit, sed explora-  
bo: et rebus aduersis exercitos, ac tamquam metallum in fornace proba-  
tos, eligam; non quidem ob pecuniam, ut solent qui metalla igne pro-  
bant: sed id faciam gratis, et mea causa, ne quis sibi possit huius rei lau-  
dem vindicare, quod esset indignissimum. Hoc in loco nobis etiam atque  
etiam animaduertendum est, quando fiat hæc hominis electio, videlicet in  
fornace calamitatis.

16. *Non recte quondam locutus sum*) Hoc est, Senacheribi casum non ob-  
scure prædixi: et nunc posteaquam id euenit, non latito, (quod facerem  
præ pudore, si non euenisset quod prædixeram) sed me præsentem exhi-  
beo, ut ostendam me vera prædixisse, atque ita fidem merear de futuris,  
quæ præsignifico: hoc est, de Cyro, quem meo spiritu prædictum mittam.  
Sed hoc intellige de vero Cyro, hoc est Christo, qui erit diuino spiritu  
prædictus, ut est in capite 42.

CAP. XLIX. v. 5. *Et Israelitas ei adlegendos*) לָא pro לֵא legitur, ut et  
alibi: quemadmodum et vetus versio ostendit, et ea quæ præcedunt, quæ-  
que mox sequuntur. Est enim gemina sententia, ut sit idem, Iacobeos ad  
ipsum reducere, et Israelitas ei adlegere. Quod autem paullo ante dixit,  
se frustra laborare: non significat, nullum Israelitarum fieri Christianum,  
sed paucissimos: adeo ut tantillus profectus non videatur Christi labore di-  
gnus, nisi accedant et reliquæ nationes.

24. *Captus ferocem elabetur*) וְיָצַח, non פִּי צִיִּי legit vetus, qui vertit  
robustum: et recte, ut videtur: est enim gemina sententia, eaque iisdem  
verbis repetita: nec consentaneum est, in repetitione non idem, aut certe  
ad finem verbum poni. Adde, quod, ut legitur, non est apta sententia. Ni-  
hil enim facit iustitia ad retinendam prædam, at ferocitas facit. Est autem  
hæc sententia: Poterisne nos, o Ioua, eripere ex Babyloniæ potestate  
hominum tam potentum, tamque ferocium?

CAP. LVI. v. 9. *Item præter eos, colligam ad eorum collectitulos, bestias agre-  
sses*) Hoc est, quum Israelitas in sacrum montem per Christum collegero,  
oppugnabuntur a Gog et Magog: quos ego vincam, eorumque corpora be-  
stis comedenda tradam. Vide Ezech. 38. et 39. Et 18. Breuis est sententia,  
in qua ex sequentibus intelligenda sunt præcedentia.

CAP. LVII. v. 16. *Non enim semper contendam*) Hæc sunt ita cum antea

ecedentibus coniungenda: Dixi, me reduciturum meos in meum sacrum montem Hierosolymam. Dicitur Israelitæ, ut est Ezechiel 37. Quo pacto nos in Sionem reduces, quum ossa nostra aruerint, nec vlla spes superfit? tanta est tua in nos scuitia. Respondeo: Non erit æterna hæc scuitia: nam induetur profectus a me spiritus, et animantes ego faciam: hoc est, placatus meis per Christum, eorum corpora spiritu animabo, eosque in vitam reuocabo, et in promissam a me felicitatem perducam. Nunc quidem eorum vitio eis irascor, eosque sine præcipites in suas ferri libidines: Sed medebor aliquando eorum malis, mittamque nuntium, quo omnibus, vbicumque sint, pax nuntiatur. Sed ne putent, quicumque sunt humana natura Israelitæ, hanc se pacem consecuturos, hoc denuntio, hanc impiis non patere. Ex hoc loco adparet, pios esse veros Israelitas. Confer cum Ezechielis 37.

CAP. LVIII. v. 3. *Libidini satisfacitis*) In hebræo legitur, libidinem inuenitis: sed inuenire pro consequi et potiri, aut indulgere et obsequi ponitur: ut in hoc eodem capite ad finem, ubi ponitur, libidinem facere: et paulo post eodem sensu, libidinem inuenire. Iam hoc pacto loquitur et Paulus ad Philipp. 3. *ἵνα χρεῖσθαι κερδήσω, καὶ ἐυερίθω ἐν αὐτῷ*: hoc est, Ut Christum lucrer, et in eo satis habeam, aut mihi satisfiat.

4. *Isto pacto ieiunaueritis*) In hebræo est, secundum diem, Nam quod paulo ante vertimus, Tum quum ieiunatis: ad verbum legitur, Quo die ieiunatis, quod idem verbum hic repetitur, Ne ieiunaueritis secundum diem: hoc est, isto modo quem dixi. Nec dissimile est, quod paulo post vertimus, *Isto modo loquendo*, videlicet quem supra dixi. Dixerat autem, iniquamque orationem remoueris.

\*\*\*\*\*

## I E R E M I A S.

### IN TOTVM IEREMIAM ARGVMENTVM.

*IEREMIAE* genus, ad ipsum Ioua, in Iudeos Ioua munificus. Gentium aduocatio. Iudaorum excidium. Vatis querela. Chaldaei et Assyrii contra Iudaos. Pro populo preces ad Iouam. Falsi vates, excidenda Hierosolyma. Siderum vis in hominis animum nulla. Vates in hostes Dei, Iudai deafricola, Hierosolyma calamitas futura. In populos comminationes Iudaorum hostes. Ariditas, et caritas in Iudais. Contra pseudouates. Pro idololatra non orandus Ioua. Prohibitus a nuptiis vates. Gentium salus. Figuli similitudo, Iouana providentia. Ieremia contra inimicos precatio. Confractus lebes Hierosolyma imago, in vinculis vates, mox absolutus. Ad regem oratio. Mendacia pseudouatum. Ficus plena canistra. Captiuitas apud Babylonios. Vatis iudicium propter Iouanam veritatem. Hananias pseudopropheta. Captiui Iudai, eorum redemptio, in oarcerem coniectus Ieremias. Fædus Ioua cum Iudæis æternum. Pro Iudaorum liberatione vates orans. Predicta ad regem Sedeciam Hierosolyma ruina. Baruch execrator. Liber execrationum incensus. Liber alter, in lacum proiectus vates. Obsidione pressa Hierosolyma. Chaldaeorum captiuus Sedecias. Vatis vincula soluta. Iohanani vaticinium de Gedalia nece. Aegypti excidium proximum. Solatur Baruch Ioua de spiritu fatidico. Nabuchodonosor Aegypti vastator. Excidium Philisteorum, Moabitarum, Ammonitarum, Babyloniorum. Iachini ex vinculis absolutio.

ADNO-

## A D N O T A T A.

CAP. II. v. 33. *Quid tuam rationem componis ad amorem captandum?*) Cur te componis ad peregrinorum deorum cultum? et ideo doces alias ciuitates tuam defectionem: atque ita in causa es, vt peregrinos colant deos, quod sit eis perniciosum? Id quod perinde est, ac si insontes interficias, et eorum sanguine vestem tuam cruentes. Neque vero istud occulte facis, vt solent latrones: sed palam, sub opacis arboribus tuos colens deos. Ceterum quod verto alias, et paullo post, quercus, in hebræo paullo aliter habent puncta vocalia: sed ea nonnumquam immutata sunt, vt alias ostendimus. Certe mecum facit sententia, quæ alioqui non constat: in posteriore etiam verbo græcus interpret, qui vertit: *δρῦς*, vt sit in priore legendum reoth, proximas, hoc est alias: vt et Græci dicunt *ὁ πῖλος*, pro altero: in posteriore autem elah, aut allah, quod iisdem scribitur litteris, quibus elleh.

CAP. III. v. 8. *Videns vt ego*) Hoc verbum in tertia persona legendum puto, vt legit vetus interpret.

CAP. IX. v. 25. *In omnes, qui circumciso sunt praputio*) Quas hic gentes commemorat, hæ omnes circumcidebantur: id quod ignorantes quidam, hunc locum, quem bene transtulerat vetus, (vt et multos alios,) deprauarunt, non auctorem sequentes, sed trahentes: videlicet Iudæos magistros suos, cæci cæcos, secuti, qui arbitrantur solos Iudæos circumcidi: quum non solum Aegyptii præter Iudæos circumciderentur, sed et Aethiopes, et Colchi, et Macrones, et Syri, vt docet in Euterpe Herodotus.

CAP. X. v. 11. *Cos gli di rede*) Ieremias hebraice scribens, hunc versum scripsit chaldaice, vt Chaldaeos ipforum lingua adloqueretur. Id ego imitari conatus, eundem scripsi italice. Est autem hæc eorum verborum notio: Qui dii cælum et terram non fecerunt, ii ex terra et locis cælo subiectis tollentur.

CAP. XI. v. 15. *Quid meo dilecto est in templo meo, quum ea tot committat flagitia?*) In hebræo verbum Committat, et sequentia, feminina sunt, quum nomen Dilecto masculinum sit. Vocat enim dilectum, Iudæum: deinde feminino genere adloquitur Iudæam, quod idem est, et eodem nomine vtrumque dicitur hebraice, cuiusmodi mutationem enotauiimus, Ef. 15. Est autem in hac sententia multa in hebræo mutatio: nam Tot pluralis numeri est, et flagitia singularis, et facebant pluralis, et carnes singularis: et paullo post, *Cuius folia*, masculini generis: et *Cuius rami*, feminini: id quod et alibi sæpe animaduerti, sed vbique indicare non est necesse.

*Facebant a te sacra carnes, qui malefaciendo exsultes*) Hoc est, frustra victimas immolas; nam ex mihi non placent, quum a sceleratis immolantur. Vide Ef. 1.

CAP. XV. v. 13. *Vestras copias et facultates*) In hebræo singularis numerus est pro plurali. Nam hæc de Ieremia non dici, adparet ex eo, quod dicitur de finibus, quasi multos fines haberet Ieremias, quibus omnibus finibus paterent eius peccata: id quod non de Ieremia, sed de Iudæis dicitur: qui quot oppida, tot habebant deos, vt ait idem Ieremias. Præterea ad extremam sententiam pluralis est numerus. Adde quod cap. 17. eadem ponitur sententia: vbi perspicuum est, hæc in Iudæos dici. Itaque ego duos hos locos contuli, et ex vtroque alterum nonnihil iunxi, quoniam videtur vterque nonnihil deprauatus. Quod enim hic legitur *מַלְאכָיו* id illis rectius

reclius videtur legi והערתך facili mutatione litteræ daleth in res, propter figuræ similitudinem. Est enim eadem sententia, quæ c. 16. ponitur his verbis: *Exigam vos ex ista terra, in terram et vobis et maioribus vestris ignotam.* Conferantur diligenter hi duo loci.

CAP. XVI. v. 7. *Neque panis in luctu distribuetur*) לחם lego: vt et vetus et græcus interpres legit, et sententia ostendit: et cum eo congruit, quod paullo post sequitur, Sumendi cibi potionisque gratia.

CAP. XVII. v. 15. *Atqui non ego te sequens incommodare conor*) כרעו. ארץ ductum, significat incommodare, et capitur pro eo, quod est malum nuntiare, vt capit. 1. dicitur mitti Ieremias ad destruendum, cet. hoc est, ad nuntiandam ruinam; et sæpe in Leuitico purgare aut polluere pro purum pollutumue pronuntiare. Est autem gemina sententia: vt sit idem, incommodare conari, et suam diem auere.

CAP. XVIII. v. 9. *Verbi gratia*) רגע græce ad verbum redditur αὐτίκα, πῆχας.

14. *Niuemne relinqui subdialis rupis Libani?*) Qui vult niuem, petat Libanum, qui perpetuo nivalis est: qui vult aquam, petat iugem fontem, vnde gelida, hoc est, ex profundo oriens, manat aqua, nihil æstium metuens. Ita qui sibi bene esse vult, me petat, bonorum fontem viuum. At mei Israelitæ, omisso me, suffiunt falsis diis: quod perinde est, ac si quis, omisso iugi fonte, pertusas aridasque cisternas adeat.

18. *Neque sacerdoti lex*) Vt numquam sacerdoti lex, aut sapienti deest consilium: sic Ieremix, qui vates est, numquam deest, quod dicat. Est ergo compefcenda eius loquacitas. Comparatio est sic posita, vt illa Virgilii:

Nec lacrimis crudelis amor, nec gramina riuus,  
Nec cytiso saturantur apes, nec fronde capella.

Hoc est, Vt gramina non saturantur riuus, cet. sic amor non saturatur lacrimis.

CAP. XXII. v. 6. *Tu mihi Galaadus o Libani caput*) Adludit ad rationem nominis Galaadus, quæ posita est in Gen. 31. vbi Galaadus dicitur tumulus testimonii. Est igitur hæc sententia: O caput Libani, hoc est, o domus regis Iudææ: hoc est, Hierosolyma Iudææ caput: tamquam siluz, (nam et ad extremum superioris capitis siluam vocat Iudæam gentem,) tu mihi Galaadus es, hoc est, tumulus testimonii: hoc est, te testor, vt apud Mosem testatur Laban Galaadum tumulum. Ita Galaadi nomine in adfirmando ac iureiurando vitur, propter celebre illud Galaaditicum iusiurandum: quomodo Romani in connubiis solebant vti nomine Thalassii, quò sponsus indicabatur.

CAP. XXVIII. v. 8. *Bellum aut malum*) Considera, num pro רעה sit legendum רעב, hæc est, famem.

CAP. XXXI. v. 3. *Cui Ioua procul adparuit*) In hebræo pro לֵי videtur legendum לֵי, vt et sententia ostendit, et græcus interpres legit, qui vertit ὁφθῆναι αὐτῷ. Loquitur enim Deus, non populus: nisi forte est personæ mutatio, qualis est in Psalmo 91. et sic quoque conueniet cum re translatio mea.

15. *Auditor apud Ramam lamentabilis*) Rama erat oppidum in Beniamitarum finibus, vt habetur Iosuz 18. Plorat Rachel, hoc est, Beniamitides femi-

na, a Rachele Beniaminis matre progeneratæ. Itaque posset et sic verti, Vox Rachelidarum suos natos deplorantium. Dicitur enim Rachel pro Rachelidibus, vt paullo post Ephraim pro Ephraimitis : qui loquendi modus apud Hebræos frequentissimus, etiam apud Latinos existat, qui nonnumquam Romulum pro Romano dicunt : vt Persius, An Romule ceues ? Quod autem locum hunc citat Matthæus cap. 2. de occisis ab Herode infantibus, sciendum est, vatum dicta sæpe spectare longius, quam videantur. Esaias quum de Emmanuele et de Cyro loquitur, ad Christum venit : de qua re scripsimus in eius cap. 7. et 8. et 9. Item quum de inferenda per Senacheribum calamitate scribit, eam ad Titum Vespasiani filium extendit : qua de re vide quæ scripsimus in Esaiam, cap. 32. Itidem quod hic scribit Ieremias de Ephraimitarum calamitate, id extendendum est ad vsque Christi tempora : id quod ex eo patet, quod etiam et quæ paullo post hunc locum, et quæ capite superiore de reuocandis captiuis dicit, plane ad Christum referenda sunt. Ex quo patet, quum vno calamitatis nomine comprehendat ea, quæ Iudæi passuri erant, donec reuocarentur : quumque reuocandi essent per Christum, recte hunc locum adduxisse Matthæum de infantibus, qui primi propter Christum occisi sunt.

22. *Ambibis femina marem*) Nouum et insolitum est, vt marem ambiat in matrimonium femina, quum contra fieri soleat. Atqui ego tot Israelitas interficiam, (inquit Ioua,) vt præ paucitate virorum ambiant femina viros, et tamen ex tanta paucitate erunt, qui euadant. Vide Ef. 4. et deprehendes eandem sententiam.

CAP. XXXIII. v. 6. *Pacis fideique ornamentum aperiā*) עֶשְׂרֵת legendum videtur, teth secunda littera, vt coronam et ornamentum significet : cuiusmodi translatio est Psalmo 5. alioquin friget, et cogitur sententia.

CAP. XXXVII. v. 21. *Eique quotidie panis vnus dabitur*) כֶּכֶר tortam vertit vetus : vere ille quidem, sed parum latine. Significat enim hebræum verbum, rem ita conformatam, vt solent panes. Itaque si pecunia est, vocatur talentum : si alia res est, vocatur massa, vt apud Virgilium, Massam picis vrbe reportat. Aut gleba, vt Cæsar glebas picis adpellat. Sed panis massam aut glebam dicere vix ausim. Itaque malui dicere vnum panem, quod idem est : significat enim integrum panem, qui erat, vt videtur, eius magnitudinis, vt homini satis esset in diem. Galli ad verbum bene exprimunt : dicunt enim aliis in rebus, pain : vt, vn pain de miel ou de cire. In pane dicunt, vne miche de pain : id quod latine dici non potest.

CAP. XLVI. v. 20. *Quam inuadet ab aquilone impressio*) Videtur legisse Hieronymus כִּנְאִה, qui vertit, Veniet ei : et græcus interpres, qui ἡ ἀπὸ τοῦ βορρᾶ ἀντιτύπη : quæ lectio mihi videtur verior.

CAP. LI. v. 1. *Ego in Babylonem et incolas Lebcamai*) Hoc verbum significat, cor inuestorum meorum : qua voce Chaldæam terram innuit, tum significatione, (nam ea erat Deo contraria et infesta,) tum verbo : nam hæc litteræ, לִבְכַּמִּי, si alphabetum præpostere numeres, in eodem sunt numero, in quo כִּשְׁדִּים, si recte numeres : quod in hebræo eleganter dictum, in aliis linguis dici non potest. Itaque Græci verterunt χαλδαίους, Eiusmodi ænigmate dictum videtur et supra cap. 25. בָּבֶל, pro כְּכֵל, dic animaduertendum est, ex qua Babylone velit Deus migrare nos : videlicet

delicet ex Lebecamai, hoc est, ex corde nostro, quod est Deo contrarium. Sed hoc nemo intelliget, nedum prælabit, nisi qui volet retrogredi (vt postulat huius verbi natura) hoc est, omnia et intelligere et facere contra quam facit caro.

CAP. LII. v. 15. *Reliquias hominum, qui in urbe supererant*) Hunc locum redundantem emendauit ex 4. Reg. 24. Alioqui plebei iidem et relictæ et legati viderentur. Et sane caput hoc multis in locis discrepat ab illo.

\*\*\*\*\*

## IEREMIAE LAMENTATIONES.

### ADNOTATA.

CAP. III. v. 5. *Felle et fatigatione circumuallans*) Fatigatio cum fello non belle coniungitur. Vide num legendum sit, ורעננה, vt vel cum absinthio coniungatur, duæ res amarissimæ: vt sit et paullo post hunc locum in zain, et Deut. 29.

19. *Miseria et acerbitas*) מרר, legendum videtur, dalet huius penultima, qui facilis est lapsus, indiscreta pæne litterarum similitudine. Est enim gemina sententia, eleganter composita. Alioqui quale esset, Memento meæ miseræ et rebellionis? quum sit potius Deo obliuiscenda rebellio, vt misereatur.

CAP. III. v. 13 *Ob eius et vatum peccata*) Falsi vates et sacerdotes fuerunt tantæ calamitatis auctores, qui Hierosolymis effuderunt innocentum sanguinem: hoc est, falsa vaticinati sunt, quæ secutus populus, incidit in hæc mala. Ibant enim cæci, (neque enim Deo adflat,) per vicos vrbis, ita sanguine illo, quem dixi, contaminati, vt eorum vestes tangi non possent: quippe adeo sanguine imbutæ, vt in eis nihil præter sanguinem tangi posset: hoc est, erant magnæ cædis causa. Repellebant autem alios a se, tanquam sacri profanos, (vide Esa. 65.) et passim iurgabantur vaticinantes.

\*\*\*\*\*

G. L. EXEMPLVM EPISTOLAE,  
QVAM IEREMIAS AD ABDVCENDOS BABY-  
LONEM A BABYLONIAE REGE CAPTIVOS MISIT, VT  
EIS EXPONERET, QVAE A DEO IN MANDA-  
TIS HABEBAT.

IN EPISTOLAE EXEMPLVM ARGVMENTVM.

*Peccatorum cumulus. Iudaorum captiuitas Assyrii victores. Captiui ab-  
soluendi. Babyloniorum simulacra cauenda, Misera simulacrorum conditio.  
Idolorum exacta descriptio.*

## BARVCHVS.

## IN TOTVM BARVCHVM ARGVMENTVM.

*Conclum argentum pro templo Ioua. Liber legendus. Veritas Dei sempiterna, sedus antiquum. Ad Iouam preces supplices. Gigantes, Deus unicus. Legi grauitas. Hierosolyma oratio. Consolatio Hierosolymitanorum.*

\*\*\*\*\*

## EZECHIEL. H.

## IN TOTVM EZECHIELEM ARGVMENTVM

*Ezechielis vaticinantis annus, visum. Ad Iacobitas missus vates. Veri vates. Hierosolyma obsidio. Pili decidui. Iacobitarum idololatria. Impendentes calamitates. Visorum descriptio. Captiuitas regis Sedecia. In pseudonates Ioua. Incendenda Hierosolyma. Aquilarum geminarum parabola. Leunculi et leo. Incensi sentes. Samaria et Hierosolymorum scelera. Lebes feruens. Gentium euentus inimicorum Hierosolyma. Tyri excidium, et Sydonis. Aegypti calamitates. De Pharaone vatis querela. Pastores improbi. Pastor optimus. Idumaeorum eersio. Vaticinium de captiuorum liberatione. Rediuiua cadauera humana. Pastor vnus aternus. Gogus, et Magogus cum copiis profligati. Fam noua descriptio. Aerarium templi. Ara, sacrificia, sacerdotes. Terra Lemitis attribuenda. E templo fontes emanantes. Distributus in tribus ager.*

## ADNOTATA.

CAP. I. v. 5. *Forma quatuor animalium, quorum ea erat facies, vt hominis formam haberent.*) Atqui dicit, ea singula quaternos habere vultus. Sed corporis status et forma erat humana. Est autem intelligendum, in hoc capite multam esse generis inutationem apud Hebræos. Nam quod vertimus, Quorum ea erat facies: relatiuum illic femininum est, vt postulat nomen animantis. In sequentibus masculinum, et rursus femininum. Item numeri: nam quod de rotis vertimus, rotas quasdam humi apud animalia ad quatuor eorum facies, relatiuum Eorum in hebræo singulare est, quum antecedens plurale sit: et ad verbum ita legitur: Apud animalia ad quatuor eius facies, scilicet animalis, hoc est, animalium. Quamquam relatiuum hoc in hebræo est masculinum, quum animal sit femininum. Sed et paulo post, vbi vertimus, Rotæ secundum ea attollebantur: Ea in hebræo est masculinum, quum tamen referat animalia. Ac quæ hic animalia dicuntur, eadem capite decimo animal vnus numero vocantur. Quod idem et de rota dico, quam hic vnam vocat, quo nomine significat vnam rotarum quadrigam, vt continuo post adparet. Itaque nos per pluralem supus interpretati. Huiusmodi mutationem et Ier. 11. declarauimus.

9. *Erant eorum facies ea figura, vt illa quatuor haberent, dextera parte humanam leoninamque faciem, sinistra bouinam et aquilinam*) His verbis intelligenda est dextera aut sinistra pars, non vnus cuiusque animalis, sed vniuersorum. Nam si in singulis hoc fieret, exempli gratia, vt primum animal haberet ab Austro, (quæ dextera pars est) faciem hominis et leonis, a septentrione autem bouis et aquilæ: sequeretur, vt nullam ab Oriente aut Occi-

Occidente haberet: quod idem et in aliis fieret. Atqui secundum ea animalia rotæ incedebant: rotæ autem tendebant in quatuor suæ quadraturæ partes, ut est in capite decimo, ubi eadem res adparet: id est, in Orientem, Occidentem, Meridiem, et Septemtriones. Quod si animalia ad Orientem et Occidentem non haberent facies, sequeretur, ut in has partes tendente quadriga, nullæ facies essent aduersæ: quod falsum adparet ex his capituli primi verbis: *Ibant autem eorum singula prorsum tendentia*: hoc est, in anteriorem partem, obuersa illuc facie, ut quaecumque in partem tenderent, haberet semper vnumquodque animal vnam faciem eo spectantem: ut si tenderent in septemtrionem, aduersa esset facies in primo bouis, in secundo aquilæ, in tertio bouis, in quarto aquilæ: Ita fiebat, ut quocumque tenderent, semper essent quatuor adspæctus aduersi, et totidem auersi, totidemque dextri, et totidem sinistri. Quod autem dicit, *Nec inter eundem conuertebantur*: et tamen paullo post sequitur, *Currebant redibantque*: significat, non circumflecti hanc quadrigam, ut solent alie, ut terno semper antecedit: sed ita moueri, ut quæ facies ante fuerint anteriores, eo redeunte sint posteriores: ut si in orientem pergat, aduersi sint adspæctus bouis et aquilæ, auersi autem hominis et leonis. Sin autem in occidentem redeat, non id faciat circumflectendo, ut semper bos et aquila præcedant: sed retro gradiatur, antecedente homine et leone, illis autem sequentibus: ut si nauigii puppis et prora eadem forma fiant, et ita nauigium sine conuersione agatur, ut quæ pars fuit cundo prora, eadem redeundo sit puppis. Atque eadem est et rotarum ratio, ut in omnes similiter partes ferantur, ut quæ pars earum cundo in orientem fuit anterior, eadem cundo in occidentem sit posterior: quod idem de septemtrione et meridie intelligo. Quod ad electrum attinet, est in hebræo Hasmal: quod quia antiqui electrum interpretati sunt, nos eos secuti sumus, quum nihil de eo certius haberemus: nam in hebræo sermone id verbum nihil, quod sciatur, significat: nisi forte litteras ordine præpostero colloques, (sunt autem in sacris litteris talia quædam ænigmata, ut in Ierem. 51. docuimus) erit enim **נחמל**, hoc est, vngendus, qui græce Christus, hebr. Messias adpellatur: ut sit littera **ל** eodem modo posita, quo Ier. 3. et Ioann. 13. *יָא*, ubi *יָא* **פֶּלֶא** **עֲבֹה** dictum est pro **פֶּלֶא** **עֲבֹה** **יָא** aut **פֶּלֶא** **עֲבֹה** **יָא** **דֵּי**. Qua de re lege quæ in 2. ad Corinthios octauo cap. scripsimus. Ita esset Hasmal vngendus, quomodo si latine pro vngendus dicas sudnegnu: aut pro Iesus Susei. Iam occurrit aliud arcanum, ut enim si Hasmal hebraico more legas, nihil significat: sin græco aut latino, hoc est, præpostero ordine litterarum (nam nos scribimus a læua in dexteram, quum Hebræi a dextera scribant in læuam) significat Messiam: ita si quæ de Christo in Hebræorum oraculis scripta sunt, intelliges ut Iudæi, Christum crucifiges, tantum aberit ut cognoscas. Sin ut Græci, hoc est Christiani, qui ex extraneis potissimum nationibus adsciti sunt: Christum discas, et ex Saulo Paulus fies. Item ut hoc nomen Hasmal in hebræo auctore, videlicet Ezechiele, scriptum, tamen non est hebraico more legendum, si sententiam velis elicere: ita de Christo prodita ab Hebræis oracula, si Hebræorum more excutias, habebis meras litteras, et sine mente sonum; habent enim obuelatam faciem, quum hæc legunt. Sed hæc de Hasmal ut proposita volo, sic adfirmata nolo, ne incerta pro certis habeamus.

CAP. III. v. 3. *Istique visceribus conficiet*) Hebræum verbum significat per-



perficere et absoluerè, quod pro concoquendi verbo ponitur, vt apud Plinium sæpe perfici cibus dicitur, pro confici, siue concoqui.

CAP. XIII. v. 22. *Tamen supersunt in ea, qui elapsi educantur*) Ceterarum quidem nationum fontes omnes punio, solis parcens infontibus. At in Israelitas sum clementior, id quod inde licet intelligi, quod quum sint omnes Israelitæ nocentes, et ideo omnes interficiendi, si summo iure vti velim: tamen euadent nonnulli, mea videlicet clementia conseruati: qui quum ad vos peruenerint; capietis inde consolationem, et intelligetis, quod Hierosolymam ita adfecerim, me merito fecisse: quod autem nonnullos reliquos fecerim, fecisse misericorditer, quum eorum scelera aduersiorem mererentur Sodomitanæ similem. Vide Amos nono, et Abdiam.

CAP. XV. v. 2. *Quid fiet ligno vitis ex omnibus ramosis arboribus*) Ramosas arbores vocat arbores, superuacaneo adiectiuo, quod tamen in hebræo est substantiuum, sed adiectiuo loco positum: sicuti sæpe volucres aeris, et pisces marini siue aquatiles dicuntur, adiecto verbo non necessario. Item, quod interpretor, In arborum silua: est in hebræo, in arboribus siluæ; sed silua significat arborum multitudinem, siue siluestrium, siue domesticarum: sicut Gen. 3. dicitur herba agri, pro herbis terrestribus, siue agrestes sint, siue domesticæ. Nec refert, quod vitis magis frutex est, quam arbor: nam apud Hebræos etiam frutices adpellantur arbores, omissa illa subtiliori partitione, quæ frutices medios facit inter herbas et arbores. Est autem hæc vatis sententia: Vt vite, (quæ alioqui stirps est vtilissima,) nihil est inutilius, si est sterilis: ita et Israelitis nihil est inanius, si recte factorum fructu carent. Idem dixit Christus, cum sale suos comparans.

CAP. XVI. v. 53. *Et in iis etiam tuos*) Meus, tuus, suus, noster et vester, hebraice dici non possunt, nisi coniunctis aliis, quemadmodum in Genes. 24. scripsimus. Vt si velis, quod latine dicitur, Meus pater et tuus, hebraice reddere, ita cogaris dicere, Meus pater, et tuus pater. Hac de causa quum hoc in loco in hebræo sermone captiuitatis nomen sæpe iteretur, cogente linguæ natura, ego in latino, vbi non est ea necessitas, id nomen semel posui, in sequentibus satis habui pronomina ponere. Ac quod hic ad-moneo, id volo et alibi animaduerti: nam sæpe occurrit. Ceterum quod de reuocandis Sodomæ captiuis dicit: sciendum est, verbum hoc loco positum, non solum captiuitatem indicare, sed etiam miseriã: vt Iob. 24. et in gallico sermone, vbi ductum a captiuitate vocabulum, miseriã declarat, chetiuete. Iam quoniam Ezechiel de Samariæ et Hierosolymæ captiuis loquitur, etiam in Sodoma, quam cum illis coniungit, eodem vitur vocabulo, quamuis Sodomitani non fuerint captiui. Sed quid est, quod dicit se restitutum eas in pristinum statum? Nam si Sodoma et Samaria restituentur in pristinum statum, in malum statum restituentur. Semper enim vitis abundarunt, præsertim Samaria, cuius et primordiũ et progressus malus fuit. Ita fiet, vt si in pristinum reponentur, perpetua fiat vicissitudo et peccandi, et pœnas dandi. Quamobrem intelligendum est hoc loco transitum fieri a Sodoma illa ad aliam Sodomam: hoc est, ad gentes Sodomitarum similes: quemadmodum capite vigesimo fit transitus a simulacricolis Israelitis ad veros Israelitas, vt sit hæc sententia: Sodoma et Samaria, hoc est, gentes illarum similes, restituentur in pristinum statum: hoc est, stabunt aliquando per Christum, quum nunc iaceant in Satana tyrannide: quemadmodum stetit aliquando Sodoma et Samaria, quæ nunc iacent, (loquitur autem de Sodomæ inutatione ex casu in statum,) idemque tibi accidet

inter eas: vt, quum tu te videbis restitutam, pudeat te tuorum scelerum adeo fœdorum; vt iis faciendis illas consolata sis: hoc est, effeceris, vt minus nocentes adparerent, si tecum compararentur: quæ res solet esse solatio. Sed cuiusmodi futura sit ea restitutio, scietur suo tempore.

CAP. XVII. v. 6. *Euasit in luxuriantem vitem, statura humilem*) Non pugnant hæc duo. Potest enim vitis luxuriare fertilitate soli, et tamen humilis esse: quippe recens pacta nec dum aduſta. Est autem idem quod paullo post dicitur, Emisit sarmenta.

CAP. XIX. v. 3. *Vbi in leonem adoleuit*) אֲרִיָּה et כֶּפֶר differunt, vt אֲדָם et אִשׁ: hoc est, vt homo et vir. Atque vt idem homo et vir dici potest, ita vtrumque illorum de eodem leoue dicitur, Iudicum 14. de qua re vide a nobis in eum locum animaduersa. Sed in leone latina lingua minus habet multa vocabula, quam hebræa. Itaque intellige, adoleſcere in leonem sic dici, quasi tu dicas vitulum adoleſcere in taurum.

7. *Et eorum arces populus est*) וִידַע legitur, hoc est, et cognouit. Sed quid est: cognouit arces? Alii vertunt, cognouit viduas. Sed non recte dicitur leo cognouisse viduas, cum pergendum sit in eadem figura, nec leones hominum viduas cognoscant. Deinde non cognoscendi verbo yteretur, quod lenius est: sed stuprandi aut violandi. Ego suspicor legendum esse וִירַשׁ, quod verbum leoninæ violentiæ conuenientissimum est. Nam et

Græci verterunt ἀνέμετο, quod depopulari significat, et idem erratum obrepſit etiam in Iudicum octauo, vbi eadem littera erratum est, posita littera Ain pro Schin; de qua re lege quæ nos illic scripsimus.

10. *Tua mater tamquam vitis*) Est omnino in hac allegoria talis numeri generisque in hebræo sermone confusio, qualem et in primo capite indicauimus, et sæpe alibi animaduertimus, ne sit vbique declaranda. Est autem eadem sententia, quæ prioris allegoriæ. Tua mater Hierosolyma fuso per vos sanguine cruenta similis fuit vitis ob humoris copiam lætæ. Ea virgas habuit, hoc est homines, qui sceptrâ tenuerunt, videlicet reges: qui quum ita creuissent, vt inter alios, tamquam inter palmites ex quæ vocantur sagitte, exstarent, ipsa Hierosolyma diruta est: et si quid in ea excelebat, id periit regesque interfecti sunt. Nunc deserta iacet, fuerunt eius reges causa et principium eius calamitatis, nec iam in ea superſunt.

CAP. XX. v. 5. *Promississimæ stirpi Iacobe domus*) In hebræo est, Manum sustulissimæ: quoniam is in adfirmando et promittendo mos erat; quæ figura a verbo promittere non abhorret: est enim promittere, porro aut alte mittere. Et quia promissis, vt videtur, manibus pollicebantur homines, inualuit vsus, vt promittere manus, deinde detracto vocabulo, promittere dicerent pro polliceri, sicut videmus et in aliis solere detrahi voces quasdam: vt quum dicimus decies, pro eo quod est decies centena millia festerium: quomodo in sacris litteris dicitur aliquando nomen pro Iouæ nomen: et traicere pro per ignem traicere. Hæc eo dico, vt animaduertantur linguarum naturæ, neu quis offendatur, si latine loquens multa peregrina ad latinorum consuetudinem traduco.

29. *Quodnam esset sacellum, ad quod irent*) Reddit nominis rationem. Quoniam enim eos interrogauit, quodnam esset illud במִּזְבֵּחַ, ad quod ibant, postea nomen obtinuit, vt quæ ibi fiebant sacella, eo vocabulo dicerentur. Est autem Bamah, quasi tu dicas excelsum, aut editum, (quod latine templum

plum dici potest,) quoniam in editoribus locis fieri cœpta sunt sacella. Sed postea fiebant et in aliis locis: ita cap. 16. dicuntur fieri in omnibus vicis: ubi alio quidem, sed eiusdem notionis vocabulo nuncupantur.

CAP. XXI. v. 13. *Scilicet lætemur*) Obscurissimus est totus hic locus vs. que ad finem capitis. Iussus erat paullo ante vates ingemiscere, et gemen. di rationem reddere. Mirum ni lætemur. Quæritis, o Israelitæ, cur ingemiscam? quasi vero gaudendi causam habeamus, ac non dolendi, quum mei nati sceptrum, omne lignum repudiet: hoc est, nullum inueniat lignum, ex quo fieri possit: hoc est, cum meo nato sceptrum et imperium auferatur, vt postea declarabitur. Vocat autem suum natum, Israelitam: non quia sit ipse vates pater Israelitarum, sed est imitatio loquentis Dei, qui vocat Israelitas suos natos: qualis loquendi modus est et in Cantico, capite 7. et in gallico sermone, et in italico, quum Monsieur et Monseigneur, Miffier et mon signor dicunt, hoc est, meus dominus, quamuis de alienis dominis loquantur: quemadmodum magistros vulgo magistros nostros adpellamus, quamuis nihil minus quam nostros. Auferetur autem sceptrum Israelitis acuto Dei gladio, quem tradet interfectori: hoc est, Deus id auferet per Babylo-niz regem, cui eius rei potestatem tradet: quæ res est digna, propter quam eiuletur, et femora pulsentur: quod fieri solebat etiam apud Græcos in rebus tristibus: vt apud Homerum Achilles, viso naui incendio, Quum fero-rum planctu Patroclo talia satur. Quæritur ex quo ligno sceptrum fieri possit: est enim exploratio, quis possit esse rex Israelitarum. Nemo inuenitur: auferitur Israelitis regnum. Quamquam etiamsi sceptrum non repudiaret, scilicet omne lignum, hoc est, si maneret rex aliquis: nihil tamen proficeret, neque malum impendens vitare posset.

28. *Tu vero o rei capitalis damnate*) Tu Sedecia, qui capitale crimen commisisti, cuius supplicii dies venit, postquam crimen peregristi (nam ante perfectum crimen non soleo punire) detrahe cidarim: hoc est, regno priuaberis: et quod est, non eris: et quod non est, id erit: fiet tanta rerum mutatio, vt humilia extollantur, et contra. Qui nunc regnant, priuabuntur regno: qui vero erit humilis, is regnabit, videlicet Christus. Nam quod ad istam coronam attinet, eam ego ad nihilum redigam prorsus, (hoc enim significat ter-tiatum verbum, eademque est sententia, quæ supra declarata est, *sceptrum omne lignum repudiat*) sed id nondum fiet. Licet enim Babylonis rex vos seruitute premat, redibit tamen regnum post captiuitatem, vt non sublatum, sed interpellatum esse videatur: ne me putetis idem verbum ter ponentem de hac interpellatione loqui. Sed id fiet, quum venerit is cuius erit iudici-um, videlicet Christus, de quo moriens Iacobus vaticinatur, Iudæis sce-ptrum non defore, donec veniat Sospiator.

CAP. XXIII. v. 7. *Nam eius sanguis est in ea*) In hebræo est, In eius medio: sed id ponitur pro In, vt alibi sæpe; et cap. 26. ubi ad verbum legi-tur, Tyrum fore expandendis retibus in medio mari: quum Tyrus a me-dio mari abesset longissime.

CAP. XXVI. v. 18. *Nunc pauent naues diem tua ruina*) **IN** volunt qui-dam esse pro **IN** insulæ. Sed mihi placet vetus translatio, in qua est naues. Nam sententia magis quadrat, et tam ex **IN**, quam **IN** potuit fieri **IN**.

21. *Te iam in nihilum radigam*) Et hic idem dico, melius vertisse veterem, qui

qui in nihilum redigam te : et græcum, qui ἀπώλειάν σε δώσω, reddit: quam nostros, qui Terrores. Ductum est enim בלה בליות, quod obsolescere et antiquari est: cuius significatio huic loco est aptissima.

CAP. XXIX. v. 7. *Eorum tota latera perforaueris*) Latinus vertit, Dissoluiisti: Græcus, συνέθλασας: unde coniicio, eos non דתענה legis. se, quæ lectio non quadrat: sed דתענה, quod cauere et perforare est, atque huic loco aptissime conuenit.

CAP. XXXI. v. 3. *Vt habeat inter nubila cacumen*) Hunc locum bene vertit Græcus. Est enim eadem sententia, quæ est Danielis quarto, vbi hæc arbor dicitur capite cælum tangere, vt sit. idem עכתי, quod עני.

II. *Ego eum deo gentium in manum tradam*) Deum gentium vocat Cyrum regem Persarum, Assyrii regni euerforem: quomodo Psal. 45. Solomo vocatur deus, siue diuus: et Ciceronem dicunt oratorum deum: et Latinus suos imperatores vocauere diuos, vt diuum Iulium, diuum Traianum. Quod autem sequitur, *Vt postulat eius impietas*: loquitur, de homine. Deinde ramos nominans, loquitur de arbore, miscendo rem comparatam cum ea, cum qua comparatur: quoniam principio allegoriæ vtrumque posuit, scilicet Assyrium et cedrum. Sed in hebræo sermone vtrumque est masculini generis: quod quum latina lingua non ferat, mutauimus genus: et vbi de arbore sermo est, vsus sum feminino: vbi autem de homine, masculino.

CAP. XXXII. v. 18. *Deprime cum descendentibus in tartara*) Facere dicitur vates more poetico, quod factum aut futurum nuntiat: vt in Genes. 48. declarauimus. Est autem in hac oratione ad finem capitis, crebra generis et numeri mutatio, qualem in Ierem. II. et Es. 15. explicauimus.

CAP. XXXIII. v. 31. *Faciant ore suo cantica*) Ore bene loquuntur, et, vt est in Esaia, me labiis honorant: sed eorum dicta sunt cantica: hoc est, non sentiunt idem, quod loquuntur: sicut, qui cantica canunt, aliud sepe dicunt, aliud cogitant. Ita isti, ore bene loquentes, animo sectantur avaritiam, et te tuaque dicta perinde habent, ac si carmen aliquod elegans et modulatum cantes, quod eos delectet, non moueat.

CAP. XXXVII. v. 5. *Ego in vos immittam spiritum, quo reuiuiscatis*) Et alias declarauimus, simplicia verba sepe esse per composita latine vertenda, quod composita non habeant Hebræi. Ita hic ה'ח est reuiuiscere, vt interpretatus est antiquus interpres. Atque ita positum est verbum ש'ח, Matth. 9. et Ioann. 5. et II. pro ἀναζ'ח, hebræo more: sicut בנה pro reficere et instaurare ponitur. Atque huiusmodi verborum significatio ex sententiæ tenore perspicitur.

CAP. XXXIIX. v. 2. *Compone faciem tuam ad Gog, terram Magog*) Iosephus Antiquitatum lib. I. cap. 7. tradit, a Magoge conditos esse Magogas, quos Græci Scythas adpellent: a Mescho Meschinios, qui Cappadoces adpellentur: a Thobelo Thobelos, qui Iberi: a Phute Phutos, qui Libyes: a Gomaro Gomarenses, qui Galatæ: a Thygramma Thygrammanos, qui Phryges a Græcis nominentur. Addit alios: sed ego eos tantum pono, qui ad hunc locum faciant, et de quibus dubitari possit. Iam quæ nomina ponit, ea sunt ad græcam deflecta linguam. Sic enim in hebræo leguntur: Magog, Mesech,

Mefech, Thubal, Phut, Gomer, Thogorma. Et in ceteris quidem cum fequor, nisi quod nomine Magog, propter huius oraculi nobilitatem, hebræo vtor: tantum Mefchum aliter interpretor. Nam quum Cappadoces Genesis 2. Caphthorim adpellentur, et quod hic legitur Mefech, græcis et latinus interpretes Mosoch dixerint: probabilius est, Moschos significari, quum et nomen conueniat, et id cum Iberis, tum hic, tum capite 27. coniungatur, quæ vtraque gens est in regione Themiscyra. Nam hos Iberos, non Hispanos, hoc loco intelligi volo: sunt enim alii Iberi in Hispania. Sed quale sit hoc de Gog et Magog oraculum, ego nescio: hæc quidem nondum euenisse suspicor. Qua de re lege diligenter Eccl. 17. 26. 56. et 57. et Ezech. 37. cet. et Apocal. 20. Adde, si placet, Sibyllæ librum tertium, in quo hæc omnia abunde tractantur.

CAP. XL. v. 5. *Circumdabat autem murus templum*) Sequitur nunc templi ab Ezechiele visi proluxa descriptio, quæ, quia perobscura est, eam, quantum licebit, declarare tentabimus. Igitur hoc templum muro cingebatur quadrato, qui patebat quaquaversus quingentos cubitos: quod totum spatium erat sacrum. Erat autem templum in monte collocatum, ita ut quacumque parte adiretur, ascendendum esset. Eius partes sunt novem, exque omnes quadratæ, centenos cubitos longæ, et totidem latæ: videlicet ædes ipsa, et circum eam octo atria, a singulis cæli regionibus bina: quorum ea quæ sunt ædi coniuncta, vocantur interiora, reliqua quatuor sunt exteriora. Per exteriora aditus est ad interiora, et porro ad ædem. Atque hæc novem membra in alia item membra diuiduntur, ut in descriptione videre licet. Hæc autem particulatim describuntur ab Ezechiele, quo ordine ei ab angelo ostensa sunt: quo fit, ut sit obscurior.

*Vir ille habens in manu decempedam*) In hebræo est, mensoriam cannam, hoc est perticam: cuius longitudinem describit, videlicet sex cubitorum, scilicet sacrorum: hoc enim declarat, dum dicit, eos cubitos aliis esse maiores vno palmo. Ego cannam mensoriam propterea non adpellaui, quod decempedæ nomen est huius rei proprium. Est et Carcassonæ in Aquitania quædam mensura octo palmorum, quam gallice cannam adpellant, ut hebraismi adfinitatem agnoscas.

*Mensus est ædificii crassitudinem*) Ædificium dicit pro muro, quod ædificium sepit. Hic murus sex cubitorum crassitudinem habet, pari altitudine.

6. *Ad portam obuersam ad orientem*) Portam vocat totum ædificium, quod erat in ingressu, quod habebat circumdantem murum, et duas ianuas, et sex cellas, cum adpenticibus.

19. *Latitudinem mensus est a fronte inferioris ianua, ante interius atrium foris centum cubitis*) Inferiorem ianuam vocat, priorem ianuam interioris atrii: nam ab ea per gradus in atrium interius erat adscensus, quo fit, ut dicatur inferior. Hinc adparet, quod postea docetur de gradibus, eos non esse extra sui muri crassitudinem: alioqui non posset inferior dici ianua, si esset supra gradus collocata. Deinde ipsi interiorum atriorum gradus partem occuparent longitudinis exteriorum atriofum. Neque non animadvertendum est, eundem murum, duobus atriis interiectum, non seruire utrique atrio: sed duos ibi esse muros, alterum alterius atrii: si enim vnus esset, non constaret neque atrii centenorum, neque vniuerso sacri spatii quingentorum cubitorum longitudo ac latitudo. Igitur *Latitudinem mensus est a fronte inferioris ianua, quæ est ante interius atrium, centum cubitis, foris*, idque fecit tum ad orientem tum ad septentrionem: hoc est, et in ori-

entali et septemtrionali atrio: vt intelligamus hic atria duo describi, quæ sint eiusdem generis.

20. *Item porta qua erat septemtrioni ad atrium exterius obuersa, cet.)* Hoc est, portam interioris atrii septemtrionalis, quæ foras ad exterius atrium septemtrionale spectabat, eadem ratione metatus est, quæ portam exterioris atrii orientalis, quam modo descripsit: et porro septemtrionalis, cuius simul mentionem fecit. Atque ad eam interiorẽ portam septemtrionalis atrii septem gradibus ascendebatur, ante quos erant appendices portæ. Quum pateant enim gradus in limine decem cubitos, quæ portæ est latitudo, et adpendicum frontes inter se octo cubitos distent, quæ vestibuli latitudo est, sit vt adpendicum proiecturæ, quæ sunt singulorum cubitorum hinc atque hinc, respondeant vtrimque vltimo graduũ cubito. *Erat autem porta interioris atrii regione porta alterius:* hoc est, exterioris atrii: distabantque altera ab altera, hoc est, initium portæ interioris atrii, ab initio portæ exterioris atrii, centum cubitos. Quod sequitur de meridiana porta, ea est ceterarum similis. Quod autem dicuntur ei circumiectæ accessiones, ea sunt cœnacula, quæ portæ accessiones adpellantur, quod ei adduntur extrinsecus, quæ erant etiam in aliis atrii exterioribus, vt capite quadragesimo secundo declarabimus, vbi hunc locum exponemus. Quæ sequuntur, ex superioribus conspicua sunt. De sacerdotum cœnaculis quod dicit, id declarabimus in capite 42. Ipsum porro templum ita collocatum erat, vt eius vniuersum spatium esset quadratum, patens centenos in longum et in latum cubitos. Ipsi templi longitudo erat ab oriente ad occidentem. Cella, hoc est ea pars templi, quæ est ante penetrale, erat longa quadraginta cubitos, lata viginti. Ei ad occidentem adiacebat sacrarium, longum viginti cubitos, pari latitudine. Cellam et sacrarium ambibant dextera sinistraque singuli ordines tabulatorum, latitudine quaternum cubitorum: quæ porro tabulata ambibantur vtrimque vacuo loco, quinos cubitos lato: quem vacuum locum cingebat murus senos cubitos crassius. Ita fiebat hæc latitudo cubitorum quinquaginta. At latus autem septemtrionale erat ædis vestibulum viginti cubitorum longitudine, quæ vestibuli longitudo erat secundum ædis latitudinem. Ita ædis latitudo, aucta vestibuli longitudine, fiebat cubitorum septuaginta: quod non esset, nisi vestibulum esset a septemtrione. A meridie pro vestibulo erat locus vacuus, tanta latitudine, quanta erat vestibuli longitudo, videlicet cubitorum viginti: quibus si addas muri crassitudinem, quæ est vtrimque, superiore ipsius muri parte, quinque cubitorum, fiet totius templi latitudo centum cubitorum. Longitudo ita erat, vt cella esset longa quadraginta cubitos, sacrarium viginti. Ab occidente, et ab oriente erat spatium quatuor cubitorum, in quo in oriente erat porta: post id spatium erat vacuus locus, cubitorum quinque. Adde vtrimque ædis murum sex cubitos crassum: deinde templi murum, quinque, scilicet in fastigio, propter contractionem: nam quod muro detrahitur, id templo attribuitur. Ita fit longitudo centum cubitorum. Iam veniamus ad vatis interpretationem.

48. *Vestibulum quinis vtrimque cubitis dimensus est)* Hoc est, vestibuli limen vtrimque erat crassum quinque cubitos. Quum autem murus templi, et murus ædis, sint a fundamento crassi senos cubitos, detrahuntur liminibus singuli cubiti, qui tribuantur adpendicibus transuersis, quarum adpendicum spatium non tribuatur vestibulo: alioquin vestibulum esset longitudinis vigintiduum cubitorum. *Latus vtriusque parte,* hoc est, et interior et

et exterior: *lata trinos cubitos. Vestibuli longitudine viginti cubitorum, latitudine decem*, quamquam in hebræo legitur vndecim. Sed non esset latitudo dimidia longitudinis, quod tamen fit in omnibus vestibulis. Adde, quod hic impar numerus non admodum ceteris dimensionibus responderet. Has ob causas hoc loco secutus sum græcum exemplar, ubi est *δύο*.

49. *Ad quod decem gradibus ascendebatur*: hic sunt in liminis exterioris crassitudine. Lego autem hic non *רֹחַ*, sed *עֹשֶׂה*: nam et ita legit græcis, et sententia aliter non constat: quamquam latinus vertit, octo. *Ad adpendices*. Adpendices enim dextra ac sinistra erant in tecto muri proiectione singulorum cubitorum: id quod ex eo intelligitur, quod de lumine dictum est, ut sint longitudinis adpendices paris proiectione cum latitudinis, hoc est, cum transversis liminum adpendicibus: id quod in atrii figura ostendimus fieri. *Hinc una, et inde altera erat columna*. Vtrum ex columnæ essent in initio, an in fine vestibuli, non addit: Itaque nos earum locum non signauimus. Nam et 4. Reg. 7. ubi sunt huiusmodi columnæ, cæ dicuntur esse in pronao, siue templi vestibulo: sed quo loco, non exprimitur: quamquam a Iosepho dicuntur ad antas collocatæ, id quod videtur ita esse, quemadmodum in Mosis tabernaculo duæ in ingressu angulares columnæ respondendæ aseribus, unde et antarum nata videtur ratio. Quod attinet ad crassitudinem muri vestibuli, non facit eius mentionem Ezechiel: sed quoniam omnes alii huius extructionis muri sint crassitudine sex cubitorum, eandem huic tribuimus.

CAP. XLI. v. 1. *Adpendices dimensus est utraque parte in latitudinem senum cubitorum*) Cellæ adpendices vocat tabulata, de quibus paullo post disputabimus. Earum infima erant latitudinis quaternum cubitorum, summa senum. Quatenus autem summa sunt, vocantur adpendices. Volo autem hoc loco adpendices intelligi, non solum eam structuræ partem, quæ extra fundamenti spatium proicitur, quomodo alias poni solet: nam hæc ratione essent adpendices hæc tantum singulorum utrimque cubitorum: sed totum ipsum cœnaculum, quod habet adpendicem. Hoc est, quod dicit adpendices latas esse senos cubitos, quasi hoc dicat intelligendum esse de suprema parte. Itaque addit: *Quæ latitudo erat operimenti*: hoc est, summæ partis, quæ cetera operiebat; *וְרָחֵק* enim non solum tabernaculum significat, sed etiam operimentum Exod. 26. et Psal. 132.

2. *Ostii latitudo decem cubitorum*) A vestibulo per vacuum locum venitur ad ostium cellæ ad orientem. Nam quo minus cellæ ostium sit e regione vestibuli, facit tabulatorum ratio, quæ postea declarabitur. Erat igitur ostii latitudo decem cubitorum. *Humeri autem*, id est, portæ latera, quæ de cellæ latitudine dextra sinistraque supererant, *erant quinque cubitorum*, cellæ longitudo quadraginta cubitorum, latitudo viginti.

4. *Penetralis longitudinem viginti cubitis, latitudinem totidem terminauit*) Quam spissum esset septum, quod a cella penetrale diuidit, non addit: sed hoc intelligendum est, id septum in penetralis longitudine numerari, sicut fit apud Mosem in tabernaculo. Alioqui esset cellæ et penetralis longitudinis plusquam sexaginta cubitorum: cui repugnat et tota hæc templi descriptio, et Solomonii, cuius eadem et longitudo traditur, et latitudo, 3. Reg. 6. *Aedis parietem sex cubitis mensus est*, scilicet in crassitudinem.

5. *Tabulata autem*: Tabulata vocat cœnacula trinum contabulationum,

quæ in Solomonis templo vocantur ædiculæ. *Vndique per adis ambitum*: hoc est, hinc atque hinc: non enim poterant vndique esse, alioqui nullus esset portæ locus.

6. *Et ea trina alia aliis imposta, idque tricies*: hoc est, triginta mansiones (vt ita dicam) trinarum contignationum: quæ quum singula quatuor occupent cubitos, & sit cellæ & penetralis longitudo sexaginta cubitorum, sit, vt sint vtriusque quindena, atque ita hanc longitudinem expleant: nam quindecies quatuor efficiunt sexaginta. *Quæ prodibant ad adis parietem ipsis tabulatis vndique circumiectum*: hoc est, habebant proiecturas, quibus porrigebantur ad ædis parietem, videlicet media dimidio cubito, suprema tantumdem. *Ita vt essent ipsa inter sese continua, vt adparet ex numero*: expleant enim totam longitudinem. *Nec adis parietem attingerens*: intercedebat enim vacuus locus.

7. *Quanto autem tabulata erant altiora, tanto erant et latiora*: scilicet in meridiem et in septemtrionem: nam in ortum et occasum adpendicibus crescere non poterant, quum infima parte inter se contingerent. *Et maioris circuitus*: nam quo latius quidque est, eo latiore habet ambitum: *Quod adis ambitus quanto altior erat, tanto patebat latius*: hoc est, ædis murus ita contrahebatur intrinsecus, vt quum in fundamento esset cubitorum sex, in fastigio esset quinque: quæ retractio faciebat, vt ædes summa parte esset tanto latior, quantus erat tabulatorum processus. *Atque ita infima adscensum ad summa habebant per media*. Hoc ex 3. Reg. 6. patet, vbi dicuntur esse ab imis cochleæ, quæ ad media tabulata ferant, a quibus sit adscensus ad summa.

8. *Quumque domus altitudinem, ect.*) Hoc est, ab imo quidem tabulata erant quaternos lata cubitos: sed quum eorum fastigium contemplerer, animaduertebam, si ab extimis adpendicibus demitteretur perpendicularum, et quod spatium esset inter infimum perpendicularum, et infima tabulata, tribueretur tabulatorum fundamento, id spatium esse vtriusque vnus cubiti: ita esse tabulatorum fundamenta senum cubitorum.

9. *Parietis autem, qui erat extra tabulata*: hoc est, parietis ædis: *crassitudo erat quinque cubitorum*, scilicet in fastigio: nam a solo erat sex cubitorum. Hinc adparet, tabulatorum proiecturam esse partim intrinsecus: nam si tota esset extrinsecus, quum sit duorum cubitorum plus procederent proiecturæ, quam recederet ædis paries. *Quod adis spatium vocabatur inter tabulata*. Hic legitur בית pro בית, vt et res et græcus interpret ostendit: sicut et Prouerb. 8. et Iob. 8. vt illic ibi etiam vertit vetus. Inter tabulata spatium, est cella et sacrarium. Id spatium est viginti cubitorum, quo spatium distant tabulata: scilicet meridiana a septemtrionalibus. Intelligenda est autem hæc intercapedo ab imis tabulatis: nam summa minus distant, propter adpendicium procursum.

11. *Offia tabulatorum erant in vacante loco*, qui erat inter tabulata et ædis parietem. *Speculantia altera Septemtrionem*, scilicet septemtrionalia. *Locus per circuitum vacans erat latitudinis quinque cubitorum*. An is locus etiam penetrabile ambiret ab Occidente, non addit: sed hoc ex tota descriptione intelligendum est. An autem ea quoque parte essent tabulata, non docet. Quod si tabulatorum numerum species, quum essent tantum triginta, nullum eorum a laterum longitudine supererat. Sed quia hæc tabulata ad rationem sunt asserum tabernaculi, quod Moses construxit, (circumdant enim ædem, vt et illi) et erant illic etiam ab Occidente asseres, videntur et in



et in hoc templo fuisse ab Occidente tabulata, quamvis inter triginta non numerentur: quamquam hoc adfirmare non aulim.

12. *Ita aedificium ipsum*) Aedificium vocat templum, cuius constructionem ostendit, *In fronte consepti collocatum.* A meridie locus erat vates viginti cubitos, longus nonaginta, nullo ædificio occupatus: quem vates hebraice a separando nominat, quod esset a toto ædificii corpore separatus. Nos conseptum interpretamur. Secundum id conseptum erat ædificium, hoc est templum, patens in latitudinem occidentali parte septuaginta cubitos: nam vestibuli longitudo in ædificii latitudine ponitur. In longitudinem nonaginta, cui numero si addas muri crassitudinem quinum vtrinque cubitorum, scilicet in fastigio, sit longitudo cubitorum centum.

13. *Item consepti & ædificii, una cum eius parietibus, longitudinem centum cubitis.* Itemque latitudinem frontis templi, *una cum consepti parte orientali, centum cubitis.* Mensus est et ædificii longitudinem in fronte consepti post ædificium collocati: intrabatur enim a Septemtrione. Hinc fit, ut conseptum quod est a meridie, dicatur esse post templum. *Una cum eius utrobique accessibus:* hoc est, muri crassitudine, quæ ad nonaginta cubitos accedebat: centum cubitis.

16. *Addimenta que circum trinis illis inerant:* hoc est, adpendices cellarum, quas supra ostendit in atriorum vestibulis: quæ addimenta erant e regione liminum, hoc est, spectabant limina exteriorum ostiorum, ut supra demonstrauimus. *Erant undique ligno obducta:* interiora erant lapidea, testorum ligneum. *Solo fenestris adequato.* Fenestræ inferiorum cellarum, quæ erant in atriis, erant ita depressæ, ut earum infima pars æque librata esset solo: hoc est, non esset altior, quam solum. *Fenestrisque telis,* scilicet adpendicum proiectura: quæ quum vno cubito inferiores cellas excederent, tegebant infra se positas fenestras: hoc est, ultra eas procedebant. *Idque mensuris,* cet. hæc tota, quam commemoro: constructio templi, facta ad mensuram est, ut docui. *Erat extrinsecus conspectio:* hoc est, erat vestibuli frons obducta ligno, ut supra dictum est.

CAP. XLII. Sequitur locus valde confusus, et multo impeditiissimus, in quo quæ cap. 40. breuiter de cœnaculis atriorum dixerat, ea repetit, et cœnaculorum situm et rationem pluribus explicat. Memineris autem, eandem esse omnium atriorum descriptionem: sed hic interiora describi, quoniam exteriorum in cap. 40. facta mentio est.

1. *Eduxit me in atrium exterius, qua via erat septemtrionalis: et ad cœnacula duxit, qua erant contra conseptum contraque ædificium*) Conseptum hoc intelligo duas loci partes, quæ ad Septemtrionem intra templi murum ad dexteram sinistramque vestibuli vacabant: ædificium autem, ipsum templum est. Contra eum locum patebat atrium interius in longitudinem centum cubitos: in latitudinem quinquaginta, quoniam reliqua quinquaginta erant occupata constructione portæ.

2. *Contra viginti interioris atrii, contraque pavimentum exterioris atrii*) Cœnacula erant in interiore atrio, inter spatium viginti cubitorum ipsius interioris atrii, (siugamus enim hanc figuram esse interioris atrii, quæ ante fuit exterioris, ut omnia in eadem figura adpareant: quoniam est eadem omnium atriorum ratio) et pavimentum exterioris atrii, in quo pavimento erant cœnacula, scilicet triginta, ut capite quadragesimo dictum est.

3. *Quæ quidem cœnacula processus habebant altera atriorum processibus oppositos*) Processus vocat eas cœnaculorum partes, quæ alias excedebant:

quæ partes alteræ alteris, hoc est, dextræ sinistris, in utroque portæ latere respondent.

4. *Ante cœnacula erat ambulatio decem cubitorum latitudine: tendens ad interiorius atrium, et via unius cubiti: scilicet latitudinis, habebantque ostia ad Septemtrionem, scilicet quibus adirentur ab exteriori atrio: quæ quam lata forent, non addit. Videntur fuisse trium cubitorum, quoniam tanta sunt ostia vestibuli ædis.*

5. *Erant autem suprema cœnacula contractiora*) Hoc quid sit, continuo declarat: quippe quæ excederentur, cet. Infima cœnacula erant latiora, media angustiora, et suprema item mediis angustiora.

6. *Erant enim trium consignationum, non columnata*) Nam ubi in atriiis super columnas exstruuntur cœnacula, ea ad lineam exstruuntur: ut suo fundamento, hoc est columnis, innitantur. At hæc columnas non habebant, itaque suprema a solo recedebant infra quam media atque infima: hoc est, erant contractiora, et remotiora a terra, quæ erant ante cœnacula, quam inferiora, ad perpendicularum.

7. *Quod septum*) Huius septi crassitudinem non tradit: sed ea colligenda est ex tota descriptione, sicut et cœnaculorum latitudo. Igitur cap. 40. tradit in exteriori atrio orientali, et item septemtrionali, esse cœnacula et pauimentum factum per atrii circuitum, quæ cœnacula, ad pauimentum essent triginta, idque pauimentum esse a latere portarum, secundum ipsarum longitudinem. Et paulo post de meridiana porta loquens, dicit ei circumiectas accessiones in longitudinem quinquaginta cubitorum, in latitudinem quinque: accessiones vocans cœnacula, quod idem in omnibus atriiis intelligi debet. Si sunt igitur cœnacula triginta, eaque secundum portæ longitudinem, longa quinquaginta cubitos, necesse est ea in quatuor versus esse digesta, utrimque binos: nam duobus versibus longius occuparent spatium: deinde superesset in atrio locus, qui vatis descriptione non occuparetur. Sed quum in binos ordines digerantur, sit ut sit impar numerus. Itaque quum quindecim ad latus unum ponantur, necesse est in uno ordine esse octo, in altero septem: nec enim unum in duos ordines diuidi potest. Ut autem unus ordo sit longus quinquaginta cubitos (nam hæc longitudo tribuitur eis) tribuenda erunt in longitudinem singulis cubita sex (sicut portarum cellis) quæ in eo ordine qui habet octo cœnacula, efficiunt 48. Cui numero additur duo cubiti, unus itineris, alter septi ante procurrens cœnaculum reflexi, ut septum quoque ad longitudinem accessionis portæ pertineat. Latitudo autem quanta sit, querendum est: atque in fastigio quidem esse quinque cubitorum, patet ex secundo loco, quem paulo ante ex cap. 40. citauimus. Sed imorum cœnaculorum quanta sit latitudo (nam latiora esse superius, ostendit vates) si inuenimus. Vestibuli latitudo una cum cellis est cubitorum 24. (nam quod ei 25. tribuuntur, hoc fit propter cellarum testum, quod murum scandit) muri utrimque senum, ambulationum item utrimque denum cubitorum: viæ, quæ quatuor sunt, habent singulos cubitos: muri atrii senos: quorum omnium summa est septuaginta duo. Superest ad complendum centum cubitos, ut singuli cœnaculorum ordines habeant in latitudine sex cubitos, ita efficiuntur nonaginta sex. Desunt quatuor, qui totidem viarum septis tribuuntur. Sed cur potius longiores ordines portis adposuerim, quam breuiiores, causæ sunt duæ: una, quod in illo secundo loco, quem supra ex capite quadragesimo adduxi, dicuntur accessiones portæ circumiectæ longitudinis cubitorum quinquaginta: quod non

non fieret, si hic esset breuior ordo. Altera, quod in eodem capite dicuntur esse duo cœnacula extra ianuam interiorem, quorum septemtrionale spectet austrum, australe septemtrionem. Quod si hæc cœnacula sunt extra portam interiorem, oportet hic maiorem esse ordinem. Sunt autem hæc de cœnaculis orientalis atrii intelligenda: alioqui non conueniret descriptio. Itaque locum hunc in capite quadragesimo in hebræo deprauatum, nonnihil ex græco emendaui. Quod enim est שרי, hoc est cantorum:

legit græcus שני, hoc est duo: rectius, ut puto: ut patet ex cœnaculorum usu, quæ mox non cantoribus, sed sacerdotibus tribuuntur. Et

pro אשר, legit אחר: et pro פניו, legit פניו, relatiuo singulari generis feminini, quum illud masculinum sit, et discrepet in genere a nomine לשכה. Et pro הקדים, legit הדרום, ut opponatur septem-

trioni: ut mox angeli declarat oratio. Quod si hæc cœnacula vis in septemtrionali atrio intelligi, necesse erit, quæ hic de meridiana et septemtrionali parte dicuntur, ea de orientali et occidentali dici. Quod septum autem foris erat, hoc est, extra cœnacula: secundum cœnacula, scilicet in longitudinem: versus exterius atrium. Id erat longitudine cubitorum quinquaginta utroque: tantum enim procedebat extra portam, quanta erat muri ad exterius atrium crassitudo.

8. Nam cœnaculorum exterioris atrii longitudo erat cubitorum quinquaginta) Hinc perspicuum est, eum loqui de interiore atrio, et id comparare cum exteriori, cuius sit eadem ratio. Quum secundum cella faciens essent centum cubiti. Vocat autem hic cellam, ipsum templum. Infra illa vero cœnacula erat aditus ab oriente. Iam loquitur de cœnaculis orientalis ab exteriori atrii interioris, ad quæ erat aditus, per quem adirentur ab exteriori atrio. Dicit autem, infra cœnacula: quoniam is aditus erat in exterioris atrii muro: quod declarat, dum dicit, In latitudine septi atrii, septum vocans murum. Aditus erat inferiori solo quam ipsa cœnacula, utpote per quem adirentur ab exteriori atrio, quod erat inferiori interiore: ut patet in portis, ubi docet, ab exteriori atrio ascendi ad interius per gradus.

10. Quæ cœnacula ad consepti, ædificique frontem) nam eorum longitudo sinistrorum, tendebat ad conseptum: dextrorum autem, ad ædificium, hoc est, versus templi vestibulum, quod est pars ædificii.

11. Et ante ea iter eadem forma, quæ erant cœnacula versus septemtrionem) Hinc adparet, eum iam de orientalibus loqui, quæ cum septemtrionalibus comparet. Vocat autem hic iter, quod ante vocauerat ambulationem. Et ostiis quæ tum illis similia erant, scilicet septemtrionalibus: tum ostiis cœnaculorum quæ erant meridiem versus: hinc adparet, eadem fuisse et in atrio meridiano.

12. Ita ut ostium esset in itineris capite) nam ibi caput est itineris. Et iter esset ante accommodatum septem versus orientem. In atrio orientali vergit hoc iter ab occidente in orientem.

16. Mensus est regionem orientalem decempeda, quingentis decempedalibus cubitis) Ad verbum legitur, quingentis decempedarum, scilicet cubitis. Non enim vertendum est, quingentis decempedis: nam totum templi spatium repugnat: et græcus interpres, alioqui non bonus, tamen hoc loco bene reddidit, περὶ αὐτοῦ; est enim oratio, in qua taceatur cubiti nomen, quoniam summa sit totius superioris dimensionis, in qua

quum

quum omnia sint metata cubitis, hic tacentur: et additur, decempedales esse cubitos, hoc est eius mensuræ, quæ superius est posita. Atque ita taceri mensuræ nomen, adparet etiam ex fine huius capituli, ubi dicitur longitudo et latitudo esse quingentorum, nec additur, cubitorum: quod tamen ibi latinus recte addidit vetus interpret. Quod autem dicitur, eam regionem mensus in ambitum, non ita capiendum est, quasi ea una regio ambiat; sed quod est pars ambitus fani, quod hic per circuitum metitur.

20. *Ad disiungendum sacrum a profano*) Atqui paullo ante dixit, interiora atria, in quibus versaturi essent sacerdotes, esse sacra, quasi reliqua sacra non essent. Sed hoc sciendum est, totum quidem locum quingentorum cubitorum muro circumseptum, esse sacrum: sed ita, ut intima quæque sint maxime sacra: quo fit, ut, cum eis collata exteriora, vocentur profana, quum interiora non nisi consecratis sacerdotibus sint peruia. Igitur hic locus quingentos in longitudinem, et totidem in latitudinem cubitos, correctus erat, templo ita collocato, ut a quatuor cæli regionibus haberet, bina ordine atria: quæ quum essent paræ cum ipso mensuræ, videlicet centenum cubitorum, fit, ut si ab oriente duo, ab occidente totidem ponas, ipso inter ea collocato, sint quingenta cubita.

CAP. XLVI. v. 22. *Erant in singulis atriorum angulis singula atriola*) Quod verto atriola in hebræo est numeri singularis, sed pro plurali ponitur: quomodo cap. 1. rotæ dicitur pro quatuor compositis rotis. Et Exod. 27. lucerna pro lucernis. Ponuntur enim apud Hebræos sæpe derivata pro primitiis: ut sit atriolum hic positum pro atriatura, ut ita loquar: quod quia latine dici non potest, utendum est plurali. Erant autem קטרות, quod verbum a suffiendo ductum, fumosa, h. e. fumo denigrata significat, quoniam in eis erant culinæ. Quod autem verto mansiones, in hebræo est שוּר, quod alias ordinem aut verbum significat: sed paullo post eadem dicuntur שוּרֹת, quod verbum videtur mansiones significare, aut cubacula super culinas posita. Græci verterunt exedras.

CAP. XLVIII. In hoc capite est totius regionis distributio, quæ in tredecim partes diuisa, quæ omnes pari longitudine et latitudine, videlicet vicenum quinum millium cubitorum quadratæ. Est autem singularum longitudo ab ortu ad occasum. Sed totius regionis longitudo est a septemtrionibus ad meridiem, trecentorum vigintiquinque millium, quum latitudo sit tantum vigintiquinque millium, quanta est singularum partium longitudo. Media pars tota vocatur exceptitium, quod ab aliis excepta est. Ea porro diuiditur in partes tres, quarum una secundum Iudæam tribum posita, patet in longitudinem vigintiquinque millia, in latitudinem decem. In eius medio est templum, atque hæc tota pars Sadocianis sacerdotibus est tributa. Altera pars est eiusdem magnitudinis, tributa Levitis ædis ministris, ad viginti cœnaculorum possessionem, ut scribitur cap. 45. hoc est, quæ sit possessio Levitarum, qui degant in viginti cœnaculis. Superest spatium latum quinque millia, longum vigintiquinque, is locus est profanus vrbis. Cuius in medio est vrbis quadrata, patens cubitorum quatuor millia quingentos, cui supersunt de quinque millium latitudine quingenti, qui pomæriis tribuntur, utrinque ducenteni quinquageni, et totidem ad ortum et occasum. Restant de longitudine ad ortum decem millia, ad occasum totidem, quæ tribuntur colonis vrbis. Atque hoc totum

vocatur exceptitium: cuius pars vrbi tributa, est profana, reliquæ sacræ. In vtraque princeps habet possessionem: in sacra secundum Iudææ latus, in Leuitarum Sadocianorum parte longam vigintiquinque millia. In profana autem in vrbis possessione, secundum Beniamitidis latus, quæ principalis possessio est inter Iudæos et Beniamiticos fines. Sed quanta sit eius principalis possessionis latitudo, non addit auctor. Est autem animaduertendum, Iouæ exceptitium non esse in totius regionis medio. Nam a septentrione sunt septem tribus, quum a meridie sint tantum quinque.

\*\*\*\*\*

## DANIEL.

### IN TOTVM DANIELEM ARGVMENTVM.

*Nabuchodonosor in Hierosolymam. Fani direptio. Regium insomnium. Daniel insomnium explanans. Aureus colossus adorandus. Tres in fornacem proiecti. In bruium rex mutatus. Conuiuium regale. Ad leones proiectus Daniel. Animalia quatuor visa vati. Visum Danielis. Huius agrotatio, supplicatio. Daniel Baltasar. Venturi principes ac reges. In Susannam senatores. Cyrus Astyagis in regno heres. Belus in Babylonia simulacrum. Babylonius Draco.*

## A D N O T A T A.

CAP. III. v. 15. *Quod si tamen adhuc protinus*) Imperfecta sententia est, qualis est Lucæ decimo tertio. Et siquidem fructum ediderit: sin minus, postea excindes eam. Plena foret sententia hoc pacto: Si adhuc colossum veneramini, bene est: sin minus, cet.

93. *Quorum quartus formam habet Deo nati similem*) Deo natus, ponitur pro Deo, aut diuino: sicut homine natus, pro homine; de quo nos alibi: vt sit, forma similis Deo nati, forma augustior humana forma, diuini generis, aut diuinæ similis: quomodo 2. Reg. 28. dicebat illa saga Saulo, videre se adficientes ex terra deos: hoc est, augustam quamdam, et diuinæ similem personam.

CAP. IIII. v. 17. *Hæc res decreto vigilum, cet.*) Ad verbum sic: Ex decreto vigilum res, ex pronuntiatione sanctorum rogatio: quæ sententia est gemina. Nam idem est vigil et sanctus: vt supra dictum est, Quidam vigil et sanctus, de eodem. Item decretum et pronuntiatio, idem est: item res et rogatio, idem. Vocat enim rogationem legem perferendam, quomodo et Latini loquuntur: quoniam priusquam perferretur lex, rogabant quorum erat sancire legem, vtrum eam vellent admittere, cuius rogationis formula erat huiusmodi: Velitis, iubeatis, vt Marco Tullio Ciceroni aqua et igni interdictum sit. Huiusmodi rogatio perlata est inter deliberantes de Nabuchodonosore angelos: Velitis, iubeatis, vt Nabuchodonosor, cet. non quod velim hanc formulam ad diuinam transferre: sed vt intelligatur, quum hic fiat decreti et rogationis angelorum

men.

mentio, significari, inter eos fuisse de Nabuchodonosore deliberatum. Cuiusmodi deliberationem videbis 3. Reg. 22. vbi inter Iouam et angelos consultatur de Achabo in fraudem pelliciendo. Sed hæc humano more dicuntur.

CAP. VI. v. 5. *Si nulla alia in re, saltem in eius Dei religione criminentur*) Animaduerte eorum naturam, qui pios persequuntur. Quum mores reprehendere nequeunt, religionem reprehendunt: et eos bonis quidem moribus esse confitentur, sed errare in doctrina; quasi vero non proficiscantur a doctrina mores: aut, quasi fieri possit, vt impia sit doctrina, quæ pios mores pariat.

CAP. XI. v. 15. *Facietque vt mulierem, cet.)* Antiochus Magni filiam suam Cleoparram Ptolemæo Epiphani nuptum locabit, vt ea corrupta patri regnum Aegypti conciliet. Sed ea id non præstabit: nec patri, sed viro studebit. Deinde ille Antiochus, multis debellatis, Ptolemæum Alexandriæ obsidebit. Verum rector, hoc est, populus Romanus, Antiochum ab obsidione cohibebit, et ita Antiochi in Romanos contumeliam, (erat enim turpe Romanis, Ptolemæum, qui ab eis opem petierat, obsideri,) coercet, vt Antiochus deinceps idem non faciat. Antiocho succedet Seleucus Philopator, Seleuco Antiochus Epiphanes. Quæ sequuntur, ego non intelligo. Videtur enim fieri transitus ab Antiocho ad nescio quem spiritualem Antiochum: cuiusmodi transitiones solere fieri, scripsimus in Esa. 9. Itaque et hæc et septimum Danielis caput, et alia in vatibus innumera omittimus, ne cæci cæcos.

\*\*\*\*\*

## O S E A.

### IN TOTVM OSEAM ARGVMENTVM.

*Osea vates Ozia temporibus. Meretrix vatis uxor. Iezrael filius ex meretrice. Israelita sine rege. Ad Israelitas vates. Ephraimitarum et Israelitarum scelera. In Iudaos ventura calamitates. Scortator Israelita, vitis inutilis. Collata in Israelitas Ioua beneficia. Baalis cultores Ephraimita. Immolati homines. In Samaritam vates. Sapiens vaticinium intelligens.*

## A D N O T A T A.

CAP. V. v. 9. *Ostendente me, an sit in Israelitarum tribubus fidelitas*) Ad verbum legitur, In Israelitarum tribubus ostendente me fidelitatem. Est enim verbum id reddendum per participium: id quod solet fieri, quum verbum cum antecedente verbo nulla coniunctione copulatur: vt paullo ante hunc locum, vbi ita vertimus, Ibunt quæsitum Iouam, nec inuenient, quippe declinantem eos: ita legitur, si reddas ad verbum, Nec inuenient, declinauit eos: hoc est, eo declinante eos. Est autem huius loci sensus hic: Ostendam non esse in Israelitarum tribubus fidelitatem, dum eos tamquam perfidos vlciscar. Huiusmodi loquendi modus est et Psalm. 69. vbi sic ad verbum legitur: Deus tu nosti meam vesaniam, siue vitium: hoc est, Tu nosti an sim in vitio, scis me esse extra vitium: nam in eo Psalmo defendit Dauid suam innocentiam.

CAP.

CAP. VI. v. 11. *Tu quoque Iudae, compara tibi messem, cet.*) Hoc est, Vos quoque Iudaei peccaturi estis, et ita poenam vobis conflaturi, quæ sit vestri peccati mellis atque fructus: quam poenam vobis irrogabo tum, quum meos captiuos reuocabo, scilicet bonos: Nam vos qui improbi estis, meam pacem non consequemini, sed soli mei: hoc est, boni: de qua re vide, quæ in Esa. 57. scripsimus. Quod autem dicit, Compara tibi messem: imperatio vitur pro futuro: vt Christus, quum dicit, Implete mensuram maiorum vestrorum: sicut alibi docuimus. De messe autem quæ poenam significet, vide cap. 8. et 10.

CAP. VII. v. 8. *Ephraimita panis est depstitius, non inuersus*) Depstitius panis est, qui in foco ex tempore coqui solet: qui nisi inuertatur, comburitur, ea parte qua focum attingit: nec enim coquitur æqualiter, vt in furno. Sic Ephraimitæ vruntur et atteruntur ab hostibus.

CAP. VIII. v. 12. *Scripserim ei*) Scripsi equidem de aris in lege: sed non magis obediunt, quam si non ipsis scripsissem.

13. *Libandarum mihi*) Eorum sacrificia Iouæ non placent, quia ei non obediunt.

CAP. IX. v. 4. *Eorum daps*) Non erunt in Iudæa, vt possint Iouæ dampni facere Hierosolymis, suæ salutis gratia.

5. *Quid facietis solempni die*) Extorres eritis, nec poteritis Iouæ solemnia Hierosolymæ celebrare.

8. *Apud Deum meum vates*) Qui se profitetur esse vatem, et cum Deo meo habere commercium.

13. *Ad interfecitorem*) In Aegyptum, vbi interficiantur.

CAP. X. v. 9. *Vbi steterunt illi non attingendi, cet.*) Hoc est, Vbi Israelitæ adfuerunt eo animo, vt Beniamitas punirent, nec ipsi bello cladem ullam acciperent: quippe causæ æquitate freti, et bellum contra impios gerentes. Et Beniamitas quidem ego puniui: sed ita puniui, vt idem passi sint et reliqui Israelitici populi, quorum plurimi in eodem bello ceciderunt, id quod feci, quoniam ambo erant nocentes, et suo vtrique crimine constricti. Nam Israelitæ, qui illos tam cupide puniebant, ne ipsi quidem erant insontes.

11. *Equitan: in Ephraimita*) Et Israelitas et Iudæos perdomabo.

CAP. XII. v. 1. *Iudæo adhuc dominante cum Deo*) Quum Iudæi adhuc Deum colant, ideoque imperium retineant.

2. *Portatur*) scilicet ab Ephraimitis, Aegyptiorum auxilium petentibus.

5. *Et ibi cum eo collocutus*) עמר positum est pro עמר, interposita littera nun: vt fit in שמנו, et in fine Psalmi quinti, תעטרנו pro תעטרנו: nam ita postulat hæc historia: et Græci verterunt πρὸς αὐτὸς, plurali vtentes pro singulari, sed eadem persona.

6. *Ioua Deus armipotens erat*) Iouam in memoria habebat, colebatque: vos quoque illius religionem debetis imitari, si vultis eandem cum illo felicitatem consequi.

9. *Te in tabernaculis collocabo*) Ex posterioribus intelligenda sunt antecedentia. Ego te captiuum reddam: deinde reuocabo, et domum redueam tertium, vt fieri solet diebus festis.

CAP. XIII. v. 2. *Qui hominem immolauerint*) Tantum tribuunt suis fictis vitulis, vt ad eorum oscula eos demum admittant, qui suos filios immolant.

13. *In angustia natorum*) In dolore, qualis est parientis, quum fetus est in vteri faucibus.

CAP.

CAP. XIII. v. 3. *Accipe bonum*) Bonas gratasque victimas : hoc est, gratiarum actionem : quam tibi nos pro tauris libabimus.

\*\*\*\*\*

## I O E L.

### IN TOTVM IOELEM ARGVMENTVM.

*Ad seniores vates, eiulatum petens, calamitates ubique, ubique eiulatus, locusta. Populi scelera, consolatio post arumnas. In hostes populi adflicti Iona. Ex Sione veritas. Electorum aeterna beatitas.*

## A D N O T A T I O.

CAP. I. v. 6. *Potens et innumerabilis gens*) Gentem vocat locustas : v. Prouerb. 30. fornicarum et cuniculorum populi vocantur. Hoc pacto loquitur et de apibus Maro Georg. 4.

Magnanimosque duces, totiusque ex ordine gentis  
Mores et studia, et populos, et proelia dicam.

\*\*\*\*\*

## A M O S V S.

### IN TOTVM AMOSVM ARGVMENTVM.

*Amosus pecuarius. Damascenorum peccata, Gazaorum, Tyrriorum, Idumaorum, Ammonitarum. Incendendi Rabba muri. In Iudaos. In Israelitas. Basanica bucula in Samaria monte. Impiorum pertinacia. Quarendus Iona. Plangor et eiulatus ubique. Locusta a Iona ficta. Ad Amosum Iona cum regula. Aestiuu corbis. In Iacobeos Iona. Diuina omnipotentia.*

## A D N O T A T A.

CAP. III. v. 12. *Compone te in occursum Dei tui*) Postquam poenis non sis melior, videris cum Deo certare velle. Vide igitur, vt te ad congregandum pares cum eo qui est, cet.

CAP. V. v. 25. *Num mihi victimas*) Quod vos annis quadraginta defendi, non id feci propter vestra sacrificia, quippe quum nulla adhuc faceretis : ne forte putetis nunc profutura, quae tum non profuerunt.

CAP. VI. v. 3. *A se triste tempus amouens*) Voluptati indulgent, et iniusti sunt.

12. *Num per rupes*) Tam absurde facitis, quam si quis rupes bubus aret, cet.

\*\*\*\*\*

## A B D I A S.

### IN TOTVM ABDIAM ARGVMENTVM.

*Ad Idumaam vates. In eius procures ac sapientes. In omnes gentes Iona ira. In Sione Salus. Iacobei consolandi. In Esaias discrimen et arumna. Iona regnum in Sione.*

ADNO-



## ADNOTATIO.

CAP. I. v. 16. *Vt enim potaueritis in meo sacro monte, cet.)* Vt vos extranei, deleta Hierosolyma, letati fueritis, et in Sione præ lætitia conuiuati: ita gentes vicissim potabuntur, hoc est, delebuntur: ita vt de eis, sicut de Hierosolyma, potari possit: et ita absorbeantur, vt ne vestigium quidem supersit, nequillus earum euadet. At ex Sione erunt, qui euadant. Significat autem se reliquas gentes ob ipsarum peccata deleturum: sed Israelitas duntaxat puniturum, non etiam deleturum: quam sententiam in Amosi 9. declaratum inuenies. Legitur autem hic ad verbum, Potabunt cunctas gentes: quod est per passium interpretandum, vt sæpe accidit: qualia sunt illa Christi: Numquid accendunt lucernam, cet. pro, Numquid accenditur lucerna? et, Non ponunt vinum nouum in veteribus vtribus: pro, non ponitur.

\*\*\*\*\*

## I O N A S.

## IN TOTVM IONAM ARGVMENTVM.

*Ad Ionam Deus. Ad Niniuen vates missus. In Ciliciam fugiens. Tempestas. Iona somnus, proiectio. Nautarum vota. In pisce vatis mora, ad Ionam precatio. Reiectus vates a pisce. Concio ad Niniuitas. Horum dolor. Incensus Iona vates. Cucurbitula, vermis. In vatem Deus pro Niniue.*

\*\*\*\*\*

## M I C H A Æ A S.

## IN TOTVM MICHAËAM ARGVMENTVM.

*Samaria ac Hierosolyma fata per Michæam lata. Iacobeorum Samaria peccatum. In eandem ruina prædicta. In auaros, agrum nostrum, et populi principes. Ex Sione lex Dei. Captiuitas Hebraorum futura Babilone, liberatio, gaudia insequentia. Bethleheme vaticinium de venturo Duce. Ad Israelitas Deus clementissimus, de collatis beneficiis in ingratos.*

## ADNOTATA.

CAP. II. v. 4. *Perditi sumus*) Periiimus, (inquit populus, aut quis ex populo,) Deus aufert nobis, qui populus sumus, agrum nostrum, et possessiones; quas non modo non reddit nobis, verum etiam eas hostibus diuidit, tamquam a nobis alienatas, ne forte speremus, nos esse recuperaturos. Itaque non habebitis, (inquit vates populo,) qui vobis terram sorte diuidat in Israelitarum ciuitate, vt olim diuisit Iosua: hoc est, perdetis vestram patriam. Dicetis, hoc oraculum esse triste, quo vobis calamitatem prænuntiet: aut non esse vaticinandum: aut non ita vaticinandum, vt vobis tristitia minemur, et probrosa. Quid ergo? vultis, vt vobis læta nuntiet? Non possum, nisi mentiri velim: Nam Deus tristitia minatur: nec ideo minatur, quasi læta et fausta promittere ac præstare vel nequeat, vel nolit. Cur enim minus possit vobis esse bonus, quam Iacobo, a quo genus ducitis?

tis? Nec enim est contractus aut debilitatus eius spiritus, ut vobis conferre non possit, quod potuit illi: neque rursus mutata est eius bonitas, ut nunc nolit, quod tunc voluit, atque ita et debilis sit, et inconstans. Quid igitur obstat, inquietis, quo minus læta promittat? Ille vero læta promittit, sed probis, ut paullo post dicitur. Sed vobis quo minus læta promittat, facit improbitas vestra: qui quum antea eius populus fueritis, nunc facti estis eius hostes, (hoc enim significat, surgere in hostem: ut si dicas, fruticem surgere in arborem, hoc est, arborescere,) quippe qui viatores dispolietis, eis-que vestes honestas detrahatis, nihil tale metuentibus, sed a bello secure redeuntibus. Qui enim hostem euaserunt, nihil iam timent: at vos eis hostes estis. Nec solum foris tales estis, sed etiam domi in eum sexum, cui maxime parci oportebat: videlicet in mulieres, quas per vim ex suis caris domibus eiicitis, fenore et aliis iniquitatibus oppressas. Quin etiam earum natos spoliatis, et vestitu, quo erant a me donati atque ornati, priuatis: ita ut crudelitate ista oppressi, numquam possint ex miseria ac egestate emergere. Ista scelera, quibus polluta terra est, in causa sunt, ut ego vobis exsilium, diramque calamitatem denuntiem. Scio hæc vobis non placere, utpote qui læta postuletis. Itaque si quis ventosus et vanus homo esset, qui mentiretur, et vobis multum vini promitteret, huic quamvis mentienti crederetis potius quam vera dicenti: hoc solo nomine, quod læta prædiceret. Ego quoque bona prædicam, sed bonis futura. Memineritis enim, quod supra dixi, mea dicta bona esse recte gradientibus: ne forte improbi sperent, hanc, quam iam dicturus sum, felicitatem. Prædicam autem non de vino, sed de re omnium maxima, quæ est huiusmodi. Postquam vos in exsilium, (ut supra minatus sum,) relegauero, inde vos reducam, qui supereritis: et tamquam generosas oves Hierosolymis, quasi in caula, colloca-bo, tanto numero, ut vix possit eius iniuri ratio, præ hominum multitudinem. Dux autem vester erit Messias, rex vester, qui irrumperet, hostesque vincet: atque ita viam vobis ad beatum regnum patefaciet, ibi deinceps libere futuris, p[ro]vide Messia rege, et capite vestro, in quo capite erit Ioua ip[su]s pater: quoniam et in filio pater, et in patre filius est. Atque hæc bonis probisque promitto.

CAP. III. v. 6. Nam malis quidem calamitatem, falsisque vatibus cæcitate[m] et oraculorum vacuitatem denuntio.

CAP. V. v. 1. *Iam impressionem facies in hostes, tu puella Sion, in quam nunc sit impressio.* Hoc est, Israelitæ (qui sunt Christiani) vincent Gogum et Magogum (de quibus vide Ezech. et Apocal.) qui nos Israelitas obsidebunt, a quibus Israelitis fuerit Israelitarum iudex Christus verberatus, et in crucem actus: quo tamen duce vincentur illi. Nascetur autem is Bethlehæmæ, sed erit eius ortus ab æternis temporibus. Hoc loco significat Michæas Messiam, quod ad humanitatem attinet, nasciturum Bethlehæmæ: quod ad diuinitatem autem, non esse nasciturum, quippe qui sit sempiternus.

3. *Itaque dedet eos* Causam reddit eius quod ante dictum est, de verberato Christo. Quoniam Christum, inquit, repudiauerint ac interfecerint Iudæi, deseret eos, donec mater Ecclesia, (sic enim vocatur et Apoc. 12.) Christum pariat: hoc est, donec Christus reliquis gentibus prædicetur. Atque ita peracto gentium tempore, reliqui Christi fratres, hoc est Iudæi, redeant ad Israelitas, hoc est, ad Christianos, qui veri sunt Israelitæ, hoc est, fiant Christiani: id quod fiet, quum Christus creuerit ad extrema terrarum: hoc est, quum fuerit Christi disciplina toto orbe publicata. Est autem eadem sen-  
ten-

tentia Lucæ 21. his verbis: Conculcabitur autem Hierosolymia a gentibus, donec compleantur tempora gentium: quod idein docet et Paulus ad Rom. 11.

5. *Erit autem is*) videlicet Messias, pax: hoc est, tuebitur nos, si nos hostis inuaserit. Vocat enim Assyrium, quemuis hostem: ut est illud Maronis: Alter erit tum Typhis, et altera, quæ vehat Argo. Delectos heroas.

\*\*\*\*\*

## NAHVMS.

### IN TOTVM NAHVMVM ARGVMENTVM.

*Iouanum ingenium ex amulatione, ultione, ira, misericordia, potentia. Imminens internecio. Contra simulacra. Iudææ pax. Pro Iudeis Deus. Vrbs sanguinaria. Calamitates illi imminentes. Niniuis ruina.*

## A D N O T A T A.

CAP. II. v. 5. *Recordatur suorum nobilium*) Niniuz rex, audito hostium aduentu, iubet nobilibus suis, ut properent in muros, ad propugnandum: quod quamuis velocissime faciant, tamen offendunt iam paratas ab hoste machinas, et vrbs statim capitur, hostibus per fluminum ostia ingressis.

CAP. III. v. 14. *Vade per lutum*) Abibis in exilium, et ibi seruius in sigulina.

16. *Explicabunt se bruchi*) Abibunt tui, ut solent auolare bruchi.

\*\*\*\*\*

## HABACVCVS.

### IN TOTVM HABACVCVM ARGVMENTVM.

*Ad Iouam Habacucus de flagitiis mortalium impunitis. Chaldaei formidabiles. Ad patrem Deus. Vrbs constructa sanguine. Contra idololatriam vatis precatio ad Iouam.*

## A D N O T A T A.

CAP. I. v. 7. *Orto ex ipsa eius iure*) Ea sibi vindicauit imperium, nec ex alterius auctoritate pendet.

9. *Faciem habentes*) Omnia aduentu suo peturentes.

12. *Eum ad puniendum fundasti*) Ideo tanta potentia Assyrium fulxisti, ut eum gloriose perdas.

CAP. II. v. 6. *Contra teipsum magnam, cet.*) Quæ congeris, non magis tibi proderunt quam canum, quinimmo nocebunt.

11. *Lapis ex pariete occurrat*) Excitabit Deum, ad sumendum de te supplicium iniuriæ: quam tu facis iis, quibus sua extorques, ad construenda tua ædificia.

16. *Vomitur infamis*) Cogere turpiter vomere, ac amittere quæ rapuisti: dabisque pœnas crudelitatis, qua vsus es in Libanum, hoc est, in Israelitas: et homines quos terruisti, tibi erunt perniciosi: hoc est, propter eos dabis pœnas. Vocat homines, belluas: ut persitet in translatione: quoniam Israelitarum patriam vocant: at Libanum, Libaniam crudelitatem dicens.

## SOPHONIAS.

## IN TOTVM SOPHONIAM ARGVMENTVM.

*Terra tota vastanda, cuncta animantes contra Iacobeos. In idolorum cultores. Gaza deserta futura. Contra Palestinam Deus, Moabitas, ammonitas. Perdendi populi, et purgandum hominum genus. Israelice iusti futuri. Consolatio pro Sione.*

\*\*\*\*\*

## HAGGAEVS.

## IN TOTVM HAGGAEVM ARGVMENTVM.

*Ad Iudaeae praetorem Haggaeus. Pro Dei fano restituendo vates. Rursus ad Zorobabelem Haggaeus. Fanum illustrandum, celebrandum.*

\*\*\*\*\*

## ZACHARIAS.

## IN ZACHARIAM ARGVMENTVM.

*Vatis aetas Dario regnante. Ad frugem bonam gentes inflammatae. Homo visus cum amissi. Dimensa Hierosolyma. Ad Satanem Ioua. Ad Zachariam angelus. Candelabri aurei visum. Volumen volans. Ephe exiens visa. Quadriga quatuor. Quae sint Iouae grata opera. Mons Iouanus Sion. Minax oraculum in Hadraci terram. In Tyrum, in Palaestinos. Hierosolyma confirmanda, illustranda. Argentei triginta ad sigulum proiecti. Pastor improbus excitandus a Deo. Contra Israelitas. Hi rursus confirmandi, ornandi. Simulacra perdenda ubique. Cedendus pastor Iouanus. Hierosolyma ruina miseranda, pro eadem in hostes ultio. Hierosolyma frequentanda per gentes omnes.*

## ADNOTATA.

CAP. XI. v. 17. *Hen pastorem stultum*) חֵן נָאִיִּל videtur legendum, vt paullo ante, non חֵן נָאִיִּל.

CAP. XIII. v. 5. *Comitantibus eum sanctis*) In hebræo est, Comitantibus te. Sed melius legisse videtur vetus.

6. *Non erit cara dies aut concretio*) Nulla erit diei noctisque vicissitudo, quæ efficit, vt dies post noctem sit carior.

7. *Vespertino tempore erit lux*) Hoc est, quum nunc vespera et nox est. Vide Sibyllæ lib. 2. ad finem prioris partis de bonorum præmiis.

18. *Illi vero clade adficiuntur*) Aegyptiis non vt ceteris minatur pluuiæ penuriam, quippe quæ præmi non possent: utpote Nilo, non pluuiæ vtentes.

MALA-

## MALACHIAS.

## IN MALACHIAM ARGVMENTVM.

*Dilectus Iacobus, inuisus Esau Ioue. Contra Idumaeos. Ad sacerdotes improbos. Boni sacerdotis munus, Ioue nuntius viam parans. Non mutabilis Ioue. Mortalium leuitas. Vates Elias mittendus ante magnum Ioue diem.*

## A D N O T A T I O.

CAP. II. v. 15. *Quod si vnus fecit* Abrahamus, qui vnus est parens vester, vt supra dictum est, duxit quidem peregrinam in matrimonium Hagarem Aegyptiam: sed id fecit instinctu Dei, nec ideo fuit in priorem vxorem perfidus.

\*\*\*\*\*

## ES'DRAE LIB. III.

## IN LIB. III. ESDRAE ARGVMENTVM.

*Esdrae vatis progenies. Populi Iouani facinora. Ioue erga Iudaeos beneficia. Esaias et Ieremias mittendi. Vatis cura et angor. Ad Esdram Vriel angelus. Mala mentis origo. Summae diei signa. Israelitarum seruitus. Vatis querela. Supplicii venturi signa. Beatitudinis ratio. Viuentibus gratia via patens. Exclamatio ad parentem primum. Seruandorum paucitas. Ad Iouam Esdrae precatio pro suis. Beati qui futuri. Ioua mundum inuisens. Perpauci seruandi. Ad Iouam Esdrae querela. Mulier Esdrae visa. Mulieris et Esdrae colloquium. Aquila visum in quiete. Orbis imperia. Ad aquilam leo. Visorum explicationes. In mari visa dormienti tempestas. Captiui Israelitae in Assyriam. Ex rubo vox ad Esdram. Mundi senectus. Ad populum vates. Esdrae dictata. Oracula minacia. In Babylonem, in Asiam, Aegyptum, Syriam. Defendendi a calamitatibus pii.*

## ADMONITIO AD LECTOREM DE III. LIBRO ESDRAE.

Hic liber latine tantum exstat, sed ea dictione, vt suspicer, primum ex hebreo graecum, deinde ex graeco latinum esse factum, aut certe graece primum, sed ab hebraizante scriptum, vt videmus in nouo Testamento fieri. Eum nos ex parum latino latiniorem, (ne quem hic sermonis dissimilitudo offenderet, et simul vt alicubi esset clarior,) fecimus, et cum ceteris vatibus, quippe vatem, coniunximus, vt omnes in vno corpore habeantur. Vocat autem auctor ipse hunc librum, secundum. Sed ne quid sit in eo citando molestiae, quoniam quartus dici solet, quartus sane vocetur.

## A D N O T A T A.

CAP. V. v. 41. *Sed si tu Domine iis adfuturus es* Si eos seruabis, qui tum erunt, quum veniet vltimi iudicii dies, non videris seruaturus eos, qui ante perierint.

CAP. VI. v. 48. *Ediditque aqua sturida*) In latino est, Muta : sed translatum videtur a *κωφόν*, quod et surdum et mutum et stupidum significat.

CAP. VIII. v. 4. *Hauri ergo, o anima mea*) Si pauci servandi sunt, ego in paucis non ero, quippe non iustus. Itaque mihi in hac vita discendum est : nam de futura actum est.

6. *Nisi mihi permittas*) Nisi tu nos bonos reddas, non potest hominum quisquam servari, quum sint omnes fontes.

44. *Ei adsimilaris*) Comparas te cum homine agricola, qui homines servas, sicut agricola semen.

46. *Alia in praesentia agenda sunt*) Miserebor quidem, ut tu postulas, sed nondum tempus est. Et suo quidque tempore agendum est.

CAP. VIII. v. 20. *Tunc enim quisque*) Videtur hoc velle dicere, Tunc omnia parebant : ut sit masculinum pro neutro, ab hebræo Chol.

CAP. XI. v. 4. *Quod tamen cum eis quiescebat*). Legitur, Sed et ipsa. Qui error ex eo videtur manare, quod in græco sermone caput est feminini generis, *κεφαλή*.

CAP. XVI. v. 50. *Quomodo animata est*) Sic in latino legitur, Zelatur fornicaria mulierem idoneam. Sed videtur legendum, Zelatur fornicariam mulier idonea : ut vitium quod sese exornat, comparetur cum meretrice fucata. Aut si vera est lectio, fefellit interpretem vel græcum vel latinum hebræus sermo, in quo nullum est casuum discrimen.

\*\*\*\*\*

## MACHABAEORVM LIBER I. IN I. LIB. MACHABAEORVM ARGVMENTVM.

*Magnus Alexander. Antiochus Hierosolymæ vastator. Mattathia pietas constans obitusque. Iudas Apollonium necans. Casæ Gorgianæ copiae. Profligatus Lysias. Iudas contra finitimos. Antiochi exercitus pulsus. Ducis obitus. Demetrius rex. Alcinius proditor. Fœdus Iudææ ac Romanorum. Contra Hierosolymam Demetrius. Iudææ mors. Ptolemæus in Alexandrum perfidus. Liberata Iudæa. Ionathanis et Romanorum fœdus. Antiochus a Triphone interfectus. Demetrius Persarum captivus. Cendebeus a Simonis filiis pulsus. A Ptolemæo Simon interfectus.*

\*\*\*\*\*

## MACHABAEORVM LIB. II. IN II. LIB. MACHABAEORVM ARGVMENTVM.

*Iudæorum ad populares epistola. Antiochi letum. Ignis putei. Ionathan ad totam pro Iudæis. Hierosolymitanorum a Ieremia institutiones. Occultatum a Ieremia tabernaculum. Hierosolymitana pecunia Apollonio indicata. Heliodorus a pecunia repulsus. In Oniam crimina. Pontifex Iason improbus. Menelai pontificis artes. Onias interfectus. Andronici finis. Iasonis sæuitia. Hierosolymæ sanique vastatio. Antiochus*

tiachus in Iudæos crudelis. Eleazari pietas, et supplicium. Matris et filiorum septem ob pietatem supplicia. In Iudæos Nicanoris expeditio. Iudæorum in Nicanorianos victoria. Antiochi tormina. Antiochus ad Iudæos blandus. Urbis Hierosolymæ restauratio. Machabeus a Iona defensus. Timothei fugientis mors. In Iudæos Lysias. Equitis prodigium. Lysias legati ad Iudæos de pace. Romanorum legati ad Iudæos de pace. Iudæorum submersio. Ioppitarum classis incensa. Visti Arabes a Iuda. Iuda cum Gorgia duellum. Menelai supplicium. In Antiochi copias Iudas. Accusatus ab Acimo Iudas. Nicanoris et Iudæorum pax. Iudæi somnium. Iuda et Nicanoris congressus. Nicanoris nex.



## IN NOVVM TESTAMENTVM.

Sciendum est, ita novum fœdus græce scriptum esse, ut hebraica sit æstio: quo fit, ut pleraque, quæ in hebræo sermone essent facillima, eadem in græco iis, qui hebræo non didicerint, non solum sint obscura, sed etiam aliud interdum, quam quod vult auctor, significare videantur. Hinc fit, ut multis verbis exponenda sint pleræque sententia, ad quas (si lasino more latine dicrentur,) nulla opus esset interpretatio. Adde, quod ut quæque gens suis moribus, sic quæque lingua sua delectatur loquendi consuetudine: peregrinitatis insolentiam refugit. Hæc due causæ mihi et circa perspicuitatem et circa latinitatem elaborandi, satis magna visæ sunt, quamobrem hoc opus sic conuerterem, ut hebraïsmos euirarem.

## EVANGELIVM AVCTORE MATTHÆO. ARGVMENTVM COSMAE INDICOPOLITAE.

Veniamus iam etiam ad Evangelistas ac Apostolos, monstremusque etiam ipsos concordantes cum veteribus scripturis, tantum duos istos statum vitasque a Deo ordinatas monstrare: præsertim istam, in qua nunc agimus, et illam futuram, in quam omnes Christiani perpetuo respiciunt. Monstrabimus igitur compendio summam etiam primi Evangelistarum Matthæi, qui et ipse de iisdem rebus disserit. Primus sane omnium Evangelium conscripsit: Dicitur autem Evangelium rerum bonarum salutariumque nuntium. Hic igitur Evangelista, quum esset Hierosolymæ persecutio tempore lapidati Stephani, quum et ipse vellet ex urbe discedere, petiissentque quidam fideles sibi ab eo doctrinam conscriptam de Christo tradi, consensit eis conscribere conversationem Christi in carne, ut haberent propositam imaginem sanctæ celestisque vitæ, et diuinæ conversationis. Hunc igitur scopum sibi proponens incipit suum opus hoc modo: Liber generationis Iesu Christi, filii David, filii Abraham.

Hoc volens dicere: Ad vos, o fideles, verba faciemus, de admirabili generatione et optima conversatione celestique vitæ et nouo viuendi genere vobis hunc librum edo. Quandoquidem enim Dominus promissiones tra-

didit Davidi et Abrahamo, fore ut per semen ipsorum omnes gentes benedicerentur, illudque ipsum eorum semen regnaturum in perpetuum, ego iam illius ipsius eorum seminis, per quod Deus mundum benedixit, et reslaurat, cuique regnum aeternum largitur, generationem natiuitatemque vobis expono.

Is igitur est et dux illius venturae vitae, et nouo est modo conceptus et natus, et in omni iustitia et sanctitate inculpate versatus. Sicut enim protoplastus Adamus, ex terra nondum ab homine culta aut seminata, diuina potentiaeductus est, sic etiam hic secunda vitae dux ex hominibus, et (ut ita dicamus,) ex virgine terra, mirabiliter sine Viro, efficacia Spiritus sancti eductus est: Et rursus sicut tunc mulier ex viroeducta est, ita nunc vicissim vir ex muliere. Et porro sicut ille victus a diabolo mortem humano generi introduxit, ita hic rursus vincens Satanam, mortem ex humano genere aboleuit, et contra immortalitatem et vitam numquam finiendam nobis adquisiuit.

Haec atque similia quum sibi proposuisset dicere beatus Matthaeus, composuit hoc suum scriptum, quomodo facta sit admiranda conceptio de Spiritu sancto, et quod progressus aetate, inculpate versatus sit tum in legali vitae genere, tum in Evangelica doctrina, et quod omnem omnino iustitiam impleverit. Quum etiam esset traditus tentatori, victor exiit, permanens semper inuictus, hostem humani generis extra fossam proiecit.

Postea etiam a Iudaeis captus et iniuste ad mortem traditus suscepit et illam volens, ut iuste nostrum chirographum debitorum conscindens cruci adfigeret, et mortem pro omnibus debitam, tamquam hostiam rationalem dependeret, seipsum inculpatum Deo offerens. Deinceps triduanus mortuus resurrexit, omnibus ostendit mortis dissolutionem, omnibusque certum gaudium nuntians, in posterum sublata mortis potentia.

Facit denique Matthaeus mentionem etiam adscensionis reditusque Christi in caelum, non quidem in fine sui operis, sed in prioribus, nempe quum de Ioanne Baptista ita inquit. In illis autem diebus adfuit Ioannes Baptista praedicans in deserto, ac dicens, poenitentiam agite, appropinquat enim regnum caelorum: Ac si diceret, domus caelestis iam vobis parata est, quandoquidem aduenit Christus, ut eam nobis demonstret.

Quin etiam in enumeratione beatitudinum et alibi in hoc opere mentionem facit regni caelorum, praesertim quum disputat cum Phariseis et Sadduceis de resurrectione, dicens hoc modo: In resurrectione neque ducunt, neque nubunt, sed sunt sicut angeli Dei in caelis.

Hic igitur est scopus operis beati Matthaei Euangelista, qui quidem non veteris, sed noui Testamenti praeco est. Conscripsit enim nobis, quando, et quomodo sit natus secunda illius vitae statusque princeps, nempe Dominus Iesus Christus, quomodo item in hac vita versatus, et tandem quomodo mortuus, resuscitatus, et in caelum redierit. Vbi etiam est conversatio primi illius beatissimique status. Gloria vero sit Deo soli, qui hac nobis inde ab initio praeparauit et praeadnuntiavit, quique etiam implevit et tandem perfectissime implebit, amen.

ADNO-



## ADNOTATA.

CAP. I. v. 1. *Enumeratio generis*) Hoc prima fronte non nemo iudicabit insolens : clamabit malle se, *Liber generationis* ; quippe adfuetus. Sed si quis latine doctus, hæc verba nunc primum legat, agnoscat ille quidem verba latina, sed ex quibus rem aut non intelliget, aut perperam intelliget. Nam his verbis hæc suberit sententia : In hoc libro scribitur, quomodo generatus sit Iesus : quæ non est Matthæi sententia. Deinde si vis significancem et perspicuam esse orationem, Liber non declarat enumerationem, siue nomenclaturam aut librarium, quod Hebræi vocant **ספר**, id quod interpretans hic auctor, vocat **βιβλον** ; neque generatio est maiorum series et genus, sed latinis est gignendi actio, quam **γενέσεως** verbo non significat Matthæus : declarat enim eam quam Græci **γενεαλογία** adpellant. Vides hic non parum interesse, quibus quamuis totidem verbis quamque rem dicas. Item quod mox sequitur, **υἱὸς δαβὶδ**, filium vertunt Davidis. At verbum **ἱδ**, unde id dictum est, commune est et natum et prognatorum : sicuti sæpe significant Hebræi simplici vno verbo, quod nos multis compositis : ex quo fit, vt in vertendo habenda sit sententiæ ratio. Item filius latine dici non solet pro eo, qui per multos generis gradus ab aliquo ortus est. Item quod toties reperitur **δὲ** et **ἐγγίνησε**, hebraicæ consuetudinis est ; quam nobis, (quum ea nihil ad rem faciat,) in latino sermone retinere non est necesse. Item illud, **ἐπὶ τῆς μετοικεσίας**, positum est pro **αἰχμαλωσίας** : vt sæpe fit in vetere testamento, ex **גלות**, quod exsilium est. Et illud, **πᾶσαι αἱ γενεαί**, pro **τὸ πᾶν**. Et **μνηστειθείτης γὰρ**, superuacuum est, **γὰρ** in latino sermone. Item illud, **υἱὸν, καὶ καλέσεις τὸ ὄνομα αὐτῆς**, pro **ἐ καλέσεις τὸ ὄνομα**. Item, **τὸν λαὸν αὐτῆς**, suos. Denique innumerales sint huiusmodi loci, quales hic aliquot breuiter perstrinxi : non vt idem deinceps vbique faciam, (nam id esset infinitum,) sed vt, quum tales passim deinceps occurrent, intelligatur, me, quod hic fecerim, idem illic potuisse, vt omnium rationem redderem : sed partim propter proficitatem noluisse, partim minus necessarium iudicasse.

19. *Nec in eam vellet exemplum edere*) Hoc est publice supplicium sumere, quod fieri lex iubebat in adulteras. Quod si cum ea clam diuortium fecisset, putaretur vitata cœlebs. Nam sponsalia, (quæ fieri solent intra priuatos parietes,) poterant celari. Ita vtisset Iosephus Mariæ non infamiam, (nam cœlibem comitaretur infamia stupri,) sed mortem. Malebat autem vir clemens, eam vitiatam cœlibem videri, quam vt adulteram capite plecti. De Esaïæ autem loco qui hic adducitur, vide quæ Esaïæ 7. et 9. scripsimus.

De nomine autem Iesu idem sentio, quod Andreas Osiander, (sic tamen, vt adfirmare nolim,) videlicet ductum esse a nomine Ioua, interposita littera sin. Qua de re ne mihi plura scribenda sint, vide Osiandri Adnotationes in Harmoniam Euangelicam. Sed cur in hoc nomine interponatur littera sin, quum multum diuque considerare, neque, cur hæc littera

hic interposita foret, viderem, quippe quum non sit seruilis, hoc est, eius litterarum generis, quæ solent in deductis aliunde verbis ad primigenia adhiberi: cepti cogitare, verbum hoc compositum esse oportere: tandemque Dei beneficio comperisse videor, quemadmodum Iesus et Deus et homo est, ita nomen eius ex Dei et hominis nomine esse constatum. Id

autem didici ex Exod. cap. 15, 3. vbi dicitur **יְהוָה אִישׁ מִלְחָמָה**. Ioua isch milchamah: hoc est, Ioua vir belli: vbi vir bellicosus dici videtur, quoniam de Christo sermo est, qui vir futurus erat. Est igitur Iesus nomen compositum ex **יְהוָה**, et **אִישׁ**, interposita littera **ש** ex nomine **שׂאן**: reliquis autem duabus reiectis, quippe quæ seruiles

sint, et addi adimque sepe soleant: vt sit **יְהוֹשֻׁעַ**, Iesus idem quod Ioua vir, siue homo (nam hominem etiam significat **אִישׁ**) vt intelligamus, Iesum esse non Iouam, (nam hoc de eius patre dicitur) sed Iouam hominem: hoc est, corporatum Iouam, hominemque factum: id quod videntur Exod. 3, 14. illa verba prædicere, Ero qui ero. Item, Ero misit me ad vos: quasi hoc diceret: Quidam, qui est ille quidem, sed nondum est quod erit: est enim Deus, sed futurus est etiam homo. Atque hoc est quod indicare videtur idem Iesus nondum homo factus, Iacobo, Gen. 32, 29. quum nomen suum exquirere vetat, quippe quod sit mirabile. Hoc enim de admirabilitate in græco et latino scriptum exstat, non sine causa, quamuis in hebræo desideretur. Sed idem etiam in hebræo est, Iud. 13, 18. Quid enim admirabilius est, quam eundem et Iouam et hominem esse? Quod autem in hoc nomine, quæ pars hominem significat, ea in medio verbo ponitur, quum id in aliis compositis fieri non soleat, in eo videtur arcana res latere. Significatur enim, ex Ioua factum hominem, et rursus ex homine factum Iouam: quemadmodum vides nomen **יְהוֹשֻׁעַ** a Iouæ nomine incipere, et in idem definire, interposito viri nomine. Et quoniam est hoc Iesu nomen Seruatoris nostri proprium, neque cum vilo mortalium commune, nos eos, qui græce Iesus vocantur, maluimus Iosuas adpellare. Nec enim **יְהוֹשֻׁעַ**, sed **יְהוֹשֻׁעַ** dicuntur.

CAP. II. v. 16. *Quotquot erant infra bimatum*) Ad verbum legitur, A bimatu et infra: qui hebraismus est, qualis 1 Reg. 20, 21. 22. legitur his verbis: Si puero dixero, Sagittæ sunt a te, et citra, cape eas, et veni, cet. Et mox: Sin ita adolefcenti dixero, Sagittæ sunt a te, et vltra, cet. vbi a te et citra nihil aliud est, quam citra te: et a te et vltra, quam vltra te. Item Leuit. 22, 27. Ab octauo die et vltra litabit: hoc est, quum octauum diem excefferit.

CAP. III. v. 1. *Ioannes Baptista*) Quod secundam syllabam in Ioannis nomine adspiro, hoc facio, quoniam in hebræo nomine adspiratur: quod ideo in græco non fit, quoniam non habent Græci adspirationem, nisi in verborum principiis, excepta littera **ף**. Idem puta de Gehenna, Abrahamo, et multis aliis, in quibus tamen per me suo quisque vtatur arbitrio: nam video hæc in sacris litteris passim mutari, vt Hierosolymæ prima syllaba in græco adspiraretur, in hebræo non item: quod contra fit in Anna.

CAP. IIII. v. 1. *Vt tentaretur a diabolo*) Diabolus calumniator et criminator

nator est. Nam *διαβάλλειν* non solum calumniari, sed etiam criminari uocat. Itaque in Apocal. 12, 10. vocatur *κατήγορος*, quod sanctos apud Deum dies et noctes accuset. Tentatorem autem quod uerbo, participium est *ὁ πειράζων*: sed participiis vtuntur Hebræi pro deducis a verbo nominibus: vt Marc. 6, 14. *Ἰωάννης ὁ βαπτίζων* dicitur, qui alias *βαπτιστής* adpellatur.

13. *Caphernaum profectus*) Quædam uerba græcis non adspirata latinis adspirantur: vt *Ἰωσήφ*, *Καλπέρνι*, quos Latini Iosephum et Calphurnium dicunt: et *τροπαιον*, trophæum. Huius generis sunt *Καπεναὺμ* et *Κλεόπας*, quæ uetus interpres recte Caphernaum et Cleopham dixit.

CAP. V. v. 11. *Vobis conuiciabuntur homines*) Quod apud Latinos fit in paucis uerbis, vt personalibus actiuis vtantur pro impersonalibus, aiunt, ferunt, perhibent, scilicet homines, pro: fertur, perhibetur: id fit apud Hebræos in quibuscumque uerbis, quæ quum actiua sint, interpretanda sunt per passiuia aut impersonalia, aut est aliquid addendum. Tale est quod paullo post hunc locum ponitur, *ἐδὲ καί σοι λύχνον*; quod si ad uerbum uertas, addendum erit, homines: Neque accendunt lucernam homines: aut per passiuum sic: Neque accenditur, aut accendi solet lucerna. Talis est et hæc locutio, *Vobis conuiciabuntur*: addendum est enim, homines, vt latinus sermo postulat, et uetus interpres recte addidit: aut passiuo utendum, *Vobis sient conuicia*.

19. *Minimus numerabitur*) Latine, Nullus dixeris, pro non dixeris, dicitur: ita hic, Minimus numerabitur, siue vocabitur, pro minime vocabitur, positum est. Vocari autem pro esse dicitur: vt quum dicit Esaias, Messiam uocatum, siue nominatum iri admirabilem consiliarium, Deum fortem, cet. significat, eum non solum dicendum esse, sed re ipsa fore. Itidem quum in Luca dicit angelus, Iesum uocatum iri Dei filium, non solum de nomine, sed etiam de re loquitur. Est igitur hæc sententia: Nullo loco habebitur, siue nullum locum habebit in regno caelesti. Nec longe aliter loquitur Cicero, quum dicit, Inter uiuos numerari, pro uiuum esse, in oratione pro Sexto Roscio.

20. *Nisi iustitia Scribis et Phariseis excellueritis*) Attende lector diligenter hanc sententiam, vt sequentes intelligas. Docet hoc loco Iesus, ubi sita sit uera uirtus et iustitia, uidelicet in parendo legi. Sed quid sit uere parere legi, ostendit. Vetabat lex occidere et adulterare, cet. Scribæ et Pharisei non occidebant, non adulterabant, itaque uidebantur esse iusti: quoniam legi parere, iustitia est. At Christus negat eos legi parere. Non est enim satis, re ipsa non occidere, nisi animum habeas ab homicidio alienum. Quum sit enim animus tanto corpore excellentior, vt ab animo nomenclentur homines, (siquidem *שׂוֹנִי* Hebræi pro homine dicunt, et Latini animas: quale est illud: Felices animæ, quibus hæc cognoscere primum, Inque domos superum scandere cura fuit) is uere homicida est, qui homicidam habet animum. Atqui, qui sine causa alteri irascitur, aut conuiciatur, huius animus est homicida. Nam qui sine causa et ratione

tione potest irasci, idem sine causa et maledicere, et pulsare, et occidere potest. Neque enim longius abest maledictum ab ira, aut pulsatio a maledicto, aut cædes a pulsatione, quam iniusta ira a ratione: vt qui rationem ira opprimat, idem facile ad conuicia cædemque impellatur. Nam vbi semel rationis limites transieris, nullus est peccandi modus. Dicit aliquis: At lex non tam seuera est, nec enim iram aut conuicium capite sanxit. Credo. Commisit enim supplicii irrogationem magistratibus, qui quum homines sint, facinora, non voluntatem, et illata damna, non cogitata puniunt: nec enim possunt hominum animos conuincere duorum aut trium hominum testimonio, sine quo quemquam punire non licet. Itaque vt sis tutus a magistratu, satis est hominem non occidere, etiamsi animus tuus sit homicida. Hac quidem ratione iusti sunt Pharisei. Quod si Christi regnum terrestre foret, non haberet, quod aliud doceret: sed quum sit id regnum cæleste, iudex erit cælestis, testimonia cælestia, cæleste iudicium, in quo nullus ignorantie locus erit. Ibi non solum corpus homicida, (vt sit apud homines, apud quos corporum regnum est,) sed etiam animus homicida punietur. Itaque si vis æternam vitare pœnam, non in speciem, sed vere et ex animo obediendum legi est, conscio et teste Deo, qui facinoris cupiditatem pro facinore habet atque punit. Hæc est Christi sententia, ex qua perspicuum sit, non cum hoc dicere, qui sine causa succenscat, debere a magistratu puniri: nam id fieri iuberet, quod fieri non posset. Sed hoc docet, cum qui sine causa irascitur, esse animo homicidam, et cælesti Christi cælitunque iudicio atque consensu damnatum iri, et æternas in ignis gehennæ pœnas daturum. Ac quòd hic de homicidio diximus, idem deinceps de adulterio et ceteris intellige. Quod autem dicit, *Fratri suo*: fratrem vocat, quemuis hominem: quoniam omnes ab eodem Adamo, generis humani parente prognati, fratres sumus. Et quamquam frater pro altero dici latine non solet apud veteres, tamen id nunc licere puto, et hoc in consuetudinem, vt et alia quædam, vocandum: ne dum in sermone sumus religiosiores, in re parum simus religiosi. Gehenna significat Hinnomi vallem, de qua Ieremias 7, 31. Ea ponitur pro æterno supplicio etiam apud Sibyllam, his verbis:

Suppliciumque,  
Ignis inextincti iussi perferre gehennæ.

22. *Raca*) quod nos balatronem vertimus, conuicii verbum est, a *πρ* deductum, quod proprie vacuum significat: et translatum ad alia, significat nequam. Græci eodem nomine vocant *ῥάκ*: Latini balatronem, nebulonem: Galli belitre, coquin, babovin.

25. *Componere cum aduersario tuo*) Quum ad cæleste regnum viam doceat Christus, et ante hunc locum locutus sit de offerendis Deo, non homini, muneribus: non hic suos instruit, quo pacto se debeant in humanis controuersiis gerere: sed docet, quod prudenter faciunt in humanis controuersiis, idem in diuino negotio faciendum. Quemadmodum maluit prudentes homines cum aduersario decidere, quam ad iudicem venire: quoniam aduersarius potest agere mitius, iudex autem est seuerissimus, et summo iure agit: ita præstat, si quem offendisti, aut si odio ab aliquo dislides, cum eo componere, et inimicitias mature, dum in huius vite cursu

curfu licet, deponere, quam in feuerum Dei iudicium incurrere, in quo fera futura fit pœnitentia : Quod autem imperatiuo vitur, fimilitudinem breuiorem facit et elegantiorē : qualis eft illa, Aut facite arborem bonam, et eius fructus bonos, cet. Nec enim iubet arborem fieri bonam : fed docet, vt arbor bona malum, aut mala bonum fructum ferre nequit, fic nec probum hominem improbe, nec improbum probe agere. Item illa : purga prius interiora poculi. Item : illa de accubando in inferiore parte menſæ in conuiuuiis. Nec aliter loquuntur Latini, quum dicunt : Noli irritare crabrones. Nec enim de crabronibus præcipiunt : fed perinde eft ac fi dicant, Vt crabrones irritare periculofum eft, ita hominem illum laceſſere, aut aliquid tale. Huius generis eft illud : Ne date rem ſacram canibus.

37. *Quod præter hac eſt, id a malo eſt*) Malum vocat diabolum : vt 1. Ioan. 3, 8. quum dixiſſet, Qui peccatum committit, a diabolo eſt : paullo poſt eius rei exemplum adducens, dicit : Non vt Cainus, qui quum a malo eſſet, fratrem ſuum occidit.

39. *Non eſſe reſiſtendum iniuriæ*) **על**, quod hic **πενηρὸν** vocat, apud Hebræos ſæpe ſignificat iniuriam, vt et apud Græcos **κακὸν**, vt adparet in verbo **μνησικακεῖν**, hoc eſt, iniuriæ memorem eſſe. Atque ita tranſſerre maluiſus, quam malum, ne quis eſſet ambiguitati locus. Nam malum eſt peſtis, malum fames, frigus, feræ, peccatum, et talia multa : quibus reſiſtere non vetat Ieſus, ſed iniuriis, quales commemorat. Quod ſi locum hunc voles intelligere, lege 1 Corinth. 13.

43. *Proximum tuum amato*) **על** modo proximum aut amicum, modo quemuis alium ſignificat. Itaque quum præcipitur vt ames **על**, ambiguus eſt apud Hebræos ſermo, vtrum amicum, an omnes, amare iubearis : quæ ambiguitas, ſi latine interpreteris Alterum, nulla eſt. Sed vt eſſet ambiguitati locus, hic nobis Proximum dicendum fuit, vt etiam Luc. 20. Igitur quum in Dei præcepto verbum id ſignificet alterum, hoc eſt, quemuis hominem : erant qui in altera notione acciperent, et ſe amicos amare iuberi interpretarentur : ex quo conſentaneum eſſe videbatur, odio contra habendos inimicos. Igitur magiſter hoc loco, vt errorem illum tollat, docet, eo præcepto iuberi vt amentur omnes, etiam inimici cuiusque : vt intelligatur illic **על** non amicum, ſed alterum ſignificare, quicumque ſit.

CAP. VI. v. 5. *Amant in collegiis eſſe*) **ἑσῶτες**. Verbum hoc non ſemper ſtare ſignificat, ſed aliquando eſſe, aut adēſſe : ſicut hebraice **מדע**, vt ponitur Matth. 16, 28. et Ioann. 12, 29. Atque ita ponitur Luc. 19, 8. **ἡ δὲ ζακχαῖος, εἶπε πρὸς τὸν κύριον** : nec enim ſignificat illic ſtatum corporis. Hoc pacto intelligendum eſt hic de Deum precantibus ſimulatoribus. Nec enim docet, quo corporis ſtatu precarentur : et credibile eſt, eos in genua potius, quam ſtantes orare, vt Act. 20, 36. Idem dico de verbo **καθίσθαι**, quod non ſemper ſedere, ſed aliquando manere eſt, vt Lucæ vltimo verſ. 49.

7. *Ne garrite vt extranei*) Hebræi, omnes non hebræos vocant gentes : hoc eſt extraneas gentes, ſiue alienigenas : Latini Græcique barbaros. Itaque

Itaque quæ **עַמִּי** **עֲדָמָה** dicuntur, latine duobus vocabulis dici possunt exteræ gentes : quale est illud, Vt sint hominibus conspiciui : hoc est, aliis hominibus. Inde **עֲדָמָה**, exteri aut barbari.

10. *Fiat voluntas tua*) Hoc est, Fiat, quod tu vis. Est enim apud Latinos quoque *ϣ*istatus hic loquendi modus. Itaque et Quintilianus, Facere voluntatem dixit : et Cicero, Conseruare voluntatem : hoc est, id facere, quod quis voluerit. Et idem Cicero, Chaldeorum promissa consequi : hoc est, res promissas, et propositum adsequi : hoc est, id quod tibi proposueris. Quale est illud Maronis : . . . Sua nunc promissa repositi. Sic sæpe **γραφαι** pro τὰ γεγραμμένα, et **ἐλπίς** pro τὸ ἐλπίζομενοι, et **ῥῆμα** siue **λόγος** pro τὸ λεγόμενον.

11. *Victum nostrum alimentarium*) **ἐπιβσίον**, alii **קָדָשׁ** apud Hebræos, hoc est, crastinum : alii **יָדָה**, hoc est continuum, legi testantur : quæ varietas indicare videtur, Hebræos uon ita in sua lingua legisse, (constaret enim sibi lectio,) sed ex græco alios aliter in hebræum transtulisse : vt adpareat, etiam apud eos, sicut et apud nos, de huius verbi notione dubitari : **ἐπιβσίος**, vt ab **ἐπιβση** ducatur, nec verbi ratio patitur, nec sententia. Nam nec huiusmodi nomina a femininis participiis deducuntur : et si victum crastinum hic petendum Christus doceret, pugnantia doceret, quum paullo post vetet, in crastinum esse sollicitos : **ἐπιβσίος** igitur dicitur **παρὰ τῆς βσίας**. Nec refert, quod non **ἐπιβσίος**, sicut **ἐπυράνιος** dicitur : nec enim semper amittit præpositio **ἐπὶ** vltimam litteram in compositione, vt videre licet in **ἐπιτορκος**, **ἐπίουρος**, et multis aliis. Est autem **βσία** in sacris litteris, idem quod τὰ ὑπάρχοντα, aut **βίος**, hoc est facultates, aut victus : vt adparet Lucæ 15, 13. Hinc **ἀρτος ἐπιβσίος** est, quod ad victum pertinet. Vetus interpres in Mattheo quotidianum interpretatus est, in Luca *super substantialiam*. Quod si *substantialiam* reddidisset ; (nam **ἐπὶ** non vbique in huiusmodi vocibus est super : est enim idem **ἐπυράνιος**, quod **εὔράνιος** : sicut latine *alpini*, idem est qui *alpini*,) parum latine ille quidem, sed et vere et plane sententiam reddidisset, siquidem substantiam interpretare non **ὁπώρασιν**, sed **βσίαν**, quod tum faciendum est, quum **βσία** facultates significat.

13. *Ne nos in tentationem inducitis*) **πειρασμὸς** aliquando periculum significat, vt Luc. 22, 40. et Timoth. 6, 9. aliquando tentationem, et ad malum sollicitationem, vt hoc loco, et alibi sæpe. Atque, in hac notione latine dici posse tentationem, deprehendet, qui hoc diligenter considerauerit : vt a Cicerone tentationes morborum dicuntur, quum morbus nos tentat et inuadit. Inde tentator dicitur diabolus, qui hoc loco Malus appellatur.

16. *Qui vultus suos deformant*) **ὁ** quod hic, vt paullo ante, est γὰρ sæpe relatiuum est ; **ἀφανίζεῖν** autem, quod deformare interpretor, signi-

significat aliquid ad nihilum redigere, et corrumpere, ita vt nusquam ad-  
pareat : vnde ἀφανίσαι, perire ; vt Actorum 13, 41. et euanescere,  
Iacob. 4, 14. Itaque ἀφανίζειν τὸ πρόσωπον, est *vultum squalore*  
*deformare* : quod gallice significanter exprimitur, quum dicitur aliquis  
habere le visage desséché, vultum infectum : hoc est, *squalidum, et ma-*  
*cie deformem.*

CAP.VIII. v. 12. *Quum interea regii*) In græco est, filii regni : vt et ca-  
pite nono, filii thalami, pro iis, qui nuptias agunt : de quo hebraismo  
vide quæ scripsimus in Genes. c. 49. in Iosepho. Nec dissimile est, quod  
Christus paulo post se vocat hominis filium, hoc est, hominem : nam  
eodem modo sæpe nominatur Ezechiel. Sed quia nominatim sic vocari  
solet Christus, et possent hoc loco offendi multi, nolui mutare.

CAP.VIII. v. 16. *Neque vero quisquam adhibet rudis panni pirtacium, cet.)*  
Si rudis et nondum detriti panni particulam veteri triteque adsuas,  
vt laceram vestis partem resarcias, ea particula, quam vesti addideris, erit  
rigidior quam vestis : itaque adsuta non diu hærebit : sed vsu agitata di-  
uelletur, et eam vestis partem auferet, cui per futuram adhærebit. Ita  
fiet, vt quam vis obstruere rupturam, eam imperitia reddas maiorem.  
Quod dicit autem τὸ πλήρωμα αὐτοῦ, nominatiui casus est τὸ πλήρω-  
μα, idem significans cum illo antè posito ἐπὶ ἔλεμα, vt sit vestimenti  
supplementum, particula adhibita ad id supplendum ac resarciendum, quod  
est vetustate consumitum. Vocat autem veterem vestem, tritam : sicut  
contra Lucæ quinto nouam vocat, non tritam, quomodo vulgo loquimur.  
De vtribus quod dicit, loquitur ad Syriæ consuetudinem, vbi vinum con-  
ditur in vtres. Nam in nostris sinibus vinum nouum in vetera dolia con-  
di, nec absurdum est, et vulgo fit. His autem duabus de veste et vino si-  
militudinibus significat, quod ante docuerat de nuptias agentibus : scilicet  
tam ineptum esse, discipulos ipso adhuc præsentē ieiunare, (quæ tristitia  
res est, quum magis letari debeant,) quam si quis ita vestem resarciat, vt  
dicit, aut vinum nouum in veteres vtres recondat. Quemadmodum pro-  
verbio dicimus, in lente vnguentum : quo rem significamus absurdam.

27. *Miserere nostri, Dauidide*) Scio durum visum iri hoc patronymicum.  
Sed certe eo proprie exprimitur, qui hebraico more dicitur Dauide natus.  
Qua de re vide, quæ scripsimus principio animaduersionum in Psalmos.  
Neque tamen mihi interdictum puto, quo minus modo Dauididem, mo-  
do Dauide prognatum aut ortum, aut Dauidis filium interpreter. In ver-  
bis enim debemus esse faciles, dum res ipsa intelligatur. Et quidem sta-  
tim initio Matthæi, Iesum Dauididem et Abrahamidem vocasse, nisi me-  
tuissē, ne vocabulorum nouitas lectorem in ipso statim limine offenderet.

38. *Vt operarios emittas in messem suam*) ἐκβάλλειν non semper eiicere  
aut extrudere significat, sed etiam emittere, aut depromere : vt Ioan. 10, 4.  
ὅταν τὰ ἰδια πρόβατα ἐκβάλῃ : et Matth. 12, 5. ἐκ τῷ ἀγαθῷ θη-  
σαυρῆς τῆς καρδίας ἐκβάλῃς τὰ ἀγαθὰ. Nec enim vel ille oves  
ex caula, vel hic bona ex cordis sui repositorio extrudit, sed emittit atque  
promit : hoc est, προφέρει, vt est apud Lucam.

CAP.X. v. 5. *Dimisit Iesus, eis ita præcipiens*) Et hoc bene ab antiquo  
inter-

interprete versum erat : nec refert, quod παραγγέλλας präteriti temporis est. Nam huiusmodi präterita sæpe per præsentia reddenda sunt : quale est illud, ἀποκριθεὶς ἔειπεν, respondens dixit, aut respondit, et dixit : nec enim prius respondit, quam dixit : quin ea responsio, ipsa dictio est : ut sit ἀποκριθεὶς pro ἀποκρινόμενος. Similiter quod hic dicitur ἀπέστειλεν παραγγέλλας, idem est quod ἀπέστειλεν παραγγέλλον, dimisit præcipiens, aut dimisit et præcepit. Nam ea missio, ipsa præceptio est, quum iubet eos ire ad perditas oues Israeliticas. Iisdem enim verbis et mittit et præcipit. Hoc moneo, ne quis miretur, non semper verbi tempus respondere. Sæpe enim tempus pro tempore ponitur : ut ἐρχεται et ἐρχόμενος, pro venturus est : et, ὁ μαθητὴς ἐκείνος ἔκ ἀποθήσκει, Discipulus ille non est moriturus : et alia innumera : qualia sunt etiam illa apud Latinos : Tityre, dum redeo : id est, donec redeam : et, Quid agimus ? pro, quid agemus ? Item, Non cæno domi : pro, non sum cœnaturus. Quod idem moneo etiam de propria verborum significatione, scilicet forte minus proprie reddere videmur : ut quum ἐκείνος pro αὐτός, et ὅτι pro γάρ ponuntur, et alia huiusmodi multa.

5. *Neue in ullam Samaritanorum urbem) εἰς πόλιν μὴ εἰσέλθῃτε* pro *εἰς μηδεμίαν πόλιν εἰσέλθῃτε*, hebraismus est : qualis et ille Ioan. 19, 36. ὅς ἐν ἐμῇ συντριβήσεται ἅπα ὁ αὐτοῦ, Nullum eius os confringetis. Eodem modo loquuntur Galli, Il n'y a ame, non est anima : pro, nulla est anima, hoc est homo. N'entrez en ville de Samarie : pro, en aucune ville.

12. *Saluent hac domus) εὐλόω*, quod hic εἰρήνη dicitur, verbum est salutantis, quod etiamnum retinent Turcæ. Salutantes enim dicunt Schallama lech, quod est לך שלום, pax tibi, hoc est salve. Et sane pacis et salutis vocabula cognatæ sunt significationis. Nam et qui in pace est, saluus est : et qui saluus non est, pace caret. Nec enim bellum voco id solum, quod vulgo hoc nomine notum est : sed qui ægrotat, dolet, efusurrit, huic cum inorbo, dolore, fame bellum est : neque potest, (quamvis absint homines,) dici pace frui, cui cum tam molestis hostibus consistendum sit. Itaque apud Liuium sæpe pacem deum exposcere dicuntur, qui a diis salutem, et omnium rerum prosperitatem postulant. Sed in salutationibus saluere, et salus, aptiora et aptiora verba sunt, deducto inde etiam salutandi verbo. Itaque Gabriel Mariam salutans, quod est hebraice Pax tibi, dixit Χαῖρε, hoc est salve, aut aue. Quod autem dicit, *Siquidem erit digna domus, eueniat ei vestra salus* : imperatiuo vititur pro futuro, in hanc sententiam, Si salute digni erunt, eueniet eis vestra salus, hoc est felicitas, quam eis optabitis salutando. Sin minus, non magis eis proderit vestra salutatio, quam si non salutauissetis.

39. *Animam suam qui inuenerit, perdet) ἐροῖσκειν* et reperire et parere, siue querere ac comparare est. Sed neque hic parere aut comparare animam suam recte dici potest, (dicendum enim esset, seruare animam suam, aut vitæ suæ consulere,) et propter perdendi verbum, fuit vitendum verbo, quod



quod contrariè notionis esset. Gallice pulchre exprimi potest hoc, ver-  
bis gagner et perdre.

41. *Qui vatem nomine vatis accipit*) Idem quod ante dixit: Qui missum accipit, tantum meretur, quantum si mittentem acciperet. Qui vatem aliquem nomine vatis alterius, hoc est, quoniam a vate missus est, accipit, is mercedem vatis adipiscitur: hoc est, idem præmium habebit, quod haberet, si vatem illum, a quo is missus est, accepisset. Verbi gratia, Qui Eliseum vatem nomine Elize vatis accipit, eandem habebit mercedem, quam si ipsum Eliam accepisset. Dicit autem mercedem vatis breuius, et ideo obscurius, pro mercedem ob acceptum vatem. Sicut cap. 12, 31. est, *ἑλασφημία πνεύματος*, pro, *κατὰ τὸ πνεύματος*.

CAP. XI. v. 6. *Felix est, qui in me non offenderit*) *σκανδαλίζεσθαι* aliquando lædi est: vt ad Romanos 14, 21. *ὁ ἀδελφός σου προσκόπτει ἢ σκανδαλίζεται*: est enim illic idem fere *προσκόπτειν* et *σκανδαλίζεσθαι*, hoc est, lædi, et detrimentum accipere, quod Latini offendere dicunt. Est igitur hæc Iesu sententia: Ego sum lapis, in quem offenditur: Beatus est, qui ita se gerit, vt ego ei sim vtilis, non detrimentosus.

16. *Perinde est, ac quum manentes in foris pueri*) *ὁμοία ἐστὶ παιδαρίοις*, similis est pueris, scilicet clamantibus. Atqui non erat clamantibus pueris similis Iudæa natio, sed audire nolentibus. Christus autem et Ioannes Baptista erant clamantibus pueris similes. Itaque sic intelligendus, et sic interpretandus est hic locus, vt intelligamus similiter accidere in Iudæis, atque accidit in eo, quod pueri vulgari cantilena cantant: hoc est, Iudæos nec facilitate Christi, nec seueritate Baptiste moueri, quemadmodum canunt illi pueri, suos æquales nec læto carmine ad saltandum, nec nenia ad plangendum excitari. Idem dico de multis aliis locis, vt quum Matth. 13, 24. dicitur, cæleste regnum simile esse homini serenti. Non enim satori simile est, sed sationi. Itaque tota res, non vnum verbum, confertur.

19. *Estque suis aliena sapientia*) Epiphonema, et ante dictorum conclusio. Israëlitz, ad quos proprie pertinebat Euangelium, id repudiant. Eamdem sententiam posuit supra, quum dixit, regios in imas detrudendos tenebras: regios vocans Iudæos, quorum erat regnum: *δεδικαίωται* autem significat liberum esse, et nihil rei habere cum aliquo: vt ad Roman. 6, 7. *ὁ γὰρ ἀποθανὼν δεδικαίωται ἀπὸ τῆς ἀμαρτίας*, Qui mortuus est, absolutus est a peccato; quod ante vers. 6. dixerat, *ἵνα καταργηθῇ τὸ σῶμα τῆς ἀμαρτίας*, τὸ μηκέτι δελεύειν ἡμᾶς τῇ ἀμαρτίᾳ, Vt aboleatur peccati corpus, ne amplius peccato seruiatis; vt idem sit *δεδικαίωται ἀπὸ τῆς ἀμαρτίας*, et *ἐκ ἔτι δελεύει τῇ ἀμαρτίᾳ*, et κατήργηται αὐτῷ ἡ ἀμαρτία, aut κατήργηται ἀπὸ τῆς ἀμαρτίας: sicut ad Rom. 7, 3. de vxore, *ἐὰν δὲ ἀποθάνῃ ὁ ἀνὴρ, κατήργηται ἀπὸ τῶ νόμου τῷ ἀνδρός*: hoc est, *δεδικαίωται*, si mortuus vir fuerit, ea liberata est a lege viri; hoc est, *ὁ νόμος τῷ ἀνδρός ἐστὶ αὐτῇ*

αὐτῇ ἀργός, Viri lex est ei otiosa, nihilque ad eam pertinet. Igitur ἡ σοφία δεικαίνωται, hoc est, κατήρηται, ἀπὸ τῶν τέκνων αὐτῆς, hoc est, αὐτοῖς ἐστὶν ἀργός, nihil ad eos pertinet, ab eis repudiatur, tamquam aliena. Quod autem addit Lucas, hac eadem de re loquens πάντων, omnibus, non ita accipiendum est, quasi omnes Iudæi Christum repudiarent, sed fere omnes. Quemadmodum quum dicit Christus, Ioannem nec comēsse, nec bibere, non significat nihil omnino comēsse, sed fere nihil; hoc est, parcissimi esse cibi. Neque vero me latet, alios sic hunc locum exponere, vt dicant sapientiam a suis δικάζειν, hoc est, approbari atque admitti; sed neque aduersatiua coniunctio præponitur, neque est ὑπὸ, sed ἀπὸ τῶν τέκνων.

CAP. XII. v. 7. *Pietatem malo quam sacrificium*) ΤΩΝ apud Oseam plus est, quam quod hic ponitur ἔλεος. Deinde quod hic est καὶ ὃ, illic est quidem ΝΥ, sed quod pro ἸΩ ponitur; nam hæc præpositio in altero sententiæ membro ponitur, quod idem tamen significat. Sic enim in Osea legitur ad verbum: Pietatem volo, et non sacrificium; et Dei cognitionem, quam victimas; vbi volo pro malo positum est, vt apud Homerum:

Βάλομ' ἐγὼ λαὸν σόον ἔμμενα, ἢ ἀπολέσθαι.

καὶ ὃ autem, siue καὶ μὴ, pro μάλλον ἢ, dicunt etiam auctores profani: vt Isocrates ad Nicoclem, ἐλαίπειν αἰεῖ, καὶ μὴ πλεονάζειν: hoc est, Parum malis, quam nimium facere. Sic enim loquuntur Latini, vt Cicero: Valere malis, quam diues esse: ὑγιαίνειν αἰεῖ, καὶ μὴ πλεῖν.

31. *Omne peccatum ac maledictum, cet.*) Quid sit peccatum in spiritum sanctum, ex hoc loco satis adparet. Qui enim diuinis operibus, et sacri spiritus numine factis, adeoque claris et perspicuis, vt contradici non possit, tamen contradicit et resistit, nec sibi persuaderi patitur, id quod refelli non potest: is est pertinax, durus, indocilis, cui nulla re possit vquam persuaderi. Is in pertinacia semper manet, nec vquam sit melior, ideoque nunquam ei venia datur. Tales fuerunt Scribæ et Pharisei. Hoc est peccare in spiritum sanctum. In hominem autem, hoc est, in Christum vt hominem, peccare dicuntur, qui in eo nondum spiritualia vident opera. Talis erat Paulus nondum Christianus: peccabat in hominem Iesum. At idem si agnitum persecutus esset, numquam ei venia data fuisset. Hic illud obiiciet aliquis: Quoties ingenuerit nocens, non amplius recordabor. Est ita. Sed numquam nisi sero et clausa porta ingenuerunt, qui tales sunt: de quibus scriptum est ad Hebræos 6, 4. et 1. Ioannis 5, 16. vbi hoc peccatum letale dicitur. Hoc optime intelligi potest, si diligenter consideres illud ex Es. 6, 10. oraculum: Stupescat istorum animos, eorumque et aures obsirma, et oculos hebeta, ne oculis videant, et auribus audiant, et animis intelligant, et ita mutati fiant. Quasi hoc dicat: Quoniam adeo pertinaces sunt, et improbi, volo eos punire. Sed tanta est mea clementia, vt quamuis sint sceleratissimi, tamen si mores corrigant,

gant, veniamque petant, daturus sim. Ne igitur veniam orent, volo ut in pertinacia permaneant, ut eos puniam. Quod autem dicit: Nec in hoc seculo, nec in futuro: scio quosdam ita exponere, ut putent nihil aliud esse, quam quod apud Marcum eadem de re scriptum est, Numquam. Sed non Matthæus hac in re per Marcum, sed contra Marcus, qui breuius, per Matthæum, qui copiosius scripsit, est explicandus: ut quod apud Marcum est Numquam, id significet, Nec in hoc seculo, nec in futuro. Sed quid sit id futurum seculum, ego ignoro. Potest enim dubitari, utrum de nostro hoc seculo loquatur, quod tum erat futurum, et quod Paulus vocat vltimum tempus, dum dicit, vltimo tempore futuros homines pessimos: an de æterna vita, quæ seculum hoc sequetur.

33. *Aut facite arborem bonam*) Facere pro adfirmare ponitur: ut Ioan. 8, 53. Quem tu te facis? Est igitur hæc sententia: hoc pro certo habete, necesse esse, quæ arbor sit bona, eius fructum esse bonum: et qui fructus sit malus, eum arboris esse malæ. Atqui ista vestra verba malus fructus est, ex quo consequens est, vos stirpem esse malam.

CAP. XIII. v. 21. *Statim desicceat*) *σκανδαλίζεσθαι* est aliquando deserre, desiccare, aut deficere. Itaque pro eo ponitur apud Lucam capite 8, 13. *ἀφίστασθαι*.

CAP. XV. v. 5. *Si quis suo patri matriue dixerit*) Iudæi sacerdotes pelliebant homines ad conferenda in templum donaria, idque non Dei, sed sua causâ, quoniam ea ad ipsos redibant. Ac ne quis filius ideo minus conferret, quod sua in parentum alimoniam, (ut præceptum erat,) vellet impendere, illi eam religionem praua legis interpretatione sic eleuabant: Demonstra patri tuo, id quod tu in templum confers, ei esse profuturum apud Deum: nec esse necesse, ut eam pecuniam in eum impendas, quum tam eum honores, libando pro te, et pro ipso, quam si alioquin in eum insuueres. Etiam si non aliter parentes honores, non tamen contra legem feceris.

CAP. XVIII. v. 6. *Quisquis vero vel minimo horum mihi fidem habentium incommodauerit*) Ad verbum, Vnum paruorum horum: de quo hebraismo volo hic adducere exempla. Matthæi quinto talis hebraismus est, in superlatiuo gradu, *Qui fecerit contra vnum præceptorum horum minimorum*: hoc est, contra vel minimum horum: nec enim erant illa minima præcepta, ne in speciem quidem. Et Proverb. 26. in positiuo: *Sapientior sibi videtur piger, quam septem respondentes prudenter*: hoc est, sibi videtur septies, hoc est, longe sapientior. Et Matth. 10. *Multis passeribus antecellitis vos*: hoc est, multo antecellitis passeribus. Et paulo post in eodem capite: *Qui bibere dedit vni paruorum horum*: hoc est, vel minimo horum. Itemque cap. 25. Quod autem est, *In maris æquor*, idem significantia verba duo posita sunt: ut Genesis 14. vbi cæli liquidum pro cælo positum est, ut sit maris æquor pro mari positum. Malui autem maris æquor latina consuetudine dicere, quam alieno a latinis loquendi more maris pelagus, ut est in græco.

CAP. XVIII. v. 24. *Facilius esse rudentem*) *κάμηλος* et camelum animal, et nauticum funem declarat, qui rudens adpellatur: quod græcum nomen paululum, ut sit, immutatum, manet adhuc in gallica lingua, in qua vocatur Cable: quamquam tum per iota secundam syllabam scribi, vult

Phauorinus. Sed siue κάμιλος scribi debet, siue illud vtrumque declaratur, non est dubium, quin in ea notione accipi debeat, quæ sit sententiæ conuenientior, ne Christum cogamus hic ineptissima similitudine vti, quum ea possit esse aptissima, et ceterarum, quibus vti solet, simillima. Nec est quod quisquam dicat, Iesum alicubi absurdus vti similibus; quale est de illo qui trabem habeat in oculo. Nam illud absurdum esse qui dicit, absurde dicit; nec intelligit, aliud esse absurditatem, aliud immensam exaggerationem, quam Græci vocant hyperbolen. Absurde nec Christus, nec quisquam bene loquens locutus est. Sed hyperbolis et alii vtuntur, et Christus illic vsus est aptissime. Nam si festuca crescat, fiet trabs. At filum, (etenim per foramen acus solet filum trahi,) quantumvis crescat, numquam camelus fiet; at rudens fiet.

CAP. XX. v. 23. *Non est meum dare, nisi quibus id paratum est a patre meo*) αἰδᾷ dictum est pro εἰ μὴ, nisi; vt Marc. 9. οὐκ ἔτι εἶδον, αἰδᾷ τὸν ἰησοῦν μόνον: Iam nullum viderunt, nisi Iesum. Atque eodem modo ponitur, 2. Corinth. 2. etiam interprete vetere ita transferente.

CAP. XXI. v. 9. *Hosanna Davidide*) Hosanna significat, serua, age: estque cantionis genus, quæ sub festum tabernaculorum cani solebat, in qua subinde repetebatur Hosanna; sicut in Gallia circa Christi natalitia canuntur vulgo de Christo nato carmina, in quibus subinde repetitur Noel. Sed de Hosanna vide Andreæ Osiandrum in Harmonia.

CAP. XXII. v. 36. *Quodnam præceptum est in lege maximum?*) μέγας dictum est pro μέγιστος, vt ad Hebr. 4. ἀρχιερεὶα μέγαν, pontificem maximum: et Luc. 9. ὁ μικρότερος ἐν πᾶσιν ὑμῖν ὑπάρχων, ἕτος ἕστω μέγας. Nam idem Matth. 23. dicitur μέγαν, hoc est, μέγιστος. Sic hoc loco dicitur hoc præceptum esse magnum, scilicet præ ceteris: hoc est, omnium maximum, vt etiam paullo post vertit vetus interpres latinus. Alioquin absurdum esset, hoc dici magnum, quasi alia parua forent. Est autem hebraïsmus, qualis et alibi sæpe occurrit, et Genes. sexto, vbi sic ad verbum legitur: Noa vir iustus erat, integer in suo sæculo: hoc est, sui sæculi integerrimus.

CAP. XXIII. v. 5. *Vtuntur autem latis*) Græce est, dilatant: quale est illud Leuit. 11. vbi dicuntur bestię diuidere vngulas, hoc est, diuisas habere: et latine, Fregit crus: pro, Crus ei fractum est.

CAP. XXIII. v. 45. *Quod si quis est fidelis seruus?*) τίς non semper interrogantis est: vt Iacob. 1. τίς σοφός καὶ ἐπισήμων ἐν ὑμῖν, δεῖξάτω: Si quis inter vos sapiens est, atque prudens, ostendat, cet. sicut hebræum est, quod sæpe sine interrogatione ponitur: vt in fine Psalm. 107. vbi sic ad verbum est: Quis sapiens hæc obseruabit; id quod citra interrogationem intelligendum est; sicut et in gallico sermone, vbi Qui est sage, et interrogantis, et non interrogantis esse potest.

46. *Offenderit suum officium facientem*) Vt latine æquum et par, pro eo quod iustum est, et fieri debet, ponuntur: sic hebraice aduerbium כן, hoc est, sic, aliquando significat officium: vt 4. Reg. 17. Designarunt Israelitæ res כן לא יושן, quæ non sic, hoc est nefarias, et quæ fieri non

non debebant. In hac notione posuit hoc loco Matthæus ἔως: vt et Paulus Philip. 4. ἔως ἤκατε ἐν κυρίῳ, Persistite, vt fieri debet, in Domino.

CAP. XXVI. v. 18. *Vt in urbem irent ad quemdam*) In græco, μιμητικῇ, hoc est, directæ est oratio, *Itē in urbem ad quemdam*: quæ latine est, διηγητικῶς, hoc est, oblique et ex auctoris persona interpretanda. Nec enim dicebat Christus, *Itē ad quemdam*: sed eum nominabat. In gallica quidem lingua liceret directe loqui, Allez vous en a vn tel, sed idem latina loquendi consuetudo non patitur. Atque ex hoc quidem loco, vt et ex aliis multis, perspicuum fit, sacros auctores non semper totidem, iisdemque verbis eorum, de quibus narrant, dicta referre: sed ita narrare, vt nos solemus, quin eandem rem si bis aut ter referamus, sæpe totidem adhibeamus genera dicendi, neque tamen ideo falsum dicamus. Exempli ex innumeris adducam pauca. Exodi cap. 20. præcepta Dei scripta sunt, ipsius Dei digito exarata: et tamen eadem Deuter. 5. ita repetuntur, vt quædam non re, sed verbis, paullo aliter dicantur. Atqui et res est maximi momenti, et semel a Deo pronuntiata, et bis ab eodem Deo scripta verbis hebraicis, et ab eodem Mose eadem lingua relata. Alterum exemplum erit paullo post hunc, qui nobis est in manibus, Matthæi locum, vbi sic legitur: *Hic est enim sanguis meus novi fœderis, pro multis effundendus ad vniuersam peccatorum.* At idem Lucæ 22. paullo aliter dicitur: *Hoc poculum est nouum fœdus in sanguine meo, pro vobis effundendum.* Atqui non hæc alio atque alio modo pronuntiauit Christus, sed semel et vno modo. Idem dico de preceptione dominica. Ex quibus planum fit, non esse verba semper nimis tenuiter ad calculos reuocanda.

61. *Et triduo instaurare*) οἰκοδομεῖν pro ἀνοικοδομεῖν positum est, sicut fieri solet in חָבַד. Est enim hoc verbum ex eorum genere, quæ sæpe simplicia pro compositis ponuntur: quoniam compositis carent Hebræi: qua de re scripsimus in Psal. 62.

CAP. XXVII. v. 3. *Tum Iudas videns eum esse damnatum*) Hoc est, a pontificibus dignum morte iudicatum, mortique destinatum. Sic enim ponitur damnandi verbum, Marc. 10. *Homine natus, inquit, tradetur pontificibus atque scribis, qui eum morte damnabunt, extraneisque tradent.* Itemque Marc. 14. Atque hoc pacto Verris condemnator dicitur a Tacito Cicerone, non quod eum condemnarit; sed quod accusarit, ac damnandum esse pronuntiarit.

43. *Si ei fauet*. Θέλει, ab ἔειπεν, ex Psal. 22. quod fauere, et alicuius studiosum ac cupidum esse significat.

EVANGELIUM  
AVCTORE MARCO.  
IN TOTVM MARCVM ARGVMENTVM  
COSMAE INDICOPOLITAE.

*Hic secundus Euangelista Marcus, Petro ei Romæ mandante, conscripfit Euangelium, incipiens suam Euangelicam narrationem a Baptismo: qui est typus resurrectionis ex mortuis, per quam ad immortalem et immutabilem vitam regeneramur. Post quod principium etiam ipse narrat tum tentationes ac victoriam, tum et Iudeorum insidias, inuasionemque aut captiuitatem, mortemque, tum denique etiam resurrectionem: atque ita suam historiam absoluit. Meminit ipse quoque de Ioanne Baptista, prædicante, adpropinquare regnum cælorum: Quæ omnia concorditer cum beato Matthæo pronuntiat: vnus enim scopus est totius sacræ scripturæ, nempe Christus. Hic igitur quoque noui Testamenti præco existens, eadem cum præcedente nobis descripsit, ab historia Baptismi ordiens: quod Baptisma est typus resurrectionis ex mortuis: dico autem nouæ et cælestis conuersationis. Præterea exposuit, quo modo sit baptizatus, in terris versatus, interfectus, resuscitatus, et denique in cælum regressus: ubi secundæ futuræque vitæ locus ac politia est. Gloria autem sit Deo, qui ista omnia nobis inde ab initio præparauit, præmentauit, et denique impleuit, Amen.*

ADNOTATA.

CAP. VI. v. 39. *Discumbere cateruatim*) συμπόσια συμπόσια, conuiuia conuiuia, hebraismus est: pro, in singula conuiuia distributos: sed ita, vt conuiuium significet conuiuas, siue conuiuiarum classẽ: sicut latine ciuitas pro ciuibus, et iuuentus pro iuuenibus dicitur. Quum igitur neque latine conuiuatum, neque significanter in conuiuia distributos dici possit, (nam aliud significari videretur,) malui cateruatim interpretari: quo verbo quamuis illud plene non exprimatur, (possunt enim cateruatim ad aliud, quam ad capiendum cibum, collocari,) tamen quoniam hic ponitur discumbendi verbum, quo epularum accubatio significatur, quo fit, vt de sententiâ dubitari non possit, putauit ita mihi vertere licere. Quod idem dico de πῆρας πῆρας: sunt enim πῆρας hortorum puluini, siue areæ: quæ verba quum hic latine non satis apte poni possint, malui classes, latius patente verbo, dicere.

CAP. XII. v. 42. *Duos teruncios contulit*) Quod hic, et Lucæ 12. λεπτόν dicitur, id Matth. 5. quadrans. Quadrantem autem eundem esse, quem teruncium, docet Budæus.

CAP. XIII. v. 3. *Spicata nardi*) Quod scribit Erasmus, fieri posse, vt Martini vulgari more loquens, latinam vocem corrupte posuerit, pisticam adpellans, pro spicata: id mihi verisimile videtur, et cum vetere interprete

prete congruit, qui (vt est in nonnullis exemplaribus) vertit, nardi spicati. Atque idem dico de eodem verbo apud Ioannem 12, 3. Idemque videmus et in libra fieri, quam ibidem Ioannes (vt et ceteri Græci) litram adpellat, simili verbi mutatione, siue a libra litra, siue contra dicitur: et in penula, quam Paulus 2. Timoth. 4. *Φαινέλην* adpellat. Cetera quæ de *πισικῆς* dicuntur, mihi videntur absurda, siue a loco dictam pites, siue a fide. Nam nec vllus, quod sciamus, locus, qui sit a nardo nobilitatus, ita dictus est: et a fide non *πισικῆ*, sed *πισός* adpellaretur. Illud obiter dicam, veterem interpretem, quod a Marco dictum est feminino genere, id neutro dixisse spicati, data opera, vt opinor, vt eandem in latino sermone, (in quo etiam nardum neutro genere dicitur,) verborum ambiguitatem retineret, quæ est in græco, in quo *πολυτελής*, et ad *νάρδον*, et ad *μύρον* referri potest. Nos de industria ambiguitatem vitauimus, quod omnino pretium putamus vnguenti, non nardi, adpellari. Quod nisi vocabulum spicatæ adderetur, liceret ita vertere: Alabastrum vnguenti nardini pretiosi: ita nulla foret ambiguitas.

\*\*\*\*\*

## EVANGELIUM A VCTORE LVCA. ARGVMENTVM IN TOTVM LVCAM COSMAE INDICOPLEVSTI.

*Hic tertius Euangelista Lucas, quum vidisset multos adgressos esse conscriptionem Euangelii, et interim ex suo corde multa conscrixisse, ipse quoque promptius ad suum beatum Theophilum conscribit librum, certo confirmans, se eorum fragmenta secutum non esse, neque abductum ab illis verisimis, quæ prius didicerat: ideo inquit, vt cognoscas certo soliditatem eorum, de quibus prius es institutus. Narrat igitur ei historiam, incipiendo a natiuitate Ioannis, docens quod etiam præcursoris generatio plane admirabilis fuerit: deinde exponit natiuitatem Domini Iesu Christi, secundum carnem, narrans, et ipsam admirabiliter plane factam esse, vt et Matthæus prius fecerat. Deinde retrograde eius progenitores recenset vsque ad Dauidem et Abrahamum, et denique vsque ad Adamum, et Deum ipsum, quum vltiorem nullum reperiret, vt-pote ad creatorem omnium, qui secundum sacrum doctorem Moysen omnia fecit, et protoplastum ipsum. Postea similia aliis narrat de baptismo aliisque, ac denique de morte ipsa, ac resurrectione. Postremo loco reditum Christi in celos tum in Euangelio, tum et in Actis adnuntiat.*

## A D N O T A T A.

CAP. I. v. 13. *Nec vinum nec temetum bibes*) Sicera est omne vinum factitium: quale est quod fit ex frumentis, piris, malis punicis, cornis,

mespilis, forbis, moris, nucleis pincis, cet. itemque ex herbis, asparago, cunila, origano, et multis aliis. Nos proprium verbum non habentes, temetum vertimus, a quo temulenti dicuntur: sicut ficera Hebræis a verbo deductum est, quod temulentum fieri significat. Quod si temetum idem significat quod vinum, etiam illa omnia Latinis vina dicuntur: et ficera Psalm. 69. pro vino quouis ponitur, ut nihil fere inter hanc vocem et hebræam interesse videatur.

16. *Domino ipsorum Deo reconciliabit*) Dominum Iouam dicit, hoc est Iesum: (de cuius nomine vide in Matth. 1.) Nam id de eo dici, adparet ex eo quod sequitur, *Eumque antecedit*. Quem enim antecedit Ioannes? Eum nimirum, de quo angelus ante locutus est: videlicet Israelitarum Deum, qui Christus est: nec enim patrem Deum antecessit.

28. *Salue accepta*) Scilicet Deo: est enim idem quod paullo post declaratur, *εὗρες χάριν παρὰ τοῦ Θεοῦ*, Inuenisti gratiam apud Deum: hoc est, accepta grataque Deo es, eumque habes propitium, qui hebraïsimus frequenter occurrit in veteri fœdere.

64. *Aperto protinus eius ore, solutaque lingua*) In græco non est Soluta: sed id facile intelligitur: nec enim aperitur lingua, et, ad loquendum quod est ori aperiri, id est linguae solui. Quod si quis neget vinciam fuisse linguam, negabo et ego clausum fuisse os: alioquin cibum capere non potuisset. Verum clausum dicitur, quod non magis loquebatur, quam si clausum fuisset: quod idem de lingua dicendum est.

75. *Eum coram pie iustisque colamus*) In græco est, Cum pietate et iustitia: more Hebræorum, qui huiusmodi aduerbiis carentes, vtuntur nominibus. Ceterum *οσιότητα* et *ἀγιότητα*, siue *ἀγιοσύνην*, solent nostri eodem sanctitatis nomine interpretari, quum non sint eadem. Nam *οσιότης* ea est, quæ hebraice dicitur *יְרֵאָה*: quæ si homini tribuitur, pietas est: si Deo, clementia: quàmquam et in Deo latine pietas dici potest: ut apud Virgilium, Di, si qua est cælo pietas, quæ talia curet. Ea alio verbo *ἐλεῶ* et in Deo et in homine dici solet. Itaque nos et hoc in loco, et aliis multis, non tam græci verbi, quam hebraici naturam interpretantes, pietatem reddimus: *ἅγιον* vero hebraice *קֹדֶשׁ* est: quod verbum modo sanctum, modo sacrum significat.

CAP. II. v. 14. *Et in terra pax, erga homines beneuolentia*) Pax, ut alibi declarauimus, omnes felicitatis numeros complectitur. *εὐδοκία* autem (quam nos beneuolentiam interpretamur) ea est, quæ hebraice *יְסֵד* adpellatur, significatque studium, fauorem, cupiditatem, beneuolentiam, quæ alias *חַסֵּד* adpellari solet: a verbo *עוֹדָה*, bene velle, aut acceptum gratumque habere, et alicuius cupidum ac studiosum esse, eique fauere. Quod autem dicit, *ἐν ἀνθρώποις εὐδοκία*, idem est quod *εἰς ἀνθρώπους*, erga homines. Nam *ἐν* pro *εἰς* sæpe scribunt auctores sacri: et *εὐδοκεῖν* utroque modo ponitur: nam et *εἰς ὃν εὐδόκησεν ἡ ψυχὴ μου*; et *ἐν ᾧ εὐδόκησα*: illud Matth. 12. hoc 3. et 17. Itaque tam potest dici *εὐδοκία ἐν ἀνθρώποις*, nomini eadem tribuendo quæ verbo, quam latine domum reditio dicitur, sicut domum redire. Est igitur



tur hæc huius loci sententia : Esto pax in terris, quæ pax est Dei erga homines amor, studium, atque fauor : hoc est, quæ felicitas est Dei muneri, ac liberalitatis. Lege diligenter primum caput ad Ephesios, et inuenies totam hanc sententiam copiosissime explicatam.

22. *Tulerunt eum Hierosolytam*) ἀνήγαγον pro ἀνήνεγκαν positum est: sicut contra ἐνέγκειν siue Φέρειν pro ἄγειν sæpe ponitur in sacris litteris. Itaque locum hunc bene vertit vetus interpret. Nam adducendi quidem verbum ponimus in eo qui pedibus eat : id quod de Christo eateate dici non potest.

25. *Erat tum*) ἰδὲ et ἰδε non semper eni aut ecce significat, sed sæpe temporis est : vt Marc. 4. ἰδὲ ἐξῆλθεν ὁ σπείρων : hoc est, Aliquando profectus est sator. Nonnumquam demonstrantis est, vt sit idem quod scito, aut scitote : vt Luc. 1. καὶ ἰδὲ ἔση σιωπῶν, Scito te fore mutum. Aliquando idem est quod μέλλω, futurum tempus significans : vt Matth. 11, ἰδὲ ἐγὼ ἀποστέλλω τὸν ἄγγελόν μου, Ego missurus sum angelum meum. Est et quum, Luc. 15. ἰδὲ τοσαῦτα ἔτη θαλεύω σοι, cet. Quum tot annos tibi seruiam. Item, quum tamen, 2. Cor. 6. ἀποθνῄσκοντες, καὶ ἰδὲ ζῶμεν, Perinde ac morientes, quum tamen viuamus. Atque hæc tot huius vocis notiones non sunt græcæ vocis ἰδὲ propriæ, sed hebraicæ יד, siue ידך, quæ præter ea quæ diximus, significat esto sane, aut finge, pone ita esse, Psal. 78. et Exod. 3. scilicet, Esa. 58. Interea Ezech. 9. Si, aut quid si? Ezech. 15. Iam, Luc. 13.

34. *Scito hunc multorum vel casui, cet.*) Christus improbis perniciosus est, eorum culpa : probis salutaris. Est item quoddam quasi vexillum populis expositum, ad quod confugiant, si salui esse velint. Sed id vexillum oppugnabunt multi, verumque negabunt esse. Tu quoque Maria graues dolores perferes, dum hic in crucem agetur : quod dum fiet, adparebit quali quisque mente sit, nam secundis rebus multos sectatores habebit, sed rebus aduersis paucos : ex quo adparebit, paucorum sinceram esse mentem, amicos enim aduersa declarant.

CAP. VI. v. 40. *Præclare cum quoque agitur*) κατηρτισμένον conditum et bene compositum significat, ita vt nihil ei desit. Hoc loco idem significat, quod in eadem sententia Matth. 10. dictum est, ἀρκέτον τῷ μαθητῇ, Satis est discipulo, boni consulere debet, et nihil amplius postulare, sed bene secum agi putare. Est autem in græco curta sententia : quæ plena foret, si εἰ ἔσαι interponeretur, hoc pacto, κατηρτισμένον δὲ πᾶς ἔσαι, εἰ ἔσαι ὡς, cet. Atque ita legisse videtur vetus interpret, qui vertit : *Perfectus omnis erit, si sit sicut magister eius.* Nec fuit difficile alterum ἔσαι excidere. Sed vt ita non legerit, sic quoque manet eadem sententia.

CAP. VII. v. 11. *Accidit postridie*) ἐν τῇ ἐξῆς verius legi puto, quam ἐν τῷ ἐξῆς, vt est in quibusdam exemplaribus. Nam cap. 9. illud plene habetur, ἐν τῇ ἐξῆς ἡμέρᾳ.

CAP.

CAP. IX. v. 51. *Eius adiunctionis dies*) Dies, quum temporis spatium significat, latine singulari numero dicitur, hebraice plurali. Hac de causâ, quod hic plurali numero dixit Lucas τὰς ἡμέρας, ego per singularem reddidi: quod et alibi feci.

CAP. X. v. 9. *Ad eos diuinum regnum venisse*) ἐγγίξεν in præterito significat aliquando venisse, vt Lament. 4. בָּרַךְ. Itaque quod est hic ἤγγικε, idem est cap. 11: ἐφθασε, hoc modo: ἐφθασεν ἐφ' ὑμᾶς ἡ βασιλεία τοῦ Θεοῦ: et cap. 12. ἐγγίξεν accedere est.

CAP. XII. v. 3. *Quidquid in tenebris dixeritis*) εἶπατε præteritum indicatiui, pro futuro coniunctiui, more Hebræorum, qui coniunctiuo carent, et pro eo vtuntur indicatiuo: vt in Genes. 4. indicauimus.

20. *Qua vero parasti, cuius erunt?*) τίνι ἔσται, hebraismus est, pro τίς ἔσται, וְיִהְיֶה לָמוֹ. Nam apud Hebræos littera ל non solum datiu, sed etiam genitiui articulus est.

29. *Neue pendere*) μετεωρίζεσθαι est sublimem esse, vt sunt nubes, et volantes aues. Iam quæ sunt in sublimi, ea nullo firmo solo et fundamento nixa, nutant et agitantur: hinc fit, vt id verbum dubitare, et incertum atque anxium esse significet: quo sensu Latini pendere proprie dicunt. In eadem notione dixit Demosthenes ἀνω καθήσθαι, in oratione de corona.

30. *Vehementer angor*) πῶς ac מַה non semper interrogantis est, (vt etiam alibi de מַה et מַה docuimus,) sed etiam sine interrogatione augentis, vt latine quam: vt Prouerb. 16. מַה טוֹב, multo melius: et alibi sæpe. Atque eodem modo vtuntur πῶς, etiam auctores profani.

57. *Cur ex vobis ipsis non iudicatis ex aquo?*) Cur non vos ipsos imitmini, et quam in humanis litibus adhibetis prudentiam, eadem in diuinis vtimini? Soletis cum aduersario potius componere, quam ad iudicem venire, qui seuerius sit iudicaturus. Quum igitur videre possitis ex his, quæ sunt, instare Dei iudicium, cur non reditis ad frugem, dum licet? Nam ad iudicem quum ventum erit, sera erit poenitentia. Quod autem dicit, Da operam: non præcipit, quomodo sit in litibus agendum: nam ea in re satis sapiunt homines. Sicut quum Matth. 23. dicit: Pharisee ecce, purga prius interiora poculi et scutellæ, vt eorum exteriora quoque pura sint: non docet, quomodo lauanda sint pocula, nam id satis sciebant illi: sed perinde est ac si dicat, vt qui calicem exterius, non interius, purgat, inepte facit: ita vos præpostere facitis, qui in paruis religiosi, in magnis estis disoluti. Sic hoc loco Christus docet, quod sit in litibus, id faciendum esse in regni cælestis negotio: sed id per imperatium breuius docet.

CAP. XIII. v. 9. *Si forte fructum edas: sin minus*) Græce est ad verbum, Et si quidem fructum ediderit, sin minus: eadem prorsus, sed curta sententia: sic tamen, vt in ea facile aliquid tacitum intelligas, Recte est, aut (vt Caro loquitur) optime est. Talis est apud Platonem libro de Legibus nono, καὶ εἰ μὲν σοι δρῶντι ταῦτα λωφᾷ τι τὸ νόσημα; εἰ δὲ μὴ, καὶ δὲ

καλῶ θάατον σκευαμεν, απαλλάτῃς τῷ βίῃ. Et si quidem tibi hæc facienti nonnihil mitigabitur morbus: sin minus, elige in meliorem mortem, et ex vita discede. Sed de hoc loquendi modo plura scripsit Budzus in Pandect.

25. *Postquam intraverit paterfamilias*) In græco est ἐγέρθη, surrexit: sed parum quadrat: non enim de iacente, aut dormiente paterfamilias loquitur, sed de eo qui foris intrat. Deinde, qui surrexit, non claudit fores, sed potius aperit, quum ex ante cubatum claudi soleant. His de causis veterem secutus sum interpretem, qui vertit intraverit, unde legisse videtur εἰσέλθῃ.

CAP. XIII. v. 14. *Reddetur enim tibi in resurrectione iustorum*) Vt ambulatio, cœnatio, gestatio, non actionem semper significant, sed locum ubi ambuletur, cœnetur, cet. sic hoc loco (vt et alibi) resurrectio non resurgendi actionem declarat, sed eum vitæ statum, qui futurus est, quum resurrexerint boni.

CAP. XV. v. 22. *Proferre priorem stolam*) τὴν σολὴν τὴν πρώτην. Articulus ostendit, eum non de quavis stola loqui, sed de certa: vt paullo post, τὸν μόσχον τὸν σιτευτὸν, de certo vitulo loquitur. Sed articuli vis illa latine exprimi non potest, et tamen intelligitur: vt quum dicimus, Ait poeta, Φησὶν ὁ ποιητής: non de quouis loquimur, sed de certo et celeberrimo, scilicet Marone: et tamen non necesse est dicere, Ait ille poeta: nam id minus esset, et de alio posset intelligi. Itidem quum dicant Urbem antiqui, Romam dicebant (τὴν πόλιν) nec tamen addebant stulam: nam id quiddam aliud esset. Sed quæ linguæ articulos habent, hoc melius exprimunt.

CAP. XVI. v. 8. *Homines lucis*) Durum fortasse videbitur: qualia sint illa, Spiritus debilitatis, spiritus consolationis, sed et Latini sic loquuntur, vt quum Amorem vocant deum pacis. Item quum dicunt hominem ium litterarum, et hominem paucorum, ὡς autem pro hominibus dicunt, alibi docuimus.

CAP. XVIII. v. 5. *Ne me adidue ventitans obtundat*) εἰς τέλος ἐστὶ πῦρ. πωπιάζειν est suggillare: sed non ad famam et ignominiam refertur, quum ille homines non reuereretur, ideoque nullam famæ rationem haberet, id quod verbo ἐντρέπεσθαι significatur) sed ad illud, Ne mihi nepotium facessat, ne adidivitate et improbitate sua me quasi feriens obtundat.

7. *Et tam eris in eos difficilis*) μακροθυμῶν legitur: μακροθυμῆ legit hrysostomus: μακροθυμήσει legisse videtur interpret vetus, qui vertit, patientiam habebit. Atque hæc lectio magis convenit verbo ποιήσεις, coniunctio καὶ futurum verbum cum futuro coniungat. Quamquam rum legas, manet eadem sententia. Est autem μακροθυμῆν, patientem tolerantem esse, vt sit hæc sententia: Eritne tam patiens Deus, tam rus et inexorabilis, vt se potius suorum precibus obtundi patiat, quam cito vlciscatur?

30. *Sape conduplicata*) πολλαπλασίονα, multecupla, vt ita dicam. Itaque si interpretare, Multo plura, non satis verbi vim exprimes. Qui enim pro centum consequitur centum septuaginta, is multo plura consequitur nec tamen πολλαπλασίονα. Itaque dixit Matthæus, ἑκατονταπλασίονα.

CAP. XVIII. v. 2. *Quidam vir, qui nomine Zachæus vocabatur*) Quod dicturus sum, id notius putarem, quam vt memorandum esset: nisi vidissem in eo quosdam labi, qui putent Zachæum non fuisse Israelitam: opinor, quoniam publicanus erat, quasi vero non et Matthæus publicanus esset. Certe Iudæum fuisse Zachæum, multa sunt quæ fateri cogant: primum, quod eius nomen hebræum est. Deinde, quod contra Iesum non eo fremunt Iudæi, quod ad Romanum aut Barbarum, sed quod ad famosum diuertisset: non prætermittiri profecto, si Zachæus non Iudæus fuisset. Tertio, quod se dicit Zachæus reddere quadruplum: id quod ex Mose didicerat, tametsi et Romanus idem in Iudæa discere potuisset: sed illud vero propius est. Quarto, quod eum dicit Iesus Abrahamidem, siue Abrahamo progenitum esse. Id enim significat υἱὸς ἀβραάμ, id quod de Zachæo, non de domo dicitur; nam hoc durum, et contra loquendi consuetudinem esset. Nec obest, quod personæ sit mutatio: est enim oratio oblique reddenda, id quod indicat vox ὅτι: quæ etiam si abesset, tamen non esset absurdum, personam mutari, quum Christus non solum Zachæum adloquatur, sed etiam alios qui aderant: id quod adparet ex eo quod sequitur, *illis autem hac audientibus*; et solet aliquin sæpe personæ fieri mutatio. Nec placet, quod Abrahamidem ideo vocari putant, quod Christo fidem haberet: nam id esset insolentius obscuriusque dictum, quam vt eo tempore ab illo posset intelligi. Sed Abrahamidem vocat hominem Iudæum: cui ideo salus adlata sit, quod esset Abrahamo, (cui salus promissa fuerat,) progenitus. Quemadmodum Lucæ 13. dicit Christus, fanandam fuisse illam seminam incuruam, quæ Abrahamo progenera foret. Itaque bene hunc locum vetus reddiderat interpres.

CAPVT XXII. v. 25. *Quique eis imperant, gubernatores 'adpellantur'* מַלְכֵי, qui in sacris litteris ἐνεργέται dici solent, sunt duces, gubernatores, principes. Itaque idem est, οἱ ἐξουσιάζοντες αὐτῶν ἐνεργέται καλῶνται, ac si iisdem prioris membri verbis vsus esset hoc pacto, οἱ κυριεύοντες τῶν ἐθνῶν βασιλεῖς καλῶνται. Est autem hæc sententia: Inter gentes vt quisque plurimum opibus valet, ita maxime rex est, et potentissimus quisque facillime principis nomen obtinet.

26. *Perinde sit ac minimus*) νεώτερον opponit μείζονι, a γυν, quod non ætatis, sed rei est: et tamen ideo ætatis esse potest, quod ætas magnitudinem addit.

36. *At nunc qui crumenam habet, adhibeat*) His verbis instare aduersa et pericula ostendit, ad quæ solent crumenæ et gladii adhiberi. Hoc patet loquitur Ieremias cap. 9. Videte, vt euocandas præficas, sapientesque arcescendas curetis, quæ nãmiam de nobis editum propere veniant. Non enim iubet vates præficas arcessi: sed luctum instare docet, ad quem solent adhiberi præficæ. Quod autem dicit Christus, duos gladios esse sa-  
tis

tis, sic loquitur, ut si quis pater dicat emendam esse domum: et filius ignarus, ad eam rem dicat habere se duos teruncios: tum pater respondeat, Satis est: hoc est, scilicet duobus terunciis potest emi domus: nec est quod quisquam hanc interpretationem reiiciat, quasi aliena sit a Christo Ironia; nam et alibi eadem figura vitur, ut Matth. 26. et Marc. 14. Dormite iam et requiescite; et Marci 7. probe Dei præceptum antiquatis.

CAP. XXIII. v. 54. *Erat autem ea dies preparatio, qua sabbatum illucescebat*) Quid sit illucescere sabbatum, itemque alia multa super hoc et sequenti capite, vide Osiandrum.

\*\*\*\*\*  
E V A N G E L I V M

A V C T O R E I O A N N E .

I N T O T V M I O A N N E M A R G V M E N T V M  
C O S M A E I N D I C O P L E V S T I .

*Hic Theologus Ioannes, princeps Evangelistarum, qui præ omnibus dilectus est a Christo, qui in eius pectore recubuit: qui denique inde, tamquam ex perpetuo fonte, mysteria Dei hausit. Huic igitur in Epheso agenti, exhibiti sunt a fidelibus reliquorum trium Evangelistarum libri: quos quum perlegisset, vere quidem illos esse conscriptos respondit, sed tamen quadam esse omissa, quæ necesse sit simul recensere. Exoratus igitur a fidelibus, edidit et ipse suum opus, quod aliquo modo est quasi supplementum prætermisforum: ut sunt de nuptiis in Cana, de Nicodemus, de Samaritana, de Regio, de cæco nato, de Lazaro, de Iudæa indignatione ob eam, quæ inunxerat Dominum ynguentu, de accedentibus Græcis, de lotione pedum, et de documentis interfectis, de paracletico: et præsertim de diuinitate Christi luculenter prædicans, id ceu fundamentum sui operis præposuit. Quæ quidem omnia ab aliis prætermissa fuerant. Incipiens igitur a diuinitate Christi, mox etiam ad eius humanitatem peruenit, progrediendo ac narrando, quæ etiam alii dixerant, videlicet baptismum, colaphos, mortem et resurrectionem. Postquam addit, quæ post resurrectionem Dominus fecerit, ut quomodo per clausum ostium introiuerit, quomodo ostenderit pedes, manus ac latus perfossum, quomodo cum Apostolis ederit ac biberit, quomodo cum eis ambulauerit, quomodo item eorum oculos tenuerit, ne cum agnoscerent: quum voluit densum, adsuit densum, rursusque remittebatur. Quæ item profunda eruditione dixerit Mariæ: Ne me attigeris, docens per hæc, quod immortalium commoratio non congruat cum mortalibus, sed immortalium commoratio sit potius in cælis. Ideo etiam ei præcipit, ut abeat et dicat discipulis, quod ascendam in cælos, quo et vos perueniuri sitis. Hæc omnia cum perfecisset, etiam ipse absoluit suum opus, eundem scopum cum aliis Evangelistis habens: ut nempe doceat, quod ex hac vita oporteat cupide respicere in illam venturam beatitudinem. Ad quem scopum tota vetus simul et noua Scriptura respicit.*

AD.

## ADNOTATA.

CAP. I. v. 14. *Gratia veritatisque plenus*) Hoc a fine sententiae huc perspicuitatis causa transtuli, id quod et in vetere et in nouo saeculo saepe faciendum esse deprehendi; vt Ioan. 17. Illustra me tu pater gloria, qua praeditus eram, antequam mundus esset, apud te. Sic enim ad verbum legitur: et videtur Apud te, ad Mundum referri, quum sit coniungendum cum Praeditus eram, et eo transferendum, Qua apud te praeditus eram. Item Apocal. 13. Quorum nomina scripta non sunt in libro vitae agni maciati ab orbe condito: vbi Ab orbe condito referendum videtur ad, Scripta non sunt, non ad Maciati. Talem figuram reperies et Genes. 25. de Ismaelis morte.

*Eiusque splendorem*) δόξα hebraice כבוד dicitur, quod verbum non solum gloriam, sed etiam splendorem declarat. Atque ita positum est verbum δόξα quum alibi, tum Luc. 2. et Act. 22. Latine splendorem dicere (quum hoc verbum vitamque rem Latinis indicet) et aliis locis licet, et in hoc huiusque similibus necesse est. Loquitur enim de illo Christi splendore, quem ipse huius libri auctor vna cum aliis vidit in Christi transfiguratione.

*Vt vnigena a patre splendorem*) Vt, non semper similitudinis est: vt si dicas, Obiurgavi filium meum, vt pater: hoc est, vt me decet, et pro mea auctoritate, qui sim pater. Sic hoc loco dicitur splendor vt vnigena, hoc est, vnico Dei filio dignus.

16. *Et gratiam pro gratia*) Hoc est, aliam gratiam pro alia: quale est illud Iob. 1. Pelle pro pelle, scilicet aliam pro sua: et clauum clauo, scilicet alium alio: et Legitque virum vir, cet. Gratiam autem vocat beneficium, vt etiam latine dicitur: et est haec sententia: Quod a Mose lata lex est, id diuini beneficii fuit. Pro eo beneficio (quoniam alioquin nobis vsui esse non poterat) aliud beneficium et gratia nobis per Christum confertur: et quidem ea gratia, quae est vere gratia nominanda. Hoc enim est quod dicit, Gratia et veritas. Nec enim Moses non verum tradidit. Sed Ioannes hoc loco veritatem vocat rem ipsam: vt sit gratia et veritas, gratia quae re ipsa et vere gratia est. Sic Cicero pro Q. Roscio dicit, Quod est veritate falsum: hoc est, re ipsa. Hoc pacto loquitur Iesus infra 6. quum negat a Mose mannam fuisse datam Israelitis: hoc est, negat illam mannam fuisse veram mannam.

21. *Elias es tu? Non sum. Vates es tu? Non*) Quod erat oraculis praedictum, venturum esse Eliam, antequam veniret Messias: id ita erat intelligendum, venturum esse vatem Eliaz similem, et Eliano spiritu praeditum. Sicuti quae in Apocalypsi de Babylone dicuntur, non de illa Babylone Chaldaeorum intelligenda sunt. Quale est illud Maronis, Atque iterum ad Troiam magnus mittetur Achilles: hoc est, Erunt adhuc bella et heroes, quale fuit Troianum, et Achilles. At Iudaei putabant ipsum Eliam venturum: itaque recte se eum esse negat Ioannes. Quod autem etiam vatem se esse negat, sunt qui putent intelligendum esse de vate a Deo per Moysen promisso, hoc est, de Christo: idque propter articulum, quod non προφήτης, sed ὁ προφήτης dicatur. Sed quum ante de Christo interrogauerint, id esset superuacaneum: nisi forte alium putabant

bant fore vatem illum, quam Mesiam. Sed si ita putarent, adderent profecto aliam interrogationem: Si vates ille non es, es ne alius vates? id quod non faciunt: sed ita concludunt: Quid ergo lauas, si neque Christus es, nec Elias, nec vates? idque colligunt ex eius responsis, non habentes amplius quod nominent. Itaque hoc posteriore loco non additur articulus, tamen in quibusdam exemplaribus additur: sed videntur, qui addunt, secuti esse Theophylacti auctoritatem, qui se addidisse testatur. Ego neque in priore detrahendum, neque in posteriore addendum puto: sed idem esse illic, ὁ προφήτης quod hic προφήτης: quoniam auctores sacri in græco sermone sæpe articulum addunt superuacaneum, vt Apoc. 3. *ἐν οἷδας; ὅτι εἰ ὁ ταλαίπωρος* ㊤. Cuius rei causa est, quod habent Hebræi duos articulos: quorum vnus, qui est ה, sæpe cum aliis coniungitur, et tamen græce declarari non potest: vt, Creauit Deus *יְהוָה וְאֵת הָאָדָם*: hic vides duos articulos, quorum prior אֵת græce declaratur, τὸν ἑβρανὸν καὶ τὴν γῆν: sed alter exprimi non potest. At hi auctores, qui sæpe in græco sermone hebraisunt, eum exprimere conantur. Itaque qui hebraice dicitur *יְהוָה* eum Ioannes, vt articulum exprimat, sic adpellat, ὁ προφήτης, quamquam ה per ὁ aliquando exprimi potest. Sed id quando faciendum sit, ex sententia coniiciendum est. Hoc autem loco germanice et gallice et italice articulus vel omitti potest, vel sic exprimi: Ein prophet, vn prophete, vno propheta, si græcum articulum omittas. Sin autem addas, et proprie loquaris, ὁ προφήτης erit, Der prophét, le prophete, el propheta: qua de re nonnihil Matth. 11. et Luc. 15. scripsimus. Et hæc de verbo. Quod ad sententiam attinet, non se negat esse vatem Ioannes: erat enim vates: sed ita loquitur, vt si Persarum regem ita roges, Esne rex? Non sum. Quid ergo? Regum rex: non se neget esse regem. Atque hoc pacto loquitur Deus Num. 11. Dabit vobis ioua carnem, inquit, quam comedatis: et comedatis non vno die, non duobus, non quinque, non decem, non viginti, sed ad menstruum diem. Non negat comesuros esse vno die, aut duobus, cet. sed plus dicit. Tale est quod dicimus, Non semel: hoc est, plusquam semel. Sic hoc loco Ioannes se non vatem, sed maximum vatem, et (vt Iesus de ipso loquitur) plusquam vatem esse ostendit. Atque ita esse, adparet ex eo, quod dicit, *Ego sum vox in solitudine clamantis, Corrigit Domini viam*. Nam id esse vatis officium, adparet ex eius patris Zachariæ carmine, vbi sic legitur: Et tu puer Supremi vates vocabere. Subiicitur deinde ratio: Præbis enim Domino, paratum vias eius, cet.

31. *Equidem eum non noueram*) Sciebat Ioannes, Mesiam esse natum, et se ei præmissum: alioquin ignoraret suum ipse munus, et Zachariæ patris sui carmen. Sciebat etiam suum esse cognatum, ex Maria natum, quippe quem iam in vtero matris agnouisset. Quod si vel non agnouerat in vtero, vel postea per etatem oblitus fuerat: at certe id a parentibus aut aliis didicerat, nec poterat tantam, tam recentem, tam sibi cognatam coniunctamque rem ignorare. Sed quum vna cum Iesu non vixisset, eum de facie non nouerat. Verum quum primum venientem vidit, agnouit, videlicet adflatus diuinitus, quemadmodum eius mater Elisabetha, Mariam Domino esse grauidam,

dam, eius aduentu intellexerat: id quod ex eo patet, quod dicit se ab eo debere lauari. Accessit deinde ad hanc diuinitus inspiratam cognitionem, etiam spiritus in Iesum columbæ forma delatus, quibus rebus Iesum Ioannes agnouit. Itaque quod dicit, eum sibi non fuisse notum, intelligendum est de facie, idque antequam ille ad eum lauandus venisset.

CAP. II. v. 4. *Quid tum postea?*) Ad verbum, Quid mihi et tibi? quæ sane loquendi ratio aliquando sic vertenda est: Quid mihi tecum rei est? nonnumquam, vt nos interpretati sumus: vt 2. Reg. 16. vbi sic ad verbum legitur: Quid mihi et vobis filii Saruiz, si conuiuiatur? cet. vbi inepta erit sententia, si sic vertas: Quid mihi vobiscum rei est, si conuiuiatur? At si sic, Quid tum postea, si conuiuiatur? erit aptissima. Aliquando est, Quid istud? vt 4. Reg. 17.

CAP. III. v. 1. *Nicodemus Iudaorum primarius*) Tota hæc Nicodemî et Iesu colloquutio obscura et abrupta est. Eam quia in Dialogis sacris fufius explicauimus, hic superfedeo.

29. *Voluptatem ex sponsi voce capit*) χαρᾷ χαίρει, gaudio gaudet: ff ad verbum veritas, quomodo locutus est Plautus. Sed id mihi nimis Plautinum visum est, significat autem nihil aliud, quam gaudet: vt vitam viuere, et seruitutem seruire, nihil aliud est quam viuere, et seruire. Sed licet huiusmodi hebraïsmos ita explicare, vt quod est morte mori, dicamus mortem oppetere: cupiditate cupere, cupiditate duci aut teneri: aut si res ita ferat, vno verbo, quæ erant duobus dicta, reddamus.

31. *Terrestria loquitur*) ἐκ τῆς γῆς, pro τῷ τῆς γῆς: quem hebraïsmum ostendimus in Psal. 58.

CAP. III. v. 36. *Et messor mercedem accipit, et sator fructum congerit*) In græco deest vox Sator: quæ ideo subiicienda est, quod non messoris est, sed satoris fructum percipere. Adde quod sequitur, *Vt et sator simul gaudeat, et messor*: sator scilicet fructu percipiendo, messor autem mercede: id quod intelligi non potest, nisi satoris nomen ex orationis conclusione, intelligas etiam in propositione. Huiusmodi curtæ sententiæ existant etiam in profanis litteris: vt 1. Tim. 4. Deo volente monstrabimus.

CAP. V. v. 2. *Apud oniaricam piscinam*) κολυμβήθρα in datiuo duas ob causas lego: primum, quod προβατικῇ sine substantiuo non bene poneretur: deinde, quod piscina diceretur Bethesda, quod verbum non piscinam, sed domum sonat: est enim a beth et hese deductum verbum: hoc est, domus benignitatis, in qua benigne fit pauperibus, quæ πηλωχοδοχέων dicitur.

CAP. VI. v. 62. *Quid si videritis filium hominis eo adscendentem, ubi erat antea?*) Vobis absurdum videtur, inquit, quod dixi meam carnem comedendam, sanguinemque bibendum, ei qui saluus esse velit. Atqui id tum multo absurdius videbitur, quum in cælum, (id quod vobis spectantibus facturus sum,) adscendero. Sic enim tum dicere licebit: Iussit suum corpus comedi Christus, et tamen in cælum adscendit. Quomodo nunc id comedemus in terris, quod in cælo sit? O tardi: facit ista tarditas, vt mea verba absurda esse videantur, quum non sint. Nam carô quidem nihil prodest: non enim comedetur, sed in crucem vstra causa tollitur,



tur, mortuaque resurget, et in cælum ascendet: Sed quia vestra causa cruci figetur, atque hac ratione vobis vita conferetur, dixi eam vobis esse comedendam, quæ mea verba spiritus et vita sunt: hoc est, meus de vita per carnem meam consequenda sermo spiritualis est: nam et meum regnum spirituale est. Sed quia vos homines mortales adloquor, humano more loquor: et quum indicare volo, ne vobis esse vitam daturum, dico meam carnem vobis esse comedendam, sanguinemque bibendum: quoniam mea caro et sanguis ob conferendam vobis vitam penas dabunt: ut comedere me, conueniat cum eo quod supra dixi, *Ego sum panis vitalis: qui venit ad me, numquam esuriat: et qui mihi fidem habet, numquam sitiet.* Vide 1. Par. 11. quod ad sanguinem bibendum attinet.

CAP. VIII. v. 44. *Vt qui sit mendax, mendacique pater*) Ad verbum sic legitur, *Vt qui sit mendax, et eius pater*: quæ oratio resoluenda est, quomodo illa apud Ezechielem cap. 33. vbi sic ad verbum legitur, *Et iustus non poterit viuere per eam, si peccauerit: scilicet per iustitiam, quæ in iusti nomine intelligitur: est enim iustus is, in quo inest iustitia: ut sic orationem resolvamus: Is in quo inest iustitia, non poterit viuere per eam.* Et Prouerb. 14. In Iouæ metu tuta est potentia, eiusque filiis erit perfugium: eius scilicet, Iouam metuentis. Hoc pacto hanc orationem resolvemus: In diabolo inest mendacium, isque mendacii pater. Nec obstat, quod patris nomini additur articulus *ô*: nam et eum aliquando superuacaneum esse alibi ostendimus: et hoc loco potest nullo discrimine vel adhiberi, vel adimi: quemadmodum gallice vtrumque dici potest, *Il est le pere, aut, Il est pere de mensonge.* Ab hac loquendi ratione non abhorret, quod est apud Plinium lib. 28. cap. 9. de lacte: Stomacho, inquit, accommodatissimum caprinum, quoniam fronde magis quam herba vescuntur: scilicet capræ, quæ in voce Caprinum intelliguntur: ut sit lac caprinum, lac caprarum, quæ capræ, cet.

58. *Antequam Abrahamus esset, ego sum*) Quod verbo præsentis temporis vtitur, significat continuationem: ut capite decimoquarto, *Tamdiu vobiscum sum: hoc est, fui et sum*: quod vtrumque præterito tempore non declararetur. Sic latine, Iam quatuor dies ægrotat.

CAP. VIII. v. 39. *Ad eiusmodi discrimen ego, cet.*) *κρίνεν* est aliquando, cum ratione et delectu discernere: ut supra cap. 8. Multa habeo de vobis λέγειν καὶ κρίνεν: hoc est, λέγειν μετὰ κρίματι, dicere cum iudicio ac ratione. Atque hoc modo loquimur latine, quum aliquid dicimus nullo iudicio factum, hoc est, imprudenter, et absque delectu ac ratione. Sed hoc loco quoniam iudicii vocabulum parum quadraret, Discrimen reddidi.

CAP. XII. v. 31. *Nunc filius hominis illustratur*) ἔδοξάνη præteriti temporis est, quod hebræo more pro præsentis subinde ponitur: cuius exempla quoniam infinita sunt, adducere non est opus. Hoc etiam apud Latinos fieri in nonnullis verbis videmus, meminî, nouî; item in aliis, Profuît id facere: pro prodest, aut. prodeste solet. Atque ut semel hoc admoneam, tempus pro tempore poni, in his libris est vñtatissimum.

CAP. XVIII. v. 1. *Trans torrentem Cedronem*) Quum Cedron sit hebræum nomen singularis numeri, aut articulus τῶν superuacaneus est, aut τῷ legendum est: quod facile potuit ab aliquo græculo deprauari, qui quum

quum κέδρων cedros esse putaret (vi esset, si vox græca foret) voluit solæcisimū epitare, et ex τῶ κέδρων fecit τῶν κεδρῶν. Video enim quidam huiusmodi ignoratione hebraicæ linguæ fieri: ut in Ierusalem et Ierubaal, quæ verba græca arbitrati Græci, fecerunt ἱεροσόλυμα et ἱεροβαὰλ, quasi παρὰ τὸ ἱερὸν ducta forent; unde factum est, ut quum ea apud Hebræos non adsperirentur, apud Græcos, et porro apud Latinos adsperirentur. Hæc ego non mutandi, sed indicandæ causâ dico; nam vtrum huiusmodi nomina adsperes, an non adsperes, nihil referre arbitror.

CAP. XXI v. 5. *Iuuenes, numquid edulii? cet.)* παιδία vocat, quod Hebræi יְלָדִים, quod vocabulum puerorum est et iuuenum commune, sicuti gallicum, enfans.

8. *Trahentes rete piscium)* Hoc est, in quo pisces erant: eo modo dictum, quo dixit Cicero scutellam dulciculæ potionis, et calicem mulsi.

\*\*\*\*\*

## ACTA APOSTOLORVM. ARGVMENTVM ATHANASII IN ACTA APOSTOLORVM.

*Hoc nomine vocatur hic liber, propterea quod simul cum aliis etiam Apostolorum acta continet. Qui vero illa exponit, Lucas est euangelista, qui et librum hunc conscripsit. Est enim una cum Apostolis peregrinatus, et maxime cum Paulo: et quæ exacte cognovit, litteris mandauit. Narrat autem hoc libro, quomodo angelorum mysterio Dominus adsumtus sit: effusionem Spiritus sancti in die Pentecostes super Apostolos, et omnes eos, qui tum præsentés erant, factam: constitutionem Matthiæ in locum Iudæ proditoris, et designationem septem diaconorum, ac Pauli electionem, et quæcumque ille passus est, et quomodo tandem Romam cum illo profectus sit. Duodecim autem Apostolorum nomina sunt ista: Primus, Simon, qui vocatur Petrus. Deinde, Iacobus filius Zebedæi, et Ioannes frater eius, Andreas frater Petri, Philippus, Thomas, Bartholomæus, Matthæus, Iacobus filius Alphæi, Simon Zelotes, Iudas Iacobi, qui et Thaddæus dicitur, et Iudas Iscariotes, qui prodidit Dominum. Sed in huius locum, postquam Dominum prodiderat ac perierat, constitutus est ab Apostolis Matthias, et commemoratus cum undecim reliquis, duodecimus deinde vocatus est: et Paulus instrumentum electum, missusque et ipse cum Barnabâ ad prædicandum Euangelium Domini gentibus circumquaque. Postea constituti sunt et septem diaconi ab Apostolis, quorum hæc sunt nomina: Stephanus, Philippus, Prochorus, Nicanor, Timon, Parmenias et Nicolaus. Horum itaque Apostolorum et diaconorum acta exponit Lucas, et quæ ab illis edita sunt signa, quæ ista sunt: Petrus et Ioannes claudum ex nativitate,*

in porta speciosa sedentem, in nomine Domini curarunt. Petrus Ananiam et Saphiram uxorem eius coarguit, quod suffurati fuerant de pretio agri, et promissionem erga Deum factam defraudarant, ob quam causam et e vestigio mortui sunt. Petrus Dorcada, vita defunctam, in loppe precibus suis e mortuis excitauit. Petrus vas, plenum omnis generis animantibus, calitus demissum vidit. Umbra Petri, agrotos quos contingebat, sanauit. Petrus quum in carcere ligatus seruaretur, per angelum, insciis militibus, liberatus est. Et Herodes, permiuum esca factus, expirauit. Stephanus prodigia fecit, et signa. Philippus eunuchum, Esaiæ prophetiam legentem, accessit, et baptizauit. Idem Philippus multos malos spiritus in Samaria eiecit, et claudi ab illo ac paralytici curati sunt. Paulus quum adpropinquaret Damaſco, visionem vidit, et mox Euangelii præco factus est. Paulus quum esset Lysiris, Aeneam, ex vtero claudum, in nomine Domini curauit. Paulus per visionem in Macedoniam vocatus est. Paulus mulierem habentem spiritum Pythonicum purgauit. Paulus et Silas Philippis in cæstodiam coniecti, et pedes eorum ligno restricti sunt. In medio corpore noctis terræ motus factus est, et soluta sunt eorum vincula. A corpore Pauli sumta sunt sudaria, quæ agrotis ac demoniacis imposita, curationem attulerunt. Paulus in Troade constitutus Eutychem e fenestra prolapsum ac mortuum excitauit, dicens: Anima eius in ipso est. Paulus in Cypro magum Elymam compeſcuit, qui et cæcus effectus est. Paulus, quum Romam nauigaret, tempestate iactatus est ipse, et quotquot cum illo in navi erant, noctes ac dies quatuordecim. Et quum uniuersi mortem expectarent, adstitit Paulo Dominus, dicens: Propter te largitus sum istis, quos tecum habes, vt uiuant, atque ita seruari sunt. Paulum, quum e navi egressus esset, vipera momordit, putatumque est ab omnibus, quod moriturus esset: quum vero illesus permaneret, arbitrati sunt, eum esse deum quemdam. Patrem Publii in insula, dysenteria laborantem, impositis manibus sanitati restituit Paulus, et simul alios multos in eadem insula agrotos curauit.

## IN ACTA APOSTOLORVM.

Quoniam etiam acta pro gestis latine interdum dicuntur, et hoc nomine liber hic vulgo citari solet, nolui mutare titulum.

## ADNOTATA.

CAP. I. v. 1. *Quæ Iesus et facere et docere institit*) Ad verbum, Quæ Iesus cepit facere et docere: hoc est, quæ fecit et docuit. Vt 4. Esd. 4. Quam magnam arcem incipient facere? et 6. Ceperunt dominari nostri; et 9. Inehoauit dicere coram altissimo: et, Initium verborum Esdræ: hoc est, Sequuntur verba Esdræ, quorum initium hoc erit. Tale videtur illud Marc. 1. Initium Euangelii.

CAP. II. v. 3. *Quadam quasi ignis lingua*) Mollius effert, Igneæ linguæ:

sed quia verbum sequens, quod ad ignem refertur, est singularis numeri, si dixissem Ignem, aut infederunt fuisset dicendum, aut Infedit ad nomen ignis referendum, quod in Ignem tacite subesset: quomodo in Ioanne dicitur diabolus mendax, et eius pater, scilicet mendacii. Si hoc loco dictum esset, Ignem linguae qui infedit, scilicet ignis: sed id obscurius esset.

4. *Et diuersis loqui linguis ceperunt*) Hoc loco tenere me nequeo, quin eos redarguam, qui putant discipulos sua lingua locutos: sed miraculo factum, ut nemo non intelligeret, perinde ac si suam quisque linguam audiret. Ut si diceret discipulus, verbi gratia, elohim, audiret alius *σιδς*, alius *θεός*, alius Gott, alius Deus, alius dieu, alius dio. Qui ita dicunt, quæso quid aliud dicunt, quam mentitum esse Lucam, qui disertis verbis dicat, eos loqui diuersis linguis? id quod fore promiserat Christus? At id non esset loqui linguis, sed lingua: et tamen subditur, *Potest eis spiritus dari*. Quid est dari? estne idem quod audiri? Deinde non esset in loquentibus miraculum, sed in auditoribus. Itaque non essent ebrietatis accusandi loquentes, sed Iudei, qui ea audirent, quæ non dicerentur. Præterea mentitus esset Paulus 1. Corinth. 14. qui dicit: Qui lingua, (scilicet peregrina,) loquitur, non homines adloquitur, sed Deum: nemo enim audit, hoc est, intelligit. Huic enim responderi posset, audire omnes suum vernaculum sermonem, nec vlla opus esse interpretatione, quam tamen adhiberi iubet. Linguam enim diuinitus inspiratam, (de cuiusmodi loquitur,) ab omnibus intelligi. Ad hæc imperfectum manumque foret hoc discipulis tributum munus: minusque eis, quam auditoribus, datum esset. Non enim tantum loquendum erat, sed audiendi etiam, qui interrogare colloquique vellent. Quod si Petrus, (exempli causa,) cum aliquo Partho colloqueretur, Parthus Petrum intelligeret. Quid Petrus, Parthum non intelligeret. Quomodo ergo interroganti Partho responderet? Necessè esset, ut aut Parthus hebraice loqueretur, (ita Parthus, non Petrus, linguam ex tempore didicisset) aut Petrus parthice loquentem intelligeret: ita fieret, ut Petrus parthice et sciret, et quia posset, loqui deberet: aut, ut parthice loquens Parthus, hebraice loqui putaretur: ita nihilo plus in Petro, quam in Partho foret. Aut ut interpres adhiberetur: ita inutile linguarum munus esset. Neque video, quæ res hunc errorem pepererit, nisi quod non putant, eundem hominem eodem tempore diuersis posse loqui linguis, neque vident se, dum monstrum fugiunt, in monstrum incidere. Nec enim minus est monstruosum, te quam ego dicam samaiim, audire cælum, aut *σάβαν*, quam me eodem momento vtrunque sonare. Sed neutrum horum monstrorum inuicere necesse est. Non scribit Lucas, aliquem vno tempore tot linguis locutum esse, id quod fieri non potest: sed diuersis linguis locutos esse, ut cuiuscumque nationis homines nati essent, eos ipsorum sermone adfarentur: ut hic Petrus asianos nactus, asiaticæ adloqueretur: illic Ioannes Aegyptios, ægyptiæ, aut idem quouis sermone, prout in quosque incidisset: ita quod diuersis loquuntur linguis discipuli, id contra naturam non est: sed quod ex tempore didicerunt linguas, id diuinum, contraque naturam est: quemadmodum Lazarum in vitam reuocatum viuere, mirum non est: sed in vitam reuocari, mirum fuit. Quod nisi hæc sic interpretemur, faciemus ex diuinis operibus

bus præstigias, ut res non agatur, sed agi videatur: ut si quis circulator ensem deuorare videatur, quum non deuoret. Certe non aliud esset, si discipuli, peregrinis loqui linguis, et dicerentur et viderentur, quum id non ita esset. Hoc loco mirabitur non nemo, (cui hic locus primo adspæctus fuerit apertissimus,) me tantum chartæ in explicanda re tam perspicua impendere: et sane eum totum intactum præterissem, nisi veritus essem, ne rudibus imponeret alicuius auctoritas.

29. *Desummo patre Davide*) Quomodo ἀρχιερεὺς summus sacerdos dicitur, et ἀρχίατρος summus medicus, et cetera denique ab ἀρχεῖν composita: sic πατριάρχης latine summus pater adpellari potest, et est dignitatis vocabulum.

CAP. V. v. 24. *Summus sacerdos et sani antistes*) τὸν ἱερέα vocat, quem paullo ante vocauit ἀρχιερέα: sicut Hebræis יִהְיֶה idem sæpe dicitur, qui יִהְיֶה יִהְיֶה. Non habent enim Hebræi nomen vnum, quo summum sacerdotem a sacerdote distinguant. Itaque pontificem, sacerdotem summum adpellant, nonnumquam etiam sacerdotem: quemadmodum Latini summum poetam adpellant poetam.

42. *Iesum Christum nuntiare*) Est quidem εὐαγγελίζεσθαι proprie lætam rem nuntiare: sed aliquando pronuntiare dicitur, sicut ἔσθαι quod quum idem declaret, ponitur aliquando etiam in re tristi: vt l. Reg. 4.

CAP. VIII. v. 23. *Nam tibi acerbam imminere*) In græco est, χολὴν πικρίας, hoc est, bilem acerbis: queni hebraismum latine sic reddere licet, ut nos reddidimus, aut inuersione dicere bilis acerbis: quomodo Latini dicunt montium proceritatem, pro montibus proceris: quod hebræo more diceretur, montes proceritatis. Quod autem Imminere interpretatus sum, animaduertendum est, præpositionem εἰς aliquando futurum aliquid notare: vt Luc. 2. ἔσται εἰς πτώσιν καὶ ἀνάστασιν πολλῶν: hoc est, Hic multis vel casui vel resurrectioni futurus est: hoc est, Ab hoc multis vel casus imminet, vel resurrectio futura est. Et quod paullo post interpretor: *Te scelere constrictum esse*: quum sit eadem præpositio εἰς συνδεσµὸν ἀδικίας ὄντα: alius tamen est præpositionis vsus: sicut in eodem, quem modo adduxi, Lucæ loco, ubi sequitur, εἰς σημεῖον ἀντιλεγόμενον: quod non iam licet per verbum imminendi conuertere. Est autem hæc Petri sententia: Video tibi acerbam bilem, hoc est, graues a Deo pœnas imminere, propter tuum scelus: vt patet ex sequenti Simonis responsione, qui eas deprecatur minas. Bilem autem, siue iram, pro pœnis et Dei in homines animaduersione dici: notissimum est ex sacris litteris.

CAP. X. v. 45. *Qui erant a circumcisione fidentes*) A circumcisione esse, est ex circumcisis esse: quomodo dicit Cicero, Qui sunt ab ea disciplina: πιστοὶ autem qui dicuntur, eos malo fideles dicere, quam fideles: nam πιστός in vtraque notione dicitur, vt πιστός Θεός recte fidelis aut fidus dicitur. Sed πιστός, quum de Christiano dicitur, fidentem significat, non cui habenda sit fides, qui fidelis latine dicitur: sed qui fidem habeat, scilicet Christo.

Volo autem Fidens nomen esse, sicut κλητὸν in Paulo, qui vocatus aut euocatus ita dici potest, ut sit nomen, non participium: quasi tu dicas, vocatiuus. Atque huiusmodi nominibus vtuntur etiam Latini, quum accensos, et euocatos, et legatos dicunt: ne nobis idem, vrgente necessitate, facere nefas putemus.

CAP. XIII. v. 34. *Dabo vobis fidem Davidis benignitatem*) Locus est ex Ef. 55. vbi **וְיָצַח** (sic et alibi sæpe) beneficia sunt, siue beneficentia: quæ hic minus proprie *חסד* vocantur, quoniam illud idem verbum apud Hebræos pietatem significat, quæ in his libris *חסידות* adpellatur. Sic autem habet Esaiæ locus: *Feriam vobiscum fœdus æternum, fidei Davidis benignitatem (siue beneficentia) quem populorum monitorem, quem ducem præceptoremque populorum daturus sum.* Hunc locum recte de Christi resurrectione citat Paulus. Quum enim Christus hic David adpelletur, necesse est ut sit homo, et porro ut moriatur. Atqui hic promittitur, eius fidem fore beneficentiam, hoc est, ratam, firmam, certam, durabilem: hoc enim declarat verbum fidelis, aut fidus, etiam apud Latinos, quum fidam pacem, aut fidem ad perpetuitatem materiam dicunt. Quod si durabilis futura est, et æterna Davidis nostri benignitas atque fœdus, necesse est, ut sit ipse sempiternus: nam si decessisset ipse, eius quoque fœdus finem haberet. Quod si sempiternus est, et tamen homo, hoc est mortalis, necesse est, ut moriatur, deinde in vitam infinitam redeat, atque ita in suos Israelitas conferat beneficia sempiterna.

CAP. XVII. v. 25. *Omnia denique conferat*) καὶ τὰ legitur, non κατὰ.

CAP. XVIII. v. 18. *Et cum eo Priscilla et Aquila, quum caput totondisset*) Paulus an Aquila caput totonderit, certo affirmari non potest ex sermone græco. Vero tamen propius videtur hoc de Aquila dici, ex eo quod Lucas uxorem viro præposuit: cuius ordinis, (quum alias non soleat,) quæ causa fuerit, non video, nisi ut intelligeretur participium *χειρῶμεν* ad Aquilæ nomen, cui protinus coniungitur, referri: quod non fieret, si Aquilam anteposuisset.

CAP. XVIII. v. 27. *Vel potius ne eius*) μᾶλλον δὲ, non μέλλεν τὸ legendum est.

CAP. XXVII. v. 9. *Quod tranquillitas præteriiisset*) διὰ τὸ καὶ τὴν νη-  
σεῖαν ἢ παρεληλυθέναι, Quod ieiunium iam præteriiisset. Sed quid ieiunium ad nauigandi periculum? Nam si ieiunium voces inedia, ea esse quæ poterat? quum essent in portu, et posset amplissima insula suppeditare comineatum, et paullo post dicantur nauem exonerare frumento. Adde quod neque νησεῖα dicitur pro ἀστυῖα, neque id cum verbo παρεληλυθέναι quadrat: oportet enim inedia non præteriiisse, sed instare: neque id inedia, sed comineatus penuria dici deberet. Sin ieiunium dicas ieiunandi tempus, id neque nauticæ rei conuenit, neque quidquam ad rem facit. Equidem dum diligentius narrationem hanc considero, suspicor non νησεῖαν, sed νημεῖαν legendum esse, hoc est, a ventis tranquillitatem: nam id et cum narratione conuenit, et facile deprauari potuit a mediocriter docto, qui verbi νημεῖας vim ignoraret.

PAVLI

# PAULI EPISTOLA AD ROMANOS.

## ARGVMENTVM ATHANASII IN EPISTOLAM AD ROMANOS.

Pauli vocantur epistola, propterea quod eas ille scripsit. Et per har quum eos, quos viderat ac docuerat, admonet et corrigit, tum quos non viderat, instruere conatur ac docere, quemadmodum scire possunt, qui in eas incidunt. Hanc autem Romanis e Corintho scripsit, quum eos nondum quidem vidisset, audisset vero de illorum fide, cusperetque videre eos. Et initio quidem laudat eorum fidem, quam videbat passim adnuntiari. Deinde significat, saepenumero propositum sibi fuisse veniendi ad eos, propter desiderium, quo erga eos adfectus erat, haecenus vero non licuisse. Ceterum docendi moda epistolam contextit, de vocatione gentium, et quod circumcisio temporaria fuerit, iam vero cessauerit, quod per Christum solutum sit delictum Adæ, quod umbra legis transierit. Vocationem itaque gentium consequenter recto ordine factam esse ad hunc modum probat. Ostendit, vniuersis hominibus insitam esse legem, et quosuis citra doctrinam (legis) naturæ iudicio ex ipsa rerum conditione Deum cognoscere posse. Quapropter et merito gentes priore loco accusat, quod quum ipsis cognitionem sui Deus ex operibus mundi patefecerit, et simul sempiternam potentiam suam, quæ verbum ipsius est, in quo et per quod omnia fecit, ostenderit, ipsi non cognouerunt ex creaturis, Deum esse talium opificem, sed magis operibus illius diuinitatem adscribentes, creaturas potius adorauerunt, quam creatorem. Accusat autem et Iudæos, ut qui legem non seruauerint, immo per transgressionem legis Deum magis dehonestauerint. Atque ita vtramque partem, tam Iudæos quam gentes, arguit, et sub iniquitate transgressionis concludit, ut ostendat, omnes pares esse factos inter se, ex aquo reos, et redemptionis egentes. Deinde, merito et gentium factam esse vocationem, ex eo declarat, quod gratia et redemptio aequaliter contingere et Iudæis et gentibus, vocatione vero gentium facta, necessario cessasse circumcisionem et legis umbram. Nam Abraham, inquit, non circumcisione, sed ante circumcisionem iustificatus, nominatus est Abraham, quoniam futurum erat, ut fieret pater multarum gentium, secundum fidem, quæ erat in præputio. Circumcisionem autem, postquam iustificatus erat, accepit in carne, ut signum esset posteris, ex ipso secundum carnem nascituris, quod desitura esset circumcisio, quando gentes fierent filii Abrahamæ, inciperentque viuere secundum fidem Abrahamæ, in qua ille, quum adhuc esset in præputio, iustificatus est. Etenim illorum gratia, quum antea dictus esset Abram, vocatus est Abraham. Erat autem necessarium, ut, venientibus rebus præsignatis, desineret signum. Quapropter et

qui cogunt gentes circumcidi, iidem tollant et nomen Abraham, et vocent eum Abram. Si vero Abraham vocatus est a Deo, non oportet gentes circumcidi, immo ne Iudæi quidem secundum carnem amplius circumcidendi sunt, ut firmum sit nomen Abraham, voceturque pater multarum gentium, ferendum enim posthac non est, ut quisquam circumcidatur, quum sufficiat fides Abraham, nec opus sit ulla legis umbra. Non enim iustificatur quisquam ex talibus, sed ex fide, quemadmodum et Abraham. Postquam ista ad hunc modum probauit, iterum ostendit, quod nec Israeli nec gentibus alia possit ratione redemptio et gratia obtinere, nisi primum illud et vetustum peccatum, quod per Adam in omnes mortales peruenit, soluat: deleri autem per alium non posse, nisi per filium Dei, per quem et ab initio maledictio facta sit. Neque enim possibile erat, ut alius delictum hoc solueret. Deinde scribit, quod nullo alio pacto factum sit, quam ut, corpore adsumto, filius Dei fieret homo: ut corpus hoc, inquam, quod iisdem nobiscum passionibus obnoxium esset, pro omnibus offerret, et omnes a morte liberaret. Et quemadmodum per unum hominem peccatum in mundum ingressum est, ita et per unum hominem ad omnes mortales gratia perueniret. Deinceps vero tamquam bonus æconomus Iudæos consolatur, quod legis transgressores futuri non sint, si in Christum credant; his vero qui ex gentibus crediderant, edicit, ne contra Israel emulentur, sed cognoscant, se veluti ramus radici, ita Iudæis esse insertos. His absolutis sermones hortatorios ad docendum bonos mores subtexit, atque ita epistolam finit.

## A D N O T A T A.

CAP. I. v. 3. *Quod ad carnem attinet*) σάρκα in sacris litteris aliquando corpus esse, declarauimus in Genesi. Nonnumquam significat rem corporatam: vnde πᾶσα σὰρξ, omnes homines, aut etiam omnia mortalia. Inde in Ioann. 8. κατὰ σάρκα κρῖνεν, quod solet dicere Paulus κατ' ἀνθρώπων. Itaque possis hoc verbum latine humanitatem, aut humanam conditionem, siue naturam appellare, aut etiam corpus. Nam in huius epistolæ cap. 7. Paulus dixit: τὰς πράξεις τῷ σώματος, pro τῆς σαρκός. Hinc σαρκικός idem qui humanus, terrestris, corporalis: cui opponitur πνευματικός, qui latine diuinus, a diuino spiritu rite dici potest. Sed quum omnibus artibus permittantur sua vocabula, nobis permitti debet, ut saltem in translatione carnem et spiritum, sicubi videbitur, adpellemus, ne quem offendamus: sic tamen, ut id citra superstitionem faciamus. Quum enim Paulus ipse eadem de re non semper idem verbum ponat, nos quoque in verbis cogi non debemus, modo de re constet.

7. *Omnibus qui Roma estis, gratiam et pacem*) Ad verbum sic legitur: Gratia vobis et pax: qui hebraïsinus est in accusatiuum latino more mutandus. Pacis autem vocabulum in salutationibus apud Hebræos poni, et salu-



salutem latine dici posse, alias ostendi. Sed id fieri non semper necesse est, præsertim ubi cum aliis coniungitur.

13. *Vi profectum aliquem apud vos quoque faciam*) καὶ ὑμῶν vocat προ-  
κοπή, scilicet Euangelii: vt apud Philipp. 1. ubi vtrumque eadem de re  
ponitur. Inde καὶ προκοπῆς, hoc est proficere, dicitur Euangelium,  
Coloss. 1.

14. *Doctis ac imperitis debeo*) σοφός etiam Græcis, vt ΩΩΩ Hebræ-  
is non solum sapientem, sed et doctum declarat: et apud Latinos olim, te-  
ste Cicerone, iidem erant docti, qui sapientes.

CAP. III. v. 25. *Fidem habentes iustificet*) Verbum hoc etiam Ciceronia-  
nis ferendum videtur: nec enim durius est, quam turpificare. Idem dico  
de propitiatorio, et præputiato: quæ cur minus quam decretorius, et ca-  
pitatus, et hastatus, et clipeatus dici possint, non video: præsertim quum  
huiusmodi verba et sæpe occurrant, et ad rem significantius exprimendam  
pertineant. Iam fidei vocabulum, vt nos in hoc argumento vtimur, etiam  
latine poni, docuit Budæus, adductis ex antiquitate exemplis. Si enim fi-  
dem habere Christo, recte dicitur: cur ea res fides dici non possit, nulla  
causa est: ne eorum superstitioni obtemperemus, qui volunt persuasio-  
nem adpellari: quum id verbum nec vbique quadret, nec profus idem de-  
claret. Nec enim idem plane est persuasio, quod fides aut fiducia: nec  
possis dicere, Persuasionem habeo Christo: quomodo, Fidem habeo Chri-  
sto, aut fiduciam habeo in Christo collocatam. Neque, Magna est tua per-  
suasio: quemadmodum, Magna est tua fiducia, aut fides. Denique pau-  
cis locis persuasionem pro fide recte dixeris, et ea proprio nomine  
πεποιθήσις adpellatur, et cum fide coniungitur, ad Ephes. 3. Iam vero,  
si auctoritate vtendum est, non video cur hac in re sit repudiandus Iaco-  
bus Sannazarius, poeta, vel cum paucis antiquorum conferendus, et idem in  
verborum delectu etiam ad superstitionem diligens, apud quem sic disce-  
dentem Gabrielem adloquitur Maria:

Iamiam vince fides, vince obsequiosa voluntas.

29. *Qui et circumcisionem fide, et præputium per fidem, cet.)* Hoc est, cir-  
cumcisos et præputiatos: quomodo academia et iuuentus pro academicis et  
iuuenibus dici solet. Quod autem aliter vertimus in cap. 1. in causa fuit  
sententiæ conditio. Sic enim illic ad verbum legitur: *Quod si præputium le-  
gis instituta conseruet, nimirum eius præputium pro circumcisione habebi-  
tur.* Vbi relatiuum Eius, masculinum est in græco sermone, quum  
præputium ἀκροβυστία sit femininum: ex quo adparet, præputium pro  
præputiato dictum, vt cum relatiuo conueniat: id quod hebræorum mo-  
re factum est, qui rara habent huiusmodi a substantiuis adiectiua: itaque  
a substantiuis vtuntur pro eis. Idem fit sæpe in nomine ἔθνος, quod gen-  
tem significans, ponitur pro extraneæ gentis hominibus: vt Act. 15. Et gen-  
tes omnes, qui a nomine meo denominantur: ubi græce Gentes neutrum,  
Qui masculinum est.

CAP. III. v. 5. *Qui fontem iustificat*) ὕψι quandoque fontem, et qui  
alteri facit iniuriam, declarat: vt Exod. 2. In ea notione positum est hoc  
oco vocabulum ἀσεβής, vt et cap. 5. ubi idem est ἀσεβής et ἀμαρ-  
τωλός.

12. *Non iis solum, qui sunt a circumcissione*) τοῖς ἔκ ἐκ περιτομῆς μόνον, dictum est, pro, ἔ μόνον τοῖς ἐκ περιτομῆς, vt recte vertit vetus interpres: sicut ad 1. Thessalon. 1.8. ἀφ' ὑμῶν γὰρ ἐξήχηται ὁ λόγος τῷ Θεῷ, ἔ μόνον ἐν τῇ μακεδονίᾳ, ἀλλὰ καὶ ἐν παντὶ τόπῳ ἡ πίσις ὑμῶν ἐξηλέγηθεν: pro, ἔ μόνον γὰρ ἀφ' ὑμῶν, cet. Talem verborum transpositionem inuenies et 2. Timoth. 2. vbi nos vertimus: Laborandum agricolæ est, cet. et ad Hebræos 11. Est autem apud Paulum paullo perturbatior sententia, quæ sic enucleari potest: Abrahamus pater est omnium fidentium. Sunt autem fidentium duo genera, præputiati, et circumcisi. Non solum circumcisorum fidentium pater est, sed etiam præputiatorum fidentium. Eadem sententia paullo post sequitur: Non solum, quæ a lege, verum etiam quæ ab Abrahami fide sit, qui noster omnium pater est. Sed quomodo pater est, (dicit aliquis) quum sit mortuus? An patrem habemus mortuum? aut is pater dici potest, qui non est? Nam hæc pugnantia sunt, eundem esse et non esse. Interiisse, est non esse, patrem esse, est esse. Ergo idem qui interiit, pater esse non potest. Ad hæc respondet Paulus: Pater est noster non apud nos, quibus non viuuit: sed apud Deum, cui viuuit, (ei enim viuunt omnes,) et a quo reuocandus est in vitam. Itaque Deus eum iam vocat, Multiparentem, (hoc enim declarat Abrahami nomen,) perinde ac si iam esset multiparens, quum tamen nondum sit nobis, sed futurus est: nam a Deo reuocabitur in vitam. Nunc iam est Deo, cui sunt omnia præsentia. Similis est et illa Luc. 20. Christi sententia: Viuentium Deus est, non mortuorum: quippe quum ei viuant omnes: de qua ibi ideo nihil scripsi, quod eam nondum intelligebam: videbatur enim animorum immortalitatem ostendere, quum de resurrectione disputaret. Quamquam ne nunc quidem de ea adfirmabo: tantum dicam, quid mihi venerit in mentem. Quum Deus dicatur Abrahami, Isaac, et Iacobi, necesse est vt aut illi viuant, aut Deus sit mortuorum Deus. Atqui mortuorum esse Deum, est nullius esse Deum, quum mortui non sint. Necesse est ergo, vt illi viuant. Sed non viuunt. Fateor, non viuunt hominibus: quibus tantum præfens vita, præfens est: sed viuunt Deo, qui eos in vitam reuocabit: quæ vita nobis futura, Deo præfens est. Ergo erit mortuorum resurrectio. His Christus Sadducæos refellit. Sed quid sit, omnes Deo viuere, et ei omnia esse præsentia, adhuc manet obscurius. Nos sic conabimur exponere. Formicæ præfens est terra in palmi longitudinem: quoniam humili corpore, non cernit longius. Homini præfens est (exempli gratia) in decem palmorum longitudinem. Ita quidquid est intra vnum palmum, id formicæ præfens est, nouem palmi sunt absentes. At homini et vnus ille palmus, et reliqui nouem, præfentes sunt. Ita sit, vt idem et formicæ absens, et homini præfens sit. Adducam aliam similitudinem. Fluit aqua Rheni. Eius paruula portio mihi nunc præfens est, quæ paullo ante præfens erat Schafisianis, eadem paullo post præfens erit Argentinensibus. At Sol totum hoc spatium præfens habet, tamquæ ei præfens Argentina est, quam Basilea. Sic tempus fluit, vt aqua: temporis pars ea, in qua sumus, nobis præfens est: at Deo, qui maximus est et sempiternus, vniuersum tempus, et quod fuit, et quod est, et quod erit, præfens est. Ita quod reuiuifcet aliquando, et viuere Abrahamus, id nobis absens et futurum est. At Deo id tempus, et proinde ea res, præfens adest. Vide 4. Esd. 5.

vbi Dei iudicium circuli simile dicitur. Hæc ego caligantibus animi oculis dico, non adfirmo.

CAP. V. v. 7. *Nam pro viro bono fortassis aliquis mori sustineat*) Rationem reddit, cur dixerit Vix: quasi hoc dicat: Quod dico vix quemquam pro infante mori: ideo vix dico, quoniam non omnino nego fieri posse, vt aliquis (tametſi rarus) infantis bonique viri causa mori sustineat: fieri enim hoc potest. Sed fontis causa mori nemo sustinet, hoc Christi proprium est, et amoris inauditi. Vocat autem eundem δίκαιον iustum, quem ἀγαθόν bonum. Nam δίκαιος a iustitia dicitur, a qua viri boni denominantur: et cum opponit ἀσεβῆς, siue ἀμαρτωλῷ.

CAP. VI. v. 3. *Quicumque sumus Christi Iesu nomine baptizati*) εἰς χρεῖσθὺν dixit, quomodo εἰς τὸ ὄνομα, aut ἐν τῷ ὀνόματι τῷ χρεῖσθι alias dici solet: sed durius dixit, hebraico more: sicut 1. Corinth. 10. εἰς τὸν μωσὴν ἐβαπτίσαντο. Mollius cohæret cum re, quam cum persona: vt 1. Corinth. 12. dicitur, Vnum in corpus loti sumus: hoc est, vt vnum corpus efficeremur. Sed et in persona propterea dici solet, quod apud Hebræos personæ nomen sæpe pro reponitur: vt sit in Christum, aut in Mosem lauare, idem quod, ad Christianitatem, aut ad Mosaitatem: hoc est, vt Christianus aut Mosæicus fias. Sic in Christo esse, aut mori, aut viuere, cet.

4. *In paterna gloria resurrexit*) Hoc est, gloriosius. Dixit autem διὰ τῆς δόξης, pro ἐν τῇ δόξῃ: vt cap. 4. τῶν πιστευόντων δι' ἀκροβυστίας, pro ἐν ἀκροβυστία: quomodo διὰ βίης, in vita dicitur. Atque vt idem est, per omnem vitam, et in omni vita: sic idem hoc loco est, διὰ δόξης, et ἐν δόξῃ. Sed latine per gloriam, quomodo per vitam, eadem notione dici non potest.

7. *Vt peccati corpus aboleatur*) Hoc est, vt peccatum aboleatur, quod corpus est: id est, quod similitudinem habet corporis, in eo, quod quemadmodum corpus morte, ita peccatum vitæ renouatione aboletur. Vide animaduersa ad Coloss. 1.

16. *Cui vos ipsos seruos præbetis obediendo*) εἰς ὑπακοήν, Hebræorum more dictum est, apud quos Lamed littera gerundii vim habet.

17. *Ei doctrina rationi, quæ vobis tradita est*) εἰς ὃν παρεδόθητε τύπον, pro εἰς τύπον ὃς ὑμῖν παρεδόθη. Sicut ad Galat. 2. πεπίστευμαι τὸ εὐαγγέλιον, pro, εὐαγγέλιον ἐμοὶ πεπίστευται. Atque ita loquuntur Græci et in hoc verbo, et in aliis: ἐγχειρίζομαι ὑπὸ σε τὴν βίβλον, pro, σὺ ἐγχειρίζεις μοι τὴν βίβλον. Tale quiddam in 2. Corinth. 11. declarabimus.

CAP. VII. v. 4. *Vos quoque peremti estis legi*) Quum legem viro, et homines mulieri comparauerit, videtur hic dicendum fuisse, Vobis peremta lex est: vt conueniat similitudo hunc in modum: Vt mulier, viro mortuo, libera est: sic vos, lege mortua, estis a lege liberi. Sed intelligendum est, hæc sic inter sese conuerti, vt sit idem: Vos estis legi mortui, et Vobis mortua lex est: vt vos nihil rei cum lege habeatis, et lex nihil vobiscum rei habeat, non magis quam viui cum mortuis, aut contra.

CAP.

CAP. VIII. v. 20. *Per eum qui eam spei submisit*) διὰ τὸν ὑποτάξαντά, pro διὰ τῆς ὑποτάξεως dictum est: vt paullo ante διὰ ἀμαρτίαν, quod ex sententia patet. Declarat enim quod dixit, Non sua sponte: hoc est, ab alio: quod si diceret, Propter alium, posset id et sua sponte, et tamen propter alium fieri. Iam διὰ cum accusatio in hanc sententiam poni, etiam apud auctores profanos video: vt in Socratis Panegyrico, vbi δι' ἡν ἐσώθησαν, pro δι' ἧς ἐσώθησαν dici, adnotauit Hieronymus Wolfius, eius interpres. Atque idem mihi ostendit, bis eodem modo locutum Demosthenem in fine orationis pro Megalopolitanis.

CAP. VIII. v. 12. *Maiores seruiet minori*) Sanctus Apostolus Paulus explicans materiam Electionis et Predestinationis, adlegat verba Domini, ad Rebecca iam grauidam, Gen. 25. Intellige autem hæc non de Esau et Iacobo dicta (nam si carnem species, Esau Iacobo non seruiuit) sed de duabus gentibus inde profecturis, vt ostendunt Dei verba, qui non dicit Rebecca, duo homines: sed *duas gentes sunt in ventre tuo*. Iam quod mox subiungit Paulus, *Iacobum amavi, Esau vero odio habui*, non sic accipiendum est, quasi fuerit dictum, antequam nati essent pueri, sicuti superius oraculum: quum hoc fuerit dictum multis post sæculis per Malachiam, et quidem dictum item non de duobus hominibus, sed populis, vt adparet in Malachia, cap. 1, 1. Non enim dixisset Deus de re futura, Amaui, sed Amabo: sicut in superiore oraculo, quod de re futura edebatur, dictum est, Seruiet. Cur autem Esau, hoc est malos, oderit, et Iacobum, hoc est bonos, amet Deus, patet ex Deut. 9. vbi sic populum adloquitur Moses: *Non propter iustitiam vestram, vos illorum terra possessionem inuaditis, sed gentes illas Deus propter ipsum vicia vobis euertit: cum vt id præstet, quod maioribus vestris iniuriis*. Item cap. 10. *Deus maiores vestros amore complexus, eorum posteritatem, hoc est vos, ceteris omnibus anteposuit nationibus*. Ex his adparet, eos qui amantur et eliguntur, eligi gratuita Dei benignitate: ex qua electione proficiatur salus, hominibus vitam electione sua dignam agentibus: eos autem qui odio sunt, et repudiantur, repudiari propter sua peccata, vt sit vera illa sententia: Pernicies tua a te est, Israel, salus autem a me, Ose. 13. Itaque quod Esau odio est, id fit propter eius peccata: quod Iacob amatur, id Dei bonitatis et gratiæ et electionis est. Sed qui sit quod dicit, *Quem vult indurat*, magna quæstio est. Quæso te, lector, vt quæ dicam, audias benigno animo, et rationes ante diligenter et amice perpendas, quam repudies. Loquitur Paulus de Pharaone, cuius cor indurasse Deus dicitur. Quid sit autem indurare, aut ex verbo cognoscendum est, aut ex sententia. Ex verbo certo cognosci non potest, siquidem Exod. 9. dicitur Deus indurasse cor Pharaonis: et in fine eiusdem capituli dicitur Pharaon indurasse cor suum, quæ verba pugnancia sunt, quemadmodum in Psalmis dicitur: Nolite obdurare corda vestra: vt si ex verbis contendas, hominem a Deo indurari, quia sic scriptum sit: alius possit item ex verbis contendere, hominem a semetipso indurari, quia sic scriptum sit. Itaque ad sententiam recurrendum est, quam sic perpendamus. Omnes Adamo prognati habent cor durum et lapideum, id quod ostendit Ieremias cap. 17. dum dicit, omnium malitiosissimum esse cor hominis. Et Ezechiel. cap. 36. vbi Deus dicit sese eis exemturum esse cor lapideum. Nam lapideum cor eximere non posset, nisi haberent cor lapideum. Quod si Pha-

Pharaonis cor erat natura lapideum, non magis poterat a Deo, vel a seipso indurari, quam lapis, nisi prius fuerat molitum, quod non fuit. Itaque quod dicitur a Deo indurari, id videtur idem esse, quod non molliri, sed in sua duritate relinqui, ut quemadmodum non prodesse viduis, pro nocere viduis dictum est: ut Iob. 24. ita contra, nocere iis dicatur Deus, quibus non prodest: et eos indurare, quos non mollit. Quod autem scribitur Pharaon ipsemet indurasse, siue obtinasse, aut obfirmasse cor suum, significatur, eum scientem et volentem durasse, et retinuisse cor durum et pertinax, neque se molliri voluisse, quum ita convinceretur miraculis, ut confessus fuerit Mosi, se peccasse. Hanc interpretationem neque a verbis, neque a sententia discrepare, sic ostendimus: Matth. 6. Ne inducas nos in tentationem, est, Ne patiari nos tentari, aut tentatione vinci, ut sit idem, inducere in tentationem, quod, non liberare a malo: hoc est, a duritate et peccato nostro, ut iam sic dicere liceat, Ne induces cor nostrum: hoc est, ne relinquant nos in innata duritate cordis nostri, sed nobis cor carneum et obediens dato. Sic Iob. 39. dicitur Deus priuauisse struthiocamelum sapientia: hoc est, non donasse, sicut ipsemet ibidem interpretatur: numquam enim habuit struthiocamelus sapientiam. Item cap. 17. dicitur Deus eripuisse ingenium amicis Iobi: hoc est, non dedisse. Iam vero quum Deus neminem tentet, hoc est, ad peccandum impellat, sicut scripsit Iacobus, in Ep. c. 1. Pharaonem certe non tentauit aut indurauit, sed tentari et durum manere passus est. Neque vero grauius punire potest hominem Deus, quam si eum deferat, et in duritate sua relinquat, quemadmodum terras grauius adfligere non possit, quam si solem et lucem eis adimat, sicut aduenit Aegyptiis per triduum. Sic punit vineam suam in Eccl. 5. non eam ipse vastando, sed sepe et pluuia priuando, et vastari permittendo. Sic Iobum adfligit, priuatque facultatibus, non ipse id faciendo, sed a satana fieri permittendo. Sed tamen cor aliquem relinquit Deus in duritate sua, (quæ poena est grauissima,) quum alios misereretur, questio est: ad quam breuiter responderi potest, quod supra adduximus ex Deuter. 9. aut quod scriptum est in Decalogo: vbi dixit Deus: se misericordiam facere iis, qui ipsum amant, et eius præcepta exsequuntur, punire autem eos, qui ipsum oderunt, Exod. 20. aut quod scripsit Paulus ad Romanos. Quia quum Deum cognouissent, non, ut Deo dignum erat, honorarunt, sed veritatem in iniustitia superprefferunt, hanc ob rem permissit eos Deus in turpes libidines. Hæc est induratio, cuius causam quum hanc tradat Paulus, non est quod aliam putemus. Itaque quod Pharaonem puniuit, ideo puniuit, quia Pharaon Iouam oderat: id quod ostendit illa crudelitas, qua seuebat, ante aduentum Moysi, in Israelitas, quæ certe non a Deo, sed ab ipso Pharaone proficiscebatur. Itaque primo congressu induratus est a semetipso. Mosi dixit Exod. 5. Nescio, quis sit Ioua: et propter suam improbitatem relictus fuit a Ioua, atque ita malo spiritui emancipatus, sicut de Saulo legimus, eum, quia Deo obedire noluisse, derelictum fuisse a bono Dei spiritu, et porro correptum a malo, ita ut deinceps semper abierit in deterius. Itemque 2. Par. 25. de Anasia, qui quia Idumzorum deos coluerat, desertus est a Deo, ita ut Iouæ non obtemperauerit. Itaque quod dicit Paulus, *Quem vult indurat*, non est hic consistendum: sed querendum porro, quemnam velit indurare. Vult autem indurare eos, qui ipsum oderunt, et ei obedi-

obedire nolunt: vt eius indurationis, siue defectionis causa sit non Dei libido, qui nihil facit sine iusta causa, sed hominis antegressa contumacia. Hoc indicauit Christus, dum Matth. 23. dixit: Quoties volui congregare filios tuos, et tu noluisti? Hic vides, prauam Hierosolymiz voluntatem in causa esse, quo minus seruetur: quum tamen Christus eam seruare vellet: Itaque sequitur induratio: Es. 6. Obdura cor populi huius, vt videntes non videant. Iam vero quod dicit Paulus de figulo, lege lector, antequam progrediari, Ieremix cap. 18. et Ezech. 33. et ea diligenter perpende: non te poenitebit. Inuenies enim hanc sententiam. Deus habet homines in manu, sicut figulus lutum. Si quis vitam suam corrigere, et Deo obedire non vult, cum Deus perdit: sicut figulus vas perdit, in quo aliquid vitiosum esse contigit. Et quemadmodum figulus nullum vas facit, vt id perdat, (tametsi posset, sed non vult abuti suo luto,) sed tantum perdit ea, quæ bona non sunt, quum tamen ea fecisset, vt bona essent, (vellet enim bonus artifex, omnia sua vasa esse bona,) sic Deus nullum hominem creauit, vt eum perderet: sed tantum perdit eos, qui boni esse nolunt: quum tamen eos creasset, vt boni essent. Vellet enim omnes homines esse bonos, et saluos fieri: quum sit ipse bonus, et omnia bona creauerit. Item quemadmodum figulus ex eadem creta vasa facit alia ad vsum mensæ et rerum honestarum, alia ad vsum culinæ aut excrementorum: sic Rom. 9. Deus alios homines condidit, vt essent in Christi corpore quasi oculi, quidam aut aures, aut manus, vt Prophetas et Apostolos: alios vt essent quasi pedes, aut immundæ partes, vt ceteros minus excellentes Christianos, quibus non tantas dotes largitus est. Sed intelligendum est, aliud esse vas frangi, aliud ad res inhonestas creatum esse. Quodlibet vas, si malum est, frangitur, siue ad honesta siue ad inhonesta factum sit, etiamsi sit aureum, vt adpareret Ierem. 22. vbi sic Deus loquitur: Etiamsi esset Conenias annulus in dextera manu mea, inde te detrahā, cet. Rursum quodlibet vas, si bonum est, seruetur, etiamsi sit ad res inhonestas conditum. Dicit tibi figulus: Ego nullum vas vellem frangere: sed si quod malum esse contigit, ostendo potestatem meam id frangendo. Dicit magistratus: Ego nullum ciuem vellem interficere, vellem enim omnes esse bonos: sed si quis latro est, ostendo meam potestatem eo interficiendo: et dum volo ostendere quid possem, eligo aliquem facinorosum, quem puniam. Sic dicit Deus Ezech. 33. Nolo mortem peccatoris, sed magis vt conuertatur et viuat. Nolo vt quisquam sit malus, ideoque improbitatem veto. Sed si quis, vetante et nolente me, sua sponte malus est, eum ego deligo ad exterendam in eum iram potentiamque meam. Quod si quis a me propter sua peccata perditur, non est quod me accuset, et dicat: Voluntati eius quis resistit? Voluntati meæ resistere nemo potest. Non est autem mea voluntas, vt aliquis peccet, aut etiam vt, quum peccauerit, moriatur; sed potius corrigatur et viuat. Sed si quis corrigere se non vult, eum ego punire et volo, quia ipse in peccato perferenare vult: et possum, quia habeo summam in omnes potestatem. Quod autem dicit Paulus, iræ vasa ad exitium condita: non sic accipiendum est, quasi Deus hominem aliquem ad hoc nominatum creauerit, vt eum perderet. Creat quidem Deus alia vasa ad res honestas, alia ad res inhonestas, sed ad res inhonestas creata vasa non perduntur, quin diligentius quam cetera teguntur: sicut membra corporis, quæ inhonesta videntur: tametsi re ipsa nullum corporis membrum inhonestum est, nihil enim inhonestum condidit Deus: et quemuis locum habere in domo Domini, est honestum locum

locum habere : nullus enim ibi locus est inhonestus in oculis Dei, sed dicuntur illa humano more. Sed ad exitium condita vasa dicuntur ea, quorum exitus et finis est exitium. Ostendit hoc Paulus, dum dicit: Tuli multa cum patientia iræ vasa. Si enim cum patientia fert illa Deus, certe dolet ei res: et si dolet, non placet: quemadmodum magistratus fert multa cum patientia improbum aliquem, expectans dum ille se corrigat: neque placet magistratui, ut committat ille facinus aliquod capitale: neque ideo eum patienter fert, ut postea interficiat. Quod si ille postea sua culpa interficiatur, dici poterit ad supplicium conditus, aut reseruatus, quia talem habuerit exitum: non quia ideo sit conditus. Tales locutiones passim occurrunt in sacris litteris, ut Levitic. 20. *Si quis dederit progeniem suam Moloch, lapidetur: quia progeniem suam dedit Moloch, ut sanitarium meum pollueret.* Atqui non eo consilio immolabant Israelitæ natos suos Moloch, ut Domini sanctuarium polluerent, sed ut Molochum colerent: verum inde eueniebat, ut pollueretur sanctuarium Domini. Item Numer. 32. *Es ecce vos surrexistis pro patribus vestris, additamentum improborum, ut ira Ioua insuper in Israelitas augetur.* Non enim in animo habebant Rubenitæ augere iram Iouæ, sed sibi prospicere: verum inde consequbatur ira Iouæ. Item Es. 23. *En terram illam Chaldeam Assyrii condidere Siluanis.* Non enim eo animo considerant Babyloniæ Assyrii, ut in ea habitarent Siluani: sed is fuit euentus. Sic Prouerb. 16. Deus creasse malos dicitur ad diem ipsorum ruinæ, quia is est euentus, non creationis consilium. Hoc loco surgit ingens, et multum agitata quæstio, de destinatione siue prædestinatione: de qua equidem tacere mallet quam loqui, nisi viderem multos in viam latam declinare. Itaque quæ reuocentur, si fieri potest, in angustam viam, dicam ea, ad quæ me sensus ipse tenorque sacrarum litterarum impellit. Iudicium erit Dei et piorum. Veritas in medio querenda proponitur: eam quærere, et quid sentias dicere, non est nefas. Hæc credere nemo cogetur: fides est libera. Primum quid sit destinare, dicendum est: deinde cui rei destinatus sit homo. Destinare, (quod in sacris litteris *קָדַשׁ* aut *קִדְּשׁוּ* dici solet,) est animo aliquid statuere, facere, ut destinare argillam faciendo vasi, est ita deliberare: volo ex hac argilla facere vas. Destinare aliquem neci, est ita cogitare: volo efficere, ut hic homo moriatur. Destinantur autem alia cum conditione, alia certo et sine conditione: quæ vtraque destinatio in Deo cernitur. Nam quum diceret, *Faciamus hominem*: destinabat certo et sine conditione creationem hominis. Item quum diceret, *Semen femina conteret caput tuum*: destinabat aduentum Christi sine vlla conditione, id quod ostendit Paulus, dum 2. Corinth. 1. dicit, DEI promissiones de CHRISTO esse Amen: hoc est, certas, ratas, immutabiles. Rursum quum collocabat hominem in Paradiso, ut eum coleret et tueretur, et tamen mortem ei minabatur, nisi ab arbore scientiæ boni et mali abstineret, destinabat eum vitæ cum conditione, videlicet si obediret. Hinc videmus, cui rei destinatus fuerit homo, videlicet beatæ vitæ in Paradiso transigendæ, dummodo a fructu vitæ se contineret. Itaque Dei consilium et intentio, dum diceret, *Faciamus hominem ad imaginem nostram*, fuit, creare hominem, qui beatus futurus esset. Hæc est hominis prædestinatio, videlicet ad vitam beatam. Nam vivere in Paradiso, est vivere beatum.

Iam

Iam an omnes homines ei vitæ destinati sint, videamus. Constat omnino eidem rei destinatas esse aues omnes, cui destinatae fuerunt aues primæ a Deo create, videlicet vt per aerem volent et propagentur, quod idem dico de ceteris animantibus, neque non de stirpibus. Quod si idem sit in hominibus, sunt omnes homines eidem rei destinati, cui fuit destinatus primus homo. Si enim tantas vires habuit illa ad mortem accidentalis destinatio, quæ Deus Adamo mortem minatus est, si vetito fructu vesceretur, vt ad omnes homines propagata sit inde mors : non dubium est, quin illa prior et Deo amior ad vitam destinatio, (propter quam nominatim creauit hominem,) pertineat ad omne semen Adami. Non enim potest destinatio ad mortem latius patere, quam destinatio ad vitam. Si sumus omnes in Adamo lapsi, stetimus omnes in Adamo ante lapsum. Labi enim nemo potest, nisi qui stetit. Quod si stetimus, eadem conditione stetimus, qua primus homo, eidemque vitæ omnes destinati fuimus. Si enim creati fuimus ad imaginem Dei, vt bestiis et terræ imperaremus : etiam creati fuimus, vt in Edenis, hoc est voluptatis ac beatæ vitæ pomario, degeremus. Hac enim destinationis parte, cur potius fraudemur, quam aliis, nulla causa est. Hoc pacto loquitur auctor ad Hebræos cap. 7. qui dicit Leuim decimatum fuisse, hoc est decimas soluisse (scilicet Melchisedecho) in lumbis Abrahami patris sui. Quod si Leuis, qui nondum natus erat, decimas soluit in lumbis Abrahami : etiam nos omnes, qui nondum nati eramus, beatæ vitæ destinati fuimus in lumbis Adami. Hinc adparet, omnes homines esse beatæ vitæ destinatos, idque est Dei bonitate dignissimum. Si enim nemo tam malus est, vt velit filium gignere ad patibulum : quanto minus dignum Dei bonitate est, vt voluerit aliquem hominem gignere ad miseriam sempiternam. Si vos, qui mali estis, tamen scitis bona dare filiis vestris : quanto magis pater vester celestis, qui bonus est ? Quod si hominem creasset Deus non liberæ, sed seruæ voluntatis, numquam potuisset homo eligere malum et peccare. Deus enim, (qui nihil vult nisi bonum,) eum semper ad bonum impulisset. Adparet hoc in terra, quæ quia non est creata liberæ voluntatis, sed vt hominis imperio seruâ subiaceret, non potest non obedire Deo, et stirpes assidue gignere : Sed quum homo ad imaginem Dei, imperaturus orbi crearetur, oportuit eum, (sicut filium Dei, et orbis Imperatorem decebat,) esse liberæ voluntatis. Iam quemadmodum filius, dum in patris semine, aut in matris utero est, vinculus est : sed postea natus, euagari potest, etiam nolente patre, quoniam pater eum domi vinculum non tenet : sic Adam, dum crearetur, nihil poterat, sed postea creatus, multum in vtramque partem poterat, quippe quem Deus liberum relinqueret, et verbis, non vinculis, regeret : quæ verba quum eum mouerent, non cogerent, poterat vel peccare, vel non peccare. Peccasse autem volentem, arguit Deus, qui dicit eum vxori magis obediuisse, quam ipsi Deo. Nam obedientia certe voluntaria est. Nolente Deo peccasse, ostendit præceptum, quo Deus vetuerat, nè fructum illum gustaret, vt enim hominis, sic et Dei voluntas cognoscitur ex præcepto. Idem ostendit reprehensio, quum dicit Deus, eum non obediuisse sibi, ex quo intelligitur Dei voluntatem fuisse, vt non gustaret fructum illum. Ex his adparet, Adamum peccasse, non destinatione Dei, (qui peccatum non vult,) sed voluntate culpaque sua, nulla necessitate cogente. Dicit aliquis : Sed si Deus



si Deus noluisset, eum, quo minus peccaret, impedire potuisset : Fateor, si eum stipitem, non hominem creasset : aut si eum statim interfecisset. Sed hominem creare, et eundem vel ad peccandum, vel ad recte faciendum cogere, perinde fuisset, atque auem creare, et ei liberum volatum adimere, hoc vero esset non auem, sed aliud quidpiam creare. At enim Deus potest omnia quæ vult : Fateor, sed nihil vult absurdum, (etiam si homines multa eius opera absurda iudicent,) aut quod fieri non possit. Itaque ut Adam peccandi, aut non peccandi potestatem haberet, fuit voluntatis Dei : sed ut non vtrumlibet posset, et tamen liberam voluntatem haberet, hoc esset absurdum, et perinde ac si dicas, potest et non potest. Igitur quod peccare potuit, hoc habuit a Deo : sed quod peccare voluit, hoc habuit a seipso. Exempli gratia : Possum interficere hominem : hanc potestatem habeo a Deo, qui me fortem et ingeniosum creauit, quæ potestas mala non est : sed si interficio, abutor ea potestate, tamquam gladio, qui mihi non ad eum usum datus est, et tamen ita datus est, ut eo possum vel uti vel abuti, nec alia conditione dari potuit, ut quidam est natura gladii, qui æque nocere potest atque prodesse, quamuis sit bonus : sed regitur eius arbitrio, cui in manu est, non eius, qui eum fecit aut tradidit. Itaque aut non tradendus est, aut ea conditione et periculo tradendus est. Talis fuit illa Adamo data libertas. Dicit aliquis : Præciebat Deus eum peccaturum, ergo aliter euenire non poterat. Respondéo, aliud esse scire, aliud efficere. Sciebat Deus fore, ut ego hodie domo exirem : sed me exire non coegit, fuitque mihi liberum vel exire, vel non exire. Non enim quia ipse sciebat, ideo ego exiui : sed quia ego exiturus eram, ideo ipse præciebat. Non enim pendet res siue præterita siue futura, a scientia : sed scientia a re. Scio ego heri spirasse ventum : scio et hinc ad sex menses fore æstatem : sed neque ventus spirauit, quia ego eum spirasse scio : neque æstas erit, quia ego fore scio : sed contra, quia æstas futura est, ideo eam ego fore scio : et quia ventus spirauit, ideo eum ego spirasse scio. Iam vero qui putant, res omnes non aliter fieri posse, quam sunt, longe errant. Poterat Christus, (sicut dicit ipsemet Matth. 26.) obtinere a patre duodecim legiones angelorum, tamen non obtinuit, et sciebat pater, eum non oraturum, tamen poterat orare : ergo fieri aliquid potuit, quod factum non est. Habebat Pilatus potestatem vel dimittendi vel crucifigendi Christum, id quod Christus non negat : tamen non dimisit, quum posset, Ioann. 18, 4. Denique si scientia Dei seruas redderet omnes actiones, oportet non solum Christum, sed etiam ipsum Deum eius patrem esse seruum, utpote qui sciat, quid facturus sit. Sed non ideo facturus est, quia scit : sed ideo scit, quia facturus est, habetque liberrimam faciendi aut omittendi potestatem. Quum volunt sacræ litteræ homines ad earum rerum cognitionem adducere, quæ sensibus subiectæ non sunt, deducunt ex eis rebus similitudines, quæ sub sensum cadunt. Si intemperatius epulor, sentio liberam epulandi voluntatem : si postmodum cruditate laboro, sentio necessarium eruditatis malum : ex quo fit, ut aperte videam peccatum esse voluntarium, poenam vero necessariam : ut qui volens peccat, is nolens puniatur. Quod si quando eo venit homo consuetudine peccandi, ut se a peccando continere non possit, aut a Deo derelinquatur, eam peccandi necessitatem ipse sibi sua voluntate creauit, dum volens primum peccauit, quemadmodum si quis se ipsum det præcipitem, deinde casum reuocare

nequeat. Sed ad rem veniamus. Ostendimus Adamum, et porro omnes homines, destinatum fuisse vitæ æternæ: peccasse autem contra Dei voluntatem et destinationem, sua voluntate, nulla necessitate cogente. Iam fieri multa contra destinationem, quæ cum conditione coniuncta sit, facile est ostendere. Destinavit figulus cretam vasi culinario: sed vas illud in fornace finditur contra destinationem. Destinauerat Deus, omnes Israelitas ex Aegypto eductos in Cananzam introducere, sicut ipsemet Moysi demonstrat, Num. 14. ideoque omnes in Mosem loti fuerunt in nube, 1. Cor. 10. sed ipsi, quia Cananzos adoriri voluerunt, in siluis perierunt contra destinationem, quemadmodum et Scribæ, qui Dei consilium in ipsis resciderunt, Luc. 7. destinauerat Deus regem Ezechiam morti, 2. Reg. 20. sed Ezechias precibus et pietate quindecim annos inpetrauit contra destinationem. Sexcenta possunt talia adferri. Iam considerandum est, an etiam in Christo, nouo Adamo, omnes destinati sint salutem: Paulus quidem affirmat, dum Act. 17. dicit, Deum nuntiare omnibus vbique hominibus, vt penitentiam agant, fidemque præbere omnibus per Iesum Christum. Item dum 1. Tim. 4. dicit, Deum seruatorem esse omnium hominum, et maxime fidelium. Nam per Deum non stat, quo minus seruentur omnes: Ideoque Seruator omnium sic dicitur, quomodo medicus sanator omnium diceretur, qui vellet et posset omnes sanare, si modo omnes vellent se sanari. Eadem dicit cap. 2. Videlicet Deum velle omnes homines seruari, per vnum mediatorem Dei et hominum Christum, qui se ipsum dederit pretium redemptionis omnium. Nec sunt audiendi, qui dicunt ibi, omnes homines esse de omni hominum genere. Nam eadem ratione liceret dicere, quum Paulus Rom. 5. dicit, per vnum hominem venisse mortem ad omnes homines, non ad omnes homines venisse mortem, sed ad omnia hominum genera: id quod falsum est. Quod si ad omnes prorsus homines propagatum est peccatum, et mors ab Adamo, multo magis iustitia et vita propagatur ad omnes a Christo. Vbi enim abundauit peccatum, superabundauit gratia. Eodem pertinent illa: Omnes sitientes venite ad aquas, Ef. 55. Item: Venite ad me omnes qui laboratis, Matth. 11. Item: Non vult quemquam perire, 2. Petr. 3. Ex quibus, et aliis multis, adparet Deum velle, vt omnes seruentur. Cur autem nonnulli tamen pereant, causa est illa, quam supra in Adamo diximus: videlicet cautio, quod Deus vult omnes quidem seruari, sed per salutem. Iam salutis adipiscendæ ea ratio est, vt admittant homines amorem veritatis, 2. Thess. 2. Admittitur autem amor voluntate: et voluntas libera est, ita sit, vt qui non vult admittere, damnetur. Cuius damnationis prima et vna causa est, praua voluntas hominis, quæ parit incredulitatem, sicut ostendit Apostolus, dum Rom. 11. dicit, Iudæos propter incredulitatem suam esse amputatos ex olea. Nam omnes fuisse salutem destinatos, adparet ex ipsa similitudine. Certum est enim, omnes ramos oleæ destinatos esse ferendo fructui. Possent autem destinatum et vocatum tamen amputari, ostendit ibidem, dum dicit: Et tu qui insitus es, amputaberis, nisi permanferis in fide. Certe insitos, et vocatos, et credentes, et in olea stantes adloquitur, eosque timere iubet: id quod frustra præciperet, si amputari non possent: quemadmodum et alibi Phil. 2. iubet salutem procurari cum timore et tremore. Quin ipsemet metuit, ne amputetur, qui tamen sciebat, se esse vas electionis, dum 1. Cor. 9. dicit: *Ego sic curro, vt non obsecro: sic luctor, vt non aerem verberans: sed domo et subigo meum corpus,*

*pus, ne forte, quum alios docuerim, ipse reiectaneus sim.* Quid est enim reiectaneum esse? An ab hominibus reici? At ipse 1. Cor. 4. testatur, se nihil facere hominum iudicium. Vt interim taceam, quod quum loquatur de lucta, dubitari non potest, quin de luctu pramio loquatur, ad quod peruenire non possit, nisi legitime et ad finem vsque certauerit, etiam si esset electus, aut, (vt supra de Conenia dictum est,) annulus in dextera manu Dei. Hoc significabat Christus, quum Matth. 5. diceret: Nisi iustitia vestra superauerit iustitiam Scribarum, cet. et tamen electos adloquebatur. Itaque Iudas, qui erat electus, et in libro vite scriptus, (dicit enim, Ioan. 6. Nonne ego vos duodecim elegi? item, Gaudete, quia nomina vestra scripta sunt in libro vite,) tamen reiectus est, et de libro deletus, (id quod fieri posse adparet in fine Apoc. et Exod. 32.) quia eius iustitia non fuit maior quam Scribarum. Id quod Ioannes aliis verbis indicat, dum dicit: *Si fuissent ex vobis, non exissent*, hoc est, si sinceri fuissent, et alia iustitia præditi, quam Scribæ et Pharisei. Nec est quod cauillentur, Iudam non ad vitam, sed tantum ad apostolatam fuisse electum. Dicit aperte Christus Io. 17. *Ex omnibus quos dedisti mihi, non perdidisti quemquam, nisi filium perditionis.* Ergo Iudam perdidit, quia Iudas vocationem suam ratam non fecit, sed irritam. Item Io. 15. *Ego vos elegi, et eo destinavi, ut abeatis, et fructum feratis, vestrerque fructus daret.* Quod si erat electus Iudas, vt fructum ferret, certe electus erat, vt Christi (qui vitis est) palmes esset. Sed quia fructum non tulit, amputatus est. Alioquin quomodo potuisset alios ad salutem ducere, nisi ipse ad eandem antecessisset? Vos estis sal terræ, inquit Matth. 5. Quid potuisset in Apostolatu prodesse Iudas, si fuisset sal fatuum? Itaque non vt fatuum, sed bonum sal esset, electus fuit. Sed quia in electione non perterritus, reiectus est, ideoque electus negatur, Ioan. 13. Non de omnibus dico, scio quos elegerim. Iam vero dicit Christus Petro: *nisi te lauero, non habebis partem mecum.* Quid quod scripsit Petrus ipse 1. Pet. 2. *qui in sermonem offendunt, ei dissidentes, ad quod erant destinati?* Quomodo offendunt, si nemo destinatus offendere potest? Adde huc, quæ supra iam citauimus ex Ieremia 18. et Ezechiele 33. Ex his igitur sic iam inferimus: Deus vult omnes per Christum saluos fieri. Quicumque seruari volunt, per Christum possunt: si modo ea præstare velint, quæ ad salutem adipiscendam sunt necessaria. Qui pereunt, ii contra Dei destinationem et voluntatem pereunt, sua praua et libera voluntate et culpa. Qui vite destinati sunt, perire possunt si volunt, sicut Iudas. Qui morti destinati sunt, seruari possunt, sicut Ezechias, si modo mature resipiscant. Qui seruantur, ii Dei electione et misericordia gratuita seruantur. Qui damnantur, non ideo damnantur, quia velint Deus eos damnari, sine vlla causa nobis cognita: sed ideo vult eos damnari, quia veritatis amorem scientes et volentes repudiarunt: quæ causa nobis cognita, et in litteris aperte declarata est. Sed quoniam electionis facta mentio est, de ea nonnihil loquendum est. Electio triplex est, vt Iud. 6. in Gedeonis historia in figura demonstratur. Gedeon spiritus instinctu euocat tubæ sonitu Abiezrianos, et Manassenses, et ceteros. Hæc est prima electio, sine electis, qui generalis est. Deinde edicit, vt timidi et noui mariti, cet. discedant. Hæc est altera electio, qua tantum intrepidi et ad bellum parati eliguntur. Postremo separat eos, qui aquam more canum lambunt. Hæc est tertia electio, qua non nisi strenuissimi, et omnia bello postponentes eliguntur. Sic Christus primo generatim vocat omnes ad penitentiam. Hic est primus electus.

eius. Deinde iubet renuntiari patri et matri et uxori. Hæc est altera electio, in qua multi discedunt. Postremo iubet perseverari in rebus adversis vsque ad finem, et panem de celo comedi, Ioann. 6. Hæc est tertia electio, in qua Iudas discedit: de qua loquitur Ef. cap. 48. Eligam te in fornace calamitatis. Has omnes electiones habebat Deus in animo ante orbem conditum, nec est eius interior electio exteriori contraria. Non enim est duplex Deus. Itaque Ephes. 1. dicitur elegisse nos antequam nati essemus. Qui ad ultimam vsque electionem, et igneæ explorationem perseverauerit, saluus erit. Ac tales quidem electi perire non possunt, quia perseverant et semper sequuntur agnum, Apocal. 14, 4. Alioquin perirent, nisi perseverarent. Iam quod dicit Paulus Roman. 9. non esse currentis neque volentis, sed miserantis Dei: ostendit, salutem nostram gratuitam esse. Frustra enim cureremus, nisi Deus præmia proponeret: quemadmodum frustra curras in curriculo, si nullum sit propositum præmium. Sed tamen nisi velimus, et curramus, præmium non obtinebimus: oportet enim, ut præmiator et cursor officium suum præstet. Item, quod Philip. 2. dicitur Deus in nobis efficere ut et velimus, et perficiamus, intelligendum est, sic eum efficere, ut velimus, quomodo Christus sermone spirituque suo efficit, ut velis ire ad fontem, dum clamat: Omnes sitientes venite ad aquas, Ef. 55. Sed multi, rerum mundanarum amor indulgentes, hanc oblatam a Deo voluntatem et spiritum ipsi sua incredulitate et prava voluntate repudiant, sicuti supra dictum est de iis, qui amorem veritatis respuunt, ut et Christus Hierosolymæ exprobrat, cuius filios ipse congregare voluit, ut item in Marc. 6. scriptum est, ubi dicitur, Christum non potuisse in patria sua facere miracula, propter eorum incredulitatem. Ex quo intelligitur, quamvis velit servare nos, id tamen fieri non posse, nisi salutem volentes accipiamus. Et quod scripsit Lucas Actor. 13. credidisse omnes qui erant ordinati ad vitam, perinde est ac si dicas, credidisse omnes qui voluerunt renuntiare iis, quibus renuntiandum esse docuit Christus. Tales enim sunt ad vitam præordinati, siue destinati. Et quod dicit Christus Ioann. 6. neminem posse ad se venire, nisi trahente patre, trahere est attrahere et adlicere: sed multi attrahi recedunt, ut Iudas, quem pater ad Christum traxerat, et ei tradiderat. Iam vero quod hominere creavit Deus, et quod talem creavit, et quod docuit, et quod excellentiorem bestiis creavit, hoc totum factura est nullo requisito hominis officio: quemadmodum quod Matth. 25. paterfamilias alii dedit talenta decem, alii quinque, alii unum, ad eam talentorum dationem nullum requisitum est, famulorum officium. Sed quum dicit, *Negotiamini*, hic iam requirit officium. Itaque qui talentum obruit, damnatur, non quia tantum unum habuerit, (hoc enim ab heri officio pendet,) sed quia negotiari noluerit, quum posset. Sic quod nos tales creavit Deus, et quod alii maiorem veri cognitionem dedit, alii minorem, hoc plane a Dei electione et voluntate pendet, sine ulla officio nostro: sed ut in cognitione crescamus et negotiemur, ad ad hoc iam necessarium est officium nostrum: ita ut salutem nobis conferre non possimus, sed impedire certe possimus. Ita fit, ut salus sit a Deo, perniciēs a nobis ipsis, quemadmodum ægrotum sanare, officium est medici: sed oblatam medicinam sumere, et præscriptam vitæ rationem tenere, officium est ægroti: et quidem non minus necessarium,

rium, quam medici, neque tamen propterea dicat ægrotus, se a seipso sanatum esse: sed tantum salutem accepisse, non impedivisse. Iam de hominis voluntate, libera sit, an serva, satis patet ex eo loco, quem supra citavimus, Matth. 23. Quoties volui congregare uatos tuos, et tu noluisti? Si enim libera non fuisset Hierosolymæ voluntas, non potuisset non velle, quod Christus volebat: Quemadmodum de terra supra diximus. Quod si quis dicet, Deum noluisse, ut Hierosolyma vellet, faciet patrem filio contrarium: nam Christus voluit. Sin dicet occultam fuisse Dei voluntatem, qua nollet, apertam autem hanc, quæ a Christo verbis et præceptis proponeretur, statuet duas voluntates in Deo: quarum erit altera alteri contraria, id quod ne in homine quidem fert Deus, quum vetat habere eor et cor, hoc est cor duplex. Quum vetat Deus me furari, vult ut ego non furer. Quum iubet, ut Christum admittam: vult ut Christum admittam, et idem ab omni æternitate voluit: alioquin quomodo sciemus eius voluntatem? aut quis nobis patefecit illam occultam voluntatem eius præceptis contrariam? Si non haberem liberam voluntatem, non possem aliud velle, quam quod vult ipse. Dicit aliquis: Tamen 2. Reg. 16. iussit Semei, ut Davidi malediceret. Cur ergo iubet eum David postea moriens puniri? Sic iussit Deus Semei, ut Davidi malediceret, quomodo cor Pharaonis induravit, ut ante diximus: aut quomodo Iosephus, Gen. 45. dicit, se non a fratribus, sed a Deo fuisse missum in Aegyptum; id quod postea declarat, dum dicit, quod illi fecerant malo animo, id Deum vertisse in bonum: in quo adparet, Dei voluntatem fuisse, non ut illi eum venderent, (erat enim plagium, quod peccatum Deo placere non potest: nam Deus nolens iniquitatem tu es, Psal. 5.) sed ut Iosephus in Aegyptum veniret. Neque vero Deus illis malum animum dedit, ut id facerent: sed, quum iam ante malum animum haberent, passus est ab illis id fieri. Sic Semei non dedit malum animum, ut Davidi malediceret: Sed, quum vellet Davidem maledictis exerceri, nactus Semeium malorum hominem, ei laxavit habenas: et ille a Deo derelictus, quum malus esset, male fecit iussu Satanæ: et David qui id patienter tulit, bene fecit iussu Dei. Nam pati iniuriam, bonum est, et a Deo præceptum: sed inferre iniuriam, malum est, sitque contra Dei voluntatem, qui id vult: nec vlla est Dei voluntas huic voluntati contraria. Nam quod locum citant ex 2. Reg. 24. in quo Deus dicatur impulsisse Davidem ad numerandum populum, male citant? quum in 1. Paral. 21. aperte scriptum sit, eum id fecisse impulsu Satanæ. Quamquam etiam si diceretur Deus eum incitasse, sic intelligendum esset, quomodo supra de Semei diximus, videlicet relicto Davidem, non incitatum fuisse a Deo, non magis quam dum Vriam interfecit. Neque est, (ut iam ostendimus,) quod quisquam dicat, aliam esse Dei voluntatem quæ nos lateat. Deus in præceptis suis nobis aperuit æternam et immutabilem voluntatem suam: nec hominibus illusi, sed vere et ab omni æternitate voluit, quod præcepit: est enim Deus, qui malum semper odit, utpote qui semper sit bonus. Quod si quis dicet, hominem velle quidem sua sponte malum, sed bonum velle non posse sine Christo, quoniam sit iudicio plane perverso atque corrupto: fatebor id ego: sed aliud est libera voluntas, aliud bona. Liberam voluntatem habent etiam mali, sicut lupi, quoniam libere et volentes peccant: sed boni et a Christo docti, habent non solum liberam, sed etiam bonam voluntatem. Dices: Sed eam habent a Christo. Quid tum? Et Adamus a Deo habebat. Sed an ideo non habent, quia a Christo habent? immo ideo habent, quia a

Christo habent. Quod enim mihi donatum est, id ego habeo, meumque est, non ut gloriar, sed ut eo bene utar, et datori gratias agam. Nam et oculos a Deo habeo: sed non ideo non liber est mihi oculorum usus, quia Deus dedit; sed ideo liber est, quia Deus liberum dedit. Et panem nostrum quotidianum appellamus, et eo utimur arbitrato nostro: quum eum a Deo habeamus, sicut et omnia alia bona. Nec solum habent boni bonam voluntatem, sed etiam doctam et cum potestate coniunctam. Huius rei luculentum exemplum est in Paulo, et Timotheo, Act. 16. qui prohibiti sunt a sancto Spiritu verba facere in Asia: itemque conati per Bythyniam iter facere, sed non fuit eos spiritus. Quod enim conabantur facere, id bonæ voluntatis erat, quam bonam voluntatem a Deo habebant: sed erant ignari, quid vellet. Itaque Deus eos docuit, suæ voluntatis esse, ut irent in Macedoniam: id quod statim cupuerunt, et suam voluntatem Domini voluntati volentes obedienter submiserunt, et ab eo simul vires habuerunt ad opus perficiendum. Idem videre licet, 2. Reg. 7. in Nathane, qui quum David dixisset, ut faceret quod habebat in animo, postea iussu Dei huntiauit, non ipsum, sed Solomonem esse ædificaturum templum. Idem in Iosepho, Gen. 48. qui Manassæ dexteræ Iacobi admouebat, in quo erat sane Iosephi voluntas bona, sed indocta: Itaque ubi edoctus est, obediuit sua illa bona et libera voluntate. Atque hanc bonam voluntatem, quam acceperunt a Deo pii, impij repudiant oblatam a Deo. Id quod exprobat Stephanus Iudæis, Act. 7. Duri ceruice, inquit, vos semper Spiritui sancto contrauenitis. Volebat enim Spiritus sanctus eis dare diuino sermone cor carneum et obediens: sed illi aures suas volentes obdurabant: ideoque doceri non poterant, non magis quam surdi. Nemo enim tam surdus est, quam qui audire non vult. Quod autem Num. 23. dicitur Deus coegisse Balaamum ad bene dicendum Israelitis, sciendum est, alium esse spiritum fatidicum, alium spiritum iustificum, quamuis sit idem Dei spiritus. Bene vaticinari coactus est Balaamus, et impeditus, quo minus eum populum infelicitaret, quem Deus volebat esse felicem: sed bene viuere non coactus est: quemadmodum et Saulus, quum vellet occidere Dauidem, correptus est spiritu fatidico: sed nihilo factus est melior. Nam ad iustitiam et bonitatem nemo cogitur: inuitantur omnes, et verbis adliciuntur, et sic coguntur, quomodo Lotus genios ad se diuertere coegit, Gen. 19. hoc est verbis, aut etiam interiore et diuina vi orationis adliciuntur: sed, si nolunt, non veniunt. Propterea dicebat Christus, Matth. 16. *si quis vult venire post me*: Itemque suis duodecim, Ioan. 6. *Et vos num vultis abire?* quasi hoc diceret: Inuitum ego neminem retineo: Abierunt multi discipuli, et vobis abire liberum est. Igitur ut finem faciam, hæc sunt quæ volo: Homines tum boni tum mali habent liberam voluntatem: sed mali malam, sine Christo: et boni bonam, per Christum. Et mali possent obtinere bonam, et cum ea potestatem bene faciendi, si paterentur se a Christo mature doceri. Mature ideo dico, quoniam tempus erit, quum volent intrare per angustam portam, nec poterunt: quoniam sero volent, post mæssum; tamen habebunt voluntatem bene faciendi: sed potestatem non habebunt, quam ante habuissent, si voluissent. Boni vero habent a Christo liberam bene viuendi voluntatem, et potestatem: quoniam ipse sua gratia in eis efficit, ut velint et possint, et eos a seruitute liberat, in quam detrusi fuerant per peccatum. Ita fit, ut iustorum salus sit gratuitum Dei donum: iniustorum autem perniciies sit præmium eorum malæ voluntatis. Hæc ita esse sciunt ipsi

ipsi latrones, qui sepe inter manus carnificum libere confitentur, se sua culpa peccasse, quum potuissent, si voluissent; euitare facinora. Scient et omnes in extremo iudicio, quum ipsa crimina accusatores erunt, et conscientia bonos excusabunt, et malos accusabunt: id quod fieri non posset, nisi quod recordabuntur, se oblatam salutem sua sponte et pertinacia repudiasse. Scio, multa contra hæc obiici solere: ad quæ responderi posset, nisi prolixitatem refugerem, res est, quæ ab iis facile potest intelligi, qui seipsum rimantur: qui vero tantum litteras perscrutantur, neque cordi suo purgando operam, iis implicati tenentur, ut palpent in meridie, neque se doceri fustineant. Breuiter, si quis disputationem hanc satis percipere non potest, consideret, vtra via sit angustior. Nam qualis est discipulus, talis est doctrina. Quæ doctrina reddit homines audaces, inflatos, saeuos, persecutores, aliorum daninatos, et sui securos, quasi iam sedente cum ipso Christo ad dextram Patris: ea doctrina quum tales fructus edat, facile iudicari posset, qualis sit. Rursum quæ reddit Dei metuentes, sollicitos, demissos, benignos, clementes, misericordes, et salutem suam cum timore et tremore procurantes, neminemque damianates, sed omnium saluti studentes: ea quin diuina sit, quum tales discipulos efficiat, dubitari non debet, etiam si pessime apud homines audiat. Summa est hæc: Recedat ab iniustitia, quisquis nominat Christi nomen, 2. Tim. 2. Si quis se ipsum a vitiis expurgauerit, vas erit ad honestatem sacram. Qui stat videat, ne cadat, 1. Cor. 10. Nam si Deus naturalibus ramis non pepercit, ne nobis quidem parcat, quamuis infiti simus, et a radice seramur, Rom. 11. Domini metus, sapientia caput est, et casum antecedit superbia. Hæc vt scriberem, adductus sum misericordia, quod video, multos in eum errorem adduci, ut dicant: Si saluti destinatus sum, non possum perire: sin exitio, non possum seruari: itaque non est, quod de mea salute sim sollicitus, non magis quam de cursu solis. Atque hunc errorem, tantum abest ut tollere possint auctores illi huius fati Stoici, ut ipsimet eodem labore: quippe quum nulli securius viuam, aut licentius: sicuti et iam multi, et breui omnes videbunt. Neque huic malo vllis rationibus occurri potest, nisi sit persuasum, neminem prorsus esse, qui seruari non possit, si velit ad Christum vere et ex animo confugere, donec adhuc tempus est misericordiae. Itaque nemo desperet, nemo se reiectum putet: venite ad me, (inquit ipse seruator Matth. 11.) omnes qui laboratis, et onerati estis, patet adhuc omnibus salus.

CAP. VIII. v. 17. *Et tu oleaster in eos insitus es*) Atqui non oleaster in oleam, sed in oleastrum olea inseri solet. Verum quum Paulus radicem cum stirpe gentis Iudaicæ conseruat, calamum autem insititum cum homine extraneo, si ab vñtata inserendi consuetudine similitudinem duxisset, hoc erat incommodi, quod Iudæi cum oleastro, extranei cum oliua fuissent comparandi. Quod quum esset absurdum, (præstat enim Iudæa gens,) maluit simile ducere ab insitione, non vñtata illa quidem, sed quæ non minus fieri possit. Nam si oleastri insitum in oliuam inferas, viuet oleastri insitum, et oliuæ humore nutritur. Nec refert, quod fructus non feret vrbano, sed agrestes, (sempiternus enim talis est fructus, qualis est insiti flagelli natura,) non enim de fructu loquitur Paulus, sed de inserendi ratione, et calami nutritione. Atque quoad hæc quadrat similitudo, quæ non est longius persequenda, quam quoad pertinet ad id, de quo agitur.

36. *Et propter eum omnia*) εἰς αὐτόν, pro δι' αὐτόν. vt 2. Corinth. 2. ἐλθὼν δε εἰς τὴν τράδα εἰς τὸ εὐαγγέλιον, et Coloss. 1. πάντα δι' αὐτῶ, καὶ εἰς αὐτόν ἔκτισα. Neque non sic loquuntur Latini: vt Cicero, Ad memoriam aliquid notare: hoc est, ob memoriam: et Columella, in hoc factum est: pro, ob hoc ipsum, εἰς αὐτὸ τῷτο. Sed latine eum personæ accusatio durius esset et obscurius, si diceremus omnia esse ad Christum. Itaque malui dicere propter Christum.

CAP. XII. v. 1. *Per Dei misericordiam*) οἰκτιρῶν pluralis est numeri. Sed intelligendum est, quæ verba apud nos habitum declarant, ea apud Hebræos et de habitu dici, et de actione: sed de habitu per pluralem numerum, de actione autem per vtrumvis, prout vel vna est, vel plures. Exempli gratia, si volunt beneficium dicere, dicunt ὄψη, sin beneficentiam, vtitur eodem verbo, sed in plurali numero: atque idem faciunt, si beneficia significare volunt. Exempla legendis sacris libris, quam voles multa, inuenies. Igitur οἰκτιρῶς est misratio. At plurali numero, misericordia est, hebraico more, vt recte interpretatus est hoc loco vetus interpres.

2. *Nunc similes vos huic seculo prestare*) Hoc est, huius vitæ hominibus. Ego ab hoc loquendi genere ideo recedere nolui, quod et significanter dicitur, et latinus sermo patitur. Nam et secla ferarum, pro genere ferarum sæpe dixit Lucretius: et antiquorum quidam dixit, auariciam aut ambitionem nunc tenere seculum.

CAP. XIII. v. 12. *Discessit nox: dies adest*) Scio προκόπτειν esse progredi, et ἐγγίζειν propinquare. Sed non dixit Paulus, ἡμέρα ἐγγίξει: sed ἡγγικεν. Quod autem propinquauit, id iam non propinquat, sed adest. Atque hoc pacto ponitur hoc verbum et alias sæpe, et Lucæ 10. Neque vero me præterit, ἡγγικέναι ἀντὶ τῷ ἐγγίζειν sæpe dici. Sed id quomodo sit interpretandum, ex sententia discendum est. Hoc quidem loco Paulum non de futura luce loqui, sed de præsentī, ex eo adparet, quod hortatur, vt honeste se gerant, vt in die: hoc est, vt nunc facere decet, quoniam dies est. Quod si diem hanc vocaret resurrectionem hominum olim futuram, frustra hortaretur, vt honeste se gererent post mortem. Loquitur autem de luce Euangelii, qua exorta, cesserunt ignorantie tenebræ.

CAP. XIII. v. 23. *Quidquid sine fide sit*) Fidem hic vocat certam persuasionem ita licere. Quasi dicat, quidquid facit quisquam dubitans, vtrum liceat nec ne, peccat: vt si quis carnem comedit dubitans an liceret, peccat. Vid. adnot.

CAP. XV. v. 17. *Itaque habeo quod in Christo Iesu glorier*) Hoc est in Christi Iesu negotio, siue in Christianitate, aut in re Christiana: qualis loquendi modus et supra capite octauo, et infra capite vltimo, sæpe occurrit. Ego non semper, sed tamen aliquando hunc loquendi modum retinere volui, quod ab eo ne Latini quidem abhorrent, vt in Esaie 29. declarauimus.



# PAULI APOSTOLI EPISTOLA PRIMA AD CORINTHIOS.

## ARGVMENTVM ATHANASII IN PRIOREM AD CORINTHIOS.

Hanc ad Corinthios scripsit Apostolus, ex Epheso Asia, postquam eos iam viderat et docuerat, vt per illam admoneret. Occasio autem epistolæ hæc est: Corinthii per contentionem scissi sententiis inter se diffidebant, et præterea erant inter eos sectæ, quarum vitio fiebat, vt inemendatum negligenter eum, qui nouercam suam in vxorem sibi sumserat. Alii volebant, vxores suas continentie prætextu relinquere. Quidam apud simulacra edebant, quasi adiaphora essent idolothyta. Erant qui reliquos vilifacerent, eos vero qui linguis loquebantur, suspicerent: postremo et in mysterio resurrectionis quidam seducti erant, ita vt dicerent, futurum non esse, vt hæc nostra caro resurgat. Quum hæc omnia in Corintho mouerentur, scribit de plebe quidam Apostolo, qui et ad omnia rescribit. Et primum quidem testimonium illis dat prudentiæ et scientiæ, non autem laudat eos sectas facientes, sed consulit, vt virtutem putent non in sermone esse, sed in opere et potentia. Deinde postquam increpauit eum, qui nouercam vxoris loco sumserat, adhortatusque est, ne iudiciaria lite inter se contenderent, deinceps ad ea respondet, de quibus illi scripserant. De nuptiis docet infractum esse debere coniugium, et precum gratia ad tempus ab illo vacari posse. Quoniam vero ardebat illis continentia, de virginitate scribit, quod necessaria non sit, sed cuiusque persuasioni permittenda. Subdit de escis simulacrorum, ne abutantur scientia, sed conuersentur in dilectione: prohibet igitur symposia, quæ in templis simulacrorum fiebant, ne pusilli offendantur. Post ista de donis spiritualibus scribit, ne charismatum gratia discrimen inter se statuant, neue præferant eum, qui charisma aliquod habet, ei qui alio donatus est. Nam omnia eiusdem esse spiritus dicit. Ceterum et de resurrectione docet, quod caro resurrectura sit, mortua quidem in corruptione, excitanda vero incorrupta, secundum gratiam Christi. Resurrectionem vero ex eo adstruit, quod Christus excitatus est. In calce, quæ ad morum exhortationem faciunt, scribit, et de collatione ad subsidium sanctorum facienda præcipit, atque ita absoluit epistolam.

## A D N O T A T A.

CAP. I. v. 26. Non multi quidem sapientes) Ex verbis his certo sciri non potest, an de iis qui vocarunt ac docuerunt, an de iis qui vocati sunt, loquatur. Sed tota disputatio ostendit, eum de Apostolis et Euangelii doctores loqui. Quod enim paullo ante dixit, Quod Dei stultum est, id sapientius est, quam homines: dixit profecto de Euangelica doctrina, quæ sit perituris stultitia, vt ante docuerat. Quod deinde subiungit, Videtis enim

*quomodo suis vocati*: rationem reddit eius, quod de stultitia dixerat, vt ostendit coniunctio Enim: quasi hoc dicat, Quod dico Dei stultitiam, (vt ita loquar,) esse sapientiozem, quam sunt homines, id ipsi videtis in iis, a quibus estis ad Euangelium vocati, qui sunt fere indocti, inopes, ignobiles: per quos tamen docti, potentes, nobiles confutantur. Itaque quod hoc loco dicit Paulus, mundi stultissima elegit Deus, vt sapientes confutaret: idem est quod ante dixerat, Visum est Deo, per prædicationis stultitiam seruare fidentes. Non enim confutantur sapientes ab iis qui docentur, sed ab iis qui docent. Considera lector totum orationis Pauli tenorem, et caput secundum, vbi idem in conclusione repetit, quod, (vt fieri solet,) in propositione dixerat: inuenies, rem ita se habere. Quod autem mundi stultissima, cet. vertimus τὰ μωρὰ τῆ κόσμου, Hebræorum more dictum est, qui positiuis vti soleat pro superlatiuis, quibus carent: vt, ἐυλογημένη σύ ἐν γυναιξιν, pro ἐυλογητάτῃ τῶν γυναικῶν, et 1. Corinth. 12. τὰ ἀρχήματα ἡμῶν εὐχημοσύνην περισσοτέραν ἔχει, Nostri inhonestissima quæque maximam honestatem obtinent. Talia sunt et illa poetica, δια θεῶν, et ἦπτε πάντων.

CAP. II. v. 6. *Sapientiam autem loquimur apud perfectos*) Sapientiam vocat reconditiorem doctrinam, et de rebus magis arduis. Perfectos autem, Christianos in doctrina prouectiores, et arcanorum capaces. Quasi hoc dicat: Quod vos simpliciter Christum, eumque crucifixum, docui, id non ideo feci, quod non haberem perfectiora, et longe maiora quæ docerem. Sed quoniam vos in Christi doctrina infantes, neque maiorum capaces essetis, docui rudimenta, et lacte vos (vt ita dicam) pauli: quemadmodum dicit capite sequenti. Hæc sententia ex Pauli verbis ita aperta est, vt nihil apertius: neque ego de ea verbum fecissem, nisi viderem in ea quosdam ita alucinari, vt in luce videantur oculos claudere et suos, et aliorum. Putant perfectos hoc loco dici Christianos quosuis, quibus Euangelium sit sapientia. Sed repugnant Pauli verba. Non enim dicit, σοφίαν λαλῶμεν τὴν ἐν τοῖς τελείοις, vt ἐν τοῖς τελείοις referatur ad σοφίαν: sed refertur ad verbum loquimur, σοφίαν λαλῶμεν ἐν τοῖς τελείοις. Dicit quis: Quid, inter imperfectos et rudes Christianos non loquitur sapientiam? Non loquitur. Sapientiam enim vocat, perfectiorem et magis arduam ac difficilem doctrinam: sicut in Apocalyp. 13. σοφία vocatur, acuta questio et ænigma de bestie numero. Et Demosthenes in Epistola de Lycurgi liberis, ταῦτα μὲν σοφώτερα ἢ καθ' ἑαυτὸν εἶναι: Hæc acutiora esse, quam vt ea consequi possit. Hæc ergo Pauli reconditior doctrina inter rudimenta tradi non potest: de qua loquens Paulus paullo post, dicit: Sed quæ nec oculus videt, cet. quæ oratio refertur ad verbum λαλῶμεν. Loquimur non humana, neque vulgaria: sed quæ nec oculus vidit, cet. scilicet quum sumus inter perfectos, et horum arcanorum capaces. Itaque ibi bis ponitur articulus αὐ, hoc est quæ, quorum prius ad λαλῶμεν, posterius ad ἡτοιμάσαν referendum est: quæ oratio aliter intelligi, aut apta esse non potest. Itaque qui aliter interpretantur, alterum articulum vel omittunt, vel superuacaneum putant: id quod non est faciendum, nisi vbi aliter sententia con-

constare nullo modo potest. Quod si verba etiam ad illorum sententiam ducti se, non trahi, paterentur, tamen sententia inepta foret: nam neque perfectos dicere potest Paulus Corinthios, quos capite sequenti vocat *σαρκικῶς*, hoc est humanos et rudes: et *νηπίους*, hoc est, infantes ac imperfectos: causam reddens, cur eos sapientiam, hoc est perfectiora, docere non potuerit: et si perfecti vocarentur quicumque Christiani, imperfecti dici possent, qui non sunt Christiani. Atqui imperfectus dici non potest, nisi qui est inchoatus, et in quo aliquid iam factum est: id quod in non Christianos cadere non potest, neque umquam de eis, quod sciam, dici comperies. Neque est, quod abhorreas ab hac Pauli sententia, quasi nihil maius aut abstrusius solitus sit apud perfectos loqui, quam ea sunt, quæ exstant in eius scriptis. Nam si Paulo, (qui perfectus erat,) maiora ostendit Deus, quid vetat Paulum ea declarasse perfectis? An indigniores erant illi audire, quam Paulus videre? Cur ergo ea non retulit in litteras? Quoniam litteras plerique legunt imperfecti, qui tam ardua capere non magis possunt, quam puer abecedarius intelligere, quæ sunt in dialecticis difficillima. Lege 4. Esdr. 14.

II. *Nisi hominis spiritus, qui in eo est*) πνεῦμα et animum et spiritum declarat, Hebræorum more, apud quos est ΠΝ. Ego quum in hac sententia, Dei animum dicere non auderem, præsertim quum in sequentibus non conveniret, et tamen in utroque membro idem nomen ponendum esset, spiritum hominis dixi, pro animo.

CAP. III. v. 7. *Quis enim de te iudicaturus est?*) διακρίνει dicit, quod ante dixerat ἀνακρίνειν, iudicare, et sententiam ferre: et præsentī vitur pro futuro, vt fere solet: vt supra, ὁ ἀνακρίνων με κύριός ἐστιν. Estque eadem sententia: Quis de te iudicium laturus est, vtrum sis ceteris excellentior? Dominus Christus. Cur ergo tu teipsum præfers aliis, quasi sis ipse iudex: idque facis ante tempus, quum sit expectandum Domini iudicium?

8. *Sine nobis regnatis*) βασιλεύειν, sicut ἸϞΩ et regnare, et regnum adipisci est. Iam qui regnum adeptus est, is regnat. Itaque recte præteritum ἐβασιλεύσατε per præsens regnatis, reddidit vetus interpres, sicut et ἐπλητήτατε.

CAP. V. v. 12. *Quum vobis sit de vestris indicandum*) κρίνεται indicativi modi est, qui sæpe sic declarandus est, vt nos reddidimus: quale est illud Matth. 11. σὺ εἶ ὁ ἐρχόμενος, ἢ ἕτερον προσδοκῶμεν; An nobis alius expectandus est? Atque ita loquuntur Latini: Quid agimus? pro, Quid nobis agendum?

CAP. VI. v. 6. *Idque sub insidentibus*) ἅπεις, si de homine Christiano dicatur, potest latine dissidens appellari. Sed hoc loco quum de homine a Christi religione alieno positum sit, non satis proprie dissidens dici potest. Est enim is, qui est fidei, hoc est religionis Christianæ expers. Hanc ob causam putavi audendum mihi, et nouo verbo in re noua vtendum. Quod si Ciceroni indolentiam dicere fas fuit, et alia quædam in rebus antea latine non tractatis fingere vocabula, quid vetat et nos inopix nostræ succurrere?


12. *Quid*

12. *Quidvis mihi licet, cet.*) Pergit ab impudicitia dehortari, per dissimilitudinem, hoc pacto: Non eadem est libertas vtendi qualibet venere, quæ est vtendi quolibet cibo. Nam cibo quouis licet vti, modo id non officiat cuiquam: quod fieret, si quis adhuc in fide infirmior offenderetur me vesciente. Nam vbi hinc periculum sit, ego nolim ita obnoxius esse vlli rei, verbi gratia, meo ventri aut appetentiæ, vt non potius a carne nue abstineam, quam quemquam ledam. Ceterum quod ad cibos attinet, licet quouis cibo vesci: nam ciborum nullus est vsus, nisi comedantur: et ventris nullus est vsus, nisi comedat. Ita alterum alterius causa creatum est. Cur ergo non licet quauis vti venere, sicut quouis cibo? Quoniam quum venter cibo seruiat, corpus non libidini, sed Christo seruire debet. Venter enim ita abolbitur, vt in altera vita, ad quam nos præparat Euangelium, nullus sit ventris vsus futurus. Ita fit, vt ventris ratio habenda sit tantum ad hanc vitam degendam: ideoque nihil referat, quo cibi genere alatur. At corpus a Christo in vitam reuocandum est, et cum eo in æterna vita futurum: quo fit, vt in illam vitam purum seruari debeat. Itaque quemadmodum cibus ventri, et cibo venter seruit, quoniam alterum alterius est: ita debet corpus Christo seruire, vt et Christus corporibus nostris seruiat, dum eorum causa mortuus est, et resurrexit, vt sint corpora nostra membra Christi, non scorti. Sed quod de abolendo ventre et dapibus ex Pauli argumentatione collegi, id ipsum quomodo sit intelligendum nescio. Neque enim ex Pauli verbis colligi potest, nihil comesturos nos in altera vita. Nam quemadmodum alibi scripsit, in Christo neque marem esse neque feminam, quum tamen Christiani mares sint et femine, sed nulla habetur sexuum ratio: ita ex his verbis intelligi posset, in altera vita nullam haberi ventris aut escarum rationem. Sed an ea sit Pauli mens, ego ignoro.

18. *Omne peccatum extra corpus est: sed qui scortatur, in intra suum corpus peccat*) Quod dicit, ἐκτὸς τοῦ σώματος, huic opponit εἰς τὸ σῶμα: ex quo adparet εἰς τὸ σῶμα dictum pro ἐντὸς τοῦ σώματος, siue ἐν τῷ σώματι: sicut Lucæ II. τὰ παῖδιά μου μετ' ἐμὲ εἰς τὴν κλίσιν εἰσὶν, pro ἐν τῇ κλίστῃ εἰσὶν. Sicut dixit Plautus: Mihi in mentem fuit, pro in mente. Est autem hæc sententia: Cetera peccata sedem habent in animo: animus homicida est, animus maledicus, falsus testis, inuidus, cet. in his peccatis corpus animi distantis ministrum est. At libido in ipso penitus corpore sedem habet: et quamuis ab animo oriatur, (vt cetera omnia,) tamen intus in corpore committitur, quum alia extra corpus committantur. Ex quo consequitur, non vt stuprum sit omnium peccatorum maximum, (nam homicidium et alia quædam maiora sunt,) sed vt sit corpori intimum, ideoque corpus magis quam alia turpifcet: quo nihil sedius et indignius esse potest, idem corpus et turpissimæ libidinis, et purissimi spiritus diuini domicilium esse, atque templum.

CAP. VII. v. 14. *Sanctus enim fit vir infidens, cet.*) Fit aliquando, vt vir infidens ab vxore fiat Christianus, (nam Christianos vocat sanctos,) et contra: quam eandem sententiam paullo post aliis verbis repetit: Qui scis autem mulier, cet. Alioquin si inter Christianam vxorem et non Christianum virum fiat diuortium, natos abducet vir: ita fiet, vt nati sint impuri, hoc est, patris similes, qui eos docebit non esse Christianos. At si simul maneant, mater eos Christum docebit, ita fient Christiani.

33. *Atque ita diuifus eft. Item mulier calebs, aut uirgo* Secutus fum Colini exemplar, in quo fic legitur: καὶ μεμερίσαι. καὶ ἡ γυνὴ ἡ ἄγαμ<sup>μ</sup> καὶ ἡ παρθέν<sup>μ</sup> μεριμνᾷ τὰ, cet. Diuifum autem virum dicit, cui fit et Deo et uxori feruicium. Cælibem mulierem vocat uiduam, aut etiam quæ meretrix fuerit, (nihil enim vetat has quoque feruire Deo,) cui virginem adiungit: nam harum eadem eft conditio, quod ad colendum Deum attinet, quod utrisque marito carentibus vacat omnem operam in Dei conferre cultum. Hanc lectionem fecutum effe veterem interpretem adparet. Altera lectio eft, μεμέρισαι ἡ γυνὴ καὶ ἡ παρθέν<sup>μ</sup>. ἡ ἄγαμ<sup>μ</sup> μεριμνᾷ τὰ, cet. in quo vitii hoc eft, quod μεμέρισαι pro διαφέρει male pofitum effet. Deinde quod hanc diuifionem oportuiffet ante priorem partem poni ita, μεμέρισαι ὁ ἄγαμ<sup>μ</sup> καὶ ὁ γαμήτας. Tertio, γυνὴ pro γαμήτασα minus bene dictum effet, et ἡ ἄγαμ<sup>μ</sup> pro ἡ παρθέν<sup>μ</sup>, quod non quadrat, quum et uidua fit ἄγαμ<sup>μ</sup>, et repudiata paullo ante eodem nomine adpelletur. Adde quod uiduis, et repudiatis, et meretricis hoc negaretur: quum tamen ex non minus a viro liberæ fint, quam virgines.

CAP. VIII. v. 1. *De iis autem qua fant sacrificata deaſtris* εἰδῶλα vocantur, quæ Hebræi  dicunt, Latini diuos adpellant, vt Iouem, Neptunum, cet. Sed quoniam id ambiguum effet, (folet enim diuus in laude poni,) nos verbum deaſtros finximus, quo non veri dii ſignificarentur: qua forma Latinis philoſophæſter, oleaſter, et alia dicuntur. Tametiſi idola dici ſolent etiam eorum ſimulacra. Sed Paulum non hic de ſimulacris loqui, ex eo patet, quod eos paullo poſt vocat θεοί, hoc eſt deos: vt intelligas, quæ εἰδῶλα vocat, ea eſſe quæ deorum nomine nuncupantur. Adde quod, qui Ioui ſacrificabant, non dicebantur Iouis ſimulacro ſacrificare, ſed ipſi Ioui.

Ibid. *Caritas aliis prodeſt* οἰκοδομεῖ dicit, quod cap. 6. et 10. *ſυμφέρει, ἀλλ' ὃ πάντα ſυμφέρει*. cui opponitur ſκανδαλίζειν, nocere, obefſe, lædere, incommodare: quod paullo poſt hunc locum ponitur. Sed hæc ad alios referuntur: vt ſit οἰκοδομεῖν, prodeſſe aliis.

CAP. X. v. 3. *Spirituâli cibo uſus fuiſſe* Atqui et manna, et aqua fluens ex petra, res erant humanæ: quum manna comederetur, et corpus hominis aleret, ac per excrementa ciborum eiiceretur, nec homines a morte vindicaret, non magis quam alii cibi: quod idem dico de aqua. Sed ſpiritualem ſue diuinum cibum adpellat eum, qui quum humanus eſſet, rem aliam ſignificabat: vt nihil aliud ſit hoc loco cibus ſpirituâlis, quam τυπικὸς, et aliud indicans, vt paullo poſt declarat Paulus, vt Apoc. 11. Idem in petra intellige, ex qua ſons manabat, quæ petra hic Chriſtus adpellatur, quod Chriſtum indicaret, perennis vitæ fontem. Hæc ideo dicit Paulus, vt intelligi poſſint, quæ mox de pane (qui Chriſtus eſt) dicit, vt ſimilia cum ſimilibus conferantur. Atque his paucis Pauli verbis, (ſi quiſea diligenter conſideret,) explicatur ea quæſtio, quæ doctos homines hodie tantopere vexat.

27. *Nihil ſciſcitantes propter conſcientiam* Huius loci declarationem inuenies in capite octauo, et hæc eſt ſententia: Si de eruto aut adpoſito cibo percontabere, reſpondebitur eſſe deaſtrorum victimam, aut fertum. Tum ſi tu veſce-

vesceris, is, qui id tibi indicauerit, Christianus ille quidem, sed in doctrina parum adhuc confirmatus, impelletur ad vestendum eodem cibo, quo tu vesceris: et quia id dubitans, an recte vescatur, faciet, peccabit, quoniam incerto faciet, atque ita læseris eius conscientiam: hoc est, in causa fueris, ut aliquid faciat contra quam se facere debere putet. Quod ergo te propter conscientiam vesci veto, de conscientia liquor alterius, ut dixi. Nam quod ad tuam, qui rem tenes, conscientiam attinet, ea lædi in eo non potest, neque damnari: quum scias, quæcumque terra nascuntur, ea esse ad hominum usum creata diuinitus, idæoque homini tamquam suis vesci licere. Neque potest in eo tua libertas ab altero, qui sit infirmior, damnari, si tu tibi quouis cibo vesci fas esse putes, quum te Deo præbeas non ingratum. Itaque non in eo peccas, quod vesceris: sed quod in causa es, ut alter cum dubitatione vescatur, atque ita peccet. Propter alterum igitur debes abstinere, ne cui officias. Ex hac Pauli doctrina liquet, eos peccare, qui homines multa, aut minis, aut alia quavis ratione cogunt diebus festis operari, aut quouis die quouis cibo vesci, aut in aliquam religionis formam iurare, aut aliud quiduis facere, contra quam sibi fas esse putent. Hoc est miseros et imperitos homines ad peccandum cogere.

CAP. XI. v. 3. *Omnis vir operto capite supplicans*) Turpia vitiosaque tegi debent: honesta contra, et vitio carentia, detegi ac ostendi. Quod si vir operto capite preces agit, ostendit suum caput esse vitiosum, et proinde tegendum. Atqui viri caput Christus est, qui vitii est expertus. Itaque debet viri caput detegi, quo Christum, (qui viri caput est,) vitii expertem esse indicetur. Mulieris vero caput vir est, qui quum sit nocens et vitiosus, debet mulier suum caput tegere: ut caput suum, hoc est, virum fontem esse fateatur. Hanc esse Pauli sententiam, mihi dixit Italus quidam.

15. *Quod si contentiosum esse libet*) Quoniam dixerat, comam natura viro turpem, femine decoram esse, poterat quis contendere, id non natura fieri. Nam æque viris ac feminis comam natura tribuit. Ad hoc ita respondet Paulus, ut id propemodum sic esse fateatur, sed consuetudinis esse neget: quæ sit in eiusmodi rebus, quæ sint indifferentes, tenenda.

CAP. XII. v. 2. *Scitis, quum extranei essetis, cet.)* Ad verbum sic legitur, Scitis, ut quum extranei essetis, ad mutos deastros ut duceremini: οἰδατε ὅτι ἐθνη ἦτε, πρὸς τὰ εἰδωλὰ τὰ ἄφωνα ὡς ἂν ἤγεοθε, ἀπαγόμενοι: vbi ὅτι et ὡς idem valent. Itaque sic latine posset vtrumque exprimi: Scitis, ut quum extranei essetis, ut inquam ad mutos, cet. Sed quia huiusmodi particulas cum verbo Inquam non solent Latini repetere, nisi post interiecta multa verba, ne quod verbum iam positum est, et adhuc pendet, memoria excidat, nisi iteretur: quoniam, inquam, id fieri solet memoriz gratia, ego hoc loco, vbi memoriz nullum erat periculum, quippe paucis verbis interiectis, eam particulam iterandam non putavi: ἂν autem hoc loco superuacaneum est, ut sunt nonnulla apud Paulum: ἤγεοθα ἀπαγόμενοι, pro ἤγεοθα καὶ ἀπήγεοθα, quod idem est: de quo Gen. i. scripsimus.

3. *Neminem esse, qui diuino adflatu loquens, cet.)* Quemadmodum quisquis Iesum verbis execratur, nec dominum agnoscit, is diuini spiritus expertus est: ita quisquis dominum agnoscit, is sancto spiritu præditus est: ut intelligatis, non eos solum diuinitus adflari, qui peregrinis linguis loquuntur, et cetera prodigiose faciunt. Est autem huiusmodi argumentatio: Ex animi abundantia os loquitur: Si malus est animus, male loquitur os: itidem si bonus, bene: et contra, Si male loquitur os, malus est animus, si bene, bonus,

bonus, et diuinitus impulsus. Hinc adparet, Paulum de ea oris oratione loqui, quæ dicitur ab animo, quum id dicatur quod sentitur: non quæ simulata sit, et ab animo disfidens.

Quod autem de diuinis et spiritualibus rebus loquitur, adhibenda distinctio est. Quicquid præclare agunt homines, id agunt diuinitus, vt adparet apud Moſem in Bezelele tabernaculi fabricatore, quem dicit Deus se impleuisse ſuo ſpiritu ad opificium. Item Ef. 28. vbi agricolam dicitur docere Deus. Ita ſi quis domum bene ædificat, agrum egregie colit, aut quiduis aliud prudenter facit, id habet diuinitus. Sed hoc loco Paulus non de his loquitur ſpiritus ſancti donis: nec enim hæc diuina dicuntur, quum industria humana et labore comparentur, et fuerint etiam vulgaria ante effuſum a Chriſto ſpiritum in Chriſtianos. Itaque ſi quis lingua peregrina loquitur, quam longo labore didicerit, huius ego loquendi ſcientiam non vocabo diuinam et πνευματικὴν: non magis quam regis Mithridatis, aut Cleopatrz, aut aliorum, qui multas linguas didicerant. Sed diuina vocat Paulus ea, de quibus loquitur in Ioannis 7. Chriſtus, vbi dicit Ioannes: Nondum erat ſpiritus ſanctus: hoc eſt, nondum homines adflueraſt, vt ea facerent, quæ hic commemorat Paulus: quæ quia docet ſpiritus ex tempore, et fiunt diuinitus, ac contra naturam, diuina dicuntur. Igitur ſi quis medicus morbum herbis aut alia ratione naturali curat, eam ſcientiam humanam dixeris, cuius tamen dator ſit Deus, quippe omnium auctor bonorum. Sin Petrus aut Paulus ægrotum nominato Ieſu curat, id contra naturam et diuinum dicito. Item ſi Cicerō græco ſermone, in quo diſcendo multum elaborauit, loquitur, humanum eſt: at ſi Petrus, homo piſcator et parum litteratus, latine aut germanice loquitur, quum numquam didicerit, id diuinum eſt.

13. *Vnum in corpus loti ſumus*) Hoc eſt, vt vnum corpus efficeremur. Vocat autem vnum Chriſtianæ reipublicæ corpus, cuius caput eſt Chriſtus: quomodo vnum reipublicæ corpus dicitur, cuius caput eſt magiſtratus, aut populi rex, aut coniugum maritus. Itaque paullo poſt dicit: *Vos vero ſiquatenus Chriſti corpus eſtis*: vt intelligatur, figuratam eſſe locutionem.

CAP. XIII. v. 1. *Sed in primis vt vaticinemini*) προφητεύειν, ſi verbi vim ſpectes, eſt prædicere: ſed dicitur pro eo quod eſt hebraice נבא, græce μαντεύεσθαι, hoc eſt, arcana ignota, magna, diuina, denique oracula dicere, ſiue quid ſit præteritum aut præſens, quæ ὑποφητεία dicitur: ſiue futurum, quæ proprie προφητεία vocatur. Itaque ad Timotheum 1. Cretenſium προφήτην Paulus adpellat Epimenidem, non quia futura, ſed quia certa veræque dixerit, qualia ſunt oracula. Hinc ille verſus: Qui bene coniciet, hunc vatem puto optimum. Itaque vates olim apud Hebræos dicebantur Videntes, quod ea viderent, quæ aliis ignota forent.

2. *Qui peregrina lingua loquitur*) ὁ λαλῶν γλώσῃ: idem eſt, qui paullo poſt dicitur ὁ λαλῶν γλώσσαις: de quo item paullo poſt, ἐτερογλώσσοις, καὶ ἐν χεῖλεσιν ἐτέροις, vt homines pro aliis hominibus, et gentes pro externis gentibus dici, aliquando oſtendimus.

*Sed animo loquatur arcana*) Hoc eſt, ita loquatur, vt ipſe ſe intelligat,

gat, non item ab aliis intelligatur. Quum sit enim is orationis usus, vt animi sensa declaret aliis: qui ita loquitur, vt alii non intelligant, is animo magis quam ore loquitur, quum nihil intersit, vtrum sic loquatur, an tacitus cogitet. Loqui autem arcana, idem est quod vaticinari. Sed quum vaticinatorem hoc loco Paulus opponat ei, qui peregrino sermone vtitur, intelligendum est, vaticinatorem ab eo dici eum, qui id noto auditoribus sermone faciat: vt sit lingua loqui, lingua aliena loqui: et vaticinari, lingua sua vaticinari.

6. *Nisi insit in oratione mea patefactio, cet.)* Hoc est, Nisi vos sic adloquar, vt aliquid discatis, quod mihi patefactum sit, aut cognitum, cet. Patefactionem autem vocat, quum aliquid declarat et patefacit Deus homini, vt Ioanni ea, quæ continentur in eo libro, cui titulus est Apocalypsis, hoc est patefactio. Ad eam si mentis accedat permotio ac incitatio, vocatur vaticinatio. Qualem videmus in septuaginta senatoribus apud Mosem, itemque in Saulo, et aliis: quæ aliquando tanta est, vt baccentur extra se rapti homines. Cognitionem vocat, quæ ex visa aut audita re proficiscitur, qualis est Ioannis et Lucæ historia: qui narrant, hic quæ audiuit, et ab aliis cognouit: ille quæ vidit, et nonnulla ex parte gessit. Doctrinam autem adpellat eam, quæ litteris et ratione comparatur: qualis est Pauli de Abrahami fide disputatio, qui quod docet, id sacrarum litterarum auctoritate et rationibus confirmat. Atque hæc postrema ratio, si sit a superioribus destituta, est maxime periculosa: propterea quod homines sacris litteris non seruiunt, sed eas suis adfectionibus et libidinibus seruire cogunt. Hinc nascitur illa inter hodiernos magistros discordia, quæ profecto nulla foret, si in omnibus essent, quæ esse deberent.

13. *Oret ut possit interpretari, cet.)* Orare dixit, pro Deum orare: vt Latini dicunt salutantes, pro iis qui principes et diuites mane salutatum eunt: vt conturbare, pro fortunas conturbare: et facere, pro carmina facere. Itaque nihil refert, vtrum dicas orare Deum, an tantum orare, quomodo Litius etiam latine locutus est: sicut paullo ante docuimus, lingua loqui, et aliena lingua loqui, idem esse. Ceterum ex hoc loco adparer, eos, qui linguis loquebantur, non omnes omnibus linguis loqui, (nec enim vni dabat omnia Deus,) sed alios aliis: alioquin non esset orandus Deus ob interpretationem.

14. *Quod ad sententiam attinet)* ὁ γὰρ mens est, et pro mentis sententia ponitur etiam in 2. Thessal. 2. et Apoc. 17. Sic et apud Latinos mens alicuius scriptoris adpellari solet. Hinc orare *voι* est, significanter orare, et vt ante locutus est, λόγον ἔυσημον διδόναι; efficereque, vt auditor possit νοεῖν, videre et intelligere, quid dicatur.

19. *Malò quinque verba sic eloqui)* Quinque pro paucis, et λόγους pro ῥήματα dixit: id quod fieri solet in numero plurali: vt huius Epistolæ 2. διδασκτοῖς λόγοις, doctis verbis, aut docta oratione. Hoc quidem loco sermones dicere per latinam consuetudinem non licet. Non enim dicunt Latini: Absoluam tribus sermonibus, (nam alia sententia foret,) sed, Absoluam tribus verbis.

CAP. XV. v. 5. *Deinde duodecim)* Quoniam duodecim fuerant lecti Apostoli, etiam post sublatum Iudam retinent duodenarii nomen, quum es-

sent



fent vndecim: vt si quis decem millia militum habeat, deinde post aliquod prælium desideratis aliquot militibus, tamen decem millia adpellare pergat, quod non tanta facta sit diminutio, vt debeat prius illud et celebre nomen amitti. Aut si Romæ decemuirorum vnus moriatur, reliqui tamen non nouemui, sed decemui adpellentur.

8. *Quasi abortui adparuit etiam mihi*) Abortus non solum dicitur partus mortuus, sed etiam fetus parvus, et non iustæ magnitudinis, quantum uiuat. Atque ita vulgo loquuntur mei conterranei, vocantes auortu. Sic Plinius loquitur lib. 12. cap. 2. Namque et chamæplatani vocantur coactæ breuitatis, quoniam arborum etiam abortus inuenimus. Hoc quoque ergo in genere pumilionum infelicitas dicta erit. Hæc Plinius. Hinc se Paulus abortum vocat, vt minimum Apostolorum, et pumilionem, ac quasi nanum.

29. *Alioquin quid facient, qui pro mortuis baptizantur*) Ludent operam, dicit aliquis. Atqui hoc ipso ostendunt, se sperare mortuorum resurrectionem. Frustra sperant, (dicit is, qui resurrectionem esse negat,) nam si in eo, quod pro mortuis baptizantur, delirant, (quid autem tam ineptum esse potest, quam viuentem pro mortuo baptizari?) non est absurdum dicere, eos in eo etiam desipere, quod resurrectionem sperant. Vides quam nihil valeat hoc Pauli argumentum aduersus eos, qui resurrectionem esse negant, si quidem hæc verba intelligas, vt vulgo interpretantur, dicentes, eo tempore fuisse qui pro aliis mortuis baptizarentur: quod neque fiebat, sicut ego puto: et si fiebat, debuisset a Paulo reprehendi, non in exemplum adduci. Vt igitur hunc Pauli locum intelligas, considera baptismi rationem atque naturam, quæ describitur in Epistolæ ad Romanos capite sexto, his verbis: Quotquot in Dominum Iesum baptizati sumus, in eius mortem baptizati sumus, cet. Et paulo post: Si enim eius mortis similitudine sumus in scitis etiam resurrectionis erimus. Est igitur hoc Pauli argumentum: Christiani dum baptizantur, in hoc baptizantur, vt cum Christo moriantur, deinde resurgant. Hoc est baptizari pro mortuis, id est, pro seipsis, in spem rei, quam post mortem adsecuturi sint, videlicet resurrectionis: id quod stultum esset, si nulla futura esset resurrectio. Hanc sententiam me docuit quidam Italus.



## PAULI APOSTOLI EPISTOLA II. AD CORINTHIOS.

### ARGVMENTVM ATHANASII IN POSTERIO- REM AD CORINTHIOS.

*Ad eodem et hanc scripsit e Macedonia. Est autem illius argumentum tale. Priore accepta epistola Corinthii compuncti super peccato eius, qui nouercam suam duxerat, contristatique fuerant eius gratia, quod tale peccatum susque deque estimauerant: deinde seducti fuerant ab illis, qui sectis occasionem dederant, ita vt littera legis seruanda studerent, et gratiam Christi*

si non ita magnificandam iudicarent, atque eos, qui in faciem sese iactabant, plus aequo attenderent. De collecta vero in usus sanctorum facienda, erant, qui recte sentirent. Ad ista igitur rescribit Apostolus, et primum quidem laudat eos, quod cieissent eum, qui deliquerat; deinde penitentibus ipsis admittit, et resipiscentem recipi iubet. Docet etiam hac epistola de lege, discriminans illius litteram, et ostendens, non esse litteram legis solam accipiendam, sed in littera sensum eruendum, eo quod non verba tantum sit lex, sed in verbis lateat sensus spiritus. Deinde, quod veniente Christo nova creatura facta sit, nec oporteat in vetustate vivere, sed in omnibus, veluti noua creatura, renouari et desinere posthac circumcisionem. Laudat eos etiam ministerii gratia, et adhortatur, ut ea in re crescant. Post ista, reprehendit eos, qui in faciem gloriabantur, ac recenset, quacumque passus erat propter dominum, et visiones, quas viderat, exponit, et quomodo in Paradisum ac tertium calum raptus sit. Tandem postquam illis denuntiavit ne peccent, sed si quid peccarint, resipiscant, cum gratiarum actione terminat epistolam.

## ADNOTATA.

CAP. I. v. II. *Vt a multis personis*) ἐκ pro ὑπὸ positum est: sicut capite sequenti, ὁ λυγόμενος ἐξ ἐμῶν, pro ὑπὲρ: ὑμῶν autem in secunda persona legendum est in secundo loco, ut habent nonnulla exemplaria, ut respondeat verbo συνυπαρχόντων: ut sit, Beneficium vestra opera atque causa collatum.

17. *Hoc igitur deliberans, numquid leuitate usus sum, etc.*) Leuitatis est, certo aliquid promittere, quod fortasse praestitutum non sit. Si ego me certo ad vos venturum promississem, leuis essem, quum non venerim. Nunc non certo promisi: dixi enim venturum me, si Deus voluerit, (sic enim scripsit superiore Epistola, capite quarto, et ultimo,) quae exceptio me a leuitatis et inconstantiae crimine vindicat. Non enim ita delibero, ut solent homines, sitz fragilitatis immemores: ut Etiam sit apud me Etiam, et Non, Non: hoc est, ut quum aliquid me facturum dico, id certo adfirmem, quasi omnino facturum: aut quum nego, id certo negem, quasi omnino non facturum. Nam apud me sit aliquando, ut Etiam sit Non, et Non sit etiam: ut quod dixi venturum me ad vos, id erat Etiam: at idem nunc factum est Non, quoniam non veni: non enim permisit Deus, penes quem sunt actiones nostrae, ut nihil ipsi de nobis certo adfirmare aut negare possimus. Non enim certae sunt nostrae promissiones, quemadmodum Dei. Nos homunciones impedimur: Deus non potest impediri, sed quod semel promissit, id fideliter praestat. Itaque quae nos de Christo vos docuimus, non ita docuimus, ut modo adfirmaremus, modo negaremus, sed idem semper et constanter de Christo adfirmamus: quippe quum non nostra, sed Dei promissa forent, qui quae de Christo promissit, certo, et nulla cum conditione aut exceptione promissit. Nec mirum: est enim Deus, qui impediri non potest: itaque eius promissa nobis certa sunt, eius adfatus pignore confirmatis. At ego homo sum: quod si ad vos non veni, non certo promiseram, et non veniendi iusta causa fuit. Id enim feci, ut  
vobis

vobis parcerem. Nam si venissem, cum virga venissem, (vt in priore Epistola minatus sum,) hoc est, vos grauius propter illud incesti flagitium castigassem. Dicit quis: Ergone nos tam parue fiducie et constantie esse putas, vt tuam presentis castigationem ferre nequeamus? Ego vero non puto. Scio enim, vos in fiducia constantes esse: nec eam vobis derogo, sed gaudii vestri rationem habeo. Nam si vos presentis castigassem, ea res vobis (vt de me taceam) dolorem fecisset, qui dolor nunc aberit. *κυριεύειν* autem, quod derogare vertimus, est non solum dominum esse, sed etiam dominum fieri et potiri: sicut ante de βασιλεύειν scripsimus: vt sit *κυριεύειν τῆς πίστεως*, dominum se facere fiducie alterius: hoc est, alteri fiduciam et robur detrahere, et esse negare.

CAP. II. v. 5. *Non me contristauit nisi aliquatenus, ne vos omnes onerem*) Hoc est, non solum mihi dolorem fecit, sed etiam vobis. Quod si dicerem, me solum id flagitium doluisse, onerarem, et crimine grauarem vos omnes, quasi non et ipsi dolueritis eius flagitio, id quod esset in vobis vitiosum.

10. *Id feci propter vos in persona Christi cet.*) Hoc est, Vt Christi personam gerens, eiusque vicarius, qui docuit, quidquid nos in terris soluerimus, id fore solutum in celo. Quod si id faceremus in nostra persona, hoc est, nostra auctoritate atque nomine, circumueniret nos Satan, et in peccatum coniiceret: peccaremus enim, si quod Dei est (videlicet peccata alteri condonare) id nobis vsurparemus: *πρόσωπον* autem pro persona dici, si quis dubitat, inueniet et alibi, et ad Galatas secundo.

17. *Nec enim sumus vt multi, cet.*) Quoniam dixerat, suum officium eiusmodi esse, vt nemo ad id esse posset idoneus, posset aliquis ita obicere: Quali vero difficile sit istud facere, quod tu facis, hoc est, Christum docere. Fateor (inquit Paulus) de Christo garrire, et eum persunctorie docere, ac quaestui habere, non esse difficile: atque id faciunt multi. Sed id sincere et diuinitus facere, et suum munus Deo probare, (id quod nos facimus,) hoc vero est omnium maxime arduum, et humanis viribus maius.

CAP. V. v. 2. *Domicilium nostrum caeleste superinduere cupientes, cet.*) Hoc est, caeleste corpus, quod habituri sumus in altera vita. Id corpus cupimus superinduere, si modo induti, non nudi reperiemur: hoc est, si in Christi aduentu erimus adhuc in vita, nec dum nudi, et hoc corpore exuti. Nam vellemus exui hoc corpore, si fieri posset: hoc est, nollemus mori, sed vellemus aduentu Christi subito confecta mortalitate mutari, et immortalitatem superindui. Loquitur autem Paulus de cunctis Christianis, qui immortalitatem optantes, a morte natura abhorreunt: et cuperent, si fieri posset, eorum esse, de quibus superiore Epistola dictum est, non omnes obdormituros esse.

7. *Non in ipsa re versamur*) τὸ εἶδος dixit, τὸ εἰδόμενον καὶ παρόν: sicut Latini Iurisconsulti speciem vocant rem ipsam, quæ accidit. Sic *יִצְחָק*, Esaiæ primo: et *יִצְחָק* Exod. 20. vt ibi adnotauimus. Isocrates in Helenæ laudatione *ιδέαν* vocat, de pulchritudine loquens his verbis, τῶν δὲ κάλλους ἀπεσεσημένων ἐδὲν εὐρηστομὲν ἀγαπῶμεν, ἀλλὰ πάντα καταφρονέμενα, πλην ὅσα τῆς ἰδίας ταύτης κεκοινώνηκε. At

eorum quæ pulchritudine carent, nihil amari comperimus, sed omnia contemni, nisi quæ hanc speciem habeant: hoc est, hanc rem. Idem paullo post eodem modo usus est. In Epistola ad Hebræos, capite decimo, vocatur εἰσὼν. Non dissimile est, quod Marci decimo scriptum est: οἱ δοκοῦντες ἀρχεῖν, qui videntur imperare: hoc est, quos videmus imperare, qui imperant.

CAP. VI. v. 12. *Vos non erga nos, sed erga hominem, cui estis intimi, estis angustii*) Ego vobis large meum animum aperio, officiumque præsto. Quod si vos vestrum officium anguste et parce præstatis, id non mihi, hoc est, non Paulo, facitis, sed vestri amantissimo, et plane vestro patri. Proinde videte, ut mihi vestro patri officiose et liberaliter pareatis, quemadmodum ego vobis, ut filiis, officiose ac liberaliter præcepta do. Quod vertimus: Erga hominem cui estis intimi: ad verbum sic legitur, Erga vestra viscera: qui hebraismus sic explicandus ac inuertendus est: Erga nos, quorum vos estis viscera: hoc est, cui vos estis carissimi, et qui estis in animis nostris: ut dicit capite 7. ad hunc locum adludens.

CAP. VIII. v. 6. *Vt nos Titum hortati sumus*) scilicet ut vos moneat, urgeatque, quo Deus pro sua benignitate vobis eam det mentem, ut quod iam facere cepistis, id perficiatis, videlicet de benignitate in egentes.

10. *Non solum facere, sed etiam velle*) Non rerum magnitudinem inter se comparat: alioquin diceret: Non solum velle, sed etiam facere, quum facere plus sit quam velle. Sed res inter sese coniungit: ut sit, *Non solum facere, sed etiam velle*, idem quod, Et facere et velle, ut vtrunque ab anno superiore cœperit. Eodem modo locutus est ad Rom. 1. *Non solum ea faciunt, verum etiam facientibus consentiunt*: hoc est, et faciunt, et consentiunt.

13. *Non enim aliis laxitatem, vobis angustiam esse oportet*) ἵνα pro δει aliquando ponitur: ut Ioann. 13. ἐγὼ οἶδα ὅς ἐξελεξάμην, ἀλλ' ἵνα ἡ γραφὴ πληρωθῇ: hoc est, ἀλλὰ πληρωθῆναι δεῖ. Et idem in Epistola 1. cap. 2. ἀλλ' ἵνα φανερωθῶσιν, quod hebraico more dicitur, ut Ierem. 3. וְנָחַ: hoc est, ἵνα λέγηται, pro λεκτέον: hoc est, quæritur, aut respondeatur.

CAP. X. v. 4. *Arma enim militia nostre non carnalia sunt, sed divini potentia*) Pauli militia erat, oppugnare et deturbare cogitationes hominum: hoc est, tanta virtute loqui et docere, ut hominum animi, rei veritate victi, cogerentur ita cogitare: Vera dicit, et quæ refelli nequeant. Ad eam spirituales pugnam utebatur telis non carnalibus, sed spiritualibus. Ut enim insanus sit, si quis gladium aut missile velit vincere cogitatione: sic insanus sit, si quis cogitationem velit vincere gladio. Atqui Christiani præconis virtus posita est in vincenda cogitatione: ex quo consequitur, eum non posse uti nisi iis telis, quibus vinei possint cogitationes hominum. Exemplum habemus insigne in Nerone. Is Græciam peragrans, edebat obibatque ipsemet certamina musicæ. Si alios musicos vincebat, coronabatur: hoc erat legitimum certamen. Sin ab eis vincebatur, curabat ut interficerentur: hoc vero non erat musicum vincere, sed hominem occidere: quæ inepta iniquitate illud consequabatur, ut hominum ficta voce, tamquam victor in præsentia laudaretur: et ceteri musici deinceps data opera inale-

cane-

canerent, ne eum offenderent: cogitationes quidem hominum (quamvis princeps esset omnium potentissimus) non vincebat, quin eum pro infano et illi tunc haberent, et nos nunc habeamus. At ceteri infisci, qui eum artis peritia superabant, vincebant non solum aliorum, sed etiam ipsius Neronis cogitationem: ut ita eius animum, quamvis inuitus, loqueretur: Hi melius canunt quam ego. Similiter accidit et in religione. Disputatur de multis rebus: si quem verbis vincimus, coronantur: et hoc est legitimum certamen. Si quis a nobis vinci non potest, hæreticus adpellatur, et interficitur: hoc vero non est hæreticum vincere, sed hominem occidere: quia inepta iniquitate illud consequimur, ut in præsentia ficta hominum voce victores pronuntiemur, et ceteri deinceps minus bene dicant quam possent, ne pereant: cogitationes quidem hominum (quamvis potentes simus) non vincimus, quin nos pro infanis, et nunc qui cæci non sunt habeant, et posteri habituri sint: atque ita de nobis iudicaturi, ut nos nunc de Nerone et ceteris Christianorum persecutoribus iudicamus. Nihil enim tam rectum est, quod non sit detegendum. Promisit Deus obedientibus virtutem tantam, ut unus centum, et centum decem millia fugare possint. Sic pugnavit Paulus, qui unus poterat divinis illis suis armis deturbare non centum, sed omnium hominum cogitationes. At nunc centeni singulos interficimus, et Christum carnalibus armis defendimus: ut intelligatur, nos carere spiritualibus, et Christum habere carnalem. Si enim Apostoli, qui nobis Ecclesiam plantarunt, contenti fuerunt armis spiritualibus: apparet eos qui carnalia adhibent, non satis confidere spiritualibus: quibus tamen confiderent, si ea haberent, quippe quæ sint omnipotentia: ut apparebit in advenitu Domini, qui Antichristum, hoc est Christi hostem summum, non aliis armis debellabit, quam spiritu oris sui. Scriptum est Exod. 35. tabernaculum factum esse ex populi donis ultro oblatis, nemine coacto: quod idem de Ecclesia intelligendum est, ut patet in Psalm. 110. in quo dicitur Christi copiam esse voluntariam: itemque in Lege, in qua iubetur, ut timidi discendant, ne in acie ceterorum animos emolliant. Sic est gerendum bellum Christi militibus voluntariis, et solo Dei verbo coactis. Aliter qui militant, alii quam Christo militant. Itaque ostendit euentus, moresque nostros, quis sit fructus coactæ militiæ.

CAP. XI. v. 1. *Utinam paululum aliquid stultitia mea ferretis*) *μικρόν τι ἀφροσύνης* recte in quibusdam legitur, et ita legit vetus interpres. Stultitiam suam vocat gloriationem, quam ab eis ferri optat: deinde, quod plus est, ut ferant petit. Itaque *ἀνέχεσθε* imperativi modi est. Deinde causam reddit, cur ferre debeant: *Quoniam vobis* (inquit) *obtrecco*: hoc est de vobis sum zelotypus, sed divina obtreccatione: despondi enim vos Christo: sic enim recte vertitur *ἡμενοτάμην* a veteri interprete, ut et sententia postulat (hic enim agitur de Christi et Ecclesiæ coniugio) et verbi *ἀρμόζεσθαι* natura patitur: nam eo sic usus est Plutarchus.

3. *A simplicitate corrupta defleant*) *Φθαρή ἀπὸ τῆς ἀπλότητος* Brevis et obscura oratio, in qua verbum *Φθαρή* per duo verba, ut nos fecimus, declarandum est: id quod aliquando in sacris litteris fieri animadverti: ut Genes. 45. Ego sum Ioseph frater vester, quem vendidistis

in Aegyptum : et Actor. 7. τὸν ἰωσήφ ἀπέδοντο εἰς αἴγυπτον, Iosephum vendiderunt in Aegyptum : hoc est, vendiderunt, isque, ab eis venditus, ductus est in Aegyptum.

12. Quo sibi in quo gloriemur suppetat cet.) Simulatores illi, inquit, quaerunt occasionem gloriandi, ut nos gloriamur. Quod si Euangelium non gratis doceremus, possent gloriari, idem se facere, quod nos. Nunc quum nos gratis doceamus, non habent eam occasionem : nec enim gratis docere sustinent, quum suo seruiant abdomini : εὐρεθῶσι autem positum est, ut in hebræo sermone נָסַח quod saepe in passivo est exstare et suppetere : et in hiphil est suppeditare et suggerere. Iam hic εὐρεθῶσι ἐν ᾧ καυχῶνται, dictum est pro εὐρεθῇ αὐτοῖς ἐν ᾧ καυχῶνται, quemadmodum ad Philip. 3. ἵνα χρεῖσόν κερδήσω, καὶ εὐρεθῶ ἐν αὐτῷ : Ut Christum haerer, et in eo mihi fatis suppetat. Itemque Ecclesiastici cap. 15. in latino (nam graece non exstat is versus) sic legitur : Viri mendaces non erunt illius memores, et viri veraces inueniuntur in illa, (scilicet sapientia,) et successum habebunt usque ad inspectionem Dei : hoc est, veracibus tantum conferet sapientia, ut, cet. Simile est quod ad Rom. 6. declarauimus, εἰς ὃν παρεδόθητε τύπον διδασκαλίας. Nec admodum discrepat illud Horatii, Equitem grauius Bellerophonem : hoc est, Fuit ei grauis eques Bellerophon. Et illud Matth. 13. Qui secundum viam satus est : hoc est, semen accepit.

21. Indecore dicam) Quomodo κατ' ἀνθρώπον et κατὰ σάρκα humane, ita hic κατ' ἀτίμῳ indecore. Hoc est, Dicam, contra quam me deceret loqui. Dedecet enim me gloriari : sed gloriabor, ut insipiens. Quasi vero nos nequeamus scilicet idem de nobis gloriari, quod illi de se : ἡδυνήταμεν autem indicatiue est pro coniunctiuo, ut saepe ponitur a Paulo Hebræorum more, quodrum lingua coniunctiuo caret.

CAP. XII. v. 7. Adpositus est mihi stimulus carni) Hoc est, ad carnem : quomodo solet Cato loqui de Re rustica : Ornamenta bubus, instrata asinis, opercula doliis, centones pueris, et multa talia.

9. Mea fortitudo in imbecillitate perficitur) Hoc est, homo Christianus, qui a me Christo nomen habet, fortissimus euadere non potest, nisi certando cum hoste, in quo certamine sentiat se imparem esse, nisi meus adsit fauor : atque ita mihi confidens, perfecte fortis, et me dignus fiat.

21. Multoque deplem, qui ante peccauerint) καὶ πενήσω πολλὰς τῶν προημαρτηκότων : hoc est, πολλὰς προημαρτηκότας, ut cap. 10. συγκρίνω ἑαυτὸς τισὶ τῶν ἑαυτὸς συνισανόντων : hoc est, τισὶν οἱ τινες ἑαυτὸς συνισάνει. Nec enim est diuisio, ut quum eorum aliis se conferre audeat, cum aliis non item. Tale quiddam declarauimus in Psalmo 54.

# PAVLI APOSTOLI EPISTOLA AD GALATAS.

## IN EPISTOLAM AD GALATAS ARGV- MENTVM.

*Epistola hæc mixti generis est, partim didactici, partim demonstrativi: docens simul quid verum falsumue sit in articulo iustificationis, et obiurgans vituperansque auditores seductos, atque adeo condemnans et anathematizans eorum seductores cum suis erroribus, illosque ad salutem veritatemque reuocans: et contra, Pauli personam, munus et doctrinam eximie ornans, auditoribusque commendans et persuadens, insinuansque.*

*Occasione vero ipsius fuit eadem, quæ quarundam aliarum, quod eo tempore erant quidam pseudopostoli Nazaræi nominati: qui nomine quidem volebant videri Christiani, quum reuera Christi meritum ac iustitiam ignorarent, et ex virtutibus operibusque aut legis iustitia prorsus penderent. Hi ergo flagrantés, partim prauo quodam legis zelo, partim etiam ambitione, et denique commodorum gloriæque auiditate, aut potius ipsius mali genii instinctu impulsī: neque tamen vel a Christo, vel ab apostolis iussī, passim discursabant, præsertim per ecclesias recte iustitias ac constitutas, contendebantque solum Christi meritum minime sufficere, sed etiam circumcisionem, Mosæicorumque rituum obseruationem, et alia bona opera esse omnibus modis necessaria ad salutem. Atque ita tum Christum sua gloria priuabant, tum et ipsius fideles: per eius Euangelium beneficiaque a maledicto legis et seruitute Mosæica liberatos, ac omnino iustificatos, regeneratos et sanctificatos, multipliciter sua libertate bonaque conscientia spoliabant, et in pristinam legis seruitutem maledictionemque retrahabant.*

*Habebant autem illi, præter vtitatam vulgi leuitatem, ruditatem, nouarumque rerum auiditatem, et satana potentem efficaciam, domesticamque facundiam et auctoritatem, aliasque malas artes: etiam illa duo maxima sui pessimi conatus adiumenta: alterum quod homines tunc adhuc erant plane persuasi, legem Moïsi perpetuam esse, nulloque modo abolendam: alterum quod maxime naturale nobis est, ex nobis ipsis pendere, et in nobismet virtutum operumque iustitiam querere: quod erroris potissimum præstantibus viris, et ad disciplinam virtutemque adsuæfactis prorsus insitum esse solet: sicut hæc ipsa persuasio est totius moralis Philosophiæ, teste etiam ipso Cicerone, caput scopusque primarius.*

*Huc quoque facit, quod tota doctrina Euangelii non solum mysterium quoddam est, omni creaturæ per se se imperceptibile: sed etiam plane stultitia quædam, ut ipsemet Apostolus 1. Corinth. 1. copiose ostendit: quod totus*

noster Adamus aut prava natura prius abhorret a fide et fiducia erga creatorem suum eiusque verbum, promptius creditura cuius impossori, fabulæ ac impossura, quantumvis absurde: et denique quod satan admirabili rhetorica, et etiam quadam violenta efficacia, de corde nostro semen Evangelii omnemque eius notitiam, ne in illoradices agat aut fructificet, obscurat et plane obliterat. Quæ omnia et alia etiam plura efficacia impedimenta et scandala crucis, sicut tunc seductoribus contra doctrinam gratiæ Paulique suffragata sunt: ita etiam hodierna die suffragantur et cooperantur.

Videmus sane tum olim semper, tum et hodierna die id accidere, ut quum multum gratuita salus per Christum inculcetur, plerumque tamen homines etiam diligenter instituti eo decurrant, ut etiam operibus legis aliquid tribuant, eaque statuunt esse prorsus necessaria ad salutem, nec omnino sine eis quemquam saluari posse.

Habemus de hac ipsa hæresi eiusque condemnatione etiam Act. 10. 11. et 15. ubi ea in integra Synodo, de communi consensu Apostolorum, aliorumque præstantium in cognitione Dei et vera pietate virorum, condemnata fuit. Illi igitur pseudapostoli cum aliis sinceris gratiæ Christi doctoribus, tum præsertim Paulo erant infestissimi, easque cum primis Ecclesias, quas ille recte instituerat, cupidissime percurfabant et perturbabant, aut etiam prorsus subvertebant. Tale quid non irritò conatu etiam apud Galatas, optime prius a Paulo institutos, tentauerant. Nam primum Pauli personam, eius vocationem ac universam doctrinam non solum suspectam reddiderant, sed etiam prorsus exosam. Deinde specialiter articulum iustificationis, admixtione necessitatis legis aut operum ad salutem, tamquam venenato quodam fermento prorsus vitiauerant, aut etiam plane euerterant.

Voluit igitur Apostolus hac epistola, suam doctrinam et famam, præsertim autem articulum iustificationis per solam fidem in Christum, sine operibus, adserere, ac vindicare a seductorum calumniis, et simul ipsos Galatas in veritatis viam, ex qua fide exorbitauerant, denuo reuocare. Atque hac de occasione et scopo, nunc de ordine huius epistolæ agamus.

Tres vero propositiones primarias post epistolares partes aut parerga ponit: primum generalem quamdam de totius suæ doctrinæ certitudine: secundo specialem de sola gratuita iustificatione, tertio de noua obedientia, quarum singulas fere binis capitibus absoluit.

In prima igitur agit de immota veritate suæ doctrinæ, et de apostolatu ac vocatione sua, qua simul et totam illam Galatarum declinationem a veritate grauissime condemnat. Confirmat autem hanc propositionem primum vehementi suæ apostolicæ auctoritatis adsertione: Apostolo enim, tamquam plane diuino indubitateque fidei testi, etiam sine aliis testimoniis ac probationibus, credendum est. Deinde longa narratione suæ vocationis, conuersionis et actionum idem comprobatur, in qua illud præcipue urget, quomodo doctrinam suam immediate a Christo acceperit, et non a Petro aut illo homine, quomodo item semper omnibus aliis Apostolis aut æqualis aut etiam superior habitus sit, et denique quomodo etiam

Petro



Petro claudicanti in faciem resisterit : ubi admodum leni transitu progreditur ad secundam principalem propositionem, quod fit circa finem secundi capitis.

Secunda propositio est, quod per solum Christum gratis iustificemur fide, sine ullis nostris operibus, quam multis argumentis ac etiam testimoniis scripturæ confirmat. Quod usque ad medium quinti capitis agitur.

Ultima propositio est de noua obedientia, quam simul et confirmat et explicat usque ad finem epistolæ.

Hæc de occasione, argumento aut summa et ordine huius epistolæ nunc dixisse sufficiat. Nunc ad epistolam ipsam accedamus.

Initio sunt quædam partes epistolares, tamquam quædam semiparerga: ut titulus, subscriptio, inscriptio et salutatio: quæ ipsa quoque non sunt otiosa. Plerumque enim Paulus ita in subscriptionibus ornat se summaque officium, ut sibi et auctoritatem quamdam, benevolentiamque, et reuerentiam apud auditores comparet. Sic et in salutationibus eos plerumque diuini numinis maiestate terreat, et rerum, quas tractaturus est, sanctitate eis religionem incutit, ut in timore Dei summaque attentione, quæ proponitur, audire cogantur: quod ad profectum omnium maximum utilissimumque est. Sicut Deus etiam in propheta requirit auditorem tremantem ad sermones suos.

## ADNOTATA.

CAP. II. v. II. Quoniam reprehendendus erat) κατεγνωσμένον participium pro nomine: ut ἐυλογημένος, pro ἐυλογητός: et ὁ πειράζων, pro ὁ πειρασῆς.

14. Si tu Iudeus alienigenarum more vinis, cet.) Si libere quouis cibo vesceris, ut solent alienigenæ, et ita tibi facere licere sentis, cur nunc abstinēs, et ista simulatione in causâ es, ut non modo Iudæi non vescantur quouis cibo, sed etiam extranei te iuucentur, cibisque absterneant, atque ita iudaizent? Cur Christiani facti sumus ego et tu, ceterique Iudæi? Nimirum ut iusti fieremus. Quod si id per legem consequi poteramus, cur ad Christum nos conferremus, causâ nulla fuit: quum id in lege haberemus, quod in Christo quærimus. Sed quia id nobis præstare lex non poterat, ad Christum, qui posset, confugimus. Ex quo sequitur, nos nunc, qui Christiani sumus, esse insontes. Atqui si Mosaicæ legi paremus (id quod tu nunc facis) quum ideo pareamus, ut iustitiam consequamur: sequitur, nos esse fontes, qui Christo contenti non sumus. Ita fit, ut a Christo peccatum, non iustitiam, consequamur: id quod absurdum est. Atqui si quis quod demolitus est, idem instaurat, hoc est, ad legem (quam ad Christum transiens repudiauerat, eique valedixerat) recurrit, et ab ea rursus præsidium petit, is se nocentem fatetur esse, qui a lege petat innocentiam. Qui enim ad Christum se contulit, is legi valedixit, cumque ea nihil iam habet commercii: sed viuunt, iustusque et insons est Christi fide, id quod Dei beneficium est. Quod si ad legem redit, repudiat hoc beneficium, qui nolit a Christo, sed a lege, insons fieri. Ita fit, ut ei Christi mors (quam ob delenda suorum peccata oppetiit) nil

hil proſit. Haecenus Petrum reprehendit Paulus. Quod autem verto, *εἰ γὰρ διὰ νόμον*, Atqui ſi, cet. ſciendum eſt, *γὰρ* quandoque aduerſatiuam eſſe, vt apud Latinos At enim: vt Roman. 3. *εἰ γὰρ ἡ ἀλήθεια τῷ Θεῷ*, cet. At enim ſi Dei veritas, cet. *παρεβάτην* autem dixit pro *ἀμαρτωλῶν*, vt patet ex verbo *ἀμαρτία*, protinus ante eadem de re poſito.

CAP. III. v. 19. *Delictorum cauſa adiecta eſt, cet.*) Lege lata effectum eſt, vt delicta cognoscerentur (nam cupiditatem non nouiſſem, niſi lex vetaret: ad Roman. 7.) duratura, donec veniret ſemen Abrahami Chriſtus, cui promiſſum erat, fore vt in eo bearentur omnes nationes: inſtituta per angelos, vt intelligatur diuinam eſſe: lata ac adminiſtrata et promulgata per ſequeſtrum, ſcilicet Moſem. Sequeſter autem internuntius eſt duorum, qui inter ſeſe aliquid paciſcuntur. Atqui Deus vnus eſt, non duo: itaque neceſſe eſt Moſem Dei et Iſraelitarum internuntium fuiſſe. Neque enim poteſt Dei et Dei internuntius fuiſſe, quum duo dii non ſint. Quod ſi eſt, oportet in eo ſœdere faciendo aliquid ab vtraque parte promiſſum eſſe: nam ea eſt ſœderum natura. Quid promiſit Deus? vitam. Nam qui iſta præſtiterit, viuet, inquit. Quid promiſerunt Iſraelitæ? obedientiam. Quum enim pronuntiaretur, execrabilis eſſe, qui eſſent contumaces, reſponderunt Amen: et, ſe omnia louæ imperata facturos, ſpouderunt. Nunc quoniam legi parere nequeunt, ſupplicio ſunt obnoxii. Ita ſit, vt lex eorum peccata patefaciat, poenæque dignos oſtendat. At ſi ita eſt, videtur lex Dei promiſſis eſſe contraria: quum Dei promiſſa iuſtitiam et felicitatem conferant, lex autem peccatum abeſt, vt ſit lex contraria promiſſis, vt idem conetur efficere quod promiſſa. Promittit enim lex vitam et iuſtitiam obedientibus. Quod ſi non obediunt homines, per legem non ſtat, ſed per hominum infirmitatem, qui obedire nequeant. Nam ſi obedirent, vitam conſequerentur per eam obedientiam, atque ita iuſti fierent per legem. Sed quia (vt litteris proſtitum eſt) omnes peccant, omnes egent Chriſti iuſtitia, qui legi obediens, iuſtus fuit, et nobis ſuam iuſtitiam impertit, quæ in eo iuſtitia legis eſt (vt adpareat, in lege ſitam eſſe iuſtitiam, quum Chriſtus legis iuſtitia iuſtus ſit, quippe qui legi paruerit) eademque in nobis fidei iuſtitia eſt, quod ſidendo Chriſto, ſimus eius iuſtitix compotes.

CAP. III. v. 24. *Non ea ſunt duo ſœdera, cet.*) Agar et Sara, inquit, ſunt, hoc eſt, ſignificant (animaduerte diligenter lector hoc verbum) duo ſœdera. Agar ſignificat vnum ſœdus, quod iſtum eſt in monte Sina, videlicet legem: quod legis ſœdus gignit in ſeruitutem: hoc eſt, qui a lege ſunt, ſerui ſunt, ſicut Agaris filii ſerui ſunt. Nam Agar eſt Sina, hoc eſt, ſignificat Sinam Arabiæ montem, quo in monte lata lex eſt. Quemadmodum enim ſerua erat Agar, ita mons Sina, qui ab Agare ſignificatur, ſeruit, videlicet Romanis; in quo ſane congruit cum hac terreſtri Hieroſolyma, quæ et ipſa cum ſuis ciuibus Romanorum imperio ſubicta eſt. Igitur Agar ſerua, notat Sinam, et porro terreſtrem Hieroſolymam, quæ ſerua eſt. At Sara libera notat, cæleſtem Hieroſolymam quæ libera eſt, cuius nos filii ſumus. Quod ſi eſt, ſumus liberi, vt mater noſtra: ſumus promiſſionis filii, vt Iſaacus. Itaque non debeamus ſeruiri legi, quaſi ſerui ſimus:

*τὸ γὰρ ἀγὰρ* dixit *τεχνικῶς*, per neutrum genus: *σινὰ ὅρα ἐστὶ*, hoc

hoc est, notat ac significat: *δεδεύει γὰρ* legendum est, vt in Colinae exemplari, non *δεδεύει δὲ*: reddit enim rationem, cur Sina sit Hierosolymæ similis, in eo scilicet, quod Hierosolyma feruit vt Sina. Nam *δεδεύει* de Hierosolyma dicitur, vt patet ex pronomine *αὐτῆς*, quod ad τὸ ἄγαρ referri non potest.

CAP. VI. v. 4. *Explorez autem saum quisque opus, cet.)* Eos reprehendit, qui sibi ideo placent, quod sint aliis præstantiores. Nemo est, quin, si se cum aliis conferat, deteriores inueniat, aut certe æque malos. Misera est gloriatio, quæ ab aliorum improbitate pendet. Ergo si alii non essent improbi, tu de te gloriari non posses. Ego fenerator non sum: igitur si feneratores non essent, tui tibi placere non posses. Præclarum vero, posse quemquam talem esse, vt eo reperiatur aliquis deterior. At non ita de nobis feret iudicium Deus: non faciet hominum collationem. Tu niger es, damnaberis. Sed sunt et alii nigri. Et alii damnabuntur, nec eorum nigror te faciet album. Quamobrem inspicere, non an sis aliis melior, sed an sis bonus, et Deo obedias: ita fiet, vt tua gloriatio tibi propria sit, nec ab aliis pendeat. Est enim *εἰς ἑαυτὸν* dictum, pro *ἐν ἑαυτῷ*, quale est quod in 1. Cor. 6. scripsimus.

\*\*\*\*\*

## PAULI APOSTOLI EPISTOLA AD EPHESIOS.

### IN EPISTOLAM AD EPHESIOS ARGVMENTVM.

*Ephesus* fuit ciuitas mercatoria, admodum frequens ac opulenta, et sicut Plinius lib. 5. inquit, alterum lumen minoris *Asie*, fuitque valde dedita tum idololatriæ, præsertim idoli et templi *Diana*, quod plenius describit lib. 36. tum et *Magia*, quorum vtrumque etiam ex *Act.* 19. liquet. In ea conuertenda *Apostolus* diu multumque et cum ingenti periculo sudauit, duabus potissimum causis, sicut et *Corinthis*, ita spiritu *Dei* eum regente, motus: nempe quod quum ob mercaturam et magnitudinem, tum ob nauigationis commoditatem maxima ibi semper erat hominum frequentia: vt et ibi multos docere ac conuertere, et per illos conuersos porro late per orbem terrarum spargere *Euangelium* potuerit. Sita enim est in extremo litore *Asiae minoris*, versus occasum et ferme etiam meridiem, vt illac transeundum fuerit nauigantibus ex *Syria* aut *Aegypto* in *Graciam*, *Macedoniam* et *Pontum*, ac contra: ac item ex *Asia minore* *Romam* et vicissim: sicut et ipse *Apostolus* sæpe proficiscens in *Macedoniam* aut *Graciam*, et iterum rediens illac transiuit. Eisdem commoditatibus ac occasionebus, verisimile est, ipsum quoque *Ioannem Euangelistam* motum, vt ibi diutissime, sicut omnes sacri historici scribunt, docuerit, atque adeo etiam ibidem conseruerit mortuusque sit. Quare ipsemet scribit 1. Cor. 16. sibi esse illuc apertum magnum et efficax ostium ad prædicandum *Euangelium*, et aduersarios multos. Sic et 15. eiusdem narrat, se *Ephesi* cum bestiis depugnasse. Quamobrem ad triennium ibi die ac nocte docuit, patefaciens ipsis omne consilium *Dei*, et non pratermittens quidquam eorum, qua ad salutem facerent: sed cum obtestationibus et lacrimis omnes instruens et monens, vt ipsemet

adfr-

adfirmat Act. 20. Discedens quoque reliquit eis pro se Timotheum, qui etiam postea ipsorum Episcopus fuisse scribitur.

Quibus ergo de causis eos tam sollicitè ac tam diu docuit, iisdem quoque postea motus, tum postremo Hierosolymam nauigando eorum ministros euocans, grauissime de custodienda puritate doctrinae, et urgendo pietatis studio longa concione Act. 20. monuit, tum etiam aliquanto post Roma captiuus existens, hanc epistolam eis scripsit. Quibus tamen causis forte et illud accessit, quod veritus est, ne suis crucibus ac captiuitate et aliarum Ecclesiarum piorumque adflictionibus, ut a vera doctrina resisterent, permouerentur. Forte quoque timuit, ne a pseudopostolis, aliisque impostoribus, qui passim oberrabant etiam per Asiam, praeteritum autem in locis opulentioribus, seducerentur: sicut et Galatas non ita nimis procul ab eis disertos seduxerant; immo ex epistola priore ad Timotheum Ephesium Episcopum adparet, illos turbatores ac seductores illie quoque dudum antea fuisse. Hortatus enim eum fuerat, ut eis resisteret.

Scopus epistolae est, ut tamquam breui moriturus Ephesus aliisque vicinis tum in memoriam reducat, et veluti in perpetuum usum deponat summam verae doctrinae, praeteritum de gratia: quam legentes perpetuo contemplarentur, eosque in ea summa constantia retinenda confirmet: tum porro etiam, ut ipsos ad studium honestae sanctaeque vitae inflammet: quod in illa opulenta mercatorumque urbe et summa licentia turpitudineque Gentilium vita profecto valde fuit necessarium. Hoc vero ipsum ille agit forma expositionis: non disputationis: sicut in Romanis et Galatis disputando ac confirmando veram doctrinam proposuit.

Ordo porro partium hic est: Dua sunt primariae partes, in quarum priore tribus capitulis contenta agit de gratia et coniunctis doctrinae capitulis, sed summa breuitate, ut sunt, electio Dei, iustificatio, fides, redemptio et Christi exaltatio, peccatum et ministerium Apostoli studiumque in ipsis conuertendis. Tota vero hac prior pars potissimum eo directae est, ut non tantum eos doceat de tantis Christianae religionis capitulis, sed etiam ipsos confirmet in eis, et inflammet ad summam constantiam ardensque studium proficiendi in recepta religione.

Id vero in primo capite agit, primum commemorando plurima maximaque beneficia, quae a caelesti patre ex mera misericordia per Christum acceperint: deinde a spe futurorum bonorum, quae eis ingentia plane in altera vita reposita essent: in secundo porro capite illos eodem inflammas, conferendo ipsorum tristissimum statum in Ethnismo cum praesentis felicitate in Christianismo. Eum vero statum duplicem facit seu etiam dupliciter considerat: primum quasi internum, quatenus fuerunt iniustissimi tum originali et habituali, tum et actuali peccato: deinde externum seu correlatiue, quatenus fuerant a Deo, eius verbo et vera Ecclesia prorsus separati alienique, et vicissim postea in Christianismo eidem artissime coniuncti ac consociati.

Vltimum in tertio capite illos ad eundem scopum incitat, ostendendo certitudinem suae diuinæ legationis et doctrinae ipsorumque diuinæ conuersionis et vocationis, ut qui sit diuinitus ad ipsos et omnes alios Gentiles ablegatus, ut eos de vero Deo doceat, ad illum conuertat, et eis caelestes opes per euangelium et sacramenta communiqueet. Postremo totam istam adhortationem concludit precatione et gratiarum actione, orando eis benedictionem a Domino, et omnium verae pietatis partium donorumque incrementum. In posteriore epistolae parte disserens de noua obedientia, primum cap. 4. agit potissimum de seruanda unitate ac concordia multis argumentis: ubi quasi per digressionem tractat illud subli-

sublime mysterium de Christi regimine sua Ecclesia: quo peracto mox hortatur ad exuendum veterem Adamum, cum suis malis operibus, et induendum novum cum suis bonis effectis. Postea in quinto de variis virtutibus ac vitiis disputat: ubi itidem salutem mysterium interferit, de coniugio Christi ac Ecclesia. Postremo sub finem quinti capitis, ac ferme per totum textum, praescribit singulis ordinibus aut statibus sua officia. Tandem in fine totius epistolae redit ad generalem adiortationem, proponens omnibus Christianis communem armaturam, qua muniti instruatque Christo suo duci ac regi, contra satanam, mundum et carnem strenue militare possint debeantque.

## ADNOTATA.

CAP. I. v. 3. In rebus Christi caelestibus) ἐπεραίνεις χριστῷ dixit, quomodo in 2. Corinth. 10. arma sua vocat δυνατὰ Θεῷ, hoc est, diuinipotentia, siue Deipotentia, vt ita loquar, id est, diuinam virtutem habentia. Ita hic vocat ἐπεραΐνια χριστῷ Christicelestia, hoc est caelestia, et ad Christum pertinentia. Est autem hæc epistola obscura, et in immensas verborum complexiones extensa: quas nos, vbi licuit, secuimus, et quoad eius fieri potuit, perspicuitati seruiuimus.

CAP. III. v. 1. Legatione fungor) προσβένω additur in Colinzō, et recte, vt ostendunt sequentia, alioquin deest verbum. Quod si dicas, in ὁ δέσμιος intelligi verbum εἶμι, primum non addidisset articulum ὁ. Deinde sequentia legationis, non vinculorum rationem explicant. Adde quod initio sequentis capitis τὸ ὁ δέσμιος coniungit cum verbo παρκαλῶ, et in cap. 6. προσβένω ἐν αἰλύσει.

17. In vestris animis, et suis in caritate radicasi) ἐν ταῖς καρδίαις ὑμῶν, ἐν ἀγάπῃ ἐρρίζωμένοι, pro ἐρρίζωμένων, mutatione casus, quæ et in Paulo frequens est, et apud profanos auctores existat aliquando: vt in Isocrate in Panath. id quod adnotauit Hieronymus Wollfius; δοκεῖς γάρ μοι ζῶν μὲν cetera. τελευτήσαντα δὲ τὸν βίον pro τελευτήσας. Neque vero dici potest, inscienter Isocratem fecisse: quum traditum sit, cum in illo tam paruo opere componendo duodecim annos consumsisse.

CAP. V. v. 8. Tenebricosi, nunc lucidi) σκότος et Φῶς, pro σκοτεινοὶ et φωτεινοὶ dixit, substantiuo vtens pro adiectiuo, vt sepe; vt quum præputium pro præputiatis dixit: et 2. Cor. 3. δόξα pro δεδοξασμένον, et 5. ἁμαρτίαν pro ἁμαρτωλὸν, et alia infinita, qualia sunt apud Latinos scelus pro scelerato, perniciēs pro pernicioso: et, Quanti conducis tenebras: pro, obscuram domum, apud Iuuenal.

Ibidem, Est autem lucis) Φωτὸς recte legitur in Colinzō, et ita postulat sententia non πνεύματος.

26. *Diuinis verbis*) ἐν ῥήματι, per antonomasiam dictum est, pro ἔν ῥήματι θεῷ: ut in capite sequenti scriptum est. Dicit autem ῥήμα, quod alibi magis proprie solet vocare λόγον. Eodem modo paullo ante dictum est, Pleni spiritu, pro Pleni spiritu sancto: sicut ibi non male reddidit vetus interpret. Sic Leuitici 24. dicitur quidam nomini conuicium fecisse, hoc est, Dei nomini. Latini quoque solent Bonam dicere, pro bona Dea: et rectam, pro recta cœna: et Flaminiam, pro via Flaminia: et id ita libere facere, ut modo vtrumque, modo alterum dumtaxat ponant. Quod idem nobis quoque licere puto, dum sententiæ et perspicuitatis habeatur ratio.

CAP. VI. v. 12. *Spiritualium malisiam*) τὰ πνευματικὰ τῆς πονηρίας dixit: quomodo Latini plana camporum, et ardua montium, pro planis campis et arduis montibus. In rebus cœlestibus intelligo, in Euangelii et religionis negotio, quæ in Euangelio cælum dici solet.



## PAVLI APOSTOLI EPISTOLA AD PHILIPPENSES. ARGVMENTVM IN EPISTOLAM AD PHILIPPENSES.

Philippus urbem Macedoniae metallicam nobilemque et iam coloniam Romanam, a conditore vel potius tantum instauratore suo Philippo Alexandri Macedoniae patre sic dictam, ex parte aliqua Apostolus conuertebat, quum primum diuinitus euocatus fuit in Macedoniam: uti copiose narratur Act. 18. Eandem etiam postea sapius reuisit, eundo et redeundo per Macedoniam, ut etiam Act. 20. indicatur. Mediocria autem sane fuerunt initia eius Ecclesiae, sed tamen postea valde aucta est: cum credentium numero, tum et feruenti pietatis studio. Quare sapius sua liberalitate Paulum subleuauit, dando ei coram, et mittendo postea tum Thessalonicam, tum etiam Romam usque subsidia. Hanc igitur Epistolam ad eos scribit, studio retinendi iam Ecclesiam in officio, quo ex tanta urbe etiam vicini cœtus ecclesiaeque in vera pietate promouerentur. Credibile autem est, eum aliqua ex parte etiam ab Epaphrodito pastore Philippensium admonitum simul et per suum esse, de necessitate scribendi ad eos: per quem illi ei suum subsidium miserant. Ille igitur (ut credibile est) indicauerat ei statum et pericula, aut etiam imbecillitates eius ecclesiae, quibus paternam admonitionem et instructionem occurreret. Nulla aliqui Paulina epistola perinde pathetica est, paternisque adfectibus referta, ut hac ipsa. Est autem hac quoque ad Philippenses epistola sub finem prioris captiuitatis Rom. scripta: facit enim mentionem Timothei secum agentis, quem nempe aliquanto antea per posteriorem ad ipsum epistolam euocarat: quin etiam

etiam sui reditus ad ipsos spem facit, et simul indicat hanc epistolam tum demum scriptam esse, quum iam sua vincula passim facta erant non tantum Romæ, sed et in aliis locis celebra, et insuper late evangelium propagauerant. Sunt ergo quinque Paulinæ epistolæ circa idem tempus, nempe sub finem prioris Romanæ captiuitatis scriptæ, præcedens ad Ephesos, hæc, sequens ad Colossenses: illa brevis ad Philemonem, et denique ea quæ est ad Hebræos. Nam posterior ad Timotheum et illa ad Galatas forte paulo prius, in eadem tamen captiuitate scriptæ sunt. Præcipuus igitur scopus totius epistolæ est, ut eos in accepta religione, et præsertim in doctrina sincera de ineffabili mysterio exinanitionis Christi et iustificationis eius confirmet, et porro in studio piæ vitæ ad omne pietatis officium inflammet: ut illi non tantum non deficiant, sicut Galata, sed etiam amplissime proficiant in Evangelio et Christianismo.

Ad hunc vero finem, ut eos permoueat, multis utitur mediis et argumentis. In primo capite id efficere conatur, primum in exordio laudando eorum præteriti temporis pietatem: deinde ostendendo suam optimam spem de iis in posterum: tertio narrando suæ crucis ac captiuitatis fructus, præsentis et futuros, ac declarando suum studium in promouendo regno Christi et eorum salute.

In secundo capite idem agit, primum obtestando eos, et vehementissime adhortando ad concordiam et consensum in vera doctrina: deinde proponendo eis exemplum Christi, qui semetipsum salutis ipsorum gratia exinanierit, extremaque perpassus sit: tertio adhortando eos ad obedientiam erga suam doctrinam: postremo promittendo aduentum Timothei et Epaphroditi, qui sint eos erudituri, et ipsorum statum cognituri, quod item sui quoque aduentus aliquam spem facit.

In tertio capite eodem contendit, primum excitando eos, ut sibi caveant a seductoribus et errore iustitiæ operum, omnemque iustitiam ac salutem soli Christo adscribendo, eiusque efficaciam celebrando: deinde suum exemplum ipsis proponendo, qui omni studio ad promectum in vera pietate contendat.

In postremo capite idem urget: incitando eos ad omnes virtutes pii hominis, et ipsorum erga se studium officiaque celebrando.

Possent etiam videri esse quedam latens æconomia huius Epistolæ, quod post primi capitis adhortationem ad Christianam pietatem, mox in secundo veluti aliud agens, copiose de mysterio exinanitionis, et victoria glorificationisque Christi disserit: in tertio vero tum beneficia eius, tum et modum ea adprehendendi prædicat, et falsam rationem iustificationis per opera redarguit: quæ materia est totius huius Epistolæ pars primaria et veluti corpus ipsum. Quare totum corpus doctrinæ Christianæ in hac Epistola pertractat, dum primum valde commendat Christianam religionem, ad eamque omnes ardentissime hortatur: deinde diuinitatem Christi, eiusque incarnationem, atque ita duas naturas in vna persona describit: tertio dum eius exinanitionem ac passionem acquisitionemque ingen-

tium

*tium meritorum exponit: quarto eiusdem glorificationem seu gloriosam resurrectionem et ascensionem ac potentiam: postremo etiam modum apprehendendi merita ac gloriam ex hac parte Christi gloria potentiaque.*

## A D N O T A T A.

CAP. I. v. 21. *Nam mihi et viuere Christus est*) Hoc quid sit, mox declarat, quum dicit: Quod si mihi in eo situs est profectus operis, si viuam in corpore; *καρπὸν ἔργου*, hoc est, profectum operis quid vocet, patet paulo post, vbi dicit, *εἰς τὴν ὑμῶν προκοπὴν*: vt sit idem *καρπός*, quod *προκοπή*, vt et ad Roman. 1. hoc est, profectus Euangelii, qui in eo situs est, si viuat in corpore. Nam mortuus Euangelium promouere non posset. Igitur mihi viuere Christus est: hoc est, si viuam, docebo Christum: ita fiet, vt promoueatur Christianitas.

23. *Es migrare quidem cupio*) Sic ponitur verbum *ἀναλύειν* Luc. 13. et Iudith. 13. et Sap. 2.

CAP. II. v. 6. *Qui quum in Dei forma foret, cet.*) Quum Christus, antequam factus homo est, esset Deus, æqualisque Deo, eandem cum Deo vitam ageret, non retinuit eam cum Deo æqualitatem tenaciter, vt faciunt rapaces, qui nihil sibi detrahi patiuntur: sed sua sponte factus est Deo minor, seruilemque hominis formam sumisit: hoc est, homo factus est, cet. In Dei forma esse dicit, Deo similem esse: hoc est, Deum. Item hominum similem esse, hominem esse ceterorum similem, excepto peccato. Item inueniri vt hominem: hoc est, inueniri et esse hominem; *μορφὴν, ὁμοίωμα* et *ἡμῶν*, hoc est formam, similitudinem, et figuram, pro eodem ponit. Rapinæ habere, siue rapinam, aut pro rapina ducere, dicit, pro rapaciter vti et retinere: vt Latini dicunt: In hostium numero habere, pro occidere vt hostem. Sic enim poni solet verbum *ἡγεῖσθαι*, vt non solum cogitationis sit, verum etiam rei: vt in capite sequenti: *ἀναγκαῖον ἡγήσαμην ἐπαφροδίτον πέμψαι*, Necessarium putavi Epaphroditum mittere: hoc est, nisi, quod ita necessarium et operæ pretium putavi. Et Genes. 31. Alienæ putatæ sumus: hoc est, tractatæ vt alienæ.

14. *Præuisque cogitationibus*) Verbum *διαλογισμός* medium est. Sed si vituperatur, aut vetatur, intelligitur praua cogitatio, vt latine valetudo. Quod si dicas: Non licuit per valetudinem intelligitur aduersa valetudo. Sin dicas: Gratia, fama, valetudo contingat abunde, intelligitur bona valetudo.

CAP. III. v. 2. *Videte concisos*) Adludit ad circumcisionis nomen: et concisos vocat, non vere circumcisos: hoc est, Iudeos, qui quum circumcisionem et Iudaismum iactarent, non erant vere Iudei, quum verus Iudaismus sit in Christiana religione positus.

CAP. III. v. 3. *Vere socie*) Verum sincerumque socium vocat, aliquem suum in Evangelico labore socium. Neque me fallit, esse quosdam qui putent *σύζυγε γνήσιε*, Attica esse feminina, eumque vxorem suam adloqui. Sed quum verba plana sint in masculino genere, neque quidquam am-



ambiguitatis habeat sententia, ea detorquere, et Paulum cum sententiae obscuritate Atticum facere, nihil aliud est, quam in scirpo nodum quæresse. Vt interim taceam, quod res ipsa relucet. Quum enim de cœlibatu loquens Paulus ad Corinth. dicat, cupere se, eos sui esse similes, hoc est cœlibes, quo essent ad Dei cultum expeditiores: non est credibile, eum id postea fecisse, a quo alios dehortatur. Nisi forte dicat quis, eum libidinis stimulis victum, postea duxisse, et se maximo ad Euangelicum negotium impedimento implicuisse. Sed neque libidine vinci potuit, cui sic a Deo responsum fuerit. Satis est tibi meus fauor, (nam cui fauet Deus, is inuictus est,) et si victus fuisset, oportuit eum uxorem circumducere: quam si circumduchurus non erat, stultum erat ducere. Atqui non circumduxit, ut ipse de se prædicat.

\*\*\*\*\*

## PAULI APOSTOLI EPISTOLA AD COLOSSENSES.

### ARGVMENTVM ATHANASII IN EPISTOLAM AD COLOSSENSES.

*Istam quoque misit e Roma, quum Colossenses nondum vidisset quidem: audisset autem de illis. Argumentum autem Epistolæ hoc est: Colossenses quidam Gentilibus sophismatis cum fide Christi pugnantes, et traditione ciborum, iuxta Legem, et circumcisione, seducere tentabant. Hæc ubi didicit apostolus, hanc illis epistolam instruendi modo scripsit. Et principio gratias agens Deo, significat eos e tenebris ad veritatis lucem ingressos. Et quod Christus, in quem crediderant, imago Dei sit, et verbum, per quod omnia facta sunt, et quod decuerit eum, qui rerum est opifex, et primogenitum fieri creaturæ, et primogenitum ex mortuis, ut utraque coniungeret et omnia vinificaret. Adhortatur etiam eos, ut in fide persistant, significans eis, se Paulum esse ministrum Euangelii, in quo instructi iam erant. Deinde de lege, et de cibis in lege vetitis disputat, et de diebus etiam et annis exponit, et deinceps vetera omnia, circumcisionem quoque abolita esse declarat. Consulit etiam, ne imponi sibi sinant a sophistis, qui in hoc erant, ut eos subducerent. Tandem adiectis adhortationibus pro parentibus, liberis, viris, mulieribus, servis et dominis, et quæ bonos mores concernunt, epistolam finit. Denuntiatur etiam illis, ut posteaquam apud ipsos lecta est epistola, efficiant, ut in ecclesia Laodicea legatur, et ut ipsi vicissim eam legant, quæ Laodiceis scripta est.*

## A D N O T A T A.

CAP. II. v. II. Exuto humanorum peccatorum corpore) Hoc est exutis peccatis, quæ corpus sunt: hoc est, per corpus in circumcisione significantur: vt cap. 3. ἀπολήψεθε τὴν ἀνταπόδοσιν τῆς κληρονομίας: hoc est,

M

τὴν

τὴν κληρονομίαν, ἣ τις ἔσται ἀνταπόδοσις. Eodem modo loquuntur etiam profani, vt Plin. libr. 1. cap. 5. Huius (scilicet aeris) vi suspensam cum quarto aquarum elemento librari medio spatio tellurem. Aquarum elementum vocat aquas, quod elementum est.

14. Oblitterato placitorum chirographo) ἐξαλείψας χειρόγραφον τοῖς δόγμασι, sic datiuo vititur, vt is per genitium reddi possit: quale est illud 2. Corinth. 2. Adpositus est mihi stimulus carni: hoc est, carnis et corporis: aut, ad corpus stimulantium, quod idem valet: vt Apocal. 8. καπνὸς τῶν θυμιαμάτων ταῖς προτευχαῖς, pro τῶν προτευχῶν. Est enim hebraismus, quem nos in Psalmorum titulis declarauimus in τῷ δαβὶδ, pro τῷ δαβὶδ. Talia sunt et illa Catonis, quæ in 2. Corinth. 2. citauimus. Ornamenta bubus, opercula doliis: quæ possunt ita dici, Ornamenta boum, opercula doliaria. Ita hic χειρόγραφον τοῖς δόγμασι, est placitorum chirographum: hoc est, ipsa placita decretaque diuinæ legis, quibus nos, tamquam chirographo tenebamur obstricti: quippe quum propuntiatum sit, execrabilem esse, quicumque legi non paruisset, idque nostra, hoc est, populi acclamatione sancitum, quum vniuersi responderent, Amen: Deut. 27. Eo chirographo cogebamur parere legi: quod quia non poteramus, Christus pro nobis paruit, pænasque dedit, atque ita chirographum quasi acceptilatione deleuit.

17. Quarum corpus Christus est) Christus res est illis vmbris adumbrata. Est autem in græco, Quarum corpus Christi est: quod idem est: vt latine idem est, Summa miseria est belli ciuilis: et, Summa miseria est bellum civile. Sed ego perspicuitati seruiui.

18. Nemo vos supplantet, ces.) καταβραβεύεν eo modo dixit, quo καταπαλαίεν dicitur, supplantare, atque ita impedire, quo minus brabium et palmam adsequaris: quod faciunt, qui Christianos a vera doctrinæ via abducunt. Modestiam vocat, quæ modestia videtur esse: quale est illud Terentii: Terram intuens modeste: hoc est, cum specie modestiæ. Et Iuuenalis:

- - - Quum iam vertigine tectum  
Ambulat, et geminis exurgit mensa lucernis.

Loquitur enim de ebriis, quibus hæc fieri videntur. Atque idem paullo post eadem sexta Satyra Clodium vocat psalteriam, quod psalteriæ vestitum gestaret. Sic igitur Paulus hoc loco modestiam vocat, quum se eo demittit homo, vt a certis cibis modeste abstineat: vt mox declarabit. Quod verito: Sibi placens, græce est θέλων, ex verbo ΨΕΠ translatus, quod alias εὐδοκεῖν dici solet: vt Matth. 27. ῥυσάσω νῦν αὐτόν, εἰ θέλει αὐτόν, hoc est, εἰ εὐδοκεῖ ἐν αὐτῷ: est enim in hebræo, Psalmio 22. unde is locus translatus est יְיָ Ψֵפ יְיָ. Item Psalm. 1. ἐν τῷ νόμῳ τῷ κυρίου τὸ θέλημα αὐτῷ, ΨΕΠ Angelorum cultum vocat, eorum qui angelos colebant; ἑώρακε, pro μεμάθηκε, vt Ioan. 8. καὶ ὑμεῖς, ἑώρακατε παρὰ τῷ πατρὶ ὑμῶν ὃ ποιεῖτε.

19. Neque caput tenens, a quo) In græco caput est feminini generis. A quo

quo autem, masculini: refert enim rem, non verbum: ut sit caput Christus, a quo Christo, cet.

20. *Quod ad mundi rudimenta adinet mortui*) Hoc est, Nihil iam rei habetis cum mundi prima institutione, quæ rudimenta sunt pueris necessaria, adultis (adulti autem sunt Christiani) inutilia: ἀπεθάνετε ἀπὸ τῶν στοιχείων, dixit, quomodo Latini: Paratus a pecunia, hoc est, quod ad pecuniam adinet.

21. *Ne contigeris*) scilicet immunda. *Ne gustaveris*) hoc est, vesci noli: ut Cæsar Britannos leporem non gustare tradit. *Ne tetigeris*) non modo non gustandum, sed ne tangendum quidem. Est autem imitatio orationis eorum, qui hæc vetabant. Sequuntur Pauli verba: Quorum omnium, inquit, is usus est, ut vñu pereant: sic enim verto: ἃ ἐστὶ πάντα εἰς φθορὰν τῇ ἀποχρήσει. ut Act. 8. εἰς χολὴν πικρίας ὄρω σε ὄντα: hoc est, video eum esse te, cui bilis imminet, quique sis pœnz destinatus. Ita hic: Hæc omnia, (inquit Paulus) hoc est, cibi omnes (quos illi gustare vetant) eo destinati sunt, ut vtendo pereant; alioquin nullus eorum vñus esset, et sine vñu perirent, atque ita Deus aliquid inutile fecisset. Eandem sententiam ad Corinth. posuit: Venter escæ, et esca ventri: ἀποχρήσεις posuit pro χρήσεις: ut Cato solet abuti dicere, pro vtendo consumere: et Isocrates in Paneg. dixit καταχρήτασθαι, eadem notione.

22. *Et ad corporis expletionem pertineant, non ut in aliquo sint honore*) Hæc verba a fine capitis in hunc locum, perspicuitatis gratia transtuli: ut et Ioann. 1. feci, in πλήρης χάριτος καὶ ἀληθείας. Est enim adiecio ad ea, quæ de cibis dixit, qui ut vñu consumantur, expleantque corpus et ventrem, comparati sunt: non ut sint in honore, non ut iis tantum honoris præstetur, ut sit contingere nefas.

23. *Ista vero placita sunt*) Ad verbum est, Quæ sunt: quod ego clarius explicare volui, alioquin futurum obscurius, propter interiecta.

*Vt rationem habeant sapientia*) Vt eorum, tamquam sapienter factorum, ratio reddi posse videatur, quod videntur modeste et religiose fieri, et quod ea continentia corpus seuere asperique tractatur: ἐν autem posuit pro propter: ut supra: μηδεὶς ὑμῶς κενέτω ἐν βρώσει. Et ad Ephes. 3. αὐτῶν μὴ ἐκκακῶν ἐν ταῖς θλίψεσι μὲν.

CAP. IIII. v. 4. *Redimentes tempus*) Quæ emuntur, cara sunt: ideoque damus operam, ut ea diligenter seruemus, neue iis abutamur. Est igitur tempus redimere, magnifacere tempus, et cauere, ne perdatur, aut male collocetur: hoc est, toto tempore bene vti, nec vllam recte agendi occasionem prætermittere.

# PAVLI APOSTOLI EPISTOLA PRIMA AD THESSALONICENSES.

## ARGVMENTVM ATHANASII IN EPIST. PRIMAM AD THESSALONICENSES.

*Hanc misit ex Athenis, quum eos iam antea vidisset, et cum ipsis conuersatus esset. - Argumentum vero Epistola hoc est: Quum multas afflictiones in Berroha perpeffus esset Apostolus, in Philippis quoque, Macedoniae et in Corintho, sciretque qua passus fuerat in Thessalonica, veritus ne Thessalonicenses, auditis, qua passus erat in praedictis ciuitatibus, tentarentur a tentatore et offenderentur, praesertim quum intellexisset, eos mortuorum gratia dolere, misit ad eos Timotheum cum hac Epistola. Et primum confirmat eos in fide, ne propter afflictiones concutiantur. Commonefacit enim eos, quomodo et in prima institutione diligerint, ferendas esse tribulationes, et quod insolens non sit, quod ipsis accidat, a more Iudaorum, qui etiam Christum occiderunt. Esse enim proprium Christianorum adligi in hac vita. Hortatus autem eos multis, ut ita conuersarentur, sicuti ab ipso acceperant, de mortuis etiam scribit, consolans eos ac docens, ne moleste ferant. Mortem enim non esse perditionem, sed vitam resurrectionis. Deinde et de temporibus eos instruit, ut diem Domini occultum esse scientes, semper parati sint, nec quemquam attendant de illo nuntiantem: futurum enim aduentum illius ita inopinum, ut, qui residui inueniantur in eo die, non sint praeventuri eos, qui e mortuis exerabuntur, eo quod simul ac subito omnium sit futura mutatio. Denique ubi admonuit eos, ut meliores in vita maioribus enadant, hortatur etiam, ut semper in spe gaudeant, et orationi insistant, ac gratias agant Domino. Tandem adiurat eos, ut Epistolam hanc fratribus omnibus legant, atque ita illam finit.*

### ADNOTATIO.

CAP. III. v. 15. *Fore ut nos uiui, qui ad Domini aduentum supererimus)* Hoc est, ut Christiani, qui supererunt. Nec enim ita loquitur, quasi sit ipse superfuturus. Talis est illa Moysi ad Israelitas oratio, Deut. 1. Per id tempus proposui vobis, me solum non posse regere vos, ceterum hoc est, proposui patribus vestris. Quum enim ea diceret populo Moyses, mortui erant ii, quibus illa proposuerat.

\*\*\*\*\*

# PAVLI APOSTOLI EPISTOLA SECVNDA AD THESSALONICENSES.

## ARGVMENTVM ATHANASII IN EPISTOLAM SE- CVNDAM AD THESSALONICENSES.

*Hanc e Roma misit. Argumentum eius tale est: in Thessalonica quidam otiosi et inordinate viuentes circumibant, ac fratres seducebant, quasi iam tum dies Domini praefertibus esset. Seducebant autem audientes, eo pretextu, quasi hoc ab Apostolo id manifestante et ab ipso Spiritu sancto audissent. Hoc ubi*

ubi cognovit Apostolus, hanc ad eos epistolam scripsit: et primum quidem crescentem eorum fidem laudat, et gloriatur in ipsis, quod afflictiones fortiter tolerabant propter Christum, consolatur eos etiam, quod futura sit a Deo ultio eorum, a quibus immerito adflegebantur: deinde vero et de aduentu servatoris eos instruit, ne cuiquam credant, neve turbentur, siue per spiritum, siue tamquam ipse quidquam ea de re scripserit, nec ullo modo putent eum iam praeforibus esse, aut futurum, priusquam defectio veniat, et post hanc Antichristus, filius ille perditionis, cuius aduentum in signis ac prodigiis mendacibus secundum operationem satana futurum esse significat. Post ista adhortatus eos, ut fortiter persistant, et traditiones, quas se didicerant, servent, denuntiat illis, ne quam cum iis, qui inordinare vivebant, communionem habeant, sed magis repudient eos. Ostendit enim huiusmodi curiosos esse et erroneos. Prorsus autem precipit eis, ut si quis sermonibus innoxius sit, hunc e synagoga eiiciant. Ceterum pacem illis imprecatus finit Epistolam, salutatione propria manu subscripta, id quod cuiusque epistola sua signum indicat esse.

## A D N O T A T A.

CAP. I. v. 9. *Penas dabant Domino*) ἀπό προσώπου, hebraismus est ἵνα, quod saepe ponitur pro ἵνα: ut graece, οἱ τινες, pro οἱ: ut sit δίκην τίσουσιν, cet. hoc est, punientur a Domino, siue penas dabit Dominus: ut δίκην τίσουσι pro passivo ponatur: sicut latine dicitur: Interit a valentiore, hoc est, interfectus est.

CAP. II. v. 9. *Cuius scelerosi adventus, cet.*) Hoc est, Qui scelerosus quum aduenerit, edet falsa prodigia, cet. Falsa autem prodigia vocat, quae prodigia videntur esse, quum sint praestigiae ac mendacia.

\*\*\*\*\*

## PAULI APOSTOLI EPISTOLA PRIMA AD TIMOTHEVM.

### ARGVMENTVM ATHANASII IN I. EPISTOLAM AD TIMOTHEVM.

Istam misit e Macedonia, cuius hoc est argumentum: Ephesi quidam Iudaismo infecti alienam conabantur inuehere doctrinam, et simplices prae-textu legis seducere. Hoc quum intellexisset Apostolus, admonuit Timotheum, ut illis haereret, quo eos corrigeret. Scribit autem illi epistolam hanc: et primum commonefacit eum fidei, quam sciebat in Christum, et docet de lege, ut cohibeat eos, qui prae-ter rectam doctrinam loquebantur, illosque increpet. Nam et ipse Apostolus Hymenaeum et Alexandrum, naufragium circa fidem passos, Satana iam tradiderat, ut discerent non blasphemare. Vbi de istis admonuit, canones illi ecclesiasticos deinceps praescribit. De oratione, quomodo, et ubi, et pro quibus sit orandum. Quod mulieres in ecclesiis sacere debeant, et magis discere quam docere. De constituendis episcopis senioribus et diaconis. Quomodo se gerere et quales esse debeant, ac quomodo illarum cura habenda sit. Iuniores ad modestiam insinuen-

das esse, ut nubant potius, nec turpiter viuant. Diuitibus denunciandum esse, ne superbiant, neque spem collocent in diuitiis suis. Postquam de istis praecepit, hortatur eum, ut hac doceat. Et ut aquam amplius non bibat, sed sibiipsum et doctrina attendat, quod sciat fore tempora, quibus nonnulli a fide defecturi sint. Vbi etiam escas mundas esse docuit, ac praecepit, ut contentiosas et profanas quaestiones auerteretur, in quibus quidam sibiipsis placentes fidelem transgressi iam erant, fuit Epistolam.

## ADNOTATA.

CAP. I. v. 4. *Antiquitates infinitas*) γεγεαῦ vt γῆ, non solum genus, sed etiam saeculum est. Inde γεγεαλογία Paulo, quae a Iosepho et aliis ἀρχαιολογία vocatur. Plinius in praefatione sua Antiquitatem dicit.

10. *Mendacibus, periuiris, et si quid aliud sana doctrina contrarium est*) Hic animaduerte Lector, quid sit sana doctrina. Ea est videlicet, quae animi morbos, hoc est vitia, sanat: ut si quem videas ex mendaci veracem, ex contumaci obedientem, ex libidinoso castum esse redditum: non debeas dubitare, quin quae doctrina eos morbos sanauerit, ea sana sit. Nam insana sanare animos non posset, non magis quam insana medicina corpus. Rursus quae doctrina animos eorum, a quibus admittitur, non sanat, sed aut tales relinquit, quales inuenit, aut etiam superiores reddit, et dissolutiones: ea quin insana sit, nemo sanus negabit.

CAP. II. v. 15. *Seruabitur autem mulier*) Hoc est, mulieres seruabuntur (nihil enim refert, utro numero vtare, quum de toto genere loquar) per liberorum procreationem: hoc est, quandoquidem sui peccati poenas dat in hac vita, dum natos cum dolore parit: ut sit τεκνογονία totius generis, non vnius feminae. Nam male cum mulieribus ageretur, si steriles aut coelibes seruari non possent. Seruabuntur igitur mulieres, sed ita demum, si permanserint in officio: μένωσι enim de mulieribus dicitur, mutato numero, quod Hebraeis vsitatum est: ut in huius epistolae cap. 5. εἰ δὲ τις χήρα τέκνα ἢ ἐκγόνα ἔχει, μανθανέτωσαν, scilicet vidux. Itaque recte verterat utrobique vetus interpres, per numerum singularem.

CAP. III. v. 2. *Vnius uxoris vir*) In Oriente habebant aliquando viri singuli plures uxores simul: quod etiam hodie fit a Turcis et Iudeis. Igitur Paulus maiorem in episcopo requirit temperantiam, quam in aliis: itaque vetat, eum duas habere simul.

16. *Per spiritum commendatus*) ἐδικαιώθη dictum est, quomodo Luc. 7. οἱ τελῶναι ἐδικαιώσαν τὸν Θεόν, Publicani Deum commendarunt atque collaudarunt. Est autem commendatus comprobatusque Christus per spiritum, quum spiritus sanctus in eum columbae specie descendit in eius lotionem: item conspectus angelis, qui cum pastoribus nuntiarunt.

CAP. III. v. 2. *Per simulationem hominum falsiloquorum*) Hominum addidi, ne falsiloquorum et sequentia referentur ad demonia.

3. *Vetantium matrimonia contrahere, abstinere cibis*) Haec oratio curta est

est, et ita resoluenda, vt pro Vetantium dicas Præcipientium ne: hoc patet, Præcipientium ne matrimonia contrahantur, præcipientium vt a cibus abstinenceatur. Ego propterea nihil addidi, quod sic latini quoque loquuntur auctores: vt Plin. lib. 25. cap. 5. de Elleboro: Vetant dari senibus et pueris, item mollis ac feminei corporis animiue, exilibus aut teneris, et feminis minus quam viris. Hæc Plinius. Vbi verbum Vetant non est cum iis verbis, feminis minus quam viris, coniungendum, sed ita resoluendum: Præcipiunt non dari senibus, et præcipiunt minus dari feminis quam viris. Item Cicero de Finib. lib. 2. Recte ergo is negat vnumquam bene cœnasse Gallonium, recte miserum, cet. quod ita resolui debet: Recte ait, numquam bene cœnasse Gallonium, recte ait miserum. Nec enim negabat esse miserum, sed affirmabat Lælius: vt ostendunt carmina paullo ante posita, in quibus sic apud Lucilium loquitur Lælius:

O Publi, o gurges Galloni, es homo miser, inquit,  
Cœnasti in vita numquam bene, cet.

CAP. V. v. 4. *Doceat in primis suam familiam*) Pluralis est numeri *μανθανέτωσαν*, quum *χῆρα* sit singularis: qui hebraismus est, vt in cap. 2. indicauimus. Est autem *μανθανέτωσαν*, pro *διδασκέτωσαν*, minus proprie, vt solet Paulus aliquando loqui: vt et gallice: Apprendre: et Germanice Leeren, docere est et discere. Itaque idem est *μανθανέτωσαν τὸν ἰδίον οἶκον*, siue *τὰ τέκνα, ἢ ἔκγονα* (quod idem est) *ἐνσεβῆν*, quod *τεκνοτροφεῖτωσαν*, quo verbo paullo post vtitur: et *ἐνσεβῆν*, idem quod *ἀμοιβὰς ἀποδιδόναι τοῖς προγόνους*. Estque hæc sententia: Que vere viduæ sunt, ne nubant (vt in 1. Corinth. 7. docuit) sed suam cœlibes, non alienam nuptæ familiam doceant, et liberos educant. Quod si qua vidua suorum curam non gerit, ea fidem abnegavit: vt dicit Paulus paullo post, vbi *τοὺς ἰδίους* et *οἰκείους* eodem vocat, quos hic *ἰδίον οἶκον*. Quod si *μανθανέτωσαν* referas ad liberos aut nepotes, videbitur non viduis, sed filiis præcipere Paulus, quum hoc loco viduis præcepta det: nisi dicas idem esse, discant nati, et doceat mater: sed *οἶκος* de parentibus diceretur, quum numquam ad maiores (quod sciam) referatur, sed semper de familia aut posteris dicatur: sicut latine domus, aut familia.

II. *Postquam Christum repudiantes lasciuire ceperunt*) *σηνῶν*, est gesticire, lasciuire, incire, *ὀργᾶν*: *κατὰ* autem est contra: vt sit *κατασηνῶν τῷ Χριστῷ*, Christum, cui sese addixerat, detrectare, eique fidem fallere, et alium procire. Est autem *κατασηνῶν* hoc loco lasciuiscere, vt ita dicam: sicut *βασιλεύειν*, non solum regnare est, sed etiam regem fieri, vt alibi declarauimus.

21. *Vt hæc sine vlllo discrimine exsequare*) *πρόκριμα* est, quum alius alii *προκρίνεται*, hoc est, præfertur: quum persona, non res spectatur, quæ alias *προσωποληψία* dicitur, et eadem hoc loco *πρόσκλησις*, quum sumus in aliquem propensiores. Ego, Sine vlllo discrimine, verti: quomodo loquitur Maro: Tros Italusue fuit, nullo discrimine habebō.

24. Nonnullorum hominum peccata perspicua sunt, cet.) Rationem adfert, cur vetuerit cuiquam protinus imponi manus, eumque ad docendi munus cooptari. Homines, de quibus ad id munus admittendis agitur, aut improbi sunt aut probi. Improborum alii aperte improbi sunt, eorumque improbitas iudicium antecuenit: hoc est, ante perspicua est, quam de eis admittendis deliberetur. Et ii quidem repudiandi sunt. Aliorum improbitas latet, videnturque viri boni. Ii non protinus admittendi sunt: sed cunctandum est, expectandumque, dum pateat, si quæ latet improbitas. Nam ut eorum recte facta perspicua sunt, ita si quid aliter se habet, hoc est, si quod in eis vitium occultum est, id quoque patebit aliquando, si expectetur. Nihil enim est tam occultum, quod non patefiat. Ita efficitur, ut cunctari sit tutissimum: quoniam si pergent esse boni, satis mature admittentur: sin erunt mali, non debent admitti.

\*\*\*\*\*

## PAULI APOSTOLI EPISTOLA SECUNDA AD TIMOTHEVM.

### ARGVMENTVM ATHANASII IN EPISTOLAM SE- CVNDAM AD TIMOTHEVM.

Hanc ad Timotheum misit e Roma. Argumentum eius est tale: Quum vellet Apostolus, postquam desertus erat ab his, qui profectionis socii fuerant, ad se venire Timotheum, hanc illi epistolam misit. Et initio significat se memorem esse, quum pietatis ipsius, tum fidei maiorum ac parentis ipsius. Deinde, quod, qui ex Asia secuti fuerint, e quorum numero erant Phygellus et Hermogenes, auersati se sint, in catenis constitutum videntes. Onesiphoron vero laudat, quod is, quum Romam venisset, apud se manserit. Præcipit autem, ut stultas questionibus auerjetur, ob id quod pugnas gignant. Nam hoc pacto Hymenæum et Phyletum deflexos, transgressos esse veritatem, dicentes resurrectionem iam esse factam, et nonnullos subuersisse. Hoc itaque amplius illum hortatur, ut sibiipso attendat et doctrina, sciatque futuros posterioribus temporibus homines, voluptatum magis quam Dei amantes, et ut, ista prauidens, populum credentem communiat, ne quis ex illo seducatur. Postquam autem ad morum institutionem et doctrina seueritatem multis illum adhortatus est, tempusque resolutionis sue iam imminere, ut pro Christo immoletur, significauit, præcipit ei, ut ad se cito veniat, adferens secum penulam suam et libros. Hortatur etiam, ut Alexandrum erarinum caueat, ut qui se multis malis adfecerit, atque ita claudit epistolam.

### ADNOTATIO.

CAP. III. v. 14. Et per qua fideus factus es) Hoc est, Christianus. A. nimaduerte autem, non esse scriptum ἐπιστεύθης, sed ἐπιστάθης, hoc est, πιστὸς ἐγένεθ, qua forma dicitur διχαῶθῆναι, ὑψωθῆναι, cet.

PAULI



# PAVLI APOSTOLI EPISTOLA AD TITVM.

## ARGVMENTVM ATHANASII IN EPISTOLAM AD TITVM.

*Hanc misit e Nicopoli : nam ibi hibernavit. Est autem epistola argumentum tale: In Creta reliquerat Titum, ut Clericos oppidatim constitueret. Quum autem illic multi legis prætectu populum credentem seducere conarentur, id ubi cognouit Apostolus, epistolam hanc Tito scripsit: et principio gratiis actis Deo propter ipsius pietatem, indicat fidem in Christum non esse recentis inuenti: sed a sæculo præparatam et a Deo promissam. Deinde de constituendis clericis docet, quomodo illi conuersari et quales esse debeant. Præcipit etiam illi, ut increpet eos, qui sante fidei contradicebant, maxime eos, qui erant ex circumcissione, sci-atque Cretenses esse otiosos, et opus habere increpatione. Et postquam docuit omnis generis escas esse mundas mundis, et quales esse debeant anus, quarum est officium castigare adolescentulas, admonet, quomodo serui dominis suis subiici debeant. Denique ubi admonuit, quod gratia seruatoris non ex operibus nos iustificauerit, sed ex diuina benignitate, denuntiansque, ut legales pugnas, tamquam temerarias et impudentes, auersetur, significat illi, ut quamprimum ad ipsum miseris Artemnam, ad se veniat. Præcipit etiam, ut auditores suos bonis operibus præesse doceat, atque ita terminat epistolam.*

\*\*\*\*\*

# PAVLI APOSTOLI EPISTOLA AD PHILEMONEM.

## ARGVMENTVM ATHANASII IN EPISTOLAM AD PHILEMONEM.

*Hanc misit e Roma. Argumentum eius hoc est: Onesimus seruus Philemonis aufugerat et ad Paulum venerat, atque ab illo in fide instructus iam, et vsui illius ministrando commodus erat. De hoc itaque scribit Philemoni, illique commendat Onesimum, ut sincere erga eum adficiatur, nec amplius eum habeat ut seruum, sed ut fratrem. Hortatur illum etiam, ut hospitium sibi paret, ut ubi venerit, manendi locum inueniat: et sic finit epistolam.*

M 5

IACO-

# IACOBI APOSTOLI EPISTOLA ARGVMENTVM ATHANASII IN EPISTOLAM IACOBI.

*Ab auctoribus suis et ipsa nomina sortita sunt Epistola Catholica. Hanc enim Iacobus ad dispersas duodecim tribus in Christum credentes scripsit. Scripsit autem eam more et genere docendi, docens eas de temptationum discrimine, quam a Deo, quæ vero ex proprio cuiusque mortalium corde sint: et quod non verbis tantum, sed et ipso opere ostendenda sit fides, quodque non auditores legis, sed factores iustificentur. Præcipit etiam de dimitibus, ne illi pauperibus in Ecclesiis præferantur, sed magis increpentur, tamquam superbi. Tandem ubi ad afflictos consolatus, et ad tolerantiam, usque ad iudicis aduentum seruandum, adhortatus est, deque patientia, ex iis quæ Iob acciderunt, admonuit: præcipit, ut seniores vocentur ad egrotos, studeaturque, quomodo errantes ad veritatem conuertantur, eo quod merces huius apud Dominum sit remissio peccatorum: atque ita terminat Epistolam.*

## ADNOTATA.

CAP. I. v. II. *Cum suis copiis* ) ποσεις, non πορείαις legendum videtur: ut diuitis opes cum herbæ flore comparentur, non itinera.

CAP. II. v. 10. *Qui in uno delinquit, is omnibus tenetur* ) Hoc est, æque damnatur, ac si in omnibus deliquisset: nec ei prodest in aliis obediuisse, quo minus eius peccati det pœnas: nec possunt eius virtutes id abolere peccatum. Vt si quis regi fideliter seruiert, si quid capitale committat, det seuerio regi pœnas, non minus quam si multa peccasset. Vide Ezech. 3. et 33.

18. *Ostende mihi tuam fidem sine tuis operibus* ) χαρὶς τῶν ἔργων, recte legitur in quibusdam, et ita legit Vetus: ut sit hæc sententia: Tu habes fidem, ut dicis: ego opera habeo. Fateor me, si fide carens, opera habeam, non satis habere. Sed dico me, quum opera habeam, habere etiam fidem. Quum enim a fide proficiantur opera, necesse est, in quo sint hæc opera, in eodem esse fidem: alioquin vnde proficerentur? At tu, qui fidem iactas, et operibus cares, ne fidem quidem habes. Quum enim fides opera pariat, et sine eis mortua sit: necesse est te, qui operibus careas, fide quoque carere. Alioquin ostende eam sine operibus. Non potes. Ergo ea nulla est, nisi adsint opera.

CAP. III. v. 6. *Aui cursum inflammati* ) τρέχειν rota est, a verbo τρέχειν currere. Hic vitæ orbis et cursus est: γένεσις autem proprie est natiuitas aut origo. Sed ut Hebræi נִרְרִי, siue נִרְרִי, hoc est natos, siue filios vocant homines: ita hoc loco γένεσις pro hominis ætate dictum est: cum cap. 1. pro corporis figura et statura positum sit, quæ Matth. 6. ἡλικία dicitur.

CAP. III.

CAP. III. v. 4. *Degeneres et viri et femina*) *μοιχοι καὶ μοιχαλίδες* dixit, quomodo Christus, *γενεὰ μοιχαλίδς*. Quod vitii indulgetis, inquit, estis amici mundi, qui in vitiis demersus est: atque ita degeneratis a Deo, et estis eius inimici. At istud quidem non proficiscitur a sancto spiritu, qui maius conferre solet beneficium, quam ut sit ad invidiam, ceteraque, quorum mentionem feci, vitia pronus, et ad ea inducat homines. Ab eo vos degeneratis, quum invidetis, nec alios vobis excellere pati potestis: id quod non solum invidiæ, sed etiam superbiz est. Superbis autem aduersatur Deus: quonobrem submittite vos, ut vobis ille faucat. Hic vides, Lector, hunc locum, *διὸ λέγει ὁ Θεός*, cet. non frustra et in græcis quibusdam, et in latino vetere, esse additum. Pertinet enim ad id quod sequitur, *ὑποτάγητε*.

13. *Proficiscemur in illam urbem*, cet.) Et hic *πορευσόμεθα*, ceteraque per o parum recte legit vetus. Nec enim reprehendendum est, si quis dicat, Eamus. Sed si quis dicat, Ibimus, reprehendendus est, quum incertum sit ei, quid sit futurum. Itaque addendum est, *εάν Θεός ἐπιτρέπη*, ut loquitur Paulus ad Corinth. si Deus permiserit, volente Deo, et talia.

\*\*\*\*\*

## PETRI APOSTOLI EPISTOLA P R I M A.

### ARGVMENTVM ATHANASII IN I. EPISTOLAM PETRI.

Et ista ab eo denominata est, a quo est scripta. Petrus enim docendi gratia epistolam hanc Iudæis, ad Christianismum conuersis, in dispersione constitutis, scripsit. Postquam enim ex Iudæis multi crediderunt, confirmat eos. Et primum quidem exponit ac declarat, quod fides in Christum a prophetis prænuntiata, et per eundem significata, sit redemptio, quæ est per sanguinem eius, et quod ipsis ac gentibus omnia sint per Evangelium adnuntiata, in quæ angeli quoque prospicere desiderant. Deinde postquam consuluit, ut digne conuersentur eo, qui ipsos vocauit, admonet, ut regem honorent, et mulieribus simul ac viris denuntiat, ut unanimis sint. Et ubi ad mores honestos adhortatus est, significat illis, quod et inferis innotuerit a Domino prædicatio salutis et resurrectionis, ut et ii, qui antea mortui sunt, resurgant, et iudicentur quidem in corpore, gratia vero resurrectionis persistant. Et quod finis omnium adpropinquauerit, omnesque parati esse debeant ad dandum iudicii rationem. His dictis finit epistolam.

ADNO-

## ADNOTATIO.

CAP. III. v. 7. *Vt multiplicis beneficii et vite) ποικίλης χάριτος καὶ ζωῆς*: ita in Colinzi exemplari legitur, et recte, meo quidem iudicio: vt et in aliquot deinceps locis, in quibus emendatius est quam alia: quod ideo moneo, vt id exemplar consulatur, sicubi ab aliis videbor discrepare. Nam id multis in locis ea habet, quæ nullum eorum habuit, quibus vsus est Erasmus.



## PETRI APOSTOLI EPISTOLA SECUNDA.

### ARGVMENTVM ATHANASII IN EPISTOLAM POSTERIOREM PETRI.

Pari modo et ista, ab eodem conscripta, eiusdem nomen præfert. Nam idem Petrus et hanc ad eos scripsit, qui iam crediderant. Est autem hæc epistola refrenatio priorum. Quam enim cognouisset, cito futuram corporis sui resolutionem, diligenter hoc egit, vt omnes admonerentur eorum, de quibus antea per euangelii doctrinam erant instructi. Et primum quidem de fide disferit, et ostendit, quod a prophetis illa sit adnuntiata, et quod prophetia de Salvatore non sint humane, sed a Deo prænuntiata. Deinde denuntiat illis, ne seductores attendant, illorum perditionem futuram prædicens: quemadmodum et de angelis transgressoribus pœna sumpta est. Significat autem hæc epistola futuros dies, quibus illusores passim circumituri sint, conaturique vt aliquos seducant, dicentes, quod inaniter a nobis prædicatur aduentus Seruatoris futurus, eo quod is quem semper prædicatur, nondum tum venerit. Ab his igitur abstinere præcipit, docens, ne mora gratia animum despondeamus, propterea quod nihil tarditatis vniuersum tempus gignat apud Dominum, vno die instar mille annorum existente, et mille annis instar vnius diei. Adfirmat simul, et declarat cito futurum Domini diem, præcipitque omnibus, vt ad illius aduentum parati sint: in bonis operibus, et amplectantur quæ ab Apostolo Paulo scripta sunt, nec aures accommodent his, qui ea calumniantur: quandoquidem iidem et vniuersas diuinas scripturas calumniantur. Postquam igitur quouis admonuit ac docuit, vt ista futura sciant, hortatur, ne quisquam a fideli scopo aberret, atque ita finit epistolam.

ADNO-

## A D N O T A T A.

CAP. II. v. 4. *Nam si Deus angelis, cet.)* Imperfecta oratio. Nihil enim sequitur, quod voci *Si* respondeat, quasi auctore post enumerata tot exempla oblito. Sed in eo propterea nihil est incommodi, quod facile intelligitur hæc sententia: Si Deus illis non pepercit, ne istis quidem parceret.

14. *Degeneris perpetuique peccati plenos)* Degener peccatum vocat, hominum degenerum; ἀκαταπαύστος autem in genitio recte legit vetus, et ita habet exemplar Colinzii.

18. *Libidinosi corporis)* σαρκὸς ἀσελγείας, corporis libidinis legendum puto. Alioquin parum quadrat, si ἀσελγείας legas in dativo plurali. Tale est quod legitur in Epistola Iudæ, σαρκὸς ἐτέρας, pro ἐταίρας.

*Propemodum effugerant)* ὀλίγως et Colinzii exemplar habet, et legit vetus. Quod si ὄντως maius (vt est in aliis) sic interpretare: Qui vere effugissent.

CAP. III. v. 5. *Cælos olim terramque et ex aqua et in aqua consistisse)* Hoc est, tantum fuisse aquæ eluisionem, vt et cælum, hoc est, aer et terra, nihil aliud essent quam aqua, hoc est, aqua submergerentur, adeo vt sola aqua exstaret: quod Sybilla sic dixit:

Nabit humus, nabunt montes, innabit et æther:

Omnia pontus erit, corrumpet et omnia pontus.

δι ὕδατος dixit, pro ἐν ὕδατι: sicut et nos alibi de διᾱ scripsimus: et latine Per montes, idem est quod in montibus; συνεσῶσα participium repetendum est: vt sint ἔρανοι, συνεσῶτες et γῆ συνεσῶσα. Atque hoc verbum pro esse positum est: vt apud Ciceronem de Amicitia, Constare verbum sic ponitur: Quæ in omni rerum natura, totoque mundo constarent, ea contrahere amicitiam, dissipare discordiam; δι ὧν, quibus rebus: hoc est, qua eluisione.

6. *Illius temporis mundus)* Hoc est, homines, et cetera animalia. Est autem hæc Petri argumentatio: Putabunt impii homines semper duraturum hunc rerum statum, sicut semper idem videtur fuisse. Sed nec idem semper fuit, nec idem semper erit: nam aliquando et aqua periit mundus, et idem igni peribit.

\*\*\*\*\*

## IOANNIS APOSTOLI EPISTOLA PRIMA.

### ARGVMENTVM ATHANASII IN EPISTOLAM PRIMAM IOANNIS.

*Hoc nomine vocatur et ista epistola, propterea quod a Ioanne Euangelista scripta est, vt communefaceret eos, qui iam in Dominum crediderant.*

TANT.

rant. Et primum quidem perinde atque in euangelio, ita et in hac epistola de Verbi diuinitate diserit, ostendens illud in Deo semper esse ac docens, patrem esse lucem, ut Verbum ita cognoscamus ex patre esse, tanquam fulgorem e Luce. Diserens autem de diuinitate Verbi, exponit fidei nostrae mysterium non esse rem nouitiam, sed esse sempiternum ab initio: nunc vero manifestatam in Domino, quia vita est sempiterna et verus Deus. Causam etiam, ob quam Verbum ad nos venerit et adparuerit, ponit, hanc videlicet ut opera diaboli dissolueret ac nos a morte liberaret, efficeretque, ut patrem agnosceremus, et filium Dominum nostrum Iesum Christum. Scribit igitur ad quamvis aetatem, ad pueros, ad adolescentes, ad senes quod Deus innotuerit: diabolica vero operatio deinceps, deleta morte, deuicta sit. Quod reliquum est per totam epistolam, dilectionem docet, volens ut nos inuicem alius alium diligamus, propterea quod et Christus dilexit nos. Diserit itaque de differentia timoris et dilectionis filiorum Dei, et filiorum diaboli, de peccato mortali, et non mortali, de differentia spirituum, discernitque, quisnam spiritus ex Deo, quis vero seductionis sit: et quando cognoscamur filii Dei, quando vero diaboli. Item cuius peccati gratia orandum sit, pro his qui deliquerunt, et pro quo non sit. Et quod vocatione indignus sit nec Christi esse dici possit, qui proximum non diligit. Unitatem etiam filii cum patre ostendit, et quod qui filium negat, nec patrem habeat: decernit quoque in hac epistola, quod sit proprium Antichristi, nempe hoc, si dicat Iesum non esse Christum, ita ut quasi ille non sit, se ipsum mentiendo dicat esse Christum. Hortatur autem per totam epistolam Christo credentes, ne animo sint abiecto, si odio habeantur in hoc mundo, sed magis gaudeant: ob id quod odium mundi huius declaret credentes migrasse ex hoc mundo, et posthac conuersari in caelis. Et in calce epistola iterum admonet, filium Dei esse vitam aeternam ac verum Deum, et ut illi seruiamus, nosque ipsos a simulacris custodiamus.

## ADNOTATIO.

CAP. II. v. 25. Quod nobis promisit, id vita aeterna est) τὴν ζωὴν τὴν αἰώνιον, accusatiuus est, propter verbum ἐπηγγέλατο: sed qui referatur ad ἐπαγγελία, et ideo latine sit per nominatiuum reddendus. Eodem modo loquitur auctor Apocal. i. τὸ μυστήριον τῶν ἑπτὰ ἀσέρων, ἧς εἶδες ἐπὶ τῆς δεξιᾶς μου, καὶ τὰς ἑπτὰ λυχνίας: pro καὶ τῶν ἑπτὰ λυχνίων. Sed accusatiuo vtiitur, propter verbum εἶδες.

IOAN-

# IOANNIS APOSTOLI EPISTOLA SECVNDA.

## ARGVMENTVM ATHANASII IN SECVNDAM IOANNIS EPISTOLAM.

*Hanc senior factus Domina scribit et liberis eius. Est autem argumentum epistola tale. Quum videret liberos huius recte in fide conuersari, multos autem seductores circumire, qui dicerent, aduentum Christi in carne non esse factum, epistolam hanc scribit, et principio quidem laudat, quod liberi eius bene conuersarentur, deinde docet, fidei nostra mysterium non esse recens. Hortatur iterum ad dilectionem, et vt maneant in doctrina, qua ipsi erat tradita. Deinceps docet eos, Antichristum esse, qui Christum in carne non venisse dicat. Denuntias autem illis, ne eos, qui huiusmodi sunt, in domum suam quisquam recipiat, neque salutem illis dicat, atque ita terminat epistolam.*

\*\*\*\*\*

# IOANNIS APOSTOLI EPISTOLA TERTIA.

## ARGVMENTVM ATHANASII IN TERTIAM IOANNIS EPISTOLAM.

*Ista quoque Ioannis est; vt et inscriptio habet. Missa est autem ad Gaium. Et primum quidem laudat eum propter testimonium hospitalitatis, quod habebat ab omnibus, hortaturque eum, vt in proposito persistat, ac fratres recipiat ac deducat. Accusat autem Diotrephen, quod is non solum nihil praebebat pauperibus, sed etiam aliis prohibebat, ac multa nugabatur. Tales alienos esse dicit a veritate, neque cognoscere Deum: Demetrium vero laudat, optimum illi testimonium impendens.*

\*\*\*\*\*

# EPISTOLA AD HEBRAEOS.

## ARGVMENTVM ATHANASII IN EPISTOLAM AD HEBRAEOS.

*Hanc misit ex Italia. Argumentum eius tale est: quoniam Iudaei legi et umbris illius incumbabant, ob eam causam Paulus Apostolus, doctor gentium factus, et ad gentes amandatus, vt Euangelium illis praeicaret, quum omnibus gentibus scripisset, iam deinceps omnibus etiam Hebraeis, qui ex circumcisione crediderant, epistolam hanc, declarationibus et probationibus instructam, de Christi aduentu, et de legis umbra, quod illa deseruit; scribit: et principio declarat, prophetas ob id esse missos, vt*

de

de servatore prænuntiarent, et ut post illos ipse servator veniret: servus esse prophetas et nuntios aduentus ipsius: ipsum vero Christum filium esse Dei, per quem omnia facta sint: et quod hunc filium incarnari hominemque fieri oportuerit, ut per corporis ipsius oblationem mortem aboleret. Neque enim per sanguinem vituli aut hirci, sed per sanguinem Christi constare mortalibus salutem. Ostendit etiam, quod lex neminem perfectum reddiderit: sed umbram habuerit futurorum bonorum, quod populus requiem per illam non inuenerit: sed communis nobis omnibus relicta sit quietis dies. Item quod sacerdotale illud summi sacerdotis munus ab Aharone ad Christum translatum sit, cuius typus fuerit Melchisedechus non e Levi ortus. Et quod patres fide sint, non ex operibus legis iustificati. Tandem ubi et ipsos ad morum institutionem adhortatus est, ac tolerantiam eorum propter Christum laudavit, suavitque, ut seniores honore aulsciant, absoluit epistolam.

## ADNOTATA.

CAP. III. v. 1. *Ne si forte desinat, cet. promissio*) Tum desinet promissio, quum iam in eius quietem intrabitur. Itaque danda opera est, ut dum licet, pareamus: ne si finis ad eam rem tardiores, opprimamur de improviso, atque ita tardasse videamur: hoc est, tardauerimus. Nam δοκῆν Græcis, et videri Latinis, aliquando cum re ipsa coniunguntur: ut quod ait Aristoteles, omnia τῷ ἀγαθῷ ἐφικέσθαι δοκῆν, bonum expetere videmus: hoc est, adparet omnia bonum expetere, omnia bonum expetere videmus. Talia multa reperies apud Isocratem, nec non apud Ciceronem: quale est illud Officiorum primo: Numquam omnino periculi fuga committendum est, ut imbelles timidique videamur: hoc est, finis.

2. *Non coniunctus cum eorum fide, qui audiuerant*) μὴ συγχεραμῆναι τῇ πίσει τοῖς ἀκούσασιν, pro τῇ πίσει τῶν ἀκούσαντων: de quo loquendi modo vide quæ scripsimus ad Coloss. 2.

3. *Ingrederimur enim in quietem, qui fidem habemus*) Hoc est: Non nisi qui fidem habent, in quietem ingrediuntur. Est autem huiusmodi argumentatio: Quod David de Domini quiete loquitur, necesse est, ut aut de Sabbato loquatur, in quo quieuit Deus: aut de quiete, quam adepti sunt Israelitæ in Chanaanem ingressi: aut de alia quiete, quæ sit adhuc futura. Atqui de duabus prioribus loqui non potest, quum earum altera iam a principio conditi mundi fuerit, altera multis seculis ante Davidem. Necesse est igitur, ut de futura dicat.

CAP. VI. v. 12. *Qui per fidem et patientiam*) μακροθυμία aliquando dicitur ab ὤψην ἤν, ad verbum μακρός θυμῷ, tardus ira, qui latine lentus appellatur: unde lentitudo est μακροθυμία: quæ eadem nonnumquam clementia, aut facilitas dici potest. Atque ita solet Paulus hoc verbo uti. Nec me fallit, lentitudinem in vitio aliquando poni: sed potest et in laude dici, quum eam laudes, quam alii vituperent. Nonnumquam

μακρο-



μακροθυμία dicitur pro ὑπομονή, hoc est patientia: atque ita loquuntur Evangelistæ, et hic auctor, ut ostendit sententia, quum ea cum spe coniungatur: vt 1. Thessal. 1. dicitur ὑπομονή τῆς ἐλπίδος.

CAP. VIII. v 16. *Vbi est testamentum, testatoris mortem consequi necesse est*) תַּיְדִיב fœdus siue pactum est, quod græce συνθήκη dici possit. Verum auctores sacri pro συνθήκη adpellant διαθήκην, quod verbum proprie testamentum sonat, (nisi quod raro etiam apud profanos ponitur pro pacto, sicut obseruauit Ioachimus Camerarius,) vnde libros sacros vetus et nouum testamentum solemus dicere: quum, si latine loqui velis, vetus et nouum fœdus dicendi sint. At hic auctor hebraici verbi vim non perpendens, quum græce scriberet (nam græce scriptam esse hanc epistolam, vel ex hoc loco euinci potest: siquidem hebraice nemo sic argumentari possit, vt ex pacto testamentum faciat, et ideo testatoris mortem inuehat) a græco διαθήκης verbo duxit argumentum: quale fecit etiam in cap. 2. vbi pro Deo posuit angelos. Hæc res in causâ fuit, vt nos in hac epistola διαθήκην testamentum interpretaremur, contra quam solemus: alioquin si fœdus veritissimus, non haberet locum hæc auctoris disputatio.

CAP. XI. v. 1. *Est autem fides, speratorum subiectio*) Hypostatis non significat hic proprie substantiam. Nam si fides est substantia siue subsistentia eorum, quæ sperantur, efficitur vt rerum substantia sit, antequam sint ipsæ res: nam quæ sperantur nondum sunt: vt quod speramus resurrectionem mortuorum, ea nondum est. Quod si fides est eius substantia, efficitur, vt iam substat, hoc est, sit resurrectio: aut certe vt substat antequam sit, id quod fieri non potest: ὑπόστασις est substantia, et ipsa res atque materia, vt in huius epistolæ cap. 1. Transfertur ad alia, vt 2. Corinth. 11. ἐν ταυτῇ τῇ ὑπόστασι τῆς καυχήσεως, In hac gloriandi materia, siue argumento. Nec ab ea notione recedit, quod in hac epistola cap. 3. ponitur pro disputationis argumento, et auctoris loco, quem sibi tractandum proposuit: vt sit ὑπόστασις, quum res ὑφίσταται, proponitur, subiicitur, et præsens statuitur. Itaque hic dicitur, eorum quæ sperantur, subiectio, quod absentia nobis subiiciat ac proponat, efficiatque vt præsentia esse videantur: nec secus eis adsentiamur, quam si cerneremus, estque idem hoc loco ὑπόστασις, quod ἐλέγχος: et ἐλπίζομένων, quod ἔβλεπομένων, geminata sententia: vt ex eo adparet, quod hæc nulla coniunctione copulantur. Itaque liceret ita coniungere: Fides est rerum, quæ non cernuntur, sed sperantur, subiectio ac demonstratio.

3. Ita vt ex iis quæ non exstabant) εἰς τὸ μὴ ἐκ Φαινομένων, pro εἰς τὸ ἐκ τῶν μὴ Φαινομένων.

19. Vnde eum videtur quodammodo receisse) παραβολή, comparatio est et similitudo; ἐν παραβολῇ recepit ex mortuis filium Abrahamus, quo modo paulo ante dicitur eum mactasse. Nam neque mactauit, neque recepit ex morte. Sed quum id facturus fuerit, perinde est ac si mactasset, et rursum in vitam reuocatum recepiisset. Hoc est quod dicit ἐν παραβολῇ, quod res ipsa non facta sit, sed facta esse videatur.

CAP. XIII. *Gratiarum actione*) χαριτι dixit, pro ευχαριστια, quam mox vocat laudationis sacrificium.

15. *Libemus adsiduum*) ἀναπέσωμεν, scriptum cum ω magno, recte legit vetus. Est enim cohortatio, ut indicat orationis tenor.

\*\*\*\*\*

## APOCALYPSIS IOANNIS THEOLOGI, HOC EST, PATEFACTIO.

### ARGVMENTVM ATHANASII IN APOCALYPSIN IOANNIS.

Hoc nomine vocatur hic liber, propterea quod hanc revelationem ipse Ioannes Euangelista et Theologus in Patmo insula dicta, dominico die vidit, iussusque conscripsit, ut ad septem ecclesias mitteret, videlicet istas: Ephesum, Smyrnarn, Pergamon, Thyatiram, Sardensem, Philadelphiam, et Laodiceam: qua vero in hac visione vidit, multa sunt ac differentia. Circa finem perditionem etiam Antichristi cum diabolo vidit. Iubetur autem primum scribere singulis praedictarum ecclesiarum angelis, secundum cuiusque actiones. Multas itaque et admirabiles visiones vidit, utpote septem candelabra aurea, et in medio illorum similem filio hominis, et interpretationem accepit, candelabra illa esse septem ecclesias, et eum qui in medio erat, esse Dominum. Deinde ianuam vidit apertam in celo, et Dominum in throno sedentem, et viginti quatuor seniores, sedentes super thronos et adorantes Dominum. Vidit etiam septem sigilla aperiri, et unoquoque aperto viso quadam adparebat. Vidit item septem angelos habentes septem tubas, et unoquoque illorum clangente, sebat signum, septimo vero clangente, audiuit dicentes: Regnum mundi, Domini factum est. Et arcam testamenti vidit in calo. Deinde mulierem parturientem vidit, et draconem ignitum, qui illam persequabatur. Mulier quidem servata est in solitudine, draco vero abiectus in ignem. Post ista, bestiam vidit habentem cornua decem, et capita septem, et diadema eius blasphemiam plenum erat. Nomen vero eius non patefecit, sed numerum nominis eius, nempe sexcenti sexaginta sex. Et virgines audiuit canentes et agnum sequentes. Vidit etiam angelum per medium cali volantem, et post hunc alterum; post alterum tertium quoque, deinde et nubem candidam vidit, et insidentem illi similem filio hominis, in capite coronam auream habentem, et in manu sua falcem acutam. Denique septem angelos vidit, habentes septem plagas novissimas, et phialas aureas plenas ira Dei. Posthac ablati sunt spiritu in solitudinem, et vidit mulierem sedentem super bestiam coccinam, habentem capita septem, et indicatum est ei, ex hac futurum esse Antichristum. Vidit etiam calum apertum, et equum album, ac insidentem illi, et nomen eius, Verbum Dei. Deinde vidit bestiam ac reges terra bellum facere volentes cum eo, qui sedebat super equum album. Et apprehensa est bestia, et cum ipso Pseudopropheta, qui est antichristus, et vidit eos abiici in stagnum ignis. Post ista vidit angelum descendantem de calo, et abicientem satanam cum his qui characterem ipsius habebant in abyssum, et claudentem superne, ne posthac amplius seducat gentes, donec consumi sint mille anni. Martyres deinde vidit, cum gloria in Christo regnantes, et quod satanas post mille annos solvendus sit, et abiiciendus in stagnum ignis cum antichristo in secula seculorum. Posthac vidit calum novum, terram novam, ac Ierusalem novam, et fluvium

sumum aqua vina, ac seruos Dei contemplantes faciem eius, et habentes nomen eius in frontibus suis. Quum hac vidisset Ioannes, prociadit, volens adorare angelum, qui sibi hac omnia ostenderat, ac angelus prohibuit illius conatum dicens: Non me, sed Deum, adora: ego enim conseruus tuus sum. Postquam autem ista vidit, audinit ab ipso nostro Domino Iesu, quod existens sit, et idem ipse sit verbum Dei, quod posterioribus temporibus propter nos caro factum est. Homo, inquam, perfectus factus est, et filius hominis vocatus est. Sunt et alii quidem libri varii, præter prædictos utriusque tum Veteris tum Novi instrumenti, quorum alii contradicuntur, alii Apocryphi vocantur.

### ADNOTATIO INTERPRETIS.

De huius auctore libri dubitatur. Titulus Ioannem Theologum nominat. Quis fuerit, aut quando fuerit, non magis sum sollicitus, quam de vini dolio, aut tempore, dum vinum sit bonum. Fuisse quidem huius libri auctorem verum vatem, Deique discipulum, persuasum habeo: nec de eo magis dubito, quam de Ioannis Euangelio. Et tamen huius libri vix millesimam partem intelligo.

### ADNOTATA.

CAP. I. v. 4. *Ab eo qui est et qui fuit* ἀπὸ τῷ ὃ ὦν καὶ ὃ ἦν pro ἀπὸ τῷ ὄντι, cet. Sed quia ab imperfecto ἦν (quod pro præterito poni solet) nullum ducitur participium, ipso verbo usus est pro participio: id quod ab Hebræis fit nonnumquam. Quod ad solæcismum attinet (qualis paullo post sequitur, ἀπὸ Ἰησοῦ χριστοῦ ὁ μάρτυς, pro τῷ μάρτυρι) noli moueri. Talia sæpe occurrunt etiam in Paulo. Tu a bonis moribus, et a disertis sermonem discito.

CAP. III. v. 9. *Ego cogam, nonnullos* διδοῦμι hebraico more dictum פתח, quod idem paullo post dicit, ποιήσω αὐτοὺς ἵνα, cet.

14. *Opificii Dei caput*) Hoc est, omnium Dei operum excellentissimum atque primum. ἀρχὴ hebraismus est א' ראשית, vt Iob. 4c. dicitur de elephanto, א' ראשית ררכי: hoc est, præcipuum operum Dei: et vt Galli loquuntur, un chef doeuve, caput operis: hoc est, summum et præstantissimum opus.

CAP. V. v. 11. *Quorum numerus erat distributus in millies centena millia*) μυριάς μυριάδος sunt millies centena millia, μυριάδες μυριάδων (vt hic scribitur) est hic numerus in plurali numero. Quod si, verbi gratia, essent τρεῖς μυριάδες μυριάδων, vertissem, ter millies centena millia. Sed quia, quoties hic numerus ponendus sit, certo non scribitur, ego ita verti, ne putaretur hic numerus semel dumtaxat ponendus sed hoc intelligeretur, illos Dei laudatores fuisse distributos in classes, quarum alix constarent singulæ ex millies centenis millibus, alix ex decies centenis millibus. Quot autem essent ex clas-

ses, non additur. Atque hanc eandem rationem intellige in Daniele, cap. 7.

CAP. VIII. v. 3. *Ve sanctorum omnium supplicationes, cet.)* ἵνα δώσῃ ταῖς προσευχαῖς, opinor ταῖς προσευχαῖς legendum: et huius errati causam fuisse, quod mox sequitur, ταῖς προσευχαῖς, arbitrato scriba, idem virobique legendum esse.

4. *Suffimentorum supplicationum sanctorum)* ταῖς προσευχαῖς. Hebraico more, pro τῶν προσευχῶν dictum est: de quo vide animaduersionem in Epistolam ad Colossenses, cap. 2.

\*\*\*\*\*

## ADDITAMENTA

### IN II. LIB. ESDRAE, EX CAP. III.

12. *In quibus nobis accolebant)* In hebræo secunda persona est: sed et sententia et vetus translatio cogit fateri, tertiam personam esse debere. Est autem aliqui multis in locis deprauatus hic liber: ut in cap. 3. vbi sæpe pro Post eum, aut secundum cum legitur Post eos: et contra, ut idem Esd. 10. vbi in eo loco, quem nos ita vertimus, omnes feminas, et ex cis natos: pronomen Eis in hebræo est masculini generis, quum debeat esse feminini. Itemque Nehem. 7. vbi idem repetitur, quod erat Esdræ 2. scriptum, numerus et hominum nomina sæpe discedunt. Quod ideo dico, ne quis me putet, quum in eiusmodi locos inciderit, hæc non vidisset. Neque enim necessarium puto, omnia minima scribere; quum ea possint, si quis conferre velit, facile intelligi.

23. *Suum quisque telum dextera tenentes)* Et hic, vbi in hebræo legitur **וְהָיָה** legendum videtur **וְהָיָה** alioqui quoquo te veritas, absurda erit sententia.

### IN SAPIENTIAM, EX CAP. XVII.

13. *Quum autem minus est intus expectatio, plura opinatur, cet.)* Hoc est, quum accidit inexpectatum aliquid, animus, qui intus est, non potest scisum subito colligere: sed repentina re percussus, metuit grauiora quam sunt: quoniam ignorat, quæ causa sit, quæ id malum adferat. Exempli gratia, si quis de improviso sonitum audit bombardicum, terretur: quod eius animus non potest tam subito ratiocinari, nihil inde esse periculi, atque ita occurrere timori. At si idem prouisum audit, non terretur: quippe subueniente ratione, et periculum abesse ostendente. Est autem hic legendum διὰ τὴν ἀγνοίαν: ut sit eadem sententia, quæ supra posita est, ἡ γὰρ το χείρωνα τὰ μὴ ἐλεπτόμενα. Ita enim legendum esse, docet et sententia, et latinus interpres vetus. Idem quod est paullo post, ἀπροσδόκητος φόβος ἐπὶ ἡλθεν.

# HISTORIAE CONTINVATIO EX IOSEPHO

AB ESDRA AD MACHABAEOS.

EX FLAVII IOSEPHI LIBRO IVDAICARVM ANTI-  
QVITATVM VNDECIMO.

C A P V T VII.

*Bagoses iunioris Artaxerxis copiarum dux multis  
iniuriis Iudæos adfcit.*

**M**ORTVO pontifice Eliasibo, successit in sacerdotio Iudas, eius filius: item Iudæ Ioannes ipsius filius, propter quem Bagoses dux copiarum Artaxerxis templum polluit, et tributum Iudæis imposuit, ut priusquam quotidianas hostias libarent, in singulos agnos ex publico quinquaginta drachmas penderent: cuius rei causa fuit hæc. Erat Ioanni frater nomine Iosua: huic Bagoses, ipsius amicus, promisit sese pontificatum præbiturum. Qua fiducia elatus Iosua, cum Ioanne fratre suo in templo contendit, eumque adeo irritauit, ut ab eo per iracundiam occideretur. Erat atrox id Ioannis in fratrem scelus, præsertim quum ipse sacerdotio fungeretur: et eo atrocius, quod nec apud Græcos, nec apud Barbaros, vllum tam crudele, tanique impium facinus existat. Itaque Deus id non neglexit, quin eam ob causam et populus in seruitutem redactus, et sanum a Persis profanatum est. Nam simulac id Bagoses intellexit, Iudæos adit, et eos cum iracundia sic adloqui insinit: Vos in vestro templo ausi estis eadem facere. Conantem deinde in templum intrare quum illi prohiberent, sic eos adloquitur: Quasi vero ego non sim purior, quam qui in templo occisus est. His dictis, in templum ingreditur. Ac propter hanc Iosue necem, Bagoses Iudæos annos septem infestauit.

Post Ioannis obitum Iaddus eius filius sacerdotium excepit. Erat et huic frater Manasses, cui Sanaballetes, ab ultimo rege Dario missus in Samariam satrapa, natione Chutzus, (ex qua natione orti sunt etiam Samaritani,) videns, præclaram urbem esse Hierosolymam, eiusque reges Assyrii, et Cælesyriæ incolis multa negotia facessere, libenter locauit filiam suam nomine Nicaso, ratus hoc connubium sibi fore pignus ad totius Iudæorum gentis conciliandam beneuolentiam.

C A P V T VIII.

*Quæ beneficia Alexander Macedonum rex contulerit in Iudæos.*

**P**ER id tempus Philippus Macedonum rex Aegæis a Pausania per dolum occiditur: et Alexander eius filius regnum adeptus, traiecto Hellesponto, Darii duces apud Granicum prælio congressus superat. Deinde Lydiam adgressus, Ioniaque subacta, et percursa Caria, inuasit in loca Panphiliæ.

N 3

Iam

Iam vero senatores Hierosolymitani, ægre ferentes Iaddi pontificis fratrem, qui uxorem haberet externi generis, consortem esse sacerdotii, ab eo dissidebant. Iudicabant enim, eius matrimonium gratum esse iis, qui in re uxoria peccare vellent, idque initium fore ineundæ societatis cum extraneis. Iam vero superioris captiuitatis, et malorum causam eis fuisse, quod quidam in connubiis peccauissent, et peregrinas uxores duxissent. Itaque iubebant Manassi, ut aut diuortium cum uxore faceret, aut ad aram ne accederet. Igitur quum pontifex populo succerneret, et fratrem ab ara arceret, adit Manasses socerum Sanaballetem : demonstrat, sibi quidem eam esse eius filiam Nicaso, sic tamen, ut pontificio honore (qui in gente sit maximus, et in eadem familia maneat) priuari propter eam haud velit. Sed Sanaballetes non solum sacerdotium ei se seruaturum promissit, verum etiam pontificiam potestatem, et honorem præstiturum, et omnium, quibus ipse præerat, locorum præsidem effecturum, modo filiam suam retinere velit uxorem : ad hæc, templum se ædificaturum Hierosolymitani simile, in monte Garizin, qui in Samaria est ceterorum montium altissimus, idque de Darii regis sententia facturum. His promissis elatus Manasses, hæsit Sanaballetæ, pontificatum se Darii munere obtenturum sperans : nam et Sanaballetes iam senior erat. Et quia multi sacerdotes et Israelitæ erant talibus matrimoniis implicati, agitabant non mediocres turbæ Hierosolymitanos. Deficiebant enim omnes ad Manassæ, Sanaballeta eis pecuniam suppeditante, et terram ad agricoltionem et habitationem diuidente, omnibusque modis genero gratificante. Eo tempore Darius, quum intellexisset, Alexandrum traiecto Hellesponto, superatisque ipsius præfectis apud Granicum, pergere ulterius, equitum, peditumque exercitum comparabat, eo consilio, ut Macedonibus obuiam iret, priusquam totam pervassissent Asiam. Itaque traducto Euphrate flumine, traiectoque Tauro monte, hostes intra Ciliciæ fines opperiebatur, ut ibi cum eis prælio dimicaret. Et Sanaballetes Darii descensu lætatus, Manassi dicebat, sese promissa præstiturum, simulac Darius, victis hostibus, rediisset. Erat enim persuasum non ei solum, sed etiam omnibus qui erant in Asia, ne congressuros quidem cum Persis Macedonas, propter multitudinem. Verum longe aliter accidit. Nam congressus cum Macedonibus rex victus est, amissoque magno exercitu, et capta eius matre et uxore et liberis, fugit in Persas. Alexander vero profectus in Syriam, capit Damascum : et Sidone potitus, Tyrum obsidet, missisque ad Iudæorum pontificem litteris, postulat, ut sibi auxilium mittat, et exercitui conmeatum suppeditet, ac quæcumque antea Dario stipendia pendebant, ei soluat, et Macedonum sequatur amicitiam fore enim, ut eius rei non poeniteat. Pontifex tabellariis respondit, sese Dario cum iureiurando promississe, arma aduersus eum non laturum : iusiurandum numquam, superstiti Dario, violaturum. Quibus auditis, iratus Alexander, Tyrum quidem relinquere, quæ iamiam capienda foret, non statuit : sed minatus est, sese ea subacta, in Iudæorum pontificem exercitum moturum, et omnibus ostensurum, quibusnam iusiurandum seruare debeant. Inde obsidionem vrgens, Tyrum expugnat : et constitutus in ea rebus, Gazæ urbem adgreditur, et Gazam, et præsidii in ea præfectum nomine Babemesem obsidet. Et Sanaballetes ratus idoneum se temptum nactum esse ad id quod instituerat, Darium repudiat : sumtisque octo subditorum suorum millibus, ad Alexandrum se confert : et nactus cum Tyri oppugnationem adgredientem, dicit ei sese quæ loca teneret, traditurum, et domi-

num pro Dario rege libenter habiturum. Quumque eum Alexander lætus admisisset, ipse summa iam fiducia, de instituto suo sermonem iniicit, demonstrans generum habere se Manassem Iaddi Iudæorum pontificis fratrem, multosque alios eiusdem gentis homines ei adesse, qui iam velint sanum in Sanaballetæ ditione construere: et quidem id regi vtile esse, in duo diuidi Iudæorum vires, ne si quando consentiens et coniuncta gens rebellionem faceret, regibus negotium exhiberet, sicut et antea fecisset Assyriorum principibus. Igitur permittente Alexandro, Sanaballetes adhibita omni diligentia, templum ædificat, et Manassem sacerdotem constituit, arbitratus, id decus fore maximum filiz suæ natis. Deinde confumitis in obsidione Tyri septem mensibus, et in Gaza duobus, Sauaballetes moritur. Alexander vero, expugnata Gaza, ad urbem Hierosolymam ascendere contendit. Hoc audito pontifex Iaddus in angustia erat atque metu, sollicitus, quoniam pacto Macedonibus obuiam iret, irato rege propter superiorem contumaciam. Itaque indictis populo supplicationibus, et cum eo rem diuinam Deo faciens, orat ut gentem tueri, et ab impendentibus periculis liberare velit. Deinde dormientem post sacrificium monuit in somnis Deus, ut bono esset animo, utque coronata vrbe portas aperirent, et alii in albis vestibus, ipse cum sacerdotibus ornatus ad præscriptum legis obuiam irent, nihil mali sibi metuentes, prouidente Deo. Igitur excitatus ex somno, magnopere gaudius est, et indicato cunctis eo oraculo, factisque omnibus, quæ ei in somnis mandata fuerant, regis aduentum præstolabatur. Atque ubi cum non procul abesse ab vrbe intellexit, prodit vna cum sacerdotibus, et ciuili turba, venerabili, et diuerso ab aliis gentibus occurso, in quemdam locum nomine Sapha, hoc est, specula, quod inde Hierosolyma, et templum conspiciebatur. Quumque Phœnices, et Chaldæi, qui regem sequebantur, fore putarent, ut rex præ iracundia urbem eis diripiendam, et pontificem excarnificandum addiceret, contra accidit. Alexander enim procul adhuc conspiciatus multitudinem in albis vestibus, et sacerdotes præcedentes in byssinis tunicis, et pontificem in hyacinthina veste aurea, et in capite gerentem tiaram, et auream in ea laminam, in qua Dei nomen inscriptum erat: solus accessit, et nomen veneratus est, prioreque pontificem salutauit: et Iudæi omnes vna voce Alexandrum salutarunt, atque circumsteterunt. Quo facto, reges Syriæ reliquique obstupuerunt, et regem mentis impotem esse sunt suspicati.

Et Parmenio solus eum adgressus, quærit ex eo, qui factum sit, ut omnibus eum adorantibus, ipse Iudæorum pontificem adoraret? Cui ille: Non hunc, inquit, adoravi, sed Deum, cuius ipse summo sacerdotio decoratus est. Hunc enim secundum quietem vidi in hoc habitu, quum essem in Dio in Macedonia, ac cogitantem me apud me ipsum, quoniam pacto potiri possem Asia, hortatus est, ne cunctarer, sed confidenter traicerem: sese enim exercitui meo præiturum, mihiq; Persarum imperium traditurum. Itaque quum alium nullum in tali veste viderim, et nunc conspiciatus hunc, et illius in quiete visi, et cohortationis recordatus sum, puto me, diuino missu facta expeditione, Dario superiorem fore, et Persarum potestatem aboliturum, atque omnia, quæ mihi sunt in animo, successura. Hæc locutus, dataque pontifici dextera, sacerdotibus eum cursu comitantibus, in urbem venit, et in templum ascendit, ac Deo ad sacerdotis præscriptum sacrificauit, ipsumque pontificem magnifice honorauit. Ac ostenso ei Danielis libro, in quo fore significabatur, ut Græcorum quidam Persarum imperium abole-

aboleret, ipse se eum esse qui significaretur, existimans, letatus, tunc multitudinem dimisit. Postridie eos aduocat, et quæ velint dona postulare iubet. Et pontifice petente, ut liceret patriis uti legibus, utque septimus annus immunis esset, concessit omnia. Quumque illi ab eo petissent, ut et eos, qui Babylone et in Media erant, Iudæos legibus suis uti sineret, libenter promisit facturum, quæ postulerent. Deinde multitudini dixit, si qui sub se militare vellent, patrios mores tenendo, et secundum eos viuendo, paratum esse ducere: itaque multi in eam expeditionem dederunt nomina. Igitur Alexander compositis in hunc modum Hierosolymæ rebus, in proximis vrbes duxit exercitum. Atque omnibus, quos adiret, amice eum accipientibus, Samaritæ (qui tum Siciua regionis caput habebant, urbem apud Garizin montem positam, et a desertoribus Iudaicæ gentis habitatam) videntes, Iudæis ab Alexandro tam præclarum honorem habitum, statuerunt, Iudæos se profiteri. Sunt enim Samaritæ eo ingenio, ut in Iudæorum rebus aduersis negent, suos esse cognatos, in quo quidem verum dicunt. Sed si forte eos paullo lautius agere viderunt, continuo in eorum communionem insiliunt, suos esse consanguineos dicentes, genusque suum a Iosephi natis, Ephraimo et Manassæ deducentes. Igitur adparate et cum magna in eum studii significatione regi occurrunt prope Hierosolymam: et laudante Alexandro, accedunt, adsumtis, quos Sanaballetes ad eum miserat militibus: rogantque, ut ipsorum urbem adeat, sanumque decoret. Ipse vero ad eos iturum promittit, simul atque redierit. Ac postulantis, sibi anni septimi tributa condonari, quippe quum nec ipsi eo anno sementem facerent, quæsiuit. Quinam essent qui hæc peterent. Quumque dixissent, Hebræos se esse, vocari autem Sicimorum Sidonios: iterum interrogauit, an Iudæi essent? Negantibus, dixit: Atqui ego Iudæis hæc dedi: tamen quum rediero, et hæc a vobis accuratius cognouero, faciam quæ visum fuerit. Quod ad Sanaballetæ milites attinet, iussit, ut se in Aegyptum sequerentur: illic enim agros eis diuisurum: id quod paullo post fecit in Thebaide, ubi eis regionem tuendam mandauit. Alexandro vitæ defuncto, imperium inter successores diuisum est, et montis Garizin sanum mansit. Quod si quis Hierosolymæ reus agebatur coniesci profani cibi, aut violati sabbati, aut alienius talis peccati, is ad Sicimitas confugiebat, seque iniuste accusatum dicebat. Per idem tempus mortuus erat pontifex Iaddus, eique in pontificatu successerat Onias eius filius.

## IOSEPHI ANTIQVITATVM IVDAICARVM LIBER DVODECIMVS.

### CAPVT I.

*Ptolemæus Lagi filius, Hierosolymis et Iudæa dolo occupatis, multos inde deportat in Aegyptum.*

**I**gitur Alexander Macedonum rex, subactio Persarum imperio, et constitutis (ut iam dictum est) Iudææ rebus, vitam finiit: ac distracto in multos imperio, Antigonus Asia potitur: Seleucus Babylone, et illius tractus nationibus. Lyfimachus Hellespontum obtinuit. Macedoniam occupavit Cassiander. Aegyptum tenuit Ptolemæus Lagi filius. Hi dum inter se dissident, et de imperio contendunt, fiebat, ut continua longaque bella gererent.



rerentur, vrbesque adfligerentur, et multos ciuium in certaminibus amitterent, adeo vt omnis Syria a Ptolemæo Lagi filio (qui tum Soter, hoc est Seruator, adpellabatur) longe aliter adficeretur, quam eius nomine dignum esset. Is etiam Hierosolyman per fraudem et proditionem occupauit. Ingressus enim Sabbato in urbem per speciem sacrificandi, ne prohibentibus quidem Iudæis (neque enim hostem esse putabant: et tum quia nihil mali suspicabantur, tum propter diem, otium agebant) vrbe nullo labore potitus est, eamque tractauit inclementer. Cepit et multos captiuos tum ex Iudææ montanis et finitimis Hierosolymæ locis, tum ex Samaria et Garizin, quos omnes in Aegyptum transtulit. Quumque Hierosolymitanos iurisiurandi fideique seruantissimos ex iis intelligeret, quæ Alexandri legatis post victum ab eo Darium responderant, multos eorum in præditiis disposuit, et Alexandriæ ciues Macedonibus pares fecit, ac sacramento adstrinxit, seruaturos fidem posteris eius, qui ipsi mandasset eam prouinciam. Non pauci præterea reliquorum Iudæorum in Aegyptum sua sponte profecti sunt, adlecti partim bonitate soli, partim Ptolemæi liberalitate. Sed inter eorum posteros, iique inter sese decertabant, dum Hierosolymitani suum templum sanctum esse contendunt, et victimas eo mitti volunt: Samaritæ contra, in montem Garizin.

## CAPVT II.

*Ptolemæus Philadelphus Iudaicas leges græce transferendas curat, multosque captiuos manumittit, et multa donaria Deo mittit.*

**P**ostea Aegypti regnum adeptus Philadelphus, (quod quidem tenuit annos vndequadraginta,) legem curauit transferendam, et seruientes in Aegypto Hierosolymitanos seruitute liberauit, qui fuerunt centum viginti millia, ob huiusmodi causam. Demetrius Phalereus, regiarum librariorum præfectus, conabatur, si fieri posset, omnes totius orbis libros colligere. Ac quærente aliquando Ptolemæo, quot iam librorum millia collecta haberet? respondit, esse iam circiter ducenta millia, et breui congesturum ad quingenta: Præterea sibi indicatum, multos esse apud Iudæos de ipsorum institutis libros, studio dignos, et bibliotheca regia. Sed esse illorum litteris et sermone scriptos: ideoque multum laboris exhibituros, si transferantur in græcam linguam. Videtur enim, inquit, eorum scriptura plane similis esse Syrorum scripturæ, vocemque reddere consimilem, sed est sui generis. Itaque nihil obstat, quo minus eos transferendos cures (polles enim opibus) et in bibliotheca habeas. Igitur rex Demetrium sibi optime consulere existimans, Iudæorum pontifici scribit, vt hæc fiant. Erat quidam Aristæus, regi in primis amicus atque gratus ob modestiam.

Is sæpe antea regem orare statuerat, vt Iudæos, quicumque in eius regno essent, manumitteret: atque id sibi idoneum ad ea postulata tempus arbitratus, primum ea de re agit cum satellitum præfectis Sosibio Tarentino, et Andrea, postulans, vt se in eis quæ sit a rege postulaturus, adiuuent: ac accepta eorum sententia, regem adit, et cum eo agit in hunc modum.

Non decet committere nos, o rex, vt decipiamur, sed verum patefacere. Quum igitur hoc agamus, vt Iudæorum leges in tuam gratiam

non solum transferbantur, verum etiam vertantur, quam ratione hoc facere possimus, quum multi Iudæi seruiant in regno tuo? quod si rem tua magnificentia et bonitate dignam facere vis, libera eos calamitate: quandoquidem qui Deus eis leges tulit, is est, qui tuum regnum regit, quantum ego quidem querendo comperi.

Conditorem enim vniuersitatis Deum et ipsi et nos colimus, Zena (hoc est, Iouem) græco sermone vocantes, indito a viuendo nomine, quod is vitam conferat omnibus. Quapropter ad honorem Dei, iis, qui Deum præcipua religione venerantur, redde patriam, vt eis in natali solo vitam agere liceat. Illud quidem scito, rex, me nec genere eis, nec natione propinquum, hæc pro eis postulare. Sed quum omnes homines Dei sint opificium, et sciam eum beneficientibus delectari, ad benefaciendum te cohortor. Hæc locutum Aristzum, rex hilari lætoque vultu intuitus: Quotnam, inquit, millia putas esse eorum, qui manumittendi sint? Quumque Andreas, qui aderat, subiicisset, paullo plura esse, quam centum decem millia: An vero paruum a nobis, inquit rex, Aristzæ, domum postulas? Quumque Solibus, et qui aderant, dixissent debere eum dignam sua magnificentia gratiam Deo rependere, qui ei regnum conciliaffet, titillatus ab eis rex, iussit, vt cum militibus stipendia soluerent, etiam pro captiuis, qui apud eos essent, penderent in singula capita drachmas centum viginti. Ac de Aristzæ postulatis promissit libellos, se magnifice scriptos propositurum, quibus Aristzæ propositum, et ante id Dei voluntas confirmaretur: ex qua non solum ductos a patre suo, et eius exercitu liberatum se dixit, sed etiam eos qui ante erant in regno, et si qui postea fuerant adducti. Et quum eam liberationem dicerent plusquam quadraginta talenta poscere, concessit. Erat autem mandatum huiusmodi. Quicumque sub patre nostro militantes, Syriam et Phœnicen incursum, persuastataque Iudæa mancipia inde in vrbes, regionemque nostram deportarunt ac vendiderunt: itemque qui ante eos erant in meo regno, et si qui nunc adducti sunt, hos manumittunto, qui penes sese habent, accipientes pro singulis capitibus drachmas centum viginti, videlicet milites vna cum stipendiis: reliqui autem a mensa regis. Arbitror enim eos contra patris voluntatem, contraque æquitatem, captivos esse factos, eorumque terram licentia militari adstrictam, et ex eorum in Aegyptum translatione magnam vtilitatem partam esse militibus. Quapropter iustitiz rationem habens, et eorum misericordiam capiens, qui inique opprimuntur, impero iis, qui Iudæos habent in suo seruitio, vt eos manumittant pro præscripta summa: neue quisquam in hac re dolo malo agat, sed imperatis obediat. Volo autem hoc edictum, ex quo adlatum erit, in triduum proponi, vt legi possit ab eorum generis hominibus, eisque simul etiam corpora ostendi: hoc enim etiam e re mea esse duco. Quod si qui dicto audientes non fuerint, eorum nomina qui volet deserto, eorumque bona in fiscum referuntur. Hoc facto, regis iussu septem non amplius diebus peracta sunt, impensis in eam liberationem talentis plus quadringentis sexaginta. Nam etiam pro paruulis exigebant domini centenas vicenas drachmas, tamquam rege etiam eorum nomine solui iubente, dum scripsisset accipiendum pro singulis capitibus, quod dictum est. Deinde iussit rex, vt de his scriberetur Elcazaro Iudæorum pontifici, eique simul manumissio declararetur seruientium in Aegypto Iudæo-

dæorum. Itemque ad faciendos crateres et phialas et calices, misit auri talenta quinquaginta, et gemmarum inæstimabilem multitudinem: iussitque custodes capfarum, in quibus erant gemmæ, artificibus permittere electionem cuiuscumque vellent generis. Mandauit etiam, pecuniæ ad sacrificia, et reliquos vsus in templum vsque ad centum talenta erogari. Exponam autem opera, si prius exemplar adduxero scriptarum ad Eleazarum pontificem litterarum, qui id munus adeptus erat, ob causam quam iam dicam. Defuncto Oniæ pontifici filius eius Simon successit, is qui Iustus cognominatus est, tum propter pietatem in Deum, tum propter beneuolum in ciues animum. Eo mortuo, supersit ei filio Onia nomine, eius frater Eleazarus, de quo loquimur, eum honorem adeptus est, cui scripsit Ptolemæus in hunc modum.

## REX PTOLEMAEVS ELEAZARO PONTIFICI SALVTEM.

Quum multi in regno meo habitarent Iudæi, quos a Persis, dum imperium tenebant, captos, meus pater honorauit, et partim ad militiam maioribus stipendiis destinauit, partim videlicet iis, qui cum eo venerant in Aegyptum, castellorum custodiam assignauit, ut essent Aegyptiis terrori: ego principatum adeptus, quum omnes humane tractaui, tum maxime ciues tuos, quorum supra centum millia captiuorum in libertatem vindicaui, soluto de meis facultatibus pretio dominis eorum: et qui per ætatem arma ferre possent, in militiam adlegi. Nonnullos etiam, quorum fides id mereri videbatur, in aulicos meos cooptaui, cogitans gratum Deo pro eius de me cura donarium hoc, et maximum a me oblatum iri. Atque ut tum his, tum omnibus toto orbe Iudæis gratum faciam, statui legem vestram de hebræo in græcum traducere, et in mea libraria reponere. Quare recte facies, si delectos viros bonos, ex vnaquaque tribu sex, iam ætate prouectos, ad me miseris, qui et per ætatem legum sint periti, et eas accurate possint interpretari. Sic enim existimo, his perfectis maxima nos gloria adfectum iri. Misi autem collocuturos hisce de rebus tecum, Andream satellitum præfectum, et Aristæum, homines magnæ apud me existimationis, per quos etiam donariorum primitias ad templum, et sacrificiorum, reliquorumque misi, argenti talenta centum. Et tu si nobis, quæ voles, scripseris, rem gratam feceris. His regis litteris ad Eleazarum perlatis, rescripsit quam fieri potuit amicissime, eique septuaginta seniores vna cum lege misit, et, ut postquam eam transcripsisset, tuto remitteret, postulauit. Quod ad mensam attinet, cuius superius facta mentio est, ea et materia et opere ita excellens fuit, ut nihil supra. Dederat enim operam rex, ut si magnitudine eam excedere non deberet, quæ ante Deo erat adposita, arte quidem et operis nositate elegantiaque longe superaret. Crateres quoque et phialæ ea amplitudine atque arte factæ sunt, ut nihil desiderari posse videretur. Nam non solum artifices (qui erant artis suræ peritissimi) ad eam rem industriam suam adhibuerunt, sed etiam rex ipse labore studioque suo negotium non parum adiunxit. Etenim non solum sumptus ad artifices large suppeditabat, verum etiam omnia publicorum negotiorum administratione, ipse operi faciundo præfens aderat, totumque opus inspiciebat: quæ quidem regis præsentia et diligentia opificum diligentiam accebat. Talia donaria misit Ptolemæus Hierosolymam ad templum,

plum, eaque Pontifex Eleazarus in templo collocavit, et nuntios honoravit, eisque dona regi ferenda tradidit, et eos ad regem remisit. Postquam ii Alexandriam pervenerunt, Ptolemæus intellecto eorum et septuaginta senatorum aduentu, protinus legatos Andream et Aristæum curat arcescendos. Qui ubi ad eum pervenerunt, litteras ei, quas a pontifice adferebant, tradiderunt: et omnia, de quibus eos verbis interrogavit, declararunt. Ipse cupiens senatores adloqui, Hierosolymis ob legum interpretationem venientes, reliquos, qui ob negotia aderant, dimitti iussit: id quod contra eius consuetudinem factum est. Qui enim ob huiusmodi causas adducebantur, quinto demum die eum conveniebant: legati vero post unum mensem. Tunc igitur dimissis aliis, missos ab Eleazaro expectavit. Atque ubi seniores illi aduenerunt, dona secum sibi a pontifice ad regem tradita, et tabulas, in quibus scriptas aureis litteris leges habebant, ferentes, interrogavit eos de iis libris. Quumque eos illi detractis tegumentis ei ostendissent, admiratus est diutius membranarum æmulationem, et indiscretam conglutinationem atque compactionem. Deinde gratias egit eis, qui venissent: et maiores ei, qui iussisset: sed longe maximas Deo, cuius essent leges. Hic quum seniores, et qui vni aderant, regi vno clamore fausta comprecati essent, tanta persusus est lætitia, ut lacrimas emisserit. Deinde iussit libros iis tradi, quorum id munus erat: ac tum homines complexus est, dixitque æquum esse, ut prius de iis rebus verba faceret, propter quas eos arcescivisset, quam alios adloqueretur. Diem quidem eorum aduentus promissit sese insignem facturum, et per omnem vitam celebraturum. Nam fors illa tulit, ut idem dies esset eorum aduentus, et victoriæ, quam ipse de Antigono prælio navali reportarat. Igitur eos sibi coniuias esse iussit, eisque pulcherrima hospitia sub ipsa arce dari. Et Nicanor (qui excipiendis hospitibus præerat) vocato Dorotheo, qui earum rerum procurationem habebat, iussit, ut cuique pararet, quæ ad victum pertinerent. Erat autem ea res a rege in hunc modum constituta. Secundum unamquamque civitatum, quæ non eadem victus ratione utebantur, erat, qui hæc administraret, et hospitibus omnia ad ipsorum morem paranda curaret, ut consuetæ victus ratione epulantes, magis delectarentur, nec vlla re tamquam aliena offenderentur. Quod quidem tum illis quoque senioribus factum est, Dorotheo propter rerum peritiam his rebus præfecto. Is per seipsum omnia ad illos accipiendos paravit, geminamque accubationem fecit iussu regis. Imperavit enim rex dimidiam eorum partem in sua mensa una ex parte collocari, alteram partem in altera mensa post suam, nihil omittens, quod ad eorum honorem pertineret. Postquam ita discubuerunt, mandat Dorotheo, ut quo ritu vterentur omnes, qui ad eum ex Iudæa venissent, eodem iis ministraret. Itaque sacros præcones, et sacrificos, et alios quibus preces peragere mos erat, repudiauit rex: et hospitum unum nomine Elifæum, sacerdotem, rogavit, ut preces ageret. Atque is stans in medio, regi, eiusque subditis fausta precatus est. Deinde omnes cum lætitia adplauserunt atque acclamarunt: et eo facto, ad epulas se converterunt. Et rex interposita mora, quantam satis esse iudicabat, philosophari cœpit, et singulis quæstionem aliquam proponere naturalem, et ad propositum pertinentem. Quumque accurate de quavis re, quæ eis proponeretur, disserent, delectatus eo rex, id conviviæ duodecim dies perpetuavit, dixitque sese iam ex eorum aduentu maxima bona percepisse, quippe qui ab eis didicisset regis officium: iussitque singulis tria talenta dari, et eos in hospitium deduci. Deinde tribus peractis diebus, Demetrius ducit eos in semotam quamdam domum, positam in litore,

litore, et ad eam rem idoneam: et eis ibi congregatis, rogat, ut postquam omnia, quibus ad legum interpretationem opus esset, ad arbitrium suum haberent, negotium expedirent. Illi translationem summo studio adgressi, in ea ad horam diei nomam elaborabant: deinde corpori curando se dabant, iis, quæ ad victum pertinerent, large suppetentibus. Nam præter quotidianum demensum, quod eis abunde ministrabatur, Dorotheus eis multa ex regis culina, ipsius regis iussu, adferebat. Mane regem salutatum ibant: deinde eundem locum repetebant: et lotis in mari manibus lustrati, ita deum ad legum interpretationem sese conferebant. Deinde transcripta lege, et interpretationis opere duobus et septuaginta diebus absoluto, Demetrius congregatis eum in locum, in quo versæ leges fuerant, Iudæis omnibus, præsentibus etiam interpretibus, eas recitavit. Et multitudo interpretes legis adprobavit: et Demetrii etiam imentionem collaudarunt, qui eis magnorum bonorum inuentor existisset: ab eoque petierunt, ut etiam rectoribus suis legem daret legendam: postularuntque omnes, tum sacerdos, tum interpretum seniores, et reipublicæ administratores, ut quandoquidem recte haberet interpretatio, maneret ut erat, neque immutaretur. Quinque omnes eorum sententiam laudassent, iusserunt, ut si quis in lege vel superfluum aliquid scriptum videret, vel curtum, id iterum inspiceret, planumque faceret et corrigeret, ut quod semel rectum iudicatum esset, id perpetuo maneret. Qua quidem re gavius est rex videns institutum suum utiliter perfectum: et maxime lætatus est recitatis ei legibus et legislatoribus mentem atque sapientiam stupuit. Itaque cum Demetrio verba facere cepit, qui fieret, ut quum tam admirabilis esset ea lex, nullus nec historicorum nec poetarum eius meminisset? Ad quod Demetrius respondit, propterea neminem ausum eam attingere, quod diuina esset et augusta: iamque nonnullos, quoniam tale aliquid adtentassent, læsos fuisse diuinitus. Eique demonstravit, ut Theopompus, quum horum aliquid scribere instituisset, mentem plusquam triginta dies perturbatam habuisset: itaque intermittente malo, Deum precibus placasset, inde sibi insaniam ortam esse suspicatus. Quinetiam in somnio vidisset id sibi propterea euenisse, quod diuina tractasset, et in profanum vulgus proferre voluisset. Itaque quum destitisset, mentem ei constituisse. Narrauit etiam ei de Theodete tragico poeta, qui (ut perhiberetur) quum voluisset in quadam fabula mentionem facere eorum, quæ in sacro libro scripta forent, in oculorum morbum, quem glaucoma vocant, incidisset: et intellecta causâ, conualuisset propitiato Deo. Igitur rex iis acceptis a Demetrio, libros veneratus, iussit diligentem curam haberi, ut in integro manerent: hortatusque est interpretes, ut ad se frequenter ex Iudæa venirent: id enim eis utile futurum, tum propter honorem, quo eos adfecturus, tum propter dona, quibus ornaturus esset. Nunc quidem æquum esse, ut eos dimitteret: verum si deinceps ad se sua sponte venirent, adfecturos omnia, quæ et ipsorum sapientiæ deberentur, et a liberalitate sua præstari possent. Igitur eos tum dimisit, quum quidem unicuique tres egregias vestes, et auri talenta duo dedisset, et calicem vnius talenti, et tori vestem stragulam. Hæc ipsis dono dedit. Pontifici autem Eleazaro per eos misit decem lectos argenteis pedibus, vna eum eorum instrumento, et calicem talentorum triginta. Præterea vestes decem purpureas, et elegantem coronam, et byssinæ telæ vlnas centum, et insuper phialas, et satinos, et pocula, et crateres duos, in templo reponendos. Hortatus est etiam eum per litteras, ut si qui illorum hominum ad se venire vellent, permitteret. Hoc honore Iudæos adfecit Ptolemæus Philadelphus. CA.

## CAPVT III.

*Et Iudaorum gentem honore adfecerint reges Asia, et conditarum a se urbium ciuitate donauerint.*

**C**onsecuti sunt et ab Asiæ regibus honorem, quoniam sub eis militassent. Etenim Seleucus Nicanor, in iis urbibus, quas condidit in Asia et interiore Syria, et in ipso regni capite Antiochia, eos ciuitate donauit, et eodem, quo Macedones et Græcos, numero habuit: cui iure etiamnum vtantur. Argumento est, quod Iudæis nolentibus alieno oleo vti, certa pecunia soluitur a gymnasiarum præfectis, ad oleum comparandum. Quem morem quum Antiochenis populus proximo bello abrogare conaretur, Mucianus (qui tum Syriæ prætor erat) tamen retinuit. Et postea impetrante Vespasiano, et Tito eius filio, orantes Alexandrini et Antiochenes, vt Iudæi priuarentur iure ciuitatis, non impetrarunt. Idem fecit et Marcus Agrippa. Nam commoti Iones aduersus Iudæos Agrippam orarunt, vt ciuitate, quam eis dederat Antiochus Seleuci nepos, is qui apud Græcos Deus adpellatur, soli fruerentur: postularuntque, vt si Iudæi eorum essent cognati, eosdem cum ipsis deos colerent. Ac constituto ea de re iudicio, obtinuerunt Iudæi, vt sibi solitis moribus vti liceret: vti patrocinio Nicolai Damasceni. Agrippa enim pronuntiauit, nihil sibi innouare fas esse. Sed vt ad propositum reuertar, regnante in Asia Antiocho Magno, accidit, vt tum Iudæi, tum qui Cœlesyriam incolebant, multa aduersa paterentur. Eo enim belligerante cum Ptolemæo Eupatore, et cum eius filio Ptolemæo Epiphane, siue is superior erat, siue inferior, ipsi, qui in medio iacebant, semper adligebantur, non secus ac nauis duabus vexata tempestatibus. Tamen victo Ptolemæo, Antiochus Iudæam occupauit. Deinde mortuo Philopatore, eius filius magnam manum, et ducem Scopam misit in Cœlesyriæ incolæ: qui multas eorum vrbes, nec non gentem nostram cepit: oppugnata enim, in eius partes concessit. Non multo post, Scopam prælio vicit Antiochus, ad fontes Iordanis, magnamque eius copiarum partem deleuit. Postea quum Antiochus eas Cœlesyriæ vrbes, quas Scopas obtinuerat Samariamque subegisset, Iudæi vltro deditionem fecerunt, eumque vrbe admiserunt, et eius omni exercitui et elephantis omnia abunde suppeditarunt, et relictos a Scopâ in arce hierosolymitana præsidarios oppugnantem strenue adiuerunt. Itaque Antiochus æquum esse iudicans, vt Iudæorum erga se studium remuneraretur, litteras scripsit ad suos duces et amicos, quarum exemplar infra positum est.

## REX ANTIOCHVS PTOLEMAEO SALVTEM.

Quum Iudæi, simulac in eorum fines ingressi sumus, studium erga nos suum declarauerint, et in urbem suam venientes splendide acceperint, eumque Senatu obuiam prodierint, et militibus elephantisque omnia abvnde præbuerint, nosque in expugnando Iudæorum in arce præsidio adiuerint: visum est nobis eos pro his remunerari, et eorum urbem casibus labefactatam, recreare atque frequentare, reuocatis in eam iis, qui sunt dispersi. Ac primum eis decreuimus, religionis causa præbenda conficere ad sacrificia, videlicet ad comparandas hostias, et vinum, et oleum, et tus, argenti viginti millia, et filiginis sacras artabas ex gentis consuetudine: frumenti medimnos mille quadringentos sexaginta, et salis medimnos trecentos sexagintaquinque. Atque hæc eis solui volo, quemadmodum imperari:

tem

templique opus expediri, et porticus, et si quid aliud ædificandum est. Materiam autem adportetur ex ipsa Iudæa, aliisque regionibus, et Libano, nec ullum eius nomine vestigial exigatur. Idem dico de aliis, quibus ad speciosiore templi adparatum opus erit. Vivant autem omnes eius nationis homines ex legibus patriis: immunisque sit senatus, et sacerdotes, et scribæ templi, et sacri cantores, ab eo quod pro capite pendunt, et ab auro coronario, aliisque tributis. Ac quo citius frequentetur vrbs, concedo iis, qui nunc eam habitant, quique intra ultimum anni mensem eo migraverint, immunitatem in triennium: et in posterum tertiam tributorum partem eis remittimus, ad eorum damnum refarciendum. Et quotquot ex vrbe abrepti seruiunt, et ipsos et eorum natos manumittimus, et facultates eis reddi imperamus.

Hoc erat litterarum exemplar. Item in honorem templi libellos toto regno publicavit, qui hæc continerent: Nemini liceat alienigenæ, intra templi conspectum ingredi, quemadmodum Iudæis interdictum est, nisi quibus lustratis mos est ex lege patria. Neue in urbem importetur equina caro, neue mulina, neue asini, siue feri, siue cicuris: neue pardalina, aut vulpina, aut leporina, aut cuiusvis omnino eorum animalium, quæ Iudæis vetita sunt. Neue pelles inferre liceat, sed nec ullum tale animal in urbem alere: sed solis maiorum sacrificiis vti liceat, quibus placari Deus debeat. Qui contra aliquid horum fecerit, soluito sacerdotibus argenti drachmarum tria millia. Scripsit et ad Zeuxim ducem, amicumque suum intimum, de Iudæis, in hunc modum.

### REX ANTIOCHVS ZEUXIDI PATRI SALVTEM.

Quum intelligerem in Lydia et Phrygia tumultuari, magnopere mihi propiciendum curavi: ac consultant mihi cum amicis, quid facto sit opus, visum est in castra et loca maxime necessaria transferre ex Mesopotamia et Babylonia, Iudzorum bis mille familias, cum eorum suppellectili. Credo enim, nostrarum rerum custodes fore benevolos, tum propter eorum erga Deum pietatem: tum quia novi, eis a maioribus nostris testimonium datum fidei, et prompti obsequii, in eis ad quæ rogantur. Itaque quamvis eos traducere laboriosum sit, tamen quia promisi, volo eos vti suis legibus. Quum autem eos in ea, quæ dixi, loca transtuleris, dabis singulis ad ædificandas domos locum, et agrum ad agriculturam, vinearumque sationem, et immunitatem frugum terræ concedes in annos decem: ac donec terræ fruges perceperint, demensum frumentum accipiant in famulorum alimoniam: deturque iis, qui eis inseruiunt, quantum opus erit, ut benigne a nobis habiti, studiosiores se rerum nostrarum præbeant. Da operam, quoad eius fieri potest, ut ei genti a nemine incommodetur. Hactenus de amicitia, quæ Antiocho magnam cum Iudæis intercessit. Postea amicitiam et fœdus cum Ptolemæo fecit Antiochus: eique filiam suam Cleopatram nuptum locavit, et Cælesyriam et Samariam et Iudæam et Phœnicem dotis nomine tribuit: ac diuisis in duos reges tributis, optimates suæ quisque patriæ tributa redimebant: et redactam, quæ imperata erat, summam regibus pendebant. Eo tempore Samaritæ, rebus suis secundis, multos Iudæos læserunt, agros eorum vastando, et corpora prædando: quæ quidem, Onia pontifice, acciderunt, Eleazaro enim vita defuncto, successit in pontificatum Manassés eius auunculus: post cuius

eius decessum, munus excepit Onias Simonis filius, eius cui Iusto cognomen fuit, qui Simon frater erat Eleazari, sicuti iam dixi. Hic Onias sordidi animi homo, et pecuniae cupidus erat: eamque ob rem tributum pro populo non soluit, quod eius maiores regibus de suo pendere soliti erant, videlicet argenti talenta viginti: quae res exacerbauit regem Ptolemaeum Evergetem, qui pater erat Philopatoris. Itaque missus Hierosolymam legatus, inuasit Oniam, qui tributa non solueret, minatusque est, sese eorum agrum diuisurum, nisi soluerentur, et eo militum coloniam deducturum. Quae re audita, Iudaei territi sunt: sed Onias, quae erat auaritia, haec pro nihilo habuit.

## CAPUT III.

*Iosephus Tobiae filius ei malo medetur, inita cum Ptolemaeo Epiphane amicitia.*

**E**Rat Iosephus quidam, etate iuuenis ille quidem, sed grauitate et prudentia et iustitia apud Hierosolymitas celebris, patre Tobia natus, ex sorore Oniae pontificis. Hic Iosephus, quum a matre didicisset aduentum legati, (aberat enim tum in quodam pago nomine Philola, ex quo erat ipse), profectus in urbem Oniam obiurgat, qui ciuium salutis rationem non haberet, sed genti periculum creare vellet, pecuniam auertendo, propter quam et populi administrationem, et summi sacerdotii honorem adeptus esset. Quod si pecuniae adeo cupidus erat, adiret regem, et sibi vel totam, vel certe partem condonari postulare. Ad haec Onias respondit, se neque principatum velle: et si fieri possit, paratum esse sacerdotium deponere: ad regem quidem non iturum, haec enim sese omnino non curare. Tum Iosephus rogauit, vtrum sibi permetteret legationem publicam ad Ptolemaeum suscipere: atque illo permittente, populum consolatur, seque legatum ad regem iturum ostendit. Deinde Ptolemaei legatum hospitio accipit et magnis muneribus donatum, multorumque dierum conuiuiis honoratum, praemittit ad regem: seque subsecuturum dicit. Nam regem conuenire eo magis auebat, quod legatus eum ad eundem in Aegyptum inuitauerat, seque ei, quaecumque a Ptolemaeo postulasset, impetraturum promiserat: quippe Iosephi liberalitate et grauitate magnopere delectatus. Igitur ubi venit legatus in Aegyptum, Oniae sordes regi commemorat, et Iosephi bonitatem ostendit, venturumque dieit ad eum ad populi culpam deprecandam, quippe populi gubernatorem. Breuiter iuuenem tantis laudibus extulit, vt et regis, et eius vxoris Cleopatrae benevolentiam nondum praesenti conciliauerit. Et Iosephus missis in Samariam, qui pecuniam ab amicis mutuarentur, paratisque iis, quae ad iter pertinerent, et vestibus populisque et iumentis comparatis, quae summa efficiebatur viginti millium drachmarum, in Alexandriam proficiscitur. Accidit eo tempore, vt ex vrbibus Syriae et Phoenices primarii homines ad vestigalium auctionem proficiscerentur, quae rex quotannis cuiusque vrbis potentissimis vendebat. Hi videntes in via Iosephum, deridebant ob paupertatem atque inopiam. Qui postquam Alexandriam peruenit, et regem Memphi esse audiuit, ascendit ei obuiam. Sedebat autem rex in curru cum vxore, et Athenione amico suo, eo qui Hierosolymam legatus iuerat. Is Athenio simulac Iosephum vidit, regi indicauit, et Ptolemaeus Iosephum prior salutauit, et, vt in currum ascenderet, hortatus est. Deinde sedente Iosepho, cepit de Oniae facto exposulare.

Sed



Sed Iosephus: Da veniam, inquit, eius senectuti. Neque enim te præterit, senum et infantum eandem esse mentem. Sed a nobis iuuenibus omnia consequeris, ita ut nihil conqueraris. Hac iuuenis venustate et vrbani-  
tate delectatus rex, eum magis amare cœpit, adeo ut eum in regia degere iusserit, et quotidianum conuiuium habuerit. Deinde postquam Alexandriam rex ve-  
nit, videntes primi Syriæ sedentem cum eo Iosephum, grauiter ferebant. Post ubi dies venit auctionis vectigalium, qui in suis patriis dignitate præstaban-  
t, licebantur: quumque vectigalia Cœlesyriæ et Phœnicæ et Iudææ cum Samaria ad octo millia talentorum excreverent, accessit Iosephus, et licitatores criminatus est, tamquam ex composito paruo licitarentur: ipse duplum daturum se pollicetur, eique bona uiisurum eorum qui in eius domum peccauissent: nam et hoc vna cum vectigalibus vendebatur. Id rex libenter audiuit: seque ei vectigalia addicturum dixit: simulque rogauit, utrum sponsores dare posset. Ego vero (respondit ille festiue) et quidem bonos et honestos homines, quibus non diffiditis. Quos tandem? Teipsum, inquit, o rex, coniugemque tuam pro vtraque parte sponsiuros tibi do. Hic subridens Ptolemæus, ei vectigalia sine fideiusoribus addixit: quam rem grauissime tulerunt alii, domumque non sine pudore redierunt. Ipse sumtis a rege duobus peditum millibus, ut si qui contemnerent, cogere posset: et nautatus Alexandriæ a regis amicis quingenta talenta, in Syriam contendit. Vbi Ascalonem venit, tributum exigit, atque eis non modo nihil soluere volentibus, sed etiam ei conuiuantibus, comprehendit eorum primarios circiter viginti, eosque interficit: et redacta ex eorum facultatibus pecunia, ad mille talenta regi mittit, eique negotium demonstrat. Itaque Ptolemæus admiratus eius animum, adprobatoque facto, ei quæ velit faciendi potestatem permittit. Hoc audito, perterriti Syri, Iosepho libenter portas aperiebant, et vectigalia soluebant. Idem fecit et Scythopolitis, quod Ascalonitis. Atque ubi ex vectigalibus grandem pecuniam collegit, ut eam potentiam retinere posset, abusus est suis facultatibus. Multa enim regi et Cleopatrz, eorumque amicis, et omnibus in aula potentibus clanculum dona misit, hac ratione eorum beneuolentiam emens: atque ea felicitate annos duos et viginti usus est. Natos habuit ex vna vxore septem, et ex sui fratris Solenii filia vnum nomine Hyrcanum. Hic Hyrcanus præstantis auiui fuit, et ingeniosus atque animosus: qua de causa patri longe carior fuit quam eius fratres: quæ res eis, qui tardi segnesque forent, magnam commouit inuidiam. Accidit aliquando, ut patri nuntiaretur, Ptolemæo natum esse filium, omnesque primos Syriæ et ditionis Ptolemæi ad celebrandos pueri natales magno cum apparatu in Alexandriam proficisci. Igitur ipse qui seue-  
ritate retineretur, filios tentauit, ecquis ad regem proficisci vellet? Quumque grandiores recusassent, et sese ad tales congressus rusticiores esse dixissent, utque fratrem Hyrcanum mitteret suassent, delectatus ea re pater, Hyrcanum vocat, et an regem adire possit, paratusque sit, interrogat. Ille iturum dicit: nec multa ad iter egere pecunia: victurum enim frugaliter, ut satis futura sint ei drachmarum decem millia: qua pueri moderatione delectatus est pater. Deinde interiecto paruo spatio, patri consuluit puer, ne inde dona regi mitteret, sed sibi litteras ad Alexandrinum procuratorem daret, ut ipsi pecuniam præberet ad coemenda, quæ inueniret pulcherrima atque pretiosissima. Pater arbitratus, eum sumtum fore ad decem talenta, filii admonitionem laudauit: et Arioni dispensatori scripsit, qui totius eius Alexandriæ pecuniæ procuracionem habebat, quæ erat non minus quam trium millium

talentorum. Iosephus enim Syrix pecunias iniebat Alexandriam; et instante die, qua regi soluenda erant vectigalia, scribebat Arioni ut id faceret. Igitur acceptis ad hunc Arionem litteris a patre, Hyrcanus Alexandriam ire contendit. Eo profecto, scribunt eius fratres omnibus regis amicis, ut eum interficiant. Postquam Alexandriam peruenit, et litteras Arioni tradidit, quæsiuit Arion, quot talenta postularet. Sperabat enim postulaturum decem, aut paulo amplius. Sed ille sibi mille opus esse dixit: qua re iratus Arion, eum obiurgat, ut luxuriose vivere volentem: eique demonstrat, quo pacto pater eius eas facultates, ut laborans, et cupiditatibus resistens, congesserit: monetque, ut parentis imitorem se præbeat: se quidem non amplius quam decem talenta daturum, et ea ad regem munerandum. At puer iratus, Arionem dedit in vincula. Cuius rei certior factus rex, Hyrcano significatum misit, sese magnopere mirari, quod in suum conspectum non venisset, et insuper procuratorem in vincula coniecisset: itaque iussit, ut ad dicendam causam veniret. Ille vero regis nuntio respondit, ipsum regem habere legem, quæ vetaret, ne natus filius sacrificium gustaret, nisi prius in templum intrasset, Deoque sacrificasset. Hac de causa neque se ad eum venisse, quod expectaret dum dona ferre posset homini, de suo patre bene merito. Quod ad seruum attineret, sese in eum propterea animaduertisse, quod sibi dicto audiens non fuisset. Nihil enim interesse, utrum parvus sit herus, an magnus. Quod nisi tales puniemus, expectatu quoque futurum, ut a tuis subditis contemnaris. His auditis, Ptolemæus risit, et tantum pueri animum admiratus est. Quo cognito, Arion puero mille talenta dedit, atque ita vinculis solutus est. Hyrcanos triduo interiecto, reges (i. e. regem et reginam) salutauit: qui eum libenter viderunt, et comiter conuiuio exceperunt, propter eius patris reuerentiam. Deinde mercatores secreto adgressus, coemit ab eis centum pueros, litterarum peritos, eisdemque valentissimos, talento vnumquemque: et totidem puellas eodem pretio. Post ubi dies venit, aliis regi offerentibus ad summum vicena talenta, ipse pueris virginibusque singula talenta ferenda tradidit, et illos regi, has Cleopatrz adduxit. Ac mirantibus cunctis, ipsisque adeo regibus insperatam munificentiam: insuper regis amicis famulisque dona multorum talentorum dedit, ut eorum ipsidias cauere. Eis enim scripserant eius fratres, ut Hyrcanum perirent. Et Ptolemæus gratam habens magnanimitatem adolescentis, iussit, ut quod vellet donum, postularet. Ille vero nihil amplius ab eo petiit, quam ut ad patrem et ad fratres de ipso scriberet. Et rex eum maximo honore prosecutus, amplisque donis muneratus, scriptis ad patrem et ad fratres, et ad omnes suos præfides procuratoresque litteris, eum dimisit. Quo accepto nuntio, eius fratres ei obuiam prodierunt, ut eum necarent, etiam patre sciente, quippe qui ei propter infumtas in dona pecunias irascereetur: tamen iram dissimulabat, metu regis. Igitur fratribus cum Hyrcano prælio congressis, quum alios ex eorum hominibus multos, tum duos suorum fratrum interfecit: ceteri Hierosolymam ad patrem euaserunt. Ipse in urbem profectus, quum eum admitteret nemo, timuit: seque trans Iordanem recepit, et ibi Barbaros sibi tributa soluere cogens, commoratus est. Per id tempus regnabat in Asia Seleucus, cognomine seruator, Antiochi Magni filius. Moritur et Hyrcani pater Iosephus, vir magni animi, qui Iudæum populum ex paupertate et tenuitate eripuit, et in splendidiorem statum perduxit, et Syrix Phœnicesque et Samaræ vectigalia viginti annos tenuit.

Mori-

Moritur et eius auunculus, Onias: Simonique filio suo pontificatum relinquit. Huic porro Onias eius filius successit, ad quem Lacedæmoniorum rex Arius legatos misit, et litteras, quarum exemplum infra scriptum est.

## CAPVT V.

*Amicitia et societas Lacedæmoniorum cum Onia Iudæarum pontifice.*

REX LACEDAEMONIORVM ARIVS, ONIAE  
SALVTEM.

**I**ncidimus in quoddam scriptum, in quo inuenimus, eiusdem generis esse Iudæos et Lacedæmonios, ex Abrahami gentilitate. Quamobrem æquum est, ut vos, qui sitis fratres nostri, nobis significetis, si quid est quod velitis. Nos idem faciemus, et vestra pro nostris, et nostra vobiscum communia habebimus. Demoteles tabellarius is est, qui vobis has reddit. Scriptura est quadrata, sigillum est aquila draconeum tenens. Hactenus Arii litteræ. Mortuo Iosepho, ortum est in populo disidium, propter eius natos. Quum enim grandiores Hyrcano, qui natu minimus erat, bellum intulissent, scissa est multitudo: maiorque pars a grandioribus stabat, nec non pontifex Simon propter cognationem. Hyrcanus vero Hierosolymam deinceps non redire statuit, ac trans Iordanem capta sede, cum Arabibus continenter bellum gerebat, ita ut eorum multos partim interfecisset, partim captiuos ceperit. Aedificauit etiam validum castellum, quod Tyrum nominauit: locus est inter Arabiam et Iudæam, trans Iordanem, non procul ab Essebionide: illosque tractus rexit per annos septem, toto tempore quo Seleucus regnauit in Asia. Seleuco vita defuncto, successit eius frater Antiochus Epiphanes. Moritur et Ptolemæus Aegypti rex, qui et ipse cognomen habebat Epiphanes, superstitibus duobus suis adhuc iuuenibus: quorum grandiori Philometor, minori Physcon cognomen erat. Et Hyrcanus videns Antiochi magnam potentiam, veritus ne ab eo propter illatas Arabibus iniurias caperetur, et supplicio adficeretur, mortem sibi consciiuit: et Antiochus in eius bona omnia inuasit.

## CAPVT VI.

*Iudæi potentiores inter sese disidentes, Antiochum Epiphanem inuocant.*

**P**er id tempus mortuo Onia pontifice, rex eius fratri Iosue summum sacerdotium dedit. Nam quem filium reliquerat Onias, is infans adhuc erat. Deinde Iosuan summo sacerdotio priuauit rex, iratus ei, idque dedit Onie eius fratri minori. Habuit enim Simon hos tres filios, qui omnes fuere pontifices, ut declarauimus. Et Iosua quidem Iosoni sibi nomen imposuit: Onias vero, Menelaus adpellatus est. Igitur orta seditione inter priorem pontificem Iosuan et Menelaum, qui pontifex postea factus est, scissa est in partes multitudo, steteruntque a Menelao Tobie filii: maxima vero populi pars Iasoneum secuta est: cuius vim non sustinentes Menelaus et Tobie filii, ad Antiochum sese receperunt: eique demonstrarunt, velle se, relictis patriis legibus et institutis, sequi regiam, et græcicos mores tenere. Itaque eum orarunt, ut sibi permitteret adificare gymnasiū Hierosolymis. Atque ubi id impetrarunt, insuper sese preputiarunt, ut nudi quoque essent Græci: omnibusque aliis, quæ eis patria erant,

omissis, ceterarum gentium facta imitati sunt. Antiochus vero, regni negotiis ei ad ipsius arbitrium succedentibus, statuit in Aegyptum expeditionem facere, eius occupandæ cupidus: simulque Ptolemæi filios contemnens, qui debiles adhuc essent, necdum res tantas administrare possent. Igitur ad Pelusium cum magnis copiis profectus, et profectus ad Memphim, eaque potitus, Alexandriam contendit, ut eam obsidione caperet, et regnantem ibi Ptolemæum in suam potestatem redigeret. Verum repulsus est non solum ab Alexandria, sed etiam ab uniuerfa Aegypto, iubentibus Romanis, ut ab ea regione absteret.

\*\*\*\*\*

## QVAE POST MACHABAEOS GESTA SVNT.

EX FLAVII IOSEPHI ANTIQVITATVM LIBRO  
DECIMO TERTIO.

### CAPVT XV.

*Ptolemaeus principatum adseclat, Hyrcanus occupat.*

**I**GITVR Ptolemæus sese in arcem quamdam recepit, supra Hierichuntem positam, nomine Dagon. At Hyrcanus, qui et Ioannes dicitur, patrum pontificatum adeptus, quum primis sacrificiis litasset, fecit aduersus Ptolemæum expeditionem, locumque oppugnauit: et aliis quidem rebus superior erat: tantum misericordia erga matrem et fratres vincebatur. Eos enim Ptolemæus in murum subducos, in conspicuo loco cruciabat: et præcipitatum minabatur, nisi ille ab obsidione desisteret, quæ res illum remissiorem ad oppugnandum faciebat. Quamquam mater passis manibus eum orabat, ne sua causa remollesceret: quin eo acrius oppugnationem vrgeret, hostemque in potestatem suam redigeret, et sibi amicissimos vlcisceretur. Sibi enim suaue esse cruciatibus necari, dummodo pœnas daret hostis. Hæc dicente matre, Hyrcanus ad capiendam munitionem animabatur: sed dum eam verberari lacerarique videbat, remollescebat, vincente misericordia. Ita durante diutius obsidione, venit annus septimus, in quo Iudæis otuari mos est: et Ptolemæus hac de causa leuatus bello, Hyrcani fratres, et matrem interfecit: eoque facto ad Zenonem se recepit, cognomine Cotylam, Philadelphensium vrbis tyrannum.

### CAPVT XVI.

*Antiochus Pius aduersus Hyrcanum expeditionem facit: et acceptis ab eo trecentis talentis, init cum eo societatem.*

**A**Ntiochus vero Simonis aduersum se facta ægre ferens, Iudæam invasit anno regni sui quarto, qui primus fuit annus potentatus Hyrcani: vastatisque agris, Hyrcanum in urbem compulit, et eam septenis castris cinxit: ac principio nihil proficiebat, tum propter murorum firmitatem.

firmitatem, tum propter obsessorum virtutem. Adde, quod aquæ penuria liberauit eos delatus sub occasum vergiliarum multus imber. A parte autem muri septemtrionali, qua ex parte locus erat planus, excitatis centum turribus trium contabulationum, cohortes in eis collocauit: et quotidianis oppugnationibus, ductaque alta et lata fossa, eaque duplici, Iudæos concludit. Illi contra crebris excursionibus, sicuti imparatos hostes offenderent, magnas eis clades inferebant: sin sensissent, facile se in tutum recipiebant. Hyrcanus vero animaduertens suorum multitudinem sibi esse detrimentosam, propterea quod et comineatus celerius a tanta multitudine absumeretur, et nullum ab ea operæ pretium fieret, inutilem turbam secreuit, et eiecit: quodque roboris erat, et ad pugnandum idoneum, id solum retinuit. Sed Antiochus exclusos prohibebat exitu: itaque illi inter muros oberrantes, fame miserabiliter conficiebantur. Verum ubi vmbraclorum festa venerunt, qui erant in vrbe, eos, miseratione commoti, rursum intro receperunt. Et Hyrcanus misit ad Antiochum petitum inducias in septem dies, propter festa: quas Antiochus, qua præditus erat religione, concessit: et præterea magnificum sacrificium intromisit, tauros auratis cornibus, et cum omni genere aromatum pocula aurea et argentea: nec non vrbiorum milites conuiuio excepit. Itaque propter eius singularem religionem, omnes eum Pium nuncuparunt. Hanc ob rem Hyrcanus, hac æquitate adprobata, cognitoque eius erga Deum studio, legatos misit ad eum, petitum, vt ipsis patria restitueret instituta. Ille vero repudiato eorum consilio, qui gentem delendam, propter morum infociabilitatem, censebant: legatis respondit, vt obsessi arma traderent, et sibi Ioppes, reliquarumque vrbium, excepta Iudæa, vestigalia penderent, præsidiumque acciperent, atque hac conditione bello liberarentur. Illi in cetera consenserunt: sed præsidium non admiserunt, propter morum dissimilitudinem: verum pro præsidio obsides dederunt, et argenti talenta quingenta, quorum in præsentia trecenta dederunt, simulque obsides, quos inter erat et Hyrcani frater. Deiecit et murorum vrbis pinnas. Hac conditione Antiochus soluta obsidione discessit. Hyrcanus vero aperto Daudis sepulcro, tria millia talentorum inde extulit, et his opibus primus Iudæorum cepit externum militem alere. Iniit et cum Antiocho amicitiam atque societatem: eoque in vrbem accepto, omnia exercitui abunde et cupide subministravit: et in expeditione contra Parthos eum comitatus est. In ea expeditione Antiochus commissio prælio cum Arsace Partho, magnam exercitus sui partem amisit, et ipse mortuus est. Et in regno Syriæ successit eius frater Demetrius, per Arfacem liberatus a captiuitate.

## CAPVT XVII.

*Hyrcani expeditio in Syriam.*

**H**Yrcanus audita Antiochi morte, confestim in vrbes Syriæ fecit expeditionem, ratus (id quod erat) inuenturum vacuas a propugnatoribus. Igitur Medabani magno cuni exercitus sui labore cepit sex mensibus: deinde Samegam et finitima loca: itemque Sicima et Garizim, Chuthæorumque gentem, quæ templum accolebat Hierosolymitani simile, de quo supra diximus: quod quidem Garizinum templum, postquam ducen-  
tos durauit annos, deletum est. Cepit et Adora, et Marissam, vrbes Idu-

mae: subactisque omnibus Idumæis, permisit in finibus suis manere, si virilia sua circumcidere, Iudeisque legibus uti vellent. Quam conditionem illi admiserunt, ac deinceps Iudæi esse cæperunt. Hyrcanus vero volens amicitiam cum Romanis renouare, legatos misit ad eos: et senatus acceptis eius litteris, amicitiam cum eo fecit in hunc modum: FANIVS M. F. Pr. Senatum conuocauit octauo Idus Februarii, in campo, præsentem L. Manlio L. F. Mentina, et C. Sempronio C. F. Falerna, propter eas res, quas legati retulerunt, Sinon Dositheci, et Apollonius Alexandri, et Diódorus Iasonis, viri honesti et boni, missi a populo Iudæorum, qui etiam egerunt de amicitia et societate, quæ eis cum Romanis intercedit, et de publicis negotiis, ut Ioppe, et portus, et Gazara, et fontes, et quascumque alias eorum vrbes, et loca bello cepit Antiochus citra Senatus decretum, hæc eis reddantur, neue regiis militibus liceat per ipsorum aut subditorum fines iter facere. Item, ut quæ per id bellum ab Antiocho præter Senatus sententiam decreta sunt, irrita sint: vtque missis legatis curent eis reddenda, quæ per Antiochum ablata sunt: et regionem æstiment, quæ ab eo bello vastata est: vtque eis ad reges et liberos populos dentur litteræ ad redeundum tuto domum. Igitur de his rebus decreta sunt hæc, renouari amicitiam et societatem cum viris bonis: et a bono amicoque populo missis. De litteris autem responderunt deliberaturos, quum Senatui per sua negotia vacabit: operamque duros, ut in posterum nulla tali adficiantur iniuria. Mandatumque est prætori Fabio, ut eis pecuniam det ex ærario ad domum reditionem. Ita Fanius Iudæorum legatos dimisit, data eis pecunia ex ærario, nec non senatusconsulto, ad eos, qui deducere, et tutum iter domum vsque eis præstare deberent. Et Hyrcani quidem pontificis rerum status hic erat. Demetrius autem rex Hyrcano bellum inferre cupiens, tempus et opportunitatem non habuit, quod tum Syris esset, tum militibus propter improbitatem suam inuisis. Itaque missis ad Ptolemæum Physconem legatis petierunt, ut sibi daret aliquem de Seleuci genere, qui in regnum inuaderet. Et Ptolemæus misit Alexandrum Zebinam cum exercitu: commissoque prælio victus Demetrius, ad Cleopatram vxorem confugit Ptolemæi: et ab ea non admissus, inde Tyrum profectus capitur: multaque passus ab osoribus suis, moritur. Alexander vero regnum adeptus, amicitiam iniit cum Hyrcano pontifice: deinde bello petitus a Demetrii filio Antiocho Grypo, in pugna occubuit. Antiochus regno Syriæ potitus, in Iudæam exercitum ducere reformidabat, audiens fratrem suum ex matre (cui est ipsi Antiocho nomen erat) contra se apud Cyzicum habere delectum. Itaque statuit intra fines suos se continere, et ad fratris aduentum preparare, qui Cyzicenus a Cyzico vrbe, in qua nutritus esset, cognominatus est, patre Antiocho Seruatore, qui in Parthis occubuit: eraque is Antiochus Seruator frater Demetrii, patris Grypi, tamen utriusque fratri nupsit eadem Cleopatra. Cyzicenus vero Antiochus in Syriam profectus, multis annos contra fratrem bellum gessit, ac toto eo tempore Hyrcanus in pace degebat. Etenim post obitum Antiochi, a Macedonibus defecerat, neque quidquam eis iam nec ut subditus, nec ut amicus præstabat: quin rebus secundissimis utebatur Alexandri Zebinæ temporibus, et maxime sub his fratribus. Bellum enim, quod inter eos gerebatur, facultatem Hyrcano præbebat fruendi Iudæa secure, ita ut pecuniæ vim innumeraibilem congesterit. Tamen Cyziceno agros vastante, ipse quoque voluntatem suam aperte ostendebat: et desertum ab Aegypti auxilio videns Antiochum, ac tum ipsum

tum

tum eius fratrem mutuis certaminibus addigi, vtrumque contemnebat.

## CAPVT XVIII.

*Antiochus Cyzicenus Samaritis auxilium ferens, victus aufugit.*

**I**Taque expeditionem fecit aduersus Samariam, urbem munitissimam: eamque adortus magna vi obsedit, Samaritanis insensus propter iniurias, quas Marissenis Iudeorum colonis et sociis intulerant iussu regum Syrix. Igitur urbem fossa undique et duplici muro per octoginta stadia cinxit: iisque filios suos præfecit Antigonum et Aristobulum: quibus prementibus, in eam famis necessitatem adducti sunt Samaritæ, vt insuetis vescerentur: et Antiochi Cyziceni operi implorarent: qui eo libenter profectus, ab Aristobulo vincitur: et Scythopolim vsque fugatus a fratribus, effugit. Illi in Samaritas conuersi, eos iterum intra muros compellunt, ita vt denuo eundem Antiochum arcesseuerint in auxilium. Ille accitis a Ptolemæo Lathuro hominum ad sex millia (quos ille inuita matre, et ab ea principatu pene deturbatus, misit) primum Hyrcani fines cum illis Aegyptiis latrocinando depopulabatur, cum eo congrédi non audens, (neque enim viribus par erat,) sed fore sperans, vt agrorum vastatione Hyrcanum cogeret soluere obsidionem Samaritæ. Verum postquam delatus in hostium insidias, multos suorum militum amisit, Tripolim se recepit, quum quidem Callimandrum et Epicratem bello contra Iudeos præfecisset. Callimander dum audacius in hostes inuehitur, in fugam versus occubuit. Epicrates pecunia corruptus, Scythopolim, et alia finitima loca prodidit manifeste Iudeis, neque Samariam obsidione leuare potuit. Hyrcanus igitur urbem vno anno obsessam cepit, nec eo contentus, eam funditus deleuit, indutis eo torrentibus, quibus eam ita subruit, vt in foueas delapsa, ne vestigium quidem urbis vllum retineret. Narratur Hyrcanum, quod die eius filii cum Cyziceno dimicarunt, quum solus in templo suffiret, vocem audiuisse, quæ significaret superatum modo ab eius pueris Antiochum: idque ipse egressus ex templo, toti populo indicauit, atque ita factum contigit. Et hoc quidem in statu erant res Hyrcani.

Accidit eodem tempore, vt non solum qui Hierosolymis et in ea regione erant Iudei, bene agerent: sed etiam qui Alexandriæ, et in Aegypto atque Cypro degebant. Cleopatra enim regina, a filio suo Ptolemæo Lathuro disidens, duces constituit Helciam, et Ananiam Oniæ filios, eius qui templum in heliopolitana præfectura Hierosolymitani simile construxerat. His tradito exercitu, Cleopatra nihil absque eorum sententia faciebat. Hyrcano vero inuidiam Iudeorum commouerunt res secundæ, et maxime Pharisei erant in eum male animati. Secta est Iudeorum, qui tantæ sunt auctoritatis apud plebem, vt si quid vel contra regem, vel contra pontificem dicant, continuo credatur. Erat autem Hyrcanus eorum discipulus, eisque in primis carus. Quumque aliquando eos ad conuiuium vocasset, et opipare accepisset, animaduertens vehementer delectari, cepit eis dicere, sese (vt scirent ipsi) velle esse iustum, et omnia facere, quibus Deo placere posset, id quod ipsi quoque Pharisei profiterentur: petere tamen, si quid peccare se, et de via desistere viderent, vt se in eam remouerent. Illi ei omnium virtutum testimonium dederunt, quibus quidem laudibus delectatus est. Sed conuiuiarum quidam nomine Eleazarus, homo ingenii prauis, et seditionis amans: Postquam, inquit, verum scire

expetis, si vis esse lustrus, pontificatu tete abdica, et solo populi principatu contentus esto. Ac causam querenti Hyrcano: Quoniam, inquit, audimus a maioribus natu, captiuam fuisse tuam matrem regnante Antiocho Epiphane. Erat autem id falsum: eoque Hyrcanus exacerbat, neque non Pharisei omnes grauiter offensi sunt. Et quidam Jonathan de secta Sadducæorum, qui contrarium tenent Phariseis institutum, Hyrcani cum primis amicus, dixit Eleazarum de communi Phariseorum omnium sententia illa maledicta dixisse: idque ipsi Hyrcano fore manifestum, si ab illis quærat, quamnam poena dignus sit Eleazarus ob illud dictum. Ad quod illi responderunt, fustigio et vinculis dignum esse: neque enim videbatur eis conuicii gratia capite plectendus: et sunt alioquin Pharisei in poena irroganda clementes. Ea re grauiter offensus Hyrcanus, Eleazarum ex illorum sententia contumeliam dixisse arbitratus est. Et maxime cum Jonathan insuper incendit, et ita adfecit, ut ab illis defecerit ad Sadducæorum partes, et præscripta a Phariseis populo iura antiquarit: atque in eos, qui ea seruarent, animaduernerit. Hinc natum est multitudinis tum in eum, tum in eius filios odium, quibus de rebus postea dicemus. In præsentia demonstrare volo, Phariseos multa instituta populo tradidisse a patribus accepta, nec in Mosis legibus scripta: ideoque ea Sadducæorum genus repudiât, dicitque, ea pro institutis habenda, quæ scripta sunt: quæ autem a patribus tradita sunt, non esse seruanda. De his quæstiones eis, grauæque contentiones oriebantur, Sadducæis locupletes solum in suas partes pertrahentibus, neque plebem sibi obsequentem habentibus: Phariseis autem multitudinis fauore nitentibus. Hyrcanus vero sedata contentione, quam post eam feliciter vixisset, et rebus optime annos vnum et triginta præfuisset, obiit, superstitibus quinque filiis: tria maxima consecutus a Deo, potentatum gentis, pontificalem honorem, et vaticinationem. Addebat enim ei numen, futurorumque præfensionem et prædictionem præbebat: ita ut de duobus suis filiis prædixerit, non mansuros in imperio.

## CAPVT XIX.

*Aristobulus principatum adeptus, diadema primus sibi imponit.*

Mortuo Hyrcano, Aristobulus eius filiorum natu maximus volens principatum in regnum conmutare, diadema sibi primus imponit, annis quadringentis octoginta vno, et vno mense, postquam liberatus babylonica seruitute populus domum reuenerat. Et quia Antigonus fratrum suorum post se natu maximum amabat. eum dignitatis socium, ceteros in vinculis habebat. Matrem etiam contexit in carcerem, quod ea cum ipso de principatu contenderat: quippe quam eam Hyrcanus omnium dominam reliquisset: eoque crudelitatis processit, ut vincam famæ necarit. Addidit et matri fratrem Antigonom, quem amare videbatur, regnique socium habebat, calumniis alienatus ab eo, quibus primum non credebatur, tum quia eum amabat, tum quod ea maledicta ab inuidia proficisci credebatur. Accidit aliquando, ut Antigonus ab exercitu magnifice reuersus, festis vmbraculorum, Aristobulo propter morbum decumbente, ascenderet splendidissime ornatus in templum, ad celebrandum festum, vna cum suis militibus armatis, et potissimum pro fratris salute vota faceret. Ex hoc Antigoni adparatu, rebusque ab eo feliciter gestis, occasionem nacti homines mali, et eorum concordie dirimendæ cupidi, regem adiecit:



adeunt: eique festi adparatum, rem malitiose in maius augentes, exponunt: demonstrant, singula, quæ ab illo fierent, non esse hominis priuati, sed animi regii argumenta: venturum illum ad ipsum interficiendum cum armorum valida manu: quod stultum existimet, quum regnare liceat, communicato honore contentum esse. Aristobulus his ægre indutus, quo et fratris suspicionem vitaret, et simul salutis suæ prospiceret, satellites suos in obscuro quodam loco subterraneo collocauit (decumbebat autem in turri quadam, quæ nominabatur Antonia) eisque iusserat, ut si inerinis ad se intraret Antigonus, eum nemo tangeret: sin armatus, interficerent: ipse quidem Antigono significatum misit, ut inerinis veniret. Sed regina, et qui cum ea Antigono insidiabantur, nuntio persuadent, ut contraria dicat: fratrem, quoniam eum arma ornatumque bellicum parasse audierit, rogare, ut ad se veniat armatus, quo eum adparatum videat. Antigonus vero nihil fraudis suspicatus, sed fratris beneuolentia fretus, sicut erat toto corpore armatus, adit Aristobulum, arma ei ostensurus. Sed postquam venit ad turrin, quæ Stratonis adpellabatur, quæ obscurissimus erat aditus, occiditur a satellitibus. Erat quidam Iudas genere Esæus, qui futuris prædicendis nunquam aberrauerat. Is Antigonus conspicatus præter templum euntem, exclamauit apud socios familiaresque suos, qui eum discendæ futurorum prædictionis gratia frequentabant, sibi mortem esse optandam, postquam falsum dixisset, viuente Antigono: quem quum prædixisset moriturum eo die in turri Stratonis, nunc ambulantem videret: quum is locus, in quo eum occisum iri prædixisset, illinc stadiis sexcentis abesset, diei iam maiore parte præterita: periculum esse, ne falsum sit suum oraculum. Hæc dum mæstus loquitur, nuntiatur mortuus Antigonus in subterraneo loco, qui et ipse Stratonis turris adpellabatur, sicut et maritima Cæsarea: quæ res vatem turbabat. Aristobulum autem continuo cepit necis fraternæ pœnitentia, tantaque vis morbi, ut corruptis immodico dolore partibus interioribus, sanguinem emisisset. Eum sanguinem dum quidam puerorum, qui ei ministrabant, exportat, prætereundo per eum locum, qui Antigoni cæde adhuc cruentus erat, prolapsus effudit. Hinc orto clamore ab iis, qui viderunt, quasi puer data opera sanguinem illic effudisset, eo audito Aristobulus causam sciscitatus est. Atque illis non dicentibus, eo magis scire auebat: tandemque minus et terrore veritatem ab illis extorsit: tantaque inde labe conscientie percussus est, ut multum lacrimarum emisisset, et alte ingemiscens ita dixerit, Ergo fieri non poterat, ut mea tam impia et conscelerata facinora Deum laterent: quin me celer pœna cognatæ cædis inuasit. Et quousque, o corpus impudentissimum, retinebis debitam fratrum matrisque manibus animam? Cur vero non vniuersam reddis, sed paulatim meum sanguinem iis libo: quos nefarie interfeci? Hæc fatus, moritur inter loquendum. Regnavit vnum annum, et Græcorum amator dictus est, multaque in patriam beneficia contulit, debellata Ituræa, et multa eius regionis parte Iudææ addita: coactisque incolis, si in suis finibus manere vellent, circumcidi, et ad Iudæeorum leges vivere.

## CAPVT XX.

*Alexandri Iudeorum regis expeditiones.*

**A**Ristobulo vita defuncto, Salome eius vxor, quæ a Græcis Alexandra dicitur, solutis eius fratribus (eos enim in vinculis, vt iam diximus, habebat Aristobulus) Ianneum (qui idem est Alexander) regem creauit, qui et ætate et moderatione præstabat. Hic Alexander simulatque natus est, patri fuit inuicis, nec vnuquam per omnem vitam venit in eius conspectum. Odii causam tradunt hanc. Quum maxime amaret Hyrcanus filiorum suorum grandiores, Antigonum et Aristobulum, interrogauit Deum, (qui ei adparuit in somnis,) quisnam filiorum sibi futurus esset successor? Quumque Deus ei Iulius Alexandri formam ostendisset, grauiter ferens Hyrcanus, eum sibi omnium bonorum heredem fore: vbi ille natus est, curauit in Galilæa educandum: neque tamen Deus Hyrcanum fefellit. Igitur hic Alexander regnum adeptus, alterum fratrum regnum adsectantem peremit: alterum, otiosam vitam agere instituentem, in honore habuit. Composito deinde principatu, quomodo sibi conducere putabat, expeditionem facit in Ptolemaidem: victosque proelio compellit intra urbem, et admoto exercitu obsidet. Nam maritimarum urbium Ptolemais ei et Gaza solæ subigendæ restabant, necnon Zoilus tyrannus, qui Stratonis turrin Doræque tenebat. Ac dum Philometor Antiochus, eiusque frater Antiochus Cyzicenus, inter se bellum gerunt, suasque vires adterunt, erat nullum Ptolemaidensibus ab eis auxilium. Verum quum premerentur obsidione, adfuit Zoilus, vna cum legione militum, quam alebat: et quod propter regum nutum certamen tyrannidem adsectabat, paullulum Ptolemaidensibus auxilii ferebat. Nam neque reges eis ita fauebant, vt ab eis sperari aliquid subsidii posset. Erant enim ambo lassitudine exanimati: sed quia cedere pudebat, perseverabant: et quiescentes, atque respirantes, pugnam discebant. Supererat Ptolemaidensibus vna spes ab Aegypti regibus, et Ptolemæo Lathuro, qui a matre Cleopatra imperio deiectus, in Cyprum venerat, et eam tenebat. Igitur hunc oratum miserunt Ptolemaidenses, vt sibi suppeditas ferret: sequæ ab Alexandro liberaret. Præterea legati spem ei fecerunt, si in Syriam traiecisset, habiturum stantes a Ptolemaidensibus Gazæos et Zoilum: itemque Sidonios, et multos vna cum eis accessuros: quibus rebus elatus ille, nauigationem adornat. Interea Demenetus, homo popularis, qui tum auctoritate apud Ptolemaidenses valebat, eorum animos mutauit, dicens præstare incerto euentu periclitari cum Iudæis, quam manifestam accipere seruitutem, domino sese tradentes: et insuper non modo præsens habere bellum, sed etiam multo maius ab Aegypto. Neque enim commissuram Cleopatram, vt Ptolemæus vires sibi compararet a vicinis, sed eos magna manu adgressuram: quippe quæ Ptolemæum etiam ex Cypro deicere conetur. Esse autem Ptolemæo, si ea spe deiectus sit, receptum rursus in Cyprum: ipsis vero extremum periculum. Ita Ptolemaidenses consilium mutarunt: quo cognito Ptolemæus, qui iam profectus erat, nihilominus nauigauit, et in eam, quæ Sycaminus dicitur, adpulsus, ibi vires suas exposuit. Erat in vniuersum eius exercitus, quæ peditum, quæ equitum, ad triginta millia; quibus prope Ptolemaidem ductis, factisque castris, quum illi neque ipsius legatos admitterent, neque verba audirent, magnopere æstua-

ætuabat. Interea adeunt cum Zoilus et Gazæi, orantque, ut sibi auxilietur aduersum Iudæos et Alexandrum, a quibus eorum ager vastetur. Itaque soluit obsidionem Alexander, Ptolemæum veritus: et abducto domum exercitu, deinceps astu rem gerebat, clanculum Cleopatram aduersus Ptolemæum arcessens, aperte vero amicitiam et societatem cum eo simulans. Quinetiam quadringenta argenti talenta daturum se promisit, ea lege, ut Zoilus de medio tolleretur, et ager Iudæis adtribueretur. Ac tum quidem Ptolemæus libenter inita cum Alexandro amicitia, Zoilum in potestatem suam redigit: verum postea ubi audiuit Alexandrum clam ad matrem suam Cleopatram nuntios mittere, soluit, quod ei præstiterat iurandum: et Ptolemaidem, quæ cum non admisisset, adductus obsidet: ac relictis in obsidione ducibus, et parte copiarum, ipse cum reliquis ad populandam Iudæam proficiscitur. Alexander intellecta mente Ptolemæi, coegit et ipse ad quinquaginta incolarum millia, aut, ut nonnulli scripserunt, octoginta: et adiunctis iis copiis, Ptolemæo obuiam proficiscitur. Ptolemæus vero Asochim Galilææ oppidum Sabbato de improviso adortus, expugnat: et circiter decem corporum millia, multamque aliam prædam capit.

## CAPVT XXI.

*Ptolemæi Lathuri cum Alexandro pugna et victoria, et alia varia.*

**T**entauit et Sepphorim, quæ ab ea quam populatus erat, prope ab erat: multisque ibi anisissis, abiit conflicurus cum Alexandro. Ei occurrit Alexander apud Iordanem fluuium, ad quemdam locum nomine Asophum, et prope hostes castra fecit. Habebat in prima acie octo pugnatorum millia, qui ære tectis scutis utebantur: itemque Ptolemæi prima acies tectos ære clipeos habebat. Et ceteris quidem rebus inferiores erant Ptolemæani, eoque timidius periculum subierunt: sed non parum eis audaciæ addidit Philostephanus, aciei ordinandæ præfectus: iubens transire fluuium, qui inter castra positus erat. Alexander vero eos exitu prohibendos non existimauit, ratus si fluuium a tergo haberent, facilius superatum iri, quod ex prælio fugere nequirent. Igitur principio erat anceps et manibus et animis prælium: magnaue utriusque exercitus cædes fiebat. Quinque superiores fierent Alexandri milites, Philostephanus partitus copias, cadentibus commode subsidia mittebat: ac nemine inclinanti Iudæorum parti succurrente, fiebat ut ea pars fugeret, proximi vero non subuenirent, sed fugæ socii fierent. At Ptolemæani contra, Iudæos persequentes occidebant, et ad extremum omnibus in fugam actis, tantam eorum cadem fecerunt, ut eis et ferrum obtunderetur, et manus delatarentur. Triginta hominum millia in eo prælio occisa tradunt. Timagenes millia quinquaginta dixit: alios partim captos, partim domum fuga dilapsos. Ptolemæus post victoriam populatus agros, vesper mansit in quibusdam Iudææ pagis: quos seminarum puerorumque plenos nactus, militibus imperauit, ut eos iugularent; et frustatum disiectos in seruientia athena conicerent, ac sacrificarent, ut qui ex prælio elapsi ad eos venerant, hostes humana carne vesci arbitarentur, et ea re illos magis perterrescacerent. Expugnarunt etiam Ptolemaidem. Cleopatra vero videns filium crescere, Iudæam arbitratu suo vastare, Gazanque in sua potestate habere: statuit eum non pati, qui ad portas esset, maiorque factus Aegypti imperium cuperet. Itaque confestim cum nauali-

bus pedestribusque copiis aduersus eum proficiscitur, mandata totius exercitus cura Helciz et Ananiz Iudzis. Magnam autem facultatum suarum partem, nepotesque et testamentum ad Coos depositum inisit: iussuque filio suo Alexandro in Phœnicen ingenti cum classe nauigare, quum ea regio deditionem fecisset, ad Ptolemaidem venit: et a Ptolemaidensibus non admissa, urbem obsidet. Ptolemæus vero a Syria profectus, in Aegyptum properat, sperans ab exercitu vacuum posse de improviso opprimi: sed eum spes fefellit. Eodem tempore accidit, vt Helcias alter Cleopatrz dux moreretur in Cœlesyria, dum Ptolemæum persequitur. Et Cleopatra audito filii conatu, et vt in Aegypto non qualem sperabat successum habuisset, missa exercitus parte eum finibus expulit. Atque ille ab Aegypto iterum reuersus, Gazæ hibernauit. Cleopatra interea Ptolemaidis præsidium urbemque vi capit. Et Alexander eam cum donis et quali decebat cultura adit: quippe qui a Ptolemæo vexatus, aliud perfugium nullum haberet. Itaque quidam amicorum Cleopatrz ei suadebant, vt et dona acciperet, et regionem occuparet: neque permetteret, vt tanta bonorum Iudæorum multitudo vni viro pareret. At Ananias longe aliter consulebat, dicens iniuste facturam, si socium hominem sua potestate priuaret: idque cognatum nostrum, inquit. Neque enim ignorare te volo, si huic facta fuerit iniuria, nos omnes Iudæos tibi futuros hostes. His Ananiz monitis adducta est Cleopatra, vt Alexandrum non violaret: quin societatem cum eo fecit Scythopoli in Cœlesyria. Alexander vero Ptolemæi metu liberatus, continuo expeditionem facit in Cœlesyriam, et Gadara decem niensium obsidione capit. Cepit et Amathuntem, munitionem omnium quæ ad Iordanem sitæ erant maximam, vbi rerum suarum pulcherrimas et carissimas Theodoros Zenonis filius habebat. Is Iudæos nec opinantes adgressus, decem eorum millia interfecit, et Alexandri impedimenta deprædatus est. Tamen his Alexander non est attonitus, quin in maritimas oras Raphiam et Anthedonem (cui postea rex Herodes Agrippiadi nomen imposuit) expeditionem fecit, eamque vi cepit. Quumque videret Ptolemæum a Gaza in Cyprum, eiusque matrem Cleopatram in Aegypto se contulisse, iratus Gazæis, quoniam Ptolemæi opem implorassent, eorum urbem obsedit, agrumque vastauit. Apollodotus vero Gazzorum dux cum duobus peregrinorum millibus, et vno domesticorum, noctu Iudæorum castra inuasit: ac quantisper nox erat, vincebant Gazæi, arbitrantibus aduersariis Ptolemæum esse qui ipsos adortus esset. Verum orta die animaduerso errore, Iudæi sese confirmant, et cum Gazæis congressi, eorum circiter mille interficiunt. Tausen Gazæi resistebant, neque ob timiditatem, neque ob cæso-rum multitudinem cedebant. Adde quod eis animos faciebat Aretas Arabum rex, quem sibi auxilio venturum sperabant, quod ita promiserat. Sed accidit, vt Apollodotus ante perimeretur. Lylinachus enim eius frater ei obtrectans, quoniam apud ciues gratia valeret, eum interfecit, collectoque milite urbem Alexandro tradidit. Alexander protinus placide ingressus est: verum postea milites in Gazzos immisit, et eos vlcisci permisit. Illi vero diuersi Gazzos interficere: quamquam ne Gazæi quidem segnes animos præbuerunt, quin occurrentibus ita resisterunt, vt interfecerint Iudæorum non pauciores, quam quot erant ipsi. Nonnulli deserti domos incendunt, ne vlla præda potirentur hostes. Alii liberos vxoresque suas suis manibus occiderunt, coacti eos hostium seruitute ita liberare. Erant consiliariorum omnino quingenti, qui in Apollinis sanum confugerunt: nam accidit, vt dum capta vrbs est, senatus haberetur. Eos interfecit Alexander, simul-

simulque urbem solo æquauit, postquam eam vnum annum obsedit, atque ita Hierosolymam rediit. Ibi festis umbraculorum sit in eum gentis seditio, ac aræ adstantem et parantem sacrificare, citriis petunt (est enim ludæis mos per ea festa, vt singuli ramos ferant palmarum, atque citriorum) eique exprobrant fuisse captiuum, ideoque arcendum a sacris. Quibus ille iratus, occidit eorum ad sex millia: et exstructo circa aram et templum septo ligneo vsque ad cellam, in quam solis sacerdotibus introire fas erat, hac ratione multitudinis ad se aditum obstruxit. Alebat et peregrinos milites Pisidas et Silicas: nam Syris quidem, quod eis erat insensus, non utebatur. Item euerfis Moabitarum et Galaaditarum, qui Arabes sunt, finibus, vt inde tributum exigeret, demolitus est etiam Amathunta, Theodoro non audente cum eo congredi: et commisso cum Obeda Arabum rege prælio, delatus in insidias in locis asperis atque difficilibus, a multitudine camelorum in altam vallem detrusus est apud Gadara pagum Galaaditidis: ægreque euasit ipse, et illinc fuga Hierosolymam venit. Et præter acceptam cladem laceffit a gente, cum ea bellum gessit sex annos, occiditque Iudæorum non minus quinquaginta millia. Ac dum eos, vt similitatem deponant, hortatur, eo magis eum oderunt, propter ea, quæ acciderant mala: rogantque, quid facto opus esset, omnes clamarunt, vt moreretur: et ad Demetrium Eucærum miserunt, qui auxilium adficerent.

## CAPVT XXII.

*Demetrius Eucærus Alexandrum bello petit, et superat.*

**I**lle cum exercitu profectus, adsumtis iis qui se acciuerant, apud oppidum Sicima castra facit. Alexander vero cum mercenariorum sex millibus et ducentis, adsumtis Iudæorum circiter viginti millibus, qui eius partes tuebantur, Demetrio aduersus incedebat, habenti equitum tria millia, et peditum quadraginta millia: et multa quidem vtriusque tentata sunt, dum hic mercenarios, vtpote Græcos, ad defectionem sollicitat: ille vero stantes a Demetrio Iudæos. Sed quum neuter obtinere posset, finem prælium, in quo vincit Demetrius: mortuique sunt fideliter et foris omnes Alexandri mercenarii, nec non multi ex Demetrii militibus. Alexandro in montes fuga elapso, miserati eius fortunam, congregantur ad eum sexies mille Iudæi: ac tum metuens Demetrius discessit. Postea Iudæi bellum intulerunt Alexandro, victique frequentes occubuerunt in præliis. Ipse compulsi eorum potentissimis in oppidum Bethomam, oppugnat: captoque oppido potitus iis, adducit eos Hierosolymam, et ibi inter epulandum in conspicuo loco cum suis concubinis, imperat eorum circiter octingentos in crucem tolli: eisque adhuc viuentibus eorum liberos et vxores in ipsorum conspectu iugulat. Itaque eius aduersarii milites, qui erant circiter octo millia, noctu fugerunt: et quamdiu vixit Alexander, fugitui fuerunt. Alexander his turbis liberatus, regnavit deinceps quietissime. Et Demetrius a Iudæa Berræam profectus est: deinde iuit oppugnatum fratrem suum Philippum: sed Philippus eiusmodi auxilia habuit, vt captus sit Demetrius, et ad Mithridatem Parthorum regem perductus, vbi honorifice habitus est, donec morbo interiit. Philippus vero statim post pugnam profectus est Antiochiam, eaque potitus, Syriæ rex factus est.

## CAPVT XXIII.

*Antiochi Dionysii in Iudaeam expeditio.*

**P**ostea Antiochus cognomine Dionysius, Philippi frater, ad principatum aspirans, Damascus venit, et ibi fit rex. Deinde expeditionem fecit in Arabas. Quibus auditis, Philippus Damascus se contulit: eaque potius, rursus eam perdidit opera Milesii, cuius eiusdem opera eam obtinuerat: qui eam seruare voluit Antiocho. His auditis, Antiochus reuertitur ab Arabia, confestimque ducit in Iudaeam peditem octo millia, et equites octingentos. Eius aduentu veritus Alexander, altam fossam ducit a Chabarzaba (que nunc Antipatris appellatur) ad Ioppicuni mare, qua sola parte aditus patebat: excitatoque muro, et ligneis turtibus, et pluteis, per stadia centum quinquaginta Antiochum opperitur. Ille vero illo omni opere incenso, copias illac traiecit in Arabiam. Arabs primum cessit, deinde cum decem equitum millibus repente sese ostendit: cum quibus congressus Antiochus, acriter dimicauit, et quidem vincens occubuit, dum laboranti parti subuenit. Occiso Antiocho, exercitus fugit in vicum Canani, ubi plurima eorum pars fame confecta est. Post Antiochum regnauit Arctas in Coele Syria, vocatus ad principatum ab iis qui Damascus tenebant, odio Ptolemy Mennxi. Inde duxit in Iudaeam exercitum, et Alexandro apud Addidam locum praelio victo, facta pace discessit ex Iudaea. Alexander vero adgressus iterum Diam urbem, capit, deinde exercitum ducit ad Esam, ubi erant Zenonis optima quaeque, locumque triplici muro cingit: et expugnato oppido, ad Gaulanam et Seleuciam contendit: et his quoque potius, cepit etiam Antiochi vallem, et praesidium Gamala: et grauiter de Demetrio eorum locorum praefecto conquestus, ei prouinciam ademittit: atque ita confuso in ea expeditione triennio, domum repetiit, Iudeis cum magno studio ob res feliciter gestas excipientibus. Eo tempore iam Syrorum et Idumaeorum et Phoenicum vrbes tenebant Iudaei, ad mare Stratonis turris, Apolloniam, Ioppem, Iamnam, Azotum, Gazam, Anthedonem, Rhiniam, et Rinocturam. Mediterraneas autem apud Idumaeam, Adora, Marissam, Samariam, montem Carmelum, montem Taborem, Scythopolim, Gadara, Gaulanitidem, Seleuciam et Gabala. Moabitidas autem, Eschbonem, Medabam, Lembam, Oronas, Telithonem, Zaram, Ciliciam valleri, et Pellam: quam quidem euerterunt, recusantibus incolis in patrios Iudeorum mores concedere. Tenebant et alias Syriae vrbes praecipuas, quae erant euerse. Postea Alexander ex ebrietate lapsus in morbum, et tribus annis quartana febre vexatus, tamen nihilia non destitit: donec laboribus exhaustus obiit in Gerasenorum montibus, obfidens praesidium Ragaba trans Iordanem. Regina autem videns eum iam in extremis esse, flebat et lamentabatur, se suosque natos deplorans, qui deserti relinquerentur, propterea quod Alexander nationi esset iniuius. Ille vero ei consuluit, quo regnum tuto pueris conseruaret, vt mortem suam milites celaret, donec locum expugnasset. Deinde victoriam adepta, splendide Hierosolymam se conferret, et Phariseis potestatem aliquam praerberet. Hos enim eam ob honorem laudantes, conciliaturos ei nationis beneuolentiam. Posse autem apud Iudeos multum, et ledere quos oderint, et iuuare, quibus bene velint: maxime enim eis vulgo credi, si de quopiam, quamuis per inuidiam, maledicerent: seque adeo in odium gentis propter eos incurrisse, quod eos adficerent

con-

contumelia. Quare tu, ubi Hierosolymam perueneris, arcesito eorum pri-  
marios, et ostensio meo corpore, potestatem eis facito, probe composita ad fi-  
dem oratione, vtendi me arbitrato suo; teque nihil in regno sine eorum sen-  
tentia facturam promittito. Hæc te ad eos locuta, et ego iplendidiore funere  
ab eis effentis, quam a te effertur, propterea quod, quia eis meo corpori illu-  
dere licebit, non libebit: et tu tuto regnabis. Hæc ille postquam  
uxorem monuit, vitam finiit, quum quidem regnasset annos vigintiseptem,  
vixisset vndequinquaginta.

## CAPVT XXIII.

*Post obitum Alexandri, eius vxor Alexandra regnum tenet.*

**A**lexandra vero expugnato presidio, vt mariti monita postulabant, Pha-  
rifeos conuenit, et omnibus in eorum potestate positis, tum de mortuo,  
tum de regno, eorum in Alexandrum iram sedauit, eosque beneuolos  
et amicos reddidit. Itaque in vulgus progressi conciones habebant, res gestas  
Alexandri celebrantes, et iustum sibi regem periisse dicentes: tantumque lau-  
dationibus effecerunt, vt populus eum luxerit atque deplorauerit: ita vt ma-  
gnificentius sit elatus, quam quisquam eorum regum qui eum antecesserant.  
Reliquit Alexander filios duos, Hyrcanum et Aristobulum: sed regnum Alex-  
andra testamento commisit. Ex pueris erat Hyrcanus ad res administrandas  
parum habilis, et otiose vitæ magis amans: iunior vero Aristobulus nauus e-  
rat et audax: tamen mulier erat in multitudine gratia, propterea quod ma-  
riti peccata grauiter ferre videbatur. Ea pontificem fecit Hyrcanum, quum  
propter ætatem, tum multo magis propter eius segnitiam, et omnia Phariseis  
gerenda permisit: eisque multitudinem obedire iussit. Quod si quod institutum  
Hyrcanus eius focer aboleuerat, eorumque Pharisei a patribus accepta  
tradiderant, id illa restituit: denique regni nomen habebat ipsa, sed potesta-  
tem habebant Pharisei. Nam et exfules reuocabant, et victos soluebant, et  
vt in pauca conferam, nihil a dominis differebant. Quamquam et femina re-  
gni curam gerebat, multosque milites conduxit, et suas vires maiores effecit, a-  
deo vt finitimos tyrannos terruerit, et obsides ab eis acceperit: eratque vniuer-  
sa regio quæta, exceptis Phariseis. Hi enim reginam turbabant, suadentes vt  
eos interficeret, qui Alexandrum monuerant, vt quos supra diximus, octingen-  
tos necaret. Tandemque ipsi eorum vnum occiderunt, nomine Diogenem:  
et post eum alios super alios, donec tandem potentiores in regiam ingressi, vna  
cum Aristobulo (videbatur enim ægre ferre quæ siebant: et præ se ferebat,  
si semel vires nactus esset, non se ea permissurum matri) reginæ demon-  
strant quantis rebus quanta per pericula feliciter gestis, suam fidem Domi-  
no probauerint, pro quibus ab eo magna præmia consecuti sint: orantque  
ne suas spes velit prorsus in contrarium vertere. Elapsos enim ex hostium  
periculo, nunc domi ab inimicis mactari more pecudum, insultos. Quod si  
aduersarii iam interfecit contenti sint, eo se esse in dominos animo, vt præ-  
teritos casus modice laturi sint. Sin in eo perseverare velint, petere se mis-  
sionem. Neque enim eos esse, qui sine regina salutem vllam sibi quæri  
sustineant: quin libenter in regia moriuri sint, si ipsis venia non detur.  
Turpe quidem et ipsis esse, et reginæ, si ab ea neglecti, a mariti aduersa-  
riis admittantur. Quiduis enim merituros Aretam Arabem, ceterosque  
principes, si liceat conducere tot viros, quorum vel nomen fortassis terri-  
bile sit eis prius quam auditum. Quod si hoc non placeat, at certe si Phari-  
seis tantum tribuere statuit, se diuersos in presidii disponat. Si enim vs-  
que

que adeo Alexandri domum agitent, nescio quæ, intemperizæ, se quidem non recusare, quo minus in humili conditione uiuant. Hæc illis et alia multa dicentibus, et ad mortuorum periclitantiumque misericordiam Alexandri manes inuocantibus, omnes circumstantes in lacrimas proruperunt: et maxime Aristobulus, quomodo esset animatus, ostendebat, multum matrem obuiurgans. Itaque ipsa non habens quid honeste faceret, custodiam locorum eis commisit, excepta Hyrcania, et Alexandrio, et Macharunte, ubi pretiosissima quæque habebat. Et haud multo post filium suum Aristobulum cum exercitu misit Damascum, aduersus Ptolemæum Menæum, qui grauis erat urbi vicinus: sed Aristobulus nulla re memorabili gesta, reuersus est. Eo tempore nuntiatur Tigranes Armeniorum rex cum quingentis hominum milibus inuasisse Syriam, et adorturus Iudæam: quare territa regina atque gens, multa ei magnique pretii dona mittunt, obsidenti Ptolemaidem. Regina enim Selene, quæ et Cleopatra dicebatur, Syriæ impetrabat: ea incolas induxit, ut Tigrani portas clauderent. Igitur cum conuenerunt legati, et ut de regina deque gente Iudæorum nihil nisi bonum statueret, orarunt. Ille collaudatis eis, quod ex longinquo se coluissent, bonam spem ei fecit. Iam vero Ptolemaide modo capta, nuntiatur Tigrani, Lucullum, dum Mithridatem persequitur, illum quidem non esse adsecutum, quia in Iberos effugisset: sed Armeniam depopulatum esse, atque oppugnare. Itaque Tigranes his cognitis, domum se recipere contendit. Post hæc regina difficili morbo correpta, Aristobulus adgrediendas sibi res arbitratus, noctu clam egressus cum vno famulo, adit præsidia, ubi paternos amicos dispositos habebat. Iampridem enim iniquo animo ferens facta matris, longe etiam magis timebat, ne ea mortua, eius vniuersum genus esset in Phariseorum potestate: videbat enim infirmitatem fratris, qui in principatum successurus erat. Eius facti conscia erat sola coniux, quam ibi cum prole sua reliquit. Ac primum ad Agaba profectus, ubi Galæstes homo potens erat, admissus est ab eo. Orta autem die, sensit regina fugam Aristobuli, et aliquamdiu arbitrata est non rerum nouarum studio discessisse. Verum postquam alii super alios venerunt, qui nuntiarent illum primum occupasse, deinde secundum, et omnia (statim enim facto ab vno initio, omnia ad illius arbitrium sequebantur) tum vero in maximis turbis esse, tam regina quam gens. Videbant enim, non multum abesse Aristobulum, quin sibi principatum confirmare posset: maximeque metuebant, ne poenam irrogaret eis, quoniam in eius domum debacchati fuissent. Itaque visum est eis, eius uxorem et liberos in præsidio collocare, quod supra sanum erat. Aristobulus autem tam magnam manum fecit, ut iam ornatu regio stiparetur. Nam diebus fere quindecim occupauit loca vigintiduo, quibus opibus exercitum colligebat a Libano et Trachone, et principibus. Homines enim maiorem partem sequentes, facile obtemperabant: accedebat eo, quod sperabant, si eum in rebus non speratis adiuuissent, non minus se quoque futuros in regno, ut qui ei eius obtinendi causa exstitissent. Iudæorum vero seniores, et Hyrcanus, reginam adierunt, et ut super instantibus periculis consilium daret, orarunt. At illa iussit, ut quod utile iudicaret, id facerent: restare eis multas facultates, gentem validam, exercitum, et fisci pecuniam: sibi quidem parum iam curæ esse negotia, postquam iam corpore deficeretur. Hæc fata, non multo post obiit, quam quidem regnasset annos nouem, vixisset tres et septuaginta.



FLAVII IOSEPHI ANTIQVITATVM IVDAICARVM  
LIBER DECIMVS QVARTVS.

## CAPVT I.

*Aristobuli et Hyrcani de regno bellum, usque inter eos ita commenerit, ut  
Aristobulus regnaret, Hyrcanus priuatam vitam degeret.*

**I**gitur quum Hyrcanus pontificatum iniisset, Quinto Hortensio, Quinto Metello consulibus, bellum ei confestim intulit Aristobulus: et commissum apud Hierichuntem prælio, multi de Hyrcani militibus ad fratrem defecerunt. Quò factò, fugit in arcem Hyrcanus, in qua Aristobuli vxor et liberi a matre in custodiam dati fuerant, ut iam diximus: et aduersarios, qui intra templi septum confugerant, expugnauit. Deinde cum fratre de compositione verba fecit, pacemque composuit iis conditionibus, ut regnaret Aristobulus, ipse otiosam vitam ageret, suisque facultatibus fruere placide. Hoc fœdere factò, in eorum præsentia, qui erant in templo, quum quidem pacta iureiurando et dexteris confirmassent, et inuicem spectante vniuersa multitudo complexi fuissent, discesserunt: Aristobulus in regiam: Hyrcanus, ut homo priuatus, in ædes Aristobuli.

## CAPVT II.

*De Antipatro, et eius genere: et quomodo ad claritatem et potentiam  
ipse eiusque filii peruenierint: item Hyrcani fuga ad Aretam  
regem Arabum.*

**E**Rat Hyrcano amicus quidam Idumæus, nomine Antipater, homo pecuniosus, natura nauius et seditiosus, qui ab Aristobulo dissidebat Hyrcani beneuolentia. Hic Antipater, Antipas primum dicebatur, patre eiusdem nominis: quem quum rex Alexander et eius vxor totius Idumææ præfectum constituissent, aiunt fecisse amicitiam cum Arabibus, et Gazæis, et Ascalonitis, qui secum sentirent, eosque sibi multis et magnis muneribus conciliauisse. Igitur hic iuuenis Antipater suspectam habens Aristobuli potentiam, et sibi propter suum in illum odium metuens, excitat aduersus eum clandestinis colloquiis Iudæorum primates: iniquum esse dicens, pati, ut Aristobulus iniuste principatu potiatur: et de eo fratrem deiecerit, cui propter ætatem deberetur imperium. Hos ille sermones adfudit cum Hyrcano habebat: eique de vita periculum esse dicebat, nisi cauere, et illum de medio tolleret. Amicos enim Aristobuli nullum omittere tempus, quin ei confulerent, ut Hyrcanum tolleret, quasi ita demum firmum habiturus principatum. His sermonibus Hyrcanus non credebat, quod erat natura bonus, et calumniam pro sua æquitate haud facile admittebat. Igitur Antipater, ubi Hyrcanum suis dictis aurem non præbere videt, non desinebat quotidie Aristobulum apud eum fictis criminibus in inuidiam vocare, quasi qui eum vellet interficere: vixque tandem perpulit, ut ad Aretam Arabum regem perfugeret, pollicitus, si sibi obtemperasset, se ei opem esse laturum. Itaque misit Hyrcanus primum Antipatrum ad regem Arabum, ut ab eo fidem acciperet, non esse inimicis traditurum, si ad eum supplex vehisset Hyrcanus. Hac fide accepta, Antipater ad Hyrcanum rediit Hierosoly-

mam: et haud multo post adfunito eo, noctu egressus vrbe, et longe itinere expedito, cum in urbem Petram perducit, ubi erat Aretæ regia: et vt regi in primis amicus, orat, vt Hyrcanum reducat in Iudæam: et idem singulis diebus sine intermissione faciendo, quinetiam dona dando, persuadet. Neque non Hyrcanus Aretæ promisit, si rediit, et in regnum restitutus esset, redditorum regionem, et duodecim vrbes, quas Alexander ipse pater ab Arabum rege abstulisset. Ex erant, Medaba, Naballo, Libias, Tharabasa, Agalla, Athone, Zoara, Oronz, Marissa, Rydda, Lussa, et Oryba.

## CAPVT III.

*Aristobulus prælio victus Hierosolymam compellitur.*

**H**is promissis perinotus Aretas, expeditionem fecit in Aristobulum, cum quinquaginta equitum simul et peditum millibus, eumque prælio vicit: postquam victoriam quum multi ad Hyrcanum descisissent, desertus Aristobulus, Hierosolymam fugit. At rex Arabum vna cum toto exercitu sanum adgressus, oppugnat Aristobulum, populo ab Hyrcano stante, et oppugnationem adiuvante, solis sacerdotibus Aristobulum defendentibus. Igitur Aretas, iunctis Arabum Iudæorumque castris, obsidionem acriter vrget, id quod tempore festorum Paschæ factum est: quamobrem Iudæorum præcipui, relictis suis sinibus, fugerunt in Aegyptum. Erat quidam Onias vir iustus, et Dei amicus, qui aliquando quum siccitas esset, pluuiam a Deo precibus impetrauerat, et ardores depulerat: is sese abdidit, quoniam durare seditionem videbat. Sed illi eo in Iudæorum castra perducto, postulant, vt quemadmodum siccitatem precibus finierat, ita nunc Aristobulum et eius factionis homines diris ageret. Quumque contradicens et deprecans, coactus esset a multitudine, stans in medio eorum sic satur: O Deus rex vniuersitatis, quandoquidem qui mecum nunc stant, tuus populus est: Itemque qui obsidentur, sacerdotes tui sunt: precor, vt neque contra hos illos audias, neque quæ hi contra illos orant, ad exitum perducas. Hæc illum precatum circumstantes Iudæorum pessimi quique, lapidibus necarunt: cuius rei penam Deus eis mox irrogauit, vt iam dicemus. Aristobulus et sacerdotes obsessi, petierunt ab obsessoribus, vt quoniam eiusdem gentis essent, victimas sibi in Pascha præberent, et pro iis quantam vellent pecuniam acciperent. Quumque illi in singula capita mille drachmas exigenter, Aristobulus et sacerdotes conditionem libenter acceperunt, et demissam per muros pecuniam illis dederunt. At illi accepta pecunia, victimas non præbuerant. Itaque decepti contra fidem datam sacerdotes, Deum orarunt, vt se in consanguineos suos vlcisceretur: id quod ille nulla interposita mora fecit. Nam inimisso magno violentoque vento, totius regionis fruges corruptæ, adeo vt tritici modius vndecim drachmis emeretur.

## CAPVT IIII.

*Hyrcani et Aristobuli legationes de auxilio ad Scaurum.*

**I**nterea mittit Scaurum in Syriam Pompeius, qui erat in Armenia, et adhuc aduersus Tigranem belligerabat. Scaurus ad Damascum profectus, Lolliumque et Metellum, qui modo urbem ceperant, nactus, ipse in Iudæam contendit. Eo postquam venit, conueniunt eum ab Aristobulo et ab Hyrcano legati, auxilium postulantes vtrique, pollicente Aristobulo quadringenta talenta, Hyrcano vero non pauciora. At ille Aristobuli promissionem accepit, quippe hominis pecuniosi et magnifici, et æquiora postulan-

tis:

tis: quum Hyrcanus pauper et parcus esset, et incredibilia polliceretur, quum maiora postularet. Nec enim eiusdem facilitatis erat, urbem expugnare: longè minutissimam atque potentissimam, aut fugitivos depellere cum Nabatæorum turba ad bellum non admodum idonea. Hæc ob causas cum Aristobulo paciscitur: acceptaque pecunia soluit obsidionem, iubens Arctam discedere, nisi velit Romanorum hostis declarari. Et Scaurus quidem Damascum iterum petiit. Aristobulus vero cum magnis copiis in Arctam et Hyrcanum expeditionem fecit: et cum eis ad locum, qui Papyron adpellatur, congressus, prælio superat: et hostium circiter 7000 interfecit, cum quibus cecidit Cæpualio frater Antipatri.

## CAPVT V.

*Aristobulus et Hyrcanus Pompeium conueniunt de regno disceptaturi.*

**N**on multo post, quum Pompeius Damascum venisset, et Cælesyriam obiret, venerunt ad eum legati ex tota Syria et Aegypto et Iudæa. Misit enim ei ingens donum Aristobulus, vitem auream ex quingentis talentis. Itemque non multo post venerunt rursus ad eum legati, Antipater pro Hyrcano, et Nicodemus pro Aristobulo, qui Nicodemus eos accusauit, qui pecunias acceperant, primum Gabinium, deinde Scaurum: quorum hic quinquaginta, ille trecenta talenta acceperat: quæ accusatio hos quoque præter alios Hyrcano fecit inimicos. Pompeius iussis iis, qui controuersias habebant, inuente vere venire, educto ex hybernis exercitu, in Damascenum agrum contendit: et in transitu arcein Apamiæ, quam tenebat Cyzicenus Antiochus, solo æquauit: et Ptolemæi Mennæ filii regionem considerauit, hominis mali, qui mille talentis peccatorum suorum poenam redemit, quibus Pompeius militibus stipendium soluit. Expugnauit et Lyfiadem, cuius loci tyrannus erat Silas Iudæus. Hoc facto venit Damascum, vbi Iudæos eorumque duces audiuit, videlicet Hyrcanum et Aristobulum, qui et ipsi inter sese dissidebant, et gens ab utroque. Imperium enim detrectabat: quippe patrium esse sacerdotibus eius Dei, qui apud ipsos coleretur, ut obedirent: nunc hos sacerdotibus prognatos, conari in aliam principatus rationem transferre gentem, ut in seruitutem redigatur. Hyrcanus Aristobulum accusabat, quod ab eo grandior ipse, priuatus esset iure ætatis: paruumque terræ partem sub se haberet, reliquam vi abstulisset Aristobulus: eumque eisdem criminabatur, qui et incursionum in finitimos agros, et in mari piratarum auctor exstitisset: gentem quidem nunquam fuisse rebellaturam, nisi ille violentus et turbidus fuisset. Atque hæc ei adtestabantur supra mille de Iudæorum illustrissimis, ab Antipatro subornati. Aristobulus vero cum principatu excidisse suæ ipsius naturæ culpa contendebat, quæ ignaua esset, ideoque facile contemneretur: se vero, ne imperium ad alios transferretur, id necessario subiisse, quod si rex adpellaretur, et patrem suum Alexandrum idem ante se adpellatum fuisse. Atque harum testes citabat iuvenes quosdam intolentiores, purpura et coma, et reliquo nobilitatis inuidioso ornatu comotos, quem non quasi causam dicturi, sed quasi pompam obituri sumferant. Pompeius his auditis, Aristobulum de vi condemnauit, ac tum eos comiter adlocutus dimisit: seque in eorum terram profectum, omnia compositurum dixit, postquam prius Nabatæorum res inspexisset. Interea quietos se tenere iussit: Aristobulum simul colens, ne nationem auerteret, quæ res ipsi Pompeio aditus præcluderet. Neque tamen non est id ab Aristobulo factum. Nam nulla re ex-

spectata earum, de quibus cum eo Pompeius collocutus erat, in urbem Delivm, et inde in Iudæam profectus est.

## CAPVT VI.

*Pompeius callide præsidia occupat.*

**H**is iratus Pompeius, adsumto quem in Nabatæos ducebat exercitu, et a Damasco reliquaque Syria auxilio cum his quas habebat legionibus romanis in expeditionem profectus est aduersus Aristobulum. Atque vbi præterita Pella et Scythopoli, ad Coreas venit, quod per mediterranea obeunti initium est Iudææ, misit significatum Aristobulo (qui se in pulcherrimum castellum Alexandrium, illic in montis vertice situm, receperat) vt ad se veniret. Ille, monentibus multis, ne cum Romanis bellum gereret, descendit: et postquam cum fratre de potentatu disceptauit, iterum in arcem ascendit permisso Pompeii: idque iterum et tertio fecit, simul spe regni Pompeio obsecundans, et ad omnia eius imperata se obedientem esse simulans: simul in castellum se, ne vires amitteret, recipiens, et ad bellandum opes sibi parans, veritus ne principatum Pompeius transferret ad Hyrcanum. Ac iubente Pompeio, vt castella traderet, et præsidiorum præfectis sua manu scriberet (alioquin interdictum erat, ne Pompeium admitterent) paruit ille quidem: sed ægre id ferens, Hierosolymam concessit, seque ad bellum præparauit. Atque haud multo post, Pompeio aduersus eum copias ducenti, quidam in via, qui a Pontò venerant, Mithridatis obitum nuntiant, qui a Pharnace filio suo peremptus erat.

## CAPVT VII.

*Hierosolymitani portas Romanis claudunt.*

**Q**uamque apud Hierichuntem castra habuisset, mane Hierosolymam contendit. Et Aristobulus mutata sententia, eum adit, et pecuniam offert: seque eum intra Hierosolymam admissurum dicit: orat vt bello supersedeat, et quæ velit cum pace faciat. Itaque veniam dans oranti Pompeius, Gabinium mittit et milites, ad pecuniam et urbem accipiendam: neque tamen quidquam horum factum est. Quin reuersus est Gabinius urbe exclusus, nec accepta pecunia, quod Aristobuli milites conuenta seruari non permiserunt. Has ob causas ira incensus Pompeius, Aristobulum in custodiam dat: ipse ad urbem vadit, cetera firmam, tantum septemtrionali parte leuius munitam. Circumdabat enim eam lata profundaue vallis, intra se sanum comprehendens, lapideo muro firmissime cinctum.

## CAPVT VIII.

*Pompeius sanum et inferiorem urbem expugnat.*

**E**Rat autem hominum intus dissidium, dum alii dedendam urbem Pompeio censent: alii, qui Aristobulo fauebant, claudendas portas, et armis repugnandum monent: quosiam Aristobulus in vinculis haberetur. Atque hi sanum occuparunt, et pontem, qui ab eo in urbem ferebat, interruperunt, sese ad sustinendam obsidionem parantes. Alii admissio exercitu, urbem Pompeio et regiam tradiderunt. Pompeius missio

Pisone

Piso. legato cum exercitu, urbem et regiam prædiis firmat: domosque sano adiacentes, et omnia quæ foris circa templum erant munit: ac primum iis, qui intus erant, de pace verba facit. Deinde quum illi in quas offerebat condiciones non descenderent, circumiecta loca muro sepit, Hyrcano ad omnia studiose ei subseruiente: ipse castra collocauit extra, a sani parte septentrionali, qua erat expugnabile. Stabant et ibi magnæ turres, et depressa fossa, circumdante profunda valle. Erat enim prærupta pars ea, quæ in urbem spectabat, interrupto ponte, qua parte degebat Pompeius, et agger quotidie magno labore surgebat, secantibus proximas arbores Romanis. Perfecto opere, et fossa ægre, propter infinitam altitudinem completa, Pompeius admotis machinis, et tormentis a Tyro adlatis, sanum saxis missilibus quater institit. Quod nisi nobis patrium fuisset, septimis diebus ferari, non fuisset perfectus agger, illis prohibentibus. Proelio enim lacescentes et ferientes hostes repellere permittit lex: sed aliud quidpiam agens, non patitur. Id intelligentes Romani, sabbatis neque Iudeos telis petebant, neque cum eis manus conserebant: sed aggerem et turres excitabant, et machinas admovebant, quibus postridie vrentur. Interea sacerdotes nihilo secius reum diuinam ad aram bis quotidie facere, mane et hora nona: neque si quid in oppugnatione detrimenti acceptum erat, sacrificia onittere. Etenim capta vrbe (id quod accidit mense tertio, die ieiunii, Gaio Ant. et M. Tul. Cic. consilibus) cum vi ingressi hostes eos qui erant in sano iugularent: tamen qui sacra procurabant, nihilo secius rem diuinam facere perseuerabant. Igitur postquam adnota machina, concussa maxima turrium cecidit, secumque ruinam traxit, irruerunt hostes, et omnia cæde complerunt: ac Iudeorum alii a Romanis, alii a suis occidebantur: nonnulli per prærupta sese deiciebant, aut succensis domibus seipso comburebant: cecideruntque Iudeorum ad duodecim millia, Romanorum autem perpauca. Captus est Absalomus, Aristobuli auunculus, et idem focer. Pompeius vero, et eius comitum non pauci, in penetrale ingressi sunt, quod antea acciderat nunquam, et ea viderunt, quæ solis pontificibus videre fas erat. Quamquam templi suppellectilem, et aromata, et sacram pecuniam (ea erat ad duo millia talentorum) non attigit: ac postridie æditimis, ut sanum purgarent, iussit, utque Deo libarentur, quæ lex iuberet: et pontificatum restituit Hyrcano, tum propter alia eius erga se officia, tum quia Iudeos incolas Aristobulo auxiliari prohibuerat. Item belli auctores securi percussit, et Hierosolimam Romanis vestigalem fecit: quæque Cælesyriæ oppida incolæ subegerant, ab eis abstulit, et Romano prætori subiecit: vniuersamque gentem, quæ prius tantopere efferebatur, intra suos fines conclusit. Idem Gadara paullo ante euersa instaurauit, in gratiam Demetrii Gadarensis, liberti sui. Reliqua oppida, Hippum, Scythopolim, Pellam, Dium, Samariam, itemque Marissam, Azotum, Iamnam, et Arethusam, suis habitatoribus restituit. Hæc omnia oppida mediterranea, præter euersa: itemque maritima, Gazam, Ioppem, Dora, et turtum Stratonis, Pompeius libera esse suavit, provinciæque adtribuit. Deinde Cælesyria vsque ad Euphratem Scauro tradita, necnon duabus Romanorum legionibus in Ciliciam contendit, Romam ire festinans. Duxit etiam secum Aristobulum vinctum, cum eius prole, videlicet duabus filiabus, et totidem filiis: quorum Alexander aufugit, iunior vero Antigonus Romam vna cum suis sororibus deportatus est.

## CAPVT VIII.

*Scaurus in Petram facit expeditionem: et Antipater Arabi persuadet, ut cum eo foedus faciat.*

**Q**Uum autem Scaurus in Petram (ea est Arabia regia) expeditionem fecisset, et propter difficillimum ad eam aditum, finitimum agrum depopularetur, et exercitus fame laboraret, Antipater Hyrcani iussu frumentum ex Iudæa, et alia, quibus opus erat, præbebat: missusque ad Aretam legatus a Scauro, quoniam eius hospes esset, persuasit, ut pecunia vastationem agri redimeret: et ipse trecentorum talentorum sponsor fuit. His conditionibus Scaurus bellum finivit: neque minus eo lætatus est, quam ipse Aretas.

## CAPVT X.

*Alexander a Gabinio pugna victus, et in castellum quoddam compulsus obsidetur.*

**A**Liquanto tempore post Alexandro Aristobuli filio Iudæam incurstante, imperator Gabinus Roma venit in Syriam: et præter alia memoratu digna, in Alexandrum arma mouit, quum quidem Hyrcanus Alexandri vires sustinere amplius nequiret, sed iam Hierosolymæ murum a Pompeio dirutum erigere institueret, quod fieri prohibuerunt, qui illic erant Romani. Itaque regionem obiens multos Iudæorum arnabat, collegitque celeriter decem nulla peditum, et mille quingentos equites, et Alexandrum munire adgressus est (id apud Coreas castellum est) et Machæruntem apud montes Arabiæ. Igitur cum adgreditur Gabinus, præmissis Marco Antonio cum aliis ducibus, qui armatis quos ducebant Romanis, et præterea Iudæis, qui eis parebant, quibus Pitholaus et Malichus præfecti erant, assumpto insuper Antipatri auxilio, obuiam iuerunt Alexandro, sequente cum graui armatura Gabinio. Alexander vero prope Hierosolymam se recepit, et commissio ibi prælio, interfecerunt Romani hostium circiter tria millia, ceperuntque non pauciores. Interea Gabinus ad Alexandrium profectus, eos qui intus erant inuitabat ad compositionem, veniam eis ante peccatorum sese daturum promittens. Deinde relicta ibi parte exercitus, ad expugnandum locum ipse in reliquam Iudæam proficiscitur: ac in quæcumque incidebat enersa oppida, instaurari iubebat. Itaque resecta sunt Samaria, Azotus, Scythopolis, Anthedon, Raphia, Dora, Marissa, Gaza, et alia non paucæ: dumque homines Gabinii maudatis parent, accidit tum vt ea oppida tuto incolerentur, postquam diu deserta fuerant. His ille per regionem factis, reuertitur ad Alexandrium: et dum obsidionem intendit, mittit ad eum legationem Alexander, veniam petens, et de castellis tradens Hyrcaniam et Machæruntem, tandemque etiam Alexandrium, quæ quidem Gabinus diruit. Quumque mater Alexandri, quæ Romanorum partes propterea fovebat, quod eius vir ceterique liberi Romæ habebantur, ad eum venisset, concessit ei quæ postulabat: et compositis eius negotiis, Hyrcanum duxit Hierosolymam, habiturum sani curam. Deinde constituit quinque iuridicis conuentibus, in totidem partes gentem diuisit, ita vt alii ius peterent ad Hierosolymam, alii ad Gadara, alii ad Amathuntem, quarti ad Hierichuntem, et quinti ad Samphora Galilææ. Ita principatu liberati Iudæi, deinceps ab optimatibus regebantur.

## CAPVT XI.

*Aristobulum a Roma in Iudeam profugum comprehendit Gabinius, Romanque reuertitur.*

**Q**Uum autem Aristobulus Roma in Iudzam profugisset, et Alexandrium, quod nuper fuerat euersum, reficere institueret, misit Gabinius aduersus eum milites, et duces Sisennam et Antonium, et Seruilium, qui locum ab eo occupari prohiberent, ipsumque comprehenderent. Multi autem Iudeorum ad Aristobulum consuebant, tum propter veterem eius gloriam, tum quia nouis rebus studebant: itaque Pitholaus quidam, qui Hierosolymis legatus erat, cum mille hominibus ad eum per fugit. Sed eorum qui ei se adiungebant, plerique erant inermes: itaque quum ad Macharuntem se conferre statuisset Aristobulus, eos dimisit, quod non essent instructi, adsumtisque armatis, qui erant circiter octo millia, profectus est. Sed Romanis eos acriter adgressis, victi sunt egregie Iudei: et animose proliati, hostium vi in fugam versi sunt, amissis suorum ad quinque millia. Reliqui palantes, vt poterant, sibi consulere conabantur. Aristobulus tamen, plus mille secum habens, effugit ad Macharuntem, locumque munire instituit: et quamuis rebus adstrictis, nihilominus bonas spes habebat. Sed postquam duos dies obsidionem sustinuit, multis vulneribus acceptis, capitur cum Antigono filio suo, qui vna cum eo Roma auferat, et ad Gabinium ducitur, atque ita Romam iterum mittitur, quum quidem rex et pontifex fuisset annos tres et sex menses, vir præclarus et magni animi. Verum eius liberos dimisit senatus, propterea quod scripsit Gabinius, id se eorum matri castella tradenti promississe: atque ita redire tum in Iudeam. Gabinius vero dum in Parthos ducit exercitum, traiecto iam Euphrate, mutauit sententiam: reuersusque est in Aegyptum, vt ibi Ptolemæum in integrum restitueret. Atque in ea quidem expeditione quam fecit aduersus Hyrcanum, Antipater ei frumentum et arma et pecuniam suppeditauit: eique Iudeos, qui supra Pelusium collocati, custodes erant adituum Aegypti, conciliauit, sociosque fecit. Deinde reuersus ex Aegypto Gabinius, Syriam offendit seditione et tumultu laborantem. Nam Aristobuli filius Alexander, recuperato iterum per vim principatu, multos Iudeorum ad defectionem impulit: ingentique manu regionem incurans, interficiebat quotquot nactus erat Romanos, qui in montem Garizim confugerant, eosque acriter obsidebat. Igitur Gabinius hunc Syriæ statum nactus, Antipatrum hominem prudentem præmittit ad rebelles, si forte eos ad sanio rem mentem reducere posset. Antipater eo profectus, multos ad sanitatem redixit: verum Alexandrum retinere non potuit. Quum enim triginta Iudeorum millia haberet, obuiam iuit Gabinio: et cum eo congressus, victus est, amissis suorum decem millibus, apud montem Taborem. Deinde Gabinius constitutus ad Antipatri voluntatem vrbis Hierosolymæ rebus, in Nabatæos vadit, eosque prælio superat. Hoc facto Romam repetiit, tradita Crasso prouincia.

## CAPVT XII.

*Crassus in expeditione contra Parthos in Iudeam ascendit, sacrasque pecunias depeculatur.*

**C**RASSUS autem in Parthos expeditionem parans, venit in Iudzam: et sublata quæ in templo erat pecunia, quam Pompeius reliquerat, (ea erat duo millia talentorum,) paratus erat omni auro (ea erant octo millia

millia talentorum) spoliare templum. Cepit et trabem folido auro factam ex minis trecentis, (vna mina apud nos valet duas libras et dimidiam,) quam quidem trabem ei tradidit quaestor sacerdos Eleazarus, non malitia ille quidem, quippe vir bonus et iustus. Sed quum concedit haberet velorum templi custodiam, quæ et pulchritudine miranda, et opere sumptuosa erant, et ab ea trabe dependebant, videretque Crassum colligendo auro incumbentem, metuens de vniuerso templi ornatu, trabem ei auream, in omnium redemptionem dedit: quum quidem eum iurciurando adstrinxisset, nihil aliud ex templo moturum, sed eo contentum fore, quod ab ipso daretur, quod quidem esset multorum millium. Erat autem ea trabs in lignea trabe cava, quam rem solus sciebat Eleazarus. At Crassus et hanc, tamquam nihil aliud tacturus eorum quæ essent in templo, sumxit: et contra iniurandum omne templi aurum sustulit, quod quidem erat urbis ærarium. Num Iudæi nullum habent publicum thesaurum, sed tantum diuinum. Deinde omnibus arbitrato sua compositis, in Parthyæam profectus est, et ibi cum vniuerso exercitu concisus. Cassius vero in Syriam fugit, eaque potitus, Parthos arcebat, qui eam, ob partem de Crasso victoriam, incursionibus vexabant. Deinde rursum ad Tyrum profectus, ascendit etiam in Iudæam, et Tarichæas primo impetu expugnavit, et triginta circiter millia captiuorum cepit, et Pitholaum Aristobuli seditionis successorem interfecit hortatu Antipatri. Habebat is Antipater apud eum magnam auctoritatem, et magnæ tum erat existimationis etiam apud Idumæos, a quibus vxorem duxit ex nobili Arabiæ familia nomine Cyprum, ex qua liberos quatuor sustulit, Phasæum, et Herodem, cum qui postea rex fuit, et Iosephum, et Pheroram, et filiam Salomen. Coniunxerat et alios sibi principes amicitia et hospitio, et potissimum Arabem, apud quem etiam liberos deposuit, dum bellum gerit cum Aristobulo. Igitur Cassius motis castris, ad Euphratem contendit, vt inuadentibus illac hostibus occurreret.

## CAPVT XIII.

*Pompeiis fuga in Epirum, et Scipionis aduentus in Syriam.*

**A**liquanto post Cæsar potitus Roma, postquam Pompeius et Senatus trans Ionium mare fugerant, solutum vinculis Aristobulum decreuerat in Syriam mittere, traditis ei duabus legionibus, vt illic negotia posset componere. Sed antequam fieri id posset, Pompeiani Aristobulum veneno sustulerunt, eumque Cæsariani sepelinerunt: iacuitque corpus eius diu nulle conditum, donec id Antonius postea misit in Iudæam, et in regum feretris condendum curauit. Scipioni vero scripsit Pompeius, vt Alexandrum Aristobuli filium, propter eius superiora in Romanos commissa, interficeret: id quod ille fecit, eumque Antiochiæ securi percussit. Eius fratres ad se recepit Ptolemæus Menæi filius, rector Chalcidis, urbis sub monte Libano positæ: missoque filio suo Philippone Ascalonem ad Aristobuli coniugem, iussit eam vna mittere filium suum Antigonnem, et filias: quarum alterius Alexandræ amore captus Philippio, eam duxit vxorem. Postea pater eius Ptolemæus eo interfecto, duxit Alexandram, eiusque fratrum deinceps curam gerebat.



## CAPVT XIII.

*Cæsaris in Aegyptum expeditio, et ut ei Iudæi succurrerint.*

**P**ost Pompeii mortem, Cæsarisque victoriam, ei in Aegypto bellum gerenti, ad multa utilem se præbuit Antipater Iudæorum administrator, Hyrcani iussu. Ad Mithridatem enim Pergamenum auxilium ducentem, neque per Pelusium iter facere valentem, sed apud Ascalonem hærentem, venit Antipater, secum habens Iudæorum peditum tria millia: perfecitque ut ex Arabia primates venirent auxilio: eiusque opera Syri omnes auxilium Cæsari tulerunt, videlicet Iamblichus dynasta, et Ptolemæus eius filius, et Tholomæus Scæmi, Libani montis incola, et ciuitates pæne omnes. Mithridates vero a Syria profectus, Pelusium venit. Quumque ab illis non admitteretur, urbem oppugnauit, ibique fortiter operam nauauit Antipater, et primus detracta muri parte, ceteris aditum in urbem patefecit: atque id Mithridates Pelusium obtinuit. Deinde Antipatrum et Mithridatem ad Cæsarem euntes, prohibebant Aegyptii Iudæi, regionem, quæ Oniz dicebatur, incolentes. Verum Antipater eis persuasit, ut idem cum cognatis suis sentirent, maxime ostensis Hyrcani pontificis litteris, in quibus eos, ut essent Cæsaris amici, monebat, et exercituum muneribus omnibusque necessariis iuarent. Itaque quum viderent Antipatrum et pontificem consentire, paruerunt: quos ubi accessisse audierunt Memphitici, vocauerunt et ipsi Mithridatem: et Mithridates eo profectus, eos quoque adsumsit.

## CAPVT XV.

*Antipatri egregium factum, et cum Cæsare amicitia.*

**D**einde ubi ad locum ventum est, qui Delta vocatur, congressus est cum hostibus ad castra Iudæorum (ut dicuntur) quo quidem in congressu habebat Mithridates dextrum cornu, Antipater sinistrum. Ibi commissio prælio inclinat Mithridatis cornu, et in extrema periculo versatur. Sed Antipater secundum fluminis ripam cum suis militibus currens, victis iam a se hostibus, illum liberat, et victores Aegyptios in fugam vertit: et in iis persequendis ita perseuerat, ut eorum castris potitus sit, Mithridatemque reuocauerit, qui pulsus longissime aberat. Ceciderunt ex Mithridatis hominibus ad octingentos, Antipatri quinquaginta. Mithridates vero de his scripsit ad Cæsarem, victoriam simul salutemque suam Antipatro acceptam ferens: ita ut Cæsar et tunc Antipatrum collaudauerit, et eius opera toto bello in maximis periculis usus sit, vique adeo, ut Antipatrum in præliis vulnerari contigerit. Aliquanto tempore post Cæsar, quum finito bello in Syriam nauigasset, magnum ei honorem habuit, Hyrcano pontificatum confirmando, et Antipatrum Romanam ciuitate, omniumque immunitate donando. Tunc et Antigonus Aristobuli filius Cæsarem adgressus, fortunas suas deplorat, Hyrcanumque et Antipatrum accusat, qui gentem per vim regerent, et ipsi Antigono iniuriam fecissent. Verum Antipater, qui præsens aderat, ita causam suam defendit, ut Cæsar Hyrcanum pontificem pronuntiari: et Anti-

patro potestatem dederit, quantam Antipater ipse, opinione data, eligere voluit, eumque Iudææ procuratorem fecerit.

## CAPVT XVI.

*Quem honorem Romani et Athenienses Hyrcano habuerint.*

**P**ermisit et roganti Hyrcano Hierosolymæ muros rescire, qui adhuc iacebant, a Pompeio diruti: scripsitque Romam ad consules, vt id scriptum proponeretur in Capitolio: qua de re factum est senatus consultum. Eidem Hyrcano honos habitus est a populo Atheniensi, quoniam in eos multa beneficia contulisset: scripseruntque ea de re plebiscitum, quod ei decreta ad eam rem nominatim legatione miserunt. Cæsar vero ordinatis Syriæ rebus, per mare discessit. Et Antipater, postquam deducto a Syria Cæsare in Iudæam rediit, confestim deiecta a Pompeio incenia refecit: et regionem obiens, tumultum, qui in ea erat, opprimit, partim minando, partim vt quiescerent consulendo. Si enim ab Hyrcano starent, acturos feliciter, et suis bonis absque turba fruituros: sin rerum nouarum spe ducerentur, et ab eis quæstum sectarentur, ipsum Antipatrum habituros pro præfecto dominum, Hyrcanum pro rege tyrannum, Romanos vero et Cæsarem pro ducibus hostes acerbos: neque enim passuros eum submoueri, quem constituisent ipsi.

## CAPVT XVII.

*Antipater filiis administrationem mandat, Herodi Galilææ, Phasaelo Hierosolymorum. Sextus Cæsar magnum et gloriosum facit Herodem.*

**V**idens autem Hyrcanum tardum esse atque segnem, Phasaelum filiorum suorum natu maximum Hierosolymorum finitimique agri præfectum constituit. Herodi vero, qui illum ætate sequebatur, Galilæam commisit, inueni plane: neque enim decimum quintum ætatis annum excesserat. Sed licet iuuenis, inuenit tamen exercendæ suæ virtutis rationem. Nactus enim Ezechiam latronum ducem, magna manu finitima Syriæ incurstantem, comprehendit atque interfecit, et multos eius gregales latrones: quod quidem eius facinus Syris accidit gratissimum. Itaque eum hanc ob causam passim per vrbes vicosque prædicabant. Hæc res fecit, vt innotesceret Sexto Cæsari, cognato magni Cæsaris, et Syriæ res procuranti. Ex hoc Herodis factio æmulatio nata est Phasaelo eius fratri: adeoque eius celebritate motus est, vt studuerit, non deteriorem sibi parare famam, et Hierosolymitas sibi reddiderit amicissimos, vrbem quidem per se regendo, sed ita vt nec inhoneste rebus vteretur, neque potestate ad cuiusquam iniuriam abuteretur. His rebus efficiebatur, vt Antipater a gente regio more coleretur, et honoribus omnium domino dignis adficeretur. Neque tamen in tanto splendore quidquam de sua erga Hyrcanum beneuolentia atque fide diminuit. Itaque Iudæorum primarii videntes Hyrcanum et eius filios multum crescere tum nationis beneuolentia, tum Iudææ

dæ et Hyrcani pecuniarum redditu, erant in eum male animati. Etenim amicitiam intulicuerat Antipater cum Romanis imperatoribus, et impulso ad pecuniam eis mittendam Hyrcano, ipse eius muneris gratiam ad se transtulerat: nam ut propriam, non ut Hyrcano dante, miserat. Hæc Hyrcanus audiens, non curabat: quinimmo magnopere lætabatur. Erant vero in metu primi Iudeorum, videntes Herodem violentum, et audacem, et dominandi cupiditate ardentem. Itaque Hyrcanum adorti, aperte iam Antipatrum accusant: et, Quousque hæc, inquiunt, quietus feres? An non vides Antipatrum et eius filios principatu succinctos, teipsum vero regni solum nomen audientem? Atqui hæc ignorare non debes, neque te extra periculum putare, dum et tui et regni securus es: non enim iam rerum tuarum procuratores sunt Antipater et eius filii, ne tu fallaris, sed domini manifeste habentur. Nam Herodes eius filius Ezechiam et eius socios interfecit contra legem nostram, quæ hominem, quamvis malum, indicta causa interfici vetat: et tamen ille non accepta a te potentia, id ausus est. His auditis Hyrcano persuasum est, atque insuper eius iram accenderunt matres occisorum ab Herode, quæ singulis diebus in sano regi et populo orare non intermittebant, ut facti causam diceret Herodes in concilio. His commotus Hyrcanus, Herodem euocat ad dicendam causam super iis, quorum insinulabatur. Herodes vero eo venit, monente patre, non ut priuatus homo, sed cum præsidio, corporisque custodia, compositis Galilææ rebus quomodo conducibile esse iudicauit, tanto comitatu, quantus ei ad iter satis esset, ut nec Hyrcano metuendus videretur, si cum maioribus copiis venisset, neque nudus et incustoditus committeret se iudicio. Adde quod Sextus Syrix prætor Hyrcanum litteris monuit, ut Herodem crimine absolveret: et minas addidit, nisi pareret. Ex his Sexti litteris occasionem sumisit Hyrcanus, Herodem indemnem ex concilio dimittendi, quippe quem amaret ut filium. Postquam Herodes in concilio cum copiis suis constitit, omnes ita terruit, ut eum iam accusare auderet nemo, essetque silentium, et quid agi deberet dubitatio. His sic adfectis, Sameas quidam, iustus homo, ideoque timere nescius, surrexit, et in hunc modum verba fecit: Equidem iudices, et tu rex, neque ipse quemquam unquam notui, neque vos nominare posse arbitror, qui in iudicium vocatus ita se stiterit: quin quisquis unquam in hoc concilium causam dicturus venit, humilis comparet, et habitum metuentis, et a nobis misericordiam aucupantis, promisso capillo pulsat. At iste bonus Herodes, cædis reus, et ob tam graue crimen adpellatus, adstat hic purpuratus, eleganter composita exsarie, stipatus armatis hominibus, ut si cum ex lege condemnauerimus, trucidet nos: ipse violato iure euadat. Quamquam Herodem haud equidem reprehenderim, si utilitatem suam pluris quam ius facit: sed vos et regem, qui tantam ei licentiam præbistis. Verumtamen scitote futurum, auctore supremo Deo, ut iste ipse, quem nunc propter Hyrcanum vultis absolvere, et de vobis, et de ipso regis poenas sumat. Hæc Sameas; nec eum fessellit opinio: nam regnum adeptus Herodes, omnes qui tum fuerant in concilio, atque adeo Hyrcanum ipsum interfecit: excepto Samea, quod eum propter ipsius iustitiam magno habebat in pretio: quodque postea obsessâ urbe ab Herode et Sosio, populum monuisset, ut Herodem admitteret, negans eum ab ipsis propter peccata posse vitari. Hyrcanus vero videns iudices in Herodis necem inclinare, iudicium in alium diem distulit, et clam Herodi consul-

tum

tum misit, ubi ab urbe profugeret: ita enim euasurum ex periculo. Atque ille Damascus se, ut regem fugiens, contulit: et profectus ad Sextum Cæsarem, rebusque suis in tuto collocatis, sic erat animatus, ut si denuo ei dies diceretur, non sisteret. Hæc ægre ferebant iudices, et Hyrcanum docere conabantur, ea omnia eius periculo fieri: idque eum non latebat, sed quid ageret non habebat: ea erat ignavia atque socordia. Quum autem Sextus Herodem Cœlesyriæ ducem fecisset, eique pecuniam suppeditasset, erat Hyrcanus in metu, ne Herodes sibi bellum inferret: id quod uon multo post accidit. Venit enim ducens Herodes exercitum, aduersus eum iratus, quod in ius vocatus fuisset. Verum eius pater Antipater, et frater, ei obuiam profecti, suis admonitionibus perfecerunt, ut Hierosolymam non inuaderet, sed potestatem suam genti ostendisse satis haberet. Et hoc quidem in statu erat Iudæa. Cæsar vero Romam profectus, nauigationem adornabat in Africam, cum Scipione et Catone bellum gesturus. Et Hyrcanus ad eum misit, rogatum ut secum amicitiam renouaret, et societatem: id quod ille fecit, et ea de re decretum fieri, inque tabulis æneis græce et latine incidi curauit, et in Capitolio, et Sidone, et Tyri, et Ascalone, et in templis proponi: in quo decreto (quemadmodum etiam in multis alijs tum ipsius Cæsaris, tum aliorum Romanorum) Iudæorum libertas et iura defendebantur. Per eadem tempora tumultuatum est in Syria, ob causam, quam iam dicam. Bassus Cecilius, Pompeianarum partium, Sextum Cæsarem per insidias interfecit: ipse accepto eius exercitu, rerum potitus est. Hinc graue bellum apud Apamiam conflatum est, Cæsaris ducibus eum cum equitatu et peditatu adortis: quibus et Antipater subsidium misit cum filiis, recordatione beneficiorum in ipsos a Cæsare collatorum. Hoc bello diu durante, Marcus Sexto successit, et Cæsar a Cassio et Bruto in curia occisus est, postquam principatum tenuit annos tres et sex menses.

## CAPVT XVIII.

*Cassius Iudeam adstringit, et octingenta talenta ab ea exigit.*

**B**ello deinde ex morte Cæsaris conflatò, omnibusque primarijs ultro citroque ad contrahendas copias dispersis, venit in Syriam Cassius, accepturus exercitum qui erat ad Apamiam: solutaque obsidione, ambo sibi conciliat, Bassum et Marcum: vrbesque peragrans, arma comparat et milites, et vrribus grauiam tributa imperat: sed potissimum Iudeam adfixit, exactis ab ea septingentis argenti talentis. Antipater vero res magno in metu esse videns, pecuniarum exactionem diuidit, et vtrique filio redigendas committit, partim etiam Malichò, sibi parum amico, partim alijs. Ac primus Herodes redactò ex Galilæa quantum ei imperatum erat, maximam apud Cassium gratiam inuit. Ceterarum vrbiũ gubernatores omnes eum suis hominibus venundabantur. Et quatuor vrbes haste subiicit. Cassius, quarum erant potentissimæ Gophna et Emmaus, reliquæ Lydda et Thamna. Quinetiam Malichum Cassius præ iracundia occisurus fuit, nisi eius impetum cohibuisset Hyrcanus, missis ei per Antipatrum centum talentis de suo. Deinde Cassio a Iudæa profecto, Malichus Antipatro maxime insidiabatur, eius mortem Hyrcani principatus firmitatem fore putans: neque tamen eius animus latuit Antipatrum. Id enim sentiens, recepit sese trans

trans Iordanem, et ex Arabibus simul et indigenis exercitum contrahere instituit. Quamquam Malichus homo callidus insidias inficiabatur, sequo cum iureiurando purgabat tum Antipatro tum eius filiiis, negans Phasaelo Hierosolymorum præsidium tenente, Herode vero armorum custodiam habente, se tale quiddam mente concipere potuisse. Ac videns sibi negotium non succedere, reconciliatus est Antipatro, conuentumque est inter eos Marco Syriæ prætore, qui sentiens Malichum in Iudæa res novas molientem, parum abfuit quin eum interfecisset: sed Antipatri precibus eius vitam condonauit.

## CAPVT XVIII.

*Malichus per insidias Antipatrum veneno tollit.*

**S**ed nesciebat Antipater, se sui interfectorem conseruasse. Cassius enim et Marcus contracto exercitu, curam omnem Herodi tradiderunt, et eum Coeleſyriæ præfectum fecerunt, adtributa ei classe, et equeſtribus pedestribusque copiis: polliciti etiam Iudææ regem cum creaturos post bellum, quod tum cum Antonio et iuvene Cæsare gerebant. Malichus vero tunc maxime veritus Antipatrum, curauit veneno tollendum in ædibus Hyrcani, apud quem ambo conuiuabantur, videlicet Antipater et Malichus, per Hyrcani pocillatorem, quem pecunia corruerat: quumque armatos haberet, res vrbanas componebat. Hoc quum rescuiſſent Herodes et Phasaelus, et grauiter ferrent, negabat omnia Malichus. Herodes vero protinus patri parentare, et Malichum armis adgredi decreuit; verum natu grandior Phasaelus, hominem dolo potius opprimendum censebat, ne ciuile bellum incepiſſe putarentur. Itaque ille Malichi purgationem accipit, seque credere simulat, nihil illum in Antipatri nece designasse: ac patri sepulcrum adornat. Herodes vero Samariam profectus, adſictamque nactus, recreat, et hominum diſſidia componit. Non multo deinde post, instantibus Hierosolymorum festis, venit cum militibus in urbem: et Malichus eum veritus, perſuaſit Hyrcano, vt eum intrare non ſineret: id quod fecit Hyrcanus, per ſpeciem prohibendi alienigenarum turbam in luſtratam multitudinem admitti. Sed Herodes nuntios parui pendens, noctu ingreditur in urbem, et Malicho quidem terrori fuit, nec tamen ille ſimulationem depoſuit, quin Antipatrum ploraret, et palam vt amicus inelamaret: ſed clam corporis ſui custodiam agebat. Herodi vero viſum eſt eius ſimulationem non coarguere, ſed ad tollendam ſuſpicionem, eum viciſſim comiter accipere.

## CAPVT XX.

*Herodes inſſu Caſſi Malichum dolo interficit.*

**T**amen ad Caſſium de obitu patris ſcripſit Herodes, et ille ſciens quo ingenio eſſet Malichus, Herodi reſcripſit, vt patrem vliſceſſetur; et tribunis qui Tyri erant, clam imperandum curauit, vt Herodem adiunarent, quatenus æqua facturus eſſet. Deinde quum cepiſſet Gaius Laodiceam, et ad eum communiter iretur, eique coronæ et pecu-

pecuniæ ferrentur, sperabat Herodes fore, ut postquam eo venisset Malichus, pœnas daret: at ille apud Tyrum Phœnicæ rem suspectam habens, maiora moliebatur: et quod eius filius Tyri obses erat, decreuit eum, ingressus in urbem surripere, et in Iudæam proficisci: et properante aduersus Antonium Cassio, gentem ad defectionem perducere, ipse potentatum occupare. Sed Herodes, altus homo, animaduerso illius instituto, famulum præmisit quasi ad parandam cenam: inuitauerat enim omnes: sed reuera ad tribunos, ut ad Malichum cum pugionibus egredierentur. Id quod illi fecerunt, et Malichum in litore prope urbem nati transfoderunt; quo factò, sic attonitus est Hyrcanus, ut vox eum defecerit: deinde ubi ægre resipuit, querit ab Herodianis, quidnam accidisset, et quis Malichum occidisset. Quumque illi Cassium id insidisse dixissent, laudauit factum: pessimum enim fuisse hominem, et patriæ insidiatorem. Deinde Cassio ex Syria profecto, oritur in Iudæa tumultus. Elix enim relictus Hierosolymis cum exercitu, Phasaelum inuasit, et populus arma sumisit. Herodes vero Fabium adit Damasci præfectum: volensque ad fratrem currere, morbo impeditur, donec Phasaelus per se superatum Eliçem compellit in turrim: deinde per compositionem dimittit, ut Hyrcanum incusat, qui multis per eos beneficiis adfectus, hostes adiuvet. Nam Malichi frater non pauca tum loca ad defectionem perducta, præsidio tenebat, in quibus et Masadam omnium munitissimum. Sed postquam conualuit Herodes, illuc venit, et illum de omnibus quæ tenebat locis deturbatum, per compositionem dimisit.

## CAPVT XXI.

*Antigonum Aristobuli filium a Tyriorum tyranno adiutum Herodes in fugam vertit, et ex Iudæa pellit.*

**A**ntigonum autem Aristobuli filium, qui Fabio sibi pecuniis conciliato, exercitum comparauerat, adsciscit sibi Ptolemæus Mennæi filius, propter adfinitatem, auxiliante ei etiam Marione, quem Tyriorum reliquerat Cassius tyrannum. Is enim occupatam per vim Syriam præsidii firmauerat. Marion vero etiam Galileam, quæ vicina erat, inuasit: et tribus castellis potitus, ea præsidii munivit. Sed cum adgressus Herodes, omnibus primauit, et Tyriorum præsidia benigne dimisit, nonnullis etiam dona dedit: ea erat erga ciuitatem beneuolentia. His confectis, occurrit Antigono, et prælio superatum, ex info pene, quo processerat, Iudææ fastigio depulit. Itaque postquam Hierosolymam venit, Hyrcanus cum et populus coronis redimiuit. Erat autem iam per sponsalia gener factus Hyrcani familiæ, eoque magis cum tuebatur, quod erat ducturus in matrimonium filiam Alexandri Aristobuli filii, Hyrcani ex filia neptem: ex qua postea pater factus est trium filiorum, et duarum filiarum. Duxerat etiam prius uxorem plebeianam, nomine Doridem, populerem, ex qua filium sustulit natu maximum Antipatrum.

## CAPVT XXII.

*Herodes Antonium multis pecuniis sibi conciliat, ideoque Herodem accusare volentes Antonius non admittit.*

**P**ostquam Cassius Antonius et Cæsar in Philippis vicerunt, Cæsar in Galliam profectus est, Antonius in Asiam. Atque vbi venit in Bithyniam, occurrebant ei vndique legationes, in quibus adfuerunt et Iudæorum primarii, qui Phasaelum et Herodem accusarent, dicentes Hyrcanum regni speciem habere, hos quidem omnem potestatem tenere. Herodem autem Antonius habebat in magna existimatione, qui ad eum, vbi crimina dilueret, venerat: eamque ob causam accidit, vt ne dicendi quidem locum aduersarii obtinuerint: id quod Herodes ab Antonio pecunia obtinuerat. Vt autem Ephesum venit Antonius, misit Hyrcanus pontifex et natio nostra legationem ad eum, quæ ei coronam ferret auream: oratione vt scriberet ad prouinciales, vt liberos dimitterent Iudæos, quos non iure belli Cassius captiuos reddidisset: vtque ei restitueretur ager, quo Cassii temporibus multati fuissent. Hæc Iudæorum postulata æqua esse iudicans Antonius, confestim scripsit Hyrcano et Iudæis, postulata eis concedens: simulque Tyriis et Sidoniis et Antiochenis et Aradiis ea de re decretum misit, idque vt in litteras publicas latine et græce referrent, imperauit.

## CAPVT XXIII.

*Antonius in Syriam profectus, Herodem et Phasaelum tetrarchas constituit.*

**P**ostea quum venisset Antonius in Syriam, decem Iudæorum primarii eum iterum conueniunt, vt Herodem et suos accusarent, delectis ad eam rem suorum eloquentissimis. Quibus contradicebat Masalas pro adolescentibus, præsentem etiam Hyrcano, qui iam Herodis focer erat. Antonius vero auditis apud Daphnen vtrisque, quæsiuit ab Hyrcano, vtri gentem melius regerent? cui ille respondit: Herodem et suos. Itaque Antonius, qui iam pridem eis faueret propter eorum patrem, cuius hospitio, quum vna cum Gabinio venisset, usus fuerat, ambos tetrarchas constituit, eisque Iudæorum administrationem mandauit, et ea de re litteras scripsit, et quindecim aduersariorum in vincula dedit: quos quum interfecurus esset, Herodis precibus condonauit. Neque tamen illi a legatione reuersi quieuerunt, quin Antonium rursus eorum mille adinuerunt ad Tyrum, quo venturum fama erat: et Antonius multis iam pecuniis ab Herode et eius fratre corruptus, eius loci administratori mandauit, vt de Iudæorum legatis supplicium sumeret, qui nouis rebus studeant, Herodique principatum stabiliret. Herodes vero, qui ante urbem in arera confiterat, protinus antegressus, eos vt discederent hortatur, (aderat vna cum eis etiam Hyrcanus) quippe magno eorum malo futurum, si ad contentionem venirent. Sed illi non obtemperarunt, et protinus impetum fecerunt in eos Iudæi cum incolis, qui eorum partem interfecerunt, plures etiam vulnerarunt: reliqui domum fuga dilapsi, quie-

tos

tos se trepidi tenuerunt. Ac populo aduersus Herodem vociferante, exarbitratus Antonius, victos interfecit. Anno secundo Syriam occuparunt Pacorus regis filius, et Barzapharnes Parthorum satrapa. Obiit et Ptolemæus Mennæi filius: eiusque filius Lysanias, occupato principatu, amicitiam instituit cum Antigono Aristobuli filio, vsus ad id opera Satrapæ, qui apud Antigonum multum poterat.

## CAPVT XXIII.

*Parthorum in Syriam expeditio, in qua Aristobuli filium Antigonum in regnum restituerunt.*

**A**Ntigonus vero Parthis mille talenta et quingentas feminas promissit, si sibi principatum Hyrcano ereptum traderent, et Herodem cum suis interficerent: neque tamen dedit: et tamen Parthi eam ob causam in Iudæam expeditionem fecerunt, Antigonum reducentes: Pacorus per oram maritimam, satrapa vero per mediterranea. Et Pacorum quidem excluderunt Tyrii: Sidonii vero et Ptolemaidenles admiserunt. Et Pacorus equitum turmam misit in Iudæam, quæ regionem specularetur, et Antigonum adiuuaret vna cum regis pocillatore, nomine item Pacoro. Contulerunt autem se ad Antigonum Iudæi, qui sub monte Carmelo quemdam locum nomine Drynum incolebant: parati cum eo vna irrumpere: quo factum est, vt se nonnullos insuper regionem obeundo adepturum speraret. Quumque nonnullis occurrissent, Hierosolymam invadunt: et quorundam accessione adiuti, facta manu regiam adoriuntur et oppugnant. Sed subsidio venerunt Phasaëlus et Herodes: commissaque in foro pugna, vicerunt aduersarios: et eis in sanum compulsi, miserunt armatos quosdam in vicinas domos, qui eas custodirent: quos adgressus populus auxilios destitutos, cum ipsis domibus conerenuit. Hanc ob causam Herodes paullo post cum aduersariis prelio congressis, multos eorum interfecit. Quumque quotidianæ velitationes inter eos fierent, expectabant hostes turbam incolarum, venturam ad festa Quinquagesimæ. Atque instante eo die, multa circum sanum coeunt hominum millia, partim armatorum, partim inermium. Tenebant autem sanum et urbem illi homines: præter regiam, quam Herodes cum paucis militibus tutabatur, Phasaëlo mœnia custodiente. Et Herodes cum suorum manu in hostes per suburbium eruptionem fecit, et ita acriter pugnauit, vt multa hominum millia verterit, aliis in urbem fugientibus, aliis in sanum, nonnullis etiam in vallum, qui foris erat: neque non Phasaëlus auxilium tulit. Pacorus vero Parthorum dux cum paucis equitibus, orante Antigono, in urbem venit per speciem componendæ dissensionis: sed reipsa, vt illum in adipiscendo principatu adiuuaret. Quumque Pacoro obuiam prodisset Phasaëlus, et euni hospitio exceperisset, persuadet ei Pacorus, vt ad Barzapharnem legatos mittat, idque fraudulentè faciebat. Et Phasaëlus nihil fraudis suspicatus, obtemperat, non laudante iam rem Herode, propter barbarorum perfidiam, sed Pacorum ceterosque venientes inuadi iubente. Igitur in eam legationem profecti sunt Hyrcanus et Phasaëlus. Et Pacorus relictis Herodi ducentis equitibus et decem eorum, qui liberi nuncupantur, illos deduxit. Vbi in Galilæam ventum est, venerunt eis obuiam



obuiant in arinis qui illic præerant urbibus, et Barzapharnes eos priuim studiose excepit, et muneribus donauit: deinde insidiabatur. Diuersabatur autem Phasaëlus cum equitibus in propinquo ad mare: ubi quum audiissent, Antigonum mille talenta et quingentas feminas promississe Parthis aduersus ipsos; cœperunt suspectos habere barbaros. Accessit eo, quod insidias eis noctu fieri nuntiauit quidam, et occulte adhiberi custodiam. Et sane comprehensi fuissent, nisi expectatum esset, donec Parthi, qui ad Hierosolimam erant, Herodem cepissent: ne si hi prius essent interfecti, Herodes id sentiens effugeret. Atque hæc sic se habebant, et eorum custodes cernebantur. Itaque Phasaëlum monebant nonnulli, vt statim equo discederet, nec expectaret: et maxime Ophellius, qui id a Samarallo, eorum qui tum erant in Syria locupletissimo, audiuerat: eique ad fugam nauigia pollicebatur, quippe propinquo mari. Verum Phasaëlus Hyrcanum deferendum non censebat, neque fratri periculum creandum, sed Barzapharnem adgressus, dicit eum non recte facere, qui hæc in ipsos molitur. Nam si pecunia egeat, maiorem a se habiturum, quam quantam det Antigonus: et alioquin atrox facinus esse, legatos, qui ad eum accepta fide venerint, interficere infantes. Atque barbarus hæc dicente, iurabat nihil verum esse eorum, quæ suspicarentur, sed eum falsis suspicionibus perturbari: deinde ad Pacorum profectus est.

## CAPVT XXV.

*Parthi Hyrcanum et Phasaëlum comprehendunt: et Herodes aufugit.*

**E**O digresso, Parthorum quidam Hyrcanum constringunt, et Phasaëlum, multum detestantem Parthorum periuriam. Spado autem ad Herodem missus, in mandatis habebat, eum extra muros educum comprehendere. Erant autem missi a Phasaëlo nuntii, ad declarandam Parthorum perfidiam: quos quum hostes comprehendissent, Herodes Pacorum adit, et Parthorum potentissimos quosque, tamquam aliorum dominos. At illi totius rei consilii, malitiose dissimulare, et ei dicere, secum extra muros egrediendum, et litteras adferentibus obuiam eundum esse: nondum enim eos ab aduersariis comprehensos esse, et ad significandum Phasaëli successum venire. Verum his Herodes non credebat, quippe qui ab aliis fratris comprehensionem audiuiisset. Accedebat eo, quod admonente Hyrcani filia (cuius filix filiam ipse sibi desponderat) magis etiam suspectos Parthos habebat: et quamuis alii non auscultarent, ipse cordate in primis feminae credebat. Igitur deliberantibus Parthis, et negotium in posterum diem differentibus, Herodes, ubi vespera venit, statuit ea ad fugam vri. Itaque adhibitis quos habebat militibus, et impositis in iumenta mulieribus, matre sua, et sorore, et Alexandri filia, quam vxorem ducturus erat, eiusque matre Hyrcani filia, et fratre suo natu minimo, vna cum famulitio, ceteraque turba in Idumæam ire contendit, inscisi hostibus. Accidit autem, vt euerso vehiculo, et matre pene exanimata, ipse sibi pene manus adtulerit, tum propter dolorem quem de matre capiebat, tum quod metuebat, ne hac injecta mora, comprehenderetur ab hostibus. Itaque stricto ense seipsum ferire parabat, nisi eum qui aderant prohibuissent. Igitur partim vi, partim pudore coactus,

abstinuit: et matre recreata, ac pro temporis angustia curata, iter suum persequitur, et ad Masadam castellum magnis itineribus vadit. Interea multis praeliis lacescitus a Parthis, qui eum persequébantur, vicit omnia. Neque non Iudeos, qui eum sexto ab vrbe stadio adorti sunt, praelare vicit atque vertit; et postea rex factus, construxit eo ipso in loco excellentissimum palatium, et id vrbe circumdedit, quam Herodiam adpellauit. Vbi in Iudæa locum noniue Thressam venit, occurrit ei frater eius Iosephus, et de toto negotio quid agendum esset, deliberationem proposuit, quum magna eos multitudo etiam præter mercenarios sequeretur: et locus Masadas, in quem confugere decreuissent, angustior esset, quam vt posset tantam multitudinem capere. Itaque maiorem partem dimisit, quæ fuit supra nouem millia, iussitque, vt diuersi per Idumzæ salutem suæ consulerent, et eis viaticum dedit. Deinde adsumtis expeditissimis quibusque, et maxime necessariis, in castellum peruenit: et collocatis ibi feminis et comitibus, qui erant circiter octingenti, quum esset in eo loco magna omnium rerum necessariarum copia, ad Petram Arabiæ ire contendit. Ceterum simul ac orta dies est, Parthi totam Hierosolymam et regiam diripuerunt: tantum ab Hyrcani pecunia abstinuerunt, quæ erat ad talenta trecenta. Herodis quidem multa euaserunt, præsertim quæ prius in Idumzæ eius prouidentia fuerant deportata. Parthi vero vrbs direptione non contenti, etiam agros vexarunt, et Marissam urbem potentem euerterunt. Sic Antigonus in Iudæam a rege Parthorum reductus, Hyrcanum et Phasaelum victos accepit. Erat autem in magna sollicitudine, quoniam effugerant eum femine, quas hostibus dare habebat in animo. Metuens vero, ne Hyrcanum, qui a Parthis custodiebatur, populus in regnum restitueret, aures ei abscecidit, ne deinceps pontifex esse posset: quippe mutilo corpore, quum lex id munus integrorum esse velit. Phasaelus vero necem sibi parari intelligens, ne ad hostis libidinem moreretur, quum manus victas haberet, saxo caput adlisset, vt se vita priuaret. Ferunt, quum ingenti vulnere sauciuss esset, Antigonum summisse medicos, qui per speciem citius curandi, letalibus ad vulnus medicamentis vsi, eum occiderint. Tamen antequam prorsus animam egisset, audiuit a quadam muliercula, fratrem suum Herodem ex hostibus euasisse: quæ res effecit, vt mortem magno animo tulerit, quod mortis suæ vindicem relinqueret. Herodes vero Malchum Arabiæ regem, multis a se beneficiis antea adfectum, adibat, vt ab eo vicissim, quum maxime opus esset, pecuniam vel mutuam vel dono impetraret. Nesciens enim, quo in statum fratris esset, properabat, cum ab hostibus liberare trecentis talentis. Hanc ob causam ducebat et Phasaeli filium septennem, vt eum Arabibus pignori daret. Sed Malchus, missis ei obuiam nuntiis, iussit eum discedere: interdictum enim sibi a Parthis, ne Herodem acciperet. Id autem prætexebat, ne mutuam redderet, impellentibus etiam cum ad id primatibus Arabum, vt Antipatri depositum, quod acceperant, interuerterent. Ille respondit, non se venisse, vt eis vlla in re molestus esset, sed vt dimittat eum rege de rebus maxime necessariis colloqueretur. Deinde vbi discedere visum est, abiit Aegyptum versus: ac tum in sanum quoddam diuertitur, vbi comitum suorum multos reliquerat. Postero die peruenit ad Rinocura, et ibi fratris negotium cognouit. Malchus quidem penitentia ductus, post Herodem cucurrit, sed nihil profecit: quippe quum ille

Ille iam abesset longissime, properans ad Pelusium. Inde nauigauit in Alexandriam, ubi cum Cleopatra retinere eum vellet, non potuit: tantopere Romam properabat, quamuis hiems esset, et Italix res magno in motu esse nuntiarentur. Igitur soluit inde Pamphyliam versus: et graui tempestate conflictatus, agere in Rhodum euasit, facta iaciura: et ibi duobus amicis occurrit, Sappinæ et Ptolemæo. Atque urbem nactus adflicta Cassiano bello, quamuis inops, tamen non grauatus est ei benefacere, et eam supra vires recreare. Deinde parata triremi, et ea cum amicis consensu, inde in Italiam Brundisium adpulit: et illinc Romam profectus, Antonio primum omnem fortunam suam exponit, et sibi omnem in ipso spem sitam esse demonstrat.

## CAPVT XXVI.

*Herodes Romam profectus, creatur a senatu rex Iudææ.*

**I**Taque Antonius eius miseratione commotus, tum Antipatri recordatione, cuius ipse fuerat usus hospitio, tum propter pecuniam, quam ei daturum se promittebat Herodes, si rex factus esset, quemadmodum antea, quum quartæ partis rex factus fuerat, et multo etiam magis odio Antigoni, quem seditiosum et Romanis insensum existimabat, paratus erat, Herodem in suis postulatis adiuuare. Cæsar quoque partim propter Antipatri militiam, qua in Aegypto cum ipsius Cæsaris parte functus fuerat, propterque eiusdem hospitium, et omnium rerum beneuolentiam, partim ut Antonio, Herodis studiosissimo, gratificaretur, erat ad adiuvandum Herodem paratior. Igitur conuocato senatu, Messala, et post eum Atratinus, producto Herode, eius patris beneficia narrauerunt, et ipsius erga Romanos beneuolentiam connumerauerunt, accusantes simul, hostemque prominentes Antigonom, non modo propter eius primum in eos delictum, sed etiam quod, contentis Romanis, a Parthis accepisset imperium. His commoto senatu, procedit Antonius, et eos docet etiam ad Parthicum bellum expedire, ut rex fiat Herodes. Ita omnium suffragiis rex creatur Herodes, præter spem suam. Neque enim regnum sibi concessuros Romanos arbitrabatur, qui id regii generis hominibus dare consueissent: sed id auidiebat vxoris suæ fratri Alexandro, Aristobuli et Hyrcani consanguineo. Ita totum Herodis negotium septem diebus expeditum est, et senatu finito, medium stipantes Herodem Antonius et Cæsar exierunt, deducuntibus consulibus, vna cum aliis magistratibus, ad sacrificandum, et decretum in Capitolio proponendum. Ac primo regni Herodis die Antonius ei conuiuium dedit. Toto autem hoc tempore Antigonus eos, qui erant Masadæ, oppugnabat, ceteris omnibus abundantes, sed aquæ penuria laborantes; ut eam ob causam Herodis frater Iosephus cum ducentis suorum decreuerit ad Arabes fugere: audierat enim, Malchum commissorum in Herodem pœnitere. Sed accidit, ut noctu tantum plueret, ut cisternæ replerentur aqua: quæ re tantum animi sumserunt, ut omisso illo instituto, in Antigonianos partim aperte, partim clam eruperint, et eorum complures interfecerint. Interea Ventidius Romanorum dux, missus ad Parthos Syria arcendos, post illos in Iudæam venit, verbis ille quidem, ut Iosepho ferret auxilium; sed re ipsa callide id agebat, ut pecuniam auferret ab Antigono.

Q. 2

Itaque.

Itaque castris proxime Hierosolymam positis, satis grandem pecuniam obtinuit ab Antigono, atque ipse discessit cum copiarum parte maiori. Ne tamen facinus deprehenderetur, Silonem cum parte nonnulla militum reliquit: quem etiam coluit Antigonus, ne quid sibi noceret, sperans iterum Parthos sibi subsidio futuros.

## CAPVT XXVII.

*Herodes Roma reuersus pugnat cum Antigono.*

**H**erodes vero, qui iam ab Italia Ptolemaidem venerat, et copias non mediocres partim conductitiorum, partim popularium contraxerat, incedebat per Galilæam aduersus Antigonom, adiutoribus Silone et Ventidio: quibus Delius ab Antonio missis persuaferat, ut Herodi reducendo operam darent. Ventidius excitatus propter Parthos in vrbibus turbas componebat. Silo vero in Iudæa pecuniis ab Antigono corruptus erat. Herodi quidem progredienti quotidie vires augebantur, omnisque Galilæa, paucis exceptis, stabat ab eius partibus. Atque ad Masadam confedenti, impedimento fuit Ioppe: quæ quum hostis esset, capiendi prius erat, ne qua a tergo relinqueretur hostibus munitio, dum Hierosolymam adoritur. Hanc occasionem nactus Silo, profectus est, et Iudæis eum persequentibus, subuenit cum exigua manu Herodes: versisque Iudæis, Silonem male repugnantem seruauit. Deinde capta Ioppe, ad liberandos suos, qui Masadæ erant, properat, incolis ei se partim propter paternam amicitiam adiungentibus, partim propter ipsius gloriam, nonnullis ut vtrique gratiam referrent: plerisque vero propter spes, quas in eo, rege deinceps certo futuro, habebant. Ita magna manu coacta quum procederet, occupabat Antigonus insidiis aditus et opportuna loca: sed nihil hæc ratione hostibus, aut certe perparum nocebat. Herodes vero suis ex Masada receptis, nec non munitione Thressi, ducit ad Hierosolyma, comitantibus Silonis copiis, cum multis Hierosolymitanis, tanta potentia perterritis. Vbi ad vrbis occidentalem partem castra fecit, qui illa parte dispositi erant custodes, cum missilibus propellebant: nonnulli etiam catervatim excurrabant, et cum principii manus conferebant. Herodes vero primum proclamari iussit circa mœnia, sese propter populi vtilitatem vrbisque salutem adesse: ne apertos quidem aduersarios vlturum, sed suis etiam inimicissimis veniam daturum. Ad hæc Herodis præconia dicebat Antigonus Siloni et Romanorum exercitui, præter ipsorum iustitiam facturos, si Herodi regnum darent, homini priuato et Idumæo, hoc est semiIudæo: quum id Iudaici generis hominibus præberi deberet, ut erat eorum consuetudo. Quod si nunc sibi succensent, et a se regnum auferre, quoniam id a Parthis acceperit, statuerunt, esse quidem multos sui generis; qui possent in regnum ex lege succedere, qui neque quidquam contra Romanos peccassent, et sacerdotes essent, et inique eo munere spoliarentur. Hæc dum vtriusque dicuntur, et ad conuicia proceditur, Antigonus suis de muro propugnare permittit: qui missilibus illos cupide protelantes, facile a turribus auerterunt. Tum Silo facile ostendit, se corruptum pecunia: submisit enim militum suorum non paucos, qui clamitarent, commeatus esse penuriam, et pecuniam ad alimoniam peterent, seque in idonea loca adhiber-

hibernandum deduci postulant, vastatis circum urbem agris, quoniam ab Antigonianis sublata fuissent omnia. Ita exercitum mouebat, et discedere conabatur. Verum Herodes instabat, subiectos Siloni duces et milites cohortando ne se derelinquerent, missum a Cæsare et Antonio et senatu. Eorum enim commeatus prouisurum, eisque abundantiam eorum, quæ postulant, facile præbiturum. Ac statim post eas preces in agros profectus, nullam iam Siloni discedendi occasionem reliquit. Tantam enim commeatus copiam adportauit, quantam nemo sperasset: suisque apud Samariam amicis significauit, ut frumentum, vinum, oleum, pecudes et alia omnia Hierichuntenu deportarent, ut ne deinceps quidem milites cibariis deficerentur. Hæc Antigonum haud latuerunt, quin protinus dimisit in eam partem, qui frumentatores prohiberent ac circumuenirent. Atque illi iugenti armorum multitudine ad Hierichuntem coacta, confederunt in montibus, ut illos obseruarent. Hæc dum fiunt, Herodes adiunctis decem cohortibus, quarum quinque Romanorum, alteræ Iudæorum erant, adiunctis promiscuis, mercenariis, et præterea paucis equitibus, ad Hierichuntem proficiscitur: urbemque vacuum nactus, quingentos homines (qui vna cum suis vxoribus et liberis arcem occupauerant) captos dimisit. Romani vero inpetu in urbem facto, eam diripuerunt, domos nacti omni genere bonorum refertas. Igitur relicto Hierichunte præsidio, rex rediit, et Romanum exercitum in eas regiones, quæ deditiorem fecerant, videlicet Idumæam, Galilæam, et Samaritaniam, in hiberna dimisit. Ita factum est, ut Romani rebus omnibus abundarent, et ab armis quiescerent. Herodes vero fratrem suum Iosephum cum peditibus mille, et equitibus quadringentis misit in Idumæam. Ipse in Samariam profectus, et deposita ibi matre, aliisque suis consanguineis, in Galilæam contendit, expugnaturus quædam loca ab Antigono prædiis occupata. Ac imbre coorto, profectus ad Sefforim, et Antigoni præsidio clam inde profecto, nactus est summam commeatus copiam. Inde equitum turnam et peditum cohortes tres misit aduersum latrones quosdam in antris habitantes, ut eos latrocinii prohiberet. Erat is locus proxime vicum nomine Arbela. Ipse quadragesimo die eo venit cum omni exercitu: in quem adeo audacter exierunt latrones, ut eius aciei sinistra pars inclinauerit. Sed ipse cum sua parte copiarum sese ostendens, iamdudum vincentes vertit, et fugientes reuocat, et hostes vsque ad Iordanem diuersis viis fugientes persequitur: atque ita totam Galilæam recepit, exceptis iis, qui habitabant in antris. Deinde suos pecunia donatos in hiberna dimisit, et Pheroræ fratrum suorum natu minimo, ut illis de commeatu prospiceret, Alexandriumque resciceret, mandauit: id quod ille celeriter fecit. Sub idem tempus Antonius Athenis commorabatur: in Syria vero Ventidius Silonem aduersus Parthos arcensens, ei significauit, ut primum Herodem in eo bello adiunxerit, deinde ad Romanum bellum socios vocaret. Herodes, qui aduersus latrones illos properaret, Silonem libenter ad Ventidiu dimisit: ipse ad latrones illos contendit. Erant ea antra in præruptis montibus, nec nisi perangustis tramitibus adiri poterant, qui tramites erant in media rupe, quæ et superne altissima inuinebat, et infra in immensam altitudinem descendebat in vallem. In his antris habitabant latrones cum suis omnibus familiis, ibique commeatum habebant. Igitur rex arcas in hunc usum compactas, et catenis ferreis adligatas, de montis vertice machinis demittit, plenas hominibus armatis, longos harpagones habentibus, quibus repugnantes attraherent ac præcipitarent. Demissis arcis, quæ intus

erant, latrones eorumque liberos interficiunt, et in speluncas ignem iniciunt: atque illorum nonnulli deditionem fecerunt. Erat in antris senex cum septem liberis, et vxore, qui orantibus liberis, vt sibi deditionem facere permitteret, stetit in ostio, et vt aetorum quisque exibat, eum iugulabat: donec tandem omnibus, nec non vxore trucidata, corpora deciecit, et seipsum insuper precipitem dedit, quum quidem prius multa in Herodem conuicia iecisset, licet dexteram (prospiciebat enim omnia) et impunitatem promittentem. Hac ratione subacte sunt omnes specus. Deinde rex praeposito iis, qui illic erant, duce Ptolemaeo, in Samariam proficiscitur cum equitibus sexcentis: et pedum tribus millibus, vt praelio dimicaret cum Antigono. Verum qui prius Galileam turbauerant, in Ptolemaum adgressi occiderunt: deinde in paludes et inaccessa loca confugerunt, regionem vniuersam vastantes ac diripientes. Igitur Herodes eo reuersus, rebelles partim necat, partim, qui in munita loca refugerant, expugnat, et ipsos interficit, et munitiones complanat: atque ita rebellionem coercita, vrbes centum talentis multat. Interea quum Pacorus in praelio occubisset, et Parthi male pugnassent, mittit subsidio Ventidius Herodi Macharam, cum duabus legionibus et mille equitibus, iubente Antonio. Hunc Macharam litteris sollicitauit Antigonus, vt sibi ferret auxilium: sese ei pecuniam daturum pollicitus. Sed Machara cum veritus, a quo missus erat, Herode insuper etiam largius dante, in proditionem non consensit: sed Antigoni se amicum simulans, eo ad eius speculandas res profectus est, tametsi dissuadente Herode. Verum Antigonus animaduertens eius consilium, portas ei clausit, eumque de muris sicut hostem repulit: quo pudore adfectus Machara, Emauntem ad Herodem se contulit, et offensionem incommoedumque suum sic egre tulit, vt in quoscumque in via incurrerat, et interficeret, siue hostes, siue amicos. Quare iratus rex, in Samariam ire contendit, in animo habens, haec ad Antonium deferre: nihil enim talibus sociis egere, qui ipsam magis, quam hostes lacerent: se etiam ad debellandum Antigonum satis esse. At Machara peccatum suum perpendens, ei prope obuiam it, oratque vt maneat: aut si adeo ire cupit, at fratrem suum Iosephum apud se relinquat, dum Antigonum oppugnant. Ita Herodes Macharam reconciliatus, Iosephum ibi cum exercitu reliquit, monuitque ne periclitaretur, neue cum Machara contenderet. Ipse quum Antonium audiret magnis copiis oppugnare validam quamdam urbem apud Euphratem sitam, nomine Samosata, eo celeriter profectus est, id tempus idoneum animaduertens ad virtutem suam ostendendam, et gratificandum Antonio. Igitur eius aduentu soluta est obsidio, quum quidem in itinere complures barbaros interfecisset, magnaque praeda potitus esset: qua de re eum Antonius longe pluris fecit, ei que magnum honorem habuit, et rex Antiochus Samosata dedere coactus est. Ita finito bello, Antonius Sosio Syriam tribuit, mandauitque vt Herodem adiunaret: ipse in Aegyptum profectus est. Sosius duas legiones Herodi auxiliares praemisit in Iudaeam: ipse cum maiore exercitu subsequitur. Erat autem iam mortuus in Iudaea Iosephus in hunc modum. Oblivione captus eorum, quae ei mandauerat frater, castra fecit apud montes. Acceptis enim a Machara quinque cohortibus, properabat ad Hierichuntum, volens segetes demetere: et quia Romanorum exercitus tironum erat, quippe ex Syria magna ex parte collectus, lacerantibus hostibus, in eas angustias venit, vt et ipse generose pugnans occubuerit, et exercitum omnem amiserit, concisis septem cohortibus. Et Antigonus occisorum potitus, Iosephi caput absci-

absceidit. Pherora eius fratre id quinquaginta talentis redimere volente. Postea rebellantes Galilæi a suis optimatibus, eos qui ab Herode stabant, in lacum demersos necarunt: neque non in Iudæa multi tumultus exstiterunt: et Machæra Giththam castellum nuinire adgressus est. Interea veniunt ad Herodem nuntii ad Daphnen Antiochiæ, qui ei fratris fortunam retulerunt, expectanti quidem, propter quædam visa somniorum, quæ ei fratris mortem clare demonstrabant. Igitur iter facere maturans, postquam ad montem Libanum venit, adsumit illinc octingentos homines in auxilium: et una cum Romana legione quam habebat, Ptolemaidem venit: et inde noctu profectus cum exercitu, per Galilæam progreditur, et hostibus occurrit, prælioque victos compellit in eundem locum, unde pridie fuerant profecti. Postridie locum oppugnare adgreditur: sed multo imbre coorto, agere quum nihil posset, exercitum in proximos pagos abducit. Quumque ad eum venisset ab Antonio altera legio, qui locum tenebant territi, noctu eum deserunt. Et rex ad Hierichuntem festinat, eos de fratre vlcisci habens in animo. Postridie sex hostium millia de montium iugis descendencia, Romanos armis territabant levisque armaturæ milites progressi, in regis stipatores pila et lapides iacebant, eique latus quidam pilo vulneravit. Antigonus vero ducem mittit in Samariam, nomine Pappum, cum nonnulla manu, volens hostibus opinionem creare, sese ex superuacaneo bellum gerere. Atque ille dux Machæra se opposuit. Herodes vero captis quinque oppidis, duo circiter hominum millia, quos ibi comprehenderat, interfecit: oppidisque incensis, aduersus Pappum rediit, qui castra fecerat ad vicum quemdam Ifanas adpellatum. Ac frequentibus ad eum tum ab Hierichunte, tum a Iudæa consulentibus, ubi prope hostes ventum est, quum illi audacter eum inuasissent, eos prælio superat, et ut fratri parentaret, fugientes in vicum persequitur interficiens. Quumque domus armatis essent refertæ, et multi in tecta resurgerent, iis potitur: et effraetis domorum tabulatis, eas confertis militibus plenas conficit. Hos iactis superne saxis acervatim interficiunt: quæ res maxime fregit animos hostium, sollicitorum de futuro. Cernebatur enim procul multitudo maxima coeuntium circa vicum, qui plenos cætorum vicos conspicati refugiebant. Quod nisi sæda tempestas impediuisset, inuasisset Hierosolymam regis exercitus, victoria fretus: negotiumque peregisset. Iam enim fugam plane adornabat Antigonus, et ab vrbe discessionem. Postero die Herodes Pappi caput, qui occisus erat, amputat, et Pheroræ mittit, fratrem ita vltus, quem Pappus ipsa sua manu occiderat. Deinde finita tempestate, proficiscitur, et prope Hierosolymam castra facit, anno tertio ex quo Romæ rex creatus erat. Inde castra mouet, et prope muros collocat, qua parte vrbs erat maxime expugnabilis, ante templum, eam oppugnare habens in animo, ut ante fecerat Pompeius: atque obsepto tribus aggeribus loco, turres exprimit, magnæ manu ad id opus utens, et proximas arbores secans. Ac præfectis operi idoneis hominibus, sedente adhuc exercitu, ipse Samariam ad nuptias proficiscitur, filiam ducturus Alexandri Aristobuli filii, quæ ei desponsata erat.

## CAPVT XXVIII.

*Antigonus a Sosio et Herode opprimitur.*

**P**ost nuptias venit per Phœnicem Sosius præmissis per mediterranea copiis: venit et dux, agens equitum peditumque multitudinem. Ipse quoque rex aduenit a Samaritide, non paruum exercitum, præter vete-

reni, agens : quippe qui esset circiter triginta millium. Hi omnes ad mœnia Hierosolymæ conuenerunt, et a muri parte septentrionali confederunt, quum quidem essent peditum legiones undecim, et equitum millia sex, præter alia auxilia a Syria. Duces erant duo, Sosius ab Antonio missus in auxilium, et Herodes pro se ipso, ut Antigono de principatu deiecto (quippe qui Romæ hostis declaratus esset) ipse pro illo regnaret ex senatusconsulto. Iam vero Iudæi magno animo et contentione (utpote vniuersa gente congregata) Herodi repugnabant, intra mœnia conclusi : multaque circa templum iactabant, et populo sancta ominabantur, tamquam Deo eos periculis liberaturo. Neque non extra urbem alimenta omnia tum hominum tum pecorum diriperunt, et clandestinis latrociniiis hosti difficultatem adferebant. At Herodes aduersum latrocinia, locis opportunis insidias disponebat : annonam autem mittendis armatorum legionibus procul comportabat, ita ut breui tempore rebus necessariis abundauerint. Iam vero quum multa manus continenter in opere versaretur, facile perfecti sunt tres aggeres, utpote quum cætas esset, nec opus vlla aeris intemperie vel alia re impediretur. Itaque admotis machinis, muros quatunt, et omnia experiuntur. Nec tamen perterrebantur, qui erant intus, quin excogitabant et ipsi contra oppugnatores non pauca, et eorum opera excursionibus incendebant : et ad manus venientes, nihilo Romanis inferiores erant audacia : sed ingenio superabantur. Itemque aduersus machinas, dirutis primis ædificiis alia exstruebant, et sub terra cuniculos agentibus occurrentes pugnabant : ac desperatione magis quam virtute videntes, bellum ad extremum persequebantur, quamuis magno exercitu circumfessi, et fame rerumque necessariorum penuria laborantes : erat enim quietis annus, qui septimus est. Tandem muros conscenderunt, electi homines viginti : deinde Sosii centurio. Esque murus primus quadraginta diebus expugnatus, secundus quindecim : et quædam circa templum porticus combustæ sunt, quas postea Herodes ab Antigono incensas calumniabatur, ut cum Iudæorum inuidia gravaret. Expugnato exteriore templo, et urbe inferiore, Iudæi in templum interius et urbem superiorem confugerunt : veritique, ne a Romanis quotidiana Deo sacra peragere prohiberentur, legatos miserunt, qui postularent, ut eis vicissimas tantum introducere permitteretur. Herodes vero deditionem facturos arbitratus, concessit : deinde ubi nihil ab eis eorum, quæ suspicabatur, fieri videt, sed eos fortiter pro Antigoni regno propugnare, urbem adgressus vi cepit, atque omnia protinus plena cædibus erant, Romanis ob obsidionis sex mensium moram iratis, Herodianis autem Iudæis nullum aduersarium relinquere studentibus. Ita densi in angustioribus, et per domos constipati, et in templo, in quod refugerant, iugulabantur : nec paruulis, nec senibus, nec mulieribus parcebatur : ac quamuis superuenisset rex, et ut parceretur oraret, nemo dexteram continebat, quin tamquam rabiosi in omnem ætatem fœuerent. Ipse Antigonus ab arce digressus, Sosio ad pedes accidit : atque ille ei intemperanter insultauit, et Antigonom appellauit, atque in vincula coniecit adseruandum. Accedebat autem peregrinorum militum vulgus ad sanum, sacrasque templi res adspiciendas : verum rex partim precibus, partim minis, nonnullos etiam armis repressit, urbemque diripi prohibebat, Sosium etiam atque etiam interrogans, utrum Romani, urbe pecuniis virisque exinanita, regem se solitudinis essent relicti : se vel totius orbis imperium, tam multorum ciuium cæde emendum esse non putare. Quumque ille pro obsidionis labore prædam se militibus merito concedere dixisset, respondit Herodes : se sua pecunia singulis stipendia soluturum : atque ita reliqua urbe redempta, promissum præstiti.



præstitit. Nam et singulos milites magnifice, et duces pro rata parte, et Sosium plane regie muneratus est. Hoc urbi malum accidit, Marco Agrippa, Canidio Gallo consulibus, mense tertio, festis ieiunii, eodem die quo a Pompeio viginti septem annis ante capta fuerat. Sosius vero Deum aurea corona muneratus, Hierosolymis profectus est, Antigonum vinctum ducens Antonio. Sed veritus Herodes, ne Antigonus generis, hereditatisque iure regnum vel recuperaret ipse, vel suis filiis conciliaret, pecuniis persuasit Antonio, ut Antigonom necaret. Hic finis fuit potentatus domus Asamonzæ, postquam centum viginti sex annos durauit: quæ domus clara fuit et illustis, tum generis nobilitate et honore pontificis, tum rebus per eius maiores pro natione gestis. Verum hi propter mutuas dissensiones principatum amiserunt, isque ad Herodem translatus est, Antipatri filium, hominem plebeæ familiæ, generis priuati, regibusque subiecti.

## FLAVII IOSEPHI ANTIQVITATVM IYDAICARVM LIBER DECIMVS QVINTVS.

### C A P V T I.

*Antonius Antigonum securi ferit, et Herodes primas amicorum  
Antigoni interficit.*

**P**ostquam Herodes totius Iudææ principatum adeptus est, quicumque ex urbana multitudine priuati homines adhuc ab ipsius partibus stabant, eos promouebat: qui vero ab aduersariis faciebant, eos quotidie vlcisci, et suppliciis adficere non intermittebat. Erant autem apud eum in præcipuo honore, Pollio Phariseus, et Saneas eius discipulus: quoniam hi duo, obfessa Hierosolyma, ciuibus consuluerant, ut Herodem acciperent. Tunc igitur Hierosolymis potitus Herodes, omnia regis ornamenta congescit, et insuper locupletibus compilandis magnam argenti aurique vim contraxit, et his omnibus Antonium eiusque familiares amicos donauit. Interfecit etiam quadraginta quinque primos Antigonianarum partium, constitutis ad murorum portas custodiis, ne quid cum mortuis efferretur. Neque non mortui excutiebantur, et quidquid erat inuentum argenti, aut auri, aut rerum pretiosarum ad regem referebatur: denique malorum modus erat nullus, partim propter dominantis avaritiam, qui indigeret: partim quod terram incultam manere cogebat annus septimus. Antonius vero quum captium cepisset Antigonum, decreuerat vsque ad triumphum seruare vinctum: sed quum audiret rebus nouis studere gentem, et præ Herodis odio beneuolentiam erga Antigonum retinere, statuit cum Antiochiæ securi ferendum: alioquin quiescere Iudæi minime poterant. Postquam regnum Herodes occupauit, Hyrcanus pontifex, qui apud Parthos captiuus erat, ad Herodem venit, captiuitate liberatus in hunc modum.

### C A P V T II.

*Quo pacto Hyrcanus a Parthis dimissus, ad Herodem redierit.*

**V**bi a Barzapharne et Pacoro ad Phraatem Parthorum regem perductus est, Phraates (qui eius generis nobilitatem audiisset,) eum elementer tractauit: vinculisque solutum, Babylone degere voluit.

Q 5

Erat

Erat illic Iudæorum multitudo, qui Hyrcanum ut pontificem et regem honorabant. Idemque faciebat universa Iudæorum gens, quæ usque ad Euphratem incolebat: id quod ei gratum erat. Sed Herodem regnum adeptum intelligens, spem novam concepit, tum quod iam ab initio erat amico in Herodem animo, tum quod eum beneficiorum, quæ ab Hyrcano acceperisset, memorem fore putabat. Itaque hac de re Iudæis sermonem iniecit, qui ipsum frequentabant. At illi eum retinere, et ut maneret suadere, demonstrantes officia ei et honores ab se præstari, pontifice et rege non indignos: quodque maius esset, hæc eum Hierosolymæ propterea consequi non posse, quod haberet mutilatum ab Antigono corpus. Iam vero beneficia non pariter a regibus referri, quæ privati acceperint, mutante eos non parva fortuna. Hæc referens ei demonstrarent, tamen discedere cupiebat. Præterea scripsit Herodes ei, ut Phraatem oraret, et qui illic essent Iudæos, ne ei communem regni potestatem inviderent. Nunc enim tempus esse et sibi referendæ illi gratiæ, qui ab eo nutritus et conservatus fuisset: et illi accipiendæ. Hæc Hyrcano scribens, mittit etiam ad Phraatem legatum Saramalam, et complura dona, eum comiter orans, ne se homini bene de se merito gratiam referre prohiberet. Verum longe alius erat eius animus: volebat enim Hyrcanum in potestate habere, aut etiam occidere, metuens, ne is aliquando regnum recuperaret. Igitur venit Hyrcanus: et Herodes eum excepit honorificentissime, eique deinceps in conuentibus et in conviviis primum locum tribuebat, ut eum deciperet, patrem appellans, et omnem insidiarum suspicionem amolians. Fecit et alia ad tuendum principatum, quæ ei domesticam seditionem excitarent. Ut enim caueret, ne quem ex illustribus pontificem crearet, evocavit a Babylone Ananælem, quemdam sacerdotem ignobilem, eique pontificatum dat. Hanc contumeliam protinus non tulit Alexandra Hyrcani filia, Alexandri Aristobuli regis filii coniux, quæ ex Alexandro liberos habebat, videlicet formosissimum filium nomine Aristobulum, et nuptam Herodi Mariam, forma insignem. Hæc Alexandra turbabatur, et pueri ignominiam ægre ferebat, si eo superstiti, adscitus quidam pontificatus donaretur. Itaque scribit Cleopatrz, ut puero ab Antonio peteret principatum. Atque Antonio segnius obtemperante, eius amicus Gellius, quum in Iudæam propter quædam negotia venisset, ut vidit Aristobulum, delectatus est venustate: et pueri proceritatem et pulchritudinem admiratur, neque minus Mariam regis coniugem, ac se pulchrorum matrem natum Mariam existimare præ se ferebat. Quumque illa cum eo in colloquium venisset, persuadet, ut depictas amborum imagines mittat Antonio: iis enim visis, nihil non ab illo impetraturam. Atque id illa fecit: et Gellius rem in immensum exaggeravit, dicens non ab hominibus, sed a quopiam deo natos videri sibi pueros. Ille vero puellam quidem arcescere verecundatus est, quod ea Herodi nupta foret, et ipse apud Cleopatram hæc de re criminationes vitaret: sed ut puerum mitteret scripsit, idque honeste fecit, addens, nisi grave videretur. His acceptis, Herodes haud iudicavit forma et ætate florentem Aristobulum (erat enim annorum sexdecim) et genere præstantem, mittere ad Antonium, hominem eo tempore Romanorum vel potentissimum, eundemque libidini deditum, et voluptates inuerecunde (quoniam posset) conquiresentem. Hanc ob causam rescripsit, si tantum ex iis finibus exisset adolescentulus, fore omnia belli barbarumque plena,

na, ludæis mutationem resque nouas sub alio rege sperantibus. Hæc causatus apud Antonium, statuit puerum et Alexandram non omnino expertes honoris relinquere: accedentibus etiam Mariæ precibus, quæ adfidue contendebat, ut fratri suo pontificatum restitueret: quam quidem rem ipse e re sua esse iudicauit, ut puer in honore constituto, patria abesse non liceret. Igitur conuocato amicorum concilio, grauiter de Alexandræ factio conqueritur, seque quod Anancelem pontificem creauerit, non alia de causâ fecisse dicit, quam ut id munus Aristobulo adhuc puero seruariet, idque nunc ei tradere. Atque hæc dicebat callidissime, ut mulieres et amicos, qui aderant, falleret. Hac re ita lxtata est Alexandra, ut ei gratias egerit maximas, et se ad omnia obedientem fore promiserit veniamque petierit. Ita composita est dissenso, omni (ut videbatur) suspitione sublata.

## CAPVT III.

*Herodes Aristobulum Mariæ uxoris sine fratrem interficiendum curat.*

**I**gitur rex Herodes Anancelem pontificatu protinus abdicauit, hominem generis pontificii, et iamdiu sibi amicum: idque eo consilio fecit, ut domesticas turbas sedaret. Neque tamen metnere desinebat, ne Alexandra res nouas uoliretur: itaque iussit eam in regia degere, neque quidquam per potestatem facere, statutis etiam custodibus, qui eam sic obseruarent, ut nihil facere posset, quod non rescisceretur. Hæc omnia eam exacerbabant, in causaque erant ut Herodem exosa, ea Cleopatrx significaret, de rebus suis continenter conquerendo, et illam ut sibi pro viribus subueniret orando. Illa vero iussit, ut clanculum cum puero ad se perfergeret in Aegyptum: id quod ei sic facere visum est, et artem huiusmodi comminiscitur. Comparatis tamquam ad efferendos mortuos duabus arcis, in vnam se, in alteram filium imponit, consciiisque famulis imperat, ut se noctu eferant. Erat inde iter eis ad mare, parata nauis in Aegyptum nauigatura. Sed eius famulus Aesopus, quum forte in Sabbionem eiusdem amicum incidisset, arbitratus conscium esse, rem enuntiat. Quo cognito Sabbion (qui prius Herodi inuissus esset, quod vnus eorum esse putaretur, qui Antipatro venenum porrexissent) sperauit se habiturum hoc indicio ad regis gratiam receptum: itaque ei Alexandræ consilium narrat. Herodes vero eam eo vsque progredi fuit, ut deprehenderit in ipso facinore: tamen veniam dedit, quantum libenter in eam animaduersurus: sed non ausus est, metu Cleopatrx: quin ea animi magnitudine videri voluit, ut eis clementia ignouisse putaretur: sed omnino adolescentem e medio tollere propositum erat. Verum ut probabilius latere posset, non statim id, neque mox post illa quæ dicta sunt, faciendum videbatur. Et instantibus Vmbraculorum festis, eos dies præterit, et voluptati vna cum populo sese dedit: quæ tamen res in causâ fuit, ut eum inuidia manifeste ad maturandum incitarit. Nam adolescens Aristobulus, annos septendecim natus, ad artem ex lege, sacra facurus adscendit, pontificio vestitus, pulchritudine pulcherrimus, et magnitudine ætatem antecellens, neque non in forma plurimam generis sui nobilitatem ostendens. Et multitudo tum gestu, tum verbis lætitiâ præ se ferens, facile ostendit, quo cum fauore prosequeretur, et qua recordatione eius aui Aristobuli facta recoleret. His omnibus de causis decreuit He-

Herodes, quod instituerat perficere. Igitur transactis festis, quum Hierichunte apud Alexandram conuiuatus esset, rationem inuenit colludendi post prandium cum adolescente: eumque ad perluendum in stagno contra ardores pellexit: atque ibi inter lauandum, Herodis amici illum ex composito, per speciem lusionis et ioci, tanta aqua consperserunt, vt plane exstinxerint. Hoc vbi cognitum est, grauiter doluerunt omnes: sed in primis Alexandra, quæ parum absuit, quin ipsa sibi manus adtulerit, sciens quo pacto res gesta foret. Tamen sese quam potuit optime continuit, et vt aliquando factum vlcisci posset, dissimulauit id se scire factum de industria. Herodes vero omni ratione dissimulauit insidias, non solum mortuo magnifice iusta persoluendo, verum etiam lacrimas emittendo, et se ex animo dolere ostendendo.

## CAPVT IIII.

*Cleopatra Iudæa et Arabia partem impetrat ab Antonio.*

**N**Eque tamen non perscripsit insidias ad Cleopatram Alexandram. Itaque Cleopatra (quæ iampridem Alexandræ precibus satisfacere cuperet, eiusque vicem doleret) eam rem suam facit, et Antonium ad pueri necem vlciscendam impellere non desinit: neque enim æquum esse, vt Herodes Antonii opera regnum ad se nihil pertinens adeptus, eiusmodi scelera committeret in veros reges. His adductus Antonius, vbi Laodiceam venit, ad Herodem mittit, vt ad causam super Aristobulo dicendam veniat. Herodes vero crimen et Cleopatræ similitatem veritus, quæ Antonium in se incitare non intermitteret, statuit obtemperare (nec enim aliud facere licebat) mandataque Iosepho auunculo suo principatus et rerum procuracione, ei arcane præcepit, vt si quid ipse ab Antonio passus esset, protinus Mariam necaret: tanto enim mulieris amore deuinctum esse, vt contumeliam timeret, si se mortuo illam aliquis propter pulchritudinem adamaret: in quo quidem Antonium innuebat. His præceptis, Herodes ad Antonium proficiscitur: Iosephus vero, qui regni negotia administraret, ideoque continenter cum Maria colloqueretur, perpetuo memorabat Herodis erga ipsam amorem. Quumque illæ, præsertim Alexandra, id femineo more deriderent, ipse monstrandi regis animi cupidus, quid sibi datum in mandatis esset, detegit, vt Herodem sine ea viuere non posse ostenderet: quam quidem Herodis crudelitatem mulieres grauissime tulerunt. Interea Herodis inimici famam per urbem sparserunt, Herodem ab Antonio cruciatum interiisse: qua de re tota regia perturbata est, præsertim femina. Itaque persuasit Alexandra Iosepho, vt ex regia egressus, sese vna cum ipsis feminis sub legionis Romanæ signa reciperet, quæ tum ad urbem regni tuendi gratia, Iulio duce castra habebat. Primum enim, si quis in aula tumultus oriretur, tutius acturos in Romanorum beneuolentia. Præterea sperabat omnia se consecuturam, si Mariam vidisset Antonius, per eumque principatum recuperaturos: et nulla re carituros, quæ in nobilitate regia educatis digna foret. Hæc instituentibus, veniunt ab Herode de toto negotio litteræ, rumori plane contrariæ. Vt enim venit ad Antonium, eum statim donis (quæ Hierosolymis adportauerat) sibi conciliauit: et inter colloquia, eius odium discussit adeo, vt Cleopatræ verba parum valerent. Negabat enim Antonius, decere a rege rationem repositi eorum, quæ gessisset in imperio: alioquin non fore regem, ac postquam eius potestatis honos ad eum delatus esset,

set, permittendum esset, ut eo uteretur: neque non ipsi Cleopatraz expedire, principatus non usque adeo curare. Hisce de rebus scripsit Herodes, nec non de aliis honoribus, qui ei ab Antonio fuissent habiti, inuitis Cleopatraz calumniis, quæ se reginam fieri Iudææ ardebat: verum Antonius ei pro Iudæa Cæsariam dederat. His litteris adlatis, superfederunt eo consilio, quo se ad Romanos recipere decreuerant: neque tamen id rescitum non est. Nam postquam rex deducto Antonio in Parthos proficiscente, in Iudæam rediit, eius foror Salome, et mater, ei protinus Alexandræ institutum declarant: et insuper maritum suum Iosephum criminatur Salome, habere cum Maria consuetudinem. Id autem hac de causa dicebat, quod ei iampridem insensa erat, propterea, quod inter earum contentiones, Maria, mulier fastidiosa, illis ignobilitatem exprobrabat. Herodes vero, qui in Mariam semper ardore flagraret amatorio, statim turbatus est, impatienti obtrecationis. Verum ne quid temere committeret, animum cohibuit, et Mariam seorsum interrogauit de crimine Iosephino. Sed ea iurante, et omnia, quæ infontibus inesse solent, ad sui purgationem adlegante, Herodi paullatim persuadebatur, et ira sedabatur, amore vincente: eoque ut sese purgaret, quo criminationi credidisse videretur, eiusque modestæ magnas gratias ageret, et singularem suum erga eam amorem fateretur. Postremo in lacrimas et mutuos complexus magno adfectu euaserunt. Atque hic dum rex ei persuadere numquam potest, eamque ad adfectum suum trahit: Enimvero (inquit Maria) non est amantis, in mandatis dare, ut si quid ipsi sinistrum acciderit ab Antonio, ego una peream, nihil commerita. Hoc clauso verbo percussus rex, eam statim de manibus dimittere, et vociferans capillos sibi vellere: manifestum se dicens argumentum habere, Iosephi cum ea consuetudinis: numquam enim enuntiatum fuisse, quæ seorsum audiisset, nisi magno inter eos intercedente commercio. Sic adfectus, parum abfuit, quin vxorem occideret: sed amore victus, animum suum ægre et cum dolore vicit: et tamen Iosephum ne in conspectum quidem suum admissum, curauit occidendum: et Alexandram, tanquam omnium causam, in custodiam dedit. Per id tempus etiam in Syria turbatum est, quod Cleopatra, mulier sumtuosa et luxuriosa, ab Antonio (quem amore fascinatam et irretitum tenebat) modo hanc, modo illam regionem postulare non intermittebat: atque inter alias, inter obeundum Syriam, eam in potestatem suam redigere cogitabat. Itaque Antonium orauit, ut Iudæam et Arabiam a regibus, qui eas tenerent, auferret, et sibi daret. Antonius huius mulieris amore sic insaniebat, ut ei denegare sciret nihil: tamen illis tantam tam manifestam iniuriam inferre verebatur, ne in maximis offenderet. Igitur ut modum teneret, abstulit ab illis eorum regionis partem, quam Cleopatra tribuit, eique etiam vrbes dedit, quæ sunt intra Eleutherum flumen usque in Aegyptum, exceptis Tyro et Sidone, quod eas antiquitus liberæ esse sciret, licet illa ut sibi darentur multum flagitante.

## CAPUT V.

*Cleopatra in Iudæam aduentus.*

**C**leopatra his impetratis, et Antonio (qui in Armeniam expeditionem faciebat) usque ad Euphratem deducto, reuersa est, et Apamiam Damascusque venit, atque in Iudæam processit. Et Herodes eam conuenit, et ab ea Arabiæ partem ei datam redemit, nec non prouentum agri

Hic

Hierichuntii, qui balsamum fert, rem eius loci pretiosissimam, et nusquam alibi prouenientem: itemque palmas multas, easque pulchras. Ibi dum illa moratur, et cum Herode magnam consuetudinem habet, tentauit cum eo rem habere. Herodes vero (qui iampridem non beneuolo esset in eam animo, intelligens in omnes molestant esse) tunc etiam inagis odit, et ea de re cum amicis collocutus est, utrum eam quum posset occidere deberet. Sed illis dissuadentibus, et periculum ab Antonio proponentibus, ea re supersegit, et Cleopatram muneratus, ad Aegyptum deduxit. Quod ad vestigalia adtinebat, Cleopatrae ob datam ei ab Antonio regionem pendenda, ea rite soluebat Herodes: parum tutum existimans, Cleopatrae causam odii dare. At Arabs, quum Herodes eam pecuniam ab ipso exigendam recepisset, quippe qui pro eo spondidisset, aliquamdiu ducenta illa talenta ei soluit: sed postea prauus tardusque ad pensiones factus est: quod si quam partem ægre soluebat, ne id quidem sine fraudatione faciebat.

## CAPVT VI.

*Herodes Aetiae bellum infert, et vincitur.*

**H**Anc ob causam Herodes sic erat adfectus, ut ei bellum inferre vellet, atque ad eam rem vsus est tempore Romani belli. Quum enim expectaretur Actia pugna, in qua Cæsar cum Antonio de summa rerum dimicaturus erat, Herodes (qui regionem prope cultam iamdiu haberet, et magnos reditus atque opes quæsiuisset) delectum habuit, adparatus accuratissimo, ut Antonio ferret auxilium. Verum Antonius eius se subsidio egere negauit, eique mandauit, ut Arabem (cuius perfidiam tum ab ipso Herode, tum a Cleopatra, audiuisset) adoriretur. Iudicabat enim Cleopatra, e re sua esse ut alter alterum læderent. Ergo reuersus Herodes, exercitum retinet, et Arabiam protinus inuadit: ac cum equestribus pedestribusque copiis ad Diospolim peruenit, Arabes illic obuiam habiturus: atque ibi commissum est magnum prælium, in quo Iudæi vicerunt. Postea conuenit ingens Arabum exercitus apud Canam (loca sunt Cœlesyriæ) qua re iam cognita, Herodes duxit in eos maximam suarum virinum partem: atque ubi ad Canam adpropinquauit, statuerat castra facere, et ea fossa munire, ut secundis temporibus prælia faceret. Sed hæc eo instituente, conclamat Iudæorum multitudo, ut se in Arabas nulla interposita mora ducat. Eos autem animabat, quod se pulchre ordinatos credebant: et omnes, qui superiorem pugnam, ne ad manus quidem hostes venire passi, vicerant, ferociores erant. Ita regem in suam sententiam pertraxerunt, ut primus in armis magno animo incederet, et omnes eum ordine sequerentur: qua re Arabes continuo perterriti sunt. Postquam enim paullisper reuoluerunt, ubi Iudæos inuictos, animique plenos viderunt, plerique in fugam versi sunt ac concissi essent, nisi Athenio Herodi et Iudæis iniuriam fecisset. Is quum Cleopatrae nomine dux esset illius tractus, et ab Herode dislideret, quid futurum esset non imparatus attendebat. Quod si quid egregium Arabes gessissent, statuerat quietum se tenere: sin inferiores essent, id quod accidit, Iudæos inuadere, una cum iis, qui ex illis finibus conuenerant: id quod fecit. Lassos enim, et se vincere putantes, adgressus de improviso, magnam eorum caedem edidit in locis petrosis, et ad equitandum parum idoneis, in quibus qui lacebant, essent adfuetiores. Quum ita male cum Iudæis ageretur, conuersi Arabes

in eos iam versos, impetum faciunt: atque ita Indæi undique cœduntur, paucique elapsi in castra refugiunt. Herodes vero de pugna desperans, citato equo subsidium arcescit: neque tamen mature, quamvis adhibita diligentia, subuenire potuit, quin capta sunt castra Iudæorum. Deinceps Herodes latrociniis vrebatur, et Arabiam incursionibus vrebatur, in montibus castra faciens, atque in vniuersum, ne aperte ad manus veniret, cauebat: neque tamen non hostibus assidue et labore incommodabat, et suorum casum omni ratione corrigere studebat.

## CAPVT VII.

*De terra metn, qui in Iudæa accidit.*

**I**Nterea per tempus Actiæ pugnæ, quæ Cæsari cum Antonio fuit, anno regni Herodis septimo, concussa Iudææ tellus, quantum nunquam antea videbatur, multa pecora corripuit, oppressaque sunt hominum circiter decem millia ruina domorum: sed exercitus, quod erat sub dio, mansit illæsus. Hoc accepto nuntio Arabes (quum quidem odio Iudæorum, res in maius augeretur) maiores spiritus sumserunt, adeo vt existimarent euersa terra hostium, deletisque hominibus, nihil iam superesse, quod ipsis obstaret. Quinetiam Iudæorum legatos (qui propter illud detrimentum, eo de pace venerant) comprehensos interfecerunt, et in eorum exercitum omni studio ire contenderunt. Et Iudæi inferiores se sentientes, nec vllum auxilium exspectantes, animos desponderunt, et, ne exspectatis quidem hostibus, omnia deferere volebant. At rex cum ducibus colloquendo, et eorum animos reficere tentando, eos retinuit: ac commotis et audacioribus factis quibusdama de præstantioribus ad vniuersam multitudinem iam verba facere ausus est, et ad eos eiusmodi orationem habuit, vt animum sumserint, et ad pugnam parati fuerint.

## CAPVT VIII.

*Iudæi Arabes vincunt.*

**E**T Herodes, sacrificiis rite factis, eos celeriter adsumit, et aduersus Arabes trans Iordanem ducit, et prope hostes castra metatur. Erat inter eos castellum, quod occupare cupiebat: id sibi vsui fore putans, tum ad hostem celeriter prælio lacessendum, tum ad castrorum munitionem, si pugna abstinendum foret. Idem quum cogitarent Arabes, oritur de eo loco certamen: ac primo velitatio erat, deinde plures vtriusque subsidio mittuntur et cadunt, donec victi Arabes cesserunt. Ea res protinus Iudæis non paruum ad spem momentum præbuit, et hostes ita perterrituit, vt nihil tam timerent, quam prælium. Itaque Herodes, vt eos ad pugnam eliceret, eorum vallum fortiter diuellere, et castra oppugnare cepit. Itaque coacti sunt illi nullo ordine, nulloque animo aut spe victoriæ prodire. Tamen manus conferuerunt, tum quia numero superabant, tum quia eos animum sumere egebat necessitas. Itaque commissum est acre prælium, in quo multis vtriusque cadentibus, tandem in fugam versi sunt Arabes: tantaque eorum cædes facta est, postquam cedere ceperunt, vt non solum ab hostibus interirent, verumetiam ipsi seipsos laderent, dum inter sese coarctati, suis ipsi telis vulnerantur, tum propter multitudinem, tum quia confusi ruebant.

Igitur cæsa sunt quinque millia: reliqua turba intra vallum confugit: sed omni spe salutis destituebantur, quippe quum commeatus, et maxime aquæ penuria laborarent: et Iudæi eos persecuti, quum vna cum eis irrumperere nequiuissent, vallum circumdident: et aditus exitusque custodientes illos fuga prohibent. Quamobrem eo redacti Arabes, legatos ad Herodem primum de compositione mittunt: deinde cogente siti, deditionem in quascunque leges facere volunt, modo in præsens eis misericordia tribuatur. Sed Herodes, nec legatos, nec pretium, nec aliud quidquam æqui admittebat: tanta erat vlciscendi cupiditas. Itaque cogebantur, maxime siti, seipsos abducendos constringendosque dedere: captaque sunt quinque diebus quatuor eorum millia. Sexto die reliquis omnibus visum est eruptionem facere, et in quemuis euentum periclitari potius, quam turpiter perire paullatim. Itaque extra vallum prodierunt: sed proelium sustinere non potuerunt, cecideruntque primo conflictu circiter septem millia. Quare admissa omni fiducia, Herodi se in posterum tradunt, eumque gentis dominum accipiunt.

## CAPVT IX.

*Herodes ad Cæsarem ire necesse habens, Hyrcanum interficit.*

**S**ED haud multo post, cum Cæsar Antonium in Aëtia pugna vicisset, Herodes in periculo fuit, ne omnia perderet, quoniam Antonium iuuisset. Atque vt res suas in tuto collocaret, Cæsarem aditurus, Hyrcanum de mediotollere decreuit: quod dum habet in animo, illi ei nullam eius rei occasionem præbuerunt. Nam Alexandra, mulier ambiciosa, Hyrcanum patrem suum sollicitauit, vt ad Malchum Arabiæ rectorem scriberet, vt eos acciperet, et in Arabiam tuto perduceret. Si enim Herodi accideret, vt Cæsaris inimico accidere consentaneum esset, ipsos vnos principatum recepturos, qua propter genus, qua propter plebis beneuolentiam. His sermonibus quum non auscultaret Hyrcanus, quippe qui quietus in otio vitam agere vellet, ea noctes et dies vrgendo, et ei Herodis insidias proponendo, perpulit tandem, vt litteras daret cuidam amico nomine Dositheo, in quibus statuebatur, vt Malchus ei mitteret equites, a quibus vsque ad lacum Asphaltitem deduceretur, qui distat a Hierosolymitano tractu trecentis stadiis. Dositheo autem propterea fidebat, quod Dositheus tum ipsum tum Alexandram colebat, neque non causam odio Herodem prosequendi habebat, qui consanguineus esset Iosephi ab Herode occisi, et eorum frater, quos Antonius autea Tyri interfecerat. Et tamen Dositheus, vt a rege gratiam iniret, litteras ei tradidit. Rex laudata eius beneuolentia, ei hoc insuper officium iniunxit, vt clausas signatasque litteras ad Malchum perferret: Malchique vicissim litteras referret, vt eius quoque animum cognosceret. Id quod libenter fecit Dositheus: et Malchus rescripsit, se Hyrcanum, eiusque comites omnes, atque adeo quicumque ab eo starent Iudæos, non grauate accepturum, et homines missurum, qui eos tuto perducerent, neque vlla in parte illius postulatis defuturum. His litteris acceptis Herodes Hyrcanum arcescit, et de factis inter eum et Malchum passionibus interrogat. Quum ille negasset, ostendit litteras in concilio, et Hyrcanum interficit. Hæc nos ita scribimus, vt in Herodis commentariis habebantur. Alii scripserunt, interfecit eum ab Herode per iniuriam in hunc modum. Quæsiuit in conuiuium (nullam suspicionem dans) ab Hyrcano, ecquid litterarum a Malcho accep-



piſſet? quum Hyrcanus litteras, in quibus ab illo ſalutaretur, accepſiſſe ſe confiteretur, quæſiuit rurfus Herodes, equod donum accepſiſſet: reſpondit Hyrcanus, nullum, niſi quatuor iumenta. Hæc Herodes corruptelam et proditiõnem interpretatus, eum ad ſupplicium duci imperauit. Hyrcano ſublato, Alexandram ſuſpectam habebat, ne per occaſionem populum ad rebellionem pelliceret, et in regni rebus ſeditionem fuſcitaret. Itaque totum negotium Pheroræ ſatri ſuo mandat, et Cyprum matrem, et ſororem, et liberos omnes Moſadæ collocat: mandatque Pheroræ, vt ſi quem ſiniſtrum nuntium de ſe acceperit, negotia tueatur. Quod ad vxorem Mariam addinebat, quoniam fieri non poterat, vt ea cum ipſius regis ſore et matre, a quibus diſidebat, maneret, eam in Alexandrio cum Alexandra eius matre collocauit, earumque curam quæſtori Iosepho et Soemo Ituræo mandauit, cum præcepto, vt ſi quid ſiniſtri de ipſo intellexiſſent, ambas necarent: regnumque ſuis filiis vna cum fratre Pherora pro viribus reſeruarent.

## CAPVT X.

*Herodes etiam a Cæſare regnum obtinet.*

**H**is imperatis, Rhodum magis itineribus contendit ad Cæſarem: vbi in urbem peruenit, diadema deponit, ceteri adparatus nihil mutat: atque vbi ad Cæſaris colloquium ventum eſt, magnum animum, nihil ſuppliciter orando, præſtitit, et ita verba fecit, (ſeſe et Antonio fidelem amicum fuiſſe, et Cæſari eſſe poſſe conſitens,) vt Cæſaris, humani et magnifici viri, animum ſibi conciliauerit, ita vt Cæſar ei diadema rurfus impoſuerit, eumque monuerit, vt ſibi non minus amicus eſſet, quam ante fuiſſet Antonio: et ei maximos honores habuerit, dicens ſcripſiſſe Capidium, ab Herode ſe cupidiffime adiutum fuiſſe contra principes. Itaque Herodes ſe in tanta gratia eſſe videns, ſibi ex inſperato regnum eſſe magis confirmatum, tam donatione Cæſaris, quam Romanorum ſenatus conſulto, quod ad maiorem certitudinem curauit obtinendum, Cæſarem in Aegyptum proficiſcentem deduxit, eumque et eius amicos ſupra vires muneratus eſt, ſeſe quam potuit magnificentiffime gerens. Poſtulauit etiam Alexandro veniam, qui Antonio fuerat amicus: ſed non impetrauit, impediẽte Cæſarem iureiurando. Inde in Iudæam maiore cum honore et confidentia rediit, quam vnuquam antea. Itaque continuo Cæſarem vt acciperet: operam dedit, qui a Syria inuaſurus erat in Aegyptum: atque vbi ille aduenit, eum et eius aulam ita eleganter et regie accepit, vt nihil ſupra. Deinde illos per eam regionem tranſeuntes quæ caret aqua, ita muniuit, vt nec aqua nec vino caruerint: Cæſarique octingenta talenta donauit, et his rationibus magnam ſibi beneuolentiam peperit. Deinde rurfum primis ab Aegypto redeuntibus, omnia ſumma officia præſtitit.

## CAPVT XI.

*Herodes vxorem ſuam Mariam calumniis inductus, interficit.*

**S**ed in regnum ſuum reuerſus, offẽdit domum ſuam turbatam: vxoremque Mariam, et Mariæ matrem Alexandram, male compoſitas, ſuſpicatæ enim quod erat, perfecerunt apud Soemum (qui earum cuſtodiam habebat) vt ad extremum omne regis mandatum expoſuerit: quam

R

rem

sem Maria tulit grauissime, quemadmodum postea ostendit. Nam vbi reuersus Herodes, Mariæ primæ itineris sui felicitatem nuntiauit: solamque inter omnes præ amore, suo more, salutauit: ipsa eum ita mæsto accepit, gemendo dum salutatur, et tristitiam magis quam lætitiâ præ se ferendo, dum ille itineris sui successum narrat, vt Herodes eius in se odium perspicue cognouerit, id quod iniquissime tulit: et amoris impatiens, nutabat inter amorem et odium, vt modo eam punire cuperet, modo victus amore sese cohiberet, metuens, ne si eam capite plecteret, eum sero pœniteret. Et Herodis soror atque mater, cognito eius in Mariam animo, naçtæ hanc occasione, dabant quantum poterant operam, vt eum calumniis ad odium obtreclationemque perducerent: quas calumnias audiebat ille quidem libenter, sed in vxorem statuere audebat nihil: tamen in dies erat alieniore in eam animo: gliscebaturque vtrunque malum, dum et illa adfectum suum non dissimulat, et hic amorem assidue conuertit in odium: adeo vt iam tum fuerit in eam grauius aliquid statuturus. Sed interea nuntiat Cæsar victoria potitus, mortuis Antonio et Cleopatra, Aegyptum obtinuisse: itaque Herodes, vt Cæsari cleriter obuiam proficisceretur, domum suam in eo statu reliquit. Ac discedenti commendauit Mariam Soemum, qui sui sedulo curam gessisset, eique præfecturam a rege exorauit. Herodes vero vbi in Aegyptum peruenit, cum Cæsare confidentius iam, vt amicus, colloctus est, et ab eo maxima beneficia accepit. Nam Cæsar ei quadringentos Gallos, Cleopatrz stipatores, dono dedit, terramque restituit, qua propter Cleopatram multatus fuerat: necnon eius regno Gadara, Hippum et Samariam addidit: et in ora Gazam, Ioppen, et turrim Stratonis. Quas ille res insuper consecutus, magnificentior euasit, et Cæsarem ad Antiochiam comitatus est. Deinde reuersus domum, quantum crescere exterarum rerum successu videbatur, tanto plus malorum in domesticis habebat, præsertim in re vxoria, in qua antea tam fortunatus esse videbatur. Erat enim Mariæ in coniugio sic amans, vt nemo alius: sed ipsa alioquin pudica, et erga eum fidelis, habebat ingenium muliebre paullo odiosius, quippe quæ eum amore deuinctum tractaret asperius: et nullam habens regis dignitatis rationem, sæpe in eum petulantius se gegeret, id quod ille patienter et dissimulanter ferebat. Deridebat etiam ipsa palam regis matrem et sororem, ex de eis ob ipsarum generis obscuritatem maledicebat: quæ res inter feminas similitudinem et odium inextinguibile, ac tunc etiam plures calumnias gignebat: adeoque fota est ea suspicio, vt vnum annum diuauerit post Herodis a Cæsare reditum. Postremo alitum diu malum, erupit per occasionem, quam iam dicam. Quodam die rex meridie cubuit quietis gratia: et Mariam pro suo perpetuo in eam amore euocauit. Illa vero ingressa quidem est, sed cum eo non cubuit, quamuis cupiente: quin eum contempsit, et contumelia adfecit, ei patris fratrisque sui necem exprobrans. Hac dum ille contumelia offensus, ad temerarium aliquid committendum procliuus est, Salotne regis soror maiorem turbam sentiens, eo submisit regis pocillatorem a se iam pridem subornatum: iussitque vt diceret, a Maria oratum se, vt ipsam in coniungendo regi amatorio adiunaret. Quod si rex turbatus quæsiuisset quid esset, diceret amatorium esse penes Mariam, sed se ab ea oratum, vt id regi porrigeret. Sin hac amatorii mentione rex non moueretur, sineret: id quidem nullum pocillatori adferre periculum. Huic illa sic instructum misit intro. Ille compositus ad fidem, et cum studio ingressus, dicit, Mariam sibi dona dedisse, vt

regi

regi præberet amatorium. Ad hoc commoto rege, dicit id amatorium, esse pharmacum, quod ab ea daretur, cuius quænam vis esset, nescire se: hac de causa se id regi indicasse, ratum id et sibi et regi tutius futurum. His verbis auditis Herodes, qui iam ante male adfectus esset, etiam magis exacerbatus est: et de spadone, qui erat Mariæ fidiſſimus, quæſtione habuit super pharmaco: sciens absque illo nihil tantum tantulumque potuisse fieri. Homo in angustias reductus, nihil eorum, propter quæ cruciabatur, dicere poterat: tantum mulieris in se odium dixit a verbis profectum, quæ ei Soemum dixisset. Hæc eo adhuc dicente, rex magno clamore sublato, dicit Soemum antea tam fidelem, nunquam fuisse mandata enuntiaturum, nisi maius ei cum Maria commercium intercessisset. Itaque Soemum e vestigio comprehendendum, necandumque curat. De Maria iudicium habuit, conuocatis suis familiarissimis: eamque magno studio de amatoris accusauit. Erat autem in verbis intemperans, et iracundior quam esse in iudicio decrevit: itaque ad extremum iudices sic animatum videntes, eam capite damnarunt. Tamen lata sententia, ipse et iudicum nonnulli non ita tenere necandam censuerunt, sed in aliquo regni munito loco collocandam. Sed Salome una cum altera modum inuenit eius de medio tollendæ: idque magis regi persuasit, consulendo, ut populi motus caueret, qui possent exſistere, si ea viua conſeruarietur. Ita ducitur ad supplicium Maria. Alexandra vero quo loco res esset animaduertens, ac ne se quidem ab Herode tutam esse videns, plane alia facta est, deposita superiore audacia. Ut enim se eorum, de quibus Maria accusaretur, insciam esse ostenderet, exiit foras, et filix in omnium præſentia conuiciando vociferatur, improbam, et aduersus maritum ingratiā fuisse, et merito ei accidere, quæ non se talem erga illum, de omnibus ipsis bene meritum, præbuiſſet, qualem debuisset. Hæc dum inhoneste simulat, et illi etiam crines vellere audeat, non solum ab aliis, verum etiam ab ea ipsa, quæ ad supplicium vadebat, manifeste culpabatur. Primum enim nihil dixit, neque turbata est, neque ad matris indignationem respexit, sed excelsio animo sese matris turpitudinem agre ferre monstrauit. Ita sine terrore et coloris mutatione ad mortem profecta est. Sed ea mortua, regi desiderium eo magis exarſit, adeo ut eam subinde reclamaret, subinde turpiter ploraret, omnesque, quas poterat voluptates, consecraretur, ut eius desiderium leniret, cuiusmodi sunt conuiuia et conuentus: sed iis omnibus nihil proficiebat. Quare regni administrationem deposuit, et adeo adfectu victus est, ut etiam famulis suis imperaret, ut Mariam adpellarent, quasi ea adhuc viueret. Eo sic adfecto, oritur peſtis, quæ tum plebeiiorum, tum regis amicorum maximam partem sustulit, et quidem maxime venerabiles: id quod omnibus suspicionem fecit, diuina ira id accidere, propter illatam Mariæ iniuriam. Hæc res etiam deterius regem adfecit, ita ut postremo siluas peragraret, et ibi per speciem venationis sese adſiciens, in morbum difficillimum incideret. Ardor erat, et dolor occipitis tantus, ut deliraret, nec vlla medicina ei prodesſet, quin potius officeret: adeo ut postremo de eius vita desperaretur. Et omnes medici, partim quia morbus remediis minime cedebat, partim quia rex nullam aliam victus rationem tenere poterat, quam ad quam morbus cogebat, omnia ei præbebant, quæ postulare, eius valetudinem fortunæ committerent. Illo ad hunc modum Samaritæ egrotante, Alexandra, quæ Hierosolymis degebat, his intellectis, conata est duas vrbes munitiones occupare, videlicet ipsius vrbis, et templi: quæ sunt eiusmodi, ut qui iis potiuntur, vniuersam gentem in potestate habeant.

\*Nam sine iis fieri sacrificia non possunt: et Iudæi eo sunt ingenio, ut mori malint, quam ea omittere. Igitur Alexandra cum earum munitionum præfidiis colloquitur, demonstrat eas sibi et Herodis filiis debere tradi, ne si ille mortuus esset, et alius quispiam rerum administrationem occupare aut euerteret: Sin conualuisset, neminem tutius eas seruaturum, quam eius domesticos: Hæc verba illi tulerunt non mediocriter: quin regi fidem suam, ut ante præstiterunt, partim ob Alexandræ odium, partim, quod indignum putabant de rege desperare, quamdiu superstes esset. Erant enim de eius veteribus amicis: quinetiam eorum vnus, nomine Achiabus, regis erat confortinus. Itaque eum continuo de Alexandræ instituto certiores fecerunt: et ipse citra cunctationem eam iussit interfici: et postquam ex morbo ægre, nec sine magno cruciati, reualuit, adeo ferus euasit, ut qui primus in eius manus venerat, de eo quauis de causâ supplicium sumeret. Quin etiam amicos suos summos interfecit, Costobarum, et Lyfimachum, et Gadium cognomine Antipatrum, et Dositheum, ob causam quam iam dicam. Erat Costobarus natu Idumæus, eius regionis facile primus, de genere sacerdotum Cozæ, quem deum existimant Idumæi. Hunc Costobarum, postquam Hyrcanus eos in Iudæorum leges coegit, Herodes regnum adeptus, constituit Idumææ, Gazæque præfectum, eique sororem suam Salomen nuptum dedit: interfecto Iosepho, qui eam ante duxerat, ut docuimus. Costobarus insperata dignitate lætus, superbiit, paullatimque modum excessit, neque sibi honestum existimans imperantis Herodis iussa facere, nec Idumæis in Iudæorum potestate esse, et uti moribus eorum. Itaque Cleopatraz significauit, Idumæam semper maioribus ipsius Cleopatraz paruisse, ideoque æquum esse, ut ea ab Antonio regionem illam postularet: se quidem paratum esse, suam beneuolentiam transferre ad Cleopatram. Id ille nequaquam eo faciebat, ut principatum transferret ad Cleopatram: sed quod arbitrabatur, accisis Herodis viribus, facile se posse gentis Idumææ dominatum adipisci, et ad maiora peruenire. Veniebat enim in magnam spem, tum quod magno loco natus erat, tum quod pecuniis abundabat, quas assidua quæsiuerat auaritia: neque quidquam mediocre moliebatur. Et Cleopatra regionem illam ab Antonio impense flagitauit, nec tamen impetrauit: qua de re certior factus Herodes, Costobarum interfecturus fuit: sed sororis et matris precibus exoratus, ei veniam dedit, sic tamen, ut eum deinceps suspectum haberet propter illum conatum. Aliquanto deinde post, nato inter Salomen et Costobarum dissidio, ea illi continuo misit libellum diuortii, contra quam ferunt Iudæorum leges. Nam viro quidem id facere licet: sed femine, quamuis repudiatæ, ne nubere quidem licet, nisi permissu prioris mariti. Tamen Salome fecit, Herodique fratri demonstraui, se propter suam in eum beneuolentiam marito remisisse nuntium: quoniam comperisset eum, et Antipatrum, et Lyfimachum, et Dositheum nouis rebus studere. Atque ad eius rei persuasionem proposuit Babæ filios, quos Costobarus duodecimum iam annum seruaret: id quod verum erat: qua re vehementer obstupuit rex, eiusmodi rem audiens, quam numquam suspicatus esset: et eo magis commotus est, quod res erat incredibilis. Etenim his Babæ filiis fuerat aliquando insensus, quoniam sibi repugnassent: verum tum tantum iam temporis præterierat, ut eorum iam non recordaretur. Eius in eos odii causa fuit hæc. Quo tempore regno fruebatur Antigonus, Herodes Hierosolymam obsidebat: et propter eorum, qui obsidebantur calamitates, erant multi, qui Herodem aduocarent, et spe iam in eum propen-

penderent. Sed Babæ filii (qui dignitate et gratia multum apud vulgus valerent) Antigono fidem suam præstare perseverabant, Herodemque semper culpabant, et ceteros eo cohortabantur, ut regibus operam suam præstarent in tenendo principatu, quem a patribus acceperant. Urbe deinde capta, et Herode rerum potito, Costobarus præcludendis exitibus, vrbique custodiendæ præpositus, ne fontes et regis aduersarii euaderent, quum sciret Babæ filios apud vniuersum populum esse in pretio, cogitaretque, si eis vitam custodiret, id sibi multum profuturum, si aqua interuenisset rerum mutatio, eos subtraxit, et certis in locis abscondit. Ac tum Herode id, quod erat suspicante, iurauit se nescire, eique suspicionem ademit. Postea illis a rege proscriptis, nihil confessus est, sed occultos habuit. Quum igitur eos soror regis ipsi indicasset, misit rex eo, ubi esse dicebantur: et ipsos, et alios cum ipsis accusatos interfecit: ita nemo iam de Hyrcani genere superfuit: habuitque Herodes regnum plane in sua potestate, postquam nemo iam alicuius auctoritatis erat, qui quæ contra legem fierent, impedire posset. Hac de causa deflexit etiam magis a patriis moribus, nouasque consuetudines inuexit. Primum enim pugilum ludos quinquennales instituit Cæsari, et theatrum Hierosolymis ædificauit: deinde in campo maximum amphitheatrum, et eum quinquennalem conuentum magnificentissime, et sumtuosis sine celebravit, adeo, ut ex cunctis finibus magnis impensis summos et celeberrimos omnis generis ludiones, et ceteros eiusmodi voluptatis artifices arcescuerit. Ipsum erat theatrum sumtuosissime factum, depictis per circuitum Cæsaris gestis et victoriis, opere ex probò auro et argento: quæ omnia tam displicebant ludæis, quam placebant extraneis. Videbant enim perspicue, crudele esse, homines capite damnatos ad leones et tygres, ceterasque feras (ut fiebat) proiici hominum delectationis gratia: itemque leges cum peregrinis moribus permutari. Sed nihil eos magis offendeat, quam tropæa, propter imagines, quæ circum arma depictæ cernebantur. Neque vero nesciebat Herodes, eos turbari, et vi cogere intempestiugum existimabat: eam ob rem dabat operam, ut nonnullos verbis mitigaret, et ea religione solueret. Verum nihil proficiebat: quin adeo indignabantur, ut omnes vno consensu vociferarentur, si omnia patienda forent, at hominum quidem imagines in vrbe non passuros, (de tropæis loquebantur,) neque id mores antiquos ferre. Hoc perspecto, Herodes eorum præcipuos vocat, et in theatrum ductis, tropæa monstrat, quæritque quidnam hæc eis videantur? Exclamant, esse hominum imagines. Tunc ille detractis ornamentis, nudum lignum eis ostendit: et illi in risum versi sunt, quippe qui iam antea imaginum adparatus pro ridiculo ducerent. Postquam populi indignationem hoc pacto sedauit, plerique sic erant, ut mutati pacati que esse viderentur: tamen nonnulli in mutatorum niorum offensione perseverabant: malueruntque periculum subire, quam eiusmodi vim pati. Itaque coniurarunt ciues decem in quoduis periculum, et pugiones sub vestibus sumserunt: fuitque quidam ex eis, qui eorum, qui audiuerat, indignitate commotus, cum eis coniurauit, non ille quidem quasi eos multum adiuturus, sed cum eis aduersa pati paratus, si eis male res caderet, id quod eis multum animi addidit. Ita decreta re, vadunt vno animo in theatrum, spectantes, ne Herodem quidem ipsum euasurum, quum inopinantem inuaderent: aut certe si ab eo aberrarent, multos ex eius comitibus interfekturos, regique occasionem præbituros cogitandi de iniuria, quam genti inferret: etiam si ipsis moriendum foret. Sed existit quidam de regis emissariis, qui

deprehensum totum negotium regi nuntiatum iuit, in theatrum intraturo. Hanc ob causam recepit se rex in regiam, eosque suis nominibus euocauit. Ita comprehensi a satellitibus cum suis pugionibus, rem omnem audacter et libere confessi sunt: seque recte fecisse dixerunt, atque ita ex cruciati mortem obpetierunt. Non multo post iudicem illum corripuerunt quidam, nec solum interfecerunt, verum etiam inembratim discriptum, canibus obiecerunt: atque id multi ciuium viderunt, neque tamen quisquam indicauit, donec Herode acerbissime quæstionem habente, coactæ cruciatibus, mulieres quædam confesse sunt, quæ viderant. Itaque in auctores facti, et in earum totas domos animaduersum est. Neque propterea desinebat populus in legum tuitione constanter, et intrepide perseverare: quare Herodes se non extra periculum esse videns, nisi se tutius muniret, statuit, eos vndique circumsepire, ne huiusmodi notus in apertam rebellionem erumperent. Quam igitur urbem haberet firmatam palatio, an quo degebat ipse, et templum Antonia, quam munitionem construxerat, cogitauit, Samariam tertium contra populum murum esse posse: eamque nominauit Augustam, distantem Hierosolyma itinere vnius diei, ut tum ad regionem, tum ad urbem, vsui communiter esse posset. Ad totam autem nationem inædificauit munitionem, quæ quondam Stratonis turris adpellabatur: eique Cæsareæ nomen fecit. Item in magno campo Galilææ, locum ædificauit nomine Gabala, et in Perzæ Estmonitum: idque faciebat, ut gentem in dies magis magisque cogeret, et homines semper in promptu habebat, quæ motus, et seditiones resciscere, et impedire possent. Atque ubi ad murandam Samariam ventum est, deduxit eo frequentem coloniam, tum eorum, quorum opera in bellis vsus fuerat, tum vicinorum, partim studio erigendi in ea templum, partim quod ea antea parum celebris fuerat: sed maxime, ut se ea muniret. Itaque finitimum territorium, quod erat illius regionis optimum, diuisit incolis, ut in ipso statim aduentu bene agerent, et urbem valido muro cinxit, vsus decliuitate loci ad firmitatem: comprehenso spatio, non quantum fuerat prius, sed tanto, ut nihil vel celeberrimis urbibus cederet. Fecit enim viginti stadiorum ambitum, et in media sacrum trium stadiorum locum reliquit, omnibus rebus ornatisimum, et ibi templum exstruxit magnitudine et pulchritudine in primis memorabile, omnesque urbis partes optime composuit, tum ut tutius degeret, tum ut laudem sibi compararet.

## CAPVT XII.

*De fame, quæ fuit in Iudæa.*

**E**odem anno, qui regni Herodis tertius decimus fuit, exstitit in ea regione continua siccitas, deinde fames, deinde pestis, adeo ut tota gens magna fuerit in angustia. Quin ipse rex non minus egestate laborabat quam alii: quippe quum non esset vnde ei tributum solueretur, et ipse pecuniam suam in ea, quæ diximus, ædificia consumisisset, quæ res ei eius subditorum confluuit odium. Quare ut necessitati subueniret, eundem ex vniuersa suppellex sua nummos, quos in Aegyptum ad coemendum frumentum misit, et Petronij amici sui (qui tum Aegypto Cæsaris nomine præfectus erat) fideli opera vsus, tantum frumenti in eos fines inuexit, ut eorum etiam, quibus antea inuisus erat, amorem sibi conciliauerit: et rem ita temperauit, ut vniuerso populo, non solum de comæatu, sed etiam de vestitu prospexerit. Hoc facto, finitimis quoque urbibus subuenit, Syriæ ciuitatibus semina suppeditando, adeo ut omnibus de victu prouisum fuerit. Deinde adpetente messe, diuisit per

per regionem, ad quinquaginta hominum millia, quos aluerat: et hac ratione regno suo optime opitulatus, succurrit porro multum vicinis omnibus, prout cuiusque opus erat, ita ut in vniuersæ nationis benevolentiam sese insinuauerit, in magnoque fuerit honore et gloria. Sub eadem tempora misit et Cæsari subsidio quingentos lectos homines, de suis satellitibus, quos Gallus Aelius ad mare rubrum duxit, eique magno usus fuerunt. Quinque iterum res secundas haberet, regiam in superiore vrbe construxit, et in ea domos ingentes sumtuosasque fecit: quarum vnam Cæsaris, alteram Agrippæ nominauit. Duxit etiam ex amore uxorem, ut iam dicam. Erat Simon quidam Hierosolymitanus, Alexandrini cuiusdam nomine Boethi filius, sacerdos, vir illustris, qui filiam habebat eius (ut existimabatur) temporis, formosissimam. De ea ubi Herodes audiuit, commotus est, visamque deperit: et quia vi rapere non audebat, satis duxit in matrimonium ducere. Et quoniam Simon, quamuis non contemnendus, tamen inferiore loco erat, quam ut regis socer fieret, cum euenit: et Iosue Fabii filio pontificatum abrogauit, eoque Simonem donauit, atque ita eius filiam duxit. Peractis nuptiis, castellum pulcherrimum atque munificentissimum construxit in eo loco, ubi ab Antigono exactus, Iudæos vicerat, quo d castellum abest Hierosolymis sexaginta stadia. Hisce rationibus rem suam stabiliebat, in aduersarios suos vindex acerbus, in ciuitates comis, et humanus, et qui principes magnis muneribus aliisque rationibus coleret. Vt enim Cæsaris, et potentum Romanorum amicitiam retineret, multa in Iudæorum leges committebat, vrbes, et sana construendo, non hæc quidem in Iudæa, (nam simulacra Iudæi numquam tulissent,) sed in aliis regionibus: et ut sese Iudæis purgaret, dicebat se iustum facere: et a Cæsare atque Romanis gratiam inibat, ostendens se eorum honoris gratia etiam in patrias leges peccare.

## CAP V T XIII.

*Cæsarea Constructio.*

**Q**Uumque animaduertisset in litore Phœnicii maris, inter Ioppem, et Dora, locum vrbi aptissimum, olim Stratonis turrin adpellatum, ædificauit ibi urbem pulcherrimam, quam in Cæsaris honorem Cæsaream adpellauit, et in ea Cæsaris templum exstruxit. Est ibi inter ceteras turres vna speciosissima, Drusus adpellata, ad honorem Drusi priuigni Cæsaris, qui iuuenis obiit: estque ea vrbs perfecta duodecim annis, cum pulcherrimo portu, quem ibi fecit. His perfectis, et Augusta ædificata, statuit Romam filios suos mittere, Alexandrum et Aristobulum, ut se Cæsari offerrent. Eo postquam peruenerunt, ad Pollionem Cæsari amicissimum diuerterunt, eisque permissum est etiam, apud Cæsarem diuersari. Nam et ipse eos accepit humanissime, et Herodi potestatem fecit regnum, vtri filiorum vellet, confirmandi: eique insuper amplius regionum dedit, videlicet Trachonem, Batanæam et Aurantidem: et dedit ob eam causam, quam iam dicturus sum. Erat Zenodorus quidam, qui Lysaniæ domum conduxerat: et quia non satis magnos redditus habebat, eos latrocinis per Trachonem exercendis supplebat. Nam ea loca incolebant desperatæ vitæ homines, qui Damascenum agrum populabantur: neque Zenodorus eos impediabat, quin et ipse prædæ particeps erat. Hæc vexati vicini, aduersus Varronem (qui tum præfectus erat) vociferabantur, et ut Cæsari de Zenodori iniuriis scriberet, flagitabant. Cæsar his de rebus certior factus, rescripsit, ut ex eo tractu latrones exigerentur, isque Herodi traderetur, ut daret operam, ne Trachonitæ deinceps finitimis nocerent.

rent. Nec enim eos prohibere facile erat, quum vnum latrocinandi opus haberent, nec aliunde viuerent: quippe quibus nec oppida nec possessiones essent, sed tantum receptacula et specus subterraneæ, vbi cum suis pecoribus viuerent. Habent aquæ et cibariorum copiam, possuntque ex occulto diu resistere. Aditus sunt angusti, qua non plures quam singuli transire possint: sed interiora incredibili sunt amplitudine atque magnitudine, et domorum superius solum non supereminet, sed terræ æquale est. Id totum rupes est dura et aditu difficilis, nisi ductor adsit, quippe flexuosis semitis. Hi homines, si quando finitimis incommodare non poterant, alii alios spoliabant, nec ab vlllo scelerum genere sibi temperabant. Is tractus postquam est Herodi datus, eo certorum hominum ductu profectus est, et latrocinia sustulit, finitimisque pacem et otium præstitit. Et Zenodorus iratus primum, quoniam priuatus esset præfectura: deinde, et quidem potissimum, quoniam Herodi datam inuideret, profectus est Romam, vt eum accusaret: sed reuersus est infecta re. Et Agrippa trans Ionium mare missus est, vt eas prouincias Cæsaris nomine procuraret: eumque Mitylenæ hibernantem Herodes (qui ei amicissimus esset) adiit, deinde Iudæam repetiit. Et Herodem quidem Gadareni quidam apud Agrippam accusatum iuerunt: sed ille eos nullo dignatus responso, regi victos remisit. Item Arabes (qui iamdiu Herodis principatu dolerent) ei erant infensi, ac tum: eius rebus dissidium creare conabantur ob huiusmodi causam. Zenodorus de suis rebus iam desperans, eis fixæ præfecturæ partem, videlicet Auranitidem, vendiderat quinquaginta talentis. Et quoniam ea pars in eo, quod donauerat Herodi Cæsar, continebatur, intercedebant Arabes, et crebras incursiones faciebant, et vim tentabant: nonnumquam etiam iure experiebantur. Conciliabant etiam sibi pauperes milites, et Herodi infesti erant, semper sperantes, et nouis rebus studentes: quibus maxime gaudent, qui male agunt. Hæc iam pridem intelligens Herodes, tamen non hostiliter agebat: sed eos prudenter leniebat, neque turbis occasionem dare volebat. Deinde anno eius regni decimo septimo, venit Cæsar in Syriam, ac tum maxima Gadarenorum pars de Herode expostulare cœperunt, imperiosum esse acerbumque, et tyrannum dicentes. Eos aut ita audaces faciebat Zenodorus, instigando, et de Herode conquerendo: iurandoque se numquam deserturum eos, quin Herodis regno ademisset, et Cæsaris ditioni adiecisset. Hæc causa erat, cur quiritarentur Gadareni: eo freti, quod quos ei victos tradiderat Agrippa, penas non dedissent, sed ab Herode incolumes dimissi fuissent. Igitur quum ab illis de vi et rapinis, et templorum euerfionibus accusaretur Herodes, parabat inturbatus causam suam defendere: sed Cæsar ei dexteram præbuit, neque quidquam de sua erga eum voluntate ob multitudinis turbationem immutauit. Igitur primo die de hisce rebus actum est: sed postremo die non est perrectum in cognitione. Nam Gadareni propensionem tum ipsius Cæsaris, tum adfessorum videntes, et se regi traditum iri (vt erat verisimile) arbitantes, cruciatuum metu partim se noctu præfocarunt, partim præcipitarunt: alii se fluuiio exstinxerunt. Visa est ea res indicare leuitatis culpæ penitentiam: itaque Cæsar sine villa dubitatione Herodem absoluit. Accidit præterea, vt Zenodorus rupto intestino, tantum sanguinis amiserit, vt vitam finierit Antiochiæ in Syria: quamobrem Cæsar eius regionem Herodi dedit, quæ erat non parua, inter Trachonem, et Galilæam posita, videlicet Vlatham et Paniadem, agrumque finitimum, eumque cum Syriæ administratori-

bus



bus coniunxit, et eis, ne quid sine Herodis sententia facerent, imperavit: atque vtrēm in pauca conferam, eo peruenit Herodes, vt neminem nec Cæsar secundum Agrippam, nec Agrippa secundum Cæsarem pluris faceret. Itaque quum tanta in gratia esset, petiit a Cæsare fratri suo Pheroræ vnam de quatuor regionis partibus, eidemque Pheroræ centum talentorum redditum de suo regno dedit, vt si forte thoreretur Herodes, esset in tuto Pheroræ res, nec ea potirentur Herodis filii. Postquam autem Cæsarem ad mare comitatus rediit, ornatissimum ei templum extruxit, ex candido saxo, in Zenodori terra, prope eum locum, quod Panum adpellatur. Specus est amœnissima in monte, cuius in radice in tam altam voraginem terra descendit, vt fundum cerni nequeat, quæ vorago stagnantis aquæ plena est: supra mons ingens imminet, et infra specum oriuntur fontes Iordanis fluminis. In eo loco (qui quidem celebratissimus est) Herodes templum extruxit, quod Cæsari sacrauit. Tunc etiam sui regni hominibus tertiam vectigalium partem remisit, per simulationem eos subleuandi, propter annorū caritatem præteritam: sed id magis faciebat, vt eorum in se odium exstingeret. Dolebant enim, eos ritus inuehi, propterea quod eorum religio et mores exolestebant, quæ de re fremebant vniuersi. Cui rei occurrebat ille diligenter, eis occasiones adimendo, et perpetuos labores iniungendo, vt iam ciuibus coire, simulue ambulare, aut viuere non liceret, obseruantibus omnia custodibus. Quod si quis deprehensus erat, in eum acerbè animaduertebatur, multique tum palam, tum secreto, in Hyrcaniam castellum interficiendi ducebantur: erantque certi tum in vrbe, tum in viis homines, qui obseruarent si qui conuenirent. Quin ipsum quoque aiunt, ne hanc quidem neglexisse partem: ac sæpe vestitu priuati hominis sese noctu turbis immiscuisse, vt, quid de principatu sentirent, rescisceret. Quod si qui obstinate in mores consentire recusarent, eos omnibus modis de medio tollebat: reliquos ad fidem iureiurando perducendos censebat. Itaque sacramento adstrinxit, fore ipsi fideles subditos, quam in rem plerique, tum vt eum colerent, tum etiam quod metuerent, consenserunt. Qui vero sese cogi non sustinebant, in eos omni modo sæuebat. Volebat etiam Phariseum Pollionem et Samean, et complures eorum, qui illos frequentabant, ad iurandum cogere: sed illi in eam rem non consenserunt: neque tamen vt ceteri pœnas luerunt, illo eorum rationem habente propter Pollionem. Ab hæc eadem necessitate excepti fuerunt etiam, quos Essæos adpellamus, quibus tantum tribuebat Herodes, vt eos pro diuinis haberet: cuius rei causâ hæc fuit. Erat Essæorum quidam nomine Manahemus, vir bonus, et qui futura diuino instinctu præuideret. Hic conspicatus aliquando Herodem, puerum adhuc, in ludum litterarium conmeantem, dixit regem fore Iudæorum. Et Herodes illum aut sui notitiam non habere, aut iocari arbitratus, demonstrat se priuatum esse. At ille leniter subridens, et ei nates manu seriens: Atqui et regnabis, inquit, et imperium feliciter, præstante Deo, auspicaberis: et memento iētum Manahemi, vt hoc tibi sit indicium mutationum fortunæ. Erit enim optima tua mens, si iustitiam et pietatem amaueris, et erga ciues clementiam: verum ego totius rei gnarus, scio te non talem futurum. Eris enim fortunatus tu quidem, si quisquam alius, et laudem tibi paries æternam: sed pietatis et iustitiæ obliuionem capies, cuius rei haud immemor sane Deus erit, dum sub xui tui finem de te pœnas sumet. His

verbis mentem protinus minime adhibuit Herodes, quod eius rei spem nullam haberet: sed postquam paulatim ad regnum, et quidem fortunatum, euectus est, in ipso imperii vigore Manahemum arcescit, et ex eo quamdiu regnaturus esset, quærit. Manahemus vero totum non dixit, sed eo tacente quærit Herodes dumtaxat, an decem annorum futurum esset regnum. Ad quod ille respondit, etiam viginti, atque etiam triginta, neque spatio modum fixit. Et Herodes eo contentus, ei dexteram dedit, eumque dimisit, ac deinceps Esixos omnes habuit in honore.

## CAPVT XIII.

*Herodes Hierosolymitanum templum diruit, et aliud exstruit.*

**I**gitur anno regni sui duodeuigesimo, post ea facta quæ superius dicta sunt, statuit Dei templum ædificare, idque maius et altius facere, cogitans fore id omnium quæ unquam fecisset, operum præclarissimum ac laudatissimum. Et quum populum ad rem tam arduam paratum non esse intelligeret, conuocauit eos, et de eo negotio orationem habuit, in qua et alia dixit, et hæc in primis: Fuit quidem templum hoc summo Deo a maioribus nostris ædificatum, postquam Babylone redierunt: sed ei defuit ad altitudinem cubiti sexaginta: tanto enim altius erat primum illud a Solomone constructum. Neque vero per maiores nostros stetit, quo minus hoc magnitudine prius æquaret: verum Cyrus et Darius Hytaspis filius hunc ædificii modum præscripserunt: quæ causa fuit, vt maiores nostri (qui illis, eorumque filiis, et post eos Macedonibus subiecti fuerunt) facultatem non habuerint id ad parem cum priore magnitudinem perducendi. At nunc, postquam Dei beneficium regnum adeptus, et longa pace, et pecuniis ac rebus abundo: quodque maius est, cum Romanis, omnium (vt ita loquar) dominis in gratia sum, dabo operam, vt id quod necessitate, et superiorum temporum seruitute omissum est, refarciam, et Deo (per quem regnum consecutus sum) perfectum cultum reddam. Hæc verba habuit Herodes: quæ quia illis noua accidebant, multi his attoniti sunt, metuentes, ne si tantum opus dissoluisset, non satis magnas opes haberet ad perficiendum. Verum rex eos confirmauit, dicens, non se prius templum diruturum, quam omnia quæ ad id absoluendum pertinerent, præparasset: id quod fecit. Nam mille carros ad vehendos lapides comparauit, et decem peritissimorum opificum millia delegit, et mercatus mille sacerdotibus vestes sacerdotales, eos partim lapides, partim ligna fabricare docuit: atque ita opus adgressus est, omnibus diligenter præparatis. Igitur sublati veteribus fundamentis, et iactis aliis, templum super eis erexit in longitudine cubitorum centum, in altitudine centum viginti, quæ viginti attributa sunt fundamento: estque templum albis firmisque saxis constructum, longis circiter vicenosquinos cubitos, altis octonos, latis duodenos. Erat autem totum templum (quemadmodum et regia porticus) vtraque parte depressus, et medium editius, ita vt longissime prospici posset. In ostiis portas cum superliminaribus templo fecit æquales, pulcherrimis tapetibus ornatas: et circum vniuersum templum porticus fecit ingentes, habita ratione proportionis templi, sumtibus maiores suos superans, pendentibus circum templum spoliis peregrinarum gentium, quæ omnia Herodes ibi posuit, et, quæ ipse de Arabibus reportarat, insuper adiecit. A septemtri-

trione arx erat quadrata, egregie munita atque firma, quam Asanionæo prognati reges et sacerdotes extruxerant, et turrim adpellarant, ut ibi pontificis ornatus reponeretur: quem ipse pontifex duntaxat, quum erat facienda res diuina, induebat. Hunc ornatum rex Herodes eo in loco custodiuit: post eius obitum fuit in potestate Romanorum, usque ad tempora Tiberii Cæsaris. Huius temporibus, quum Vitellius Syriæ prætor Hierosolimam venisset, et a populo honorificentissime exceptus fuisset, ut eis gratiam referret, scripsit eorum rogatu ad Tiberium Cæsarem, ut Iudææ sacra vestimenta in potestatem permitterentur: id quod ille concessit, eaque habuerunt usque ad decedum regis Agrippæ. Post eum Cassius Longinus, qui tum Syriam procurabat, et Cuspius Fadus Iudææ præses, Iudæis imperarunt, ut ea vestimenta ponerent in Antonia: debere enim Romanos ea penes se habere, sicut antea. Quamobrem Iudæi ea de re legatos ad Claudium Cæsarem miserunt, pro quibus legatis iuuenis rex Agrippa, qui tum Romæ erat, perfecit apud imperatorem, ut Vitellio imperaret, ut Iudæis ea vestimenta in potestatem traderet. Antea erant sub sigillo pontificis et quæstorum: et pridie festorum ibant quæstores ad præfectos Romani præsidii, et agnito suo sigillo, vestimenta auferebant. Deinde rursum festis transactis, ea in eundem locum referebant, et ostensa præfecto præsidii consignabant ac concludebant. Sed hæc postea facta sunt. Iam ut ad propositum reuertamur, hanc turrim Herodes rex tunc magis munivit, ad templi defensionem, et Antonii causa nominauit Antoniam. A septi parte septentrionali erant portæ quatuor, quarum una ferebat in regiam, interiacente valle: duæ in suburbium: quarta in alteram urbem partem: eratque multis gradibus in vallem descensus, deinde rursum ab altera parte adscensus. Nam urbs posita e regione templi, speciem præbebat theatri, cincta valle profunda secundum latus meridianum. Quarta pars frontis templi a meridie, habebat et ipsa portas in medio simul: que regiam porticum, quæ triplex erat, et longitudine ab orientali valle ad occidentalem usque pertinebat, opus toto orbe pulcherrimum, eratque id primum templi septuaginta. In medio erat iuxta illud alterum, in quod paucis gradibus adscendebatur, circumdante lapidea maceria, in qua scriptum exstabat, ne quis alienigena intraret, sub pena capitis. Habebat autem interius consecutum a parte meridionali et septentrionali, portas tres continuas, æqualiter inter se distantes: et ab oriente magnam portam, per quam mundis et feminis intrare fas esset. Interius erat sanctuarium, quo femine non intrabant: et porro interius erat tertium, quo non nisi sacerdotibus licebat introire. Hæc erat ædes: et ante ædem ara victimaria. Horum trium in nullum ingressus est rex Herodes, quoniam sacerdos non esset: sed porticus et interius consecutum per sacerdotes curauit extruendum, et id opus octo annis ædificauit. Postquam ædes a sacerdotibus vno anno et sex mensibus exædificata est, vniuersus populus lætitiæ plenus gratias agebat: primum Deo, quod tam cito factum fuisset: deinde regis diligentia, festum diem agentes, et templi instaurationem faustis omnibus prosequentes. Rex Deo trecentos boues immolauit: reliqui item pro sua quisque facultate, qui numerus fuit infinitus. Incidit enim is dies, in quo templum fuit absolutum, in eundem diem in quo rex fuerat creatus Herodes: quem quidem celebrare solitus erat, ut his duabus de causis festum fuerit illustrius. Fertur, quo tempore templum construebatur, non nisi noctu pluisse, ne opus impediretur. Sic nos a maioribus accepimus.

FLA-

## FLAVII IOSEPHI ANTIQVITATVM IVDAICARVM LIBER DECIMVS SEXTVS.

### CAPVT I.

*Alexander et Aristobulus Roma redeunt ad patrem: et Salome et Pheroras eos calumniantur.*

**I**Nter cetera legem tulit rex, vt fures in exterarum nationes venderentur: quæ res, quoniam contra legem esset, ei conciliauit odium populi. Furem enim lex quadruplo multat, aut si soluendo non est, vendi iubet: sed non alienigenis, neque vt perpetuo seruiat, sed vt post annos sex manumittatur. Per id tempus profectus est in Italiam, tum vt Cæsarem, tum vt filios suos, qui Romæ versabantur, videret. Eum Cæsar comiter excepit, eique filios, vt iam in disciplinis perfectos, reddidit in patriam reducendos. Vbi ab Italia reuenerunt, magni apud omnes fiebant, partim quia proceri, partim quia eleganter eruditi, et regia forma forent. Itaque Salome regis soror, et qui Mariæ mortis auctores fuerant, protinus inuidiam in eos conceperunt: ac veriti, ne quando ob illatam eorum matri iniuriam pœnas luerent, ceperunt de eis maledicere, videlicet eos patris consuetudine non delectari, propter necem matris, cum cuius interfectore degere religioni sibi ducerent. Hæc illi non Herodi dicebant, sed in vulgus spargebant, eaque referebantur Herodi; quæ res ei odium gignebat in filios.

### CAPVT II.

*Herodes filiis suis vxores locat, deinde ad Agrippam nauigat*

**N**Eque tamen non eis honorem habuit, quem debuit: vxoresque dedit Aristobulo Bernicem Salomæ filiam, Alexandro vero Glaphyram Archelai Cappadociæ regis filiam. His factis, quum Marcum Agrippam iterum ab Italia in Asiam nauigasse intellexisset, eum adiit, persuasitque vt in Iudæam veniret, vbi ipse cum suis eum excepit magnificentissime, eique oppida recens a se ædificata, munitaque sua loca ostendit: et eum Hierosolymam duxit, vbi ei populus obuiam festo vestitu prodiit, et eum perhonorifice excepit. Et Agrippa Deo rem diuinam fecit, et populo conuiuium lautissimum præbuit: deinde rursus in Ioniam profectus est: Herode ei, eiusque comitum clarissimis, multa largito.

### CAPVT III.

*Herodes Agrippam denuo adit.*

**E**T Herodes ineunte vere, eum iterum conuenire instituit, sciens eum in Bosporum expeditionem parasse. Itaque tantum nauigauit, vt eum apud Sinopen in Ponto inueniret: vbi comiter exceptus, magna apud Agrippam fuit in gratia. Deinde expeditis eis, quorum causa in Pontum profectus Agrippa fuerat, redierunt itinere pedestrari.

## CAPVT III.

*Iones Iudæi de Græcis apud Agrippam expostulant.*

**V**T in Ioniam ventum est, magna Iudæorum multitudo (qui vrbes illas incolebant) ad Agrippam, occasione fiduciaque sumta, se conferunt, et apud eum de iniuriis: quæ sibi fierent, expostulant: demonstrant se suis vti legibus prohiberi, sacris diebus in ius vocari, spoliari pecuniis, quas Hierosolymam ad templum mittere vellent: cogique ad obeundam militiam et publica munera, et in ea sacras pecunias insimere, contra sua iura, quum eis Romani semper secundum patrias leges viuere permisissent. Hæc dum vociferantur, obtinuit Herodes Agrippa, vt illorum rationes audire vellet: adlegauitque quemdam suum amicum, nomine Nicolaum, qui Iudæorum causam ageret. Quumque adfessores sibi aduocasset Agrippa Romanorum primos, et qui aderant reges et principes, habuit Nicolaus eiusmodi pro Iudæis orationem, vt Græci non intercederent. Neque enim vt in iudicio litigabatur, sed erat Iudæorum supplicatio contra vim, quæ eis inferebatur. Itaque non negabant Græci: sed eo se tegebant, quod dicerent, Iudæos ipsorum finibus vti, et in eo iniurios esse. Ad hoc Iudæi, se bono genere esse demonstrant: quodque vbi versarentur, ibi leges suas haberent in pretio, in eo illis iniuriam non facere. Hic Agrippa pronuntiauit, se Herodis causa Iudæis postulata concedere: et insuper plura concedere paratum esse, dummodo sine incommodo fieret imperii Romani. His peractis, a Lesbo discessit.

## CAPVT V.

*Herodes patriam repetit.*

**H**erodes vero Hierosolymam rediit, et conuocato omni populo (quæ sane ingens fuit multitudo, etiam ex agris) eis totius itineris sui rationem exposuit: et sese perfecisse demonstrauit, vt omnes Asiæ Iudæi deinceps sua iura retenturi forent. Atque vt se eorum vtilitatis studiosum ostenderet, atque commendaret, quartam superioris anni vectigalium partem eis condonauit: qua de re vehementer lætati discesserunt, optantes regi multa bona.

## CAPVT VI.

*Oritur domi Herodis disfidium, quoniam Antipatrum filium suum natu maximum pluris faceret, quæ res dolebat Alexandro.*

**V**ergebat autem in dies in deterius domesticum disfidium, conante Saloma neminem relinquare, qui matris puerorum mortem vlisci posset: adde quod pueri naturali quadam audacia, et in patrem maleuolentia præditi erant, tum recordatione iniuriæ, quæ matri facta foret, tum regnandi cupidine. Iterumque malum erat quale prius, quod et adollescentes de Saloma et Pherora libere et aperte maledicebant, et illi eis enixe insidias struebant, adeo vt vrbs tandem huiusmodi sermonibus plena fuerit. Atque id propterea crescebat, quod absente rege, maior erat disensionis occasio. Deinde reuersum, et cum populo (vt supra demonstrauimus) collocutum, confestim Pheroras et Salome commonefaciunt, vt sibi caueat ab ado-

adoleſcentibus, qui ei aperte minarentur, non ſe matris necem inultam reliſturos. Addebant et illud, eos ſperare, Archelai Cappadocum regis ope ituros ad Cæſarem, et patrem accuſaturos. His ſermonibus auditis ſtatim percuſus eſt Herodes: et eo magis, quod eadem ab aliis audiebat. Itaque vt pueros ſuos deprimeret, euexit filium ſuum, nomine Antipatrum, quem nondum rex factus genuerat, eumque apud ſe in pretio eſſe oſtendit: non ille quidem ſicut poſtea, quum ab eo ita victus eſt, vt ad eum omnia referret: ſed id fecit, vt audaciam filiorum Mariæ coerceret, arbitratus fore demiliores, ſi regni ſucceſſionem neque ſolis ſibi, neque neceſſario deberi putarent. Hac de cauſa Antipatrum eis æmulum obiecit, ratus futuros inde meliores: verum longe aliter euenit. Nam et pueri graui ſe iniuria adfici interpreta- bantur: et Antipater, homo verſutus, poſtquam ſemel eo venit, vt ſperare auderet, quod antea non ſperabat, id vnum dabat operam, vt fratribus nihilo inferior eſſet, et patrem iam nimis exacerbatum, magis inſuper irritaret. Verum illud cauebat, ne ipſe calumniarum ſuarum eſſet interpres: ſed ad eam rem vtebatur opera hominum, in quos nulla caderet ſuſpicio, quique id regis ſtudio facere crederentur. Iam vero multi Antipatrum propter eius ſpem colebant, et huiusmodi ſermones Herodi perſuadebant, quoniam eius amore dicere viderentur. Quumque hæc per multos inter ſeſe fideles agebantur, tum etiam ipſi adoleſcentes magnam eius rei præbeant occaſionem. Nam frequenter lacrimas ob continueliam, qua adſcicerentur, emittebant, et matrem adpellabant: quineſiam aperte apud amicos oſtendere conabantur, iniquum eſſe patrem: quæ omnia opportune aucupatus Antipater, Herodi renuntiabat, et rem exaggerabat, vnde domeſtica lis deterior fiebat. Rex enim huiusmodi ſermones ægreferens, et Mariæ filios deprimere volens, Antipatro plus in dies tribuebat, eo vſque, vt poſtremo eius matrem domum adſcuerit. Ac ſæpe ſcribens ad Cæſarem, illum ei officioſiſſime commendabat: et Agrippa Romam, poſt aduiniſtratas decem annos Aſiæ res, petente, proſectus a Iudæa, ad illum nauigauit, eique Antipatrum (quem vnum ſecum duxerat) tradidit, Romam ducendum cum multis donis, vt fieret Antipater Cæſaris amicus. Itaque videbatur Antipater omnium dominus eſſe, adoleſcentes vero regno prorsus excidiſſe, quippe quum ea de re ſcripiſſet Herodes Romam ad omnes ſuos amicos.

## CAPVT VII.

*Herodes Alexandrum et Ariſtobulum ad Cæſarem duſtos accuſat.*

**N**Eque tamen deſinebat Antipater adſidue Roma ſcribere ad patrem, et eum (ſimulando magnam de patre ſollicitudinem) incendere aduerſus fratres, donec Herodem eo perduxit, vt adoleſcentibus fuerit inſenſus. Sed ne quid temere committeret, viſum eſt ei ſatius, eos coram Cæſare accuſatum ire. Ac poſtquam Romam peruenit, progreſſus eſt ad urbem Aquileiam, et ibi Cæſarem naſtus, orauit, vt ſe de maximis, quæ interueniſſent, incommodis audire veller: accuſauitque duos filios in ipſorum præſentia acerbiffime, quod patrem odiſſent, et vt regnum adipiſcerentur, vita priuare vellent. Itaque eo dicente, conſuſi pueri lacrimabant, et magis etiam poſtquam dicendi finem fecit, adeo vt quid dicerent non haberent: tanta erat perturbatio: neque quiſquam, ne patre quidem excepto, fuit in eo conuentu, quem non eorum miſereſceret.

## CAPVT VIII.

*Herodis filii patri reconciliantur.*

**Q**uam rem animaduertens Alexander, qui erat natu grandior, dicere adgressus est, et ita eleganter causam egit, vt Cæsar (qui iam antea tantum esse puerorum scelus non credebat) magis insuper mutatus sit, et Herodem continenter adspiceret, videns eum quoque nonnihil confusum: ita vt omnes Herodem culparent, et pueros miserarentur, qui pudore suffusi, demisso ad terram vultu plorabant. Et Cæsar paululum cunctatus, dixit, adolescentes, licet a crimine abesse viderentur, tamen in eo peccasse, quod non se tales erga patrem præstitissent, vt hominum sermones reprimerent: Herodemque hortatus est, vt deposita omni suspitione, cum pueris in gratiam rediret. Neque enim æquum esse talia de iis, quos genuisset, credere: et id vtrisque prodesse posse, dum deinceps omnis suspicionis tollendæ gratia, maiorem inuicem amorem præ se ferrent. Has inter admonitiones pueris innuit: quumque illi patri ad pedes accidere, et ab eo veniam orare pararent, anteuerit pater eos plorantes complecti, et in collum vtriusque inuadere. Tunc Cæsari gratias egerunt, et vna discesserunt, comitante Antipatro cum simulatione lætitiæ. Sequentibus diebus largitus est Herodes Cæsari trecenta talenta, ludos agenti, et Romano populo congiaria diuidenti: et Cæsar ei dimidium redditum æris Cyprii donauit, et alterius dimidii curam commisit: et insuper potestatem dedit, quem vellet filiorum regem faciendi, aut regnum in omnes diuidendi. Quumque Herodes id euestigio facere vellet, negauit Cæsar permissurum se, vt non per omnem vitam dominus esset et regni, et filiorum. Sic ille rursus in Iudæam rediit. Atque eo absente, rebellant Trachonitæ: sed relicti illic duces eos subegerunt, iterumque sub imperium redegerunt. Herodes in Iudæam reuersus, exposuit in templo suum iter: et in extremo suæ orationis, suos filios monitis instruxit, aulicosque et reliquum populum admonuit, vt concordiam tuerentur, demonstrauique filios suos post se regnaturos, primum Antipatrum, deinde Mariæ natos, Alexandrum, et Aristobulum. In præsentia edixit, vt omnes in ipsum intuerentur, cumque, quamuis senem, pro domino et rege ducerent: ita meliore conditione rem eorum futuram. His dictis, conuentum dimisit, fuitque eius oratio grata multis: sed aliis non item, qui res nouas moliebantur, et spem sibi in puerorum disensione ponebant.

## CAPVT VIII.

*Herodes exædificata Cæsarea ludos agit.*

**C**irca id tempus Cæsarea Augusta, quæ ab eo condebatur, ad finem perducta est, anno eius regni duodetricesimo. Ad eam dicendam, magnam celebritatem, magnumque adparatum ludorum adhibuit: quos quinquennales in honorem Cæsaris instituit. Postea aliud item oppidum in campo condidit, nomine Capharfabā, loco irriguo, et arboribus confito: et id ad honorem sui patris Antipatri nominauit Antipatridem. Aedificauit et alium locum supra Hierichuntē, quem in honorem suæ matris Cyprum adpellauit: et in eodem oppido turrim exstruxit, quæ magnitudine Pharum Aegypti æquaret, eamque Phasaelum de nomine sui fratris nuncupauit. Itemque oppidum construxit in valle hierichuntia, cui in honorem eiusdem sui fratris, Phasaelidi nomen fecit. Taceo mille magnifica beneficia, quæ contulit in ci-  
vira-

vitates, tum in Syria, tum in Græcia, et vbiunque eum versari contigit. Erat enim rex magnificus, si quis vñquam fuit: ceterum in omnes confanguineos amicosque suos crudelis et inhumanus, vt qui solus honorari vellet. Quemadmodum enim maiores (vt imperatores Romanos) colebat ipse, ita sibi a minoribus fieri volebat.

## CAPVT X.

*Asianorum Iudeorum legatio ad Cæsarem.*

**C**eterum Iudæi, qui in Asia et Lybia Cyrenensi degebant, a ciuitatibus vexabantur, quum a superioribus regibus in suo iure defensi fuissent, et per Græcos iniuriis adiciebantur, ac publica pecunia spoliabantur, et priuatim lædebantur. Quapropter quum in ea calamitate essent, neque græcæ crudelitatis finem vllum inuenirent, miserunt iis de rebus legatos ad Cæsarem; et Cæsar eis eadem iura concessit, et ad prouinciales ea de re scripsit: edixitque graui proposita pœna, vt Iudæi suis moribus vti ex patria ipsorum lege sinerentur, quemadmodum vsi fuissent tempore Hyrcani pontificis summi Dei: neue eorum donaria attingerentur, sed Hierosolymam mitti permetterentur, et iis tradi, quibus esset id muneris delegatum: neue Sabbato, aut pridie Sabbati, ab hora diei nona in ius cogerentur. Quod si quis furatus sacros libros, aut sacram pecuniam ex cella sabbataria, aut ex cella virorum, compertus esset, pro sacrilego haberetur, eiusque bona in publicum populo Romano addicerentur. Talia scripsit etiam Marcus Agrippa, et reliqui procuratores prouinciarum.

## CAPVT XI.

*Herodes pecunia egens; descendit in sepulcrum Davidis.*

**S**ed vt redeamus ad rem: Herodes (qui tum in regno suo, tum extra, ingentes sumtos faceret) audiuerat Hyrcanum, suum in regno antecessorem, aperuisse sepulcrum Davidis, et inde tria millia talentorum argenti abstulisse, atque ibi multo etiam amplius restare. Quapropter iam pridem habebat in animo, quod tum fecit: hoc est, aperuit noctu sepulcrum, et eo cum amicorum suorum fidelissimis intrauit, cauens, ne id in vrbe rescisceretur. Et argentum quidem nullum inuenit, sed multa anrea et alia ornamenta, quæ omnia abstulit. Ac dum accurate rimatur, voluit vltius progredi vsque ad conditoria, in quibus sita erant corpora Davidis et Solomonis: sed intrantes inciderunt (vt postea ferebatur) in flammam inde prodeuntem, quæ duos de eius satellitibus exanimauit. Hac re perterritus rex, exiit, et placandi numinis gratia, exstruxit in ostio sepulcri, magnis sumptibus monumentum albo lapide. Ceterum eius domesticæ res in dies deterius habebant: quippe aula intrigiis, odiisque, et calumniis referta, quas alii in alios certatim comminiscabantur. Antipater semper aliquid aduersum fratres moliebatur, adeoque malitiosus erat, vt ab aliis insimulandos curaret, et ipsi sæpe eos simulate excusaret, vt per speciem amicitiae conata perficere posset. Hoc pacto ita callide patrem circumueniebat, vt crederet vnum esse Antipatrum, cui patris salus summæ curæ foret. Quinetiam Ptolemæum, negotiorum regni sui procuratorem, Antipatro commendauit rex, ac de negotiis cum Antipatri matre consultabat: breuiter ii omnia erant,



erant, vt et quæ vellent, facerent, et in quos videretur, regis odium commouerent. Erat ea res Mariæ filiis in dies grauior, neque se repelli, suamque dignitatem minui, ferre poterant. De feminis, Glaphyra Archelai filia, Alexandri coniux, similitudinem cum Saloma exercebat, partim propter eius in Alexandrum odium: partim quia dolebat, Salomæ filiam, Aristobuli coniugem, pari secum dignitate esse. Super hanc alteram litteram, orta est tertia. Nam Pheroras regis frater amore captus est cuiusdam seruæ mulierculæ, quam habebat, eamque ita perditæ adiuuauit, vt sprete regis, quam sibi desponderat, filia, seruæ totus adhæresceret. Quam rem grauius ferens Herodes, filiam suam Phasaeli filio nuptum locauit: deinde aliquanto tempore post, arbitratus fratris amores iam refrixisse, de prima apud eum expositulauit, et vt secundam, nomine Cyprum duceret, postulauit: et Ptolemæus Pheroræ suasisit, vt omisissis amoribus suis, regi obtemperaret. Itaque Pheroras id e re sua esse videns, quod ei antea accusato venia data fuisset, cum seruâ dinortium fecit, quamuis ex ea iam filium haberet: regi pollicitus est, secundam eius filiam intra dies triginta ducturum, et sibi cum repudiata nihil amplius rei fore iurauit. Verum præteritis triginta diebus, amore victus, nihil eorum præstitit, quæ pepigerat: sed iterum seruæ adhæsit. Quam rem tulit rex iniquissimo animo, vt facile ostendebat, dum sibi semper aliquod ea de re verbum elabi sinebat: vnde multi ab ira regis occasionem sumebant de Pherora detrahendi. Atque vt rem breuiter explicem, eo processum est, vt non dies, non hora vlla quæta foret, quin semper nouæ aliquæ similitudines interuenirent, quas eius consanguinei, et summi amici inter sese exercebant. Nam Salome tanto flagrabat odio in Mariæ filios, vt ne filiam quidem suam, Aristobuli coniugem, pateretur eo esse in maritum animo, quem postulabat coniugium: sed ab ea secreta eius, et mariti colloquia disceret, quod si quid offensionis (vt fit) acciderat, multas suspensiones iniiciebat: atque his rationibus omnia illorum arcana resciscerebat, et filix animum alienabat a marito. Et filia matri vt placeret, sæpe narrabat illos, dum seorsum essent, nuntionem facere Mariæ, et patrem odisse, atque identidem minari, si vnquam rerum potiti fuissent, facturos de filiis, quos Herodes ex ceteris vxoribus sustulisset, scribas paganos, ad quod munus idoneum esset studium quod tum in litteras impenderent: feminas vero si vnquam suæ matris mundo comas vidissent, facturos, vt pro eius temporis adparatu centonibus induerentur, ac ne soleum quidem viderent. Hæc continuo a Saloma regi referebantur, qui ea dolenter audiebat ille quidem, et componere studebat: sed suspicionibus deprauatus, deterior in dies fiebat, et omnibus contra omnes credebatur. Quamquam tunc filios obiurgauit, et audita eorum purgatione, paullo melius in præsentia habuit. Verum postea longe deterius accidit. Nam Pheroras Alexandro dixit, sese ex Saloma audiuisset, amari efflictim ab Herode Glaphyram. Qua re inflammatus Alexander, suspicatus est, quam consuetudinem Herodes erga puellam sæpe honoris causa exhibebat, inde proficisci. Itaque doloris impatiens, patrem adit, eique Pheroræ verba plorans refert. Herodes ira percitus, Pheroram euocat, eumque conuictis proscindit, ingratum scelestumque adpellans, qui eiusmodi commentus calumnias, filio patrem interficiendum obiiceret. Hic deprehensus Pheroras, culpam confert in Salomam, a qua prodierint illa verba. At illa quum præsens adesset, simulac hæc audiuit, exclamata ratione probabili, non ita esse, sed omnes studere eam regi iniussam facere atque occidere, propter suam erga He-

rodens benivolentiam, dum semper pericula praevidet: ac tunc sibi multo infensiores esse, quoniam sola fratri suaderet, ut quam habebat uxorem repudiaret, regisque filiam duceret: itaque non mirum esse, si fratri inuisa foret. Haec dicens, et sibi capillos subinde vellens, pectusque pulsans nonnullam de se speciem praebebat innocentiae: sed eius ingenii perversitas simulationem coarguebat. Interea Pheroras medius tenebatur, confitens ille quidem dixisse, sed aliunde audiuisse non credebatur. Itaque duravit diutius ea turba, et verborum mutua contentio: tandem rex et fratrem et sororem exosus, dimisit, filiumque collaudavit, qui ita continens fuisset, ut eos sermones ad patrem deferret. Post id dissidium male audiebat Salome, quippe quae calumniae auctor esse videretur: et eam regis uxores oderant, scientes improbam esse feminam, quae subinde mutaretur, et modo inimica, modo amica, pro temporis opportunitate, fieret. Itaque Herodi semper aliquid aduersus eam dicebant, et ad id maiorem audaciam eis addidit casus quidam. Erat Arabis rex Obodas, homo natura segnis et tardus: huius negotiorum pleraque administrabat Syllaeus, vir acer, et iuuenis adhuc, idemque formosus. Hic Syllaeus quum aliquando ad Herodem ob aliquod negotium venisset, et inter cenandum Salomam vidisset, admauit: et viduum esse quum sciret, cum ea verba fecit. Et Salome, quae fratri minus quam ante cara esset, neque non iuuenem amaret, in contigium consentiebat: ac sequentibus diebus quum ad cenam ibatur, multa magnaue signa cernebantur eorum conuentionis. Haec regi referebant uxores, eiusmodi turpitudinem deridentes: et Herodes eadem de re quesiuit etiam ex Pherora, eique negotium dedit, ut id in cena obseruaret. Id quod ille fecit: retulitque, facile ex eorum aspectibus et nitibus intelligi posse, vtrumque ad eam rem proclinem esse. Postea discessit suspectus Arabs: deinde post duos aut tres menses rediit ob eam rem nominatim, et de ea cum Herode locutus est, ab eo Salomam petens in matrimonium. Haec detulit Herodes ad sororem, et eam, an in id consentiret, interrogauit: illa vero, statim velle respondit. Sed Syllaeo demonstratum est, nisi ipse in Iudeorum mores concederet, id matrimonium fieri non posse: ille vero non consentit, dixitque, si faceret, se ab Arabibus lapidatum iri: atque ita discessit. Inde Salome a Pherora, ut mulier intemperans, vituperabatur: magisque etiam a feminis, quae eam cum Arabe rem habuisse dicerent. Regis autem filiam Pherorae desponsam, neque nuptam, rex ipso postulante Pherora, eius filio nuptum locauit, et centum talentis dotauit. Sed exstiterunt domi nouae turbae, quemadmodum iam dicam. Erant spadones regi carissimi propter formam, quorum vnus ei erat a poculis, alter a mensa, tertius sopiendi regis procuratorem habebat, et regni maxima negotia administrabat. Hos ab Alexandro pecunia corruptos quidam regi indicauit: itaque rex de eis quaestionem habuit: atque illi, Alexandrum quidem secum rem habuisse confessi sunt: aliud quidem in patrem flagitium nullum scire. Sed quum acrius cruciarentur, et a ministris in gratiam Antipatri semper crudelius torquerentur, dixerunt Alexandrum patri esse infensum: ipsisque demonstrasse, non amplius esse ab Herode pendendum, qui iam inutilis esset, seniumque suum denigratione capillorum occultaret. Quod si Alexandri partes sequi vellent, fore ut eo regnum adepto (quod vel inuito patre ad alium neminem venturum esset), breui primas in regno tenerent. Sibi enim facile esse imperio potiri, non solum propter genus, sed etiam propter adparatum quem haberet:

ret: quandoquidem multi, et ducum et amicorum ab ipso starent, homines ad quidvis, et faciendum, et patiendum accommodati. His auditis Herodes iræ timorisque plenus, deinceps eam rem aperte non exercebat, sed homines misit ad observandos eos, quos suspectos habebat, adeoque in omnes suspicione et odio laborabat: ac tutius id ratus, etiam de innocentium fide magnopere dubitabat. In summa, nullus modus erat: quo quisque magis eum frequentabat, eo magis timebatur, tamquam qui laderé magis posset. Qui vero ad eum non ita frequenter ibant, eos vel tantum nominatos protinus interficiebat. Ad extremum eo versi sunt aulici, quoniam certa spe salutis carerent, ut alii in alios inueherentur, dum pro se quisque cogitat, si alterum accusare anticipet, se posse esse saluum. Deinde ubi quis alterum oppresserat, iniurius erat, ac merito vilesceus videbatur. Quin hac ratione sese nonnumquam de privatis inimicitias vindicabant: et ipsi vicissim deprehensi, poenas dabant, et occasione tamquam machina et decipula in adversarios, utebantur: deinde eodem, quem alii obtenderant, laqueo capiebantur. Nam regem mox pœnitebat, quoniam quos necasset, conuicti non essent: quodque peius erat, non utebatur ea pœnitentia ad talia deinceps cauenda, sed ad eos similiter puniendos, qui alios accusassent. Huiusmodi turbis agitabatur aula. Quinetiam multis amicorum denuntiavit, non fore deinceps, cur ad se officii causa ventitarent, aut in regiam intrarent: idque eo fecit, quod propter eorum reuerentiam, minus peccare licenter audebat. Nam tunc expulit ex aula Andromachum, et Gemellum, qui erant de eius veteribus amicis, et multum eius domui, tum curandis regiis negotiis, tum legationibus et consiliis profuerant, eiusque filios docuerant, et sane primum tenebant apud eum auctoritatis locum: et expulit, quoniam Alexandrum Demetrius Andromachi filius frequentaret, et Gemellus benevolentia prosequeretur. Eum enim, puerum adhuc, et in ludo litterario frequentarat, et Romæ commorantem comitatus fuerat. Horum omnium causa erat Antipater, qui patris licentiam animaduertens, quo facilius quæ vellet perficeret, dabat operam ut omnes, qui sibi ob stare possent, tollerent. Igitur eiectis tum Andromacho et Gemello, ut regem adloqui et admonere non possent, cepit rex in omnes questionem habere, quos Alexandro fideles esse credebat: ut extorqueret, si quid ille contra se molitus esset. Illi vero quum nihil dicere haberent, moriebantur: id quod regem reddebat furiosiore, quia nihil eorum, quæ arbitraretur, deprehenderetur. Et Antipater ita malitiosus erat, ut quum quis re ipsa innocens reperiebatur, negaret innocentiam esse, sed erga Alexandrum constantiam atque fidem, regemque instigaret ad querendum ex aliis, de arcanis insidiis. Itaque inter complures qui cruciabantur, fuit vnus qui dixit, Alexandrum dicere solitum, quum a corporis proceritate, et iaculandi peritia, ceterarumque virtutum singulari excellentia collaudaretur, eas sibi naturæ dotes magis pulchras esse, quam bonas, quippe patri iniurias atque inuidiosas. Itaque se cum patre ambulantem, seipsum suppressimè solere atque demittere, ne illo maior videretur: et in venatione cum patre iaculantem, data opera aberrare, metu paternæ inuidiæ. Deinde super ea re interrogatus, remisso cruciatu illud addidit. Alexandrum cum fratre suo Aristobulo statuisse patrem in venatione perimere, deinde Romam ad petendum regnum confugere. Repertæ sunt præterea Alexandri ad fratrem litteræ, in quibus de patre conquerebatur, qui inique Antipatro regionem daret, ex qua ducentena talenta rescicerentur. Hic continuo sibi visus Herodes certum aliquod argumen-

tum habere suspicionis, quam de pueris conceperat, Alexandrum comprehendendi, et in vincula tradi iubet. Deinde ne sic quidem molestus esse desinebat, partim quia auditis non nullum fidei adiungebat: partim quia rem perpendendo videbat nihil esse nisi iuueniles querimonias: neque credibile esse, decreuisse puerum patrem interficere, deinde palam Romam proficisci. Quapropter maius argumentum culpe filii habere volebat, et ne eum inconsideratius in vincula dedisse videretur, timebat. Itaque summos amicorum Alexandri eoque excruciauit, ut multos necarit, nec tamen quidquam extorserit eorum, quæ expectabat. Huic ille rei dum vehementer incumbit, et regia timorum turbarumque plena est, fuit iuuenis quidam, qui in cruciatu dixit, Alexandrum significasse Romani suis amicis, ut se curarent a Cæsare cito arcescendum: habere se nouas aduersus eum res, quas ei indicare vellet, videlicet suum patrem cum Mithridate Parthorum rege amicitiam contra Romanos coisse: atque illud adiecit Alexandrum habere paratum venenum Ascalone. His rebus credidit Herodes, et in iis malis nonnullam temeritatis suæ consolationem cepit, sibi ipsi adstantando, et maiora esse quam erant mala persuadendo. Verum non est inuentum venenum, licet diligentissimo querendum curauerit: neque tamen id negauit Alexander, ut de industria malorum magnitudinem augetet. Dimisit enim quaternas litteras, in quibus significabat nihil opus esse tormentis, neque procedendum ulterius: sese insidias fecisse, et quidem socio Pherora, et regiorum amicorum fidissimis. Saloniæ quoque ad se venisse noctu, et secum per vim concubuisse: atque omnium conatus eo tendere, ut regem de medio tollerent, atque ita perpetuo necti liberarentur. Inter ceteros accusabantur etiam Ptolemæus et Sappinnius, quibus neminem fideliorum rex habebat. Quid multis? ea erat aliorum in alios rabies, ut qui aliquando fuerant amicissimi, plane effrarentur, quoniam nullum neque sui defendendi, neque aduersarios refellendi, et verum demonstrandi, locum habebant, sed omnes nullo iudicio neci dabantur, atque omnes vel vincula, vel necem, vel eorumdem expectationem conquirebantur: palatinumque tumultus et mæsticia, pro præteriti temporis felicitate, compleuerat. Itaque tota Herodis vita ei erat acerba: adeo turbabatur, et vexabatur, dum nemini fidem habebat. Quinimmo frequenter animo suo persuadebat, inuadi se a filio, et eum stricto gladio adflare: adeo ut dies et noctes non secus ac furiosus, et mente captus, baccharetur.

## CAPVT XII.

*Archelaus Cappadocum rex Alexandrum patri reconciliat.*

**H**is intellectis, Archelaus Cappadocum rex eo profectus est, ut lites componeret. Atque ut prudentius ageret, adolescenti succensuit, et Herodem hominem æquum esse dixit, qui nihil temere fecisset: atque illud insuper adiecit, se filix suæ, et Alexandri matrimonium dissoluiturum, ac ne filix quidem parsurum, si quid ea sciret, quod Herodi non indicasset. Herodes ubi Archelaum (quem sibi aduersaturum putarat) a se stare vidit, mollitus est, et paulatim animum paternum induit: rursumque quibusdam coniectas in Alexandrum calumnias refellentibus irascebatur, ac turbabatur: iterumque defendente Herodem Archelao, ad sœtium conuertebatur: eo usque, ut Archelaum orauerit, ne coniubium dissolueret, sed adolescenti pacaretur. Itaque ubi paullo factum æquiores vidit Archelaus, vertit in amicos calumnias, ab iis dicens corruptum Alexandrum, qui

iuuenis esset, neque malitiam sentiret: et suspicionem etiam magis in Pheroram detorsit. Pheroras enim (qui neminem haberet, per quem cum rege in gratiam redire posset) videns, magnam esse Archelai auctoritatem, eum atratus et sordidatus conuenit, et ut se regi reconciliaret, orauit. Archelaus respondit, se non grauate facturum: sed tantam regis iram tam cito restringere non posse: proinde prestare, ut ipse Pheroras ab illo veniam petitum iret, seque totius mali auctorem esse confiteretur. Ita enim immodicam regis iram diminuturum: sed vero adfuturum, et Pheroræ opitulaturum. Atque ita fecit, perfecitque, ut pax vtrique componeretur. Nam et iuuenis crimine subleuatus est, et Pheroram Herodi reconciliauit Archelaus: deinde se in Cappadociam recepit, Herodique fuit gratissimus, adeo ut ei multa largitus sit Herodes, eumque magnifice, sicut summum amicum, honorauit. Pegipit etiam iturum se Romanum, quoniam de suis negotiis ad Cæsarem scripsisset: iueruntque vna Antiochiam vsque, et litem ibi composuit Herodes inter Archelaum et Titum Syriæ prætorem, cui cum Archelao quoddam erat dissidium: deinde in Iudæam reuersus est. Deinde postquam Romam iuit, et inde reuenit, bellum gessit cum Arabibus ob huiusmodi causam.

## CAPVT XIII.

*Trachonitarum rebellio.*

**I**Ncolæ Trachonis, postquam Cæsar eam regionem Zenodoro ademptam, Herodi attribuerat, amplius latrocinari nequibant, sed terram colere, et quiete viuere cogebantur: id quod eis parum placebat, nec admodum idoneum agriculturæ solum habebant. Itaque Herode Romam profecto ad Alexandrinum suum filium accusandum, Antipatrumque Cæsari commendandum, Trachonitæ mortuum esse Herodem sermonibus diuulgarunt, rebellaruntque, et iterum finitimum agrum, ut ante, diripere cœperunt. At tum regii duces, absente ipso, eos domuerunt. Sed fuerunt circiter quadraginta latronum præfecti, qui ex iis finibus cesserunt, seque in Arabiam receperunt, et a Syllæo, postquam is a Salomæ coniugio aberrauerat, accepti sunt, qui eis locum munitum dedit: qua habitatione vsi, cœperunt non solum Iudæam incurfare, verumetiam vniuersam Cœlesyriam, receptum, et præsidium habentes apud Syllæum. Igitur Roma reuersus Herodes, comperit eos grauiam damnam suis intulisse: et quoniam latronibus ipsis potiri nequibat, quippe præsidio Arabum tutis, eas contumelias ægre ferens, Trachonem obiit, et latronum consanguineos necauit. Ea res tanto reddidit irritiores, præsertim quod legem habebant, quæ suorum interfectores omnibus modis vlcisci inberet. Itaque cœperunt, quicumque tandem secuturus esset euentus, vniuersam Herodis ditionem flamma ferroque scindere. Hæc de re locutus Herodes cum Saturnino, et Voluminio, Cæsarianis ducibus, latrones ad supplicium depoposcit: quamobrem latrones seipsos magis etiam confirmare, et numero aucti, omnia perdere, locis, pagisque Herodianæ regni vastandis, et hominibus, quos ceperant, interficiendis, adeo ut belli similiis res esset. Erant enim iam circiter mille: quam rem dolens Herodes, latrones deposcibat, et sexaginta talenta exigebat, quæ Obodæ per manus Syllæi mutua dederat, quorumque dies transacta iam erat. At Syllæus, qui Oboda reiecto, omnia regebat, negare in Arabia esse latrones, et pecuniæ solutionem disferre: qua de re coram Saturnino et Voluminio Syriæ prætoribus disceptatum est. Postremo promisit in eorum præsentia Herodi

intra dies triginta pecuniam solutum iri, et vtrumque alterius homines redditurum, quos in suo regno haberet. Atque Herodes quidem neminem omnino Arabem habere compertus est, neque ob maleficium, neque ob aliam causam: at Arabes conuicti sunt, habere in suis finibus latrones.

## CAPVT XIII.

*Herodis expeditio in Arabiam.*

**F**inita die, Syllæus, quum nihil eorum, quæ debebat fecisset, Romam profectus est. Et Herodes, vt de pecunia et latronibus ius obtineret, Saturnini et Volumni permisso, quem habebat exercitum duxit in Arabiam: et triduo septem stationes emensus, postquam ad præsidium, quod latrones habebat, peruenit, omnes aduentu primo cepit, et locum, qui Raepa vocabatur, complanauit: aliorum nihil violauit. Quumque latronibus Arabes subsidio venissent, fit prælium, in quo pauci de Herodianis desiderati sunt, nec non Arabum dux Nacebus, vna cum suorum circiter viginti quinque; reliqui fuga sibi consuluerunt. Herodes sumto de illis supplicio, tria Idumæorum millia in Trachonitidem deportauit, qui regionis illius latrones coercerent: et tota de re certiores fecit duces, qui erant in Phœnicia.

## CAPVT XIV.

*Syllæus Arabs Herodem apud Cæsarem accusat.*

**E**am rem nuntii quidam Romam celeriter ad Syllæum pertulerunt, et vt fere fit, exaggerarunt. Et ille (qui iam illud consecutus erat, vt Cæsari innotesceret, ac tum in aula frequens erat) hoc accepto nuntio, confestim pullatus Cæsari indicatum it, Arabiam bello esse vastatam: et vniuersum regis exercitum ab Herode concisum: dixitque plorans, duo millia quingentos Arabiz primarios cecidisse: eorumque ducem Nacebum occubuisse, amicum cognatumque suum: direptasque diuitias, quæ Raepæ essent, contempto Oboda, vt ad bellum sustinendum infirmiore: quoniam nec ipse Syllæus, nec Arabum exercitus adesset. Hæc dixit Syllæus: et vt inuidiosorem redderet Herodem, illud addidit, se eam protectionem suscepturum non fuisse, nisi Cæsarem putasset daturum operam, vt cum omnibus omnes pacem haberent: quod si ipsum Syllæum ibi adesse contigisset, infestum Herodi bellum futurum fuisse. His verbis iratus Cæsar, quæsiuit ab Herodis amicis, qui aderant, et a suis, qui ex Syria venerant, hoc solum, an Herodes exercitum duxisset. Erat eis fateri necesse: et Cæsar non auscultabat, quam ob causam, aut quo pacto: itaque etiam iratior scripsit acerbius Herodi: et inter alia, litterarum summa hæc fuit, se cum aliquando in amicis habuisse, nunc pro seruo habiturum. Syllæus quoque ea de re scripsit ad Arabes: quæ res adeo feroces effecit, vt elapsos prædones non dederent, neque pecuniam soluerent, et pascuis, quæ ab Herode conduxerant, gratis vterentur: quoniam esset Cæsaris ira deiectus. Item Trachonitæ occasionem hanc nacti, in Idumæorum præsidium confurgunt, atque una cum Arabibus latrocinantes, Idumæorum agrum populantur, nec solum lucri, sed etiam vltionis causâ faciunt. Hæc omnia ferre cogebatur Herodes, quippe Cæsare in eum sic irato, vt noluerit legationem audire missam ab Herode ob causæ suæ defensionem, eamque semel atque iterum re infecta remiserit. Itaque erat in magna sollicitudine atque metu: et ei periculosius erat Syllæus, qui Romæ gratiofus erat, et eo tempore ad maiora spirabat. Nam Oboda mortuo, Aeneas

neas cognomento Aretas, Arabiæ regnum occupauerat: et Syllæus eum deturbare, idque inuadere nitabatur, magnas largitiones et aulicis faciens, et Cæsari promittens. Aretæ quoque Cæsar succensebat: quoniam regnum vsurpasset, neque prius ad se scripsisset. Tametsi misit Aretas ad Cæsarem litteras, et donum, et auream coronam multa talenta pendentem: quibus in litteris Syllæum accusabat, vt qui malus seruus esset, et Obodam veneno fustulisset, quo etiam viuo rerum dominus fuisset: et cum Arabum vxoribus adulteraret, et pecuniam mutaretur, vt imperium occuparet. Verum Cæsar ea contempsit, et nullo accepto dono remisit. Iudæ vero et Arabiæ regna in dies deterius habebant, tam propter turbas, quibus agitabantur, quam quia nemo erat, qui ei malo mederetur. Nam duorum regum alter nondum certo rex erat: ideoque ad coercendos maleficos idoneus non erat: alter, videlicet Herodes, quia Cæsarem iratum haberet, omnes contumelias perpeti cogebatur. Tandem Romanam iterum mittere decreuit, si quid æquitatis a Cæsare posset obtinere.

## CAPVT XVI.

*Euryclis calumniæ aduersus Herodis filios.*

**E**Rant autem eo tempore eius domestica negotia peiore in statu, quam vnquam fuerant, propter causam, quam iam dicturus sum. Erat Lacedæmonius quidam Eurycles, honesto loco natus, sed nequam, voluptatus, et adsentationi deditus: verum id ita callide faciebat, vt non animadverteretur. Is Herodem adiit, eique dona largitus, accepit ab eo maiora: atque vrbanitate sua, sese in intimam regis amicitiam insinuauit. Vtebatur autem Antipatri hospitio, et ad Alexandrum itabat, quippe qui se Archelao Cappadociæ regi familiarissimum esse dictitaret: ideoque Giaphyræ honorem se præbere simularet: atque in eo totus erat, vt omnes coleret: et quæ dicerentur ac fierent, semper obseruabat, vt ita calumniis retineret hominum beneuolentiam. Postremo id consecutus est, vt quum se in familiaritatem alicuius dedisset, eius amicus esse videretur: quod si alium frequentaret, id eius gratia facere putaretur. Itaque Alexandrum sic induxit, vt ille ei totum animum suum aperuerit, id quod alii audebat nemini: narraueritque, vt pater ab ipsis alienatus esset, et ipsorum matrem interfecisset, elsq; repudiatæ Antipatrum euexisset. Hæc verba narrauit Eurycles Antipatro: Non equidem amore tui facio, inquit, sed tanti est momenti res, vt tacere nequeam, quo tibi ab Alexandro cauendum esse putes. Neque enim hæc sine adfectu dicit, quin non obscuram præ se fert nocendi cupiditatem. Igitur Antipater eum sibi amicum opinans, ei sæpe liberaliter largiebatur: et ad extremum perfinalit, vt ea referret Herodi. Id quod ille fecit, et orationis calliditate Herodem in Alexandri odium inexpiabile perduxit, quemadmodum Herodes ea ipsa hora facile ostendit: nam Eurycli extemplo quinquaginta talenta dedit. His acceptis, homo Archelaum Cappadociæ regem adit: eique laudat Alexandrum, seque ei in componenda cum patre pace magno vsui fuisse prædicat. Hæc arte etiam Archelaum pecunia emunxit: et antequam detegeretur malitia, discessit. Postremo vbi Lacedæmonem peruenit, quoniam his artibus vti non intermittebat, relegatus est. Herodes vero, non vt ante satis habebat criminationes aduersus Alexandrum et Aristobulum audire: verumetiam tam intestino in eos odio flagrabat, vt si nemo crimineretur, ipse ad criminandum induceret, omnia speculando et explorando: et omnibus, si quid contra eos haberent, dicendi potestatem faciendo: ac perfecit, vt

cū referretur, Euaratum Cum cum Alexandro conspirasse: quam rem audiuit libentissime. Erant Herodi satellites duo, qui propter corporis fortitudinem, et proceritatem, habebantur in pretio, videlicet Iucundus et Tyrannus. Ilī offēso rege depulsi, cum Alexandro equitabant: et quoniam homines exercitati essent, erant in honore, et auri aliquid, aliaque dona accipiebant. Quapropter rex eos statim suspectos habuit, et in quæstionem vocauit. Illi postquam diu perstiterunt, tandem dixerunt, ab Alexandro sibi persuasum, ut Herodem in venatione occiderent: deinde dicerent equo delapsū, suo se venabulo ansosidisse, sicut alias accidisset. Ostenderunt etiam aurum in equi obrutum, et venatorum præfectum conuicerunt sibi regia venabula, et Alexandri aulicis arma, ipsius iussu, dedisse. Post eos comprehenditur et torquetur præfectus præsidii Alexandri: quippe accusatus, promississe adolescentibus, sese eos castello recepturum: eisque regiam pecuniam, quæ in ea munitione esset, traditurum. Atque ipse quidem præfectus nihil confessus est: sed produxit eius filius, et ita esse dixit, litterasque tradidit scriptas, ut videbatur, Alexandri manu, quarum exemplum erat hoc: Perfectis, si Deus voluerit, omnibus quæ institimus, veniemus ad vos: sed date operam, sicut promissistis, ut nos castello recipiatis. Post hanc schedam non iam dubitabat Herodes de insidiis: sed Alexander dicebat, manum suam a Diophanto notario adsumendam, eamque schedam ab Antipatro malitiose effictam. Erat enim Diophantus adsumularum litterarum peritissimus: tandemque alias simulasse conuictus, morte poenas dedit. Eos autem, in quos fuerat habita quæstio, produxit Herodes Hierichunte ad populum, ad accusandos pueros, atque illos multi lapidibus obrutos necarunt: idemque Alexandro et Aristobulo facturi erant: sed rex eos per Ptolemaum et Pheroram cohibuit: et pueros ita concludendos custodiendosque curauit, ut eos adiret nemo: omniaque eorum facta et dicta obseruarentur, adeo ut prodamatis haberentur. Qua re tantum animi dolorem concepit Aristobulus, ut Salomæ, amicæ foruique suæ, persuadere tentauerit, ut id doleret: et Herodem odisset, qui se eo periret sineret. Etenim nomen tu quoque, inquit, in mortis periculo versaris? quum omnia, quæ hic sunt, Syllæ spe coniugii detegere dicaris? Hæc verba illa protinus Herodi narratum est: itaque ille cum sine ulla cunctatione construngi, et vtrumque ab altero separatim, scribere iubet, quidquid mali in patrem commississent. Illi scripserunt, se in patrem insidias neque cogitasse, neque struxisse: fugam quidem adornasse, idque vi coactos, quia suspectam molestamque vitam degerent. Eo tempore venit ex Cappadocia legatus quidam, nomine Melas, cui Herodes, ut Archelai in se maleuolentiam ostenderet, Alexandrum, qui erat in carcere, euocauit: et ex eo iterum quæsiuit, quoniam et quo pacto fugere decreuisset? Ad quod respondit Alexander, ad Archelaum, qui se inde Romanos missurum promississet: in patrem quidem nihil sceleris, aut maleficii conatos fuisse: et eorum quæ ipsis ab aduersariis imponerentur, nihil verum esse. Se quidem optasse, ut de tyranno et illo altero circumspectius haberetur quæstio: sed illos celerius periisse, auctore Antipatro, qui amicos suos inter multitudinem submisisset. Hæc eo dicente, iussit Herodes, ut Melas et Alexander ad Glaphyram ducerentur: et ex ea quæreretur, ecquid insidias Herodi structas sciret? Glaphyra simulac vincum confexit Alexandrum, caput sibi percussit, et seipsum feriens,



riens, magnum tristemque ploratum edit, plorante vicissim iuvene, adeoque mæstis qui aderant, ut dñ id, cuius causâ venerant, dicere aut facere nequirent. Tandem Ptolemæus, cui mandatum id erat, iubet dicere, ecquid viro conscia foret? Quid vero conscia non sit? inquit Alexander: quum mihi sit vel ipsa anima carior, et communes mecum natos habeat? Hic illa exclamat, nullius se malæ rei consciam, sed tamen si eius utilitas postulet, ut aliquid vel contra seipsam mentiatur, omnia confessoram. At Alexander: Scelus quidem, inquit, nullum eorum quæ suspicantur quos minime omnium decebat, neque ego cogitavi, neque tu scis: sed quod ad Archelaum nos recipere decreueramus, et inde Romam: atque id illa confessâ est. Et Archelaus postea de susceptione quidem confessus est: sed non de Romam missione, neque de vlla alia re, quæ Herodi incommo- daret. Igitur Herodes Olympium, et Volumnium Romam misit: eisque imperavit, ut si quid illic a Nicolao expeditum inuenirent, adeo ut Cæsar Herodi iam non succenseret, litteras ei, et testimonia traderent, quæ mittebat contra adolescentes. Igitur Romam ubi peruenierunt, opportunitatem habuerunt litteras tradendi Cæsari, quod eum Herodi reconciliatum offenderunt. Nam Nicolai legatio sic se habuit: Postquam in imperatoris Romani aulam peruenit, visum est ei non solum id agere cuius causâ venerat, verum etiam Syllæum accusare. Nam Arabes aperte inter se dissentiebant: Itaque pars eorum, relicto Syllæo, eius scelera omnia Nicolao narratum iuerunt, eique manifestis indiciis ostenderunt, eum multos ex Obodæ hominibus interfecisse. Quam rem sibi opportunam videns Nicolaus, ea sibi ad componendum Herodis et Cæsaris dissidium censuit utendum. Sciebat enim, si vellet Herodis factum defendere, non habiturum audientiam: sin Syllæum accusare, habiturum occasionem Herodis causam agendi. Itaque dictâ die, in qua Syllæus et Nicolaus, habens vna secum legatos Aretæ, Cæsari se stiterunt, accusavit Nicolaus Syllæum: et inter accusandum eo deuenit, ut Herodeni falso accusatum ostenderet: atque ita causam egit, ut ad extremum Cæsar Syllæum capite damnaret, et cum Herode redierit in gratiam: eumque penituerit, qui calumniis inductus, illi tam acerbe scripsisset: et a Syllæo exprobra- vit, sese eius falsis verbis inductum deliquisse in amicum. Denique remittitur Syllæus iure functurus, et æs alienum soluturus, deinde adficiendus supplicio. Aretæ autem parum amicus erat Cæsar, quoniam principum sine Cæsare occupasset: itaque Arabiam Herodi dare statuerat Cæsar: sed litteris deterritus est, quas de pueris accepit. Nam alterum imperium, et seni, et circa pueros laboranti, addere, non putauit consultum. Ita- que Aretæ homines admittit: et eo ob id dumtaxat reprehensio, quod non expectasset, dum regnum a se acciperet, munera accepit, et illi principatu confirmauit. Herodi vero scripsit, sese ei reconciliatum esse, et puerorum vicem dolere: eosque oportere, si quid sceleris susceperant, ut par- ricidas puniri, et eius rei sese ei potestatem facere: sin nihil nisi fugam instituerant, corrigendos aliter, neque ad extrema veniendum: se suade- re, ut ea de re iudicium haberet in oppido Beryto, in quo degerent Ro- mani, et aduocatis præsidibus et Cappadociæ rege Archelao, omnibusque reliquis, quos sibi amicos et graues viros putaret, eorum sequeretur sen- tentiam.

## CAPVT XVII.

*Herodes filios accusat atque interficit.*

**H**is litteris acceptis, gauisus Herodes, quos visum est, aduocauit ad consilium: sed Archelaum non aduocauit. Postquam praefides, et alii quos ab urbibus arcesseuit, Berytum aduenerunt, pueros in uico Sidonio, nomine Platana, collocauit prope urbem, ut sisti possent, si vocarentur: solusque in curiam ingressus, in qua homines centum quinquaginta aderant, filios inusitato modo accusauit. Nam violentum se praebuit, et in crimine demonstrando turbidum, rabiosque et insani similem, non permittens adfessoribus, ut argumenta ponderarent, atque perpenderent: sed ipse ea tuens atque defendens, et pueroscripta legens, quae nihil aliud nisi cogitationi fugam continebant, et maledicta quaedam in patrem contumeliosa, propter eius in eos maleuolentiam. Itaque ubi ad hunc locum ventum est, exclamat etiam vehementius, crimenque exaggerat, perinde ac si de insidiis confessi fuissent: iuraturque se vitam amittere maluisse, quam talia audire. Postremo quum dixisset, se tum iure naturae, utpote patrem, tum permisso Caesaris, potestatem habere: addidit et legem patriam, quae iubet, ut si parentes reo manus imponant, cogantur adfessores ferire, et eum morte multare: id quod ipse in sua patria, et regno facere paratus, tamen eorum sententiam expectaret: qui tamen eo non ut iudices (utpote in tam manifesto crimine) sed ut irae suae adiutores uenissent, quum nemini, quamuis remoto, contemnendae essent tales insidiae. Postquam rex dicendi finem fecit, ne introductis quidem ad causae suae dictionem iuuenibus, adfessores eum iratiorem esse cogitantes, quam ut ad aequitatem aut concordiam perducere posset, potestatem ei confirmarunt: primusque Saturninus, vir magnae auctoritatis, dixit pro sententia, se damnare quidem pueros, nec tamen interficiendos censere, qui ipse filios haberet, quum maius esset mortis supplicium, quam omnia quae ab ipsis accidere mala potuissent. Huius sententiam secuti sunt eius filii, quos tres una secum legatos habebat. Sed Voluminus longe aliter censuit, uidelicet morte plectendos, qui se in patrem tam impie gessissent. In eadem iuit maxima pars reliquorum: itaque pueri capitis damnantur. Illinc Tyrum statim proficiscitur Herodes, pueros ducens: et reuersum ad se Roma Nicolaum interrogat, postquam ei acta Beryti narrauit, quenam foret amicorum suorum, qui Romae essent, de pueris sententia. Cui ille sic refert: Videtur eis, impius quidem esse filiorum in te conatus: debere tamen eos a te in uinculis custodiri: postea, si ita videatur, interfici, ne iracundia magis, quam ratione usus esse videare: sin minus, solui, ne in immedicabile infortunium incidas. Haec sunt quae plerique omnes amici tui Romani censent. Hic Herodes diu cogitabundus soluit, deinde Nicolaum secum nauigare iussit: ubi Caesaream est ventum, coeperunt statim vulgo de pueris loqui de regno solliciti, et, quid illis fieret, suspensi. Sed quoniam vocem illam temere vel emittere, vel etiam audire non licebat sine periculo, misericordiam, quam de pueris habebant, clausam tenebant: et tam atrox facinus dolenter quidem, sed taciti ferebant. Exstitit quidam nomine Tero: regis olim miles, qui filium habebat Alexandri aequalem atque amicum. Hic Tero homo audax, quidquid mussabant alii, dicebat, et saepe palam in vulgus exclamare cogebatur, interius ius ex hominibus, vige-

vigere mendacium et malitiam, et tantam nubem rebus obducere, ut a peccantibus, ne maxima quidem mala cernerentur. Hæc tam libere dicens, videbatur quidem non sine periculo facere: sed mouebat omnes æquitas rei, ideoque libenter eum audiebant omnes: et silentes ipsi suæ salutis gratia, tamen eius confidentiam collaudabant. Igitur regem ipsum adit audacissime, et solum cum solo colloqui velle dicit: ac facta potestate, sic dolens factur: O rex, tolera, postquam tam atrox res est. Equidem audacem hanc confidentiam, sed tibi necessariam et conducibilem, si quid ab ea utilitatis perceperis, meæ vitæ anteposui. Sanusne es, aut ubi est excellens illud ingenium, quo tot tantasque res adsecutus es? quæ est ista amicorum cognatorumque solitudo? quos equidem, quamuis præsentem, nec cognatos nec amicos iudico, qui tantum scelus in quondam felici regno perpetrari sustineant. Et tu non adspicias quid agatur? duos iuvenes regina coniuge tibi natos, omni virtute ornatissimos, interficies, tuamque senectutem vni puero committes, qui conceptam de se spem male sustinuit: et consanguineis, quos ipse toties iam capitis damnaui? Nonne cogitabis vulgi silentium, tamen peccatum videre, et facinus odisse: exercitumque vniuersum, et maxime præcipuos, misericordia commoueri erga infelices, odio erga infelicitatis auctores? Audiebat hæc principio rex non omnino intemperanter, sed ubi Tero facinus, et domesticorum perfidiam aperte taxauit, commouit se rex. Et Tero paulatim modum excessit, et audacia uilitari intemperantius abusus est: quæ res Herodem ita turbauit, ut ea verba pro conuiciis magis, quam pro vili admonitione ducens, ubi militibus ducibusque negotium displicere audiuit, comprehendi iusserit, et in custodiam dari tam eos, qui nominati fuerant, quam ipsum Teronem. Eo facto, Tryphon regis tonsor, nactus occasionem, regi nuntiat, Teronem sæpe sibi persuadere voluisse, ut regi barbam tondens, eum nouacula iugularet: ita magnam ab Alexandro initurus gratiam, magnumque præmium consecuturus. Hæc locutum, iussit rex comprehendi: deinde de Terone et eius filio et tonfore quæstionem haberi. Quumque Tero persisteret, iuuenis patrem male iam multatum, nec ullam spem salutis habere videns, dicit se regi veritatem patefacturum, modo se et patrem torquere desinat. Vbi rex ei fidem dedit, dixit, constitutum fuisse, ut Tero regi manum adferret: ac factum facile esse, ut solus solum adgrederetur: quo perpetrato, siquid ei sinistrum accidisset, id honori fore, dum Alexandro gratificaretur. His verbis patrem a cruciatu redemit: neque scitur, verumne dixerit, an id fecerit, ut a se, et patre dolore depelleret. Herodes vero minus etiam, quam antea dubitans, iustitutum exsequi properauit. Itaque produxit in cætu triginta duces accusatos, et Teronem cum suo filio, et tonforem, eosque omnes accusauit: et populus coniectis, quæcumque venerunt in manum, eos necauit. Alexander vero et Aristobulus iussu patris Augustam ducuntur, et ibi strangulantur. Corpora noctu portantur Alexandrium, ubi siti erant auunculus, et multi ex maioribus eorum.

FLAVII IOSEPHI ANTIQVITATVM IVDAICARVM  
LIBER DECIMVS SEPTIMVS.

## CAPVT I.

*Antipatri Herodis filii malitia.*

**P**OST hæc Antipater, quoniam fratres sustulerat, capitaliter inuisus fuit non solum genti, sed (quod erat ei grauius) etiam militibus. Neque tamen non cum patre regnabat: et eo maiorem habebat apud eum auctoritatem, quasi qui illos ob patris vtilitatem interfecisset. Et tamen patri non minus, quam filiis insidiabatur, quippe qui regnum adfectaret: et ne sua malitia detegeretur, timeret. Hac de causa patris amicos magnis officiis denerebatur, vt eorum in se odium aboleret, et amicos, qui Romæ erant, grandibus donis sibi conciliabat, et in primis Syriæ prætorem Saturninum. Idem faciebat et Saturnini fratri, et regis sorori, quæ vni de præcipuis Herodis amicis nupserat: eratque mirus artifex, et amorem simulandi, et odium dissimulandi. Nec tamen efficere potuit, vt Salome (quæ eum iam pridem explorabat) non eum cognosceret: quamuis frater matris Antipatri, Salomæ filiam haberet in matrimonio, eam, quæ ante nupserat Aristobulo, auctore Antipatro. Nam alteram quidem habebat Callex filius vxorem. Salomæ vero persuasit Herodes, vt nuberet Alexæ: alioquin numquam se eam amaturum iurauit. Præterea remisit Glaphyram Alexandri coniugem, ad Archelaum patrem, eique dotem de suo restituit, vt omnem litem euicaret. Suos vero nepotes aiebat accuratissime (sustulerat enim Alexander ex Glaphyra duos marès, et Aristobulus ex Bernica Salomæ filia, tres filios, et duas filias) spondiditque in matrimonium, vbi adoleuissent, Alexandri filio grandiori, Pheroræ filiam: Aristoboli autem filio item grandiori, Antipatri filiam: Aristobuli autem filiam vnâ Antipatri filio, alteram Herodi filio suo, quem ex pontificis filia sustulerat. Hæc sponsalia faciebat rex pupillorum misericordia, vt eis conciliaret amorem Antipatri. Sed veritus Antipater, ne hac ratione regnum sibi de manibus elaberetur, extorsit a patre, vt ea sponsalia disolueret, duxitque Antipater Aristobuli filiam, Antipatri vero filius Pheroræ filiam. Habebat eo tempore rex vxores nouem, videlicet, Antipatri matrem, et pontificis filiam, et fratris sui filiam, et alteram sororis suæ filiam, quæ duz liberos non habuerunt. Habuit et Samaritanam vnâ, ex qua filios duos procreauit, Antipain, et Archelaum: et filiam nomine Olympiadem, quæ postea Iosepho nupsit, regis fratris filio. Habuit et ex vxore Cleopatra Hierosolymitana, Herodem, et Philippum, qui Philippus etiam Romæ commoratus est: itemque Palladem habuit, quæ ei filium nomine Phasaelum peperit. Præter illas habuit Phædræ et Elpin, ex quibus duas filias sustulit, Roxanæ et Salomen: filias autem suas grandiores, Alexandri sorores ex matre, quas ducere Pheroras recusarat, elocauit, alteram Antipatro sororis suæ filio, alteram Phasaelo fratris sui filio.

## CAPVT II.

*De Zamari Iudæo Babylonio.*

**E**O tempore vt se aduersus Trachonitas muniret, statuit Iudeorum vicum vrbs magnitudine in media Trachone condere, qui et finibus suis esset præsidio, et vnde in hostes repentinas excursiones faceret. Intellexit

Iexit autem Iudæum quemdam Babylonium, nomine Zamarim, cum quingentis equitibus (qui omnes essent ex equo sagittarii) et cognatorum multitudine circiter centum, Euphrate forte traiecto degere in Antiochia, quæ est ad Daphnen Syriæ: eique Saturninum (qui tum prætor erat) locum dedisse ad habitandum, nomine Valatha. Hunc igitur, eiusque comites arcessiuit, pollicitus sese ei terram daturum in præfectura Batanæa, quæ Trachonitidæ confinis est, ut id hostibus propugnaculum obiceret: promisitque tam agris quam hominibus, omnium tributorum et vectigalium immunitatem. Hanc conditionem accepit Iudæus, terramque occupavit, et in ea castella ædificauit, et vicum, quem Bathyræm nuncupauit: eratque eis vir præsidio, tum incolis aduersum Trachonitas, tum Iudæis, qui ex Babylonia Hierosolymam veniebant ob sacrificia, eos a Trachonitarum latrociniis prohibendo. Ac inultivndique Iudæi ad eum se receperunt: et facta est ea regio valde populosa, propter immunitatem, quæ eis, Herode viuente, mansit.

## CAPVT III.

*Antipatri in Herodem insidia.*

**I**Neororum Herodis statu, quem dixi, Antipater tantum apud eum valuit, ut omnia in eum spectarent, ab omnibusque timeretur, non tam propter vires suas (quæ erant sane magnæ) quam propter versutiam malitiam. Præcipue vero eum colebat Pheroræ, et ipse vicissim Pheroræ, quem instructis in eum feminis callidissime irretiuerat. Erat enim Pheroræ vxori suæ et socri obnoxius, et vxoris sorori, quanuis eas perosus, propter iniuriam, quæ virginibus filiabus suis fiebat: sed tamen serebat, neque quidquam sine his feminis facere poterat, quæ eum illaqueauerant: et alia aliis omnibus in rebus fideles erant. Itaque eis Antipater callidissime obrepserat, tum per seipsum, tum per matrem. Eadem enim dicebant hæ quatuor feminæ. Sed exorta est inter Pheroræ et Antipatrum dissensio ob nullius momenti causas, regis sorore eos dislocante. Ea enim iampridem rem totam explorabat, et quum eorum concordiam Herodi detrimentosam esse sciret, ei indicabat. Itaque illi quum suam concordiam regi non placere cognoscerent, cogitarunt palam non conuenire, sed mutua interdum odia et conuicia simulare, præsertim præsentem Herode, aut quopiam, qui id ei dicturus esset: verum secreto erant coniunctiores, quam vnquam antea. Sed Salome, quæ eorum institutum facile animaduertebat, omnia peruestigabat, et fratri etiam in deterius aucta renuntiabat: qui et ipse per se magnam iam partem sciebat, sed nihil audebat, quoniam suspectos habebat sermones sororis. Erat eorum Iudæorum quoddam genus, qui legis accuratam cognitionem profitebantur, et de ea ferociebant: quibus diuinitatem simulantibus, addictæ erant feminæ. Ii Pharisei vocantur, homines, qui maxime regibus possunt resistere, cauti et ad aperte bellandum ledendumque prompti. Et quidem quum vniuersa Iudæorum natio in Cæsaris regisque verba iurasset, ii non iurarunt, quum essent supra sex millia. Quam ob causam rex eis multam imposuit: sed Pheroræ coniunx soluit pro eis. Pro quo beneficio, ut ei gratiam referrent (credebantur autem futura scire diuinitus) fore prædixerunt, ut Herodes, eiusque progenies, diuino decreto imperium amitterent, idque ad eam et ad Pheroræ eorumque liberos deferretur. Hæc nuntiavit Salome regi, et aulicorum nonnullos ab eis corruptos dixit. Hanc ob rem Phariseorum nocentissimos rex interfecit, et Bagoan spadro-

donem, et Carum regis pusionem, eo tempore pulchritudinis primas tenentem. Necauit etiam ex sua familia omnes, qui cum Phariseorum dictis confenserant. Fuerat autem per eos clatus Bagoas, quod dicerent, eum patrem beneficiumque adpellatum iri eius, qui ex eorum prædicatione creandus rex esset: habiturum enim eum regem omnium rerum potestatem, et Bagoæ vires conciliaturum cum muliere congreduendi, propriosque liberos gignendi. Igitur Herodes, sumto de conuictis Phariseis supplicio, conuocatis amicis, vxorem Pheroræ accusauit: et Pheroræ iussit, vt eam repudiaret, si regis frater et amicus esse vellet. Pheroras enimvero respondit, se neque eius fratrem esse desitutum, et tamen vxorem amaturum: morique inalle, quam amissa vxore dilecta viuere. Eam rem tulit Herodes, vt potuit: Antipatrumque et eius matri interdixit, ne cum Pherora colloquerentur: vtque daret operam Antipater, ne semina conuenirent. Id quod illi promiserunt: sed nihilominus conueniebant interdum, simulque conuiuia agitant, videlicet Pheroras et Antipater. Quinetiam rumor erat, habere Antipatrum cum Pheroræ vxore consuetudinem, Antipatri matre lenocinante.

## CAPVT III.

*Herodes Antipatrum mittit ad Cæsarem.*

**A**ntipater vero patrem suspectum habens, et ne eius in se odium longius progrediretur metuens, scripsit ad amicos suos Romæ degentes, Herodi significarent, vt Antipatrum primo quoque tempore mitteret ad Cæsarem. Id quod ille fecit, eumque magnis cum nunciis misit, necnon testamentum suum: in quo statuebat, vt post mortem suam regnaret Antipater, aut (si prius moreretur Antipater) regnaret filius suus Herodes, quem habebat ex pontificis filia. Iussit autem vna cum Antipatro Syllæus Arabs, quum quidem nihil fecisset, eorum, quæ ei Cæsar imperauerat: eumque postulauit apud Cæsarem Antipater eorundem criminum, quorum ante fuerat postulatus a Nicolao. Areatas quoque eum insimulabat interfectorem Petræ, iniussu suo, multorum, et quidem primariorum virorum: et potissimum Soemi, hominis iustissimi, et Fabati Cæsaris serui. Igitur accusatus est Syllæus criminis, quod iam dicam. Habebat Herodes satellitem nomine Corinthum, cui summopere fidebat: huic Corintho dedit Syllæus pecuniam grandem, vt Herodem occideret: id quod ille suscepit. Hoc vbi ipse Syllæi indicio resciauit Fabatus, regi significauit: et rex Corinthum apprehendi iussit, et ab eo quæstione totius criminis confessionem expressit. Curauit etiam comprehendendos Arabas duos, a Corintho indicatos, quorum alter præfectus, alter Syllæi amicus erat: qui et ipsi quæstionem de eis habente rege, confessi sunt, sese Corinthum cohortatos fuisse, promittentes, si res postularet, ei operam suam ad eam eadem perpetrandam. Hæc omnia quum exposuisset Herodes Saturnino, misit eos Romam Saturninus.

## CAPVT V.

*Pheroræ obitus.*

**P**heroram vero in coniugis amore obstinate perseverantem iussit Herodes in suam regionem discedere, id quod ille fecit libenter: et sancte iurauit, non se prius rediturum, quam Herodem obisse intellexisset.

lexisset. Itaque postea quum ægrotans Herodes eum orandum curasset, ut ad se veniret, quod ei ante mortem suam vellet aliquid coram mandare, noluit, ut iusiurandum seruaret. Neque tamen ea res Herodem auertit, quo minus ægrotantem postea Pheroram adiret, etiam non vocatus: mortuumque curaret in seipso reponendum, et Hierosolymam ad sepulturam portandum, magnoque luctu prosequendum.

## CAPVT VI.

*Pheroræ vxor accusatur occisi veneno mariti, et Herodes Antipatri cognoscit insidias.*

**P**ost obitum Pheroræ, Taphnitæ duo eius liberti, quos habuerat in pretio, Herodem adeunt, eique demonstrant: non debere pati, ut eius frater ita misere et infelicitè mortuus esset, quin de eo questio haberetur. His auscultante rege (videbantur enim vera dicere) dicunt illum pridie, quam ægrotasset, cœnauisse domi vxoris suæ: comesoque pharmaco, quod ei in ferculo insolito adpositum fuisset, inde interiisse: idque pharmacum adlatum fuisse a quadam muliere Arabica, amatorii nomine: sed reipsa, ad Pheroram veneno tollendum. Sunt autem Arabicæ mulieres veneficæ maximæ: et quæ tum insimulabatur, eam constabat amicæ Syllæ esse amicissimam, eamque ad venenum comparandum adiuuerant mater, et soror vxoris Pheroræ, et in reditu adduxerant, vno die ante illam cœnam. His verbis incensus rex, seminarum seruas torfit, et nonnullas liberas: quumque nulla confiteretur, tandem vna dixit nihil aliud, nisi se Deum precari, ut talibus implicaret cruciatibus matrem Antipatri, quæ illorum omnium malorum causa esset. Hæc in causa fuerunt, ut Herodes seminarum cruciatus adeo intenderit, ut omnia extorqueret, conuiuia, clandestinos conuentus, atque etiam verba quædam, quæ Herodes soli dixerat Antipatro; et Antipater ea Pheroræ mulieribus enuntiauerat: videlicet Herodem Antipatro dedisse talenta centum, ut a Pheroræ colloquiis abstineret. Detectum est et Antipatri odium in patrem, et apud matrem querimoniam de tam longa patris vita, ut ipse iam consensueret Antipater, ut etiam si regnum adipisceretur, numquam eo tantum delectaretur. Esse etiam multos tum fratres, tum fratrum filios, qui vna secum in spem regni nutrirerentur, quæ res spes sibi dubias redderet: quandoquidem iam nunc, si quid fatale sibi accidisset, fratrem suum, non filium, ab Herode regem constitui. Conquereretur etiam de atroci regis crudelitate, et filiorum cæde: quorum malorum motu ipse sibi Romam proficiscendum prudenter excogitasset, Pheroras autem in suam tetrarchiam. Conueniebant hæc cum Salomæ dictis: et rex vt se magis confirmaret, conferebat cum his Antipatri malitiam. Itaque Antipatri matrem Doridem omni ornatu, qui erat multorum talentorum, spoliata dimisit, et seminarum Pheroræ amicitiam renuntiauit. Sed inter alia exstitit res quædam, quæ regem in filium maxime exacerbauit: videlicet Samaritanus quidam nomine Antipater, ipsius Antipatri regis filii procurator, qui inter cruciatus dixit et alia, et hæc in primis: paratum ab Antipatro mortiferum venenum: quod Pheroræ dedisset, eique mandasset, ut, absente se, (quo longe ab omni suspitione abesset,) id patri porrigeret, adlatumque fuisse id venenum ex Aegypto per Antiphilum, vnum de amicis Antipatri, et Pheroræ missum per Theudionem, fratrem matris eiusdem Antipatri: atque ita peruenisse ad vxorem

rem Pheroræ, cui seruandum Pheroras tradidisset. Hac de re interrogauit rex uxorem Pheroræ, idque illa confessâ est: et dum venenum cursu petit, se ipsam de tecto præcipitat: sed in pedes delapsa, non interit. Rex vero eam curauit, eique et omnibus domesticis veniam promisit, dummodo nihil de veritate celaret. Itaque illa iurauit, sese rem omnem, vti gesta esset, dicturam: id quod fecit, vt multi dixerunt. Adportatum est venenum, inquit, ex Aegypto per Antipatrum, qui id sui cuiusdam fratris medici opera habuerat: idque pertulit ad nos Theudion, et mihi Pheroras tradidit, paratum ab Antipatro aduersum te. Sed quum ægrotaret Pheroras, et tu ad eum curandum venisses, ipse animaduerso tuo in se studio, fractus animo, me euocat, et, O vxor, inquit, circumuenit Antipater uie, dum in suum ipsius patrem, eundemque meum fratrem, mortiferam mentem comparat, et venenum, quod menti subseruiat. Quare postquam meus frater facile ostendit, nihil se de pristina sua erga me virtute diminuisse, et ego non diu superstitem fore me spero, age, ne parricidiali animo maiores meos impiem, adfer venenum, et spectante me combure. Id quod ego citra cunctationem feci: nisi quod paululum ex eo referuavi, vt si post obitum Pheroræ tu me inuementis tractares, eo summo miseria me leuarem. His dictis, alabastrum venenumque in medium protulit. Accusata est et pontificis filia, regis vxor, quæ hæc omina scinisset, et celare voluisset. Hanc ob causam repudiavit eam Herodes, eiusque filium de testamento suo (in quo ille secundum se rex instituebatur) expunxit, et focerum suum Simonei Boethi filium pontificatu abdicauit, et eum honorem ad Matthiam Theophili filium, natu Hierosolymitarum, detulit. Dum hæc fiunt, venit Roma Bathyllus Antipatri libertus: et quæstione habita: deprehensus est venenum adferre, quod Antipatri matri, et Pheroræ traderet, vt si prius in regem vires non habuisset, eum illo tollerent. Venerunt et Roma litteræ ab Herodis amicis, rogatu Antipatri, in quibus insimulabantur Archelaus, et Philippus, quod patrem ob interemtus Alexandrum et Aristobulum vituperassent, eorumque misereferent: seque iam a patre non aliam ob causam arcessi dicerent, quam vt ab illo similiter necarentur: obtinueratque ab amicis Antipater magnis largitionibus, vt sibi ad hæc operam suam commodarent. Quin ipse de illis ad patrem scripsit, atrocibus eos onerans criminibus: et sub finem, iuuenes esse, eorumque verba ætati tribuenda dicens. Se quidem in syliano negotio laborare, et colendis primoribus incumbere, splendidumque ornatum ducentis talentis comparasse. Quamuis autem septimum iam mensem tam multa aduersus eum mouerentur in Iudæa, erat tamen omnium ignarus, quoniam diligenter itinera custodiebantur: quoniamque tantum erat omnium in eum odium, vt admonere dignaretur nemo.

## CAPVT VII.

*Antipater capitis damnatur, et in custodiam datur.*

**H**erodes vero, quum ei scripsisset Antipater, sese breui omnibus rite confectis venturum, rescripsit, re dissimulatâ, ne diu moraretur in itinere, ne quid sibi eo absente incommodi accideret: simulque leuiter conquirebatur de eius matre, promittens sese, postquam ille venisset, querelas illas missum facturum: atque omnibus modis amorem in illum præ se ferebat, ne quid ille suspicaretur. Has litteras accepit Antipater in Cili-



Cilicia, quum quidem prius Tarenti eas accepisset, quæ Pheroræ obitum declarabant: quem quidem obitum dokuit, non Pheroræ amore, sed quia mortuus esset non interfecto patre, quod se facturum susceperat. Vbi ad Celenderim in Ciliciam venit, dubitare cepit, vtrum in patriam ire deberet, matris electionem ferens iniquissime. Amicorum vero suadebant alii, vt exitum expectaret, alii vt sine mora discederet: aduentu enim suo crimen matris omne soluturum: at nunc vna eius absentia confirmatos esse delatores. Id quod ille fecit, et ad portum Augustum adpulit, vbi ei obuiam prodiiit nemo, salutauit nemo, vt in eius discessu factum fuerat, quum quidem ei fausta omnia conprecari fuissent: quin contra, eum execrabantur, putantes venire ad daudas de nece fratrum penas. Erat eo tempore Hierosolymis Varus Quinctilius, missus Saturnino successor ad gubernandam Syriam: veneratque Herodis rogatu, vt ei super presentibus negotiis consilium daret. His concilium habentibus, superuenit Antipater, ignarus totius negotii, et in palatium purpuratus adhuc intrat: eum ianitores ingredi sinunt, et amicos excludunt. Tum vero ille manifeste turbari: quum enim vellet ad patrem accedere, repulit eum pater, ei fratrum necem perpetratam, et patris tentatam exprobrans: ac postridie Varum auditurum, et de toto negotio iudicaturum dicens. His dictis, occurrit Antipater matri et vxori, Antigoni filie, eius qui ante Herodem regnauerat in Iudæa, quæ ei rem omnem reuoluerunt: itaque ille se ad causæ suæ defensionem præparauit. Postero die confederunt in concilio Varus, et rex, aduocatis eo vtriusque amicis, regisque consanguineis, et eiusdem sorore Saloma, et iis, qui crimen aliquod indicaturi erant, et iis, de quibus fuerat habita quæstio, et matris Antipatri seruis, qui paullo ante eius aduentum comprehensi fuerant, litteras ferentes, quarum summa hæc erat: ne reueneret, patrem enim de tota re certiore esse factum: iamque Antipatro hoc vnum superesse perfugium, vt ad Cæsarem se reciperet, neque patris in manus veniret. Antipater vero sese patris ad pedes abiecit, oratique, vt dum causam suam defendit, audiat: et Herodes eo in medio collocari iussit, de filiis suis conqueri adgreditur, per quos tot infortunia perpeßus, in senectute incidisset in improbitatem Antipatri. Deinde cepit accusare: atque vbi in duorum filiorum mentionem incidit, quos impulsore Antipatro peremerat, adeo flere cepit, vt amplius loqui non posset, Nicolaumque oraret (qui regis amicus, et in administrandis omnibus negotiis socius erat, totamque rem vt gesta foret sciebat) vt reliqua persequeretur, quæ ad accusandum coarguedumque pertinerent. Hic Antipater causam suam defendere exorsus, ita rem colorauit, itaque probabiliter egit, sese etiam in quæstionem offerens, vt consilium commoueret. Miserebatur enim eos valde Antipatri, qui obsoleto vultu magnam vim lacrimarum profundeabat, adeo vt eius etiam aduersarii misericordia commouerentur, ipsumque Herodem iam flesti adpareret, licet id animaduerti nollet. Sed excepit orationem Nicolaus, et Antipatrum vehementer acriterque accusauit, ac manifeste conuicit tum argumentis, tum multis testimoniis, quorum alia erant præparata, alia ex tempore fuerunt oblata. Postquam enim animaduersum est, Antipatrum accusare sine periculo licere, coeperunt pro se quisque ea proferre, quæ scirent, suntque eius mille artes, nullæ insidie, delectæ, adeo vt Antipater, quamuis impudens, tamen contradicere non auderet. Postquam Nicolaus finem fecit, iussit Antipatro Varus, vt causam suam, si posset, defenderet: cupere se, eiusque patrem, vt innocens reperiretur. Antipater vero pronus humi iacens, nihil aliud nisi Deum obsecrabat, vt testari aut manifestis signis vellet ostendere, se nihil aduersus patrem molitum

fuisse: Deumque testabatur, sese diuinitus fuisse conseruatum, dum alia atque alia pro patre facit. Varus vero rem infinitam esse videns, venenum coram omnibus proferri iussit, et cuiusdam capitis daminato propinari: quicquid confectum exstinctus est. Tunc ille surgit, et e concilio discedit: postridie Antiochiam proficiscitur, vbi plurimum conuorari solebat, quoniam id Syrorum palatium est. Herodes vero filium protinus constringendum curauit: neque sciebat, quid cum eo locutus Varus fuisset, nisi quod opinabantur inulti, eum Vari consilio obtemperaturum. Eo vineto, misit de eo litteras Romam ad Cæsarem, et vna homines, qui eum verbis de Antipatri malitia docerent. Per eos dies interceptæ sunt binæ litteræ, ex Aegypto per Antiphilum scriptæ ad Antipatrum, quarum in alteris sic continebatur: Mitto tibi Acme litteras, mei capitis periculo: scis enim mihi rursus a duabus familiis imminere periculum, si deprehendor. Opto tibi in isto negotio successum. In alteris ita scriptum erat: Acme Antipatro. Scripsi ad tuum patrem quales volebas litteras, eique exemplum mitto fictarum Salomæ litterarum ad Dominam, quibus lectis scio futurum de Saloma, tamquam insidiatrice supplicium. Fuerant autem litteræ hæ, quæ Salomæ ad Acme dominam esse videbantur, compositæ ab Antipatro, Salomæ nomen et stilum ementito. Ad Herodem autem litteræ sic habebant: Acme regi Herodi. Ego dans operam, vt nihil te lateat eorum quæ contra te fiant, nacta Salomæ epistolam ad dominam meam contra te scriptam, eam mihi periculose, sed tibi vtiliter exscripsi, et tibi misi. Hanc illa scripsit volens nubere Syllæo. Igitur litteras conscinde, ne ego de vita periclitet. Erat autem Acme Iudæa, Iulæ Cæsaris vxoris serua: idque faciebat in Antipatri gratiam, qui eam grandi pecunia corruperat. Itaque Herodes singulari Antipatri malitia stupefactus, parum abfuit, quin eum euestigio necaret, instigante insuper Saloma. Sed tamen eum euocauit, et interrogauit, iussitque, vt sine vlla dissimulatione diceret, si quid contra haberet. Atque illo obmutescente, petiit, vt postquam vndiquaque malus reperiretur, saltem suos in his sceleribus adiutores nominaret. Ille vero Antiphilum omnium auctorem esse dixit, neque quemquam alium nominauit. Et Herodes eum in custodia, vt ante, habuit, iterumque legatum misit ad Cæsarem, et litteras contra filium et contra Acmen, vna cum earum, quæ supra positæ sunt, litterarum exemplo.

## CAPVT VIII.

*Herodis morbus et ætas, et Iudæorum seditio.*

**D**Einde in morbum lapsus, testamentum fecit, in quo filiorum suorum natu minimo regnum dabat, ob odium, quo tunc Archelaum et Philippum ob Antipatri calumnias prosequabatur. Donauit et Cæsari mille talenta, et Iulæ Cæsaris vxori, et Cæsaris filiis, et amicis, et libertis, quingenta. Legauit et suis filiis pecuniam, et pensiones, et agros, itemque nepotibus, Salomamque sororem suam multum ditauit. Et quoniam ex eo morbo conualituum se non sperabat, quippe iam septuaginta circiter annos natus, euasit crudelis et scrus in omnes: quoniam contemni se, gentemque suo malo delectari putabat: adde quod exstiterunt quidam plebei, qui in eum consurrexerunt ob huiusmodi causam. Erant Iudas Sariphezi, et Matthias Margulothi F. Iudæorum eloquen,

quentissimi, et legis interpretes praestantissimi, populoque carissimi, quoniam iuventutem docerent. Qui enim virtuti comparandae studebant, eos quotidie frequentabant. Hi duo audientes regis morbum esse insanabilem, spargere coeperunt, id ei mahum (ut et cetera infortunia) non aliunde proficisci, quam quod Dei praecepta violasset: ac magnopere ad Dei laudem et religionem pertinere, ut quidquid ille contra legem fecisset, aboleretur, quicumque tandem casus secutus esset. Fecerat autem rex super maiorem portam templi, ingentem et magni preii aquilam: hanc legis studio deturbandam esse dicebant illi magistri: quod si ob eam rem amittenda vita foret, parvam esse iacturam, qua sempiterna laus compararetur. Dum illi his et aliis sermonibus iuventutem incitant, nuntiarum obisse regem: itaque illi meridie aquilam demoliri vadunt, et eam securibus discindunt, spectantibus multis qui erant in templo. Hoc ubi regis praetori nuntiatum est, suspicatus maiorem aliquam rem tentari, eo cum magna manu proficiscitur: et inopinatus adgressus, alijs alio fuga dilapsis, cepit ad quadraginta iuvenes, qui cum animose expectarant, una cum duobus praceptoribus, eosque ad regem perduxit. Atque illi interroganti regi, an quod ipse crexisset, id delicere aut fuissent? libere responderunt, et fecisse, et recte fecisse, ut contra decreta regis legem tuerentur, quam Moses Dei iussu scriptisset, seque ob eam rem mori non recusare. Tum rex colligatos Hierichuntem mittit. Deinde Iudaeorum primos evocat, et in eorum medium lectica delatus (quoniam stare non posset) narrat, quantos eorum causa labores pertulisset, utque templum magnis suis sumptibus extruxisset, cum Asanoni nati centum vigintiquinque annis (quibus regnasset) nullum unquam tale opus ad Dei honorem facere potuissent: idque praecellentibus donariis ornasset, pro quibus se etiam post mortem celebratum et collaudatum iri sperasset. Hic vero clamare coepit, eos ne vivente quidem a contumelijs abstinere, quin luce palam audere suis donariis manus admolari, eaque deturbare, per simulationem cum offendendi, sed re ipsa (si res diligenter perpendetur) id esse sacrilegium. Illi eius crudelitatis metu, negarunt id factum esse de ipsorum sententia, ac sibi videri facinus vindicandum. Herodes vero in alios satis leniter se gessit: sed Matthiam pontificem honore, ut earum rerum nonnulla ex parte auctorem, abdicavit, et Iozarum uxoris eiusdem Matthiae fratrem pontificem creavit. Huius Matthiae pontificatu accidit, ut alius crearetur pontifex in diem ieiunii, ob huiusmodi causam. Is Matthias ea nocte, quae ieiunii diem antecessit, visus est sibi secundum quietem rem habere cum muliere: quam ob causam cum rem diuinam facere non posset, ei vicariam operam praestitit Iosephus Ellemi filius, eius consanguineus. Igitur hunc Matthiam Herodes munus deponere coegit: alterum vero Matthiam, qui seditionis auctor exstiterat, et eius sociorum nonnullos, vivos igni cremavit. Eadem nocte fuit lunae defectio, et Herodis morbus incurrit. Ignis erat, qui cum lente urebat, nec extrinsecus tactu tantum ardorem praebat, quantum intus dolorem. Excernendi erat incredibilis adpetentia, cui obtemperare necesse esset: inde intestinorum exulceratio, et saeva tormina. Pedes occupauerat liquida pellucensque pituita, inguinibus simili malo laborantibus, putredine quae vermes gigneret, virilia rodente, neque spirare nisi erectus posset, spiritu fetido, crebro atque brevi, distensis totius corporis membris, itaque vulgo dicebatur, poenas esse diuinas. Et tamen in his cruciatibus sanitatem sperabat, medicos arcessebat, et eorum consilijs per omnia obtem-

perabat: ac traiecto Iordane, in thermis Calliroæ lauit: quæ aqua præter ceteras tot dotes: etiam in potione vsum habet. Ibi medicis visum est, cum refouendi causa in solum olei plenum demittere, quo facto visus est mortuus: sed famulis ploratum edentibus, respuit: ac de salute sua desperans, militibus quinquagenas drachmas donauit, et ducibus amicisque multa largitus est: atque iterum Hierichuntem venit, vbi atrabile sic exacerbatus est, vt ad extremum hoc excogitauerit. Euocauit ad se totius Iudaicæ gentis primarios omnes, vbicumque degerent, (quæ fuit ingens sane multitudo, quippe quos sub pœna capitis venire iussisset, homo in omnes siue insontes siue fontes furiosus,) eosque in circo conclusit: deinde arcesitam sororem suam Salomam, eiusque virum Alexam, sic adloquitur: Video equidem (eos sentio dolores) me iamiam esse moriturum, quæ res tolerabilis et omnibus optanda est. Sed sine vilo mei desiderio aut ploratu, qui rege dignus sit, mori, hoc verofineum animum vrit. Video enim Iudæos nihil tam cupere, quam mortem meam, qui viuente me rebellare ausi sint, et meo donario contumeliam facere. Nunc vestri officii est, vt ad me hoc dolore subleuandum consentiatis. Si enim mecum sentire voletis, iusta mihi splendida, et longe alia, quam regibus solent, persoluentur, serioque per vniuersam nationem luctu condecorabor: alioquin non nisi per ludum iocumque deplorandus. Quare vbi me animam egisse videbitis, colloca- tote per circi circuitum milites, meæ mortis adhuc ignaros, (neque enim eam, nisi hoc perfectio, indicabitis,) eisque vt omnes ibi conclusos missilibus configant, imperatote. Ita me bifariam delectabitis, dum et ipsi voluntatem meam exsequemini, et ego digno luctu cohonestabor. Hæc ille eis mandauit, plorans miserabiliter: et eos per amorem consanguinitatis, perque fidem, quam Deo deberent, obtestans, ne sibi honorem hunc denegarent: id quod illi ei promiserunt.

## CAPVT VIII.

*Antipatri mors.*

**I**Nterim adueniunt Roma litteræ a legatis, quos ad Cæsarem miserat: in quibus significabatur, Cæsarem de Acma supplicium sumfisse, et Herodæ in Antipatrum summam potestatem permittere: qua re lætatus Herodes, aliquanto melius habuit. Deinde suo dolore correptus, malum poposcit et cultellum, solitus alioquin mala decorticare, et frustatim com- esse. Vbi id habuit, circumspexit, et seipsum ferire voluit. Verum eius sobrinus Achiabus manum ei prehendit, magnumque clamorem edidit: vnde tantus repente in regia vlulatus et tumultus coortus est, quantus si mor- tuus rex fuisset. Et Antipater patrem vere mortuum credens, cæpit confi- denter, quasi iam soluendus, et rex nullo negotio futurus, loqui, cumque custode carceris de missione agere, multa ei tum in præsens tum in futurum promittens. Sed id custos regi nuntiatum iuit: et rex cum exclamatione caput sibi, quamuis in extremis esset, percussit, et cubito innixus impe- rat, missio quodam satellite, vt e vestigio, sine vlla cunctatione, Antipa- ter interficiatur, et in Hyrcania ignobili funere sepeliatur.

## CAPVT X.

*Herodis decessus et testamentum.*

**I**Terumque testamentum suum mutauit, et Antipam (cui regnum reliquerat,) Galilee Perææque tetrarcham constituit, regnum Archelao dedit: Gaulonitidem autem, et Trachonitidem, et Batanzam, et Panniadem, Philippo filio suo, Archelai fratri, tetrarchiam attribuit: et Salome sorori suæ Iamnam, Azotum, et Phasaeliden legauit. Taceo argentum et alia, quæ tum ipsi Salomæ, tum suis consanguineis, et Cæsari, et Cæsaris uxori Iulie, et aliis reliquit. His factis, quinto post occisum Antipatrum die vitam finiuit. Regnauit post interfectum Antigonom, annos triginta quinque: postquam autem a Romanis rex creatus fuit, triginta septem. Ante diuulgatam eius mortem, Salome et Alexas conclusos in circo domum dimiserunt, dicentes regem iubere, vt discederent, et domi se tenerent. Deinde cognita iam regis morte, milites in Hierichuntis theatro coegerunt, et primum scriptas ad milites litteras legerunt, in quibus rex eis, ob fidem et gratum erga se animum, gratias agebat, et vt idem Archelao filio suo, quem regem instituisset, præstarent, orabat. Deinde Ptolemæus, cui creditum erat regis sigillum, testamentum recitauit, quod ratum esse non poterat, nisi prius inspectum a Cæsare. Ac subito clamor exstitit in honorem Archelai, eique milites gregatini, nec non duces, eandem quam patri præstitissent, amicitiam beneuolentiamque promiserunt, Deumque ei secundum exoptarunt. Deinde Archelaus regem splendidissime curauit efferendum. Eo facto, in templum ascendit, omnibus enim, quaqua transibat, faustis omnibus certatim prosequentibus. Ipse consensu suggestu sublimis in aurea sella sedens, populum mutua comitate prosequitur, eisque gratias agit, quod patrum in ipsos iniuriarum memoriam deposuissent, seque memoriam fore pollicetur. In præsentia quidem regio nomine se abstinere, quoniam testamentum Cæsar nondum confirmasset: quam ob causam ipse sibi Hierichunte diadema a militibus imponi non permisisset. Verum si fuerit adeptus imperium, daturum operam, vt eis satisfaciatur, et in omnibus elaboraturum, vt sit erga eos pater melior. Illi eum (vt est plebs credula) ex animo loqui existimantes, quo suauius et humanius ipse eos adloquebatur, eo magis collaudabant, et sua postulata scribebant. Alii, vt sibi vestigia diminuerentur, clamabant: alii vt vineti soluerentur, quos et multos et longo tempore Herodes habebat: erant qui de mancipum et publicanorum acerbitate expostularent: ad quæ Archelaus minime contradicebat, quippe qui multitudine beneuolentiam captaret ad confirmationem regni sua. Et hinc facta re diuina, ad conuiuium cum amicis se contulit.

## CAPVT XI.

*Populus seditionem mouet in Archelaum.*

**I**Nterea exstiterunt Iudæi quidam, qui Matthei, et eius sociorum ab Herode ob deiectam aquilam auream occisorum, mortem deplorarent: grauitateque de Herode conquererentur, id quod eo viuente facere non aus fuerant. Hi congregati ab Archelao contendebant, vt id facinus in eos vindicaret, quos habuerat Herodes in pretio: vtque in primis pontificem abdicaret ab Herode constitutum, aliumque deligeret magis legitimum, et ad minus obcundum puriorem. Archelaus vero ad eos placandos ducem misit. Sed

illi neque ducem, neque alium quemquam, qui eos ad æquitatem perducere conaretur, neque alios item multos ab Archelao missos, audire volebant, sed omnia arbitrati suo fieri iuebant: suaque iracundia facile ostendebant, futurum aliquem magnum tumultum, quippe consumente populo, et maxime ad festa Paschæ, quæ in id tempus inciderunt, in quo seditiosi illi Iudam et Matthiam lamentantes coierunt in fano. Itaque inuictus Archelaus seditionem, misit eo centurionem cum cohorte militum, ad coercendos illos, et sibi seditiosissimos quosque adducendos. Sed illi impetu in eos facto, maximam eorum partem lapidarunt: ipse centurio et alii pauci saucii elugerunt. Eo facto, illi manum iterum sacrificio admovent. At Archelaus comites omnes misit, et equites, qui eos qui foris essent, iis qui in templo forent, succurrere prohiberent, et eos qui a pedibus evasissent, exciperent. Ita occisa sunt ab equitibus circiter tria hominum millia: reliqui se in montes proximos receperunt. Et Archelaus proclamari iussit, ut omnes domum discederent: id quod illi fecerunt, et festum, quamvis audaces, deteriora veriri, reliquerunt. Deinde Archelaus ad mare descendit vna cum matre, secum dicens Nicolaum et Ptolemæum, multosque amicorum, relicta totius domus et principatus cura Philippo fratri suo. Eum comitata est Herodis soror Salome, vna cum suis natis, multisque consanguineis, per speciem adiuvandi eum ad regnum obtinendum: sed reipsa, ad ei aduerstandum, et maxime ad conquerendum de eo, quod in templo factum fuerat. Occurrit autem Archelaus Cæsare Sabino, Cæsaris in Syria rerum procuratori, ad custodiendam Herodis pecuniam venienti. Sed superuenit arcessitus ab Archelao Varus, qui eius iter avertit: inque Vari gratiam Sabinus Iudææ castella non occupavit, neque pecuniam consignavit, sed Archelao, donec de ea Cæsar statuisset, reliquit: eoque promissio, Cæsare remansit. Sed postquam Archelaus Romam iturus soluit, et Varus Antiochiam discessit, Sabinus Hierosolymam profectus, palatium occupat. Deinde arcessitis praefidiorum praefectis, omnibusque rerum administratoribus, demonstrat rationes exigere, et de castellis statuit arbitrati suo. Tamen custodes eodem in statu omnia ex Archelai mandato tuebantur, per speciem reverendi omnia Cæsari. Eo tempore Antipas quoque Herodis filius Romam ad obtinendum principatum profectus est, Salomæ promissis impulsus, ceu leuige quam Archelaus dignior imperio: utpote in priore testamento rex institutus, quod magis ratum esse deberet quam posterius. Ducebat vna secum matrem, et Nicolai fratrem Ptolemæum, quondam Herodi carissimum, et tum Antipæ studiosum. Potissimum vero eum ad adpetendum regnum impellebat Irenæus, qui orator erat, et ob eloquentiæ existimationem, regni procuratorem habuerat. Itaque noluit Antipas aufertare consulentibus ut cederet Archelao, qui et natu grandior, et vltimo patris testamento rex constitutus esset. Vbi Romam venit, cognati omnes eius partibus accedebant, non illi quidem eius amore, sed Archelai odio, cupientes ante omnia liberi esse, et sub Romani praefidis administratione: aut certe si quis se interponeret, Antipam praefidentes Archelao. Hac de causa Antipam regem creare conabantur, Sabino quoque Archelaum litteris apud Cæsarem accusante. Archelaus vero litteras ad Cæsarem, quibus ius suum tueretur, misit, nec non patris testamentum, et Ptolemæum herodianæ pecuniæ rationes sigillumque ferentem: atque ita euentum expectabat. Cæsar vero postquam has Varique et Sabini litteras legit, et quantum pecuniarum annuique reditus esset, utque Antipas regnum adpetens litteras misisset, cognouit, amicos

con-

conuocat, vt eorum sententias audiat: imperatque, vt qui velit, de presentibus negotiis dicat. Primus verba fecit Antipater Salomæ filius, homo in primis disertus, et Archelai aduersarius. Is Archelaum accusauit, quod diadema a Cæsare peteret, quum iam regis officio functus esset in iis, quæ superius dicta sunt, faciendis: et maxime eadem illam, quam in foro perperandam curasset, accusauit, dixitque prius Herodis testamentum, quod sana mente scripsisset, debere esse ratum. Surrexit deinde Nicolaus, qui Archelai causam egit: eiusque finita oratione, Archelaus sese Cæsaris ad pedes abiecit: sed eum Cæsar comiter adleuauit, regno dignissimum esse dicens: seque satis ostendit sic esse adfectum, vt non aliter facturus esset, quam testamentum postulatet. Verum ubi Archelaum, quia comiter acceptus esset, securum esse animaduertit, nihil sanxit. Postea dimisso concilio, discepit ipse secum, vtrum regnum Archelao confinnare deberet, an vero id omnibus Herodis filiis communiter diuidere, quoniam omnes egerent auxilio.

## CAPVT XII.

*Iudaorum in Sabinum seditia, et vt Varius de eius auctoribus supplicium sumserit.*

**A**Ntequam horum quidquam sancitum esset, obiit morbo Marthace mater Archelai: veneruntque a Varo Syriæ præfide litteræ, quæ Iudæorum rebellionem declararent. Nam post Archelai discessum seditionem fecit vniuersa natio: et Varius, qui illic aderat, in eius auctores animaduertit: ac seditione (quæ grauis sane fuit) maxima ex parte compolita, Antiochiam profectus est, relicta Hierosolymis vna legione ad Iudæos reprimendos, si quid mouerent: sed id frustra. Nam digressio Varo, Sabinus ibi, cum Cæsaris procurator, manens, multum Iudæis negotii facessabat, sperans eos iis copiis, quæ magnæ restabant, cohiberi posse. Circumducebat enim frequentes armatos satellites, per quos Iudæos premens atque turbans, rebellare cogebat. Etenim castellis occupandis incunabatur, et præ auaritia regias pecunias vi sinuua vestigabat. Instantibus autem Quinquagesimæ festis, conuentum est Hierosolymam non solum religionis gratia, sed etiam indignatione contumeliarum Sabini: conueruntque plurima Galilæorum et Idumæorum et Hierichuntiorum millia, et omnes transiordanini, in primisque Iudæi, qui erant omnium Sabino insensissimæ. Igitur in trina castra diuisi, Romanos, qui erant in arce, obsederunt. Itaque Sabinus Varo confestim per litteras significauit, vt sibi celeriter auxilium ferret: ipse arcis excelssissimam turrin (ea Phasaelus adpellatur), occupat, et inde Romanis signum dat, vt Iudæos adoriantur: ipse adeo timidus, vt ne ad suos quidem descendere auderet. Quumque Romani eruptionem fecissent, commissum est acre prælium, in quo licet superiores essent Romani, tamen non despondebant Iudæi: quumvis suorum multos cadere viderent: quin per circuitum confensis porticibus, quæ circum exterius templi septum erant, ibi lapidibus, qua manu, qua fundis, pugnare cœperunt. Item sagittarii vniuersi Romanis de superiore loco multum nocebant: quum essent hi ita demisso loco, vt ad illos tela adigere nequirent. Postquam diu hunc in modum pugnatum est, incensi iracundia Romani, ignem porticibus (in scis ipsis, qui eo adscenderant, Iudæis) subiecerunt, quo confestim ad tectum euecto, exstincti sunt, qui illic erant. Nam alios secum ruina tecti trahebat, alii ab hostibus vndique cadebantur, multi se in ignem coniciebant, alii seipsos gladiis suis occidebant. Quicumque, qua adscenderant, euadere conabantur, a Romanis cæsi sunt: itaque ne vnus quidem elapsus est. Romani vero per statimam,

qua dabatur, irruentes, pecuniarum sacre thesauro potiuntur: eiusque magna parte a militibus direpta, ipse Sabinus talenta quadringenta palam recepit. Sed Iudæi nihilo secius, adhibitis suorum fortissimis quibusque regiam obsidere, flammisque et extrema omnia minitari, nisi Romani celeriter exirent: sin exirent, et ipsis et Sabino nihil nocitum iri. Regionum vero maxima pars cum Iudæis sese ad auxiliandum coniunxit. Sed Rufus et Gratus, qui tria millia praestantissimorum Herodis militum habebant, ad Romanos transierunt: idemque fecerunt equites quidam, quibus praeerat Rufus. Verum Iudæi nihilominus obsidionem urgere, et cuniculos agere, atque obfessis clamare ut exirent, et eos qui deficiebant hortari, ne se libertatem suam reciperare prohiberent. Et Sabinus quidem cum militibus exire paratus erat: sed Iudæis fidere non poterat: adde quod a Varo expectabat auxilium, eamque ob rem obsidionem sustinebat. Interea exsistebant in Iudæa mille aliorumque: inter quas fuerunt duo hominum millia, qui aliquando sub Herode meruerant: ii inter se conspirarunt, et regio oppugnare coeperunt. Achilles vero, Herodis sobrinus, eis resistebat: et ex agris in edita loca compulsum (quippe ab hominibus bellicosus) difficiles aditus insidendo, servabat, quæ poterat. Exstitit et Iudas Ezechiae latronum praefecti filius, eius quem magno labore Herodes oppresserat. Hic Iudas apud Sepphorim Galilææ oppidum, coacta profligatorum hominum caterua, palatium adortus, arma omnia ibi reposita occupavit, iisque suorum singulos armavit, et omnium ibi repertam pecuniam abstulit, suiue terrorem omnibus iniiecit, dum regnandi cupiditate in obuios quosque sevit. Fuit et Simon quidam regis Herodis servus, homo alioquin forinosus, et corporis magnitudine ac pulchritudine excellens. Hic Simon diadema sibi imponere ausus, ab hominum multitudine qui conuenerant, rex salutus est, et Hierichuntiam regiam a se directam cremavit, aliasque multas regis domos in multis regionis locis incendit, concessa suis gregalibus præda. Sed ei Gratus cum sua manu obuiam occurrit: et post longum prælium, profligatis Simonianis, quippe transiordanis, et nullo ordine, audacia magis quam arte pugnantibus, ipse fugientem in valle Simoneum nactus obruncauit. Exstitit etiam hominum caterua Simonis similium, qui Amathæ (ea urbs est ad Iordanem posita) regiam cremarunt. Exstitit et Athronges quidam opilio, homo procerus et robustus, qui regnum adfectare ausus est. Is quatuor fratres, sui similes habebat, qui regnum singuli singulis cohortibus tuerentur. Conuenit enim ad eos ingens hominum multitudo, quibus ipsi praefecti prælia pro Athronge faciebant. Ipse diadema sibi imposuit, et de rebus gerendis concilium habuit, omniaque gerebat arbitrato suo: et diu in potestate permansit, regio nomine, faciens quæ vellet: magnasque, tum ipse, tum fratres, cædes edebant tam Romanorum, quam regionum, utpote utriusque ex æquo, insens, et sanguine omnia conplebant, partim ob quaestum, partim ob interficiendi consuetudinem. Hi aliquando Romanorum cohortem (qui frumentum et arma militibus ferebant) prope Emmauentem adgressi, ita circumdederunt, ut Arium ducem, et quadraginta eius peditum fortissimos, missilibus confixerint. Reliquia auxilio Grati, qui eis cum regis succurrit, euaferunt. Hæc et alia multa tum Iudæis tum Romanis detrimenta longo tempore intulerunt: ac tandem tres eorum capti sunt, videlicet natus maximus ab Archelao, reliqui duo a Grato et Ptolemæo: quartus Archelao se dedit, sed hæc postea facta sunt: tum quidem Iudæam totam latrociniis repluerunt. Varus simul ac Sabini litteras accepit; adsumtis reliquis duabus legionibus, quatuorque turmis equitum, omnibusque regum et tetrarcharum



charum et aliorum auxiliis, celeriter obsessis in Iudæa subsidio proficiscitur: et coactis ad Ptolemaidem suis copiis earum partem filio, et cuidam amico tradit, eosque ad bellum Galilæis supra Ptolemaidem incolentibus inferendum mittit. Atque ille hostes prælio adgressus, in fugam vertit, captoque et incenso oppido Sepphori, oppidanos vendidit. Ipse Varus cum vniuerso exercitu ad Samariam profectus, vrbi (quod seditionis culpa careret,) nihil nocuit: sed castra in vico, cui nomen est Arus, posuit, quem Ptolemæus ædificauerat: eumque vicum Arabes, Varo ab Aræa subsidio missi, Herodis odio incendērunt, vt Ptolemæo Herodis amico dolorem facerent. Illinc digressi, vicum alium nomine Sampho, munitissimum et instructissimum diripuerunt, atque concremarunt, et in itinere omnia ferro flammaque fœderunt. Emmaus quoque, sed ab incolis deserta, iussu Vari cremata est, vt iis, qui ibi fuerant occisi, parentaret. Inde ad ipsam Hierosolymam ducit, vbi obsessores Iudæi simulac hostes viderunt, fugæ se mandarunt, obsidione semperfecta. Hierosolymitani vero Iudæi Varo sese purgarunt, demonstrantes ob festa coiuisse populum, neque suo consilio bellum, sed extetnorum audacia susceptum: se quidem cum Romanis magis obsessos fuisse, quam eos obsidere in animo habuisse. Et Iosephus Herodis sobrinus, et Gratus, et Rufus cum suis militibus, et obsessi Romani, Varo sese obtulerunt. At Sabinus in eius conspectum venire non ausus, clam ab vrbe ad mare profectus est. Varus per regionem suarum copiarum partem, ad conquirendos seditionis auctores dimisit, et in quosdam, vt ceteris nocentiores, animaduertit, ceteros dimisit, duobus millibus eam ob causam in crucem sublati. Deinde milites, quod multa peccassent, et suis præceptis luci studio non obediissent, exauctorauit. Quumque decem Iudæorum millia coiuisse intellexisset, eo celeriter ad eos opprimendos profectus est: sed illi ad Achiabi arbitrium sine prælio se dederunt. Et Varus data plebeis venia, eorum duces omnes misit ad Cæsarem. Cæsar reliquis ignouit: de quibusdam Hierodis consanguineis, quoniam in regem arma sumissent, supplicium sumisit. His perfectis, Varus, relicta Hierosolymæ ad præsidium priore legione, Antiochiam profectus est. Archelaus vero Romæ nouum negotium habuit, propter huiusmodi causas. Iuerant Romam consensu Vari Iudæorum quinquaginta legati, ad postulandam libertatem: quibus sese Romæ adiunxerunt supra octo Iudæorum millia. Alterius partis erant Archelaus et eius amici. Regis vero consanguinei, Archelai partes propterea non tuebantur, quod eum oderant: rursumque legatis aduersus eum fauere non auebant, ne id sibi vitio verteretur. Philippus quoque eo venit ex Syria, impulsu Vari, maxime vt fratris partes adiuuaret: nam eum amabat Varus: aut si regnum diuideretur, vt partem suam obtineret. Igitur vbi legatis apud Cæsarem, et eius amicos, Romanosque proceres dicendi locus datus est, cœperunt Herodem accusare, multisque exemplis et rationibus ostendere, merum fuisse, et eum crudelem tyrannum, a quo pluribus malis adfecti fuissent, quam vnquam post Babylonæ reditionem pertulissent: idque in causa fuisse, vt Archelaum libenter regem admitterint, rati fieri non posse, vt quemquam haberent, qui non esset Herode tolerabilior. Sed nunc animaduertentes, quale crudelitatis in ipso statim prinordio specimen ediderit, qui tria suorum popularium millia in ipso templo die festo necauerit, postulare, vt regno et huiusmodi principatu liberati, Syriæ contribuantur, prætorumque Romanorum administrationi subiiciantur: ita perspicuum fore, vtrum sedi-

tiosi sint, an non sint. Postquam illi hæc postulata proposuerunt, surrexit Nicolaus, regumque causam egit, et gentem ut peruicacem, et in reges contumacem accusauit, eosque etiam de Archelai consanguineis culpauit, qui fauerent accusatoribus.

## CAPVT XIII.

*Cæsar Herodis testamentum farscit, custodita eius filiiis  
successione.*

**C**æsar aliquot post diebus, quam hæc audiuit, Archelaum instituit, non regem, sed dimidix regionis Herodianæ rectorem: pollicitus regii nominis honorem, si dignam rege virtutem præstitisset. Alteram partem in duas partitus, reliquis duobus Herodis filiis diuisit, Philippo et Antipæ. Huic paruit transiordanensis ager, et Galilæa, quæ ei ducenta talenta pensitabant. Batanæa vero cum Trachonitide, et Auranitide, et nonnulla parte domus Zenodori, Philippo. centena. Archelao tributa est Idumæa, et Iudæa, et Samaria, condonata Samarizæ a Cæsare quarta parte vectigalium, quod ea cum ceteris non rebellasset: fueruntque Archelao subiectæ vrbes, Stratonis turris, Augusta, Ioppe, et Hierosolyma. Nam Gazam quidem, et Gadara, et Hippum, quoniam græcæ sunt vrbes, sciunxit Cæsar, et Syriæ adiunxit. Archelai reditus erat sexcenta talenta. Salomæ vero præter ea, quæ frater ei legauerat, videlicet Iamnam, Azotum, et Phaelidem, et argenti signati quingenta millia, Cæsar regiam dedit Ascaloniân, ut eius annui reditus summa esset talenta sexaginta, domo ei in Archelai ditione posita.

## CAPVT XIII.

*De falso Alexandro.*

**P**ost eas res exstitit iuuenis quidam Iudæus, facie simillimus Alexandri Herodis filii, eius qui fuerat occisus. Huic persuasit improbus quidam, et rerum turbator, idemque rerum auicularum peritus, ut se Alexandrum Herodis filium diceret, qui abditus fuisset ab eorum quodam, quibus fuerat eius interficiendi commissum negotium: qui quidem ut hominibus imponeret, alios interfecisset, se vero et fratrem Aristobulum conseruasset. Hoc pacto iuuenis ille eos fallebat, in quos inciderat: ita ut quoscumque in Creta nactus est, ei fidem habuerint, et pecuniam subministrarint tum ipsi, tum Melenses insulares, et alii: maxime vero Herodis hospites et amici, ei sese tamquam regi adiunxerunt: quippe qui Alexandri adeo similis esset, ut eum ipsum esse iurare possent vel illi ipsi, quibus magna cum Alexandro familiaritas intercesserat. Itaque Romam aduentanti obuiam prodire Iudæi, et id pro miraculo habentes, eum per vias in curru sublinem, regio plane adparatu incedentem (quæ res fiebat sumptibus eius hospitum) frequentes stipabant, et omnibus officiis tamquam Alexandrum prosequabantur. His Cæsar auditis, suspectam fraudem habens, eum ad se arcessit: et quamuis per similis esset, tamen animaduertit falsum hunc Alexandrum, manuarie artis hominem, corpus habere scabrius atque asperius: quam liberaliter educati molle et delicatum habere soleant. Igitur quærit ex eo, quid factum sit Aristobulo, curne non venisset ad obtinendum ius suum? Ille respondet, in Cipro remansisse, metu marinorum periculorum, ne si quid Alexandro humi-

nitus

nitus accidisset, Maritæ gentis funditus aboleretur. Hæc adfirmantem, cum eo consentiente magistro, Cæsar seducit, et ita dicit: Si mihi verum dicere voles, vitam tibi custodiam. Dic mihi quis tu sis, et quis tibi tantum audere persuaferit: est enim malitia ista maior quam pro ætate. Tum ille rem omnem confessus est: et Cæsar eum ad reuigiles relegauit, et eius fraudis auctorem interfecit.

## CAPVT XV.

*Archelaus iterum accusatus, Viennam relegatur.*

**P**ostquam Archelaus gentis rector factus, in Iudæam peruenit, Ioazarum Boethi filium pontificatu priuauit, eum cum seditiosis coniurasse coniunctus, idque munus Eleazarus eiusdem filio tradidit. Refecit etiam Hierichuntium palatium magnifice, et diuinidiam aquam vici Nearæ deriuauit ad irrigandum paluetum, quod conseruerat, Vicumque construxit, quem Archelaidem nuncupauit: et Glaphyram Alexandri sui fratris quondam uxorem, ex quo ipsa liberos habebat, in matrimonium duxit. Ne Eleazarus quidem in pontificatu permansit, suscepto in ipsius viuentis locum Iosua Sæ filio. Anno autem decimo principatus Archelai, Iudæorum et Samaritanorum primi eius crudelitatem et tyrannidem non ferentes, eum apud Cæsarem accusarunt, maxime quum intellexissent contra Cæsaris fecisse mandatum, quo iubebatur eos tractare leniter. Hanc ob rem Cæsar eum, nulla illata mora, curauit euocandum: ac postquam causam suam contra certos accusatores agentem audiuit, relegauit in urbem Galliæ Viennam, pecuniaque spoliavit. Antequam autem Romam euocaretur Archelaus, somnium huiusmodi suis amicis narrauit. Visus est sibi videre decem spicas, tritici plenas, iam perfectas, quas boues depascere. Experrectus, coniectores arcessit. Ibi dum alii alia dicunt, Simon quidam Essæus, postulata dicendi venia, dixit ei, visione illa significari mutationem in deterius. Boues enim ærumnam declarare, quippe laboriosum animal: itaque rerum mutationem, quoniam humus, quæ ab eis coleretur, eodem in statu permanere non posset. Decem autem spicas, totidem annorum indices esse, quoniam vno anno proueniat spica: atque Archelao finem adesse imperii. Sic ille somnium enucleauit: ac quinto post die venit nuntius, qui Archelaum arcessebat, eumque cum amicis coniuuantem offendit. Simile quiddam accidit et Glaphyræ, quæ post decessum Alexandri nupserat Iubæ Libyæ regi: quo mortuo viduam domi patris in Cappadocia degentem duxit Archelaus, repudiata uxore sua Maria: tantus erat amor in Glaphyram. Igitur quum Archelai coniux esset, vidit huiusmodi somnium. Visa est cernere adstantem sibi Alexandrum: quare gaussa, eum cupidissime complexa est. At ille de ea questus est. Glaphyra, inquit, ergo tu vulgare verbum comprobas, quo feminis fidendum non esse dicitur: quæ mihi desponsa et nupta virgo, genitis ex me liberis, antores oblita meos alii nupseris, neque hac contumelia contenta, cum tertio marito cubare ausa sis, ad me domus dedecus atque probum: Archelaoque viro tuo, fratri nostro nupseris. Ego vero me in te beneuolentiæ idcirco non obliuiscar, quin te omni infamia liberabo, meam faciens, ut prius fuisti. Hæc quum apud socias suas narraisset, aliquot post diebus moritur.

FLA-

# FLAVII IOSEPHI ANTIQVITATVM IVDAICARVM LIBER DVODEVICESIMVS.

## CAPVT I.

*Quirinius ad censendam Syriam et Iudaeam mittitur a Caesare, et Coponius ad procurandam Iudaeam: item de Iuda Galileo.*

**Q**uirinius vero a Caesare missus est in Syriam, vt genti iura daret, et facultates censeret: et Coponius vna cum eo, vt equitatui praeset, et Iudaeorum res summa potestate administraret. Igitur venit Quirinius in Iudaeam Syriæ additam, vt eorum bona censeret, et Archelai pecuniam addiceret: quam ad rem Iudæi, quantum principio ægre, tamen consenserunt, suasti pontificis Ioazari Boethi filii. Indas autem Gaulanita, ex oppido Gamalis, vna cum Phariseo Sadduco, populum sollicitabat ad rebellionem, dicens eum censum nihil aliud esse quam seruitutem: ac debere libertatem defendi, alioquin non adfuturum eis Deum. Et quia populus eis aurem praebat, ea res tandem in causâ fuit infinitorum malorum. Et quoniam ad hunc locum veni, placet de Iudaeorum sectis nonnulla disserere.

## CAPVT II.

*De Iudaeorum sectis.*

**H**abebant Iudæi tres philosophiæ sectas antiquas, videlicet Essæorum, Sadducæorum et Phariseorum. Pharisei tenuiter viuunt, et a voluptatibus prorsus abhorrent: quodque bonum ratio iudicat, id sequuntur. Senioribus honorem præbent, neque iis, a quibus hæc prodita sunt, contradicere audent. Omnia fato fieri censent, sic tamen vt hominis voluntatem inde non excludant, dicentes visum esse Deo ita rem temperare, vt et fato sit locus, et tamen homo possit, si velit, virtutem sequi, aut vitium. Credunt animas immortales, ac sub terra vel pœnis vel præmiis eos adfici, qui in hac vita virtuti se aut vitis addixerint: animasque improborum sempiterno carcere clausas teneri: bonorum autem reuiuiscere, et in alia corpora migrare. His de causis tantæ sunt auctoritatis, vt quidquid ad religionem pertineat, cuiusmodi sunt supplicationes et sacrificia, id eis interpretibus fiat: tanti sit eorum tum vita, tum oratio. Sadducæi animas cum corporibus interire putant, neque quidquam aliud quam legem seruant: nam contra magistros quidem eius quam sequuntur sapientiæ disputare, virtuti tribuunt. Eorum opinioni suffragantur pauci, sed dignitate primi, et iidem pene ceteri. Nam si quando magistratus gerunt, opinioni Phariseorum, licet inuiti, tamen assentiuntur, quod eos alioquin non ferret populus. Essæi omnia Deo in manu esse censent: animas immortales ducunt, suntque iustitiæ studiosissimi. In sanum donaria dum mittunt, ibi sacra non faciunt, propterea quod lustrationes habent sanctiores: hac de causa communi delubro arcentur, et sacra sua seorsum faciunt. Ceterum homines sunt optime morati, et agriculturæ prorsus addicti. Habent bona inter se communia, ita vt diues suis bonis non magis fruatur, quam qui nihil habet: suntque supra quatuor hominum millia, qui hæc faciunt. Nec uxores, nec seruos habent: quod hoc iniquum, illud iurgiosum arbitrantur: sed separati viuunt, et alii aliis ministrant, quæstionesque suorum prouentuum et terræ frugum creant viros bonos, sacerdotes, vt

vt victum habeant. Nullam habent seorsum urbem, sed frequentes in singulis urbibus agunt: ac quandocumque ad eos venit aliquis eiusdem sectæ, omnia ei tamquam propria patent: intrantque in eorum domos, quos numquam viderunt, perinde ac si cum eis per omnem vitam versati fuissent. Itaque in itinere nullum viaticum ferunt: tantum tela contra latrones gestant. Præter has tres sectas introduxit Iudas ille, de quo locutus sum, Galilæus, vnam, hominum quiceteroquin cum Pharisæis sentiunt, sed libertatem sic amant, vt eam mordicus tueantur, Deum vnum pro rectore et domino habentes. Itaque cruciatus omnes et mala et mortes (vt perspectum est) potius perferunt, quam vt hominem dominum adpellent.

## CAPVT III.

*Herodes et Philippus tetrarchæ, vrbes in honorem Cæsaris edificans;*

**Q** Virinius postquam Archelai pecuniam addixit, et rectori finem imposuit, Ioazarum (cui cum plebe contentio fuisset) pontificatu abdicauit, eique muneri Ananem Sethi filium præfecit. Herodes vero et Philippus in suæ vterque tetrarchiæ possessionem inuasērunt, et Herodes Sepphorim muniuit, et eam totius Galilææ caput fecit. Item urbem quamdam nomine Betharamphtha mœnibus cinxit, et Iuliadem in honorem Iuliæ vxoris imperatoris nominauit. Philippus quoque Paneadem construxit, apud Iordanis fontes positam, eique Cæsareæ nomen fecit: vicumque Bethsaidam ad lacum Gennēsareth positum, adeo tum incolis tum aliis opibus auxit, vt facile oppidum æquiparet, eumque Iuliam a Iuliæ Cæsaris nomine nuncupauit. Coponio Romam reuerso, Marcus Ambibuchus Iudææ prætor fuit: huic successit Annius Rufus, quo prætor mortuus est Octauius Cæsar, cui successit Tiberius Nero. Post Annum Rufum, quintus fuit Iudææ prætor Valerius Gratus, qui Ananem pontificatu priuauit, et eum Ismaeli Fabii filio tribuit: eundemque non multo post abdicauit, et id munus Eleazaro eiusdem Anconis filio commisit: et vno post anno, Simoni Cannithi filio, qui id non plus vno anno tenuerat, quum ei successit Iosephus Caiaphas. Hoc facto, Gratus Romam se contulit, eique successit in administratione Iudææ Pontius Pilatus. Herodes vero tetrarcha, Tiberii summus amicus, urbem ædificauit, cui a Tiberio Tiberiadis nomen indidit, in media Galilæa, ad lacum Gennēsareth, earumque conuenis et Galilæis frequentauit, et nonnullos illic inuitos collocauit, quosdam etiam optimates. Admisit et ibi pauperes vndique collectos, et nonnullos, qui an liberi essent non constabat: iis magnas facultates et immunitates dedit, vt in oppido degere vellent: eorum domos suis impensis extruxit, eisque agros tribuit, quod sciret habitationem esse iudaicis legibus moribusque repugnantem: propterea quod ad id oppidum collocandum, sublata fuerant multa, quæ illic erant, sepulcra, quum lex nostra huiusmodi incolæ pollutos pronuntiet in septem dies.

## CAPVT IIII.

*Iudæorum aduersus Pilatum seditio: item de Iesu Christo.*

**P**ilatus autem, Iudææ prætor, exercitum Samaria transtulit Hierosolymam in hiberna: arque vt iudaicas leges aboleret, Cæsaris effigiem in militaribus signis depictam, curauit intra urbem inferendam, quum lex

imagines habere nos vetet: quam ob causam eius decessores prætores soliti erant in urbem intrare cum signis, quæ huiusmodi carerent imaginibus. Sed Pilatus primus, ignorante populo, quippe noctu, intrauit cum imaginibus. Quam rem ubi Iudæorum populus rescivit, Cæsaream profecti sunt, Pilatumque per multos dies orarunt, ut eas imagines alio transferre vellet. Ille vero non concedebat, quoniam in ea re Cæsaris honos ageretur: et quoniam illi eum urgere non desinebant, armavit die septimo milites occulte: deinde factum in circo suggestum conscendit, quæ res collocatum in insidiis exercitum tegebat. Quinque Iudæi eadem rursus ab eo flagitarent, signum militibus dedit, ut eos circumfisterent. Iudæisque præsentem uortem minatus est, nisi quieti domum discederent. Illi vero humi procumbere, detestisque ceruicibus dicere se longe mori malle, quam contra legum sapientiam committere. Quam rem miratus ille, imagines euestigio Hierosolymis Cæsaream referri iussit. Tentavit et aquam deriuare Hierosolymam, idque sacrarum pecuniarum impensis, petito fontis capite ducentesimo ab urbe stadio. Sed id Iudæis non placebat: coiueruntque hominum multa millia, qui vociferarentur, ut ab instituto desisteret: nonnulli etiam convicia et contumelias ei dicentibus. Itaque ille magnum militum numerum habitu iudaico, qui occultas sub veste ficas ferrent, misit in locum, unde possent circumdare Iudæos: deinde Iudæis ut se inde reciperent, imperavit. Quinque Iudæi conuiciis eum petere inciperent, signum quod conuenerat, militibus dat: illi vero longe atrocius, quam insulerat Pilatus, quietos æque ac seditiosos cadere: ita compluribus interfectis, alii faucii discessere. Fuit etiam eo tempore Iesus, vir sapiens, si virum dicere licet. Fuit enim incredibilium operum effector, magister hominum, qui verum cum voluptate accipiunt: multosque Iudæos, multos item Græcos ad se pellexit. Christus is fuit: quem quum Pilatus ab hominum nostrorum primis accusatum, in crucem sustulisset: tamen amare non desierunt, qui prius amauerant. Apparuit enim eis tertio die rediuius, diuinis vatibus et hæc, et mille alia de eo miranda effatis: atque ab eo denominata Christianorum natio, durat ad hunc diem.



## MOSIS INSTITVTIO REIP.

### EX IOSEPHO DESVMTA.

*Quum ipsi Castellioni inconueniens visum haud fuerit, continuationem Historiæ S. ex Iosepho, reliquis monumentis illius Historiæ, diuinam auctoritatem non habentibus, subtexere: diuidiæ forsân haud fuerit delineationem Reipublicæ Iudaicæ, ex eodem Iosepho ab eo concinnatam hic quoque representare. Præsertim quum hac ratione et opusculi illius conseruationi, ob molis exiguitatem facile alias interituri, optime consultum putemus: et plane dubitandum haud esse existimemus, quin ipse Castellio, si seruis ab eo delineatio illa non fuisset concinnata, locum et hic concessurus quoque fuerit.*

Pera-

**P**Eractis quadraginta annis, exceptis triginta diebus, Moyſes coacta concione apud Iordanem, vbi nunc eſt oppidum Abila, (eſt autem locus palmifer,) omni populo congregato dicit talia: Viri commilitones, et ſocii longæ æruminæ, poſtquam oportet me emigrare e vita, quandoquidem ita videtur Deo, et ſenectus progreſſa eſt iam ad tempus viginti et centum annorum, neque futurum ſum vobis adiutor, et auxiliator rerum gerendarum trans Iordanem, quin prohibeor a Deo, æquum exiſtimaui, ne nunc quidem omittere meum ſtudium pro veſtra felicitate, ſed et comparare vobis æternam fruitionem bonorum, et memoriam mihi ipſi, vobis adeptis copiam bonorum. Agedum poſtquam propoſuero, quomodo et vos poſſitis eſſe felices, et relinquere veſtris natis ſempiternam poſſeſſionem bonorum, ita diſcedam ex vita. Sinu autem dignus eni credatur, tum propter præteritas contentiones pro vobis, tum quâ animæ, perductæ ad exitum, commercium habent cum omni virtute. O nati Iſrahel, Deus propitiuſ eſt vna cauſa poſſeſſionis bonorum omnibus hominibus. Nam hic ſolus poteſt, et dare dignis, et auferre ſontibus, cui ſi præſtiteritis vos ipſos, quales et ipſe vult, et ego admono, aperte intelligens mentem eius, numquam aberit vobis, neque vniquam deſinetis eſſe beati, et conſpiciuſ omnibus: quin et poſſeſſio bonorum, quæ nunc ſunt, vobis manebit firma, et habebitis celereſ præſentiam futurorum: modo obediatſ iis, quibus Deus vult vos obſequi, et neque præponatſ aliam inſtitutionem præſentibus iuribus: neque contenta pietate, quam nunc habetis erga Deum, deſiciatſ ad alioſ mores. Hiſ autem faciendiſ, eritſ fortiſſimiſ omnium ad dimicandum præliiſ, et nulli hoſtium expugnabileſ. Deo enim ſerente auxilium vobis, conſentaneum eſt, vt deſpiciatſ omneſ. Virtutiſ autem præmia propoſita ſunt vobis magna, ſi poſſideritiſ eam in omnem vitam. Ipſa quidem primum eſt antiquiſſimum bonorum: deinde conciliat abundantiam aliorum: ſiquidem et facit vobis vitam beatiſſimam, vtentibus ea inter voſ: et voſ magiſ laudari, quam externos: et vt ſitiſ in gloria apud poſteros. Poteritiſ autem adſequi hæc, ſi fueritiſ obedienteſ, et cuſtodeſ legum, quas condidi, Deo diſtante nihi: et meditanteſ intelligentiam earum. Diſcedo autem ipſe lætuſ veſtriſ boniſ, commendanteſ vobiſ et legi modeſtiæ, et honeſtati inſtitutioniſ rei publicæ, et virtutiſ imperatorum, qui gerent curam vtilitatiſ veſtræ. Deus quoque, qui rexit hoſ hæcenus, cuiuſ voluntate ego quoque fui vobiſ vtiliſ, non intermitter vobiſ hucuſque providentiam ſuam: ſed quamdiu ipſi voletſ habere eum præſidem, manenteſ in ſtudiis virtutiſ, tamdiu vtemini providentia eiuiſ: et pontifex Eleaſaruſ, et Ioſua, ſenatiſque et magiſtratiſ tribuniſ exponenteſ vobiſ ſententiaſ optimaſ, quaſ ſequentes habebitiſ felicitateſ, quibus obtemperare non grauate: intelligentes, omneſ qui pulchre ſciunt parere, etiam ſcituſ non inperare, ſi peruenerint ad poteſtatem eiuiſ rei: et exiſtimate libertatem, non ægre ferre, quæ duceſ volent voſ facere. Nunc enim ponitiſ libertatem in eo, ſi adſiciatiſ contumeliaſ beneficoſ: quod ſane ſi cauebitiſ deincepſ, reſ meliuiſ habebunt vobiſ; neque vniquam ſumite tantam iram contra hoſ, quanta ſæpe auſi eſtiſ vti aduerſum me: ſciſ enim, vt ſatiuſ periculiſ ſim de vita a vobiſ, quam ab hoſtibuſ. Hæc autem non ſtatuiſ exprobrare vobiſ: nolim enim relinquere offenſoſ in exitu vite, reuocantſ hæc in memoriaſ, quum ne eo quidem tempore, quo hiſ adſiciebar, fuerim iratuſ: ſed vt doceam voſ tuto agere in hoc ipſo in poſterum, et nulla iniuria adſicere ſuperioreſ propter diuitiaſ, quæ vobiſ aderunt multæ, traiecto Iordane, et adeptiſ Chanaanam. Nam ſi ab eiſ adducti fueritiſ ad faſti-

dium,

dium, et contentum virtutis, perdetis etiam beneuolentiam Dei: Si feceritis autem hunc hostem, et priuabimini rursum cum maximis probris terra, quam possidebitis, victi armis ab hostibus: et dissipati per orbem replebitis totam terram, et mare seruitute vestra. Pœnitentia autem, et recordatio legum non seruatarum, erit inutilis vobis, facientibus periculum horum. Quare si vultis has manere vobis, nullos hostium relinquit, quum superaueritis eos. Sed existimate, expedire, perdere omnes, ne eis viuentibus, gustatis moribus illorum, corruptatis institutionem patriam. Præterea moneo, vt deiiciatis et aras, et lucos, et templa, quæcumque habebunt, et igni aboleatis genus et memoriam eorum. Nam ita demum securitas propriorum bonorum erit vobis firma. Vt autem natura vestra non feratur in deterius, propter ignorance[m] melioris, composui vobis et leges, dictante mihi Deo, et institutionem reipublicæ: cuius si seruaueritis honestatē, iudicabimini felicissimi omnium. Hæc locutus, tradidit eis leges et ordinationem Reipublicæ descriptam in libro. At illi plorabant, et capiebant multum desiderium Imperatoris, et memores, quæ pericula et studia suscepisset pro salute eorum, et male sperantes de futuris, vt non futuro, alio imperio tali et Deo minus prouisuro: quoniam Moyses erat qui precaretur; et dolebant, pœnitentes eorum, quæ fecerant ei in deserto pro iracundiam: ita vt vniuersus populus lapsus in lacrimas, adfectus sit ex his rebus maiore dolore, quam vt verba possent consolari. Moyses autem consolabatur eos, et abducens eos a putando se dignum lacrimis, aduonebat, vt vterentur reipublicæ institutione. Et tunc quidem ita digressi sunt. Volo autem, si prius dixerō institutionem reipublicæ consentaneam dignitati et virtuti Moysis, et tradidero discedum ex ea lectionis, qualis fuerit status rerum nostrarum olim, ita transire ad enarrationem aliorum. Omnia autem scripta sunt, vt ille reliquit, nulla re addita a nobis ornatus gratia, neque quam Moyses non reliquerit. Hoc autem nouum factum est a nobis, quod composuimus singula generatim. Nam relicta erant ab eo scripta sparsim, et vt quidque seisciscitatus erat a Deo. Huius gratia existimaui operæ pretium esse ante distinguere, ne incurramus in aliquam reprehensionem agnatorum, qui inciderint in hoc scriptum, quasi aberrauerimus. Habet quidem ita nobis ordinatio legum, pertinentium ad rationem ciuitatis. Quas autem reliquit nobis communes inter nos, has distuli in editionem de moribus et causis, quam propositum est nobis componere post hoc opus, adiuvante Deo. Quum igitur adepti terram Chananzorum, et habentes otium, ad vsum bonorum, statueris deinceps iam zdificare vrbes, si facietis hæc, facietis gratum Deo, et habebitis felicitatem firmam. Esto vna sacra vrbs in pulcherrimo terræ Chananzorum, et insignis propter virtutem, quam Deus delegerit sibi per vaticinium: et esto vnum templum in ea, et vna ara: et lapidibus non laboratis, sed compositis collectim: qui illi tectorio, sint decentes, et nitidi adspectu. Adscensus autem ad eos esto non per gradus, sed aggere facto ei in decliuitatem. In alia autem vrbe neque ara neque templum esto: nam Deus est vnus, et genus Hebræorum vnum. Qui autem maledixerit Deo, pendeat per diem lapidatus, et sepeliatur sine honore, et obscure. Conueniant autem in urbem, in qua constituerint templum, ter in anno, qui erunt ab extremis regionis, quam Hebræi tenebunt, vt agant gratias Deo de eis quæ adierint, et precentur de futuris, et consuetudinem habendo inter se, et simul epulando sint amici. Honestum enim esse, non ignotos esse aliis aliis, qui sint eiusdem generis, et participes eorundem institutorum (hoc autem



autem futurum esse eis ex confociatione) et efficientes recordationem sui ad spectu et consortio: nam manendo sine mutua confociatione, eos putatum iri alienissimos. Esto etiam decuma frugum excepta vobis, præter eam, quam instituitis dandam esse sacerdotibus, et Leuitis, quæ vendatur quidem in patriis: sed adhibeatur ad epulas, et sacrificia eorum facienda in sacra vrbe. Aequum enim esse, frui prouenientibus ex terra, quam Deus tradiderit eis possidendam, ad honorem datoris. Ne fiant sacrificia ex mercede mulieris prostituta. Numen enim nullo profectorum a scelere delectari. Nihil autem potest esse peius turpitudine corporum. Similiter ne quis accipiat præmium ex admistrura canis seu venatici, seu custodis ouilium, vt ex eo sacrificet Deo. Nemo autem contumeliam dicat diis, quos ceteræ ciuitates existimant. Ne liceat depeculari sacra extranea, neque capere donarium dicatum cuiquam deo. Nemo ex vobis decenter ferat indumentum, compositum ex lana et lino: nam hoc constitutum est sacerdotibus solis. Congregata autem multitudine in sacram vrbe ob sacrificia septennalia, vmbraculorum festo instante, pontifex stans in edito suggestu, in quo possit audiri, recitet leges omnibus: neque mulier, neque pueri arceantur ab audiendo: sed neque serui. Decet enim eas inscriptas animis, et memoriæ, seruari, ita vt nunquam possint deleri. Sic enim neque peccabuunt, quum non poterunt causari ignoracione decretorum in legibus: et leges habebunt multam libertatem in peccantes, vtpote quæ prædixerint eis, quæ sint passuri, et inscripserint animis per auditum quæ iubent, vt sit semper intus apud eos institutum earum, quo spreto deliquerint, et fuerint sibi auctores damni. Discant autem etiam pueri primas leges, disciplinam pulcherrimam, et causam felicitatis: bis quoque die, et incipiente eo, et cum hora est petendi somnum, testimonium dent Deo muneri, quæ præstitit eis, libertatis e terra Aegyptiorum: quum actio gratiarum natura sit iusta, fiatque et ad rependenda præterita, et ad inuitanda futura. Inscribant etiam ostiis suis maxima quæque beneficiorum, quibus Deus adficit eos: et ostendat quisque in brachiis, et quæcumque possunt significare virtutem Dei, et beneuolentiam erga ipsos, ferant inscripta in capite, et brachio, vt perspicuum sit vndique studium Dei erga eos. Præsent autem in quaque vrbe septem viri exercitati et in virtute, et in studio æquitatis. Vnicuique autem magistratui dentur duo viri ministri, ex tribu Leuitarum. Etiam ii, quibus contigerit reddere ius ciuitatibus, sicut in omni honore, vt neque liceat vlli obrectare illis præsentibus, ueque audacius agere: pudore eorum erga homines dignitate præditos, reddente timidiore, vt non contemnant Deum. Iudices autem habeant potestatem pronuntiandi suam sententiam, nisi si quis ostendat eos accepisse pecuniam ob corrumperendum ius: aut adducat aliquam aliam causam, qua coarguat, eos non recte pronuntiasse. Neque enim conuenit, facere publica iudicia, indulgentes lucro, aut dignitati: sed præponentes æquitatem omnibus. Nam ita Deus videretur contemni, et iudicari infirmior illis, quibus quis adderet suffragium ob metum potentie. Nam æquitas est potentia Dei. Igitur qui indulget aliquid præditis dignitate, facit illis potentiores Deo. Quod si iudices nesciant pronuntiare de relictis ad eos, (accidunt autem multa talia hominibus,) remittant causam integram ad sacram vrbe, et congregari ponifex et vates, et senatus pronuntient sententiam. Ne credatur autem vni testi, sed tribus, aut vt minimum duobus, quorum testimonium antea vita faciet verum. At mulierum ne sit testimonium

propter leuitatem, et audaciam sexus earum. *Hoc apud Moſen non exſtat.* Neque ſerui quidem teſtimonium dicant, propter ignobilitatem animi: quos conſentaneum eſt non teſtari vera, aut propter lucrum, aut propter metum: Quod ſi quis iudicetur teſtatus falſa, patiatur eadem conuiſtus, quæ iſ, contra quem teſtimonium dictum eſt, paſſurus erat. Si autem facta cæde in aliquo loco, non inueniatur auctor, neque vllus ſuſpectus ſit interfeciſſe per odium, querant quidem cum cum magna diligentia, propoſitis præmiis indicii. Nullo autem eiſmodi indicante, magiſtratus oppidorum vicinorum, loco, in quo cædes eſt facta, et ſenatus congregati, metiantur ſpatium, à loco vbi iacet mortuus. Ac quod oppidum fuerit proximum, eiſ magiſtratus ducant vaccam emtam in vallem, et locum non commodum aratro et ſtirpibus, et abſcindant neruos bouis: et ſacerdotes, et Leuitæ, et ſenatus illius oppidi ſumta aqua ſuper capite bouis, clament ſe habere manus puras a cæde, neque feciſſe, neque aduſiſſe, quum fieret: precari autem Deum propitium, et nullum ampliſ tam atrox facinus, accidere terræ. Dominatio quidem optimatum, et vita ſub ea eſt optima: neue capiat vos deſiderium alterius institutionis reipublicæ, ſed eſtote contenti hac, habente leges pro dominis, et facientes omnia ex eis. Deus enim eſt ſatis idoneus, qui ſit reſtor. Verum ſi fueritis capti cupiditate regis, ſit iſ conſanguineus, et ſit ei ſemper cura iuſtitiz, et reliquæ virtutis. Iſ autem concedat legibus et Deo ſummam prudentiz, faciatque nihil ſine pontifice, et ſententia ſenatorum, neque vtens multis coniugiis, neque ſectans multitudinem pecuniarum, neque equorum: quæ conſecutus, poſſit faſtidire leges. Prohibeatur autem fieri potentior, quam expediat vobis, ſi quid tale adſectet. Ne liceat mouere terminos terræ, neque propriæ, neque alienæ eorum cum quibus pax eſt vobiſ: ſed caueatur ne auferantur, tamquam firmus calculus Dei, poſitus in ſempiternum: quippe quum bella et ſeditio naſcantur inde, ex eo quod auari volunt progredi vltra terminos; neque enim ii, qui tranſmouent terminum, multum abſunt a tranſiliendis etiam legibus. Qui conſeuerit terram, ſi ſtirpes ediderint fructum ante quatuor annos, neque libet primitias inde, neque ipſe vtatur: non enim hæc prouenerunt ex eis ſuo tempore, ſed natura conata immature: neque conuenit Deo, neque ipſi domino vti. Quarta autem vindemia (tunc enim eſt tempeſtiuum) et ſerat in ſacram urbem omnia, quæ prouenerint collecta, et inſumat cum decuma aliarum frugum, epulans cum amicis, et cum pupillis, et mulieribus viduis. Quinto autem anno, habeat poteſtatem percipiendi fruges ſtirpium. Ne ſeminetur terra conſita vitibus. Satis eſt enim ei alere hanc ſtirpem, et liberam eſſe a laboribus aratri. Arcetur terra bubus, et nullum aliorum animalium cogatur ſub iugum cum eis, ſed aratrum fiat etiam illis conuenienter generibus ſuis. Semina autem ſint puriſſima, et incommiſta, neue ſerantur bina et trina; natura enim non gaudet ſocietate diſſimilium. Neque quæ non ſunt cognata, admittantur ad pecudes. Nam metuendum eſt ex eo, ne ignominia aduerſum cognata tranſeat, etiam vſque ad homines, ſumto principio ante ab iis, quæ ſunt in paruis et leuib. Oportet autem nihil eiſmodi eſſe conſeſſum, ex quo conſequatur aliqua immutatio rerum reipublicæ ad imitationem: ſed ſcientibus, legibus curam eſſe non vulgariam, prouidentum eſt, vt nihil poſſit reprehendi in eis. Metentes autem, et colligentes meſſes, ne faciant ſpicilegium: ſed relinquant etiam nonnullos manipulos, qui proſint, et inueniantur ab egentibus victu, ad alimoniam; ſimilit

liter etiam relinquantur relictæ racemi, vindemix pauperibus. Et oliuetorum prætermittatur aliquid fructus ad collectionem, non habentibus percipere ex suis; non enim tantum commodum paritur dominis ex collectione eorum exacta, quanta gratia veniet ex egentibus: et numen efficiet terram alacriorem ad alendos fructus, si non prospicient suæ utilitati, sed etiam habebunt rationem alimentis aliorum. Neque obligentur ora boum in area, quum terunt spicas: non enim æquum est arcere a fructu eos, qui adiuerunt, et laborarunt in procreationem eius. Neque viatores prohibeantur gustare fructus maturos: sed permittatur eis, expleri tamquam suis, siue indigenæ sint, siue peregrini, gaudendo in permittendo eis frui maturis; nihil autem liceat eis asportare. Neque vindemiantes prohibeant obuios vefci iis, quæ ferunt in torcularia. Iniquum est enim inuidere bona, quæ provenerunt ad victum ex voluntate Dei, cupientibus frui tempestivitate eorum et vigente, et properante abire, ut visum fuerit Deo: quinetiam exhortentur alios ut capiant, dubitantes attingere præ verecundia, siquidem sint Israelitæ, tamquam socios, et dominos propter consanguinitatem: si sint autem homines, qui aduenerint alicunde, volentes ut potiantur hospitalibus, quæ Deus præbuerit ipsis tempestive. Non enim putandum est sumatis esse, quæ quis permittit homini capere per humanitatem, Deo suppeditante copiam bonorum non solum ad fruendum, sed etiam ad dandum liberaliter: et volente declarare etiam aliis hoc modo suam benevolentiam, et suppeditationem felicitatis erga populum Israelitarum communicantium etiam illis ex eis, quæ supersunt ipsis. Qui autem fecerit contra hæc acceptis plagis vnde quadraginta publico sustuario, perpetiatur hanc fedissimam poenam liber, quod seruiendo lucro læserit dignitatem. Nam pulchrum est vobis, expertis calamitates in Aegypto, et per desertum, gerere curam versantium iusimilibus, et adeptos facultatem ex misericordia providentiæ Dei, impertiri hanc eandem egentibus, ex simili sensu. Præter duas decumas, quas præcepi solvere quotannis, alteram Levitis, alteram ad epulationes, conferatur tertia anno tertio, ad distribuendum, quæ desunt, mulieribus viduis, et omnibus pupillis. Maturorum autem quidquid primum cuique contigerit provenisse, ferant in sacrum: et laudato Deo pro terra, quæ tulerit illa, quam tradidit eis possidendam, perfectis sacrificiis, quæ lex iubet eis ferre, dent primordia eorum sacerdotibus. Quum quis autem, functus his, et decumis omnium, una cum eis, quæ pertinent ad Levitas, et exsecutus epulationes primitiis, abiturus est ad se domum, stans contra delubrum gratias agat Deo, quod liberatis ab iniuria Aegyptiorum, dederit eis terram bonam et multam fruendam; testatusque sese peregrisse decumas ex legibus Moysis, oret Deum, ut sit semper sibi propitius, et secundus, et pergat communiter omnibus Hebræis servare bona, quæ dedit eis, adiciatque, quæcumque potest largiri. Ducant autem vxores progressi ad ætatem connubii, virgines, liberas, bonorum parentum; non ducturus autem virginem, ne sibi copulet degentem cum alio, neque quæ reliquerit suum priorem virum; liberi autem ne ducant servas, etiam si qui impellantur ad hoc præ amore: nam decet cohibere cupiditatem, et conducit ad dignitates. Præterea ne fiat connubium prostitutz, cuius sacrificia nuptiarum Deus non sit admissurus, propter probum corporis. Ita enim ingenia natorum euadent liberalia, et erecta ad virtutem, si non fuerint geniti ex coniugiis turpibus, neque ex libidine congressorum cum non libera. Si quis desponsa aliqua tamquam virgine, postea inueniat non talem, ipse quidem fortitus iudicium accuset, utens argumentis, quæ habebit

ad demonstrationem. Defendat autem pater puellæ, aut frater, aut qui videbitur propius accedere ad genus, post hos, et puella, si iudicatum fuerit eam non deliquisse, habiter cum accusatore, nullam potestatem habentem dimittendi eam, nisi si præbeat ei magnas causas, et quibus neque contradici possit. Quod si inposuerit crimen et calumniam audacter, et temere, det poenas, acceptis vnde quadraginta plagis, et soluat patri quinquaginta syclos. Sin autem coarguerit puellam corruptam, lapidetur, si quidem sit popularis, quod non defenderit prudenter virginitatem vsque ad legitimas nuptias: sin nata sit ex sacerdotibus, cremetur viuâ. Si cui sint dux vxores, et altera sit in magno honore et beneuolentia, aut propter amorem, aut pulchritudinem, aut ob aliam causam: altera autem sit in deteriore conditione: Si puer natus ex dilecta, iunior procreato ex altera, velit adipisci prærogatiuum ætatis, propter beneuolentiam patris erga matrem, vt teneat duplicem partem rei paternæ, (hoc enim statui in legibus,) ne permittatur. Iniquum est enim, grandioris natu priuari eis, quæ ei debentur ex testatione patris, quoniam superetur in genere materno. Qui corruerit puellam desponsam alteri, si quidem persuasam et consentientem ad corruptelam, moriatur cum ea: nam vterque iuxta nequam est: ille qui persuaserit puellæ, vltro subire rem turpissimam, et anteponeere eam libero coniugio: hæc, quæ fuerit persuasa, vt præberet se ad flagitium propter voluptatem, aut lucrum. Sin autem nactus solam alicubi, violauerit, nullo præfente defensore, solus moriatur. Qui corruerit virginem, nondum desponsam, ipse ducat eam in matrimonium. Quod si non videatur patri puellæ eam collocare illi, pendat quinquaginta syclos, multam iniuriæ. Qui volet facere diuortium cum vxore habitante secum, ob quas cumque causas (multæ autem tales accidunt hominibus,) confirmet litteris, se nunquam rem habuisse cum ea. Sic enim accipiet potestatem habendi cum alio. Prius enim nefas. Quod si male habeat etiam apud illum, aut eo vita defuncto, prior velit eam ducere, ne liceat ei reuenire. Carentem liberis, defuncto viro eius, frater illius ducat, et nutriat in successionem hereditatis puerum natum, vocatum nomine mortui. Hoc enim si fiat, erit etiam ex republica, familiis non deficientibus, et facultatibus manentibus cognatis: et adferet adleuationem calamitatis feminis habitantibus cum proximis priorum virorum. Quod si frater nolit eam ducere, mulier conuento senatu testificetur hoc, illum non admittere se, volentem manere in familia, et liberos gignere ex eo, lædentem memoriam fratris mortui. Interrogante autem senatu, ob quam causam abhorreat a matrimonio, siue dixerit parua, siue maiorem, inclinet eo: vxor autem fratris, detractis ei calceis, et conspuens faciem eius, dicat dignum esse, qui habeat hæc a se, qui quidem læserit memoriam defuncti: atque ille quidem abeat ex senatu, habens hoc probum in omnem vitam. Illa autem nubat cuicumque voluerit possenti. Si quis ceperit virginem captiuam, siue etiam nuptam, volenti cum ea consuetudinem habere, ne prius liceat attingere lectum, et congressionem, quam ipsa tonsa, sumto habitu lugubri, luxerit cognatos et amicos, qui perierint in proelio; vt quum satiauerit dolorem, quem capiet ex illis, ita demum conuertat se ad epulas et nuptias: est enim pulchrum et æquum, adfcescentem matronam, mederi voluntati eius, non negligere gratiam eius, persequendo tantum suam voluptatem. Præteritis autem triginta diebus in luctu, (hæ enim satis sunt sobriis ad depurationem carissimorum,) tunc habeat matrimonium. Quod si expletus libidine, fastidiuerit habere eam coniugem, ne habeat potestatem sciendi eam seruam: sed abeat quo volet, hoc habens liberum. Qui vero adole-

scen-

ſcentum continent parentes, et non tribuent eis honorem aut verecundiam, aut de induſtria contumelioſi in eos: primum patres caſtigent eos verbis, (hi enim ſolent eſſe idonei iudices,) dicentes ſeſe congreſſos eſſe inter ſe, non cauſa voluptatis, neque amplificationis facultatum, rebus vtriuſque factis communibus: ſed vt adipiſcerentur liberos, qui nutrent ipſos in ſenectute, et a quibus haberent ea, quibus indigerent, Natum quidem ſublatum diligenter educaviſſimus cum lætitiâ: et habentes maximam gratiam Deo, nulli rei parentes, quæ modo videretur vtilis eſſe ad ſalutem tuam, et diſciplinam rerum optimarum. Nunc (oportet enim dare veniam peccatis iuuenum,) ſatis habere hæcenus contemſiſſe honorem erga nos: et redi ad ſanitatem, conſiderans etiam Deum nolleſſe ferre ea, quæ committuntur aduerſum patres: quoniam et ipſe eſt pater totius generis hominum, et videtur lædi in eis, qui habent eandem adpellationem cum ipſo, non obtinentibus a liberis, quæ debebantur eis: et lex eſt inexorabilis vindex talium, quam tu ne expertus fueris. Ac ſi quidem improbitas adoleſcentum ſanata fuerit his, liberentur probris oberrata. Ita enim et legiſlator erit bonus, et patres fortunati, qui non viderint neque filium puniri, neque filiam. Sin autem verba eorum et diſciplina reſpiſcendi nihil proficere videantur, ſed faciat leges hoſtes implacabiles, continuis facinoribus, contra parentes, lapidetur productus ab iis ipſis extra urbem, multitudine ſequente; et quum manſerit per totum diem ad ſpectaculum omnium, ſepeliatur noctu. Sic etiam, qui fuerint condemnati rei capitalis legibus quoquo modo. Sepeliantur etiam hoſtes, nec ullus mortuus iaceat expers terræ, dans pœnas præter æquum. Ne liceat autem dare ad uſuram ulli Hebræorum, neque cibum, neque potionem. Non enim æquum eſt, homines eiſdem generis conuerti in vtilitatem fortunæ: ſed opitulatum neceſſitati eius, exiſtimare lucrum eſſe et gratiarum actionem illius, et remunerationem conſecuturam à Deo ob humanitatem. Qui autem mutuati ſunt aut argentum, aut aliquid fructuum humidorum, ſiccorumue, arbitratu eorum, qui ſuppeditauerunt eis a Deo, referentes, cum voluptate reddant creditoribus, quaſi depoſcentes apud ſe ipſos: et ruruſum habituri, ſi egeat. Quod ſi impudentes ſint in redditione, ne pignorentur adgreſſi domum, priuſquam iudicium fiat de eo. Pignus autem petant foris, et debitor ipſe ferat, nihil contradicens adgredi-  
enti ſe cum auxilio legis. Ac ſi qui pignerauit, ſit locuples, creditor retineat id uſque ad redditionem. Sin pauper, reſerat ante occaſum ſolis, præſertim ſi pignus ſit veſtimentum, vt id habeat ad ſomnum, Deo natura tribuente miſericordiam pauperibus. Molam autem, et inſtrumentum eius, ne liceat capere pignori, ne priuentur etiam inſtrumentis pertinentibus ad victum, neque quid patiantur grauius, præ egeſtate. In furto hominis pœna eſto mors. Qui autem ſurripuerit aurum, aut argentum, reddat duplum. Si quis interfecerit in rebus ſurripiendis domi, eſto inultus, etiam ſi in ſuffodiendo pariete, furatus autem pecudem, rependat damnum quadruplo, præter bouem: nam pro hoc reddat quintuplum. Qui vero non erit ſoluendæ multæ, erit ſeruus eis, ſecundum quos iudicatum erit. Venditus quis conſanguineo, ſeruiat ſex annos, ſeptimo manumittatur. Quod ſi filio nato ei ex ſerua, apud emtorem velit ſeruire propter beneuolentiam et caritatem erga ſua, liberetur anno Iubilis, (eſt autem annus quinquageſimus,) abducens et liberos, et uxorem liberam. Si quis repererit in via, aut aurum, aut argentum, reddat, quaſito eo qui perdidit, et prædicato loco, in quo reperit, non bonam ducens vtilitatem ex damno alterius. Similiter etiam de pecudibus, in quas aliquis inciderit, errantes in deſerto, domino non ſtatim in-

vento, feruet apud se, testatus Deum, se non auertisse aliena. Ne liceat cuiquam præterire iumenta adstricta, collapsa in luto propter tempestatem, sed succurrat, et subueniat, existimans laborem proprium. Ostendant etiam vias ignorantibus, neque aucupantes sibi risum, errore impediunt commodum alterius. Similiter neque maledicat quisquam absenti, neque furdo. Aliquis vulneratus in contentione, vbi nullum fuerit ferrum, continuo vindicetur, eo, qui vulnerauerit, passio idem. Quod si delatus ad se, et æger fuerit complures dies, deinde mortuus fuerit, percussor esto impunitus. Si autem reuauerit, et infuserit multa in ægrotationem, soluat omnia, quæcumque impendit tempore cubitus, et quæcumque dedit medicis. Qui calce pulsauerit mulierem prægnantem, si quidem mulier fecerit abortum, multetur pecunia a iudicibus, vt qui minuerit populum in corrupto fetu in ventre: det etiam viro mulieris pecuniam ab se. Mortua autem ex ictu, ipse quoque moriatur, lege censente ponendam esse animam pro anima. Nemo Israelitarum habeat medicamentum, neque mortiferum, neque factum ad alias læsiones. Quod si deprehensus fuerit habuisse, moriatur idem patiens, quo adfessisset illos, contra quos medicamentum erat paratum. Qui mutilauerit, patiatursimilia, priuatus quo priuauit alium: nisi si forte mutilatus velit accipere pecuniam, lege dante potestatem, et permittente ei qui passus est, æstimare casum qui ei accidit, nisi velit esse acerbior. Bouem, petentem cornibus, dominus iugulet. Quod si interfecerit aliquem percussum in area, ipse lapidatus, moriatur, iudicatus ne ad cibum quidem esse vtilis. Quod si dominus coarguitur ante sciuisse naturam eius, neque custodiuisse, ipse quoque moriatur, vt pote qui fuerit causa necati a bone. Sin autem bos occiderit ferum, aut ancillam, ipse quidem lapidetur: dominus autem bovis pendat triginta syclos, domino interemti. Quod si bos ita ictus, mortuus fuerit, et mortuus et percussor vendantur, et domini eorum diuidant pretium amborum. Qui foderint puteum, aut fonteam, adhibeant diligentiam, vt habeant ea clausa, impositis tabulis, non vt vlli arceantur aquatione: sed vt nullum periculum sit, si qui incidant. Quod si pecus alicuius delapsum in talem scrobem, non clausam, fuerit corruptum, soluat pretium eius domino. Circumdentur autem etiam testis, quæ implentia vicem parietis, non sinant vllos deuolutos perdi. Qui accepit depositum, habeat in custodia tamquam rem quamquam sacram et diuinam: neque quisquam consentiat fraudare eum, qui deposuit, neque vir, neque mulier, non si lucraturus sit aurum immensum, securus, quoniam nullus sit qui redarguat. Nam omnino conuenit, quemque benefacere sibi conscium, et quisque sibi locuples testis faciat omnia, quæ pariant ei laudem ab aliis: maxime metuens Deum, quem nemo malus latet. Quod si fiduciarus nihil dolo malo faciendo perdidit, adeat septem iudices et iuret Deum, nihil perditum esse sua voluntate, et vitio, neque se usum esse vlla parte eius: atque ita abeat innocens. Quod si vilius vel minima parte creditorum, forte perdidit, damnetur ad reddendum reliqua omnia, quæ accepit. Similiter vt est in depositis, si quis retinuerit mercedem eorum, qui operantur suis corporibus, meminerit mercedem hominis pauperis non esse retinendam: scientes, Deum præbuisse ei eam pro terra, et aliis possessionibus. Sed nihil differat solutionem, quin eodem die soluat: quippe quum Deus nolit fraudare operarium utilitate laboris infumti. Nati ne puniantur propter culpam patrum, sed propter suam ipsorum virtutem magis digni habeantur misericordia, quod nati sint improbis parentibus, quam odio quod nati vitiosis. Ne patribus quidem imputandum est peccatum filiorum, quum adolescentes permit-

tant sibi multa præter nostram doctrinam, fastidio discendi. Spadones abhorrantur, et congressio eorum fugiatur, quibus erepta sit virilitas, et fructus generationis, quem Deus tribuit hominibus ad incrementum generis nostri: et abigantur, tamquam qui peremerint liberos, et ante eos sustulerint id, quod fuisset causa eorum. Perspicuum est enim, eos, quum animus sit effeminatus eis, uolutos esse in idem etiam corpore. Itidem etiam quidquid putatur monstrum adspicientibus. Ne liceat castrare neque homines, neque alia animalia. Ad hæc quidem sit vobis pacifica compositio legum reipublicæ, et Deus propitius præstabit ornamentum eius seditionis vacuum. Nullum autem tempus sit, quod innouet aliquid horum, et mutet in contrarium. Sed quoniam necesse est hominum genus incidere etiam in turbas, et pericula, vel inuito, vel sua sponte, age ordinemus præterea pauca etiam de his, ut præzidentes, quæ facienda sint, quum opus erit habeatis salutaria: neque tunc requirentes, quæ oporteat facere, incidatis in tempora imparati. Sed fruamini sine bello terra, quam Deus dedit vobis, contemnentes labores, et habentibus exercitatos animos ad virtutem, adepti eam sine perniciosis incurSIONIBUS externorum, et sine seditione ciuili exagitante vos: per quam si facietis contraria patribus vestris, perdetis instituta illorum, et pergatis uti legibus, quas Deus tradit, comprobatas bonas: utque res bellica quæcumque acciderit aut nunc vestro æuo, aut postea apud natos vestros, fiat extorris a Deo. Gesturi autem bellum vi, mittite etiam præcones ad hostes voluntarios. Nam ante arma, decet, uti verbis ad eos, declarando, quum habeatis et exercitum magnum, et equos, et arma, et ante hæc Deum propitium, et auxiliarem; tamen nolle cogi bellum gerere cum eis, neque auferentes facultates illorum, comparare lucrum iniustum vobis. Ac si quidem obtempauerint, decet vos seruare pacem, cogitantes apud vos, illos pollere viribus. Sin autem voluerint lædere, ducite exercitum in eos, utentes summo quidem imperatore Deo: duce autem secundarum partium creato vno præstanti. Naui multorum potentatus, præterquam quod est impedimento, necesse habentibus facere aliquid celeriter, etiam solet obesse ventibus. Exercitus autem ducatur purus ex omnibus excellentibus robore corporum, et audentia animi, timidus reiectis, ne prosint hostibus, versi in fugam in opere. Quique ædificauerint recens domos, quibus nondum est annuum tempus fruitionis earum: et qui conseruerint, necdum perceperint fructus, sinantur domi. Nec nou sponfi, et qui nuper duxerint vxores, ne desiderio horum parcentes vitæ, et seruantes seipsos ad fruitionem eorum, vltro ignaui sint propter vxores. Quum autem posueritis castra, provide ne quid faciatis improbius, atque obsidentes, et carentes lignis ad confectionem machinarum, ne attondete terram, secantes arbores vrbanas: sed parcite, cogitantes has natas esse ad vtilitatem hominum: et si vocem habeant, dicturas esse causam contra vos, sese malo adfici immerito, ut quæ non fuerint causa belli, etiamque fuerint migraturæ, et transituræ in aliam terram, si potestas esset eis. Quum superaueritis autem prælio, interficite eos, qui steterint contra vos in acie: ceteros conseruate ad tributa pendenda vobis, præter gentem cananzam. Hos enim oportet delere ad iternectionem. Cauete autem maxime in præliis, ne vel femina utatur ornatu virili, vel vir stola muliebri. Moyses igitur reliquit huiusmodi institutionem Reipublicæ. Propterea tradidit leges scriptas quadragesimo anno ante, de quibus dicemus in alio libro. Sequentibus autem diebus (adfidue enim concionabatur) tradit eis faustas preces et imprecationes in non victuros ex legibus, sed facturos contra instituta in eis. Deinde recitauit eis

carmen hexametrum, quod reliquit in libro sacro, continens prædictionem futurorum, secundum quod omnia facta sunt, et sunt, neque ille quidquam aberrauit a veritate. Igitur tradit hos libros sacerdotibus, et arcam, in qua etiam reposituit decem dicta, scripta in duabus tabulis, et tabernaculum: admonuitque populum, ut quum deuicissent terram, et consedisent, non mandarent obliuioni iniuriam Amalecitarum: sed expeditione facta in eos caperent pœnas maleficiorum, quibus illi eos adfecerant, quum essent in deserto. Quumque obtinuissent terram canaanæam, et corrumpiscent omnem multitudinem eius, ut decet, exstruerent arcam veram ad solem orientem, non procul ab vrbe Sicimorum, inter duos montes. Gariseo posito ad dextram, ad lœuam autem Gibalo nuncupato: statuerentque in duobus montibus exercitum diuisum in senas tribus, et omneis Leuitas et sacerdotes. Ac primum qui essent in Garisin, precarentur faustissima eis, qui studiosi essent religionis Dei, et custodiæ legum, neque reiecissent ea, quæ Moyses dixisset. Alteræ autem bene ominarentur, et his rursum precantibus laudarent priores. Deinde itidem imprecarentur diras contrafacturis, succincentes alteræ alteris ad sanctionem dicendorum. Descripsit autem faustas precatones, et imprecationes earum, ut disciplina earum nullo vnquam tempore intermitteretur, quas sane moriens inscripsit etiam aræ in vtroque latere, vbi etiam denuntiat populo, ut stans sacrificet, et faciat solidum sacrificium, et post illam diem non libet alia sacra: non enim esse licitum. Igitur et Moyses instituit hæc, et gens Hebræorum pergit facere consentanea his. Postridie autem conuocato populo vna cum mulieribus et paruulis ad concionem, ut etiam mancipia adessent, adiurauit eos, ut haberent curam legum, neque transgredierentur eas, diligentes æstimatorum mentis Dei, nihil indulgentes contra eas neque consanguinitati, neque cedentes timori: breuiter, neque existimantes aliam causam potentioorem esse conseruatione legum. Quin, seu quis ex consanguinitate, seu ciuitas conaretur confundere et dissoluere institutionem Reipublicæ eorum, vlciscerentur eas publice et priuatim. Ac si quidem superasset eos, excinderent funditus, neque relinquerent vel vestigium desperatorum, si fieri posset. Quod si nequirent sumere pœnas, hoc ostenderent, hæc non facta esse de voluntate sua. Et multitudo quidem iurauit. Docuit autem eos, quomodo sacrificia fierent acceptiora Deo, et quomodo militantes egredierentur, vtentes iudicio lapidibus, ut etiam prius declarauit. Iosua quoque vaticinatus est adhuc præsentem Moysen. Et Moyses expendens omnia, quæcumque fecisset pro salute populi, tum in bellis, tum in pace, dum composuit leges, et suppeditaui rectam institutionem reipublicæ, prædixit numen declarasse sibi, eos omniâ sua religione experturos esse mala, ita vt et terra eis repleretur hostibus, et oppida complanarentur, et templum incensceretur. Et ipsi venditi seruirent hominibus nullam misericordiam capturis ex calamitatibus eorum: eosque patientes hæc, frustra esse pœnitentiam acturos. Deustamen, qui creauit vos, reddet ciuibz vestris et vrbes, et templum. Fore autem amissionem eorum non semel, sed sæpe. Tum cohortatus Iosua ad educendum exercitum in Canaanos, vt pote Deo adiuuante omnes conatus eius. Et bene omniatus vniuersæ multitudini, inquit: Postquam discedo ad maiores nostros, et Deus definit mihi hunc diem discessus ad illos, confiteor me habere ei gratiam adhuc viuens, et præfens apud vos, tum pro cura vestri, quam gessi non solum pro depulsione vestrorum malorum, sed etiam donatione bonorum: tum quod opitulatus est mihi laboranti, et suscipienti in mente vbique curam mutationis



tionis vestrum in melius: et præstitit se propitium nobis in omnibus: vet potius ipse erat, qui et dabat ingressum eorum, et largiebatur exiis, vtens hic duce substituto, et ministro beneficiorum, quibus voluit adficere vestrum populum. Pro quibus existimaui conueniens esse, vt decedens prius collaudem potentiam Dei, qui curam geret vestri etiam in futurum, et ipse reddens et relinquens vobis in memoria hanc gratiam debitam, videlicet vobis conuenire, venerari et honorare eum, et in pretio habere leges, tum quas tradidit, tum quas adhuc tradet, manens propitius, munus pulcherrimum adseruatu. Nam etiam homo legislator est grauis hostis, tum leges ei læduntur, et temere iacent. Nolite autem experiri Deum succensentem ob neglectas leges, quas ipse conditor dedit vobis. Moyse quidem locuto hæc ad exitum vite, et vaticinato etiam futura vnicuique tribuum cum faustis ominibus, multitudo prorumpit in lacrimas, ita vt etiam mulieres tundentes pectora, ostenderent dolorem ob eum moriturum. Pueri quoque plorantes etiam magis, vt imbecilliores ad comprimendam ægritudinem, declarabant se intelligere virtutem et magnitudinem rerum gestarum eius, præter ætatem. Erat autem certamen doloris et iuuenibus et grandibus ex animi sensu. Hi enim scientes, quali præfecto priuarentur, plorabant de futuro. Illis autem luctus erat de eodem, et quod accidebat destitui ab eo, virtute eius nondum bene gustata. Licet autem conicere magnitudinem fletus, et querimoniarum multitudinis, ex eo quod accidit legislatori. Etenim quum confidisset per omnem vitam se nihil commotum iri ex futuro interitu, vt qui pateretur id ex voluntate Dei, et legum naturæ, coactus est flere ab eis, quæ siebant a populo. Proficiscentibus autem inde eo, vbi erat decessurus, omnes sequebantur lacrimabundi. Et Moyse iubebat remotos manere quietos, innuens manu: propiores autem hortabatur verbis, ne facerent sibi decessum lacrimabilem sequentes. Et illi statuentes hoc ei concedendum esse, vt eum sinerent suo arbitratu discedere sua via, cohibent seipsos collacrimantes inter se. Solus autem senatus deduxit eum, et pontifex Eleazarus, et imperator Iosua. Vt autem peruenit in montem vocatum Abari (is autem excelsus positus est e regione Hierichuntis,) præbens eis, qui sunt in eo, despicendam optimam terram Cananzeorum, et amplissimam, dimisit senatum. Salutando autem Eleazarum, et Iosiam, et adhuc colloquendo cum eis, euauit in quadam specu, quum nubes repente stetisset super eo. Scripsit tamen in sacris libris se mortuum esse, veritus ne auderent dicere se discessisse ad Deum propter magnitudinem virtutis eius. Vixit autem omnino tempus viginti et centum annorum: quorum tertiam partem, tenuit principatum, excepto vno mense. Decesit autem vltimo mense anni, qui vocatur a Macedonibus dystrus, a nobis autem Adar, noua luna: superauit ingenio homines, qui vniquam fuerunt, et vsus est optime cogitatis, fuitque venustus in dicendo, et orationibus habendis ad multitudinem. Ceterum etiam imperans adfectionibus, ita vt ne quidem videretur vlla earum inesse animo eius, vtque cognosceret solum nomen earum magis ex eo, quod videret eas in aliis, quam ex seipso. Et imperator quidem inter primos: vates autem qualis haud alius, ita vt quidquid eloqueretur, putaretur audiri ipse Deus loquens. Populus igitur luxit eum per dies triginta, nec alius dolor tantus magnitudine tenuit Hebræos, quantus tunc Moyse mortuo. Desiderabant autem eum non solum experti eum, sed etiam qui legebant leges eius, capiebant magnum desiderium, coniciences ex eis excellentiam virtutis eius. Et exitus quidem Moyse talis declaratus sit nobis.

# SUPPLEMENTVM HISTORIAE IYDAICAE A CHRISTI TEMPORE AD HIEROSO- LYMORVM ET TEMPLI VLTIMVM EXCIDIVM.

**ex Historia Apostolica, illustrata a LVD. CAPELLO,**  
qui breue ex Iosepho Historiæ Iudaicæ côm-  
pendium addidit, excerptum.

*An.  
Ch.* **P** Er id tempus Romæ contigit, vt nobilissima quædam femina Ful-  
via Saturnini, vnus ex Tiberii amicis, vxor Iudaicæ religioni  
addicta, aurum et purpuram Hierosolymam, templo consecran-  
da, traderet deferenda Iudæo cuidam impostori, mosaicæ legis  
doctorem sese iactanti, qui ista interuertit, et diuendita in pro-  
prium vsum conuertit. Quod quum rescivisset Fulvia, et viro  
suo Saturnino ea de re conquesta esset, Saturninus autem Tiberio, Tibe-  
rius ea fraude offensus Iudæos omnes vrbe edicto expulit. Horum qua-  
tuor millia in Sardiniam specie militiæ sunt missa, alii, qui patria religio-  
ne sacramentum detrectabant, grauissimis pœnis sunt adfecti. In Galilæa  
autem Samaritani a quodam impostore seducti, tumultuantes ad montem  
Garizim (vbi impostor ille pollicebatur, se ostensurum ipsis sacra vasa a  
Mose istic, vt mentiebatur, desossa atque recondita) a Pilato immixtis co-  
piis repressi, ac præcipui et potentiores capti, et capite summi multati. Qua  
de re primates Samaritanorum apud Vitellium Syriæ præsidem conuerti,  
et Pilatum accusantes, Vitellius misso amico suo Marcello ad Iudææ pro-  
curationem, Pilatum iussit proficisci Romanus ad Tiberium, ad obiecta per  
Iudæos crimina responsurum. Ita ille decem annis in Iudææ procuratio-  
ne exactis, quum necesse haberet parere Vitellio, ad urbem fuscipit pro-  
fectionem, quo priusquam perueniret, Tiberius vita excessit.

Paullo post ipse Vitellius in Iudæam profectus venit Hierosolymam ipso  
Paschatis festo, vbi exceptus a Iudæis honorificentissime, remisit Hieroso-  
lymitanis totum fructuum venalium vectigal, stolam summi pontificis  
cum reliquo eius ornatu permisit in templo a sacerdotibus adseruari, quæ  
ab exilio Archelai in Romanorum potestatem venerat, a quibus in Anto-  
nia turri adseruabatur, et tribus solemnibus festis inde depromebatur, at-  
que post peractum festum eodem reponebatur. Caiaphæ etiam pontifica-  
tum abrogat, substituto ei Ionatha Anani pontificis filio. Paullo ante  
Philippus Herodis Antipæ frater, ipse tetrarcha, obierat anno Tiberii  
XX, quum ipse præfuisset tetrarchiæ suæ annos XXXVII, vir perpetuo  
modestus et quietus, (quem impense laudat Iosephus.) Et quia sine libe-  
ris decessit, eius tetrarchia prouinciæ Syriæ est attributa.

Porro Herodi Antipæ tetrarchæ Galilææ natum est eo tempore bellum  
aduersus Aretam Arabum regem ex huiusmodi occasione. Duxerat Hero-  
des in vxorem Aretæ illius filiam, verum quum Herodes Romani officii  
causâ (vt Tiberium inuiseret) petiturus ad fratrem Philippum diuertis-  
set,

set, istic amore captus Herodiadis Philippi fratris vxoris, clam cum ea ita An.  
egit, vt illa pollicita sit, se virum derelicturam, et in Herodis domum con- Ch.  
cessuram, statim atque ipse Roma rediisset, ipse vicissim illi pollicitus est,  
se dimissurum priorem suam coniugem Aretæ filiam. Hoc eorum consi-  
lium non latuit Herodis vxorem. Itaque quum Roma rediisset Herodes,  
nesciens vxorem quidquam de consilio suo rescivisse, occupat eum vxor,  
et ad patrem Aretam se recipit, cui Herodis consilium aperit. Hinc inter  
vtrumque simultas, inde rixæ et lites de confiniis, postremo bellum exar-  
sit, in quo Herodis exercitus funditus deletus fuit, idque (inquit Iosephus)  
ex iusta Dei in eum (vti vulgus Iudæorum existimabat) vindicta, quod  
Ioannem Baptistam interfecisset, virum bonum, et Iudæos virtutis studio-  
sos, mutuaque inter se colentes iustitiam, et pietatem erga Deum, inui-  
tantem ad baptismum, sic nempe Deo gratum fore et acceptum dicens eo-  
rum baptismum, sic o vterentur non ad vitanda seu eluenda quædam pec-  
cata, vtpote qui iam purgatam haberent iustitia animam, sed ad corporis  
dumtaxat *ὀργάνων* *sanctimoniam*. Et quia magnus erat ad eum populi  
concurfus, multique iam sermonibus et concionibus eius erigebantur,  
Herodes, veritus ne tanti hominis persuasionem populus ad rebellionem ex-  
citaretur, nihil enim non facturæ ex eius consilio turbæ videbantur, sa-  
tius existimauit eum occupare, et de medio tollere, priusquam aliquid no-  
vi moliretur et tentaret, quàm rerum mutatione et conuersione iam facta,  
feram agere indulgentiæ suæ poenitentiam. Itaque hac ductus suspitione  
Herodes vincum in machærenticam arcem misit, iussitque istic interfici.  
Vnde nata est Iudæis opinio, Herodis exercitum deletum esse in facinoris  
illius vindictam, Deo propterea Herodi insensō. Hanc suam cladem He- 36  
rodes ad Tiberium quum scripisset, Tiberius iratus mandat Vitellio, vt  
bellum aduersus Aretam in Herodis gratiam moueret, Aretamque viuum,  
aut mortui caput ad se mitteret. Quum se ad bellum illud accingeret Vi- 37  
tellius, venit cum Herode Hierosolymam, Deo in festo quod insitabat sa-  
crificaturus, vbi a Ionatha in Theophilum eius fratrem transtulit pontifi-  
catum. Istic quarto postquam venerat die, litteras accepit de Tiberii mor-  
te, quibus acceptis Iudæos sacramento adexit in Gaii Caligulæ fidem. Por-  
ro Tiberius imperauit annos XXII, menses V, dies XIII. Vitellius reuo-  
catis ex itinere copiis, iisque in hiberna dimissis, omisso bello propter de-  
latum in alium imperium, Hierosolyma Antiochiam repetiit.

Interim Agrippa, Herodis magni ex filio Aristobulo nepos, varia post  
aui obitum vsus fortuna dum priuatus vixit, tandem Tiberio imperatori,  
et Gaio Caligulæ eius ex fratre germanico nepoti, carus factus, mox paul-  
lo ante Tiberii obitum, ex accusatione liberti sui Eutychi nomine, a Ti-  
berio in vincula coniicitur, neque iis prius soluitur, quam post Tiberii  
mortem, a Gaio scilicet Caligula, (cui per familiaris et carissimus erat  
Agrippa,) qui statim eum duplici donauit tetrarchia, Philippi nimirum pa-  
trui, et Lyfania, cum regiis insignibus, annoque imperii sui secundo in  
Iudæam ad res regni sui componendas ire permisit, simulque cum eo Ma-  
rullus in Iudæam Cæsaris procurator, a Gaio missus est. Hunc Agrippam  
regia dignitate præfulgentem videns Herodias soror ipsius, Herodis  
tetrarchæ vxor, inuidia percita, non prius destitit quam viro persuasit, vt  
Romam contenderent, eandem regiam dignitatem a Cæsare petaturi.  
Sed quum eo peruenissent, ab Agrippa Herodes per litteras apud Gaium  
accusatur, quasi cum Parthorum rege defectionem ab imperatore molire-  
tur,

*An.* tur, vnde a Gaio in exilium Lugdunum Galliarum relegatur vna cum  
*Ch.* vxore Herodiade, simul et tetrarchia et omni pecunia multatus est, quæ  
 omnia a Gaio Agrippæ sunt donata.

Per id tempus quum Alexandriæ grauis orta esset inter Græcos et Iudæos seditio, atque super ea re ad Caligulam missa esset legatio, cuius a parte Iudæorum princeps erat Philo Alexandri Alabarchæ (qui summus est apud Alexandriam Iudæorum magistratus) frater, vir eximius et in omni litteratura excultissimus, a parte autem Græcorum Appion grammaticus, hic Iudæis magnam apud Gaium confluxit inuidiam, eo nomine, quod nollent templum et statuas illi ponere; vnde Gaius vehementer iratus Philonem audire noluit, immo cum conuicio atque contumelia repulit. Quin et Petronium in Syriam in Vitellii locum mittit, iubetque ei statuum suam in templo hierosolymitano dedicare atque collocare. Hoc mandatum precibus Agrippæ regis motus postea reuocauit, sed mox huius reuocationis quum cum pœnituisset, mortem Petronio minitatus est, quod mandatum suum non esset exsecutus, sed paulo post a Charea, ceterisque coniuratis interfectus est Gaius.

Eo etiam tempore magna clade adfecti sunt babylonienſes Iudæi, qui Neerdæ in medio Euphrate sitæ, et per totam Babyloniam habitabant. Quum enim duo fratres Neerdenſes Iudæi, adolescentes audaces et animosi, Asinæus et Anilæus, extrinsecus arti a matre vidua addicti, opificium illud neglexissent, et latrones facti et exiguis iniitiis in summam potentiam euasissent, et confedente Artabano Parthorum rege totius ferme Babylonie administrationem adepti essent, atque in ea potentia et felicitate per xv annos vixissent, mox cum potentia sua ad Parthorum iniuriam abuterentur, altero eorum veneno ab vxore fratris sublato, altero mox ab insurgentibus Babyloniis oppresso, rebus Iudæorum sic adlictis, plerique eorum qui Babyloniam et Neerdam habitabant, metuentes sibi a Babyloniis, quos Asinæi et Anilæi potentia nimia offenderat. Neerda et Babylonia relicta Seleuciam se receperunt, vbi quum quinquennium pacate vixissent, mox Græcorum et Syrorum, qui istæ erant, coniuratione facta, supra quinquaginta millia hominum vna ferme die occisi sunt.

<sup>40</sup> Gaio Caligulæ a Charea aliisque coniuratis interfecto Claudius, prætorianorum militum ope et fauore, et Agrippa rege (qui tum Romæ erat) plurimum apud senatum (qui rem romanam in antiquam libertatem adferere volebat) adnitente, tandem sufficitur, et Imperator creatur. Is vt Agrippæ, ob egregiam sibi nauatam in adipiscendo imperio operam, gratiam pro merito referret, statim imperii sui initio ad ea, quæ iam Agrippa a Caligula acceperat, addidit Iudæam, Samariam et Abylenam, quæ antea Lyſaniæ fuerat. Fratri suo Herodi impetrauit a Claudio Calchidis regnum. Geminum etiam a Claudio factum fuit tum temporis, in Iudæorum gratiam, edictum, alterum in Alexandrinorum (qui a Gaio male habiti fuerant) alterum in reliquorum Iudæorum, per totum romanum orbem sparsorum gratiam. Agrippa quum hæc a Claudio obtinuisset, venit in Iudæam ad regni sui res constituendas, et statum componendum, vbi Cantharæ pontificatum abrogauit, quem quum vellet Ionathæ Anani filio tradere, renuente isto per modestiam, quod iam antea eo honore esset semel defunctus, contulit eum in fratrem eius Matthiam, cui postea successorem dedit Elionæum Cithæi filium. Litteras etiam a Petronio Syriæ præfide impetrat in Iudæorum Dorensium gratiam, aduersus nonnullorum Doriatarum in eos petulantiam. Mox Petronio Marſus in administranda Syria succedit.

Post-

Posthæc quum Agrippa (quem impense laudat Iosephus, eiusque mores, *An.* ingenium, liberalitatem et munificentiam fusc describit atque persequi- *Ch.* tur) Cæsare ludos solemnes magna cum pompa celebraret, indutus veste tota ex argento mirabili opere contexta, quæ ad solis ortum radiis percussa 44 solaribus mirabilem emittebat fulgorem, et adulatoribus exclamantibus, et ipsi quasi Deo acclamantibus, quum adulationem non repulisset neque castigasset, sublatis in altum oculis bubonem vidit funi extenso insidentem, calamitatis suæ tum nuntium, qui prius felicitatis fuerat, vti prædictum illi olim fuerat a Germano quodam captiuo, ea die qua a Tiberio in vincula coniectus est. Hoc visum et ostentum secuta sunt statim ventris tormenta, quibus quinto post die fuit extinctus anno ætatis suæ 54. Regnavit, ex quo a Gaio Caligula vinculis fuit solutus, septennium, nempe quadriennium sub Gaio, præfectus tetrarchiæ Philippi, et Lysaniz per triennium, deinde Herodis fratris tetrarchiæ annum vnum, sub Claudio autem triennium toti Iudææ fuit præpositus. Ex annuis redditibus percipiebat 1200. myriadas (drachmarum scilicet, h. e. vti numeramus, tres miliones librarum turonicarum.) Reliquit liberos, filium vnum Agrippam, natum annos XVII, qui Romæ apud Claudium educabatur, filias tres, Berenicen annos XVI natam, Herodi Calchidis regi nuptam, Mariamnen decennem desponsatam Iulio Archelao Chalciz filio, Drusillam autem sexennem desponsatam Epiphani Antiochi Comagenorum regis filio, sed is postea renuens circumcidi fierique Iudæus, noluit eam ducere in uxorem.

Agrippæ iuniori Claudius quum vellet tradere paternum regnum, dis-fuaserunt liberti, quod Agrippa nimium iuuenis videretur, neque par isti oneri ferendo. Itaque interim dum adolescit, missus est in Iudæam Cz-45 saris procurator Cuspius Fadus, et Cassius Longinus successor datus est Marso Syriæ præfidi. Postea Claudius ad Iudæorum postulationem, intercedente et pro eis deprecante Agrippa, Fado rescribit (anno imperii sui quinto, 1111. Cal. Iulias Ruso et Pompeio Syluano Coss. quumque ipse Claudius esset Consul designatus 1111.) vt Iudæis permitteret stolæ pontificiæ custodiam. Herodes item Calchidis rex eodem tempore impetravit a Claudio potestatem in templum et sacrum ærarium, iusque eligendorum summorum pontificum, quod ius illi, posterisque ipsius mansit integrum ad finem vsque belli iudaici.

Per id tempus Helena Adiabenorum regina et Izates eius filius (quorum longam narrat Iosephus historiam aut fabulam) iudaicam religionem amplexi et professi sunt. Hæc quum Hierosolymam sacrificandi causa ve-46 nisset, inuenit urbem grauissima fame laborantem, quam illa subleuauit curans aduehi in tenuiorum gratiam ex Alexandria magnam frumenti vim, et ex Cypro ficuum passerum ingentem copiam. Cuius exemplum secutus Izates eius filius magnam pecuniæ vim misit Hierosolymam, structis etiam tribus tertio ab vrbe lapide pyramidibus, in quibus post obitum condi, vna cum matre Helena, voluit. Per idem tempus Theudas prestigiator atque impostor, quum multis persuasisset, vt se cum facultatibus ad Iordanem sequerentur, pollicitus fore, vt a se Iordanes diffunderetur, vt olim ab Elia et Elizeo distissus fuerat; a Fado Cæsaris in Iudæa procuratore, immisiss militibus fusus, captus et obtruncatus fuit, cum suis sequacibus.

Fado in procuratore Iudææ successit Tiberius Alexander Alexandri Alabarchæ filius, patriæ religionis, iudaicæ nempe, desertor. Huins et Fadi

*An.* Fadi tempore contigit memoranda fames, quæ Iudæam grauius afflixit.  
*Ch.* Ad eo sublatis sunt et in crucem acti Iacobus et Simon Iudæ Galilæi filii.  
 48 Huic Alexandro successit Cumanus, sub quo (anno Claudii octauo) obiit  
 Herodes Calchidix rex Agrippæ magni frater, relictis tribus superstitibus  
 liberis. Eius principatum Claudius tradidit Agrippæ iuniori.

Per id tempus Hierosolymis excitatus est festiuitatis tempore tumultus,  
 49 ob militis vnius romani impudens et petulans factum, in quo tumultu  
 viginti millia hominum in angustiis viarum, quum se inuicem compri-  
 merent, nullo persequente, collisa et compressa sunt.

50 Alius inter Iudæos et Samaritas ortus est tumultus, in quo Cumanus  
 fauens Samaritis multos Iudæos interfecit. Ob eum tumultum Iudæorum  
 et Samaritarum primores (inter quos fuit summus Iudæorum pontifex A-  
 nanius) a Numidio Quadrato Syriæ præside, qui tum Tyri erat, vna cum  
 Cumano et Celere tribuno, missi sunt Romam, vt causam coram Cæ-  
 sare dicerent. Claudius, intercedente Agrippa iuniore, causam cognita  
 Samaritis supplicio adfecit, Cumanum exilio multauit. Celerem capite  
 damnauit. Procuratorem in Iudæam misit Felicem Pallantis (Claudii  
 51 liberti) fratrem. Anno autem imperii sui xii Agrippam iuniorem donauit  
 52 tetrarchia Philippi cum Batanæa, Trachonitide et Abylene, quæ fuerat  
 Lysaniæ, Calchidem vero ei abstulit, quum iam quadriennium dynasta  
 illius fuisset, nempe ab Herodis patris obitu, qui vita excesserat anno  
 Claudii octauo. Claudius postea obit, quum regnasset annos xiii men-  
 ses viii dies xx. Huic successit Nero, qui Agrippæ partem Galilææ  
 donauit, cum Tiberiade, Tarichæa et Iuliade trans Iordanem, cum  
 pagis xiiii.

53 Felix Jonathan pontificem liberius monentem per sicarios interfecit.  
 Latrones et impostores, populum ad seditionem et rebellionem per to-  
 tam Iudæam excitantes, compefcit, inter quos Eleazarum Dinzi filium  
 latronem insignem, et Aegyptium quemdam magum et impostorem, qui  
 sequaces suos in montem oliuarum, quinto ab vrbe stadio disitum, du-  
 xit, quibus persuaserat iussu suo mœnia Hierosolymorum ultro ruitura,  
 54 eosque per mœnium ruinas irruptionem in urbem facturos. Porro Fe-  
 lix Drusillam Agrippæ iunioris sororem, egregiæ formæ feminam, Azi-  
 zo Emessorum regi nuptam quum vidisset, amore eius captus per Simo-  
 nem quemdam genere Iudæum Cyprium, magis vehementer suspectum,  
 persuadet Drusillæ, vt viro relicto nuptias suas præferat, quod et illa fe-  
 cit, atque ex eo filium suscepit nomine Agrippam, qui postea adultus  
 incendio vesuuiano periit. Ceterum quum inter Iudæos et Græcos Cæ-  
 sareæ orta esset seditio, et a Felice compressa, missi sunt ab eo ad Neronem  
 vtriusque partis primarii, qui causam Romæ apud eum dicerent, a  
 quo Iudæi cæsarienses iure illius ciuitatis priuati sunt. Agrippa autem  
 Ismaelem Fabaz filium constituit summum pontificem.

55 Felici a Nerone successor missus est Festus. Felicem autem disceden-  
 tem accusarunt Iudæi cæsarienses apud Neronem, sed is datus est Pallan-  
 56 tis fratris (qui gratia adhuc aliqua valebat apud Neronem) precibus. Fe-  
 stus latrones et sicarios, qui mirum in modum exercuerant, compefcuit.  
 Inter quos fuit Magus quidam impostor, qui homines post se trahebat in  
 desertum, pollicitus illis salutem, et ab omnibus malis liberationem, si  
 se sequi vellent in solitudinem, sed is, cum suis sequacibus, interfe-  
 57 ctus est a militibus, quos in eum Festus submisit. Per id tempus quum A-  
 grippa

grippa rex extruxisset Hierosolymis insigni amplitudine domum, prope  
 xystum, in regia quæ Asamonæorum fuerat, vnde amœnissimus pate-  
 bat per totam urbem, et in ipsum templum prospectus. Proceres hie-  
 rosolymitani indigne id ferentes, quod patriæ leges non permetterent, vt  
 quis e priuata domo, quid in templo ageretur, prospiceret, altum parie-  
 tem excitauerunt, quo non arcebatur modo prospectus ille domus re-  
 giæ, sed et occidentalis porticus, in qua romani milites diebus festis sta-  
 tiones suas agere solebant. Vnde offensus fuit non Agrippa modo, sed  
 et Festus ipse, qui parietem illum dirui iussit. Sed missis ad Neronem  
 super ea re legatis, Nero in Poppæ vxoris gratiam (quæ iudaicæ reli-  
 gioni fauebat) Iudæis pernisiit, vt sic maneret paries ille. Vnde factum  
 est, vt Agrippa pontificatum Ismaeli ademptum (cuius consilio et aucto-  
 ritate videbatur fuisse constructus paries) contulerit in Iosephum cogno-  
 mine *Cabi*, filium Simonis summi quondam pontificis.

Nero Festo mortuo successorem mittit Albinum. Pontificatus autem  
 Iosepho ademptus datur ab Agrippa Anano, Anani quondam summi pon-  
 tificis filio, secta Sadducæo, audaci, et feroci ingenio viro. Is quum  
 nondum Albinus venisset in Iudæam, indicto concilio Iacobum *Ἰησοῦ*  
 (inquit Iosephus) *τῷ λεγομένῳ χριστῷ ἀδελφὸν*, Iesu, qui *Christus*  
*dicebatur*, fratrem, cum aliis nonnullis capite damnavit, lapideisque ob-  
 rui iussit. Quod factum quum alii plerique improbant, tertio post susce-  
 ptum pontificatum mense ab Agrippa eo priuatus fuit, substituto Iesu  
 Damnæi filio. Sicarii, Albino licet persequente, inualescunt, et tota Iu-  
 dæa per eos latrocinii impletur, atque infestatur. Pontifices, atque in-  
 ter eos Ananias, opibus maxime potens (cuius exemplum reliqui sunt se-  
 centi) sacerdotes inferioris ordinis expilant, et debitis decimis fraudant,  
 per vim eas seruorum suorum ministerio abripientes, vnde non pauci, con-  
 sueto et legitimo comœatu priuati, inedia mortui sunt: Leuitis autem,  
 qui sacris hymnis canendis vacabant, linæ stolæ vsus, non minus quam  
 ipsis sacerdotibus, ab Agrippa concessus est, qui Iesu Damnæi filio sub-  
 stituit in pontificatu Iesum filium Gamalielis. Isti deinde Matthiam  
 Theophili filium, sub quo initium habuit iudaicum bellum, quo tota Hie-  
 rosolyma, templumque ipsum tandem euerfa sunt.

Florus a Nerone anno imperii sui decimo successor Albino missus est,  
 quam prouinciam obtinuit per vxorem Cleopatram Poppæ Augustæ  
 Neronis coniugis amicam. Pessimus homo, qui modis omnibus Iudæos  
 quum vexaret et opprimeret, coegit vel inuitos (aut potius vltro ruen-  
 tes impulit) aduersus Romanos rebellare. Initium belli fuit anno Ne-  
 ronis XII, Agrippæ autem regis XVII (ex quo scilicet Calchidis regnum  
 obtinuerat a Claudio, anno imperii Claudii octauo) frustra rege Agrip-  
 pa eos concione habita a bello dehortante, nam paullo post, quam Hie-  
 rosolymis discessisset, seditiosorum nonnulli Massadæ castelli munitis-  
 simum fraude occupant, Romanos, qui istic erant, omnes interficiunt.  
 Hierosolymis autem Eleazarus Ananæ pontificis filius, templi tum  
*στρατηγός*, iuuenis audax et factiosus, persuasit sacerdotibus, vt nul-  
 lius nisi Iudæorum hostias admitterent, ne illas quidem quæ pro Cæsare  
 et Romanis offerri solebant, quod temerarium factum quum principes ci-  
 uitatis, quietis amantes, intolerabile iudicaret, et argumentum aperte  
 defectionis esse viderent, nec possent tamen seditiosos a sententia dimo-  
 vere,

*An.* vere, legatos ad Florum Cæsaream, et ad Agrippam regem mittunt, rogantes vt propere, missis copiis, seditionem incipientem opprimerent. *Ch.* Florus, qui Iudæorum defectionem volebat, id neglexit, Agrippa autem misit mille equites, qui superiorem ciuitatem cum optimatibus et pontificibus, ceteraque multitudine, quæ optabat quietem, occuparunt et tenuerunt aduersus seditiosos, qui templum et inferiorem ciuitatem tenebant, per septem continuos dies inuicem confligentes. Sed die festo *ἑυλοφορίας* sicarii multi in templum recepti cum ceteris, vim regii militibus faciunt, et ciuitate superiore pellentes compellunt eos in Herodis regiam superiorem, incenso archiuo, Asamonzorum palatio, (quæ tum erat Agrippæ regia) et Ananiz pontificis domo. Postridie, Augusti xv die, Antiochiam obsessam per biduum capiunt, militesque romanos omnes interficiunt, et arcem incendunt. Regiam paulo post impetunt atque inuadunt, duce Manahemo Iudæ Galilæi filio, (qui capto Massada castello, et Herodis armamentario istic direpto, sicarios suos armatos Hierosolymam adduxerat,) eaque expugnata et incensa tyrannidem occupat Manahemus, sed mox ab Eleazaro templi præfecto, in ipso templo adorans interficitur, eiusque stipatores disiiciuntur, et Massadam repetunt duce Eleazaro Iairi filio, qui genere Manahemo propinquus erat. Romanos, qui regia expugnata receperant se in turres Hippicon, Phasaelum et Mariamnen, obsessos, tandemque se dedentes, seditiosi Hierosolymitani, ipso die sabbati, contra fidem datam omnes inermes interficiunt. Eadem die Cæsareæ Iudæi omnes, illic habitantes, ab ethuicis cæsariensibus instigante Floro interfecti sunt, numero viginti millia. Hinc exacerbati per vniuersam regionem Iudæi Syrorum vicos, et ciuitates finitimas, depopulati sunt, Philadelphiam, Gerasam, Pellam, Scythopolim, Gadaram, Hipponem, Gaulanitidem, Ptolemaidem, Sebasten, Acalona, Anthedona, et Gazam. Inde per vniuersam Syriam Iudæorum in ciuitatibus commorantium a Syris cædes promiscuæ, partim ex veteri in Iudæos, et eorum religionem, odio, partim rapinarum amore, partim vindictæ cupiditate. Soli Antiocheni, Apameni et Sidonii Iudæis incolis suis pepercerunt. Alexandriæ autem Aegypti metropoli excitata seditione quinquaginta millia Iudæorum vno die interfecta sunt, immisiss in eos duabus legionibus romanis.

66 Cestius Gallus Syriæ præfes, his motibus excitatus, Antiochia cum legione duodecima et auxiliis regis Agrippæ, aliisque copiis, venit in Iudæam, et Ptolemaide inuadit Ioppen atque incendit, Cæsennium Gallum mittit in Galilæam, quam Sepphori receptus pacat, et Cæsaream venit. Ipse Cestius festo tabernaculorum incensa Lydda, Hierosolymam tendit, cui ad lx stadium occurrunt Hierosolymitani, et dubia pugna decertatum est prope Bethoron, sed mox maioribus copiis eos adgressus Cestius compulsi in urbem, in quam et ipse irrupit IIII Octobr. inferioreque tenuit (vt et Bezetham et Cænopolim) per aliquot dies ciuitatem, indeque templum et superiorem oppugnauit ciuitatem, facileque cepisset, si fortius in oppugnatione perseueraasset, populo Romanis tum fauente, solis seditiosis repugnantibus.

Verum Cestius mox quam prope esset, vt templum caperet, sine vlla iusta causa obsidionei soluit, atque Antipatrida se recepit, multis Romanorum et auxiliarium in itinere amissis, et cæsis a Iudæis, qui eos insecuti sunt, cum impedimentorum maiore parte, adeoque et machinarum



rum, ballistarum, et armorum (quæ fugientes Romani abiecerant) magna copia, quibus postea in Hierosolymorum aduersus Titi obsidionem *Ch.* propugnatione vsi sunt Iudæi. Idque factum VIII Nouembr. anno Neronis XII.

Hac victoria elati Iudæi Hierosolymam reuersi, vrbis præfectos creant Iosephum Gorionis filium, et Ananum pontificem, bellicque duces varios et multos in singulas provincias, siue toparchias, dimittunt, atque inter eos Iosephum, (belli huius iudaici scriptorem,) in Galilæam amandant, in qua multis oppidis communitis et muro cinctis, rebusque omnibus ad sustinendum bellum ordinatis, Romanorum impetum exspectabat. Interim multi aduersus eum motus, multæ et frequentes vrbium rebelliones excitantur arte et fraude Ioannis cuiusdam Leuitæ filii, et inuidia nonnullorum ex principibus hierosolymitanis, qui Galilææ præfecturam ei ceptam volebant, sed eorum omnes conatus, artes et consilia fregit, atque elusit prudentia et patientia sua Iosephus, qui Ioannem illum coegit Hierosolymam cum suis ex Giscala Galilææ oppido, quod munierat, confugere. Hierosolymis autem Ananus vrbis præfectus omnia ad sustinendum bellum necessaria parat, mœnia instaurat, bellica instrumenta, tela et arma curat fabricari per totam urbem. Zelotæ conatur ad sanam mentem reuocare, sed frustra. Simonem Gioræ filium latrocinia exercentem, et tyrannidem adfectantem, missis milite, conatur comprehendere, at is cum suis ad latrones, qui Massadum tenebant, effugit, vnde illi totam Iudæam et Idumæam latrocinii infestabant.

Porro Cestius milis ad Neronem (qui tunc in Achaia erat) legatis *67* statum Iudææ turbatum renuntiat, Nero conturbatus Vespasianum eo mandat, Vespasianus autem, hoc accepto mandato, Titum filium Alexandriam mittit, vt inde quintam et decimam legiones in Iudæam adduceret, ipse pedestri itinere ex Achaia in Asiam transmittit, atque inde in Syriam et Antiochiam venit, vbi romanas copias et regum auxilia cogit, inde venit Ptolemaida, Sepphorimque Romanis fauentem recipit. Titus etiam Alexandria eodem venit cum duabus legionibus, copieque omnes cum regum auxiliis eo conueniunt, numero sexaginta millia tam peditum quam equitum, præter calones et impedimenta; Galilæam pervadit, Gadarensium urbem primo impetu capit, incendit, vastat, inde Iotapatam venit *XXI* die Maii, quam oppugnatam fortiterque a Iosepho, qui istic erat cum imperio, defensam, tandem post *XL* dierum obsidionem, vi capit, euertit et incendit, Calendis Iuliis anno Neronis *XIII*, Iosephum in specu latitantem capit, et vita donat, sed captivum tenet. Iotapata excisa Vespasianus exercitum Cæsaream reducit, atque istic duas legiones collocat, vt se ab obsidionis labore reficerent, tertiam eodem consilio et sine mittit Scythopolim, ipse autem Cæsaream Philippi proficiscitur, vbi ab Agrippa rege cum exercitu per viginti dies conuiuio exceptus est. Tum ad Tiberiadis et Tarichææ obsidionem se parat, et Tiberienses quidem statim se dederunt, ac precibus Agrippæ regis data est ciuitas, ne excinderetur. Tarichæa autem quum passâ esset se obsideri, vi capta excisa est.

His vrbibus receptis, vel excisis, tota Galilæa ferme ad Romanos inclinabat, præter Gamalam in Gaulanitide, et Giscalam atque Itaburium montem in Galilæa. Sed mox Gamala obsessa per mensem vnum, capta est *XXIII* die Octob. atque excisa, et paullo ante montem Itaburius fuerat

67 An. etiam a Romanis captus. Mox Titus Giscalam adgreditur, quæ a Ioanne Ch. cum suis seditiosis tenebatur, Titus oblati pacis conditionibus Ioannes si mulat se eas accipere, sed nocte sequente cum suis clam vrbe effugit, et Hierosolymam se recipit, Titus vrbi parci imposito ei præsidio. Inde Cæsaream venit, Vespasianus autem Cæsarea Iamnam et Azotum profectus, utranque subegit, Cæsareamque redit.

Interim per totam Iudæam dissensio oritur, alijs bellum cupientibus, alijs vero in Romanorum fide manere volentibus. Inde latronum globi et cunei per vniuersam Iudæam excitantur, qui prædas ex iis agebant, qui pacis studio tenebantur, deinde prædis onusti Hierosolymis recipiuntur, atque istic omnia cædibus, dissensionibus, discordijs et rapinis complent. Ac primo quidem Antipam, et non paucos alios nobilissimos et potentissimos ciuitatis viros, in vincula conficiunt, moxque indicta causa necant, calumniantes voluisse eos urbem Romanis prodere. Quinque populus in eos esset insurrecturus, illi templum occupant, eoque tamquam arce aduersus populum vtuntur, atque istic sorte summum creant pontificem Phanniam quemdam (alias *Phanazum*) hominem rudem plane et imperitum, neque sacerdotalis ordinis. Aduersus hos Zelotas (sic enim ipsi se vocabant) Ananus et nobiliores pontifices populum excitant atque armant, et in templo ipso oppugnant, adeoque et interiorem templi anbitum compellunt. Sed isti litteris ad Idumæorum duces clam missis, quibus Ananum proditoris infamabant, se vero pro libertate patriæ pugnantes in templo obsideri conquerebantur, aduocant in suum auxilium Idumæos, hi statim cum viginti millibus hominum aduolant, quibus clam per noctem in urbem et templum admissis a Zelotis, magna fit Hierosolymitanorum ab utrisque cædes, rapinæ, et incendia, nam octo millia ea nocte cæsa sunt, et sequentibus diebus Ananum aliosque ad duodecim millia ex nobilioribus interfecerunt, præter infinitam promiscuam plebeculam. Sed paullo post Idumæos facti sui penitentia subiit, quum Zelotarum scelera viderent, nec proditoris, (cuius optimates accusabantur,) indicium vllum deprehendissent. Itaque solutus, ad duo millia iis qui vinciti tenebantur in custodia, domum Hierosolyma relicta redeunt. His abeuntibus Zelotæ rursus in ciues nobiliores scire incipiunt crudelius quam antea, et nobilissimos quosque ac fortissimos necatos ne sepeliri quidem patiebantur, maxime vero eos, quos ad Romanos transfugere velle suspicabantur, nam obsessis viis transfugere volentes diligenter obseruabant, necatosque insepultos proiciebant. Interim inter ipsos Zelotas oritur dissensio, Ioanne illo qui ex Giscalis Hierosolymam profugerat, tyrannidem inter eos adfectante, alijs vero, qui cum antea pacem habuerant, superiorem ferre recusantibus. Verum illi sic inter se dissentientes, aduersus plebem, ad eam diripiendam, concordēs erant. Quin et tota Iudæa metropoleos fuit, Hierosolymorum nempe, exemplum veluti secuta, tota vbique latrocinij repletur, misereque vexatur.

His distordiis, quibus se inuicem conficiebant Iudæi, et transfugarum vocibus excitatus Vespasianus, quibus eum ad seruandam et seditione illa leuandam patriam hortabantur, accingit se ad Hierosolymorum obsidionem, et ne quid hostile post se (dum in obsidione occuparetur,) relinqueret, ad reliquias belli et tumultus in transamnana regione extinguendas Gadaram cum exercitu venit, eo accitus a moderatioribus ciuibus, qui pacem bello præferebant, atque inde diffugientibus seditiosis urbem

urbem capit, missoque Placido cum equitatu ad persequendos fugientes, *An.*  
obtruncat omnes, totanique transamnanam regionem, ad lacum vsque *Ch.*  
Asphaltitem (præter Machærunta castellum) occupat, constitutoque  
per vicos et præsidia in hibernis milite, Cæsaream venit, isticque hiemem  
agit. Vbi nuntio accepto de motibus in Gallia a Vindice excitatis, qui 68  
aduersus Romanos Gallos armauerat, ad conficiendum propere bellum  
iudaicum accenditur. Itaque instante vere milite Cæsarea educto Iudæam  
peruadit totam atque Idumæam, eaque vastata, copias reducit, ac  
per Samariam Hierichuntam ducit, vnde incolæ in oppositam Hierosoly-  
mis montanam regionem diffugiunt, sed eos persecutos, fisque disiectis,  
Hierichunte atque alibi castris constitutis Iudæos vndique cingit, quum-  
que Cæsaream reuersus pararet cum toto exercitu ad Hierosolymam obse-  
dendam proficisci, nuntiatur illi Neronis mors, quo nuntio accepto  
bellum in Iudæos distulit, Titumque filium ad Galbam, qui Neroni  
successerat, mittit, vt ab eo mandata de bello iudaico acciperet. Titus  
in Achaïam naui delatus audit istic Galbam interfectum, itaque statim  
ad patrem redit Cæsaream. Suspensi ergo, quasi nutante imperio roma-  
no, iudaicum bellum differebant, patriæque metuentes alienigenas ad-  
gredi non existimabant opportunum.

Interim Simon Gioræ filius (de quo iam aliquid supra dictum est)  
iuuenis audax viribusque præstans, Massada, quo ad sicarios confugerat,  
profectus in Iudææ loca montana, seruis ad libertatem vocatis, liberis-  
que præmium pollicitus, breui comparata latronum manu, paullatim-  
que auctis copiis, non vicos modo populabatur, sed et vrbes adgredie-  
batur, eoque breui potentie prouectus est, vt totam Idumæam sibi subiice-  
ret, Iudæamque vastaret, moxque Hierosolymam defenderet, atque  
istic prope urbem castris positus, terrori esset tum Hierosolymitanis,  
tum ipsis Zelotis; atque sic vtriusque premebantur ciues hierosolymita-  
ni, intus nempe a Zelotis, quibus Ioannes præerat, foris vero a Simone homi-  
ne scruissimo. Interim Idumæi, qui a partibus Ioannis stabant, et inter  
copias eius erant, ab eo disidentes et cum eo congressi multos Zelotarum  
perimunt, et Ioannis aula capta et incensa eum cum suis in templum com-  
pellunt, veriti autem vna cum ciuibus, ne noctu in ciuitatem excurre-  
ret, eamque vastaret, vt se ab eo tuerentur, consilio capto, Simonem  
arcessiunt, atque intra urbem admittunt, quo recepto templum oppugnant,  
sed fortiter pugnantibus Zelotis, frustra expugnare tentant.

Vespasianus autem Cæsareæ accepta Galbæ et Orthonis nece, Vitelli- 69  
umque ex Germania in Italiam venire occupaturum imperium, ab exer-  
citu Imperator salutatur, missoque Alexandriam Aegypti præfectum cum  
duabus istic legionibus in partes suas adliceret (quod et statim obtinuit,) ipse  
Berytum venit et Antiochiam, vnde Mutianum in Italiam cum co-  
piis mittit, ipse vero Alexandriam proficiscitur. In Mœsia autem An-  
tonius primus Vespasiani partes secutus legionem tertiam in Italiam ad-  
uersus Vitellium duxit, commissoque ad Cremonam aduersus Vitellianos  
prælio eos fugat et cædit, tum Romam veniens et Mutiano iunctus in  
media vrbe Vitellii exercitum fundit, et Vitellium ipsum per medium  
forum tractum iugulat. Mutianus Domitianum Vespasiani filium, inter-  
im dum pater ex Syria aduenit, principem constituit. Vespasianus his  
Alexandriæ auditis, Titum filium in Iudæam cum copiis mittit, ad con-  
ficiendas belli iudaici reliquias, ipse autem in Italiam nauigat.

*An.* Porro interim dum Titus Alexandria adhuc hæret, hierosolymitana factio trifariam diuiditur, nam Simon, quem Hierosolymitani aduersus Ioannem accesserant et ad miserant, superiorem tenebat ciuitatem, et inferioris partem aliquam; Ioannes autem cum Zelotis templum et inferioris ciuitatis partem aliam occupabat. Huius autem factio in duas rursus scinditur, nam Eleazarus, qui primus fuerat Zelotarum in initio dux atque rector, ægre ferens Ioannem audacia et artibus suis imperium ad se traxisse, omniaque iam pro arbitrio agere atque administrare, ab eo, adscitis secum nonnullis aliis, secedit, et cum suis interius templi septum occupat, atque inde aduersus Ioannem depugnat, numero quidem sequacium longe illi inferior, sed loci situ et qualitate superior. Ita Ioanni, qui templi exteriorem ambitum porticusque tenebat, duplex incumbere bellum, alterum aduersus Eleazarum, alterum vero aduersus Simonem: et sic quidem alii aduersus alios pugnantes pleraque, quæ circa templum erant, incenderunt, frumentum, aliaque ad victum necessaria corruerunt, quæ illis in multum tempus sufficere potuissent, quibus corruptis et absuntis, fame postea, quum a Romanis obsiderentur, oppressi sunt.

<sup>70</sup> Titus autem Alexandria Cæsaream profectus, atque istic coactis copiis, quatuor nempe legionibus, cum auxiliariis regum vicinorum, Hierosolymam contendit, contraque eam sexto, septimoque stadio castra ponit paullo ante azymorum diem festum, eoque infinitam hominum multitudinem, quæ ad festum de more adscenderat, in ciuitate concludit, a qua alimenta, et victui necessaria breui consumpta sunt omnia, unde statim fames feruissima ciuitatem oppressit, cuius exemplum horrendum et memorandum, matris filiorum deuorantis, per id tempus istio contigit. Ipso autem die festo azymorum, XIII Aprilis, quum Eleazarus, qui templum interius occupauerat, populo sacrificare volenti portas templi aperuisset, Ioannes temporis opportunitate vsus submittit cum populo de suis non paucos, qui sub veste gladiis occulte armati, et cum promiscua multitudine admissi Eleazarum cum suis inuadunt, interiusque templi septum cum multa Zelotarum cæde occupant: atque sic factio, quæ prius tripartita fuerat, ad duas rediit, Ioannis nimirum vnâ, qui numero fuerunt 8400, Simonis vero alterâ, quo cum erant decem milia hominum, et præterea Idumæorum quinque milia.

Titus autem propius ad mœnia accedens, iuxta turrem Psephinam castra ponit, et aggre propere iacto, ariete murum quatit, vique deiicit, et in urbem perrupto priore muro, cedentibus intro Iudæis, irrupit v. Non. Maias, atque totam septentrionalem vrbs regionem, vsque ad Antoniam arcem et vallem Cedron, occupat. Quinto post die turri quadam secundi muri a plaga septentrionali ariete concussa atque deiecta, vrbe noua inferiore potitur, a qua statim repulsus a Iudæis, quarto tamen post die eam rursus occupat, seque ad tertii muri oppugnationem accingit. Atque XII die Maii quatuor aggeres iaci iussit, duos ad Antoniam, qua templum, totidem ad Ioannis pontificis monumentum, qua superiorem ciuitatem capere se posse sperabat, et ad Antoniam quidem Ioannes, ad Ioannem autem monumentum Simon Romanis resistebat. Aggeribus illis XXIX die Maii perfectis per XVII dies, et murum iam quater incipientibus Romanis, Ioannes actus ex Antonia cuniculo, alterum deiicit et succendit, Simon autem biduo post, irruptione ex vrbe facta,

facta, duos aggeres sibi oppositos incendit, cum arietibus et machinis multis, adeoque et in ipsis castris Romanos Iudæi adgrediuntur, sed a Tito ab Antonia adueniente in urbem compelluntur.

Aggeribus sic corruptis et incensis, visum est Tito nouos erigere, quibus oppugnaret ciuitatem, et muro urbem circumdare, ne quis ea effugere posset, neue quid in eam inferri. Itaque tridui spatio urbem muro circumvallauit, ambitu XXXIX stadiorum, additis per circumitum XIII castellis ambitum X stadiorum complectentibus. Vnde fames in urbe inualuit, seuisimeque grassata est, ita vt ea non plebs dumtaxat et populus passim occumberent, sed ipsi etiam seditiosi premerentur, tantusque fuit fames et lue pereuntium in urbe numerus, vt a XIII die Aprilis (quo cepta est obsidio) ad Calendas Iulii, per vnā portam (referente quodam Maruzo transfuga, qui isti rei præerat) elata sint pauperum 115800 cadauera, quæ sumtu publico mercede numerata humabantur, præter eos qui a propinquis et familiaribus efferebantur, paullo post ab aliis transfugis cognitum est 94000 funerum portis esse elata: denique quum effereendis pauperibus sufficere amplius non possent, collatis et congestis in ingentes cumulos (in vacuis domibus) cadaueribus, ædes claudebant. Sepultura autem eorum, qui efferebantur, alia non erat, nisi quod de muris in subiectas valles ea proiciebant, quibus valles sic compleuerunt.

Interim Simon intus cædibus et rapinis non abstinebat, nam Matthiam pontificem, cuius opera in urbem admissis fuerat, proditiōis insinulatum, quasi ad Romanos vellet transfugere, cum tribus filiis, aliisque sedecim ex nobilioribus populi indeninatos necauit, tantaque scuitia grassata est, vt Iudas quidam vnus ex ipsius præfectis, crudelitatem eius pertæsus agitauerit de tradenda Romanis turri quadam, cuius custodiæ præpositus erat, sed a Simone occupatus, cum decem eiusdem consilii sociis interfectus est. Ioannes autem in templo necessitate adactus res sacras, vasa aurea, argentea, templique sacram pecuniam, in proprium et profanum vsu conuertit, quin et sacrum oleum et vinum, sacrificiorum libaminibus dicata, militibus suis coactus est distribuere.

Titus autem conquesta vndique materia, et excisis ad XC vsque stadium lucis et arboribus omnibus, aggeres nouos magno labore intra dies XXI exstrui curauit, et circa Antoniam quidem quatuor, singulos a singulis Antonie arcis lateribus erexit, quos quum Ioannes timide, perturbare et frustra adgressus esset, a Romanis repulsus, Calendis Iulii arietem adinouere cæperunt muro Antonie Romani, eoque concusso mox v die Iulii in Antoniam, frustra repugnantibus Iudæis, irrumpunt, indeque in templum refugientes Iudæos insequuntur; sed aliquamdiu repulsi Romani tandem post multam pugnam, XVII die Iulii (qua die in templo iuge sacrificium, *ἐν τελεχῆσμός*, virorum qui illud curarent penuria, defecerat) frustra seditiosos per Iosephum Titus adhortatus ad deditionem faciendam, septimo post die admotis aggeribus, quorum materia a centesimo stadio comportabatur, et eueris Antonie fundamentis, ad templum vsque faciem efficiens adscensum, et per Antoniam irrumpens, porticus septemtrionalem et occidentalem exterioris septi templi occupat, quarum pars, quæ Antonie iungebatur, a Iudæis inuulso igne incensa fuerat et diruta, pars altera biduo post a Romanis incenditur XXIII die Iulii, Iudæis incendium non restinguentibus, sed serpere

finientibus, ut sic porticus ab Antonia omnino dirimerentur. XXVII autem die Iudæi rursus occidentem porticum ad pontem usque, qui in xystum ducebat, exurunt, vnaque Romanos plurimos, qui in eam (refugientibus vltro Iudæis) adscenderant; postera vero die Romani septemtrionalem totam ad orientalem usque incendunt.

Octauo autem die Augusti, quum nec arietibus pulsando interioris septi murum quidquam promoueret Titus, neque portarum fundamenta suffodiendo, propter lapidum magnitudinem et validam iuncturam, neque scalis in porticus adscendere potuissent Romani, Iudæis desuper fortiter repugnantibus, quod distulerat loci reuerentia motus, tandem necessitate coactus interioris septi templi portis ignem admoueri iussit, quibus incensis simul iunctæ illis porticus inflammantur, spectantibus et stupentibus Iudæis, nec incendium præ stupore prohibentibus, aut restinguere conantibus, totaque illa die, et sequenti nocte, arserunt porticus. Quumque cum ducibus decreuisset Titus templum ab incendio seruare, obtinere tamen id non potuit, die enim X Augusti, quum Romani, qui in exteriori templi septo excubabant, a Iudæis lacessiti impetum in eos fecissent, qui ignem interioris septi exstinguebant, eosque in ipsum templum compulsi, romani milites, rapto ex incendio ritione, a socio sublati in humerum per fenestram auream ignem in domos seu cellas circa templum constructas a septemtrionali parte reiecit, quas corripens statim ignis templum ipsum illis iunctum, (frustra Tito incendium restinguere militibus iubente) simul inflammat anno Vespasiani secundo, eodem mense, eodemque mensis die, quo prius a Nabuchodonozore fuerat incensum, annis MCXX mensibus VII diebus XV postquam primo fuerat a Solomone exstructum, annis vero DCXXXIX diebus LV postquam secundo fuerat iussu Cyri (anno ipsius secundo) hortante Aggæo Propheta, constructum. Magna in porticibus, et circa altare, hominum strages facta est, dum seditiosi interini, impressione in milites romanos facta, primo in exteriori porticum orientalem, atque inde in ciuitatem, se recipiunt.

Miserabilis istius templi et ciuitatis excidii multa fuere Iudæis prodigia et ostenta diuinitus missa, quibus tamen nequaquam se moueri passi sunt. Nam primo, Iesus quidam Anani filius, homo plebeius et rusticus, quadriennio ante Iudæorum a Romanis defectionem ceptumque bellum, in summa vrbs pace atque opulencia, Albino præfide, die festo tabernaculorum repente (quasi *ἐν τῇ σιναῖ*) cepit exclamare, *Vox ab oriente, vox ab occidente, vox a quatuor ventis, vox in Hierosolimam et templum, vox in totum populum*, atque hæc diu noctuque clamitans et inculcans omnes ciuitatis vicos circumibat, horrendum *Va Hierosolymis* perpetuo intonans: neque minis vllis aut verberibus plagisue, quibus excruciatu fuit ab Albino, detereri potuit a proposito et incepto, quin per annos septem et menses quinque continuos idem perpetuo inculcaret, donec obsidionis tempore, quum supra murum circumiens *Va ciuitati ac populo, et templo* clamaret, subito lapsus tormento emissus clamantem *Va etiam mihi* oppressit. Deinde, ante bellum cometes, gladio similis, visus est annum totum vrbi imminere, tum et azymorum die festo, VIII Aprilis, hora noctis nona subito altare et templum lux tanta circumfulsit per dimidiam horam, ut clarus dies videretur. Item bos ad altare adducta agnum in medio templo enixa est. Porta etiam orientalis ænea, eaque grauissima, quum vix a 20 hominibus sub vesperam clausa fuisset, pessulisque ferratis crassissimis obserata, sponte hora noctis sexta patefacta est. Paucis autem post festum diebus, nempe XXVII die Maii,

Maii, visi sunt paullo ante solis occasum currus, et acies armatae, per aera in nubibus concurrere, ciuitatemque circumdare. Quin et pentecostes die sacro, nocte sacerdotes interius templi septum ad sacra celebranda ingressi, primo quidem motum strepitumque senserunt, mox vero subitam vocem audire clauantem, *Migremus hinc*. Sed ad hæc omnia Iudæi amentes excutiebant, et obsurdesebant, in propriam perniciem vitro ruentes, oraculo quodam ad bellum istud excitati, quo imperium orbis terrarum promittebatur cuidam, qui ex Iudæa tum temporis exoriturus esset; hoc enim illi ad se pertinere arbitrabantur, quum potius (ex Iosephi quidem sententia) ad Vespasianum spectaret, qui in Iudæa Romanorum imperator ab exercitu renuntiatus est.

Porro Titus expilato et incenso templo, signisque in orientali templi porta constitutis, peractoque istic sacrificio, Imperator ab exercitu proclamatur, moxque seditiosos, qui in superiorem ciuitatem confugerant, de ponte, quo templum ciuitati coniungitur super xystrum, per interpretem ad deditionem cohortatus, quum recusarent se illius fidei committere, licet vitam illis indulgeret, postularentque ut sibi cum liberis et vxoribus vrbe in desertum exire liceret, indignatus Titus extremum illis denuntiat interitum, totamque inferiorem urbem et Acram, quam occupauerat, iussit incendi. Superiorem autem ciuitatem in prærupto vndique loco sitam oppugnare cepit, aggeribus xx die Augusti iaci ceptis, perfectisque VII die Septemb. machinas mœnibus admouet, perruptoque muro, et diffugientibus præ metu et consternatione tyrannis cum suis satellitibus, Romani VIII die Septemb. irrumpunt, omniaque ferro et flamma vastant.

Capta sunt in vrbe expugnatione toto belli tempore nonaginta septem millia hominum, perierunt in obsidione octoginta nouem millia. Ex omnibus enim partibus Hierosolymam ad festum azymorum confluerant Iudæi, ubi a Tito urbem obsidione cingente conclusi, primo quidem, ob loci angustiam, pestifera lue, deinde etiam fame, consumti sunt. Tantam autem, duploque maiorem, solitam esse eo confluere hominum multitudinem, compertum est sub Cestio, iussu eius numeratis festo azymorum agnis paschalibus, quorum singulis abstumendis deni, ut minimum, ex legis præscripto conuenire debent, sæpe etiam viceni conueniunt, numerata sunt autem tum temporis hostiarum 256 millia, ex quibus conficitur adfuisse festo 2700 millia hominum ab omni legali immunditia purorum.

Sic capta est a Tito Hierosolyma anno Vespasiani patris secundo, Septemb. die VIII quæ sexies in vniuersum capta fuit, bis autem euersa. Et capta quidem, at non euersa, fuit primo, ab Aegypti rege Afochæo; secundo, ab Antiocho Epiphane; tertio, a Pompeio; quarto, ab Herode et Sosio. Euersa autem primo fuit a Nabuchodonozore; secundo, a Tito Vespasiano. Condita fuerat primo a Melchisedeco rege Salem, dein aucta a Davide rege. Euersa autem a Babyloniis fuit annis 1468, mensibus sex, ex quo primum condita fuerat, annis autem 477, mensibus sex, postquam a Davide Chananæis fuerat erepta. A Tito vero Vespasiano euersa fuit annis 1179, postquam a Davide occupata fuerat, a prima vero eius constructione ad vltimum eius excidium anni sunt 2177.

Capti sunt in cloacis latitantes tyranni duo, Ioannes et Simon, quorum ille perpetuis vinculis damnatus, iste triumpho adseruatus est, atque in eo necatus. In iisdem cloacis inuenta sunt duo millia hominum, qui vel fame contabuerant, vel mutuis vulneribus occubuerant, ne se Romanis dederent. Urbem totam, et templum funditus euerti et complanari iubet. Ti-

tus,

i. s. (eique: de more induci aratrum,) excepta occidentali dumtaxat muri parte, turribusque tribus, Hippico, Phasaelo, et Marianne, quas ob elegantiam, et fortitudinem insignem, voluit posteris relinqui. Inuentum magnificentiæ urbis illius.

Ipse autem relicta Hierosolymæ decima legione, ut esset toti regioni præsidio, duodecimam, quæ infeliciter sub Cestio pugnaverat, tota Syria pellit, et ad Euphratem in Armeniæ confinio ablegat. Ipse cum v et xv legione Cæsaream venit, quo omnem prædam et manubias, captiuosque coegit, ubi et Beryti et Antiochiæ, et per omnes Syriæ ciuitates magna cum pompa exceptus, patris Vespasiani natalem imperii diem magnifice celebravit.

Indeque per Iudæam et Hierosolymam v et xv legione comitatus in Aegyptum Alexandriam contendit, atque inde Romam nauigat, ubi omnium votis exceptus, summa cum pompa triumphum egit de Iudæa subacta: Templum Paci magnificentissimum a Vespasiano exstructum est, in quod pretiosissima quæque, et in toto orbe maxime visenda contulit et congescit, adeoque et templi Iudæorum vasa omnia et instrumenta aurea. Vela autem illa pretiosissima, quæ de templi portis pendebant, una cum legis libro sacro, in palatio seruari iussit.

In Iudæam autem legatus missus est Lucilius Bassus, qui accepto a cereali exercitu, castellum Herodion cum præsidio deditione accepit, mox Machærunta, fortissimum castellum ultra Iordanem, oppugnat, tandemque capit. Ei postea mortuo succedit in administratione Iudææ Publius Sylua, qui inexpugnabilem prorsus arcem Massadam, ab Eleazaro Iudæ Galilæi nepote sicariorum duce occupata, tandem vi expugnat April. xv die, omnibus qui in ea erant arce sicariis, numero 960 cum vxoribus et liberis, Eleazari hortatu sese mutuis vulneribus ad vnum conficientibus, incensa prius cum omni suppellectile arce, ne in Romanorum potestatem venirent. Atque ita omnes belli iudaici reliquiæ sublatæ sunt, totaque Iudæa est pacata. Sicariorum autem multi e Iudæa dilapsi, et in Aegyptum profugi Alexandriam veniunt, ubi Iudæos ad defectionem sollicitant, sed plebs a primariis persuasa in sicarios illos irruit, 600 eorum capit, quos Romanis tradit supplicio adficiendos, reliqui per Aegyptum et Thebas dilapsi capiuntur etiam, eaque de re monitus Cæsar iubet Lupo, Alexandriæ tum rectori, ut templum Iudæorum (quod in Aegypto olim ab Onia, summi pontificis fratre, exstructum fuerat) dirueret. Sed Lupus ablatis tantum quibusdam donariis templum claudere contentus fuit. At Paulinus, eius in administratione successor, ablatis omnibus donariis, foribus occlusis ita inaccessum fecit, ut ne vestigium quidem religionis istius remaneret, idque annis 343 postquam primo conditum fuerat.

F I N I S.



785459



X

"

"

2008

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"

"


"

"

"

"

"



N. 10538. L. 1.

